

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二一九冊



責任編輯：孫言誠 賀 偉

ISBN 7-5333-0615-5



EB46/05

四庫全書存目叢書·集部二一九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 46.875印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第二一九冊目次

集部·別集類

鶴靜堂集十九卷

〔清〕周茂源撰
山東省圖書館藏清康熙天馬山房刻本

一

願學堂集二十卷使交紀事一卷使交吟一卷安南世系略一卷南交好音一卷

〔清〕周燦撰并輯
北京圖書館藏清康熙刻本

二五八

月巖集五卷

〔清〕周禮撰
南京圖書館藏清乾隆蔡溪刻本

四七五

容菴詩集十卷辛卯集一卷

〔清〕孫爽撰
北京圖書館藏清順治十六年刻本

六三七

鶴靜堂集十九卷

〔清〕周茂源撰

山東省圖書館藏清康熙天馬山房刻本

附《四庫全書總目·鶴靜堂集

十九卷》提要

序

余方總角時周子鷹垂自其尊人括山東省立圖書館藏攜余姓氏歸省外舍出其橐中詩就正於家大夫吟唔不稍休時余甫入家塾從事帖括藝不暇爲詩也又三四年益山先生解組歸里門築室于山之麓絕意仕宦日餐雲蔭竹嘯傲自得詩古文愈益富余以周子故得時從長者游間吟一二短章先生輒欣賞諷詠指示坐客以爲大佳而家大夫方淬厲余兄弟不樂其耽玩聲韻故不獲竟學無何萊陽宋觀察荔裳先生王序、爲怨家構落職買舴艋游江湖間先生與家大夫皆曩官京曹時舊友也因家五茸者半載每流連文酒握手歌呼余亦數追隨兩先生杖履側操翰鬪捷一時稱盛事尋觀察別去余亦偕周子僦裝應京兆試不數月先生竟以病不諱聞周子麻衣馳赤日中踉蹌南返余不獲絮酒几筵爲嘑嗟悵望者久之其明年冬觀察以奏計朝輦下道邁病閉戶不通客又以蜀土變亂妻孥幾百口隔絕於瞿塘灩澦萬里外遂沉憂以死今其所遺詩文竟不知尚存與否而先生

之詩以鷹垂能世其學故後先輝映而名益彰嗚呼
十年間老成凋謝聚散死生一至於此悲夫今年秋
周子復來京師既被放益豪於詩發其抑鬱磊落之
氣而余塵事鞅掌詩日落周子顧以余爲可與論詩
以先生集若干卷屬余序夫先生之詩猶江河之行
地日月之經天固千載而不滅也何待於余言第序
其區區知已之感於不衰云爾

康熙辛酉季秋下浣同里年姪王鴻緒拜譔

王序二十



鶴靜堂集

雲間周茂源金山著

男 緯

孫 雅

鼎鉉 雅雯 雅廉 雅霖 雅森

編次

校訂姓氏

程文彝梓園

顧家駿子韶

受業門人

王 與后張

宋思玉楚鴻

錢金甫越江

吳家吳非蒙

彭開祐椒崑

張世維水懷

鶴靜堂集

張世璠孝郎

葉臨仙宣遠

弟 茂澄天來

振璣麟聲

金然廣菴

茂齡王引

纁我園

彛策銘

姪

續肇書

綺韻書

振緒昌匡

昂軒三

姪孫

稚邠西稼
稚炳灝音

稚焜西江
楊鳴殿陟

鶴靜堂集卷之一

雲間周茂源宿來氏著

吳家吳非蒙校

張世維冰懷

五言古詩

湖上會彭燕又適袁若遺至同憩湖心亭

朱明既徂令涼颼來襲人旅食寡歡豫振轡出城闔
郊垌散遐矚行藥澄湖濱命侶探蘭若翛然同隱淪
有客聯騎至玉軼揚清塵遵渚偕歷覽放舟泛平津
林巒四面會澹澹曠無垠雲霞互晻曖樓觀懸空旻
鶴靜堂集 卷之一 五言古詩 一

園居詩

生年不滿百每爲婚宦牽胡不棄羈繼終得返自然
應龍豈長參高鳥亦戾天嗷嗷謝微祿耕我隴上田
川疇日以廣筋骨日以堅人生各有役戶樞常永年
結髮念儔侶無如沮溺賢

又

依山結吾廬茅茨不復剪灌木噉玄蟬息陰有餘善
平坡來遠風啓牖睨層巘尚臥忘百憂皇初自游衍
虛室張素琴竹肉徒婉孌

又

寒裳問鄰叟種植隨土宜良苗一以槁葵霍匪療饑
哀我田家子口食病夏畦日暮聞輕雷時雨乃徧施
濕薪負數秉晨炊常苦遲

又

東籬有繁英采之不盈掬濁酒盛滿罍攜手招隣曲

鶴靜堂集

卷之一 五言古詩

二

爾汝相和歌先民無禮俗雞豚散平原密蔭交桑竹
荷鋤經術阡閉戶寡微逐我慕榮啓期一飲善自足

又

屢空常晏如余懷豈杼軸生計事耘鋤或不辨種植
輪鞅終歲稀誰知寒與燠書策自紛紜聊取娛我目
陋彼南山歌飯牛何刺促

同郡五君咏

董尚書玄宰

宗伯揚清暉德劭身亦固微言洞元始雲物麗吁嘆

龍見無常儀鳳舉有恒度乘石匪足榮千齡寶綠素

陳徵君仲醇

徵君達者流早歲謝塵鞅東菑協耦耕束帛非所尚
雅抱敦薄夫清言亦沈瀟磊磊白石間海山存逸響

夏考功瑗公

夏子執亮節榮名善自保舉身赴清淵大勇存懷抱
虛室有遺經揚烏乃速歿我行崑山陰西州起悲悼
陳黃門臥子

黃門好奇計文采爲國琛骨鯁終見棄離憂思難任

鶴靜堂集

卷之一 五言古詩

三

精衛窮木石衝波一何深九京不可作同懷愧華簪

李舍人舒章

李生乃數奇途窮每瞻顧蕭騷梁父吟躑躅金門步
飄然返故丘悲鳴戀儔伍吹簫良有因稅覓更何慕

淮上別劉何賓

載簪同出門得爲比舍郎自分膠漆固羽翮俱飛揚
豈意丁荼苦參辰不相望今我適京輦子方還故鄉
艤舟淮水湄薄暮登君堂華燈爛明燭嘉羞載圓方
旨酒諒無筭憂來不能嘗涼秋霜露降艸木多墮黃

朔風被中墊飛鴻正南翔之子戒我行河流日湯湯
率復憚于役所慎在行藏我生守貞信鼠憂心內傷
杖杜生道左特立以傍徨願子崇今德終然謨廟廊
輓成環洲先生

鶴靜堂集

卷之一 五言古詩

四

夙昔旅河朔蒲城久遨遊此方盛冠蓋高門無與儔
豐貂交玉榮鳴鏜動華輶光風拂蘭席白日麗朱樓
夫子懷直諫文采重天球當代貴名德作牧古雍州
如京奉珪幣弭節歸林丘伊予忝賓從幸舍頻淹留
維時凜冬暮兵革充道周空廬眇天末征塗嘆阻修
酌我金罍酒被以青豸裘冰雪明庭雷觴詠耿不休
子姓四五人升堂樂唱酬翩翩同游彥託乘擬應劉
射獵時間作躍馬出長楸一發殪蒼兕雨血殷錦韉
少年爭決拾矍鑠見老謀迢遙千里別荏苒歷數秋
策杖多暇豫懸車更夷猶三歲字不減贈言在息陬
如何龍蛇厄帝鄉不少留芝幃紛翠葆六驥間駟騊
梁木與悲慟欲往道無由我行大河湄鞅掌日慮囚
鏃矢不踰竟心痲終莫瘳涼飈振中墊河水逝悠悠
生芻寄行李涕泗縱橫流

開封太守朱石者修學宮三十韵

有明叔葉時中原寇雲擾重圍困大梁四鄙不復保
敵人灌吾城壞城以爲沼黃河水滔天蕩析無昏曉
都市龍鼉游名藩喪其寶立國重類宮講藝尊王道
俎豆古聖賢登堂深窈窕世否丁陸沉廟貌莫從攷

皇輿式啓新克孽迅若掃草路初奠寧占星乃樹
表河壖總混茫千雉如烟島百官勤五遷割壤列旌
旄守郡號專城孑然候空堡亦有二三人褰裳來獨
早賢者亢土居維憂以用老時或見狂且食鴈翻得

鶴靜堂集

卷之一 五言古詩

五

飽十稔八九荒徧墊皆茶蓼况乃濶太平文明觀再
肇太守南州英行道舒夙抱濟災既有成鴻業靡弗
紹天下宗素王日月麗晴昊仁義迪遠謨遊梁功不
小卽事感廢興布著獲嘉兆詎需水衡錢屬植咸堅
好丹碧耀崇阿瑜石爲綵繞左圖泰山雲右壁回靈
鳥伐鼓鏗華鐘禮樂殺豐鎬一如東魯侯允文采芹
藻艸昧藉經綸詩書啓渾灝黼黻諒有餘作人廣壽
考

憂旱詩

炎曦揚烈威畢曜違南陸雨澤匱兼旬融風摧卉木
枯鱗出重淵大火病雲族林麓無良疇凶旱歲相屬
農人敢憚勞寄生賴種桂枯槁智已窮口食安可卜
厲魃儼在郊羣龍尚潛伏天漢嘗昭回誰能愛牲玉

又

伊余秉誠信夙止日告虔百神靡弗舉符籙陳廣筵
佞童舞間作伐鼓聲闐闐未明三盥沐且出周國鄺
軒車久不御劍騎咸舍旃昊蒼胡匪鑒曷疏山下泉
陽岡旣焚灼陰隲亦赫燁仰媿灌壇今俯憂乾封年

鶴靜堂集

卷之一 五言古詩

六

蘄州盧氏殉難始末

伊昔蘄黃間寇禍最慘烈官兵爲先驅食冒同餐餐
賊從上游來萬竈化魚鱉盧公偉丈夫嬰城誓死節
賊衆如蟻附交衢徧流血骨肉相因依一朝半屠滅
公奮瀕死餘拒賊氣勇決登陴最健兒瞋目皆爲裂
嚴關倏焉摧鏃矢亦告竭逢掖長賤貧與城共存沒
長公間道歸遺骸裹衰絰負土瘞舊阡殉難叙始末
或死或竄亡歷數多嗚咽烈婦楊與袁大義明霜雪
楊爲紱也妻紱去成永別自投燎火中珠胎並燔焚

袁也歸震初堅貞儼積鐵從容拜姑嫜溺井求蠲潔
漆簡與丹旌采風宜首列夫何金鏡淪幽光殊未徹
純孝揚令名孤忠欽曩哲况乃黃鵠操挺然不可折
庶幾楚倚相紀美無遺缺援筆愧如椽奚庸表碑碣
冬夜過董律始山居與顧東籬同飲

高春發青溪曉際離東郭鼓柁遵細林川塗漸冥漠
巖洞餘夕暉山樓隱丹堊峩峩白石峯棲遯彌可樂
董生宅其中文史富述作所期鹿門耕寧數子雲閣
絕壁懸流泉平沙立鳴鶴我來良夜徂園林氣蕭索
鶴靜堂集 卷之一 五言古詩 七

高天隕微霜涼風動簾幕主人西鄰歸造次具杯酌
坐有東籬子墊服甘藹落抗論多欬歔百觚恣善謔
明月下南榮雞鳴聲唧唧相送出衡門招隱詎虛諾
埋照全天年聊以謝浮薄

憶仙都舊遊作

彌歲隸棘林一麾守山谷幸與雲霞親匪期升斗祿
南明暨括蒼洞天盈我目名勝首仙都千峯麗遐矚
丹竈金蓮華軒皇受圖錄馳驚四五年登臨苦未足
去轍度縉雲勞人謝徵逐茂宰真逸才留我車前談

駕言仙都遊除道飭林麓川漲值秋霖危梁幾斷續
徒御褰裳行狎視等平陸捫葛循懸崖前後趾相屬
遂踰仙梯巖巖巖翠襲輕縠忘歸洞杳冥鍾乳滋石屋
嵯峩昂湖峯童子及其腹記云童子峯及湖之半古碑篆籀文
剝鉅苔蘚綠絳霄吐芙蓉列嶂紛攢簇石髮翳靈葩
厥根蟠地軸鐵峽隱重闌黝然紫灌木上聞好鳥鳴
其下擾羣鹿濟勝固有餘搜奇難殫錄放溜改回塗
飛舸抵一蹴孤岑媚夕陽婉孌澄江曲張席進羽觴
停橈舉華燭不醉且無歸娛耳非絲竹今我徒臥遊
鶴靜堂集 卷之一 五言古詩 八

斯遊安可續

輓壽王弟

我昔方弱冠汝生甫四年兩昆弦誦暇攜汝戲我前
目如巖下電欲度驂驪先英物必蚤慧朗陵多後賢
如何丁未造家室屢播遷父兄相繼歿薄殖同逝川
扣角歌白石帶經犁墓田擬上河清頌耻作封禪篇
雄心驚千里六副期高鶩杖策歷江表長佩驚四筵
旨酒共娛樂賦詩孰比肩栖栖倦行役利器韜龍淵
奇才終見弃矍屈甘林泉衰宗絕今望短折命在天

鵬鳥一朝降美人不少延季弟泣告我形影私自憐
孤兒未成立埋骨猶茫然著書乃夙尚所蓄存遺編
亡季一以慟春艸徒纏綿

東陽道中紀行

結軫吳山麓方舟越江潯沿易素舸言適會稽陰
陂塘既四溢霖雨猶蒸淫羣峯正蒙曖蕭寺淹及旬
夜涼識天霽晨炊起問津暨陽乍歷險乃與烏傷鄰
憑軾東陽郡悅茲土風淳縉雲眇天際惡溪費招尋
既輕千里役登涉豈憚煩緣流適宿莽拾筏驚平林
鶴靜堂集 卷之一 五言古詩 九

舟行適永嘉卽事

南郭遵丘阿揚舲發江渚稍見版築興津塗鮮師旅
余榜指東甌離淙變寒暑茲焉屆蕭辰騷怨多遺緒
未逢故所歡有懷不得語長流邁飛湍列嶽難延佇
暝與石門期凌旦達孤嶼夕靄蕩餘暉朝霞絢平楚
山川可娛人靈籟如律呂既饒濟勝姿閱覽慕儔侶
安得遵同心樂與共爾汝所思勞潮洞聊復自咨與

懷方邵邨侍御

相違爽鳩署人事多迢遞音徽一再及示我零雨篇
側聽西臺薦嘉謨庶勉旃胡爲復遽閔百口窳窮邊
飛蓬轉萬里搖落難久全寒裳度遠水北嚮憂茫然
黃沙蔽白日暑路常水堅汝兄吾兄事鬢髮皆已宣
汝親吾父行傷哉及暮年徬徨形夢寐中道恐棄捐
肆赦一朝降死生信在天驅車入關塞骨肉相周旋
田廬既蕪沒江淮且播遷交遊半凋謝逝者如流泉
竭來南屏麓浩渺觀山川遊戲弄柔翰拂几生雲烟
鶴靜堂集 卷之一 五言古詩 十

登郭公山覽臨城言懷

伊昔郭景純東甌表仙籍肇域起高壖沉謀來相宅
白鹿爰効靈神龜乃食墨雲物久和寧封守無凶慝
顏謝富文辭鵬流二千石邦人工誦詩哲又喜潛逸
水木自清芬怡愉貴所適嗟哉遠今辰肩摩已衰息
隼旟張路隅騎士何克斥十屋八九空芻蕘倦供億
大師稱維垣夸毗誠民賊人牧良慎旃無然忘悵惻

苦寒

我行適南服絺綌生微涼山川倦遊覽艸木多隕黃
商飈一以至莎雞鳴我床弭策且延佇駒隙殊未遑
誰云甌土煥重續無嚴裝堅冰旣已合寧獨驚履霜
薄帷障虛館墜戶鮮閉藏中夜不成寐攬衣起徬徨
遊子倦行役歲晏思故鄉雖復羣動息萬籟增感傷
噉噉雲中鴈天風吹枯桑

題李生風木庵

李生一豎子履孝翼願綱鮮民負至痛哀毀終執喪

鶴靜堂集

卷之一 五言古詩

十一

兵火忽見及焚巢載罹殃九死赴烈焰木主出宗枋
抱之奔中埜雨泣摧肝腸裂麻裹雞骨埜廬宿墓旁
炊烟日一舉魚菽慰烝嘗甘露降林艸白鳩爲翱翔
我哀李生志風木題空堂伊予喪怙恃窀穸愧厚藏
宦遊踰一紀松楸未成行誓墓及衰老殷憂念繁霜
斯人不可泯南陔詩未亡

懷韓叔夜

韓子梁園客文采艷春華去家三千里作吏東海涯
民窮憂井稅寇至攻我瑕行間累宣索瑣雜如亂麻

日出趨軍壘嚴更未散衙椎牛供饗士劍舞喧鳴笳

退食無一飽呵誚橫相加棄官望鄉井留滯越山嶺

客久衣裳單家貧爨烟冷相遇浙水湄相憐如形影

念爾北渡河寒冬朔風猛馬箠手自操僕夫泥沒脛

村里慰藉多撫襟發深省委質許致身得歸實厚幸

故鄉十載餘稍無風塵警身閒理荒疇負郭存二頃

懷趙錦帆

吳越多秀民麗藻矜奇服趙子起中原儔望激頽俗

黃河流湯湯崧嶽嶺巨地軸負質以高深雄文光四國

鶴靜堂集

卷之一 五言古詩

十二

鴻鸞戾雲衢騏驎騁逸足昔同秋官郎大義互敦勗

懷才具棟梁寧苟受微祿十稔相際離年華一何速

仕路浩無津輪轅各傾覆客從河朔來念子亂心曲

操瑟違新歡投壁罹再辱罷官歸田廬應門鮮僮僕

蔽體僅褐衣所有皆樸樸堂上白髮親勉進梁肉

時作嬰兒嬉爾咳亦芬馥貧賤有餘榮躬耕復還讀

若書俟千秋璿珠媚幽谷

漁棚廟江干眺望

步出北辰門爰憇漁棚廟請言廟所興其事甚微與

仙槎天表來榮光浮海嶠漁人警風靈鑄金崇像教
採珠並伐蛟揚颿出荒微忠信歷危瀾歸航亟祈報
所以郡郭隈巋然存廟貌戊戌六月間賊人三匝繞
舉烽先自焚廟毀隨原燎雖作牧馬場諸將遄汎埽
稽顙祀明神戈舡或徵調聚沙啓弘圖磨礪遜速效
繡礎及雕楹踵事倍華耀攜手偕良朋觚爵助登眺
廟門俯江潯羣山皆窈窕席布瑤階雲烟紛浩浩
引睇有奇懷觴行縱諸筵夾右羅浮青中流孤嶼峭
麗矚良在茲遊者未前導一鳥橫空江千林返夕照

鶴靜堂集

卷之一

五言古詩

主

悼王篤蕃

龔余滯山谷煩辱難具陳雖復影纓客役與興臺均
荒壤狃卑鄙幽栖鮮俊民偃仰負夙好微吟采江蘋
友邦邇邇越我遯多雅馴斯文邈千紀時哲揚清塵
亦有瑯琊彦才美信軼倫席寵居華閥升堂嚴雜賓
單思味六籍搗藻謀古人勞歌一再發因風達東隣
伊人亟賞激道契疑有神薄遊自今始弭楫蜃川濱
惻惻二三子著書恒苦貧調饑懷彼美未嘗接素茵

願言見顏色宿草非一春臨絕有遺詠埋玉還其真
知己竟下世痛若平生親

賦得夾竹桃

亭亭一叢竹緋桃互繁紆竹色清可悅桃枝媚有餘
交柯結不解花葉相乘除在物有連理人生反不如
嚶鳴慕儔匹杖杜悲單虛結交期白首松栢諒不渝
一旦茗華改飄萍與之俱君子遠行役各在天一隅
彼美不我卽同心而離居

所見

鶴靜堂集

卷之一

五言古詩

古

降人到城下乘坐官家馬倒執黃金鞭容顏如渥赭
葡萄錦作襦休沐歸華廈將吏供張虔璽綬忘其假
萬開來憲副去甌歸上黨六年所詩以奉懷
萬公天人姿樹績謀不朽舊勲多虎臣拒鬯錫二卣
高咏水部詩從容佩瓊玖賤子列秋曹橐筆動趨走
躍馬遊上京時躡清塵後熊幡蒞海邦隸屬巖疆守
艱危應戎機視同左右手內訌寇方張蹶越登陲久
萬衆恃一心智勇皆深厚非獨完吾師誓將殄小醜
東藩課閒田司土失稅畝前謨諒無愆誰執護間口

釋甲遂西歸荷鋤耕隴首上黨天爲隣星辰垂戶牖
烟駕或往來長謝朱軒友鼓琴以自娛埋照惟飲酒
我欲從之遊履素信無咎憂心日忡忡關河阻林阜

山郭春雨見新柳

總轡出城闌婉孌釋山麓迤邐適南阜延覽清川曲
山農守原疇靈雨祈霰霽絕壑流冰漸鳴泉響哀玉
林薄霏朝烟枯莢微已綠楊柳多傷悲遊子思邦族
周道行倭遲飭裝理春服毋爲懷土深且復散遐矚

登洞天巖

鶴靜堂集

卷之一 五言古詩

五

重陰蔽軒墀山翠徒掩靄岑寂空王居未始踰闕外
葑房觀晨曦沙汭豁幽昧司牧萃百憂一朝爲解帶
邀我洞天巖遊觀弄烟瀝聯騎出中逵方舟沿淺瀨
徐步廣隰間卉木麗如繪稍陟陽林阿修柯蔭松檜
曲磴踐危崖蓮峯儼相對陵苕鬱青蔥石髮明紺黛
倒景凌太虛飛泉想清瀆茲山終不移逝者閔人代
情以觀化超道惟賞心會雖驚物候殊聊復慰行邁

贈清江楊仁叔

維舟蕭水湄閣山日云暮策足城東闔高樓臨大路

借問誰氏居西州悲太傅主人揖我前假館道情懷

執義追先公冠劍興哀慕伊昔邁閔初羣兇擾天步

抗論登雲臺射隼絕回互終當効夙綏砥節凜衰祚

質身諒不移覆巢豈再顧子生方六齡視息危朝露

乍離保母懷忽作廝傭務擔薪及斧冰艸衣無尺布

九歲客虔州姓名得自訴口食相因依聊復求章句

浩蕩感殊恩日月無永綢匍匐歸敝廬親串皆非故

遺書既散亡存者亦朽蠹讀之涕滂沱憂傷信孔痡

譬如孤生桐不植將自什時懼猛虎吟豈作大人賦

鶴靜堂集

卷之一 五言古詩

六

我嘗適四方存往多愴寤蹈患獨履貞楊子乃僅遇

與陳伯璣

有美南州英翩翩陳公子四國揚令名賦詩實清綺
我今適西遊言訪磨鏡里披帷宛在斯良覲從茲始
十年屢播遷所保惟圖史室無長物存蕭然絕紛靡
品隲橫古今鉛黃日盈几力追正始音閱覽歸一旨
匪特慰調饑聞樂歎觀止

望廬山瀑布

孟冬天氣涼弭櫂湖陰夕弱葦欺清霜寒洲陽鳥宅

凌旦發輕颺方舟爭挂席盥漱登高艫朝霏已乍釋
余榜指匡廬南康在瞬息香爐冠羣峯五老記丹籍
願言從之遊復爾牽物役崇巒出飛泉仰視越咫尺
吐瀾無窮時層霄懸練帛龍湫暨石梁縱覽憶疇昔
及茲憬靈奇四照湖光碧身行河漢間詎假生羽翼
啞彼夸父勞萬里騁人迹

出江遇風回泊土橋

江行及下春旅泊土橋塢村墟聚平沙烽堠偵極浦
夜漁罟未收移舟月方午驚颺觸寒濤水立馮夷舞

鶴靜堂集

卷之一 五言古詩

七

涉川戒不虞濡尾義無取中夜犯蛟宮榜人識如瞽
待曙且旋艫宛然舊林莽丈人披髮行忠信亦逞武
匏葉測淺深智者銘丹府

石門道中

甫息萬里遊胡然事奔走近修鄰境交三宿聚糧糗
進權越來溪迤邐陟靈阜歷覽亂雲烟微行徧郊藪
栖遲化人居束帶亦云偶緇素無雜賓達者爲吾友
興至發長謠忘憂恃尊酒適旋春事徂孟夏當清晝
桑林枝尚柔麥壠雉方雊蕪沒女陽亭花飛蠶湖口

令名天下希詎卜千載後已知朝寄勞不若刈菰韭
東臯返敝廬紅藥開竟畝何以制頽齡娛情日鼓缶

送金天石遊山左

金子丘園秀超逸類冥鴻襟懷橫八極凌厲扶桑東
讀書鄙章句謀道忘屢空雖復遭坎壈未始悲路窮
伊予金自出敢謂陽元同相與爲兄弟各在襁褓中
兒嬉執荻荻部勒效軍容稍長就外傳角藝當成童
方期履文陛聯步蓬萊宮風塵正瀕洞分手如飄蓬
行藏既異軌形影不相從濫吹積數載一麾守巖封

鶴靜堂集

卷之一 五言古詩

八

君在千里駕來遊歷羣峯高談突星瀨對酒石門松
夙昔希退士心跡悔未融送君滄海畔予亦遂歸農
秉耒復垂釣敦樸保微躬榮名信鴆毒勿慕楚兩翼
乍聞遠行役飢驅何匆匆擊權踰汶濟乘樞陟東蒙
賢者勤吏職西嚮舍蓋公况有盧敖侶行李扶雙筇
夏水垂繁蔭長隴雉華蟲瀏覽富篇什吐詞鬱雲虹
去矣同懷子北望勞我衷

贈魏玉鳴明府

賢侯王鶴占昔年宰茲邑彈琴水鏡園雅彥嘗奔澤

厥後有婁公長厚寬民力進租且暮清四墊安衽席
老幼多去思二公政誰匹非無勤爾絲徒然困吏職
亦有下中材不辨阡與陌如何四五年乳虎交相迫
人牧無霽顏嚴威勝交戟借叢不復還私室盈金帛
綠幘動成羣觀者同白額生民無完膚此輩五鼎食
天道當陽回堅冰亦乍釋除目識公名舊時推惻愍
惠行荔浦涯威標銅柱側我侯甫入疆治爲江表式
黠吏不敢譁屏氓不再匿儒生三木餘乃復賜顏色
伊余守山城家賦無違忒史胥銖兩訛奪我二千石

鶴靜堂集

卷之一

五言古詩

尤

拂衣返敝廬七載甘沈抑匪戀蕚與菰養拙固所適
我侯至西郊褰裳迎畫鷁悱惻軫窮黎立談見胸臆
人投慈母懷悉解舊徽纆勉勸三農何者憂荒棘
所以今年租廩瘡早克塞前人有庚桑茲乃踰疇昔
幸出湯火中敢忘更生德躋堂頌我侯膏雨古郇伯
載賡鴈鳩篇壽考信無數

柬沈雪峯

美人居蘆漪懷寶甘蕩落場來依空桑塊然處北郭
屯霧閼春華驚颺蕩秋葦局戶養微疴觀書辨百藥

時作東武吟交遊謝宛洛攜手高陽徒霑醉恣談譔
勿戀七尺軀終焉飽獘貉求爲身後名所貴在天爵
賤子忝同懷茗粥有餘樂苦雨彌十旬念爾棲窮約
荒城烟火稀况乃空倉雀出入泥淖中徑渡須畧約
勝情良自寬卑濕未爲虐天道難具詳好言慰離索
坐聽林鳥鳴夕暉亦已薄我歸子雲亭君臥維摩閣
旦復讀君詩心迹雙寂寞陋彼宣驕子玉纓與朱褱
華屋藥層霄沈沈如夜壑

悼西臨弟

鶴靜堂集

卷之一

五言古詩

辛

汝南吾族望遷吳從汴梁譜系同所自散居歇浦傍
閨閨百年內廬墓鬱相望余生苦孤露煢然鮮葢藏
厥考勤慰勞念之涕沾裳汝兄今何在三人皆天殤
伯仲亦最采才子爲壽王壽王歿五載遺文洵煒煌
吾弟顧我泣父死逾十霜阡遠不克葬殯宮倚壞墻
况乃丁喪亂獨身嗣烝嘗耕鋤復還讀扣角聲悲涼
我適遠行役經年返故鄉遲弟久不至羸疾臥東岡
歲暮盛冰雪世父來徬徨謂弟終不起病已入膏肓
聊復具藥物宵燭冀末光吾子檢衣笥禦寒加薄裝

人日聞汝訃春筵罷酒漿世父復來止慟哭難禁當
吾弟聽吾札臨絕多慨慷父歿塋無力毋塚虛北邙
二兄已長逝寡鵠盈閨房哀哉紅顏婦稚子始扶床

地震

戊申六月中既望越翼日大地忽震驚漏下甫三商
聲若鳴天雷勢疑轉鰲極民人動如烟股戰不得息
樞馬皆崩騰街衢譟終夕夏畦蹶然興誰復帖衽席
塋夫棲舊山散帙至昏黑獨酌且長謠酣臥無反側
旦起聽民訛杞憂方悱惻微聞十旬來經天見太白

鶴靜堂集

卷之一

五言古詩

三

至尊省咎徵求言寵切直嗟予艸莽臣未竭股肱
力疚哉子牟心安能徒憫默

舊郡丞楊無聲來松作畫見詒賦謝

司馬昔佐郡清風被南疆心顏在霞外晨夕理縹囊
薄征得下考去位固徜徉閩越方用武未嘗歸故鄉
回策邯鄲道牽舟笠澤傷重來過吾里歲序多悲涼
白鴈亦已至深林隕繁霜湖海志寥廓長歌何慨慷
詒我齊紈素含毫繪微茫雲木信蔥蒨晴巒亦青蒼
彼美復何在蒹葭水一方披圖浩無際紫烟出茅堂

小山賦招隱謂余慎行藏終期遊五岳雅尚安可忘

寒夜飲董閬石齋沈醉而歸因以自嘲

積水盈四衢言赴江都約座中四五人顧盼皆英倬
主人兄弟賢愛客善諧謔周生本不羈忽爾過三爵
惛惛弄明瓊齒呼鑿落華燈吐焰微霜月逗簾箔
夜分客未散都覺颺裘薄屣履下階來一醉忘酬酢
空負拍浮名不復勝盃酌豈意僕射酒竟類羊公鶴
春霽集趙雙白尊廬時其同鄉漳浦何述祖明

經廬子敏文學在坐

鶴靜堂集

卷之一

五言古詩

三

城南有一士生長從炎方丹嶠萃瓊瑋夙齡挺圭璋
萬里動烟駕來遊勾吳鄉愛此秋蕪潔卜居谷水陽
谷川信演迤峯樹多青蒼左依紺園趾壯觀矚大荒
樓雉豁氛霧西疇匝金塘既考幽人室言敞君子堂
春日當初旭物候誠悅康斑斑鹿藉新卉文禽展圓吭
竹徑含空翠梅林非一香今日斗酒會爲歡殊未央
復有閩越秀連衽涉我疆樂羣靡遠近存往皆慨慷
海孺兵未戢土著各雲翔如彼朔風厲天末求稻粱
旅人敬愛客一飲三月糧或疑召六甲行厨羅酒漿

荔枝與都蔗路遠亦得將至賓悉善賦雜組五文章
聽儂歌白紵和曲聲琅琅人生且行樂富貴安可常
咄哉慢亭讌千年飛羽觴

同雪峯看六益園梅帶三攜其仲子嘉樹來偕
飲印事

步出北郭門訪我祇園友西偏梅花林喜爲季重有
相攜往問之剖蓐亦云久春雨濯柔莢落英積已厚
今旦小山青初暘射松牖敷坐磐石間清芬餘八九
主人自外來呼童亟貰酒不須烹匹雛聊復剪新韭
鶴靜堂集
卷之一 五言古詩
三

次雪峯蕭寺補壁詩元韻

鮮民亦孔哀淒其握冰霰晨昏攀柏號自謂一夙欠
天道或嘗訛未見恒福善君少攜妍詞作者多焚硯
昂藏千里駒翕絕巖下電適逢陽九災山岳爲驚眩
先公殉國身蒲首無舍歛徒聞夜猿吟不聽春鶯囀
艱危蹈海行寂寞沈湘怨歸披紫伽黎日中聊一飯

空華故里開迸水荒堦濺雖謝漢官儀耻學秦士賤
苦病類維摩時借醫王砭陋彼薄俗人頗將鼠璞銜
千年花氏宮馴鴿乳紺殿况乃禪房幽支牀龜甲變
板扉半已摧漏痕密如線飄風天際來鐵瓦誰爲繕
衲衣補未完塗斲力尤倦頗嫌網紙疎葺墻障一面
數策西方書餘者皆詩卷量腹進松芝儉歲良充贍
嵩山壁有無立雪待後彦

大風雨後集張蓼匪舍清堂

夏月方恢良胡然凜秋肅屏翳揚其威天畢肆鳩毒

鶴靜堂集

卷之一

五言古詩

三

林嶽摧喬柯蛟龍戲平陸萬戶突不黔但見昔耶綠
厓竑昏墊憂來往絕鄰局且停袁紹杯佇俟東扶旭
詰旦啓微暉客至皆不速言登君子堂儼入幽蘭谷
庭藹泣露晞人柳眠已足沉李出金盤割鮮肪如玉
綺牖餘涼生素屏列坐曲翟扇不再揮冰統怯單服
造次無恒言彤管悉可錄清音寄風詩何必篋與筑
盡蠲禮飲煩家釀傾醺醖主人賦無歸行復繼華燭
懷閔山紆由盧龍令擢職方

念我同懷子疇昔聚一堂校文炳純繡講道協珪璋

豈知人代異跡爲參與商維彼瑯琊氏朝夕守東岡
或歛衰鳳翮行歌學楚狂予鼓腹下菑決起及榆枋
嘗恐虞機發頽然早摧藏伊人美無度獨處懷馨香
秋駕不輕邁動與浮雲翔爰值丘園賁三輔求循良
言弭白檀節作牧潞川旁康功率數泰擢拜尚書郎
夏官掌邦政樞要歸職方六師靡不統五大鮮在疆
牧寧屆萬國無庸缺斧斯葵貢通西旅雉琛來越裳
蔚哉佐文德放馬華山陽

立秋後三日集研銘園居分韻得木字

鶴靜堂集

卷之一

五言古詩

三

園林在郊藪十畝翳桑竹芙蓉溢陂塘黃鳥鳴灌木
是謂哲士居悠然數椽屋堦前惡艸鉏廡下驚麋宿
衡門晝常扃道書聊寓目徂暑忽云秋雲物如新沐
息蔭招遠風橫襟散暄煥相逢皆酒人裸飲亦可續
玉醴發新醅瓠脯薦嘉菽博塞靡不爲嘲謔頻往復
我非蜀子陽不好飾邊幅本乏逢世姿微尚絕干祿
埋照有沈幾獨醒殆非福

題蔡九霞述乃考忠襄公殉難詩後

友人蔡仲子示我一編詩耿耿揚先烈忠貞百世師

有明當叔葉強賊起西陲中原旣雲擾三晉鼎卵危
中丞盤凶出握節領軍麾潼關一失守雍絳爭河渭
塞隧身爲殿宵烽介馬馳疆場勢益蹙寇斧兵作糜
清塗謀堅壁嚙臂咸登陴糧糗久告匱誓當析骸炊
巷戰鼓聲死血流殷九達臨命呼愛將捐軀事勿疑
一其黃墟逝一求華表屍援絕太原陷誰實違師期
上聞爲震悼不久寶祚移門戶倏焉破神京力不支
議卹選議謚倉皇下所司文臣橫艸歿恨彼執水嬉
千載烏號痛公從九原知鶴歸驚改玉英爽見靈旗

鶴靜堂集

卷之一

五言古詩

五

更令易代後表請勒鼎彝毅鬼昭日月憫忠有專祠
應帥得從祀烈士亦可爲公死神將應明盛殉之再拜三復畢
泣涕幾漣瀝願言激頽俗節義庶無虧

飲顧修遠齋時有客論樂

顧子今徵士高名邁寰瀛所居市廛間廓然子雲亭
哲胤擅時譽賦成方綺齡伊予忝夙契抗手拜前庭
不知白日晚紛綸談九經造次具雞黍木格與陶器
坐中有徐子自謂辨元聲牙曠無先覺太始追咸英
牛鐸世所賤能應黃鐘鳴盛朝修雅樂庶幾備五更

雨發中途暫憩

頃轡息山樊室廬殊未圯微步觀阪田流泉復清泚
居人且弗喧行旅咸色喜皎月升東岡酌醴亦云旨
震電須臾間零雨降不止乘火燎夕帷晨裝又方始
激雷同沸羹驅馬亂川渙原麓遷舊蹊枉梁昧所指
漂雲蔽重陰哀響遺雉雉橫驚術與阡泥淖不可履
庶幾待朝曦終焉發濛汜

鶴靜堂集

卷之一

五言古詩

三

鶴靜堂集卷之二

雲間周茂源宿來氏著

王 爽后張

顧家駿子韶 校

七言古詩

懷李方思

君歸東海頭我走邯鄲道兩馬縱橫馳朱顏各自保
津門柳枝綠萬條白日春風啼伯勞李生橐金一時
盡腰間常佩烏孫刀去去復去去濟陽城北館陶東
我曾夜行達天曙君歸正及櫻桃花玉缸傾倒月欲

鶴靜堂集

卷之二

七言古詩

一

斜邯鄲雖樂非我土仰視青天如覆釜西園沈沈烏
夜棲主人吹笙我擊鼓千金駿馬馱嬋娟低眉輕撥
鴛鴦絃蘭堂紅燭半明滅茱萸錦襦挂我肩昔與李
生共高會笑髡飲酒太無賴今來一飲一石餘惜君
遠在千里外

秣陵行

白頭宮監七十餘手握金錢來僦居爲言申酉年間
事向我嗚咽重欷歔自從三月長安覆御闥烟塵昏
白晝龍種奔流四海中福王獨向淮干走須臾迎入

石頭城黃紙告天書御名羽林散卒周廬宿落落晨
星列九卿定策功成多貴倨開府平章各自署中都
舊督不肯行史公慟哭過江去當時羣帥駐淮南要
封茅土飛尺函別有禁軍親點將錦衣年少馬家男
馬家蒼頭腰帶玉夜呼計事常燃燭下堂戲拍司馬
肩奪得春燈新樣曲司馬機謀千萬般相公一聽一
開顏捉取讐人付西市兩家賓客滿朝班君王委任
無猜忌法醞干盃不醉醉景陽鐘絕鼓鼙聲內苑燒
燈陳百戲太子扶蘇何處來流離考訊歷三臺達官

鶴靜堂集

卷之二 七言古詩

二

盡說妄男子愚夫桀老爲悲哀更選良家遍吳越後
宮尊號經年缺故劍沈沈在獄門還聞秘語多荒忽
因此人間多怨怒願得君王罷歌舞湔浦紅旂壓上
流北兵十萬臨江潯丞相中宵出帝京六街齊唱董
逃行君王驚起追不得下殿呼天哭失聲老人述罷
淚如雨此恨自應長千古勸君收淚與君言莫向人
間求尺土不見虎踞龍蟠王氣消鍾山松柏自蕭蕭
湛露篇

雙星迢迢銀漢橫挈壺耿耿玉露清共挹神漿流九

戶誰攜天酒下曾城曾城倒景高無極來往飛仙生
羽翼卿雲散作五銖衣沆瀣調成三鳥食蕊珠宮闕
水晶寒每到人間朱艸繁已向碧壇浮寶龜還隨仙
掌注金盤霏霏散入千門裏君王夜飲歌鐘起鴛鴦
瓦上月華新翡翠樓前燈焰紫非烟非霧轉逶迤蒨
苔香生太液池儘看昭陽飛燕舞漫憐長信玉階詞
別有傷心秋夜永一年一度悲形影鐵甲寒樓首霜
烽霜砧獨搗梧桐井聞道天公不可量從來潤物總
無方記取赤松真訣在倘能盛得錦絲囊

鶴靜堂集

卷之二 七言古詩

三

與及門王幼輿

吾里神童夏氏兒七歲賦詩稱絕奇老馬識路忝作
師厥父才名自一時吏部文章天下知舉身殉國投
清池夏生勞面哭路岐雄鷄斷尾憚爲犧北地人材
健者誰鶴城王子號白眉年可十五富文辭山庭日
角具雄姿揮毫睥睨韓陵碑古人羞與邢魏期采風
使者冠鵝鵲起坐蘭旂張大旂身抽羽箭射六麋老
生黃髮爭逃離王氏家聲故不卑司馬忠貞若鼎彝
孤臣抱樹成枯脂至今英爽震河淇少年捧硯嘗涕

洩魏公遺笏光瀰漸善人無後多狂癡夏子王子何人斯

我欲

我欲乘風歸故鄉側身東望河無梁思子不見淚沾裳贈言猶在私自傷子守崑山我入洛三年不聽華亭鶴叩叩單走骨節摧枯桑無枝兔絲落男兒氣與秋雲徂劇孟原非老博徒曾浮弱水窺銀闕手弄瑤禽將兩雛海山蒼蒼天未曙鯨魚吐霧飛青雨因之高臥五湖春散髮虛堂自容與我今獨上中條峯夜鶴靜堂集

卷之二 七言古詩

四

觀獵

蒲城以東多盜藪蒲城將吏嬰城守晏開早閉方戒嚴命駕西郊逐飛走蒼鷹掣起架上縑金時鐵距旋花毛綠韝着臂摩天鵠雙拳利爪如并刀廝養健兒好身手豪豬爲韃青豸袍虞人有約不可負獵期不待皮冠招雪晴曠塹明如練兔蹄狐跡纖毫見衰艸平林落日黃參差錦翼如流霞霹靂一聲雲外響俊

鵲饑鷹爭搏戰鐵騎奔騰慣射生風毛雨血同忻美須臾捆載馬頭歸分禽置酒開芳宴主人初自西都來咸陽宮館徧蒿萊坐獸潛踪博望苑山禽啄肉通靈臺卽今陳寶歸何處羽獵千年不復回

黃河行

黃河之水流湯湯萬里崩奔勢莫當龍門底柱至太行左旋碣石通扶桑自從遷決重河防築宮瓠子塞宣房紛紜壁馬勞君王後來漕粟抵太倉金堤蜿蜒束其旁中有一線達梯航水衡少府費難量近者泛

鶴靜堂集

卷之二 七言古詩

五

濫疑洪荒東流漂沒齊魯疆天吳馮怒蛟龍翔風濤欲撼龍鼉梁邠鄆如九水一方龜鳧直灌泰山陽千村萬竈沈中央時聞盪寇寇正強元戎鼓聲爲不揚鴻水驅迫軌遁藏羣盜因之半死亡洗兵白馬驚騰裝治河使者獨徬徨丁夫竭作擔土囊淇園竹捷終飄颻吁嗟河伯何猖狂禹津覆釜阻且長導水之法難具詳平當賈讓空滿堂靈威丈人真渺茫

唱楊大叅

蜀山紫翠千萬重蜀江四照金芙蓉君家蟬冕過三

戟錦官連雲開第宅花驄初按闔閭城吳都王人席
半傾年似尹奇稱最少人同荀羨識雄名一自黃巾
爭躍馬青城玉壘天如赭萬里無家客薊門驛驢顧
盼金臺下鳴笳疊鼓鎮東州復見旌麾嶺外遊蓬萊
海濶珠宮靜丹嶼風高蜃市收我亦驅車建安路與
君邂逅驂鸞渡麻衣竹杖淚潺湲摧心嚙指驚聞計
白髮愁顏獨倚閭兵戈阻絕十年餘哀猿日叫巴陵
樹回鴈難通閣道書忽聽王師定西蜀春流無恙雙
渠綠子布迎親自一時間姬就養猶堪續可憐明月
鶴靜堂集

卷之二 七言古詩

六

贈張范之孝廉

丹霞主人京兆氏家有石倉富書史東海何心狎釣
徒南州久已推高士蚤年獻賦明光宮茂陵劉郎不
易逢潦倒山中尋紫桂離愁江上對青楓從此引月
偏天下懶着儒冠遭嫚罵三尺芙蓉莫贈人十雙翡
翠寧論價黃公鄴山開講堂君也翱翔稱鴈行京房

授易疑先辯匡闕談詩說最詳吁嗟黃公成太古舊
日臯比覆塵土侯芭已去鄭玄歸數卷遺書向君取
當今龍袞亟求賢且漫躬耕龐氏田襄陽耆舊何人
在魯國諸生孰比肩嘯傲雲烟隱南郭帝里還招珠
樹鶴君不見孫弘歲歲就公車白頭終啓平津閣

日本刀歌

紫茸俠客千金刀黃銀爲鍔錦作鞘番文票記日本
出利器壓倒并州豪摩娑未慣土花綠洗出芙蓉奪
人目跨海橫分火樹枝連城戲斷昆吾玉王人比作

鶴靜堂集

卷之二 七言古詩

七

雙飛龍歐冶干將遜國工手握毛錐竟何用彎弓欲
掛扶桑東

別彭燕又

彭子當今擅雅宗青樓玉琯如雙龍徘徊舊山不忍
去晴峯四面開芙蓉百城萬卷誰最樂五十無官殊
不惡案上新調千里羨池邊自奉華亭鶴憶昔人文
全盛時家分瑤艸戶瓊枝意氣拚將傾北海賓朋不
復讓南皮伯仲之間徐與夏陳李參盟霸天下我行
四方亦有年過江人物悲王謝大半中郎貌虎賁歸

然獨有靈光存翻與少年同把臂高吟長嘯無朝昏
今我馳驅大河北臨別贈言真悱惻錯落輕統徑寸
珠展舒懷袖爭顏色悔不從君方外游烟雲浩蕩輕
王侯東山捉鼻更何意笑爾終當馭八騶

過蘭谿適令君季滄葦歸

蘭陰山前江水綠蘭陰山上花相屬主人年少綰銅
符身跨青驄衣朱襮聞琴昔日堂玉軫金徽切
羽商勸課三農登五稔循良幾度奏明光欲還不還
頃聲久勝我爲郎空皓首今番開向越西行澈水亭
鶴靜堂集

卷之二 七言古詩

人

贈章無逸

正嘉以來盛談道蘊藉獨數楓山公生存不盈五畝
宅巋然廟貌蘭江東廟前竹樹紛漠漠中有亭榭連
雲壑岑樓十丈藏賜書萬曆年中小山作小山主人
俠者流意氣寧齒恩澤侯華堂明月客未散一時名
彥多應劉公孫自是文章伯祭酒年高頭髻白放膽
論文天地間青雲偃蹇辭繻帛我今樂與忘年交看

君落筆如驚濤揖我清談坐盤礴團團桂樹秋風高
君不見投戈息馬崇文教孔林四姓歌蘋藻伏生尚
書轅固詩何難強起應明詔

題張省菴望雲圖

我行邗溝遇張子隔船貽我雙側理索題徑尺望雲
圖堂上雲光懷袖裏曩時獻賦建章宮歸來高臥梁
溪東遲遲方整玉墀步立馬踟躕朔風風高露重
亦何有婉孌雙親成白首雞鳴問寢經歲稀椒花誰
酌春前酒如君何用謀稻梁祿養從容歲月長慚予

鶴靜堂集

卷之二 七言古詩

九

同走長安道鮮民姓氏真不祥寂寂荒廬久離析爰
居鐘鼓重憂感入夢空扶潘令輿含啼再捧毛生檄
卷畫樓頭日未曛君家蘭麝自氤氲我獨繁霜翳松
柏牛羊度隴多愁雲小吏才疎等敗絮何堪復忝合
香署願取關符寄與君趁我鱸魚且歸去

爲一百九齡陳叟歌

宋州有老人陳姓名百萬生長嘉隆間甲子幾再換
扶筇自致使者前禿襟短褐登賓筵南山久避秦時
臘絳縣猶知亥字年老人無子有二女長女懷清壽

如許次女有婿成老翁髣髴髮如絲隨杖屨十年兵寇
來迭居梁王臺館爲丘墟萬戶瘡痍同日盡紅顏絡
馬金滿車老人是時方九十刀槩縱橫不相及離春
醜婦稱小妻無恙蒿簪道旁立宋園解後宋大饑燕
菁作飯榆作糜高年粟帛未聞詔解裝曲賜嘗固辭
問之家近伯陽里期願間生或在此張蒼食乳翁不
然日飲斗酒量未止吁嗟老人一埜夫足絕公府無
吏呵堪補襄陽耆舊傳漫勞內史百年歌

祖漢若侍御禱雨歌

鶴靜堂集

卷之二 七言古詩

十

孟夏陶陶艸木茂薰風靈雨相輻輳測景臺高日正
中方患恒暘驕白晝使君持節下汝南徧詢疾苦靡
弗詣訟謀紛紜姑遣去麥苗旣槁突不黔爲停驂馬
誠羣吏暫寬井稅急農事漫道天心不可回毋將禱
祀同兒戲祕閣齋居率屬先星冠寶錄登茅筵僮童
隊舞土龍出伐鼓脅社聲闐闐赤日須臾匿不見甘
澍隨車爭嘆羨長淮激水嵩吐雲騰躍商羊飛石燕
當今脩省中外勤至尊圭幣躬自親况有直諫重
臺閣四方水旱咸照臨救時已借荒年穀何難燮理

調玉燭百靈知避灌壇威呼召雷雨自神速

送王正生遊楚

三山王子好奇計垂帷著書不稱意身騎匹馬出黎
關徧走中原戰爭地是時天下當三空黃巾赤眉如
飄風都護連營一千里盪寇威名推董公獻捷歸功
幕府客魯連矯首辭百鎰意氣還堪隸虎牙笑談直
欲卿龍額一自昆明轉劫灰真人再築軒轅臺物色
英俊不可得吹簫擊筑嘗徘徊隴西佐命拜高爵五
侯賜第歌鐘作道義偏依翟相門軍諮更入征南幕

鶴靜堂集

卷之二 七言古詩

十一

楚山嘒嘒楚水深飛鳶站站愁毒淫歸來閒臥茂陵
苑信步聊爲梁父吟董公授鉞靖東海阮瑀依然後
車載金華洞口汲乳泉玉甌巖巖邊擷蘭蒨括蒼太守
繫尺繡帳前長揖大將軍呂虔佩刀脫手贈王子濫
譽時殷勤我開郡閣下懸榻白石青楓坐蕭颯示我
詩篇兼圖圖吏事戎機復響答聞道元戎移玉帳炊
飛十萬隨旄伐牙旗夜發檣山陽紫駟緩轡同西嚮
送君迢遞楚江遊乘興重登明月樓武昌柳色應如
昨峴首碑苔又幾秋

寄懷方樓崗學士

江東華胄推第一方氏簪纓盛無匹相業先傳韋孟
詩史材世擅班彪筆學士英年上王堂璫篋協應址
琳琅蕊珠榜放管連騎象笏朝回日滿床拾芥利名
至尊羨老臣拜手麒麟殿折翼天門夢不祥一時咤
叱風雲變主恩嚴譴亦優容徙宅攜家萬里同老子
青牛踰弱水管寧皂帽客遼東朝饑生噉黃羊肉凍
雪如花覆茅屋闔門絃誦未嘗休康成之婢方回僕
憶昔旗亭送我行一麾出守淚沾纓那知杜曲臨岐

鶴靜堂集

卷之二 七言古詩

三

語遂作水天出聲聲出塞水天非一姓湘纍放逐憐
同病下山汲水上山樵長鑱石臼依爲命詔下金雞
瀚海頭齊呼萬歲祖毳裘獄中拔取雙龍劍天上修
成五鳳樓此日生還猶痛哭欲輸少府無餘粟驂解
雖留越石身贖回亟代胥靡築淮南薊北楚江西翻
逐飄蓬遠別離郈成義重當分宅羊角途窮孰解衣
我讀來書三太息忍死高堂頭髻白親御柴車去復
來不圖復見長安陌

公子行

五尺銀鐙七尺組頸血模糊面如土誅求遺戶半僞

冠悉用析楊罷賈楚就中多少貴遊人門閭當年據
要津鳴鐘會食誇豪舉連騎如雲逐後塵何期一旦
繁華改高臺傾覆山丘在金仙淚墮別荒城乳燕泥
空啼廢壘昔日娛賓列綺筵今朝竈冷突無烟當門
已失三重戟負郭唯餘五畝田按馬調鷹王謝宅主
人欲歸歸不得石羊倒臥楓林枯傷墓頽廬僅客膝
鬼火陰房夜緯蕭蕭敗繒還綻舊宮袍已愁八口填溝
壑深恐官符日怒號官符十道丹書下朔雪寒冰彌

鶴靜堂集

卷之二 七言古詩

三

四埜伍伯猗猗氣勢多朱繚綠幘顏如赭願緩須臾
作累囚年中無粟圉無牛永訣妻孥亡命走過山重
負孰容留可憐不遇荒年殺到處逃亡成駭鹿名姓
稍埋廣柳車網羅卒就同文獄有酒須忘身後名死
生那得竟無情乍見西華應下淚誰令薦相復如生
同帶三雪峯洮候蒼水諸子偶飲夏考功廢宅

有感

有酒寧煩折簡召閒居詎顧尚書期下馬徑入高陽
會岸幘連傾金屈卮一斗不醉盡一石仰視屋梁三

嘆息此地今成孫楚樓當年本是袁安宅主人嚙昔
此堂居窮窳深藏萬卷書月旦清流推重望朱輪結
駟日充閭末俗衣冠多不古鳳臬殊種分門戶考功
先生長食貧時人誤說城西府令子三吳號聖童高
才直與機雲同靈均自沉湘水曲義公復死平陵東
行過西州興慟哭山丘零落存華屋錄入官家甲第
空恍忽精靈致回祿飛甍盡棟悉飄零僅見候芭間
字亭地下昆明灰有却窓前書帶艸猶青生死存亡
真異代中郎虎賁竟誰在北海尊罍客已孤東山綠
鶴靜堂集

卷之二 七言古詩

古

寄訊衡州劉節吾太守

與君同作東甌吏君去南徐居勝地我歸咫尺潤州
城君復湘東五馬行湘東山水稱奇秀九疑連曉列
烟岫蒼水碑文字作金祝融廟口花如繡使君按部
問蒿萊此地曾經百戰來幾煩天廐飛龍出再逐昆
陽燧象回自此流離徧山谷墊農暴血鋤遺骸苦竹

春生戍壘遶哀猿夜叫逃亡屋卽今賊退用兵稀太
守真同劉武威夏末山田紅稻熟秋深浦澈白魚肥
仙吏應張洞庭樂愧我塵纓猶未濯爲送瀟湘萬里
船臥遊直欲登南嶽

新築海堤爲大風所壞

海天夜半風濤作海水羣飛上城郭拓湖南去戍樓
西萬丈金堤同朽索當年太守穀城公勞苦經營建
大功鴻隙成陂安足數犀梁厭勝未爲工太守聲名
震朝楚延陵賓佐真賢者冠劍依然少伯祠蘋蘩不

鶴靜堂集

卷之二 七言古詩

圭

減樂公社此後天吳勢復驕沈沙廢壘莽蕭蕭力盡
孤禽難塞海鞭來巨石豈成橋卽今百廢相沿久水
衡錢散吏人手鯨魚拔浪高如山共慶金多起爲壽
太守張侯繼昔賢身當決口誓回天亦有彤騶初按
部殷憂共計保桑田此時物力良難致木石無由海
外至載寶誰通百濟船張帆不見新羅使千椎萬杵
出民間痛哭新崩舊船灣未許丈人披髮往漫容公
子釣鰲還一坏乾土重珠玉忍使窮黎費版築安得
息壤真狂瀾扶桑高高射東旭

欽姜定庵都諫新第卽事

黃門超軼諸侍中直言敢諫羞雷同太公門第重江東
烏衣子弟黑頭公賤子登堂客獨拜後紀先羣邀
盼睐謬當置酒稱上賓改席華林夜飛蓋太公問客
何歛歔似曾疇昔到門閭春明巷裏更新主萬石君
家再卜居此事由來堪太息商公四世謀王室蒼頭
本異霍家奴五畝難安文靖宅主人辭此避城南呼
我移家保宗祏我初嘗作尚書郎親事太宰蒙恩澤
便迎黃石祀專祠還奉金綸懸四壁何心沁水問名

鶴靜堂集

卷之二 七言古詩

七

園直爲平泉存舊蹟醉後驚聞長者言誠哉名德有
淵源右軍自愛亭臯逸光祿猶嫌車騎喧不羨黃門
致身早娛親却羨歌難老庭前松桂晚尤妍坐外雲
山晴更好黃門色養樂未央太公豪吟浮羽觴卽今
耆碩奉朝請疇能好道兼文章百子華燈明月上柘
枝妙舞團珠幌請看遠驚畫輪車何似扶將靈壽杖
會萬大來比部得李弦佩臬憲粵西之計詩以
哭之

李公別後無消息但觀除目頻遷易粵西觀察見新

銓萬里存亡真不測胸中半載作憂疑越州偶遇平

原客謂公畫繡返鳴珂東瀛迢遞渡黃河梁園雪夜

方開譙廡微征車又戒途此時勞瘁嬰微疾叱馭星

馳命僕夫毒艸炎風臨賀嶺驚濤巨浪洞庭湖羞從

藥石求生活自卜龍蛇厄大儒桂林城北灘江渡望

塵僚吏嗟來暮強束腰章拜五雲便辭璽綬騰烟霧

武陵一曲笛聲哀啼猿回鴈覓歸路翠鳥悲鳴丹旄

夾脩蛇遠避靈輜過公當墮地識前因桑樹金環探

視真留侯本具神仙骨智永猶存不壞身江南文藻

鶴靜堂集

卷之二 七言古詩

七

推人鏡隴右兵符作虎臣自從握節蒼山裏下吏三
年執鞭弭倉皇甌海日興師手麾羽扇消多壘況復
連疆控赤城蛟門波靜霞光紫謝傅基遯奏凱新庾
公月下開樽美南陽朱季直如繩嫉惡揪髯怒抵几
釜魚獨信范丹貧片語憐才心亦死公去高臨碣石
宮天書召入右扶風鰥生解組歸田里把釣閒吟笠
澤東方道鬱林仍載石誰知勾漏遂凌空蒼生走向
深山哭墮淚碑前霜露濃國士况叨知已遇呼天那
禁泣途窮

過酥溪

西行徑出烏傷道中有酥溪泉石好吾鄉昔日陳黃
門受命曾將山越討提兵過此稱絕奇五言落落舒
懷抱今我來遊真偉觀翠岫參天高九盤蒼枰縹緲
仙人跡俯瞰澄潭赤日寒崩崖墮壁亂無數空濛不
辨前溪路濟勝同行有老髯奔逐飛鳥凌烟霧土人
爲說熊令君每到茲山看白雲琴聲絕後山靈改朝
暮松間散馬羣下有蹲鴟饑不食富人爭向窮鄉匿
坐聽流水自潺湲往事傷心淚沾臆我本情深丘壑
鶴靜堂集

卷之二 七言古詩

太

輓王翰明總戎

將軍家世本遼陽世將功高百戰強少小便推門蔭
貴嫖姚幕下署中郎獻計下齊兼下楚威名從此日
飛揚連營獨舞雙支戟臨陣偏持半段槍九重真龍
出長白大者爲王小侯伯君偕主帥入燕京護軍新
命何烜赫頻當盪寇復征西再建油幢萬山碧嶺樹
嵐烟伏莽深隣封告警長鯨逆予穿白袷事戎行手

挽雕弧難射石謀窮戰守總徬徨况復芻糧困荒岑

將軍到此百不憂不須斬伐用虔劉高臺戲馬調珠
勒別墅圍棋著錦裘直是原嘗同意氣羞將田寶潤
交遊看君反掌登麟閣食邑寧論萬戶侯何期櫪馬
驚星墮梟鳴牙仗霜風暮笳鼓無聲六纛摧參僚慟
哭西州路有女難傳趙氏兵無兒孰給孫郎部我今
三載復來茲回車擬拜橋公墓祁連塚上鬼縱橫燕
子樓中人縞素君年五十豈無年未到封侯亦偶然
裹革不聞酬壯志死于床第最堪憐憶昔我行君贈

鶴靜堂集

卷之二 七言古詩

尤

別旗亭載酒涼秋節瑤瑟鈿箏次第陳玉壺傾盡
瓊熱琵琶續撥唱陽關帳前小隊皆嗚咽人生聚散
等浮雲國士無雙此哭君欲效延陵思挂劍終慙宋
玉賦招冤

贈李崧生

君不見括蒼李氏舊鍾祥連雲甲第盤山陽冠蓋坊
中推盛事商顏四皓聚同堂此間本是神仙窟老人
星有少微鄉憲府行年九十六緋袍白髮圍紅玉是
時天下方太平戕戕獨坐官常肅埋輪御史階前趨

指麾萬里霜威速金貂奕葉著江東壽考名卿膺後
祿養牛法酒天上來老臣拜恩殮杞菊文孫召入尚
書即持平廷尉無冤獄執法羞同張杜名分符便作
龔黃續滇池洱海碧鷄遙六詔蠻獠賣佩刀相如驛
口金沙淨諸葛祠邊鐵柱高乞歸尚及韶華日廉吏
何堪久折腰角巾故第看山翠玉缸花底堪沉醉閱
盡滄桑口不言德門又復瞻人瑞眼前千里渥洼駒
來繞床頭讀賜書手託內篇仍自秘別垂家訓授庭
除予初曾忝名邦牧久擬迎公避舍居已識任棠真
鶴靜堂集

卷之二 七言古詩

半

汲之蠲疾苦

懷陸子玄

不見故人十載餘故人謫向遼左居天風吹汝木葉
嶺白日欲晦醫巫閭東祭酒詩悲壯疑圖冰雪懸
屏障我從甌越罷官歸經過北郭增惆悵向書墓道
擁柴車處士茅廬焚蕙帳令子疇嘔乍入關生才多

難稱僊儻故事陪京進鹿來全家夢作金雞放伏闕
緹縈日上書生還忍絕南歸望吾宗在史諸翰林酪
漿痛飲同哀吟每說機雲才未盡兼聞管邴道彌深
陸生多藝工療疾途窮餬口唯苓朮遼海回轅仗藥
囊輪作左校財安出艸枯木落鴈南飛腸斷霜天聽
筆策朝朝送客上河梁日暮依然歸土室

題徐眉谷小像

君家本住華亭谷幾年泛宅甌江曲右軍池畔學書
成謝客巖前遊覽足百戰江關行路難東歸八口阻

鶴靜堂集

卷之二 七言古詩

主

危灘途窮賴有刀圭在且爲騷人續命還僦居再卜
松臺下平津東閣惟殘瓦馬矢烟橫鳳藻樓牛衣雨
泣狐鳴社亂後瘡痍十萬家鴟鵂惡鳥雜哀笳城隅
便作韓康市巷口多栽董奉花今歲君年方七十鶴
髮醅顏餐五粒遨遊不用勸君歸故鄉無處安瓢笠

欲遊鴈蕩不成行志嘆

昔年天姥嘗夢遊茲行定擬觀龍湫龍湫大小天半
落萬頃晴湖居上頭湖中聚鴈不知數復壁層巒蒼
迴互初上金庭閉紫氛乍披瑤艸開黃霧素壁高懸

鴈蕩圖似將毛髮映冰壺便穿網屐從此始攜尊况
挾高陽徒鴈蕩茫茫成遠道弱水蓬萊不可到自從
劃界海東隅白晝狐嘯山鬼嘯亂石危臺埃火紅虎
偃夜舞月朦朧縱負短筇遊汗漫那能長劍倚崆峒
陳公憲購戴文進畫贈苗吐華叅戎索題

錢塘戴君畫絕倫海水澹蕩山嶙峋二百餘年寶繒
素魚日往往能亂真甌江陳子最後出僧繇虎頭稱
入室此事經營心獨知十千購得前人筆持贈嫖姚
幕府中高懸玉帳凌秋空得非天姥勝或疑蓬萊宮
鶴靜堂集 卷之二 七言古詩 三
橘叟園基明月下成連動操滄溟東請問輕裘羊叔
子雅歌清嘯將無同

永嘉堡

永嘉山水神仙宅笙臺玉甌多烟客花發千巖亂錦
文風迴大海通潮汐居然都會作名區棟宇如雲靡
萬室更向東偏築少城大羅峯下穿沙磧島船澎湖
犯順時首衝斥堠需籌畫瑯琊鉅族任經營金錢白
遣蒼頭役梅山竹嶺漸陂陀朱雀烏衣分巷陌烟火
殷繁過百年徵歌按舞日喧闐明駝急走京華信百

寶先登絕域船輕將浣布教僮着戲把珊瑚碎客前
別有嘉賓居上舍鄒陽枚叔富詩篇人來梓澤兼觴
咏會在蘭亭備管絃祗愁人壽非金石誰料烟塵更
可憐自從海上鳧毛見紛紛兵事勞征繕鯨波月黑
盪餘艗犀甲秋高明組練未必扶桑早挂弓微聞中
旨頻催戰此日疆場寇禍深青袍揮幟蟠鄉縣諸將
分屯十萬軍官家驛路爭如線安邊自合有奇謀清
楚專因消內變永昌斗絕郡城東乘障猶當一隊雄
輿圖截去成荒裔甌脫寧容戀舊封童男漂溺秦鞭
鶴靜堂集 卷之二 七言古詩 三

斷甲第焚燒楚炬紅傳警惟憂鮫市近聚廬倏作蜃
樓空 廟筭實高烽乍息將軍談嘯坐收功雋里墓
旁宮闕起萬山碑在陸沉中陵谷遷移渾不定何年
剪棘構新豐

東甌二高士歌

東甌處士洪與何少微先後相輝映正嘉以還六七
朝埜夫艸莽操人鏡霍山洪氏真賢豪懷珠抱璧耻
見招褐衣偶上平津閣一日聲名動九霄直使貴人
爲結襪還呼屠狗共吹簫歸來高臥松臺側素琴無

弦挂虛壁銅梁司馬嵒公方拜中丞臨海國屏去
形騶訪隱淪信陵惟恐侯生匿相對衙門捫蝨談雖
不踰垣遠稱疾何公晚歲號丹丘少好盧敖萬里遊
軍諮揮洒燕然石客坐憑陵鸚鵡洲自言域內芒鞋
遍絳雪青霜杖底收一從偃息南村久不慕雄飛貴
雌守梅福山邊好結廬手灌秋菰刈春韭吾鄉徵君
白石樵風昔同心歲寒友丹丘書畫兼擅奇張顛艸
聖虎頭癡較似霍山稍晚出文采風流皆我師兩翁
高才不受爵兩翁白髮工諧謔日向花前醉濁醪寧

鶴靜堂集

卷之二 七言古詩

孟

煩海外求靈藥梅贊臣林弱仙吾歌薤露悼後賢胡
爲慧業早生天始知朝槿豔不及冥靈年但學兩翁
痛飲豪吟壽無量何取范蔡須臾作卿相

贈李辟芷

我來東嘉值素秋微霜乍隕金風遒隴西李氏贈筆
樓黃花坐對消旅愁蒼頭奴子三四輩劣質偏同蒲
柳柔陰陽舛互不自惜曉涼絺葛晝褊裘因之病悸
齊僮臥呻吟五夜無時休主人欲理仙巖屐還復牽
裾阻勝遊一奴昨宵忽冷厥舌橋目瞪筋脉絕停觴

輟案奔視回嘆息終當瘞蹠越李君有弟辟芷氏通
儒能飲上池水急往迎之謀再生參附倉皇投兩七
似渡中流怒濤作滿舡估客皆驚愕長年換舵心手
閒迴風揭鼓神鴉落又如赴敵鬪兵多四面合圍奈
若何飛將提刀徑穿陣救回旄纛金盤陀辟芷工詩
富圖籍屏山自卜羅含宅四香亭下聽松風白雪朱
絃酒縹碧時將餘技活人間已爲蒼生甦困厄馬上
輕言棄讀書書生况復能醫國

贈陳公憲

鶴靜堂集

卷之二 七言古詩

孟

陳生師事丹丘君東海名流天下聞少年都講稱入
室騷壇後起繼斯文丹青欲追張陸輩學書直學王
右軍衣沾墨濡渾如繡手染山容儼出雲我到甌江
凜秋暮君對黃花拂毫素颯然畫作北風圖似說開
河公莫渡試將此畫懸空堂鶴鳴忽警寒灘露我作
江東老步兵風起思家憚遠行不寫春山寫寒色知
君薄視五侯鯖

謝林梅生

美人貽我英瓊瑤寶光上燭秋雲高客子蒙茸短裘

彤庭妍忽被秦復陶憶昔甌江嘗過從望君衡門同
隱鳳扣舷愛聽臨汝歌邀笛戲作桓伊弄此時諸子
共登樓觴咏不減南皮遊今躡吹臺望蒿里荒烟宿
莽痛應劉詞壇蒼舊惟君在庭前艸綠長書帶杜門
作賦老張衡誰道封侯先李蔡如君雅量天下無埋
名一任牛馬呼乍輸好女玉跳脫不讓將軍金僕姑
選定甌詩功八九風流王謝居篇首謂予曾忝附庸
封錄及雕蟲實顏厚勸君日飲一石餘且漫丹鉛校
舊魚談經恐誤揚雄閣作史毋爲崔浩書

鶴齋堂集

卷之二 七言古詩

五

銅雀硯歌爲王玉伯賦

搜奇好古誰最工今日甌江王長公賜書堪比班嗣
富博物還與張華同珍藏一硯述祖德銅雀舊製天
中得鴛鴦瓦合五金精鳴鶴池通雙眼碧土花墨繡
凌蒼烟建安二字存紀年摩娑款識古篆隸赤豸青
鳳相盤旋琢就昆吾玉無缺堅如躍起狔賓鐵縱橫
筆陣墨兵交坐視星流并電掣長公實此陳山房文
犀爲橫琉璃床登之綠綈几襲用青錦囊有時夜半
燕都梁雨聲竹色凝瀟湘卽墨故侯居上坐中山好

時列兩旁主人折簡能召致百城南面勢莫當不羨
校書天祿閣寧論搖筆中書堂君不見右軍書法真
無兩華嚴片石嘗欣賞若磨此硯寫蘭亭水湧墨池
高十丈

包虛中含人碎玉歌

吁嗟乎包虛中含人碎玉歌
一身結束奪天工縞衣玄裳鶴羽同高視闊步聲摩
空月中醉舞影毵毵帝城暫往栖珠樹舍人文采多
聲譽紫陌揮鞭傲五侯樓卿筆舌羞知遇江陵相公

鶴齋堂集

卷之二 七言古詩

五

雅愛才當年東閣爲君開內府紅籤書萬卷進御須
君手自裁相公偶致荆山玉漢章秦篆輕相屬固請
方知絕技難雕鏤強許忘煩辱楮葉飛鳬棘刺猴構
思不受相迫促持斧斫案怒不嘗應手玉碎斷瓊枝
紫微省中拂衣出歸臥東海從此辭相公貴勢從來
少掃門求見勞昏曉九卿槐柳並齊肩君也視同海
鷗鳥白髮丘園菰紫茸朝饑仰對芙蓉峯鍊形如鶴
氣如龍吁嗟乎包虛中

李氏稚子投壺引

投壺古禮本曲臺，鼙鼓薛鼓合耦來。鹿中受矢尺有咫，堂下九扶布策回。互分勝負爵無筭，仍立監史糾喧。此藝嘗作軍中戲，名將雅歌息烽燧。花前平按紅氍毹，小隊輕舒戎錦臂。博具不厭叅軍癡，酒狂每爲司馬避。近來能事誇挽強，投壺之禮多棄寘。角飲還操金僕姑，高歌便擊鐵如意。李氏子贈筆樓樓頭，疑貯海屋籌銅壺。鑪華陰土血色斑斑盤赤虬，忽呼稚子靖節郎。出八歲圓顱秋水眸，杏黃短袂貫綠鞵。舉手中無空投，長跼客前勸玉甌。幼工絕技禮更

鶴靜堂集

卷之二 七言古詩

天

優我爲持觴，傾一石回憶少年。三嘆息學書自恨指如椎，學劍元非萬人敵。當筵百藝百不爲，碁枰幾道猶未識。華髮漸短詩腸枯，耻與隣翁共爭席。桃枝爲杖竹簪冠，偶訪太玉神仙宅。此間後進多英豪，敢將鳳字題門側。靖節讀書固其職，俎豆是嬉嬉亦得願。汝早學漢終童白麟一對驚蒼頡。

挽及門張君與孝廉

聊城張子通經術，才名早動兩京客。乃祖當年貳豕卿，愍孫館塾城南陌。予時身作尚書郎，謬許春秋擬

穀梁朝入都，官暮臯比散。朝便爾臥匡床，羞同獄吏爭刀筆。稍喜諸生共講堂，尚有東瀛兩高子。烏衣門第差相似，厥考綸扉兼掌銓。兩家庭訓無統緒，閣上常看熬火紅。腰間不見羅囊紫，高子季子苦無年。伯子同君早着鞭，一別流光過十載。張憑猶泛孝廉舡，汝困菑川頻射策。我懷平子賦歸田，祇聞捧硯哀方切。忽聽亡琴倍愴然，空有紅顏啼破鏡。更無黃口讀遺編，吁嗟人事一朝改。先臣勲德應難再，司空隧道臥麒麟。丞相祠堂陳寶帶，梁木方爲元老悲。白楊翻

鶴靜堂集

卷之二 七言古詩

天

作後生誄，此時大鳥當復來。昔日神駒竟安在天亡，阿士祝予深一堂。聚散迷雲海，痛惜今惟高大存。浮沉博士銷精采。

題王氏椿庭永慕圖

永嘉王子喪父早，方當五歲離懷抱。鳩車不復戲階除，繞床哭泣成人道。誦詩長廢蓼莪篇，手捧父書作鴻寶。半生慈母獨劬勞，北堂猶喜人難老。示我椿庭永慕圖，先公五十歸黃壚。我父享年纔四十，我生十九稱孤汝。親卽世不爲歿，我尤門祚難枝梧。感我

悲鳴淚眼枯哀哀同是峴山雛

樂秀芝園亭久爲帥幕今得復歸感而有作

樂將軍威名本自望諸君鐵券丹書錄世勲少年意
氣千青雲身騎驄馬五花文都尉長才借搜粟轉漕
百萬敖倉足拚將利器欲屠龍不念中原方逐鹿角
巾墊服歸故園池臺正對南明麓青門自種邵平瓜
栗里閒栽陶令菊一自山城列五兵主人無復居華
屋錦石全移驃騎營銀刀徧插愚公谷今我經過念
昔遊銅鞮醉別已三秋別築高牙新幕府還餘畫壁

鶴靜堂集

卷之十一 七言古詩

手

舊滄洲此日羅含猶有宅却陪王粲再登樓美君長
結松喬友竹間六博花間酒蘭亭梓澤總荒烟何意
椒丘堪白首吳都有客乍思歸歸期尚在鶯啼後客
裏新添兩髯絲家山幾負春楊柳

山城放燈行 有序

范公鎮括俗靖人和暇日張燈與衆同樂予
遲三載來茲公入掌大尉軍矣客譚盛事爲

賦斯篇

萬象山前森檠戟少微閣下烟光碧幕府功高賀太

平山城始見上元夕范公世德慰蒼黎計相籌邊領

水犀威名不減王寧朔門第誰誇謝鎮西鯨波定後
休征戰軍中日日頻開譙柝弓金彈逐流鶯錦瑟銀
箏隨羽扇小隊團花繡襖魚龍百戲競登場騎出
名駒皆赭白牽來快犬是黃蒼前年正值張燈節星
橋火樹紛成列絳蠟燒時吐作蓮霜蛾落處明於雪
青玉蟠螭五鳳臺丁謨巧製漢宮開微聞豹隨天家
賜別有龍膏海外來分朋鬪采真無數士女喧闐驚
未覩步屨長依壁月歸鈿車暗逐香塵度嶺頭正月

鶴靜堂集

卷之二 七言古詩

手

落梅天連臂行歌雜管絃愛子吹簫顏似玉嘉賓授
簡酒如泉飲君之酒爲君壽九重側席求勲舊漢室
元侯便入朝周京太保難留後公去山城餘暮笳誰
從官閣醉流霞春夢欲迷芳艸路美人依舊賣薪家

鶴靜堂集卷之二 終

鶴靜堂集卷之三

雲間周茂源宿來氏著

門人

宋思玉楚鴻

錢甫越江

校

七言古詩

卽席賦贈鄧待庵

富貴浮雲我何有，肘間奚必印如斗。
鄧君東海真賢豪，行藏肯落他人後。
強爲蒼生一入關，談兵講禮供馳驟。
內史初來尚少年，公孫屢薦成蒼舊。
對策明光觀紫微，無雙國士動黃扉。
仲華拜袞家聲在，邕管飛鶴靜堂集

卷之三

七言古詩

一

鬼始願違懷錦，那知仍未試。
褻回伏闕還，方吏司勳堂上積薪多。
幕府閣中推轂易，南走湖湘謁相君。
軍諮祭酒堪從事，吐哺寧因邑子留。
拂衣自決名山計，枌櫚峯頭岸葛巾。
太史溪邊採綠蘋，擁書萬卷南面樂。
况乃玉樹多嶙峋，別君憶在都亭下。
予向荒陬驅羸馬，君列叅寮艸捷書。
予愁簿領沉風雅，落職俄收銅虎符。
悠悠將作抱關者，且拋雞肋慢亭遊。
雪浪桃花白鵲舟，倚醉狂歌唾壺缺。
武夷春曉疑清秋，迢迢來問劔津渡。
直造君前肝膽露，絳灌俱封萬戶侯。
致

身只爲儒冠誤，十載霜顛各自憐。
衙孟擊節歸田賦，不鳴不躍雙芙蓉。
起視斗牛竟如故。

過蘇石長半園居，知將有羅浮之遊。
載爲賦送。

蘇君舊宅九仙源，移居避地來沙村。
沙村城中多士馬，縛茆且住西巖下。
閉門高臥絕送迎，七日不火聞琴聲。
一官強起長溪去，支提峯下坐談經。
十年臯比竟成軻，瘦羊博士饑如昨。
待詔遲遲歸去來，櫻桃細雨浮春壑。
老畊千歲珠模糊，半體化石同伏菟。
歸裝載書兼載石，艸堂奇玩博山爐。
庭前栢樹高三丈，去鶴靜堂集

卷之三

七言古詩

二

建安舟次

建安江頭春可憐，炎方正月桃花鮮。
石子磷磷見江底，輕舸放溜疾于鳶。
繫纜平沙初霽後，篷窓坐對夕陽天。
縷山烟知晚爨，人家松塢種新田。

飲蘇石長舞鶴町出所得火後玉杯感賦

主人置酒西園中，鸚鵡杯浮琥珀紅。
改席池亭倚修竹。

竹飛觴捧出于闥玉琢就盤龍五鳳凰疑從內府舊
珍藏怪來照夜光稍斂微指連城質有傷爲道當年
燕市側茂陵玉筮人間得七寶燒殘海欲枯咸陽一
炬天無色瞥驚神物委泥沙駐馬摩娑淚眼花幾下
焦桐多未辨獄中古劍竟誰誇百錢易自買胡手攜
歸問我高陽友自古爭求身後名何如痛飲當前酒

和蘇石長放白歌

三公黃髮稱耆碩靈壽蒲輪尊舊德近來元老富春
秋輕裘並轡同連璧愛老愛少等風雲氣數使然真

鶴靜堂集

卷之三 七言古詩

三

莫測拜袞爭誇鄧仲華據鞍空嘆馬新息以之衰老
居下僚府中趨走憂頭白休沐頻勞鏡鑷工頽齡難
掩凍梨色半園居士達者流孝廉勃宰聲籍籍幾度
上書不見收膝穿首宿寒齋席十年間看霍林花不
覺流光過半百顚髮無改髭微霜苦吟撚斷任胸臆
解嘲聊爲放白歌詎美紅顏生羽翼笑殺他人多嬌
採鬢鬢日同瓜蔓摘爲翁出門爲媼歸其友識之妻
不識

萬安縣遇大雷雨

黃公灘西萬安縣江城斗大遭兵燹戍旗高捲白沙
寒三四鵬鵠浮水面忽然雷雨撼輕舟天光如墨走
鵬蚪癡奴競向舡底伏看予笑傲凌滄洲

送梅耦長歸宣城爲母夫人六十壽

謝公吟嘯久寂寞宣城大雅時間作明三梅氏天下
才寄傲芳洲牽杜若當時海內競聲華公擅青箱富
五車彩筆摘詞蜚白鳳明珠並價重靈虵身披鶴氅
桃枝杖意氣欲出雲霄上碎繡偕隱智謀深芥視千
金辭楚相烟塵四起兵事多梅公抱膝陵陽阿方期

鶴靜堂集

卷之三 七言古詩

四

共和紫芝曲誰道旋興黃鵠歌夫人恤緯異閨闈宗
筋力保真賢達衣冠南渡悉崩奔三尺孤兒竟存浩
令子名高赤汗駒髯齡著述傾老儒隔紗自受章家
訓剪髮重看陶母圖同里施侯建旗鼓人如麟鳳文
龍虎褐衣兩度蕭灘遊借書夜讀蓮花府梅郎自恨
寸心違母年六十虛翟禕七月江風挂帆去敬亭歸
夢秋雲飛到日黃花應滿室願造君家聽瑤瑟玉女
致詞拜母畢金經踞請長生術

紫芝行爲施使君賦

有芝有芝產蕭洲神靈恍忽疑丹丘使君爲政工懷
柔物無疵癘民無憂紫川玉筍氣沉浮蜿蜒地脉連
金牛芝生五色山之幽紺珠火齊懸上頭紛葩四照
蓮華樓 聖人御宇富春秋鳳在阿閣麟在阪胡不
進之登九旂芝幢羽蓋朝諸侯良臣入告有深謀禎
祥勿喜慮獨周嘉禾紀瑞急農疇石英朱草今漫求
石英朱草今漫求上林喬夫語且休

樟樹鎮

捉船載兵過嶺來江干如沸如轟雷千里不見空鰲

鶴靜堂集

卷之三 七言古詩

五

子令我筠州作客長徘徊過嶺還聞留久戍將軍待
命鬱孤臺我獨倉皇向東走村村閉門絕雞狗經過
藥市見人烟市上無魚鮓無酒天風颭颭當九秋北
人思著緇貉裘無衣猶自可無酒孰解憂君不見金
黃亂後戰方息白骨橫塋燐火密且莫行歌採橡栗
夕陽下山虎欲出

送蒼水遊越兼訊徐伯調毛大可

董生上書不稱意終學爲儒耻爲吏州舉孝廉八載
餘飛騰失路猶垂翅窮巷居時一艸廬講堂闢處成

槐肆青萍斫地且狂歌白眼逢人多直視君家清白
還朱門尚書從子少宰孫當年每探牛心炙此日長
穿犢鼻褌不聞第五輪驃騎真有封胡作弟昆我本
類唐非俊物膝中有鬼難再屈歸臥滄江把釣竿高
談共爾操觚拂閒看神木自榮枯一任魚龍長沸鬱
君今方上剡溪船行到金庭訪列仙宛委峯頭文字
古芋蘿村口綺羅妍亂後江山空隱軫烏衣甲第半
荒烟蘭亭昔日富才彥觴咏風流三十年徐孺毛萇
稱碩果近來海內重詩篇知君把臂聯吟處搖筆鸞

鶴靜堂集

卷之三 七言古詩

六

翔兼鳳翥奔來花簾興方酣傾盡玉缸天未曙二子
窮秋別豫章擔囊採藥何勿遽爲予千里道相思何
時復向西江去

送顧見山入都

顧子移舟出江潯送客攜尊競歌舞水驛津樓垂柳
深榴花吐紅日方午與君空憶祖生鞭偃蹇青雲二
十年君類揚雄長執戟我同平子賦歸田謫宦如君
仍不惡文采風流尚如昨曉鶯苑外鐵連錢春酒壚
頭金鑿落樂游不顧尚書期枉笏看山自詠詩侯家

爭購虎頭畫不爾綺閣同茅茨近聞有道四門闕應
問蒼生屢前席親老雖牽萊子衣時平豈閉袁閼室
南風送爾達 皇都到日卿雲覆鳳梧洛下故人如
見問已甘谷口老樵夫

輓楊嘉生樞部兼慰今嗣長公

洞庭之南湘水濱黃陵嶽麓山嶙峋楊家累世多清
德篤生樞部成完人樞部讀書懷大節匡時濟變嘗
許身前三閭後賈傳肯令俛仰愧先民公車十上
顛毛白策馬京輔皆烟塵亟召乃公任兵事感憤髮

鶴靜堂集

卷之三 七言古詩

七

衝頭上巾烽火甘泉日告急齧指負痛辭老親中樞
僅賴小司馬蒙難求爲社稷臣短衣獨握兵符出擊
額呼天泣鬼神山前山後收餘燼義士咸知不帝秦
賊中夜半追騎至流河渡口絕命辰臣死爲厲當殺
賊救邢忽報來東隣盪寇須臾定九鼎閔忠次第頒
金綸流河滔滔血成碧細柳新蒲復幾春孤兒披髮
走荒野骯髒七尺長賤貧君不見卞氏父子同戰歿
伍員逃从恒艱辛忠孝由來最荼苦君猶未是久沉
淪 本朝求士方若渴行矣東閣開平津

單夫子命賦太夫人哀詞

先皇御寓六年春吾師得士三十人杏苑花開桃李
新拜毋正及懸悅辰堂前絳幔紅錦茵香烟不動銀
麒麟起居八座設九賓于公門第多朱輪蘭枝玉樹
皆嶙峋吾師翰采冠詞臣裁裁握管龍池濱陳書擊
鼓厲成均講明孝悌扶人倫五花鳳誥榮所親南陔
乞養辭楓宸金盤踞進東海鱗酌酒爲壽樂無垠敬
姜垂訓躬組紉名卿內子爲大紳唵噉入晦不再晨
一雙吊鶴來空曼鸞車雀扇朝西真髮髮白髮青霞

鶴靜堂集

卷之三 七言古詩

八

巾吾師強起居要津母也有命當致身椎牛而祭舍
酸辛

盧舍庵觀魚

平堤艸綠柳如烟澹蕩晴湖春可憐瞥見游人樂事
偏香車簇簇魚梁邊放生之惠本竺乾觀濠嘗著南
華篇陂塘種魚亦有年昔日長秋爲福田紅樓紫霧
散花鈿繡旛矗立鋪象筵千山夜雨瀉錦泉大魚揚
鬣觸畫船小魚煦沫荇帶牽文鯿五色舞翩躚不數
江潭縮項鰖投以餌饒得食先鷗鷺遠避空垂涎疑

有琴高跨鯉旋何煩芳餌相糾纏誰能瞋目廣場前
忘情獨得天機全

贈方生

方子十世高門間少年善讀天官書土圭銅渾在指
掌甘氏石氏皆唾餘騎驢偶過長安陌五侯七貴稱
揖客醉中一語辨魚龍山陰學士交莫逆學士深談
運命篇長憂火色與鸞肩三十便懸丞相印轉眼富
貴同雲烟周生拙宦當衰暮身作東園五石瓠鄧禹
笑人只等閒李斯牽犬何驚怖以茲不復問窮通北
窗跣脚夢松風經月懶觀爵里刺客從何來浙水東
客也方姓季鷹氏江東步兵無乃是出不如處君自
知漫指朱輪勸我仕

鶴靜堂集

卷之三 七言古詩

九

同董閬石蒼水沈雪峯張洮侯沈賁園張冰懷
飲徐嘿庵宅看桂時客有舒城束孝廉洮侯語
多驚坐卽事漫賦

城北徐公美無度秋堂召客兼縑素有客遙從江左
來十年曾上河東賦世家應是廣微孫門巷還鄰公
瑋塢坐中二董工文章吾里機雲昔鴈行大沈起捉

青藤杖小沈高眠白玉床張生勃率狂言發灌夫罵
坐氣莫當呼馬呼牛無不應酒徒祗怪問行藏人生
真真問行藏但看筵前桂子黃徐家青衣頗解事善
歌不數部鄆倡聽終一曲一舉觴忍今執炙不與嘗
爲道周侯好飲頭漸禿揜口微笑屏風旁

喜吳六益久客歸里

華萃山人胡不歸華萃山人今乍歸去歲虔州見君
面客途邂逅逢親串虔州李官饒賦才相邀共醉鬱
孤臺三人夜半歌復泣燒殘銀燭成寒灰走馬來朝

鶴靜堂集

卷之三 七言古詩

十

各岐路我到蕭灘幾朝暮只道單車適嶺南何期躑
躑章江渡聞君有友山東豪慘澹南安故法曹脫驂
衛館同高義掛劍徐墟慰舊交吾家觀察附書至誦
君肝膽真國士布衣之俠輕千金生死交情近無二
共詫三年客豫章歸來短髮竟如霜已知珠去留空
櫝所喜詩成剽錦囊

沈友聖適楚弔顧西嘯侍御以其細君送別之
作示予漫賦爲贈

沈子吾鄉稱狷者布衣崛起持風雅閉戶窮年讀父

書出門結客多金馬徒步翩然京洛遊胡琴碎後動
王侯題詩杜曲新花樹拔劍燕臺舊酒樓漢陽御史
文章伯與君同調真莫逆結襪寧爲廷尉羞憐才實
有中郎癖御史江津按部來東郊特訪隱淪回且停
陌上花驄馭滿酌山家桑落杯闔閭城西虎丘暮更
邀祭酒登高賦勝事遙傳三笑圖乘車戴笠安其素
刺奸有命復南遷幕府芙蓉倚洞天佇望朱軒踰越
嶠誰知丹旄返晴川一生一死交情見乍聞迸淚渾
如霰動輪已與故人期磨鏡須陳千里奠吳江楓落

鶴靜堂集

卷之三 七言古詩

士

曉霜嚴遠泛輕舸惡浪添澤畔回翔成獨鶴閨中惜
別負雙鸛可憐絮就征衣去相對高吟天未曙非關
蘇蕙織迴文欲贈秦嘉增百慮送君西去楚雲長鸚
鵡洲前艸色黃應吊湘靈傳錦瑟漫追神女賦高唐
春日同餐公過白燕庵卽事

白燕題詩哀御史讀書東郭傳遺址捨宅仍沿白燕
名精竟不散祇園裏隔代滄桑易主人尊僧本是宰
官身昔日歌鐘嘗會客無妨粥鼓再留賓二十年來
栖遯久浮雲變幻成蒼狗求死長祈處士星餘生願

醉中山酒如何大獄起東南劫火腥風到石龕懷王
豈復存苗裔盆子由來一髮男五色銀鑄濺頸血身
經榜掠堅于鐵碎首甘心亡國臣沉寃賴有皐陶雪
微聞頌繫在深冬不日金鷄下九重歸夢已隨黃犬
信唱囚猶聽景陽鐘我同老衲遊郊甸潛行爲訪空
梁燕入徑依稀三笑亭披帷不見斯人面只看花木
尚依然裴几無塵列簡編經營慘澹煩臧獲苦待生
還舊輞川我告僕夫淚如雨僮客紛紛多賣主高爵
輕封不義侯藐孤誰叱蒼頭乳尊僧侍者真可兒共

鶴靜堂集

卷之三 七言古詩

士

命之鳥無去時掃花爲道歸期近多恐花前鬢已絲
同年李壺山謫香山少尹洋賄獨得超然叙其
事以美之

李生謫去官南海炎方三見春星改蕭然廳事撫孤
松苦吟剩有青衫在尉佗城南天下稀文犀翠羽爭
光輝舊隸象胥番舶衆越裳萬里至如歸近來微外
防偷渡雲濤隔斷澎湖路璫珣無煩入後宮珊瑚不
復收寶賦闌出誰知大有人九重切責封疆臣楊
僕樓船難追罪馬援薏苡竟亡身僚吏同時憂告變

香山長官爲手顛檢勘南中按籍求飲冰少尹開生
面少尹邕州舊法曹金蛇不肯媚權豪勤苦無忘陶
侃覺聲名輒佩呂虔刀吁嗟俗吏輕廉節自謂錢神
炙手熱空使貪風珠浦移一朝運盡銅山裂君不見
閭闔門高聽自聰遙從滄海辨魚龍達官悉染姑臧
潤拙宦偏膺卽墨封

留澄江家仲榮

與君共醉櫻桃下閃忽羲輪當九夏君借園林作慢
亭蕭疎我復婉居停主人空說還山去幾時不向山
鶴靜堂集

卷之三 七言古詩

三

中任今朝解榻坐東樓索爾詩篇吟不休新長琅玕
三巡裏曉開茵苒曲池頭不巾不櫛髡無髻蕉葛短
衣皆楚製醉後惟談種樹書閒來只寄圍碁勢勸君
且莫放蘭舫稍待蒼江秋氣高相隨一棹君山麓同
看江邊八月濤

題蘇覲廷自甘州歸吳省視冊

有客遙從秦塞來踰河度隴到蘇臺隴坂吳關八千
里雲沙浩浩山崔嵬身騎宛馬如流電虎紋鞍挿鵬
翎箭青狐爲裘赤鸞冠春容還似西唐彥本音善作

甘州歌銀磧金笳哀怨多自言家世姑胥舊祖戎羌
戎行荷戈具區蕩瀾蛟龍宅七十二峯刺天碧林屋
洞底桃花村相傳聚族居川澤入門徧拜堂中人老
幼驚疑問主賓徙去河湟甫三世期功未遠稱周親
舉族歡呼動隣曲漆書細展宗祊錄非同孝穆久思
家直是然明將改俗送君歸去值來鴻綠染葡萄棗
實紅衣繡故鄉多異數佇看擁傳過江東

贈中峯院長一聞

軍城尺土餘清涼云是中峯古道場中峯爲師月鹿
鶴靜堂集

卷之三 七言古詩

古

弟趙家承旨嘗遊戲佛座青蓮五色瓜畫圖赤汗飛
龍騎琅函貝葉梅花詩世守傳衣參了義一公抖擻
歸花宮修持最早雪山童夏臘漸高翻譯徧五天梵
語無不通自從烽火江關蹙百衲苦遭橫驅逐鐵瓦
風飄香象身紗燈晝暗談鷄目吾居咫尺古樟林夙
昔聞師戒律深力拒魔軍來劫鉢時逢長者爲鋪金
大願寶船不恒有故人方作潮陽守遠攜瓶錫千諸
侯齋筵承斷聲聞酒蠻方毒艸多蠱蛇持咒安行路
未賒取來一勺曹溪水八部天龍護海槎摩耶始誕

月初吉此日香華盈丈室師着猩紅舊毳袍不希供
奉西明秩卽看紺殿復莊嚴四禪齊誦波羅密額珠
光滿眉正長手種娑羅蔽雲日萬轉金輪等剎那仙
家漫侈長生術

董室龔烈婦哀詞

八月三日兵馬來萬家踏作咸陽灰五茸白晝天如
赭有烏哀叫青陵臺龔帥之女董生婦素嫻內則奉
箕帚摸金誤瞰黔婁家露刃張弓刳阿母新婦爭死
急向前抱持阿母呼所天以頭觸地腦迸裂朱殷濺

鶴靜堂集

卷之三 七言古詩

五

血同流泉強暴見之爲色變阿母堯年存一線董生
徒跳奔入門悲號腸斷還勢面長戟繞收滄海東貞
冤旋感鮑家驄孝烈銘旌書漆簡女宗姓氏達蒼穹
我聞開創用兵革吳娃越艷歸河北無數紅顏逐健
兒含啼乞活瓊車側術無北海召靈祇烈婦英風百
世師願將丹碧圖荀女羞殺珠璣贖蔡姬董生有妻
義不辱董生絃絕不再續半世神傷九死身忍歌雙
雄朝飛曲

修竹篇爲筠士上人賦

讀沈巖生四十自壽詩援筆漫贈

沈郎昔日當全盛司馬中樞操八柄橫海征南勲伐
高門陰髻齡奉朝請伯兄同拜執金吾樂范名家世
大夫國破家亡司馬歿空庭剩有羽林孤流離竄走
田橫島艱危幾向蘆中老爲收遺骨返江鄉亂踏蒺

鶴靜堂集

卷之三 七言古詩

六

藜穿間道仲氏先歸伯氏留怨家此日復尋髻髯鉗
季布難逃厄復壁孫賓爲解憂請婚欲負秦樓約鐵
來強把檳榔索香銷總帳又神傷獨臥牛衣長落鳬
奉毋城南一敝廬全無家具半床書阿兄投老歸蕭
寺負米崎嶇慰倚閭與爾同堂嘗譙集相逢各復矜
篇什沈郎本是忘年交自壽新詩年四十半生久廢
蓼莪篇憶着劬勞倍可憐如君定勝休文叟身作齊
臣已暮年

送廣菴弟入都

衰宗不乏能文者高才每困鹽車下我弟真稱千里駒
髮方覆額工騷雅獻策無媒年復年牛才墮涕漚川
邊飄零不復棲梁燕憔悴惟應種墓田那知弦括
空中伏虞氏高樓速我獄何嘗告密效牢修竟爾幽
囚同杜篤繁頸銀鐙讀道書覆盆三載泣枯魚奇冤
幸賴于公洗禮數還爲越石紆東萊宋公雙眼白欲
上龍門皆點額獨爾相逢意氣深酌以葡萄臥熊席
便令驂乘入長安此去寧愁老鵬冠手操五色珊瑚
管身近金莖承露盤卽今日啓平津閣漢庭詞賦良
鶴靜堂集

卷之三 七言古詩

七

送海陽吳仲微歸武林僑寓

君家詩格世所希前有吳均後少微畫手入神推道
子梅花老衲爲傳衣如君詩畫真兼擅天都黃海稱
才彥薄祿仍同鄭廣文笑談孤嶼江如練昔年把臂
石門邊濡毫爲我生雲烟歸攜素障茅堂上臥對春
山又十年湖濱我築菟裘老花開三徑爲君掃况有

蘭臺宋大夫雄風首唱空文藻六博彈碁靡不爲吹
簫君復諧龜茲劍氣宵尋歐冶廟蓴莢曉謁季鷹祠
經旬別館城南陌棠梨落徧蒼苔石盤礴揮成數尺
綃畫師束手爭回席吳仲子莫言歸虎林非爾故山
薇燕泥鴻爪皆忘機滿厨舊畫都飛去狡獪何心問
是非

春日集朱雪田書樓

吾鄉作者董尚書容臺筆蹟妙天下書工八法盡通
神晉唐以來無匹者同時風雅朱奉常心慕手追刻

鶴靜堂集

卷之三 七言古詩

太

不忘開軒輒到謝公展布席長留荀令香奉常嗜古
貯縑素玉軸牙籤等四庫畫如張陸書歐虞前者叅
半後無數就中尚書墨寶多百金一貲千金戈更有
鸞章敕代制名臣手筆增恩波尚書已歿奉常老光
祿池臺皆茂艸咄哉仲子獨好奇高居北郭恣幽討
畫學容臺得所宗湖雲海日羅心胸結構層樓置靈
物晴窓森列青芙蓉昔年謁選長安陌揮毫日醉五
侯宅屏障爭誇李郭名烟轡總入荆關格今日方爲
板枿行櫻桃花落亂啼鶯重登快閣看書畫美爾居

然擁百城

贈崔文臺郡丞

度遼一水縈如帶今日南陽與豐沛右族尤推寧遠
城附鳳攀龍盛冠蓋解道弓刀貴莫當批牟戰士皆
侯王獨有醇儒崔子玉十年講學坐匡床漢高天下
馬上得樂聽詩書徵舊德初列屏星峴首邊再叅幕
府鍾山側鍾山陵闕舊陪京司馬威同司隸名已見
單車平賊壘還聞露冕扈農耕故人屈指多卿相舉
賢自代交章讓入朝不趣舍人棄辭祿翻成高士望

鶴靜堂集

卷之三

七言古詩

七

欣然卜宅住青溪列戟烏衣巷口西秦淮歌板花前
起謝墅基枰雨後攜曾共袁羊過吾土采蓴澤畔鱸
魚浦海內咸知陳太丘江東乍識邴根矩今子真誇
廊廟材風雲萬里亦雄哉碧雞金馬膺華選鐵券丹
書接上台公今年幾方七十口授霞詮食五粒願隨
石星攬仙袂猶及濛濛鍾乳濕

秋思曲

我曾燕邸逢秋節馬行八月西山雪復向炎方歷杪
秋夾桃萼吐蕉花熱自歎勞薪甘載餘秋風今日到

吾廬埜庖晚食求蓴菜漁舍新筍進蟹胥遲暮移居
真學圃美人隔斷葭葭浦莫漫悲秋作楚吟閉門且
自歌梁父

再集龍潭送旅公還崑崙精舍

旅公幢葆來上京紫衣金策長嘑噪帛獻入國人天
供羅什繙經帝釋迎自從仙駝橋山路四禪亦作烏
號慕講幄晨搖白鳳旛慈燈晚撤青猊座師去仍歸
古道場人瞻龍樹早還鄉偶然錫挂崑崙頂時復經
行谷水陽谷陽舊有驪龍宅澄潭千頃珠光碧竹房

鶴靜堂集

卷之三

七言古詩

辛

斜對水邊樓若枕晴依松下石吾儕數子高陽徒狂
歌日醉黃公壚結社特容嘗米汁清齋專席進雕胡
沙中鴻爪何深淺師愛崑崙多婉變別韻先成寫綠
蕉郵籤索寄分霜璽阿蒙學種東陵瓜歲寒還放羅
浮花與師僅隔牛鳴地勿訝鐘殘到短檠

庚戌元夕感懷

吾生少小舞象前記在思陵已巳年士女欣逢全盛
日東南別有艷陽天宵烽一片河水隔梅柳江城尚
綺妍是歲張燈稱最樂祈年爭頌使君賢穀城太守

京山尹斥鹵皆成再熟田未論黃昏晴似晝先看白日動如烟龍油錦障交衢裏蘇合香車大道遶乍落金烏西崦夕旋升桂魄絳霄懸星橋火樹千輪影丹豹霜蛾百子然亦有倡樓遺寶釧非無甲第出鈿蟬美人愛唱吳趨曲才子平吟子夜篇角觥當場陳雜戲投壺倚醉傲羣仙年來風景渾非昨元夕笙歌倍可憐半似寒沙聞塞拍還同夜雨聽湘絃却灰不辨烏衣巷燈市誰誇姹女錢從此夢華空有錄爲談天寶恨綿綿近聞 帝里祥光滿稍得軍城樂事偏秦

鶴靜堂集

卷之三

七言古詩

三

贈王無穎

鹿城王子工畫竹信手琅玕盈數幅一艇春殘到五茸紫藤花謝櫻桃熟愛靜還從蕭寺居門前鐵限如車軸間發狂歌舞寶刀助令筆勢千尋蟲贈我淋漓醉墨圖挂之寂寞柴桑屋渭川烟水蒼梧雲恍忽移來近長谷坐倚胡床十日看攜燈便向圖邊宿君不

見前賢竹數夏太常價重雞林珠一斛繼之能事推文休近日元恭號睂目鹿城竹派三百年其餘諸子何碌碌如君妙藝傳人間直使文同難擅獨何可一日無此君于今賴爾忘食肉

集蒼水齋限韻分得粉字

人生何必長憂憤榮華大槩同朝權今日堂前半老蒼當年曾傳何郎粉我本孤生東海濱楚音蠻語參喉吻縱許金門姓氏通難容玉筍班行近十年薄宦賦歸來便從耕釣尋高隱絲竹應難擬謝安歌呼聊

鶴靜堂集

卷之三

七言古詩

三

復希楊惲秋風發發鱸魚肥蓴絲菱角堪撫膺步兵况有高陽徒舉杯豈戀官厨醢

同年王農山侍御六十

昔年同獻凌雲賦宮苑柳絮紫烟霧薄宦常爲執戟郎憐君亦滯金門步自予麾去守窮山君方題柱稱榮遇鐵冠驄馬出都亭直使風霜盈暑路海陵積粟支數年轉漕關中蕭相賢白獸開尊初上殿江魚調膳亟歸田娛親喜見雙瞳綠手弄飛雛還綵服陸瑁湖邊作錦堂留侯埭口成盤谷身似流雲自卷舒瓊

珂鳴後且巾車閒吟紅藥堦前句日購青槐市裏書
高陽里門銀榜立續紛冠蓋旗幟入千里駒看赤汗
驕三珠樹有歸昌集石麟墮地光熊抱孫着膝荀
家翁翁今久負三公望堅臥十載東山東紫萸黃菊
九秋節紅泉碧澗加清冽華燈如畫畫屏深玉露霏
微疑絳雪當筵賀客俱名流美人吹簫樓上頭君家
酒戶勝蕉葉此夕葡萄一石優

中元後園丁以荷花來

去年采蓮川之潯今年采蓮潭水深五月六月陽鳥

鶴靜堂集

卷之三

七言古詩

圭

匿雨師憑怒愁毒淫有荷苗昔遭覆溺白鷗花鴨同
浮沉水沒苔磯退三尺花開方見秋堂陰折得一枝
殊不易渾疑捧劍出波心銀塘此夜蓮歌歇蕭瑟金
風動林樾扁舟且待桂花黃會看機山端正月

輓及門高勵昌進士爲奉天府廣文歿于官

去年我哭張君與君作儒官在沙磧寒氈一席還量
移又向遼陽伴遷客鴨綠江頭首蓓花廣文先生設
絳紗虎賁子弟受經暇控弦雜學筆琵琶月支俸錢
五斗粟桐酒難從市上賒坐穿木榻管寧老在邙青

雲致身早哲父章賢作相公何難接武中書考爽鳩
疇昔我爲郎君來問字開講堂東齊張子亦少俊揚
鑣綺陌相翱翔自予蹲甲嚴城下聞君獻賦登金馬
尺素遙傳浙水湄開緘一爲傾杯竿豈意君家宦轍
艱十年躑躅瘦羊間朱雀烏衣嘗謁貴銀魚紫綬阻
清班飲巖未解相如渴化鶴空聞丁令還陪京寶啓
流人路俯關去逐征鴻度舊鬼煩冤新鬼號冤歸幾
見丹旌迎君官一命異纍囚入附昭丘龍卹優鳳逝
麟傷堪憫絕況悲太傅哭西州碣石宮前白艸秋軍

鶴靜堂集

卷之三

七言古詩

圭

哀李壺山謫香山丞卒于官

李生家住城東偏清門冠蓋稱蟬聯年過三十乍通
籍斥盡爪疇負郭田一官遠在萬里外九真日南半
艸昧握管猶能諭百蠻平刑自信文無害遷謫還居
瘴嶺東珠江盡處海天空羞睨吏人署紙尾松間岸
憤酖顏紅片香無私生計薄夢斷華亭灘上鶴有女
不嫁婦呻吟恁將奩具供湯藥長男早夭幼男癡中
男遠行義不辭誰知省覲逾三載此去真當求汝屍

丹旆蕭蕭白日速招魂剪紙爲慟哭車馬終期范巨卿妻孥已托朱公叔今年幾喪同年生如君客舛倍傷情孤兒尚作吹簾乞何日親將廣柳迎

同年陸蘭咳少叅夫婦雙壽

試向三吳推氏族大姓先數華亭陸昭侯事業機雲文近代尚書膺百福奕葉爭誇金紫多少叅千石

熙朝祿釋褐纔登赤玉墀天南旄鉞咸推轂樓舡盡護水犀軍討逆謀深旋地軸手挽銀河洗甲兵欣然納節還初服避俗何須林慮山逃名只在王官谷爲

鶴靜堂集

卷之三

七言古詩

五

園恰枕丹砂泉抱甕親澆花與竹酒氣氤氳雪夜裘暮聲剝啄松邊屋予亦歸耕歇浦田十年不復看除目把臂同君日嘯歌留賓美爾葡萄熟乍囀新鶯萼綠華堂前羽舞調琴筑知是君家嶽降辰同庚况復鳴榔六有婦不將阿堵嗔有兒能把賜書讀兄長孝弟我長生君固徜徉善自足

爲餐顥禪師題募緣冊

餐公桑下不三宿巾瓶屢徙無定方近向城東敷片席槎枒古木圍葭牆夜半山都時叫嘯波旬或惱蓮

花房講臺獅子只一吼尼連濁海回清光樹底親縫紅罽衲燈前手炷茵陳香鷺嶺禪栖亦何遠心安退院嘗休糧我昨從師問了義狂飈急雪摧繩床僧雛未解斷烟火二空猗猗難禁當非無檀施給孤老耨田此日真奇荒黑衣宰相作佛事人皆皮相呼法王千金一設伊蒲饌誰識茅庵是寶坊聊作數行乞米帖願吾大衆毋炎涼

送董蒼水遊粵西

昨年送汝山陰道若耶水淺芙蓉老今年送汝瀟湘

鶴靜堂集

卷之三

七言古詩

五

遊九疑天半暮猿愁董生蟬冕過七葉才高賦就長楊獵違時困比馮敬通好客貧如鄭公業問君何爲萬里行春花正發五茸城乍可天涯尋舊雨無心谷口聽新鶯岳陽樓對君山樹孤帆直指灘江路經過桂嶺見瘡痍十年象戰昏烟霧黃茅毒瘴莫徘徊手斷丹甍徑忽開枕椰子向溪橋落吉了聲從驛店來椰漿較似蓴羹薄徭峒陰森富靈藥將軍新築荔枝園翠鳥文魚差不惡遷客由來不忍談鬱林藤峽最難堪此行豈爲叅蠻府自放長沙南復南途窮且漫

悲萍梗行到此中應猛省老將誰憐銅柱勲美人只
剩綠珠井

春日寓沈明生園居爲唐子畏讀書處

君家卜築桃花塢十畷菟裘稱鶴圃六如居士舊青
山勝事應須達者補作客吳趨去故鄉移來家具又
滄桑方書已續陶弘景池館重開顧辟疆城隅淥水
明如鏡水閣虛廊自清暎烟火時停爲學仙巾車不
出因中聖畫舫銀燭影婆娑九髻妖童善踏歌丹成
偶試容成術未厭青蛾紅錦韉金塘遲日流花片雙
鶴靜堂集
卷之三 七言古詩 七
栖屬玉雙飛燕邀我松間弄綺琴借君几上題統扇
還聞別墅在支硎許買沙棠閒水經共道江南春似
海那堪閉戶負山靈

鶴靜堂集卷之三 終

鶴靜堂集卷之四

雲間周茂源宿來氏著

五言律詩

舟次臨淮

春日 浦飄然估客舟哀歌何處聽桓笛爲誰留
夾岸迷芳艸平沙起白鷗鄉關千里外指點暮雲浮
與族弟振豐

去歲黃河北君曾送我行相看憐朔雪何意厭春明

鶴靜堂集

卷之四 五言律詩

一

短劍孤吟切綈袍百戀生蕭蕭歸故里猶慰脊原鳴
辛卯正月奉使閩中出都之作

閩越南荒外輜軒萬里賒旌搖燕市雪袖拂武夷花

綺陌春相待紅亭日易斜漫言歸省近王事本忘家

望太行

千里倦行役茲山只宛然登臨迷九折阻隘控三川
雲斷鴻初落風迴馬不前勞歌一爲發何計乞歸田

出車騎關

此行須百驛今始出 皇畿河柳低征幟江梅近客



衣思家雙淚落望闕五雲微未必鱸魚穩含香只暫
違

謝宋荔裳贈行四章次原韵

三殿分龍節千官釋蟻裳國書方四出行李及諸郎
雪後聞燕筑花前動越裝登車猶戀惜吾友怨迷陽

又

閩天真僻遠去日幸芳菲驛路官梅放江城乳燕飛
方辭筇杖貢敢掇荔枝歸獨爾瑤華贈書囊伴客衣

又

鶴靜堂集

卷之四 五言律詩

二

王程原有限不久即言旋西省羣相憶南冠倍可憐
張弧終遇雨鳴玉再朝天到日紛應解能無愧舊連

又

此際一分手非徒嘆索居予身同旅鴈子病泣枯魚
謝客池塘句鄒陽獄底書封緘須爲達羣季總連如

望蘇門

杳靄孤峰秀蘇門入望中龍章悲叔夜鳳嘯憶仙翁
苔石趺應沒烟蘿徑自通迅遊情不淺巾拂欲凌風

沙河道中

邢襄南去路疑是涉流沙枯柳先爲絮春水尚有華
虎踪明復隱鴻爪正還斜欲待寒帷問須教護碧紗

永城曉行

北來梁苑樹南去廣陵濤此地稍無警兼程敢憚勞
旌竿宵月暈馬首曙星高向日青綾被鷄人或未號

又

車中殘夢醒短袖滿霜華覓艸糜羣出街廬鴈侶斜
山川餘劍戟田里僅桑麻寄語淮陽吏休將臥理誇

過邯鄲

鶴靜堂集

卷之四 五言律詩

三

冒暑更衝寒身輕類鼠肝一年餘百日三度走邯鄲
曉漏求衣起宵烽立馬看浮名良易厭底事尚盤桓

又

短髮羞臨鏡年來見二毛秋官刀筆賤星使傳車勞
白日牽人事青山笑我曹曼容眞易祿便欲老東臯

過淇水邑令柴君往河上不遇詩以憫之

我宿淇門館終宵祗鬱陶可能遺子在無復曉雞號
白石欺田穗黃河沒埜蒿有官何處所版築邑黔勞

范儀封愛紫席上贈別

浚水孤城在郊墟枕白沙訟庭閒放鶴官閣臥看花
留騎開尊酒停盃對落霞爲君謀永夕漏盡卽天涯

憶張黃岳使蜀

皇華前後發念爾獨西征鳥道懸車度蠶叢火馬迎
棧雲隨節影江雨雜珂聲銘閣君才健何愁劍外行

懷丁扶萬使楚

楚水接天流乘春覽上游銅鞮山簡騎繡被鄂君舟
鸚鵡催文藻江離送客愁想驚桃葉暮不待洞庭秋

漫興

鶴靜堂集

卷之四

五言律詩

四

屢作江南夢逢春倍可憐輕烟寒食候細雨杏花天
隱几聽黃鳥攜尊盪回船東山歌妓在白紵劇纏綿

歸德道中得宋直方札

正憶河橋別南來得素書君方移錦纜我亦走鋒車
曉日山城荔春潮海市魚寒帷先問俗風物定何如

又

美爾談經暇名山歷武夷刺桐開絕澗盧橘覆叢祠
卷幔雲先入梯巖月故遲瑤華如可掇應誦涉江詩

宿州

南疆初別壤情入故鄉深雞犬連豐市兒童半楚音
燒畝方卜歲縮版爲愁霖津吏迎前問濠梁漲幾尋

宿會亭

客路三旬久江關千里遙郵亭行處毀戰馬去時驕
燎火無官燭壺觴有掛瓢咄嗟緣底事正憶侍中貂

雪後發虹縣

虹縣城南路崎嶇有七盤何當逢雨雪更復苦征鞍
翠珥瓊田落朱旂玉樹看渾疑沙磧裏十月海風寒

從泗州過盱眙山館

鶴靜堂集

卷之四

五言律詩

五

淮泗春流壯呼船渡夾河城根依白鷺山色帶青螺
烟火林端見街衢水上過陰晴還未卜那禁客愁多

盱山眺望

昔年藏劍地奕代慶龍興已作滕公石幾迷夏后陵
市朝傳玉盃泉路竭魚燈難禁牛山涕茲峯不可登

雜感

鮮民當弱冠六尺類蜉蝣灑泣歌瞻帖傷心咏上留
晨炊惟脫粟夏服轉披裘貧亦真堪病長爲有道羞

又

夙齡依外傳家學更趨庭南浦青霞閣西峯白石亭
先人嘗鼓瑟小子幸傳經嘆息遺書在音容獨杳冥

又

舉子先摧一哀竝七歲雖經能兼左氏殤更早童烏
繡襦生塵久金銀出世無百年須見汝吾亦到黃墟

又

從兄堪國彥名德苦無年人或輕癡叔君眞友惠連
少微當此厄封禪有道篇每慮衰宗隕亡琴倍黯然

又

鶴靜堂集

卷之四 五言律詩

六

抱玉憎時命琴書日遠遊身爲文舉客人在仲宣樓
雅譽矜三語微吟擬四愁到今重繫馬聞笛淚交流

又

腹笥慚何有談經得夏生高才楊德祖絕慧管公明
松柏當先殞蘭若卒就傾存亡還異代知否祝予情

又

吾友瑯邪雋能耕壟上田一尊娛石戶三徑謝時賢
握手遊梁日分飛入洛年未須焚筆硯漢史賴君傳

又

如何亡命客終歲獨身遊海外田橫島蘆中漁父舟
向來驚雉網今且問羊裘莫待招鳬日天心弗汝讐

舟次富陽

鼓枻逢新霽晴川泛落花春雲移海岸曉日蕩江華
粉堞凌波矗丹樓跨嶺斜霸圖還此地何處伯符家

釣臺

釣臺高百尺縹緲客星寒天子平生意幽人物外看
千秋遼漢臘七里尚嚴灘解識滄洲趣羊裘入夢難

上巳泝江山爲先忌日

鶴靜堂集

卷之四 五言律詩

七

上巳逢佳節予懷獨慘悽帆檣龍渚外蘋藻鶴亭西
埜茂花爭發山樊鳥亂啼采蘭空有約沍露隔前溪

大竿嶺見戍兵

不盡巉巖路重聞鑿五丁來時輕地險去似落空冥
遠嶂雲鬟翠崩崖石鏡青燒屯還有令塢火亂春星

雨中泝富春江

烟雨片帆開凌空望釣臺龍湫穿石下鳥道拂雲迴
終古滄江色千山落木哀同行驚旅髯吟眺獨徘徊

送李舒章荃

李生天下士埋照最堪哀不見枚乘筆空憐庾信才
青山從此沒白馬幾人來欲別松楸路斜陽首重回
宋直方許鶴沙從予墓門送行愴焉告別

憂戚三人共焚魚避海東鄰喪憐處默从季愧安豐
虞祭君猶緩祥琴我未工如何催檄近畫室等飛蓬
又

薄宦同雞肋誰言誓墓難枯樁無限恨鐘鼎若爲歡
夜月鵬啼苦秋霜鶴影寒多君勤錫類倚杖北邙看
初補秋官郎入朝時雪初霽

鶴靜堂集

卷之四 五言律詩

八

乍自田間至趨朝整玉珂燈光扶雪路馬首觸冰河
宦拙青門近官卑白眼多久知耕釣適無計老巖阿
京邸屢夢先人

自到京華日思親夢未安將因秋祭缺或念客衣單
白髮當年似青山隔代看歌鐘千萬戶寂寞一微官
陸集生泊津門詩以訊之

之子公車約輕裝臘雪前乍聞鹽鐵使爲駐孝廉舡
碣石宮中月蓬萊海外天滿懷飛動意圖繪可盈編
又

剩有奚囊出仍聞苦踐更鶴田應未獲鱸渚不成羨
月俸慚予減春醪待爾傾毋嗟行邁久努力事承明
見戍楚者北歸

辛苦南征戍瓜期見代還舳艫飛水驛鏡吹動江關
月照歸時夢霜摧去日顏洗兵猶未卜愁殺五溪蠻
又

轉戰知何處更番恤武臣揚帆三楚盡解甲九疑春
羯鼓軍中婦湘蘭澤畔人君看古良將功德在生民
九日

鶴靜堂集

卷之四 五言律詩

九

栖栖行役者高會每難期九日黃花少扁舟白浪遲
中原森劍戟故里厭旌旗造次江州酒停杯有所思
武城與吳見末相別時予將走豫見末南行入
閩

已向孤城泊危檣獨夜來燈隨沙岸曲柝共鴈聲哀
行李矜書帙離情想酒杯江程輪爾便及見故園梅
又

共作平反使君行到七閩紅蕉殷海岸烏柏黯江津
客路寒暄異天涯雨露新歸來詩句好圖畫幔亭春

彭德道中會潘仙客還自粵西

萬里南征客相逢古鄴臺詔隨銅柱遠裝自鬱林回
候月迎江鴈先春背嶺梅輜軒多獻替翠羽爲誰來
過宜溝見同里張中丞宰濬時戰功碑

古驛殘碑在中丞紀戰功旗翻蒼隼落劍指赤眉空
石茆封猶缺庚桑祀未同招魂孤島外墮淚更何窮

謁太昊陵

中埜無封樹山陵萬代聞乾坤疏太乙河洛肇斯文
圖書蛇身古馨香火食股到今蒼艸茂神物動星雲

鶴靜堂集

卷之四 五言律詩

十

贈胡循蜚時在梁苑將歸

數日太丘長青蠅爾許來文章歸混沌簿領困塵埃
玩世將無拙休人絕可哀鄒陽曾在繫名亦冠平臺

又

祝融峯外吏入宋作微官失馬終何恨虛舟竟未安
上卿存越石諸戶急兒寬功罪渾難定因君更達觀

又

儼含纔容膝衡門逐市開陵陽餘涕淚莊舄且徘徊
旅夢耽修竹歸期待落梅生還離宦海何異玉關回

惠葉荃伯金吾竹構

昔年修竹地今日賜書堂履屐千人聚琅玕百尺長
臨風思嶰谷坐雨夢瀟湘卽此成嘉趣誰能借棟梁
上親丞太廟恭紀

孝享初裘服 皇躬入廟虔思成霜露切報本漆沮
先靈爽森弓劍歡心達管絃祠官陳舞罷天馬奏新
篇

丹山捷至

未央初受賀盪寇捷書來鸞鶴秋聲厲鯨鯢曉霧開
戈船連百粵幕府出三台此日揚波定威伸朝漢臺

鶴靜堂集

卷之四 五言律詩

十一

又

諸將征南績真看廟筭雄環山犁虎穴跨海壓蛟宮
徵貳妖氛斷孫恩水逝窮扶桑晴望處萬里碧天空

西山早雪

八月西山雪千家未授衣木艸衰鵬翼奮沙老鴈羣飛
顯氣通瑤闕晴光照羽旗乘秋宜眺望躍馬事多違

入都初集賦答同里諸子

其惜檀車敝啣杯隔歲分不堪疑叔夜多病類休文

黃鶴虛成夢銀魚且未焚一麾知早暮密勿賴諸君

擬李太白宮詞八首

荷蘭開別殿扶荔築新宮金屋嬌無匹黃圖選自工
花間邀舞鳳天半落驚鴻何必瑤臺約龍媒萬里空

又

苑樹千重合宮鶯幾隊新霓裳初製曲洛浦竟疑神
碧盤調雲母輕綃隱玉人承恩多雨露笑語自生春

又

淑景春長駐行遊樂未央穠妝遲画閣繡幃響雲廊

鶴靜堂集

卷之四 五言律詩

三

障面桃枝扇沾衣柏麝香微風起太液看浴紫鴛鴦

又

緩舞巡花璫嬌歌遶杏梁燈燃青玉豔簾捲白珠涼

却月茱萸領凝霞翡翠裳嬋娟臨鏡罷清光照影娥傷

又

乍啓葳蕤鑰蛾眉出帳中雕闌花窈窕珠網月朦朧

六院歌鐘沸千門步輦通驚傳陪羽獵晨發渭橋東

又

東風來禁籞花蝶自雙雙縹緲仙人掌玲瓏玉女窓

藏鈎援錦袖拊瑟暈蘭缸小立聽宮漏羊車引翠幢

又

朱顏明積雪黛色寫遙天結綺三珠樹穿花七寶鞭
龍紗專寵日鸞幄受經年細簡工垂蕤新詩劈綵牋

又

千頃芙蓉沼空明接絳河牙檣迎浪穩錦帶避風多
張樂神魚現祈靈赤鴈過太平饒暇豫一爲詠卷阿

懷沈繹堂觀察駐禹州

扎自鈞臺至良朋側勞深劬苓支病骨采菊誤朝簪

鶴靜堂集

卷之四 五言律詩

三

七聖襄城埜佳人洛水陰迅遊真浩蕩旄仗爾何心

又

大隗山下路予亦舊經過斷壑松顏老荒林虎跡多

西風淒回戟落日隱黃河鄭驛仍無阻登高共嘯歌

冬夜王鐵山先生招飲

吐握真何忝尊壘引興長書因王粲授名藉范滂彰

樂聖猶今夕談天共一堂預愁高會遠身在少微鄉

括州雜詩二十首

剖竹千山裏爲官類墊樵蓬蒿當戶茁豺虎向人驕

卓午天方曙層崖雪未消漫愁卑濕地巖險更飄搖

又

立郡何荒鄙人間一敝廬艸深難射雉湍急不生魚
耕耨違芒種徵徭急羽書嘗聞東野御况乃困窮餘

又

咫尺僊都勝經年只臥遊烟縵遲兩屐雲海障雙眸
別恨懷南浦新詩愧北樓投簪還未許何日遂菟裘

又

去歲逢春暮工徒正伐山機橋通岸嶠木閣俯潺湲

鶴靜堂集

卷之四 五言律詩

古

史病柴車敝衢成鬼斧閒陰平非昔日疇復議當關

又

百里芝田路驅車折坂同青山猶翠黛白屋半焦桐
嚙艸馴孤犢攀條戲老熊行行何卽次礪戶月腫臃

又

疊嶂箐篁蔽勞人去路長墊餐烏啄肉晨起鬼投囊
傳乘期原促寨帷間未詳所嗟青墉麥馬作杜蘅嘗

又

山越多羣盜饑驅亦有年鯨波方沸鬱賊賊又纏綿

露冕時東甲兜牟恐着鞭將軍初授鉞勉爾羅戎旂

又

橫海今開府威名跨十洲魚麗新置陣龍領佇封侯
浴鐵操長勝量沙仗老謀未須愁宿飽雍絳已連舟

又

節屆清和近春風料峭寒山樊啼鳥變水榭百花殘
笳鼓江邊競烽烟馬首看捷書應旦暮此日一加餐

又

雨霽扶桑曉牙旗此日開黃龍新戰艦白鹿舊烽臺

鶴靜堂集

卷之四 五言律詩

五

上將天邊下雄兵塞外來早知方畧定不放水仙回

又

行役甘勞瘁穿林犯虎狼祭庚邊郡檄戍已十城裴
曉發驚笳吹宵征厲劍鉞何年鷄尾斷丘壑自摧藏

又

候館投蕭寺褰裳到石林松龕燈焰小木榻雨痕深
史散來清夢僧歸得梵音愁聞川漲發聊作武溪吟

又

未見愁霖歇輕車止道旁前村初賣劍古陌少攜筐

邑長求苓朮山民訟稻粱紛紛來赤羽何計慰夷桑

又

山行天乍旭西指萬松隈拂袖輕嵐濕揚旌薄霧開
簾垂獅子座竹翳鳳王臺石佛前峯秀青螺幾切灰

又

衆山高絕處近接少微明力借孤筇壯身資五石輕
疎林松颺落靜晝竹鷄鳴僊竈尋常見丹砂色未更

又

我走平昌道悲歌泣數行弄兵皆白幘編戶屬空桑

鶴靜堂集

卷之四 五言律詩

六

破釜同銀甕頽桁作象床何殊西域使蔥嶺路蒼茫

又

十室稱巖邑浮雲自一鄉埜田滋鼠貽官舍牧牛羊
采葛吟偏苦飛芻役未央行厨烟已斷惟噉禹餘糧

又

劍水流何駛喧阗似呂梁毒龍行雨暴妖蜃決波狂
竹筏津難濟沙田歲又荒手操催粟令遙望一沾裳

又

徑斷攀崖過何如懸度危山椒穿屐鳥埜葛冒幘帷

虎跡坡前廣蛇神廟口饒由來誇吏隱歷險竟誰知

又

不盡看山興雙峯夾翠屏桐花連苑白楸葉遶江青
扇有乘鸞回囊餘相鶴經暫時忘簿領獨立對空冥
酬東甌諸子詩畫見貽之作

拂衣猶未可愁並萬山高壯歲踰疆仕衰顏及二毛
簿書長碌碌時序自滔滔賴有忘年友詩篇解鬱陶

又

能文幾玉立柔翰競瑤華人物餘東晉山川屬永嘉

鶴靜堂集

卷之四 五言律詩

七

扶筇觀未厭載酒興偏賒亂後尊鱸盡茲鄉亦我家

又

謝客題詩處風流兩地存山容分險易花信異涼溫
獨對南樓月遙同北海尊百年求逸事我輩在乾坤

繪兒歸里口占

省親千里外來往一空簾爾亦知貪樂予因擇禍輕
鱸魚思未愜蝴蝶夢猶驚好貯寒江水歸休待濯纓

遊石門

謝客題詩處登臨迥不羣飛泉喧白日絕壁墮秋雲

水共匡廬遠山同太華分高吟無限意翻覆塊遺文

宿靈山寺

越嶺高寒夜禪房擁被眠林疎梅萼細石偃雪花偏
磨與人聲寂燈將佛日懸欲尋支許約淨業是何年

懷潮州守吳見末

青綾同臥起一別數經秋典郡方多事徵兵帳未休
月光來海嶠鴻影斷山陬遙憶高吟客天南獨倚樓
懋福勝寺見楊龍友先生題壁感而和之

亂餘尋舊蹟古寺閃風燈墨寶青山今衣傳白法僧

鶴齋堂集

卷之四 五言律詩

六

夜鐘驚落木晨漱引疎藤後秋文何在羊曇淚已凝
詣遂昌督餉宿長源鄭氏宗祠

巖封無驛館旅宿故家祠夾澗鳴泉細前山吐月遲
觀風存畏壘訪古辨宗彝喬木興餘慨多慚問繭絲

東五令

彈丸分十邑五令半年徂垂橐何真僞招覓乍有無
烟嵐愁瘴厲瘵火困奔趨漸覺吾衰甚支離一病夫

輓松陽令盧昭許

巖邑稱難治高才迥絕塵甫成三月政俄殞百年身

飛鳥雲中杳鳴琴几上陳可憐孤櫬在值僕薦江蘋

壬寅元日同東籬天石飲括署君子亭

開樽山色喚入坐話家鄉舊族推元嘆名園美辟疆
久淹千里駕新約五茸裝去去同垂釣烟波正淼茫

又

五載荒山吏歸期此日真尊鱸江國夢梅柳石城春
夙好來皇甫高懷婉伯仁乘閒聊取醉共臥鹿皮茵
酬天石見示諸作

數日詩盈帙高吟興未降歸與吾有待作者爾無雙

鶴齋堂集

卷之四 五言律詩

七

雪後迎綦履花前倒玉缸衆山簷霽見飛瀑自淙淙
雨後宿石帆山房

弭節尋山館林端啓石扉落花迷客徑零雨點春衣
記里村春遠籌邊瘵火稀如何聊假寐宿鳥夜驚飛

自銀場至馮公嶺

此地真幽險頻當叱馭行鳥啼嘗百變花發總難名
絕磴層雲伏危崖墮石橫所嗟昇舉便未授羽人經

縉雲縣作

閭左徵求急巖封信可哀苑牆寒薜荔碑篆長蕒苔

作吏竟難隱忘歸室有臺猶聞嚴斥堠戍角早相催
有事至五雲館與婺州寮界予歸路也感而有
作

曉起看山帶蒸雲苦滯淫蘼蕪紛廣隔鴟鴞響中林
放逐湘纍厄羈孤越客吟還家從此路佇立一沾襟
謝事閒居得台州太守郭星槎札偶成二律

黠黠少微星勞勞吏隱亭五年餘百日如醉幸初醒
短髮漸成白雙眸何處青杜門差自得尺素到空庭
又

鶴靜堂集

卷之四 五言律詩

壬

乍接台州信誇予去位強寒暄皆絕俗痛苦亦親嘗
小犢寧隨轍枯魚只在梁拂衣須不愧隣國有龔黃
束覺菴禪師

偶縱青郊步言尋白法禪誅茅開淨地飛錫近諸天
講座雲峯合香臺浦淑連惠休詩可誦茗椀啜新泉
和六益夏日閒居次韻

北郭成高寄蕭然愜素心酒懷貧愈放詩律老尤深
朋好同梁苑滕期在竹林危言還自審漫作五噫吟
又

久負書淫目篝燈夜未闌才名行世易生計逐人難
紫菊栽盈畝青筠植數竿水邊雙屬玉嘗作鶴雛看
又

吾住思鱸巷相過路未賒驚人尋謝眺博物友張華
暇日流連酒芳辰爛熳花狂來多白眼仰視鴈行斜
又

灌木陰濃處炎歊絕不妨床書楊子宅碁局謝公莊
密籠調鸚鵡疎簾隱麝香濯纓良有待攜手聽滄浪
又

鶴靜堂集

卷之四 五言律詩

壬

丘壑從吾好孤筇歷九峯烟霞堅石隱晴雨伴村農
夢醒茸城角燈殘谷水鐘衙門仍咫尺仙館路千重
又

五十羸君一羞將短髮梳已知鳴劍罷漸覺杖藜初
勾漏求難必柴桑計未疎數椽干阜下遲爾摘園蔬
和六益梅花書屋詩次韻

端居無一事地僻鮮逢迎曲檻青霞入虛堂紫燕鳴
琴尊留別墅烟火澹孤城解識幽蘭趣靈均貴獨清
又

屢命巾車出言從柳市來三曹詩共討二仲徑嘗聞
已與鷗羣狎寧將鹿夢猜知君趺坐處拳石翳蒼苔

又

北望低平楚遙岑起暮烟青溪漁唱杳白墮酒旗懸
采菊懷元亮登樓憶仲宣招提時偶涉且莫效枯禪

又

臥遊堪寄興圖回滿秋堂竹杖凌崑崙蘭舟泛谷陽
朝饑迎沆瀣晚吹納滄浪恍忽天台路龍湫下石梁

又

鶴靜堂集

卷之四 五言律詩

圭

客到梅花塢應同庾嶺看香泉盈百斛翠竹間千竿
善病憐春老長貧耐歲寒樵蘇無製具談劇夜將闌

又

冶遊原不慣花信謝芳菲夜月烏絲帳春風白紵衣
清齋甘脫粟儉歲飽新薇詹尹何須問終身此釣磯

點易臺

一編恒不釋閉戶自沈吟大易通元會空山長道心
夕陰芝洞杳巖翠竹樓深倘許披帷入幾先可共吟

輓張泠石先生八首次六益韻

高賢今又逝古道竟無存劍去終凌漢香銷不返魂
青門猶歲月白法幾晨昏涕泗觀遺視薪傳在爾孫

又

還山真獨早婚宦總虛無陶令新蓮社黃公舊酒壚
遊仙雙舞鶴避世一懸壺烟駕應無定飛騰狎五湖

又

自愧周顒隱移文不我侵忘年堪作友易地竟同心
杞菊三秋老松篁十里深東峯雲氣白清磬晚沈沈

又

鶴靜堂集

卷之四 五言律詩

圭

載石歸來後屢空嘗晏如義熙留一老汲郡有藏書
支遁談偏合嵇康遇亦疎願隨緇素侶擊鉢薦青蔬

又

梵俗無殊理心燈並豁然摩騰詮密諦杜預癖遺編
像寫頭陀寺碑題京兆汗空廬長寂寞社燕自年年

又

憶昔遊郊墅曾陪杖履來東山時命伎北海共啣杯
牛馬遲歸轡龍蛇隔夜臺猶懷千里札一字一徘徊

又

白石山靈在徵君菴此村近依梅尉宅長閑翟公門
蝶散春無夢鴻飛雪有痕金棺終解脫跨象入祇園

又

道高還順命示疾詎倉皇五馬官階薄三車戒律長
肉身歸混沌花雨布清涼悲詠何須雜楞伽誦幾行

次韻贈楚中陳太虛

吾愛陳太虛浮雲任所如入吳傾二陸生楚學三閭
忤俗甘撾鼓遺策耻上書何當題鳳客邂逅在巾車

又

鶴靜堂集

卷之四

五言律詩

五

閉戶從吾懶蕭疎臥北樓鳥聲林外度花萼雨中稠
把臂今方始談詩夜未休吳均先屬和妬殺白蘋洲

又

鹿門妻子在十載信茫然所嗜遊仙詠何心贈婦篇
山中桃核舊海上棗花鮮真有飛騰意茅龍到眼前

又

偶泛吳江棹攜琴問故人瑁湖波曼衍崑阜石嶙峋
芍藥歌中艷梅花笛裏春自慙鬢髮換非復舊綸巾

又

詩句奚囊滿何須賦式微醉呼黃鶴下閒放白鵬飛
橘頌文相賞蓴羹饋亦稀願君終徙宅傍我釣魚磯

又

駐顏良未艾似已閱滄桑縹緲三珠樹徘徊五色羊
尊前紛絳雪杖底墮青霜婚嫁欣粗粝從游日正長

喜質庵入關

十載遼陽客生還入漢京龍韞虛想像馬角故崢嶸
感夢胥靡貴編名左校輕猶懷封事在土木慎經營

又

鶴靜堂集

卷之四

五言律詩

五

音書恒不達幸爾去還來絕塞回冰雪先疇變艸萊
人歸庾信宅淚盡李陵臺緩急慚無補鴟原重可哀

沈友聖出其尊人編年考見示詩以訓之

不見沈生久翩然過我廬五更尊舊學七錄抱遺書
入市董威輦還山陶隱居高談真浩渺俗子漫軒渠

尚木潮州枉訊却寄

嶺外分符久宣威定百蠻鯨因飛檄去珠為飲水還
翡翠雲邊寺桃柳雨後山萬花看未厭題詠偏烟鬢

又

知爾輕炎瘴形騶必戴星山田繁荔實廟井斷龍腥
海客爭輸貢蠻童總受經天南仍咫尺客勿已題屏

贈董律始

放艇春江便來過處士家山樓欹白石水閣墮青霞
緱氏空中鶴羅浮嶺外花學仙誰物召只許飯胡麻

又

高館開尊日良辰興倍增瓊簫春踏月錦席夜燒燈
玩世成通隱忘年信得朋浮丘堪把袂酒態欲飛騰

又

鶴靜堂集

卷之四

五言律詩

美

君年方五十我已過三齡險阻頭應白風塵眼孰青
乍歸元亮里還傷子雲亭美爾歌采芣斑衣日舞庭

又

文采真無敵東山臥獨堅早裁枏枕賦晚著玉杯篇
才大輕朝寄名高避後賢客來誇令子羣紀並交年

送施珍公之官道州

送爾之官去瀟湘問水經鴈回三楚盡猿嘯九疑青
斑竹鏡津館桃花落訟庭當年元刺史詩句有神靈

諸子集書齋

養拙違朝市蕭然物慮輕道窮歸有命才盡悟無生
老鶴平原宅殘花壽夢城酒酣聊擊缶商調更凄清

又

小徑蓬蒿滿真爲二仲開卷簾新雨過揮塵故人來
不負青山約頻傾濁酒杯分題娛永夕蓮漏莫相催
聽李壺山述西粵異聞

瘴嶺歸來客奇聞亦可誇藤陰迷白象蔭露濕丹蛇
抱鼓妖巫醉褰裳浴女譁述征應有賦不減泛星槎

鶴靜堂集

卷之四

五言律詩

毛

終

終

鶴靜堂集卷之四

鶴靜堂集卷之五

雲間周茂源宿來氏著

門人葉臨僊宣遠校

杜恒春客三

五言律詩

遇舊永嘉韓叔夜于武林旅邸

罷官仍未去三載竟蹉跎醉後深韜晦花前且嘯歌
客囊如白水歸夢阻黃河誰進上孫飯稍聞賣賦多

永康田林觀穫稻有懷

百里真巖邑居然號小康農官秋刈稍客子宿春糧

鶴靜堂集

卷之五

五言律詩

一

涉溪止石柱街

秋氣逢蕭瑟征途任苦吟
楚花閒白媚山翠晚尤深
亂水虹梁斷寒沙馬腹侵
且投巖下宿石瀨有清音

旅館芭蕉得甘露

停驂山館夕頓覺綠天寒
翠袖凝湘竹瓊漿出露盤
未愁司馬渴何異葛洪丹
幾度憑軒望清風起石壇

距縉雲三舍雨中啓行

一路多秋涉茲尤冒雨行
錦湍衝憶疾紅樹染衣輕

林磬何年寺溪春數里聲最看深壑裏津吏少逢迎

移寓得庭桂詠懷

卽次今初定勞人息短筇
客牕閒散帙游屐阻登峯
鶴隱烟中樹鳩啼午後鐘
小山庭砌得叢桂見秋容

坐雨

不信秋陽烈偏無竟日暄
晨光通竹牖晝晦失花源
近砌丹螢墜空帷白鳥翻
何時移屐去采菊到家園

雨益甚行厨覓火不得

積潦沒堦除炊烟漸欲虛
噴猿收墮果呼鶴啖游魚

鶴靜堂集

卷之五

五言律詩

二

不寐

毳被稍溫足皮冠且索居
筌篲危調急聽罷轉躊躇
山民存太古石戶有餘清
露白遙天影林紅靜夜聲
啼螿秋已肅聽角寐難成
阿段今何懶蒙頭怯曉征

秋夜早寒

八月方徂暑山樓覺早寒
露華侵素幔燈影背雕欄
夢帶鐘聲遠衾同酒力單
短歌堪待旦反側遲吟安

欽我同舍侄成子往仙都予不果行作此相訊

寄我舊遊目同君覽勝還神仙
軒后謁寤寐少文山

鍾乳流何代胡麻隔幾灣漁舟應偶入此後絕躋攀

欽我成子各出遊仙都詩夜談良久

祗緣十日陰方得遂登臨絕巘懸秋色高雲動賦心
遊忘雙屐倦話覺一燈深那禁歸期晚徒勞望臺砧

秋山

娛我是秋山塵喧總不開偶聽朱果落時看翠禽還
錦石供圖畫鳴泉響珮環遠遊盧博士何處有愁顏

憇西山看畫亭見蔣廣文詩句

山色看如畫搜奇在此亭新泉穿石去古月到江停

鶴靜堂集

卷之五

五言律詩

三

坐久延空翠聲高逼太青鄭虔留逸句頌酒半談經

墜石

高山仍不改怪石墜盤渦踞頂疑雕虎奔泉化白鼉
鞭驅秦帝在手擘巨靈過飛鷁同時見春秋紀異多

忘歸洞

山郭啓巖扉空林露欲微山深民俗古地僻酒家稀
薄煖留團扇輕寒試褐衣茲遊多勝侶永日竟忘歸

曉登臨溪高閣爲鄭實水讀書處

尋山從此去傑閣快先登珠斗紗牕宿紅雲石几凝

披帷人宛在說劍謝無能心共流泉冷英雄學老僧

曠色

曉際獨登樓閒吟散旅愁斷山雲自合空碓水長秋
隴首奔青兕沙中臥白鷗飄然輕地險豈爲稻梁謀

從縉雲詣處州

父老共追攀猜疑或賜環投錢非妄飲掃室殆將還
墊渡蘆花白疎林櫺葉斑千巖遊歷慣迎我似家山

進處州望京門

蓐食因何事含愁度嶺來今朝騎馬路昔日望京臺

鶴靜堂集

卷之五

五言律詩

四

已自甘三黜何須賦七哀所悲遺子在未見刈蒿萊

初五夜泊芝溪大風

秋夜驚颶發芝溪宿墊航漁燈連月小猿嘯入松長
竹箭流漂疾篁篴曲渺茫篷窓愁作客枕簟易生涼

青田弔古

材畧真王佐攀龍擇主難封留三寸舌釣渭一漁竿
鼎定陰符秘天崩廟食寒平生遺恨在博士本秦官

過張文忠故第

賜第松臺麓元臣主眷優天章懸廢閣相印沒荒丘

議奪千官氣身無十世謀立談工巷遇何似富民侯

挽梅贊臣

之子南金重飛揚苑名蛟臺鄉祭酒虎觀老諸生
望氣埋雙劍焚書棄百城空帷長寂寂駐馬不勝情

又

太玉同遊日相違六載餘坐隅栖鵬鳥江上鰲文魚
礪尸秋蘭萎松牕夜月虛生平傳癖好弔客一鳴驢

又

不朽名山業堪爲身後謀書歸王粲去藁待所忠求

鶴靜堂集

卷之五

五言律詩

五

解脫三千界逍遙十二樓兵戈生趣惡冥漠似翻優

又

三讀遺編後凄然忽涕零才人終不遇大藥竟無靈
尚有西華痛難傳中壘經此邦多古處墓艸宿還青

天目禪師自僊巖枉過旅館

繡佛清齋久微塵拂鏡臺擬叅龍井去翻度虎溪來
月色諸天淨潮音五夜回片言聞了義花雨落莓苔

三僕臥病

旅人騷屑甚僮僕病魔侵未得籃輿御偏將藥裹尋

一燈縈客夢雙杵動鄉心詎識悲秋意黃花瘦骨深

訓黃浪有見和山遊之作

甌越人文萃談詩擅此邦永嘉餘大雅江夏定無雙
酒散空瑤席花殘冷繡幃何當投麗句五色射晴牕

咏嵇叔子司理東山書院次騷人韵

鉅公來海曲藝苑漱羣芳握管臨池暇裁詩夢艸長
青山高築館絳幄靜焚香絃誦消兵氣巖關作士鄉

又

太玉餐霞處參同笈尚新講壇羅衆彥仙蹕候羣真

鶴靜堂集

卷之五

五言律詩

六

洞古龍常蟄松寒鶴自親一從開閣後誰復嘆沉淪

又

千峯連巨壑極望總超然簡授鄒枚客舟同李郭仙
盪胸當海日晞髮對秋天我欲叅高座聞鐘悟夙緣

又

慙余爲拙宦落葉久辭條復度千山月來觀萬里潮
飄零何所似塊壘若爲消側聽朱弦奏笙琫在絳霄
欽我與余山居比隣今同遊浙東均有家園之

憶

乍發家山夢神飛谷水陽露溥籬菊紫霜壓井梧黃
苦憶鱸羹熟遙聞鶴唳長更攜禽慶出五嶽在空蘿

夜臥初寒

虛館抱孤衾清宵但苦吟人無燕玉暖夢隔楚江深
不住霜前柝誰鳴月下砧臨叩空作客衰暮薄琴心

夜靜

夜靜渾無寐高天正隕霜鴝鵒啼獨樹蟋蟀響空牀
枕落他年淚衣消舊日香四愁都未散稅駕在何方

讀黃文簡省愆集有感

鶴靜堂集

卷之五 五言律詩

七

三讀園扉艸如聞美里琴南冠生白髮北關繫丹心
禍自宮僚伏憂從獄吏溪赦還蕭相國危亦類淮陰
過王長雲齋喜觀諸作

著述有深思蕭齋正下帷懶觀神女賦高咏客兒詩
墨瀋堦前積花陰檻外移邀余勤問字老馬敢爲師
海昌楊豫禎吳郡姚芮墀永嘉王川子小集寓
中

天涯同逆旅斗酒盍朋簪水國兼山國吳吟並越吟
菊開誰氏徑楓落故鄉心共醉須今夕西樓月未沉

夜過李氏屏山園

秉燭遊山館林臯迴絕塵鶴迎霜後客花照月中身
莖飯蒸黃獨南烹進紫萸便應忘去棹長作武陵人
四香亭

下築屏山麓茲亭覽勝偏謝巖同嘯咏梅嶼近神仙
上客回珠履佳人落翠鈿古香渾未散長對養花天
埜泛

曉起趁樵風扁舟越水東空山浮淺黛老樹落殘紅
渴憶茶經細閒求奕品工問程何處宿十里是花宮

鶴靜堂集

卷之五 五言律詩

八

夜宿仙巖禪院

夜向禪關宿渾疑入化城泉香新雨過月滿一燈明
禮到峰臺密神來鹿苑清寒山聞唄早孤磬欲三更
蚤起巖觀

龍象起南宗梅林特過從安禪深駐錫坐客快扶筇
白雨懸秋壑驚濤出萬松朝饑食濟勝忘却飯僧鐘
過密印寺法幢和尚留齋洗心堂言別

海國曇摩在拏舟到講堂雙林松檜老一飯筍蒲香
說法空山裏安心退院傍溪橋同笑別歸路泛斜陽

山寺晚歸守風南湖村舍

自出頭陀寺西山日已沈回鷗飛鷁退哀壑暮猿吟
火向田家乞醪從埜店尋老農談歲儉一宿動鄉心
遊巽山爲白玉嶧仙隱處

訪道海瓊仙城南有洞天金庭巖翠合羽節斗杓懸
石上留丹竈松間問鶴年栖真仍不遠萬里隔人烟
經王氏賜湖舊莊

臺榭賜湖曲曾將梓澤誇笙歌疑戚里瑤艸近仙家
故第無栖燕平池亦產蛙愁看珠閣廢頽瓦射晴霞
鶴靜堂集 卷之五 五言律詩 九

贈黃芑若

叔度遺風在人倫望不遲楸枰能覆局壘臼善題碑
述祖龐公隱難兄陸弟詩多君勤枉訊猶恨隔東籬
旣寓復苦大風

如何東海畔日見朔風狂水挾蛟螭怒林驚鸛鶴翔
岑樓山欲動曉市日初黃土俗無裘褐羞添客裏裝
偕諸子偶飲公憲齋中

衡門原近市一榻自清幽素卷堆熊席寒花照鹿裘
風高當此夜酒冽更何憂吾輩狂歌後真同孫楚樓

甌城晝閉從營伍索盜

閉關緣底事大索斗城中夜向南塘出人多北府雄
藏珠輕剖腹鳴甲幾趨風錄及椎埋輩偏能竊大弓
夜臥聽奕

漏下欲三更猶聞落子聲紋楸當敵國方罟聚疑城
橘叟空先老樵柯悞後生睡鄉還我適太上本忘情
法幢和尚惠以方竹杖并授偈語賦謝

靈壽何年物深山起籜龍昔隨黃閣履今扣講堂鐘
十資施偏渥三乘契未逢便當辭火宅北面禮南宗
鶴靜堂集 卷之五 五言律詩 十

成子侄留縉雲兩月旣城始達一信走筆答之

并謝鄭寶水喬梓

客裏仍分袂溪山路半千尺書恒不達東道或相憐
夜臥松臺月朝披玉氈烟幸予黃犢健歷覽未停鞭
又

相違踰兩月浪跡滯江鄉祇愧詩才儉何嫌酒態狂
寒雲飛玉洞夜雨暗西堂念爾淒其甚猶能託鄭莊
永嘉蔣公錫從瑞安爲館甥歸投我詩篇賦答
千里看山與三年去國身杜蘅難爲怨桑扈且全真

有夢尋烟客無顏對壁人。翩然來鶴整彩筆更清新

又

海國久淹留霜風冷削縑談詩推白社貰酒問青州
客到元卿徑人歸弄玉樓瑤華驚奪目火樹網全收

溫溪夜泊

晚泊溫溪岸楓林一水斜殘雲連埜燒落日見寒花
襤褸持竿叟茅柴賣酒家兩州當接壤疲俗總堪嗟

青田舟次

綠流閒水程西向練溪行錦樹千章直紅霞一片明

鶴靜堂集

卷之五 五言律詩

十一

呼狙朝拾橡禦虎夜縮荆埜戍渾如故蕭蕭班馬鳴

坐雨書懷

蕭條臥北樓寒雨逼簾鉤縱有登高賦還添去國愁
飲水差共信熏穴竟誰求遠愧陶彭澤家園得自由

袁將軍挽詞

櫜馬星驚夜哀音遠近聞山西亡宿將閩外沒殊勲
枉國韓擒虎爲神蔣子文淒涼丹旆去遺令在三軍
劉孝如爲王總戎客與予重會括州總戎歿已
三年矣撫今思昔感慨係之

三載旗亭別嚴關復見君真長談遠俗公幹賦凌雲
故帥思猿臂良朋惜鴈羣金城衰柳色淚洒舊參軍

旅夜撥悶

燈火山城夕輕寒凍欲消埜梅兵後少江柳夢中遙
謫宦雙蓬鬢羈人一敝貂浮雲看駟馬休問舊題橋

過碧湖

浩淼青溪曲人烟聚北林雜花猶未發春鳥故難禁
進艇前灘急聞鐘隔渡深燈毬當歲儉空結市樓陰

舟次規溪葉姓諸生來謁叙平寇事甚悉詩以

鶴靜堂集

卷之五 五言律詩

十二

慰之

記里雙溪合舟行暝色微青猿啼戍墨翠鳥立漁磯
賊退荆初闢田荒蕨尚肥絕憐山谷士揖讓鮮完衣

雨夜宿七赤茅舍

墟里人初集停橈宿路傍縛茅成旅店連榻類禪房
雨氣春山冥泉聲午夜涼華燈空入夢令節滯他鄉

挂帆上武溪

看山春雨後放艇越溪中竹細分新綠梅疎帶淺紅
荒塗無水驛曲岸有樵風聽說前灘險崩槎踞老熊

宿蛤湖

昔日憂羣盜移屯在蛤湖
農春築壘傳警晝飛符
幾載消餘孽今來識坦途
山川堪聚米我已憚馳驅
舟行偶感

山形嘗百變未覺畫圖窮
鳥高雲外殘花積翠中
灘來前夜雨石阻半江風
底事遐征急端居讓釣翁
留題集福寺

古德開山日宗風萬里傳
珠光娑竭海月影蔚藍天
龍象心燈在鵬鷹法乳綿
偶來雙樹宿遙聽展琳編
鶴靜堂集

卷之五 五言律詩

三

龍泉雨行抵竹口

劔水南行路林臯雨氣昏
艸深藏虎跡泉冷浸苗根
仄徑籃輿怯輕嵐皂帽溫
何當諸父老遮道拭啼痕

下松溪

又復乘桴去津梁易歲星
渺茫章亥步纖悉道元經
絕澗流花片危峯聳翠屏
往南皆水國春艸正芳馨

黯淡灘

行處皆懸溜今尤歷險灘
禹功曾不到天塹此同看
海氣羣龍變江聲萬木寒
春遊貪遠涉終覺濟川難

憶歸

積雨當新霽輕帆逐浪開
山鷗林外語海燕日邊回
客路方春半鄉音隔歲來
周南無限恨留滯越王臺
適沙縣

遨遊千里駕百越任西東
井邑平沙裏舟航亂石中
早菰驚夜雨黃鳥怨春風
漫道歸與切浮湘與未窮
沙陽禪院

閒身寄講堂尚覺客塵忙
未具生天慧聊觀選佛場
指來皆是月聞處本非香
五蘊歸空際伊誰認故鄉
鶴靜堂集

卷之五 五言律詩

古

沙邑積雨

望縣遷移後官閒日放衙
蔗田留宿艸蘭隰見殘花
陸海鮫人穴春城鴈戶家
那堪經雨潦廢竈欲生蛙

雲際寺

城西經廢刹駐馬獨逡巡
古佛猶如在沙門去幾春
繡旛蟲餌徧珠網燕泥新
浩劫應難問蓬瀛十丈塵

客牕坐雨

萬山雷雨後春水漲前溪
入眼君遷綠開情謝豹啼
落花三月近行李七臺西
涼少衝泥屐逃禪暫穩栖

僧舍寒食示同寓葉子林宗

禁烟禪刹裏殘粒飯胡麻佛事魚山咀春光鹿苑花
心閒同木石命薄任龍蛇共爾談詩罷空庭步月華
鄧待菴招飲園亭

聞天花信早寒食牡丹過林樾遷黃鳥軒窓掛綠蘿
閒居客散誕薄醉起婆娑步屨經西曲兒童正踏歌
得吳丹崖年友留閩信息惜其久而不歸

我亦哭窮途悲哉子大夫十年同拙宦千里復羈孤
去住謀漁父囊餘寄木奴何時重把袂真得慰萱蘇
鶴靜堂集 卷之五 五言律詩 五

喜成子至自古田時余方向禪燈燕坐

燈火傷蜂臺雙趺眼倦開驚傳同舍客又自萬山回
紫帽春花老黃田戌角催江舡空繡被落月易生哀

夜宿洋口

暮嶺逼殘霞征橈繫淺沙豪民私鐵冶埜戍種胡麻
土寨城邊火神叢廟口花鄰舟何處婦曾否解琵琶
遇福州劉別駕于沙津寄訊舊守吳聖水

路逢劉別駕戟手亂沙邊豈索諸侯客來窺少伯舡
問名知蹇拙詢友獨纏綿寄語三山守離懷十二年

貢川

峯轉見人烟前村是貢川雨晴斑鹿過沙煖白鷗眠
斷笋頻供饌樵薪不取錢土風工織苧羅薦遜喧妍
自永安取道胡坊

又

拾筏燕江頭山行萬木稠路岐楊子泣錢塢阮孚羞
有壘防青犢無車化白牛奔趨翻共慰不上九龍舟
嶺嶠久忘歸探幽志未違穿衣黃映蹀擁騎白舊薇
細路雲根淨遙岑黛色微數家茶塢側午爨近還非
鶴靜堂集 卷之五 五言律詩 六

閩埜觀農

嶺外田功別年收再熟苗分疇隨折坂引水用機橋
屋蛤雖猶禁萑苻已漸消從來輕井稅尚覺有衢謠

雨宿山店

雨行奔逆旅滑道仗藤扶未夕花全暝濃陰鳥亂呼
腹虛山稻貴唇燥埜醪枯已信忘饑渴囊攜五岳圖
雨後山行

雨歇巾車發山泉拂曙寒藏雲分錦瀑走壁酌京湍
老樹橫溪偃危藤跨澗蟠徒行嘗八九僮客詎辭難

玉華洞

尋山玉洞幽縹緲上飛樓冷翠常疑雨空巖總似秋
石壇延鶴駕雲海望麟洲款段依鄉井真啜馬少游

清流縣

縣開千嶂雲霄構石城人烟同豹隱夜漏應猿鳴
鹽豉疑甜雪腥魚亦太羨漫嫌風土瘠何處是由庚

清流曉發

暫時休僕馬朝復度高岡澗水自清照林花非一香
雨餘鳩婦出烟際雉媒藏聽說征途遠停驂在夕陽

鶴靜堂集

卷之五 五言律詩

七

長汀道中遇大雨

雨勢來何暴停車澗道西腥氛龍毋過晦黑虎俛啼
不特衣霑濕還愁骨沒泥迢迢尋坐店烟樹正淒迷
湘洪廟分僕從泛舟仍慰津橋遠眺

暮抵汀州詰旦與成子分道

人暝方停轡勞歌易感傷怪禽憐社裏孤犢火田傍
淡月啼螺女陰風舞蜃郎那堪同旅別明發尉佗鄉

踰隘嶺達瑞金

烟雨濕藤蕪泥行戒僕夫亂山橫帶與流水遠通吳
花氣嫌微瘴松陰喜未疎幾曾資藥物強飯是良圖
雨行道險任古城

歷過溪橋險山村且暫休民家多板屋埜渡一漁舟
米較江東賤花無嶺外稠未聞申酒禁誰典鷓鴣裘
嶺關暫憇有僧施茶

絕巘隱朝暉巖關乍啓扉松花深沒屐樹碧侵衣
一衲司茶竈孤筇坐翠微問津章水近將及挂帆歸
鶴靜堂集 卷之五 五言律詩 大

瑞金城東覽物

近郭倚亭臯颯風首重搔埜農驅犢健村女負鹽勞
水入魚梁漲雲連雉堞高兵家爭渡急又慮阻輕舠
賴江舟次

送六益遊粵東

汝今踰嶺去何日返茅堂久客貧能樂新詩喜欲狂
花繁傾璫瑁馬倦息恍柳故里應相待秋鱸好共嘗

過吉安堯文詣下邑督餉未回

左遷方佐郡行旆幾時回按部供遊屐催租辱吏才
且移盧水棹相約九仙臺憐爾東歸夢家園花正開

舟下臨江

急浪下蕭灘輕舟竹箭看一天江水白千里市墟殘
雲子翻匙少鱗魚入箸難屯兵多舊壘覽古足長嘆

臨江喜晤施愚山少叅

已是十年別相逢倍黯然落花離海嶠鳴雨到江天
萬國兵戈後茲方吏隱偏回思朋舊在白雪幾人傳

鶴靜堂集

卷之五 五言律詩

九

又

別構芙蓉屋青來閣皂山都忘旄仗下獨對筆床間
治已渾無事詩真不可刪坐從簾幌靜飛瀑自潺湲

贈臨江太守王端侯

一入蕭江路羣將治行誇鶴聲官閣靜山色郡樓賒
曉案鋤蘭葉清池種藕花捲簾披對處街鼓許停撾

過華巖精舍

偶訪精廬去蕭灘古渡頭水高浮短棹山遠見平疇
白日寒松壑青烟起橘洲坐聽林外鳥還共磬聲幽

諸子同集愚山就亭

悠然成臥理散帙便登臺晝永山逾近庭閒客乍來
尙餘淮酒綠初見蜀葵開選勝還相約須尋百丈回

又

鄉書千里至寄得敬亭茶有物先娛客無人不憶家

坐中詩欲就簾外月初斜移屐歸應曙城開掃落花

與顧來玉爲年友雙九令嗣

十載而翁歿相逢涕淚餘無家歸震澤作客傷匡廬

久困才應變長貧學未疎尚多憐葛屨漫信孝標書

鶴靜堂集

卷之五 五言律詩

三

晤錢塘王仲昭于臨江鐵佛寺

誰知蕭寺裏卽有仲宣樓海嶽多新詠江湖亦倦遊
雨聲松澗落雲氣竹房留信已同禪寂能安五月裘

飲臨江署中池亭

戰鼓息江城官閒百慮輕清言皆治理雅尚見平生
日轉高槐影風迴小鳥聲睠茲池上酌山翠落前楹

臨江客館書懷

十日荒城任埋憂但舉觴東來辭百粵南去近三湘
暑氣蒸衣桁江聲到笛床故園頻有夢蓮葉滿橫塘

愚山過談後餉酒及鱖魚

曠色到庭樹開緘慰索居鳴騶纔枉駕尺素又貽書
綠蟻官厨酒銀鱗貢舫魚野夫慙屬饜高枕臥蓬廬
得伯衡書

自得章門信淒然百感生弟兄皆謫宦天地未休兵
小院新桐影孤城畫角聲攬衣還露坐缺月在簷楹
又

幾度登樓望垂垂南浦雲十年稀會面百里尚離羣
氣爲錢刀盡憂將翰墨分欲言何限事諫艸舊嘗焚

鶴靜堂集

卷之五 五言律詩

三

與顧赤方

族望從吳會詩名冠楚材一時題柱客千里涉江來
獨擅陽春調同傾避暑杯愁余方蹇步未得更趨陪
夏日飲愚樓爲愚山官舍登眺處

輓徐闇公孝廉

孝廉仍未仕漂泊任途窮萬里無家別扁舟負石同
淚傾珠浦外頭白蜃樓中此日歌哀郢靈旗下碧空

又

舊宅胥江畔鳬歸起怒濤流離同鄭泰似續有枚臯
霧嶺花晨泣霜村鶴夜號空囊餘一劍且與刈蓬蒿
答伯衡章門送別

我作飄蓬客逢君解綬新宦情俱入澹生計不嫌貧
癖處吟偏苦憂來醉未真忍攀江上柳又送遠行人
又

分手從茲去詩篇別緒深朔風吹短袂叢菊散秋林
楚水連山碧吳天背海陰相期應莫負三隱舊同心

鶴靜堂集

卷之五 五言律詩

三

登望湖亭

萬頃鄱陽勝高亭一望收長空孤月近積水亂雲浮
地脉連江漢星躔跨斗牛登臨何限思不獨爲悲秋
宿左蠡

懷凌顥禪師

廣澤秋深候寒光聚埜烟片帆鴻影外尊酒蓼花邊
永夜舟無伴關心客未眠賴茲孤戍在猶有柝聲傳
念爾定山久安禪坐鐵圍好花時作供殘帛不爲衣
講徹龍形變規嚴虎氣微我行叅訪處契似道林稀

池陽道中

鄉關今在望客路久逶迤
文采江山助容顏歲月催
無書空斫鯉魚句且啣盃
蘆荻花應盡舟前一鴈哀

丹陽

百里雲陽道魚鱗擁舳舻
炊梨來北地轉粟返東吳
水涸冬三月人勞海一隅
那能同夏統冥坐任喧呼

鶴靜堂集

卷之五 五言律詩

三

鶴靜堂集卷之五 終

鶴靜堂集卷之六

雲間周茂源宿來氏著

姪

續肇書校
綺韻書

五言律詩

雪窓小集送楊長公歸楚

急雪深冬候明燈欲暮
天空花飛玉樹上客泛銀船
頌橘愁心遠烹鱸莖味偏
故園湘水曲歸及落梅前

題許鶴沙書樓

中允才名重焚魚枕碧湍
登樓當日出散帙至更闌

鶴靜堂集

卷之六 五言律詩

一

黛色連峯翠濤聲薄海寒
雲中雙白鶴高咏一憑欄

題陸蘭陔山房新構

水榭移春處君家別墅新
對山花信早開閣酒懷真
寶劍還留粵銀箏半入秦
曉鶯啼向澁二仲過東鄰

同張漢度董蒼水耕雲道人登崑山望泖

曉步林烟散同登婉孌峯
晴湖懸片席古塔應疎鐘
鴈去沙邊盡雲來柳外重
支筇還北望繞袂九芙蓉

過李舒章舍人藤園作

庾信風流在書堂谷水陽
尚餘雲木秀未礙酒人狂

遠浦延春望空山問古香懸知明月夜髣髴駕青羊

宿邇上人退院

春暮冰方解垂楊綠未齊落帆丹壁外聞磬夕陽西
花月同今古江山任笑啼禪房客一宿明發又南溪
遊淨慈寺見塑五百羅漢新成

湖陰留淨土劫火寺更新布地來須達彌天識應真
雨收香閣晝花滿石林春我相歸何處茫茫一問津
欲詣雲栖不果行

靈山人境絕金刹起遙岑欲倚蒿藜杖言觀祇樹林
鶴靜堂集 卷之六 五言律詩 二

舊穿獅窟近今涉虎溪深矯首還西望湖頭日又陰
繡毬花

巧綴出天然爭看玉樹妍風輕嬌欲舞月白影同圓
入夏開穠李垂檐產素蓮蹙蹙堪作戲移取近鞦韆
觀靈隱飛來峯

我行巖石下亦爾悟禪機靜極偏能動飛來幾日歸
排空同卓錫閱世屢傳衣若聽生公法還應剖是非
張忍齋祖德堂落成

萬里還山日秋江鱸正肥城西新柳市浦口舊漁磯

述祖謀方遠升卿兆未違名家先子布寧復數烏衣

千峯和尚來雲間貽方邵村書却寄

郊外祇園靜禪枝雨後新錫來靈鷲嶺杯渡白龍津
梵語無生法軍持不住身寄聲方侍御爾我共前因

秋日園居

許久違村墅尋秋始一行已無巢燕語難禁砌蟲鳴
壁月殘更吐銀河達曙橫不堪衰老聽最是敗荷聲
又

七月當秋半今年值閏年露深紅土樹花媚白雲天
鶴靜堂集 卷之六 五言律詩 三

遠寺沈清梵疎林啞暮蟬空林輕世慮丘壑自陶然
贈李青城

久憶青城叟俄然策杖來方書抄未倦酒禁守還開
短褐非新製枯琴有善材榮期能自慰高詠實悠哉
又

薄俗無真隱忘機得此翁姓名高士傳耕鑿古人風
埜鹿栖床側山禽食掌中秋江堪放棹期爾桂花叢
徐嘿菴庭中紅梅十月盛開雨後招同董蒼水

張荆門小飲其穉子雅善藏闔

十月紅梅放先春似嶺南冬暄常作雨夕霽欲成嵐
巡酒兒偏慧看花老更愁東華騎馬客此味可能諳

水西送田彛淵尊人葵冰阻福田寺改途始達

沍寒人事迫匍匐救喪行水濶牛眠遠天空鶴語清
亂水高澤腹殘雪導江程爲問沙邊寺蓮花漏幾更

又

共訝生芻客衝寒截浦來丹旌霜樹鼻白舫曉鐘催
鴈驚迎人起魚龍入夜哀鮮民還自痛美積未曾裁

張二遠使君邀至柘林相視海塘夜泊卽事

鶴靜堂集

卷之六 五言律詩

四

秦始開馳道周康築戍城春潮方祀海島孽未銷兵
浪觸犀梁斷沙沉貝闕橫柘湖今夜月偏照伏波營

又

埜泊春寒夜空烟海岸生登臺觀歷氣倚枕聽濤聲
今下舟鮫密堤愁穴蟻傾邦君煩露冕真爲扈農行

懷金天石

我處君翻出相違動隔年依人嘗氣盡得句自欣然
遠信聞回轡輕裝又入燕公卿多舊識誰薦子虛篇

得天日禪師仙巖來書

伏虎禪林舊時方浩劫餘誰能休隻履便爲啓精廬
海日蒸珠網山雲繞玉祛何當慈引切載我白牛車

又

三載紅樓別金仙夢不虛雪顛長宿鳥香饌可餐魚
說法蓮花座懷人貝葉書道將龍樹等何日返鄉閭
無能上人暑中見過

盛夏逢迎少門開到嶽僧新詩攻五字白業守孤燈
鴈破參嘗徧鄒空乞未曾送君歸去遠香氣逆風蒸

青浦返棹山園露坐書懷

鶴靜堂集

卷之六 五言律詩

五

井邑違三舍朝行暮却回喧卑仍我役懷抱向誰開
選石攜蠻榼看雲盡瘳杯晚涼新澣後香自藕花來
是則過予山中見示新詩晤對累日

不負觀蓮約橫塘刺艇來香風猶未散濁酒一爲開
爾最工書法吾宗數上才新詩看更健吟眺且遲迴

立秋

暑從池上退倏已變秋江一葉飄梧井新聲到竹窓
艸間蟲欲語亭外鶴常雙恐屆商飈令風高正未降

用拙

用拙從吾好悠然久入林有愁髡白髮無術煮黃金
酒債花時重詩懷雨夜深知音良不易漫鼓伯牙琴

書山邨所見

山邨今瘠甚儉俗異他鄉髦婦縲車倦羸農汲甕忙
帘開誰賞酒磴廢少春糧青櫟林邊路空廬半鹿場

又

共苦追呼急茲方痛更深遺民皆幕燕就縛類田禽
已覺山如沐誰歌邑有黔老夫收橡栗渾欲淚沾襟

新秋夜坐

鶴靜堂集

卷之六 五言律詩

六

山淺通田舍身間卽洞天水喧漁網集林靜佛燈懸
露彩蘼葭外秋聲絡緯邊蘭臺空有賦蕭瑟竟誰憐

成子侄過山中又值風雨

空山秋思早喜爾到林塘水漲梧臺沒風高竹牖涼
不嫌中散懶還許仲容狂同作衰顏客深憐舊紫囊

與及山夫重晤青浦兼訊吳江顧茂倫

與君違一載大半峇松陵復到由拳邑言尋白足僧
酒懷原酒落詩格最峻峭寄語今元歎投壺已代興

新秋同諸子飲瞿欽我齋次韻

前年秋歛半共爾客江關一杖歸滄海雙樓對舊山
爲聞桑落久同醉竹林還未卜風霾定歌呼且破顏

又

考室平原里君家百歲餘瞿硎真舊隱索靖更能書
夜月頻賒酒秋風好釣魚白髭人健在擲鐻漫欬歔

又

芭邇餘倦翮無分再飛翻履屐通三徑樽罍過短垣
國香蘭氣鬱幽賞菊英繁漫學東京憤匡時易舉旛

又

鶴靜堂集

卷之六 五言律詩

七

身閒聊取醉何復論艱虞花鳥猶無恙溪山總號愚
清言歸晉逸艷曲罷吳趨起待東嶺月婆娑興未孤

又

共隱濱長谷山樓我在西花從愁處發鳥向夢時啼
比舍堪行藥開軒更酌蠡飽看滕篋滿黃絹舊碑題

又

倚杖欵松扉尊前送落暉入盤菱角嫩投匕蟹黃肥
雨閣來秋爽風亭退暑威何須尋羽駕自與俗情違

又

忘憂當此夕酌酒共論文結友求三隱思賢賦五君
熱蒸山北雨潮趁海東雲爲怕秋光速關門動鴈羣
爲錢祿盼舍人尊慈壽

司寇家風在徽音奕代傳慈親鸞幄裏令子鳳池邊
王事違蘭膳春暉到錦軒詠歌彰孝治先補白華篇
又

懷清臺百尺于尉舊高閣絳幔堂前訓青藜閣上書
承恩施彩翟介福見神魚家老前稱慶冰霜志不虛
又

鶴靜堂集 卷之六 五言律詩

八

鍾郝風規整人倫屬女師紫泥天上誥彤管域中詩
表切求將毋恩深許顧私佇看迎養日華省進瓊卮
又

雲擁城西第笙歌日幾巡海天三鳥下春晝百花新
繡佛依金粟元君駐玉晨寧徒鷹屨錫八座起居頻
七月十五夜

已屆中元節炎蒸雨後微冰繁方入薦角扇未停揮
月出聞蟲語雲開待鶴歸菱荷新製就奚羨六銖衣
唐生名勲者五歲而瞽今十二能詩其先仲言

處士幼瞽後爲詩家耆宿感而賦此

聖童盲兩目詩句邁時賢閉戶辭婚宦書空習簡編
祖風師曠遠家學卜商傳爲爾憐才劇呼號欲問天

秋感

今秋多慘澹雲月總模糊有恨隨琴軫無心問酒壚
邨巫方禁疾里正又催租空負林園約書堂半綠蕪
又

供張何充斥巡邊使者行收符回薊闕載寶出江城
廟算因時轉民勞向後輕還聞遺老在置酒慶餘生

鶴靜堂集

卷之六 五言律詩

九

又

北極紆南顧羣推幕府賢何當輕易將果爾急防邊
元凱專征日營平坐鎮年笳蕭雖滿地無復駭戎旃
又

雨潦連江海秋陰幾日開行田煩左鉞弭變望三台
薄俗爭裘馬微躬但艸萊那堪搖落夜砧響隔鄰來

秋霽夜宿明行寺

南浦脩廬舊初與石晉年頽極眠白象仆柳叫青鸞
楊許隨雲宿燈疑帶雨懸老僧高閣夜猶取斷香然

贈漳浦趙雙白遷居城南

有客來閩越高談實起予
荔荒空舊圃華美卜新廬
雜憶西京事窮搜小西書
秋郊名士集應爲賀移居
移居未果偶成

欲徙柴桑宅還因歲事留
赤梁先臘釀朱果帶霜收
干祿懸針雉逃名學儉牛
但觀簷曝暖底事尚須愁
訓王季友枉棧廟

閒居方小劇艸間且高眠
忽枉蒲葵扇兼披薤葉牋
君才同豹隱我病幸夔憐
回憶聞詩日真當畏後賢

鶴靜堂集

卷之六 五言律詩

十

答施則威少尹

亞尹南閩秀驅車屢過從
有官名治粟無日不哦松
聽事秋原鴈行田塾寺鐘
多君閒得句飛驛問山農
爰山夫渡浦訪家叔匏舟
暨王玠右名世兄弟
沙邨似剡中三隱古人風
競爽瑯琊望高懷大阮同
漁樵忘土瘠鷄黍賴年豐
料得更闌語松窓海日紅
步韻詠雪燈

雪天恒不夜繁日勝長繩
火樹全無影瓊臺過九層
旣膏仍刻玉豹髓只鑲冰
共訝琉璃界毫光見紫陵

集吳六益齋分韻

折簡邀詞客聯翩悉雋才
西園同嘯咏北郭小池臺
返照臨書幌飛花落酒杯
買山予習隱爲爾更遲回

又

結客多湖海春林聽友聲
厨烟過冷節苑卉見殘英
小閣風前敞方塘雨後盈
坐中皆賦手兼復善吹笙
過萍庵

信步行村塢禪扉曲水隈
綠簑迷丈室紅藥抱香臺
受律知無碍談空了不猜
筍蒲清飯畢乘月踏歌回

鶴靜堂集

卷之六 五言律詩

十一

依韻訓蒼水見懷之作

望衡纔數武吟嘯日相從
近理南溪釣真違北院鐘
清尊開別館落月戀前峯
猶喜詩筒便經旬一再逢
又

爲愛林間鍛因牽岸上船
風輕聞鳥哢雨歇見茶烟
避地安予拙論文憶汝賢
願言開徑待來舍灑西偏
寄袁介人

日日衡門啓名流絕往還
僦居嫌近市登閣恨無山
一自披新咏翻令恰別顏
北窓銷夏處羨爾石苔斑

又

正是炎蒸候東橋未可行盤渦汀鷺浴旭日海榴明
避俗無奇禮懷人見遠情只愁袁虎在難與競才名

戲咏盆荷

太液池頭種移來曲榭邊未聞荷作柱奚必藕如船
翠蓋依珠箔香風入綺筵阿誰粧閣近人妒夜舒蓮

秋泛

不盡秋江路歸舟極望遲水聲楓落夜霜氣鴈栖時
無復哀宏唱空增宋玉悲前灘漁舍近補網一燈移

鶴靜堂集

卷之六 五言律詩

三

冬日同諸子陪旅公集龍潭分霜字

寒潭澄似鏡水榭拂微霜爲有高僧駐重開白社觴
鶴司招隱客龍改聽經葉是處堪休歇蕉團竝竹床

贈張洮侯

乃祖張王屋詩名不問官身爲才子後學可世家難
博物希羊舌求仙陋馬肝居然鄉祭酒短髮小皮冠

初霽飲洮侯齋

臘殘天乍霽西曲且停車水陸思光宅蓬蒿仲蔚居
娛情雙鑿落寄傲一蘧廬歸路城闌晚霜風襲短裾

恭奉 恩誥上先塋

鸞書下五雲此日到孤墳洒泣椎牛祭傷心誓墓文
微臣真忝竊再命竟何勲尚覺耕犁健明農亦報
君

又

音容遠曠久逮事幾何年無分祁連塚空餘京兆阡
穹碑春水外宰樹亂雲邊回憶庭趨訓揚名正惘然

春晴一日復雨

暫見斜陽影中宵雨又懸竟無盤馬地難乞養花天

鶴靜堂集

卷之六 五言律詩

三

檢曆春過半占農候已愆青青看二麥偃盡類蠶眠

過筠士觀新咏

一別經三際新詩比更超花飛雲外袖句出樹間瓢
白業深聳密文心細展蕉西堂多雅尚未覺戒壇遙

沈雪峯五十生辰贈言相慰得四律

問年僧臘半五十閨相逢兀坐無兩向逃禪寄北宗
餘生三月火幻住六時鐘別有高談處非關落箭鋒

又

夜遊涇畔路冉冉白檀香老屋金銀界卑身薜荔裳

維摩恒善病舍衛每休糧不破羊車夢誰能禮象王

又

自我歸休暇同君日嘯歌好懷明月其生趣落花多
酒癖偏成懶書淫等入魔惟應強飯在白首臥烟蘿

又

漫道綠空盡猶餘孝友風水萍兒女散春艸弟兄同
麋鹿悲吳苑嬋娟憶漢宮遺民何所似鐵笛老江東
同徐松之董蒼水沈彥微訪竺詮禪師不值憩
如實山房

鶴靜堂集

卷之六 五言律詩

古

爲訪蘭香客潛行紺殿西錫飛仍不遠幡動故教迷
守戶馴餘虎司經慧後雞蕉陰空翠冷坐久夕陽低

又

步屨禪扉外紅藤歷板橋茶烟當畫細磬響隔林遙
淨几排書格閒窓辨藥苗此間堪歇處真使俗塵消
奉懷席竺來觀察閩中

幾載旌門下奔趨聽六條劇憐分竹苦頻過典籤驕
一自歸田久困之負弩遙慚予徒養拙已應小山招

又

畫艦錢塘上分攜直至今五羊辭繡憶九經識華簪
戰地瘡痍起巖疆雨露深倘猶思趙卒亭障或堪任

又

丹筆從輕典焚香帝座通真除秦獄舊再造海天東
月到榕壇白雲開荔圃紅遙聞初按部解綬避清風

又

蟹種連誅後塵飛二十年犀軍猶未散雉譚可來前
乍見傳烽靖新驚秉鉞虔臯陶方訊馘威遠勝樓船
訓松之雨中見懷之作

鶴靜堂集

卷之六 五言律詩

圭

禪栖客倦客梵唄許同聽密樹鶯聲細危樓雨氣青
詩囊翻入藏佛火借談經料得東林下他年有孟亭

浴佛日齋青壁蘭若

嘉辰瞻浴佛停策問空桑寶座千花豔天衣五木香
迦陵鳴不已符拔步非常且任分甘露西軒茗椀涼
次韻和毛子霞寓樓聽雪

荆南新築就移植嶺南枝荷鍾人扶醉披帷客問奇
亂山分冷豔虎館弄春姿郢曲誰能和徒傳白雪辭

又

雪意來空外高樓靜夜聽尋花香欲澹問水氣微真
陶令琴書癖嵇康土木形知君占旅吉未敢獨爲醒
雨夜約雙白小飲綸兒書舍次韻

丹霞攜笈彥白芋受廛民路出千山險飢驅七尺身
世猶忘漢魏星欲聚荀陳怪爾燈殘後高談意轉親

次訓閩中陳昌箕孝廉

定交三十載君已作者英忍死分周粟藏書出漢京
自歌衰鳳操人識臥龍名久憚犧身繡何心冀晚成
又

鶴靜堂集

卷之六 五言律詩

七

季鷹雖拙宦里社祀吳淞借問耽朱紱何如藝紫茸
綺琴臨水奏丹竈鍊泥封遜爾南臺下垂綸敢釣龍
集農山茗粥堂賦送宋荔裳觀察

避暑開尊日何堪錄別初薄遊來白芋相送及紅蕖
士女吳趨曲山川越絕書此行天闕近無恙舊銀魚
懷沈雪峯兄弟方有母夫人之戚

念爾風雷夜支離臥艸根擁豚新血縷攀栢舊啼痕
歎孝空存骨無家欲斷覓可憐司馬節蒲首尚荒村
宣城沈方艸過寒齋攜示羅浮詩卷分賦東字

韻

聞道雙橋客初歸百粵中梅花天外白丹穴嶺頭紅
句有明珠麗裝非寶劍雄諸侯爭折節家世本安東
早春分得名字

青郊春事早倚杖出江城宿莽驚寒兔疎林動曉鶯
壺觴聊共遣笳吹幾時平張掾歸來日渾忘身後名

過支硎山法螺庵

步履尋山徑橫溪得梵宮澗聲香閣外人語綠蘿中
洗鉢衝朝雨鳴螺度晚風冶遊看自慣吾意只談空

鶴靜堂集

卷之六 五言律詩

七

集王勤中園亭有贈

十世清門貴如君復好奇已蕪文靖宅猶守右軍池
檻外花光濕松間鶴步遲興來工染翰遮莫片雲癡
又

一刺寧輕擲殷勤向爾通有詩皆白雪無畫不寒風
井稅田方潦山厨酒未空臯橋今在望可許寄梁鴻
送許鶴沙按察滇南

詞臣分岳牧疆域大荒西萬里仍金馬千山到碧鷄
地偏卿月迴天盡法星齊花滿昆池上新詩徧處題

送趙雙白遊湖南

念爾天涯客飛蓬又遠遊悲鳴同海鶴健筆勝吳鉤
暫捨鱸魚伴言尋杜若洲遙知明月夜帆滿洞庭秋

送雪坡上人

又向何方去經行爾許忙錫隨雲共遠衣與石畱香
酒墨蕉天綠談詩竹牖涼早年精白業端欲讓支郎
夏日桐城方敦四憇予機山別業旅庵開上泝

本上人同過卽事

客至因逃夏村居百慮輕曲池蓮棹舉良夜玉壺傾

鶴靜堂集

卷之六 五言律詩

太

卷暢延風入移床趁月明清音山水足奚待進銀筆

又

高談忘禮俗真擬竹林遊鶴放雙峰外憎來古渡頭
炎氛方此日坐處竟如秋向聊山窓靜農歌到石樓

送宋簡臣任曲阜典籍

文學冠羣英言游夙有名官爲新掌故業隸大司成
叢桂淮南月秋風泗上程到應看練影知爾望鄉情

泊慧山

早向溪橋泊初聞午後鐘人皆悲落葉我獨愛寒峯

埜店泉爲市山村釀代農此間疏鑿偏多恐觸垂龍

過鄒園再入秦園

不到茲山下雲松隔幾年舊遊憐梓澤新築美藍田
獨鶴梳翎暇文魚唼荇偏何論觴詠夕小憇亦陶然

駕自上陵回恭紀

翠華巡幸日崇望告成時關塞龍旂遠山陵象衛遲
於譙寧足比過沛實堪師行漏寒宵永冰霜侍從知

又

已得迴鑾信歡聲動九州出非瑤水駕歸異洛濱遊

鶴靜堂集

卷之六 五言律詩

尤

飛旆宣 慈命從禽息御騶可知宸慮切端爲萬幾

謀

首春集董榕庵齋分旗字

玉曆三微啓春回候未遲祥風搖綵勝霽色上青旗
客咏花前句庭開雪後枝酒人飛動意惟有早鶯知

上元前一日集朱雪田宅觀燈分得天字

積雨乍晴天尋春過輞川老因梅信健情入醉鄉偏
彥會文成市端居畫亦禪却驚青玉豔燈火憶當年

送張荆門孝廉入都

獻賦君行早看花隔歲春五雲翔鳳闕千丈躍龍津
去日江波綠長途柳色新可能高咏發時寄采樵人

鶴靜堂集卷之七

雲間周茂源宿來氏著 門人

山東省立圖書館藏
錢謙益校

七言律詩

望岱

名山萬仞舊登封羅立云亭拱岱宗寶籙虛無青帝
殿靈旗縹緲丈人峯天門靜畫壇雲起日觀中宵海
霧濃會向金箱圖五嶽望邊何處表秦松

登報國寺毘盧閣

鶴靜堂集

卷之七 七言律詩

一

春遊信馬入招提飛閣岩堯百丈梯繡拱丹楹回燕
雀香幢紫蓋卷虹霓諸天花雨沾衣近下界鐘聲入
座低猶記慈寧當日事旃檀捧出掖門西

遊濮陽祁大司馬園

司馬園亭一徑幽城南選勝築苑褰丹青久謝麒麟
閣烟月空餘燕子樓看竹未須曾問主種瓜誰識舊
封侯揭來濠濮窮登眺秋水棠莊足臥遊

左子忠方樓岡臧壽平來魏郡話別

南樓窈窕到人稀薄暮憑欄對落暉忽報連翩來楚

客相逢哀怨泣江妃十年作賦身先老五月披裘志未遠贈爾將離還獨笑鱸魚雖美不思歸

客中送張子美假回

花溪驛路駐青驪有客吳吟訴別離我意翻嫌三日醒君歸漫擬四愁詩同時入洛名偏後終歲游梁數自奇鄉國稍聞兵未散上書先爲起瘡痍

送成環洲先生自岢嵐備兵遷陝西方伯

功成寧朔錦車還西指三秦絳節殷古甸雲漢連華岳層樓雪霽對南山已平雁塞銷金甲須引龍荒進

鶴靜堂集

卷之七 七言律詩

二

白環四海卽今無戰伐壯猷專控玉門關

雪中得家書

日落郊原散馬羣曉寒旋見雪紛紛經年乍得盤中句憶遠頻看錦上文砧杵萬家愁作客衣裘千里類從軍江南河北應殊候斜倚欄楹望白雲

送滑令遷贛州郡丞

璽書遙向五雲開越嶠江關倚上才白馬津邊笳吹動金鷄谷口傳車來已翻東郡成花縣更指南樓作嘯臺此後題輿多雅興可能一寄嶺頭梅

雪夜登蒲城戍樓

雨雪鳴鏑上戍樓羈人一倍增離愁袁安閉戶慚高枕栢永登城學老謀野哭千村烽火急軍麾獨夜羽書稠輕車久斷黃河岸何日歸帆泗水頭

城南

城南佳樹遠平津遜勝同來戲錦鱗海燕穿波留去影石鯨吹浪淨無塵姪隅苦作蠻中句曲水重游洛浦春借問習家池上客于今山簡屬誰人

馮旣白餞飲作

鶴靜堂集

卷之七 七言律詩

三

淇園修竹擁樓臺早放衙叅共舉杯歸馬萬山凌朔雪懷人千里發江梅援琴自愧臨邛客飛蓋同憐鄴下才不信東臯遲待詔偏予身着敝貂回

至日陪祀南郊

五夜齋壇降綵鑾氤氳田燭曙光寒陽回緹幕堯年永路繞朱旂漢時寬雲物呈祥占太史玉牲告備肅祠官芝房寶鼎尋常事却愧甘泉獻賦難

大霧

大霧鳴臯紫塞陰雲迷畫翼氣蕭森千官痛哭傳遺

令萬里驚寬感計音公旦未終留後事孔明猶負出
師心卽看草木含凄甚應少春花發上林

辛卯元旦

曉望春城日乍暄凍雲猶自滿郊原垂旒未展蒼龍
駕鳴珮遲開白獸傳苦憶金縢畱簡冊新從玉几薦
蘋蘩椒花任向人間頌獨以殷憂賀至尊

彰德晤劉蘭岵率爾賦別

太行山色郡樓西况復晴川滿綠蕘自有故人堪對
酒其如關客早鳴鷄浮槎遠泛河源隔策杖窮追日

鶴靜堂集

卷之七 七言律詩

四

景迷苦憶少游乘欸段飛鳶惆悵武陵溪

宿曹家寨

河津十里宿南邨繫馬荆扉白日昏候吏抱薪溫廢
竈僕夫連轂守空屯桃花水漲新官渡楊柳烟迷舊
國門飛燕不來春漠漠大梁族姓幾家存

大風自曹家寨至埽頭

風起河梁客渡稀篴簫一曲淚沾衣黃沙塞野單車
去白霧迷天獨雁飛吏築金堤波浪急人投茅屋爨
烟微傭來小得津亭愁便認家山當遠歸

汴梁感懷

汴河堤柳接重城帶甲中原幾戰爭龍種春逃朱邸
月狐祥夜語白波營誰分息壤墮鴻水更築新豐表
舊京盡道信陵賓客盛夷門何處訪侯生

梁園覽古

爲尋梁苑重徘徊修竹凋枯徧艸萊寵弟旌旗虛左
肅諸王賓客散平臺臨池雪色紛猶落遶郭河流去
不同一自漢京遊倦後最憐無地遇鄒枚

孫頤初奉使江右賦此寄懷

鶴靜堂集

卷之七 七言律詩

五

孫郎白馬過江來手挽烏號動地哀彭蠡雁羣低不
度豐城龍氣靜徘徊一身涕淚青門別萬里謳思紫
極開爲報臨軒頻下詔卿雲已自滿蓬萊

行靈壁復雨

淮楚蒼茫起浩歌澤中風雨客來過邨農荷笠驅羣
豕使者衝泥走六驂泗上再看芳草綠瑯琊依舊白
雲多獨憐莊舄鄉關近翻爲春寒怯越羅

送別吳泰巖分道使江西

爲郎比舍出聯鑣濁酒旗亭促使輶君到廬山浮漢

色我行蒹浦漲春潮故鄉幾見雙星聚南紀同瞻北極逢 聖代卽今搜隱逸不妨憑軾問漁樵

過張蓮林偕同人譙集

遙岑積翠鏡中開殿殿縱橫上嘯臺客到茂先多雅望人從宣武辨英才星辰欲落鴛鴦渚風雨同傾鸚鵡杯最是舞衣憐絳樹爭題白紵關新裁

崇德與顧震雄別

雙帆落處日初斜把袂吳關感歲華積雨不分長水路輕寒猶壓語亭花金尊白酒離情切畫舫春燈客

鶴靜堂集

卷之七 七言律詩

六

夢賒明發便同南去雁那堪子夜動悲笳

雨中愁吳山道院

石壇高館鬱崢嶸香霧微茫卷翠旌玉女窻涵山雨潤仙人樓瞰海潮平瑤笙白鶴空中舉錦樹繁花坐外明夜向朝元探寶籙雙珂儼作步虛聲

舟泊錢塘

津亭極望海門遙水國輕寒夜沈寥隔岸青山神禹廟中流白浪伍胥潮春星萬點連漁火宿雨兼旬變柳條咫尺桐江圖畫裏牽舟無奈石尤驕

春日過桐廬晤張無近

離情猶憶薊門花邂逅津樓感髮華繡嶺春淡紅蕖潤晴江漲後白鳩斜遲遲拄笏看朝爽歷歷揮絃對晚霞爲問桐君仙宇近玉潭幾處滿丹砂

桐江晚眺懷顧震雄

擊汰揚舲起櫂歌樓船功業愧蹉跎春缸貰酒臨江近水市張燈入夜多客渡風湍黃石岸人家烟雨碧山阿虎頭若在堪乘輿應寫滄洲滿越羅

三衢城下作

鶴靜堂集

卷之七 七言律詩

七

入越山川果勝遊那堪頻阻木蘭舟哀湍錦瀑春風厲恠石蒼崖白日愁飛蓋逶迤姑蔑樹短簫寥亮合江樓巖關南去天垂盡海國烟濤黯未收

過仙霞嶺

山櫻破萼野棠稀雨後鳴鑣入翠微疊巘蒸雲玄豹隱層城倒景白鸞飛堯封更向天南闢漢使三從嶺外歸此度金鷄真浩蕩敢因登頓緩驂騑

過梨關

危峯歷盡轉霏微路似仙源啓石扉啼鳥啣花颯翠

慢飛泉濯錦濺春衣雲林白晝鐘聲遠烟薄初晴獵
網稀只爲嚴程慚濟勝朝簪尚與簪冠遠

建寧舟次

慢亭雲岫鬱差峩蕩漾溪光照綺羅花落杜鵑春信
晚樹成盧橘夏陰多文鯉散彩沉丹壑青翰隨風戲
白波百粵山川封澹外南音且辨候人歌

贈家櫟園方伯

羣峯翠擁越臺高東指扶桑建節旄海日樓船春按
部巖花錦障畫揮毫彤弓舊識元侯貴鐔磬新酬九
鶴靜堂集

卷之七 七言律詩

入

牧勞次第璽書來絳闕承恩正及薦櫻桃

過陳廉石太守山居

城頭白苧變蒿萊剩有官梅閣裏開軍壘舊覘虞詡
畧射堂初試魏舒才已知鳳德埋名隱獨向漁磯屏
騎來假使吹塵終入夢可能長嘯老南臺

漳州感懷

嶺外風烟動客愁側身西望一登樓千巖紫氣奔龍
馬大海銀濤泛斗牛男女尚餘徐福伴吏民爭厭尉
佗謀戈船下瀨軍容盛懸賞誰當萬戶侯

望東粵山川懷受事諸同籍

越臺東望愴離羣却羨戎軒早策勲擬向丹砂求作
吏何妨蠻府效參軍遐方獨信逢迎少遠宦偏當雨
露殷旄鉞豈同遷客恨須教五嶺播南薰

贈宋尚木

久從西掖候鳴珂猶戀青山傲薜蘿宋玉文章江表
重陶潛詩句晉餘多朱顏綠髮成耆舊錦席華鐙且
嘯歌萬樹梅花開谷口鶴書敦促奈君何

贈朱江藩孝廉

鶴靜堂集

卷之七 七言律詩

九

憐君十五到京華繡纓關前典自賒共道孫陽能相
馬誰言庾信不思家幾年秋老淮南桂今日春歸杜
曲花莫忘靈臺嘗旅宿歲寒風節正堪誇

辛卯長至宿衛輝使館

斑駁北首正駢駢至日偏爲行路人萬里乍歸滄海
使三年長拂帝京塵霜寒野戍驚聞柝月黑前旌屢
問津卻憶紫壇虛載筆周南留滯一沾巾

慰宋荔裳

北寺凌寒飽豪鱣幽蘭白雪自盈編三秋悵望燕臺

月五夜哀吟蜀國絃黃霸受書真不厭鄒陽封事有
誰憐蹶蹶漫道遭逢少遲爾鳴珂鳳闕前

送黃樵雲南歸

春靄燕山雪色微征塵又撲老萊衣朝天直擁金雞
人將父還看白兔肥曉墅梅花留舞榭晴湖芳草傷
漁磯安車待爾身為御未必徵君與世違

送尤特之赴征南幕

共指軍前八尺騶垂鞭又看日南花三吳組練輸籌
切百粵樓船畧地賒雪夜飛觴傾白苧春風吹律定

鶴靜堂集

卷之七 七言律詩 十

丹霞舊遊曾遍無諸國為爾懸旌到海涯

與唐雪靈令君

南指千將北細林移家欲近兩山岑丹楓錦石寒光
麗白露青霜客緒深起舞當筵傾玉斗相思永夜理
瑤琴身慚江左稱高士下榻陳蕃自古今

壬辰元旦

雪霽西山翠靄連鳳城簫鼓競喧闌羽觴獨醉瓊瑜
裏貂服初溫帳殿邊諒微有書違漢苑呼嵩隨例頌
堯年朝回倍識君恩渥待漏從容尺五天

送客歸閩

被酒狂歌出帝京壯懷猶是棄繻生已知市駿千金
少誰道談天四坐傾海甸蕉花催客思河橋柳色動
離情期君再上賢良策終見公孫舉大名

夏日與單狷菴宋尚木直方張處中重遊高園
郊外疎風散綠疇習家池館足淹留呼晴鶴鶴窺珠
樹積翠松篁鎖石樓暇日真堪河朔飲高懷許共辟
疆遊武陵咫尺人間世莫遣飛花出渡頭

東潘長菴

鶴靜堂集

卷之七 七言律詩 十二

雄名久佩呂虔刀期爾南征建節旄豈謂愁心江上
老翻令斗酒客中豪通侯自昔虛猿臂傲吏何妨作
馬曹此日呼天閭闔近漫拏香草賦離騷

秋懷

錢塘八月壯風濤百丈牽舟濁浪高霸國山川新成
壘客星祠廟舊亭臯松杉日落吟猿苦蘆荻花殘旅
雁勞獨有悲秋最蕭瑟況禁湖海一綈袍

又

客舍江城嘆索居愁霖不復下堦除幽芳自老淮南

桂遠道難通薊北書張率詩篇仍限日王尼旅食竟
焚車何時匹馬看山去錦石晴霞樂有餘

又

身違畫省罷鳴珂閉戶南邨長薜蘿老去雲霄無健
翮狂來海嶽助悲歌遊仙獨信忘機早誓墓嘗因履
患多爲謝春明諸舊侶寧煩芳訊到巖阿

又

江南羣盜尚縱橫幾處春田賣劍耕白晝傳烽空閉
客黃昏躍馬未歸營探丸市上初亡命挾彈林間舊

鶴靜堂集

卷之七 七言律詩

三

射聲牧守若能親盪寇單車那復避張嬰

又

洛橋車馬去來頻聞道鵷行帶綬新白首爲郎驚按
劍青門送客倍沾巾祗應猿鶴情如故乍喜松筠道
未貧我已投閒工習隱百年生計五湖濱

又

元臣輦鼓動江關萬里專征控百蠻弭節纔臨黃鵠
渚先聲已度碧鷄山滿樓明月籌邊暇遮道梅花笑
凱還自是文淵多壯畧武陵橫笛漫追攀

又

雙峯俯瞰睦州城城外鳴笳節使行天子自頒南
越詔將軍還勒下江兵從敎組練張威武坐使鯨鯢
息戰爭漫說樓船楊僕貴由來飛捷在遄征

又

十日秋霖竟不休亂山飛瀑混滄洲田家烟火橫谿
澹估客帆檣拍岸浮隱几驚聞門外屢携琴且上雨
中樓荒城極目終無賴況復飄飄重旅愁

次季滄葦咏蘭溪浮橋韻

鶴靜堂集

卷之七 七言律詩

三

江城綠酒暈紅潮十五當爐心暗招夜半回棹疑蜀
市春明駐馬憶河橋驚逢交甫珠雙串不稅昆吾玉
萬條共道使君清譽美早知畱犢類時苗

又

蘭陰無復往來潮隔浦湯湯不易招星應牽牛同跨
渭客慚司馬漫題橋閒浮玉洞花千片乍插金城柳
數條更卜江邊堪置陣錦裘飛渡訓蒐苗

又

白馬騰裝伍相潮奔雷激電杳難招曩時直走三山

路此處曾經萬里橋一自芒鞋歸故國渾如落葉墜
枯條期君獨整凌霄翰我欲東臯種藥苗

答徐伯調

十載重來眺越山酒壚蕭瑟泪潛潛雲霞友向狼烟
散風雨情隨雁帛還君自千言投玉案我同再世識
金鑲只今把袂窮秋日猶念兵戈早閉關

贈沈靜瀾少叅

雲門鎖翠越臺高玉帳臨風拂錦袍十二河山傳霸
畧六千君子著成勞旌旗曉度梅梁雨簫鼓秋鳴石

鶴靜堂集

卷之七 七言律詩

十四

浦濤試問南樓陪讌者幾人能佩呂虔刀

送郁光伯備兵漳南

丹楓萬櫂涉江還送爾南征靖百蠻霜後錦裘臨劔
浦月明橫笛度梨關當年並勒青絲騎此夜遙分白
玉環望望彤雲隨鶴蓋獨餘清夢繞烟鬟

吳門送閔山紆北上

春風駘蕩闌閭城手握將離送爾行草煖平原堪躍
馬花飛雙闕正啼鶯十年坐老垂綸客千里溪憐捧
檄情此去上書誰最切昆明未陣莫提兵

訓別金秉叔次原韻

羨爾翩翩京洛游晴江同泛李膺舟采蘭怨別迷津
樹橫槩高吟倚舵樓扇影曲隨山翠合帆風斜帶夕
陽流莫愁到日逢迎少千尺金臺古薊州

步寶帶橋

垂虹橫浦碧流通無數青山一壘中茂苑烟花終未
散吳都宮闕爲誰雄故人把袂折沉醉客子揚舲更
晚風春色平沙從此盡太湖波浪縱漁翁

贈張森岳

鶴靜堂集

卷之七 七言律詩

十五

東隱幕府借才難久擬威名更築壇豈謂文章上海
賦猶煩會計領鹽官蓬萊水淺仙槎近碣石風高玉
帳寒遡發追鋒天尺五便從紫陌待雕鞍

送顧松交讀禮南還

三年風木多遺恨此日逢君涕淚盈猶記麻衣催我
去那堪縞素送人行參辰不共郎官署霜露平分孝
子情匹練吳門應在望倚閭顏笑尚如生

與李鏡月

憐君彩筆爛朱霞歸臥南山白日斜被酒嘗操燕市

筮乘春久謝曲江花堂前越石身原重天上胥靡夢
未賒漫道千秋猿臂恨封侯不到隴西家

上陳素菴先生

天遣水旱啓堯湯五夜勤咨政事堂調鼎共尊公輔
業披圖親領度支章黃牘古道通飛輓鄴杜新田足
稻梁辛苦元功蕭相國漢家根本托靈長

送蕭子雲使閩

雙旌曉拂薊門霜萬里天書下越裳山雨半含榕樹
綠海風斜壓荔枝黃登高實助江淹筆授館終辭陸

鶴靜堂集

卷之七 七言律詩

七

賈裴此去懷柔龍節重莫令穉突更飛揚

送王伊人使鄖襄

使者銜書策四驪鄧林南去楚峯西諸熊舊族迎車
蓋三戶遺民靖鼓鼙朔雪頻沾青玉案春風小醉白
銅鞮極知畫錦江程便須念靈臺未穩栖

駕幸南苑

苑城偏近五雲東帳殿宸遊紫翠中未見雕弓勤射
鹿寧煩錦屨效當熊繡經仗外交微雪奏事簾前待
曉風諫獵有書今莫上垂衣不獨在深宮

次韻詠蝶夢菴爲何漢源作

伉儷情文此共探強操麈尾作玄談空房墜粉侵遺
挂小花寒花待結菴奉倩神傷形似水瑯邪情死石
爲龍帳中果否來環珮彷彿生前得二三

又

一榻脩然蝶夢菴夢中幾度發優曇求凰妙曲天涯
斷牧犢高懷物外參舞榭黃昏留古月枚櫺白晝鎖
晴嵐相傳北海多奇術遮莫覓歸湘水南

偕郭石公集成伍嵐書齋適吾師回自南苑

鶴靜堂集

卷之七 七言律詩

七

天街賜第近宮槐杜曲新坊更築臺公子自迎門下
客相君頻試閣中才兼旬摺笏衝寒立五夜鳴騶帶
雪迴慚愧爲郎休沐暇玉山雖倒不辭杯

送何芝函大行使白下兼懷宗凌霄夫子

宅近青山寓謝公經年旅夢蔣陵東使袍換錦春冰
動官舫張燈夜雪融除道吏迎新玉節過江人識舊
花廳煩君爲約南飛鶴好共歸栖珠樹中

祥刑之役予偕蕭紫衫先發舟行卽事

曉奉天書出禁城仁風首路引雙旌三年比舍秋官

署千里同舟驛使程乍喜金鷄存曠典寧容乳虎搏
威名焚香鄭重持丹筆陰雨繁亭夢亦清

潞河道中

襖被蕭蕭下潞河窮秋不禁旅愁多天高地圻廬龍
近水落霜清白雁過幡有騶虞空爛熳髮同騎省婉
蹉跎朝來津口風濤惡厭聽商聲倚櫂歌

滄州會劉何實黃薛侯

懷人隔歲望秋雲此夕雙帆去任分搖落正當叢菊
候別離偏逐塞鴻羣相傳呂母仍衷甲未必盧循早

鶴靜堂集

卷之七 七言律詩

太

退軍師老舨艘空喪盡安東賴爾讀彈文

次泊頭

衛水東連渤海涯縈迴如帶客程賒孤舟擊汰驚寒
雁野戍懸燈急暮笳地有新田栽苜蓿人無故老種
桃花津頭涕淚誰家婦華髮雙垂獨浣紗

舊山

舊山無恙掛烟蘿此日傳烽竟若何笳鼓江關屯虎
豹樓船海國混龍鼉千重錦樹浮雲暗滿目寒松落
照多愁絕正逢南客至鄉心細與問漁簑

遙題蔡中丞重修滕王閣

傑閣猶存帝子名登臨不盡古今情千年席上看搖
筆九日江干再洗兵倚檻亂山空翠入開簾橫漱
雲晴臥遊真憶蓮花府彷彿長風送遠行

天津城東登賈本培職方書樓望遠

樓臺別墅鬱嵯峨雲海蒼茫足嘯歌琴操特因流水
勝酒懷新爲去官多長虹曉掛將軍樹白鷺秋翻太
史河知爾最饒塵外賞詩篇滿篋待羊何

懷施尚白

鶴靜堂集

卷之七 七言律詩

尤

郎官比舍舊題名三度參商出鳳城薄命空同青瑣
夢相思似近玉珂聲同時案筆人何在此日論詩爾
最清踏雪西山應未得好藏斗酒共聞鶯

宿大梁使館有感

十日淹留宿汴城荒亭鼓柝最分明床頭蟋蟀燈前
動樹底鴟鴞夜半鳴沉璧未終瓠子役飛芻時給羽
林兵楮衣已共殘黎盡歲歲團圓草自生

與吳六益時方游都門

與爾相期谷口耕鵬冠何事到春明悲歌豈復遊燕

市鉅麗還應賦漢京萬里夢回庭際鶴九霄聲隔苑
中鶯自慚小草甘肥遜擬薦嵇康恨未成

雪後與李襄菴憲副酌陳州池上

東門池水紀陳風四望蒼茫澤國同魴鯉負水沈荇
藻鴉鳴衝雪起葭蓬臨流綵管瑤臺外夾岸燈幢且
關中料得銅鞮休晚唱坐來頻想酒盃空

丙申元旦次歸德作

春城綵仗儼蓬萊乍憶鳴鐘曉殿開白馬趨朝微子
國黃河作帶孝王臺崢嶸積雪辭堤柳次第輕風入
鶴靜堂集

卷之七 七言律詩

三

苑梅幸喜陽和旋地軸羣鳩放後一擎杯

拜少保宋夫子墓

關伯臺西松檜陰清秋鶴影最蕭森鄉閭德望康成
貴公輔文章仲寶淡卷土愁無歸蜀路辭封不負相
韓心後堂絲竹猶如昨白馬重來淚滿襟

閱侯朝宗壯悔堂集詩以弔之

誰向中原建大名侯君束髮主齊盟文成一代龍門
史身老先朝虎觀生倉猝射書天下計流連聞笛古
人情漫憐玉樹埋黃土一歎無虞晚節傾

贈桑笈雲大叅

上卿三策借旬宣乍自槐階出牧年忠武廬邊憑賦
過君公祠下采風先水清桐栢觀新註花發嵩高簡
內篇慚愧周南留滯者遶巡藥裹對賓筵

養病次祥符適邑令孫豫章投劾回永平誌別
遠近抽簪去國同清商一曲奏離鴻愁余七日鈞天
夢念爾三秋瓠子功身狎扁舟浮震澤客歸絕寒保
無終縱橫萬里難爲約車笠他年幸再逢

韓子新自密過汴以藥物見惠兼訂移居

鶴靜堂集

卷之七 七言律詩

三

迢迢乍見密陽書擬就嵩高問草廬湖海十年同泛
梗故人多病早懸車幾攀絕磴求靈藥來約秋江射
白魚歌哭無端無一可信陵祠廟況丘墟

潘山人至自遠左得季黃門書

一雁初從塞外來逐臣無恙寄書回南冠憔悴移青
海木榻蕭條對紫臺去路馬驚芳草毒鄉心腸斷菊
花開霜寒遠待征衣到刀尺深閨劇可哀

薊門雜咏

十年襁褓老諸郎負病趨朝重慨慷懸筆未消秦吏

獄持旌難發漢家倉鄉心橘柚寒煙外旅館芙蓉別
苑菊客至玄談猶小劇驚看青髯欲如霜

又

萬壑秋濤碣石摧舳艫夜覆白溝隈蛟龍怒閃靈旗
出雁鶩羣爭玉粒回天道九年頻水潦人烟三輔見
蒿萊司農籌國應多算民力東南亦可哀

又

宜春禁苑倚雲開錦瑟鈿箏次第催掌放玉鈎天作
合鸞鳴銅表夜迎來救樓月午搖仙珮水殿花深度

鶴靜堂集

卷之七 七言律詩

三

羽孟宮體新詩多鉅麗長門漫市馬卿才

又

晴開玉殿五雲深拜舞空懸捧日心重譯梯航依北
極兩階千羽貢南金含香久失青蒲謁待詔聊爲白
石吟不及于闐新侍子親瞻龍表插華簪

又

平吳二俊起江東上表還山去志同白首功名甘失
馬丹霄雨露屬非能離花莫訝淹陶令厨酒猶堪屈
阮公詔許談經雙奪席何妨几杖石渠中

又

樓船諸將日蹉跎轉戰仍聞禁旅多瀕海未收蒼兕
甲遠人偏進白狼歌誰教解縛歸雍閩莫更持書說
趙佗目斷雁行遙問訊家園杞菊近如何

懷季天中給諫

遷客音書隔歲回窮交萬里塞垣來短裘射虎陰山
暮霜管題詩獨石開遠海沙寒沉劍佩淮南木落隱
樓臺關門生入應青髯不待班昭疏屢裁

又

鶴靜堂集

卷之七 七言律詩

三

去年徒跣出都城洒涕呼天送爾行漢苑鶯花虛諫
草燕臺風雨作商聲馬隨羊酪愁顏老短笛悲笳旅
夢驚山水烏丸稱絕麗畫圖何似玉泉清

傲居甫定朱于石偶過彈琴

風高木落到燕臺僦舍條然局不開三徑漸因戎馬
廢官難逐塞鴻回愁多聽徹蓮花漏吟苦斷殘竹
葉盃有客抱琴煩過從未須重作雍門哀

冬至

頻年至日在征鞍乍喜都亭息羽翰陽氣自從緹室

轉翠華猶憶慢城寒六飛午夜馳金埒九獻凌晨對
紫壇慚愧一麾山郡吏太平雲物道旁看

駕幸南海子

君王講武百靈朝采吉長楊駐鳳鑣永夜旌門傳玉
漏凌寒帳殿賜金貂前驅雪霽黃山路複道虹飛清
渭橋不是時平誇羽獵昆明方念出師遙

紀事

羽騎傳呼度渭橋通莊出勞錦車遙頻年玉鏡辭蘭
殿萬里金風想鳳鑣帝女桑依官楸綠天孫石壓塞

鶴靜堂集

卷之七 七言律詩

五

雲驕九梁莫恠堪新髻彷彿長秋舊步搖

又

神京西望白榆稠馬上琵琶歸路修銀艾曉明鷄鹿
塞玉簫秋老鳳凰樓阿嬌妝改新瓔珞公主裙拖舊
石榴爲問燕支山上月可同團扇漢宮愁

又

詔下敦親飭傳華粉侯同輦到天花婚姻不設三關
險湯沐寧論十縣賒伎進平陽看劍舞園開沁水種
蠻花絕勝黃鵠歸來晚頭白烏孫起怨嗟

又

歌成天馬醉葡萄塞拍胡琴間鸞翻玉女夢回東日
近王姬車度北庭勞何愁席上驚銅斗欲笑房中立
佩刀太弟威名今莫問躊躇歸哭海門濤

上命再寫金少師像

繪圖重拜王恩新柱石崢嶸一老臣文劍紫囊依日
月方瞳華髮壯麒麟徐添海屋仙家算倍憶磻溪夢
裏身最是畫師工絕處閒情別帶五湖春

王太宰病起

鶴靜堂集

卷之七 七言律詩

五

朱輪賀客聚通莊上相加食履慶長綬帶自驚金骨
變酡顏依舊紫髯張九還大藥封丹竈靈壽仙藤出
尚方何必東山綵管逸夜來風月滿秋堂

遣興四首

猶憶驪驪爭道難經年旅食衛河干白魴徑尺含冰
細丹棗千林背郭寒小醉便成如意舞高吟空戀切
雲冠山行最是浮丘勝控鶴仙裾月下看

又

亂餘重上越王臺繡棋珠簾半劫灰涕淚總懷聞笛

恨衣冠猶見過江才鵬鵠密雨啼相對蘭蕙輕風暖
自開獨有會稽崇廟祀萬年金簡照雪雷

又

會持玉節到南荒鬻冠彭湖正渺茫鮫室未聞珠作
市廩君今復土爲航防秋樓櫓三山急橫海旌旗百
粵長賴有軍諮工草檄從容幕府佐龍驤

又

此日升沉敢重論燕昭臺畔欲銷覓爲郎皓首辭丹
闕典郡青山啓石門畫舫卜行冰未泮貂裘先敝雪

鶴靜堂集

卷之七 七言律詩

五

猶繁預愁春殿千官集無分同傾白獸尊

鶴靜堂卷之七 終

鶴靜堂集卷之八

雲間周茂源宿來氏署

弟

茂澄天來

金然廣菴校

七言律詩

冬日陪杜湄邨少叅遊南明山

南明萬仞翠屏開四照芙蓉入座來客飲玉泉丹井
在僧鋤銀艸石田回青猿日落投仙幔赤豹霜淩步
講臺山簡醉遊方此夕前騶不覺暝鐘催

又

鶴靜堂集

卷之八 七言律詩

一

谷暖寒花滿目斑凌空策杖叩禪關沈浮雲海驂鸞
去咫尺人天咒虎還苔蘚繡園高士碣旃檀香暈玉
童顏飛觴不淺南樓興授簡多慚賦小山

冬日遊景寧金仙寺

其寺開山時有古槎
流至結爲諸菩薩座

翠微林外隱紅樓一派溪光暝際收寶座天衣珠自
麗空壇法雨潤常流尋山偶爾希靈運得句還應訪
惠休聞說仙槎隨地湧森森四壁起龍湫

觀鼎湖峯

黃帝騎龍竟不回鼎湖遺勝鬱崔嵬凌雲萬仞安丹

寵削影千巖抱玉臺
雕虎夜深時獨卧
彩鸞天外欲飛來
摩娑閱徧秦碑篆
綠甲珠函秘未開

遊青田崇道觀

憑虛直上玉晨官
身在千巒紫翠中
隱隱劍光寒黼座
霏霏香篆拂雕櫺
山田雨歇芝苗潤
石徑雲橫鶴步通
此去神霄應不遠
數聲銀笛下晴空

與皖上劉臣向

當年共醉白門秋
客夢猶依舊酒樓
羨爾龍眠真穩卧
慚余鶴沐久淹留
錦囊度嶺花千片
長劍穿林月

楊靜堂集

卷之八 七言律詩

二

一鈎不是好奇拚
命駕馬遷寧作越中遊

遊白雲山作

禪棲偶涉已忘家
此去靈山路未賒
覽勝春郊遲五馬
皈心淨地演三車
紫衣座擁中朝賜
祇樹庭開絕域花
可奈伊蒲供饌畢
起看旛影日將斜

夏日詣慶元道中次鮑生見投韻

炎天露冕到山城
暑氣還隨羽扇清
莫道秦庭尊法吏
須知蜀郡賴文明
高吟玉軸車前載
晏坐瑤琴席上橫
萬仞梯巖真絕險
仙人頻戒戴星行

又

當年吳會盛詞壇
賈勇曾從壁上觀
擬製荷衣歸舊里
虛羣竹實廢朝餐
敢將治郡誇游弔
聊復談兵學弄丸
四十專城今皓首
封侯偏到隴西難

又

射策函京舊有聲
關門爭識棄繻生
崎嶇山谷違朝寄
潦倒風雲損宦情
地入括蒼多虎穴
天廻旣海作龍城
何時解帶逢休暇
噴雪亭前數落囊

又

楊靜堂集

卷之八 七言律詩

三

瀕海何年息戰爭
飛芻輓粟厭逢迎
三軍半出長楊館
六月方屯細柳營
食盡空教躡甲臥
炎蒸幾斷控弦聲
小臣亦有樓船策
越俎逡巡未敢呈

又

處士星從郡閣懸
遠行旁縣類分躔
金鷄欲下恩將及
竹馬來迎望亦專
陋壤自知清節易
嚴疆還仗武功全
却憐比舍爲郎者
幾度黃麻五夜宣

送董心水歸句曲

西風搖落送君行
馬首雲低擇樹平
當代聲名求許

砌一時賓客重侯嬴仙家不遠華陽隱旅夢應憐葛井清我亦江東垂釣侶便期漁艇再相迎

春雨舟行青田勞兵之作

斜風密雨出郊原水驛南行鼓角喧岸柳半隨征旆綠江梅猶傷戍樓繁荒城組練增新竈瀕海烽烟隔短垣此日功名輕治郡空聞按部有朱轡

石門觀瀑

看山強作石門詩謝客曾畱絕妙詞麗日珠光流處濕停雲練影望來遲身依蔓葛攀危磴手把芳椒醉

鶴靜堂集

卷之八

七言律詩

四

廢祠却恠前坡歸騎促虛疑洞壑隱熊羆

寄朱蒿菴二首

別後青門幾度霜梧垣諫草溢千章才同賈傅驚遷謫事類虞卿重慨慷殿上猶畱旌直檻宮中特起嫺賢堂武夷山曲停飛蓋獨對梅花一舉觴

又

記得秋深楓葉丹曾將尺素慰加餐單車乍歷驂鸞渡五兩旋回唳鶴灘絲竹登山聊自放袞衣補闕詎辭難可憐漢武升遐後屬國歸來鬢已殘

自七赤夜詣龍泉

谷口晨鷄午夜鳴燃芻便爾涉溪行遙岑積雪浮虛白古樹疎花漾太清驅馬乍疑當虎豹戴星無術掃機槍劒川百里巉巖路及到朝餐已半程

辛丑夏日重過景寧督餉作

又從赤日走千山亭午披襟度石關雲漢我愁終歲事邑黔人惜使君顏餐雖脫粟應難飽詔許蠲租且未頒飛輓昆明天萬里何時諸將罷兵還

景寧陳廣文子茂才杲投詩次答

鶴靜堂集

卷之八

七言律詩

五

空谷幽蘭只自芬聲名終遜大馮君身違畫省真如夢坐擁青山媿不文按部頻年衝瘴癘愁時永夜望星雲何來片玉車前見錦藻離披嘆絕羣

又

咫尺丹霄幾問天褰帷總在萬峯巔時同蜀道灘聲險未睹河陽柳色妍席上鳴琴嘗窈窕庭前舞鶴自翩跹江山助咏差堪慰把臂於今賴此賢

懷顧東籬

高隱巖阿信獨醒十年兀坐艸玄亭臥龍諸葛真名

士金馬東方是歲星寄傲難禁雙眼白開懷且對衆
山青此間儘有忘歸洞待爾重來叩石扃

同永嘉韓叔夜令君暨首愚李生夜坐江心寺
江皋搖落正逢秋覽勝還堪散旅愁萬里潮聲連碧
海雙峯烟靄入丹樓前賢守郡嘗高詠我輩看山亦
壯遊夜半琳宮鐘磬寂何妨秉燭更夷猶

訓筮江上見懷之作

十年勝友各西東越嶺吳天別恨同白晝金沙明貫
索高秋鐵甕鎖鰲鰲安危總在羊裘外悲喜交形鯉

鶴靜堂集

卷之八 七言律詩

六

素中聞道華陽多石隱可容聯步採靈薈

懷登州太守徐聲服先余告歸

憶君留舄劔川西寄我緘書再適齊兩地分符兼汗
馬同時解組笑醺鷄仙人羽蓋蓬萊閣上客清尊
畫溪莫恠柴桑歸興急入林蚤晚即雲泥

送舅氏及天石表兄歸里

春郊送別晚山晴千里遄歸白苧城孤棹偶乘王子
輿路車難慊晉侯情水漸早上三江鯉花發新啼二
月鶯故老若逢詞拙宦寒齋長對少微明

同董總戎織丹青田溪次侯制府

頻年手板越溪東悉屏前麾歛畫熊偶並將軍依大
樹欣看少女動微風饒歌漸覺羣山應幕府真推一
世雄身媿挽強難射石可容投筆效從戎

春日陪制府譙城南射堂

射堂新築枕山阿旌節遙臨勝概多騎士貝裝花爛
熳伶人珠帽舞婆娑晴川似練浮鷗鷺細草如烟臥
橐駝爲問南樓明月夜庾公清譙興如何

送董總戎提督三楚

鶴靜堂集

卷之八 七言律詩

七

親提玉劍靖蛟宮彩鷁遄飛江漢雄南北諸軍隨大
纛東西二廣隸元戎京臺月白秋聞雁夢澤烟清畫
射熊羊傳由來稱靜鎮高名自並峴山崇

寄江陰何霜崖明府

嘗開郡閣共談經張叔趨朝最有聲已信三鱣成吉
夢終慚五馬作悲鳴春申曉翠供揮翰揚子秋濤待
濯纓聞道水犀猶繕甲籌時漫進魯諸生

寄台州太守郭星槎

爲郎比舍出連州竹馬歡聲讓細侯滄海珠明搖綵

筆赤城霞起照輕裘軍書未減琴樽興并稅偏淙簿
領憂我已投閒將杖策秋巖觀瀑可同遊

寄懷劉无媚僉憲

晴霞高建赤城標使者乘槎下紫霄海國炎風披玉
帳山樓夜月靜銅鑣一從西省趨踰近久滯南荒夢
寐遙此日心旌依畫戟可容謀壘到漁樵

別陳于王

屏騎欣逢蔣徑開蕭森石戶長莓苔當年俠氣嘗驚
坐此日高蹤類鑿坯載筆時遊星瀨去題詩乍向射

鶴靜堂集

卷之八 七言律詩

八

堂回秋風如許歸應早預剪尊絲待爾來

懷張羽京司理

歸田自幸拂衣輕賦別愁聞獨雁鳴久滯我慚元亮
節遲來君有曼容名曉雲越岫分珠勒涼月吳山共
錦筆此後相思應更劇天涯何處一班荆

送徐价人之粵東都閫

海岱雄名早着鞭南陲轉戰耀戎旃頻年射石驅雕
虎此去揮戈落點鴛秋老戍樓椰葉冷日高官舍荔
支鮮遙知陸賈祠前水清絕差堪飲馬泉

何遠岑寓道院以生日詩索和次韻

金庭絳宇接西城美爾遨遊物外情高士靈臺航旅
宿仙人海島授長生月明酒醒開調鶴春老吟殘臥
聽鶯我亦歸來荒徑裏未須昇舉覺身輕

送張夢匪撫治西寧

博望乘槎西極迴懷柔復見借雄才擁旄萬里星河
近飛檄羣番天馬徠邊笛秋高淒玉帳塞花雪盡照
瑤臺鏡歌況有新翻譜聽徹涼州數舉杯

夏日園居漫興

鶴靜堂集

卷之八 七言律詩

九

平原村畔卜幽居夏水陰森蔽草廬忘暑未招河朔
飲療饑多積兩陽書舊山自喜聞鳴鶴臨水真堪學
釣魚不信芳蘭盈七澤依然憔悴走三閭

七夕後二日偕諸子集乾一齋觀奕探韻得先
字

涼颺輕拂夜舒蓮高館飛觴引興偏客到幔亭皆不
俗詩成金谷競爭先清臚顧曲非常日華髮悲秋又
一年漫倚柸枰堪賭郡宣城亦在戰場邊

秋日同繹堂過六益齋卽事

清秋遠岫度微雲散步亭臯到夕隲爲覓新篇過季
重相携勝友得休文山厨善煮青精飯小史求書白
練裙此會陶然忘出處莫教塵鞅又離羣

蒼水歸自豫章以新詩見示

春帆西指豫章城歸及秋江白芡盈豈有華縑酬彩
筆聊憑濁酒聽銀箏煙雲滿眼匡廬峻風雨凌空鐵
柱橫不信奚囊三尺錦竟同雙劍作龍鳴

送張青弼舍人使粵還朝

親持玉節到炎州省觀爭看畫錦遊萬里粵裝虛翡翠

鶴靜堂集

卷之八 七言律詩

十

翠百年潘御弭驂驪雲移水驛秋花麗雁度江城夕

照收送爾向西還獨笑何時文酒共登樓

重陽日偕同社諸子集蒼水齋卽事

江城風雨角聲哀九日秋陰喜暫開花信未逢黃菊
放酒懷寧待白衣來禮從嵇阮林中廢詩向宗雷社
裏催漫道雄心難自禁祇今戲馬亦荒臺

懷王玠右名世兄弟

海曲飄零白纓巾乾坤無恙草廬身姜肱兄弟成高
行虞寄家門並隱淪歷朔閒隨叢桂老騷文只與杜

喬親扁舟欲訪東邨去恐笑緇衣十斛塵

又

芋城南去浦雲橫羨爾親從隴首耕望重山中陶處
士書傳帳下魯諸生蕭疎水榭招晴鶴浩蕩林臯聽
曉鶯我亦秋風歸興早可容載酒進尊羹

秋杪坐雨東蒼水

登臨蕭瑟最愁人況復窮秋雨決辰簾外掃花芳徑
滑渡頭沽酒夜潮新西林小島歸紅樹南浦輕條上
白蘋料爾閒居應有作羊何寧厭往來頻

鶴靜堂集

卷之八 七言律詩

十一

過細林訪曹鍊師不遇宿山樓卽事和壁間韻
輟棹西溪正夕陽爲尋丹竈躡虹梁珠函綠簡無消
息絳節雲旗詎渺茫獨鶴摩霄仙馭遠神龜鎖翠玉
臺涼夜深堅坐還高咏呼吸疑通帝座旁

東張忍齋

乍自昆明萬里回東山復見艸堂開碧鷄夜雨玉褒
節銀膾秋風張翰杯爛熳黃花侵几案婆娑白鶴下
樓臺淮南招隱真同調漫放鳴騶破綠苔

甲辰元旦口占得遲字

元日正逢新甲子春風又轉綠楊枝身歸故里安徒步曉立閒庭自咏詩白髮偏能饒醜拙青山特許任栖遲何須賀歲來殘客且進椒花酒一卮

又

依舊春暉谷水滑軍城鼓角颺青旗社中野老猶爭席床下雛孫學讓梨新夢總成蕉鹿幻一官寧厭土牛遲役車歲晚劬勞甚婪尾今朝醉莫辭

春雪夜坐有感官孫

幽居謝客草堂閒落落实耻抱關未見華燈明永

鶴靜堂集

卷之八 七言律詩

七

夕惟餘凍雪冒春山琪花天上應全放玉樹庭前豈耐攀老去含飴稍自慰一雛底事不飛還

送施硯山侍御請假還朝

鐵面虬髯獬廌冠手持白簡殿中寒三春孝子思親切萬里勞臣賜沐寬輦路鶯花新爛熳家山竹樹自檀欒知君去住車輪轉欲戀漁磯卻正難

贈張帶三

高卧雲林幾度春維摩金粟是前身方袍縹緲空中相香草迷離澤畔人三徑祗容求仲到一杯長與步

兵親茅堂况有星文聚世寶青箱豈厭貧

送葉絳巖庶常北上

俶裝敦迫走鋒車腰帶仍懸學士魚前席會逢宜室召吹藜再展石渠書無才剩我安樵徑有夢隨君到玉除爲語仲華方綺歲遲遲拜袞漫欷歔

范樹鏃自滄中歸示華山紀遊卽事

五涼歸騎八千里興至還從華岳遊弭轡關前覘地險振衣天半瞰河流公超吐霧經爲市毛女乘雲上作樓圖書名山隨劍匣蓮花空翠彩毫收

鶴靜堂集

卷之八 七言律詩

七

寄施愚山少叅

都亭分手八年餘寂寂荒林嘆索居鴻雁舊曾通越嶠芙蓉今又隔匡廬素琴濁酒陶元亮團扇秋風漢婕妤久矣違時甘自廢江湖聊寄故人書

細林八詠限韻

仙人樓觀白雲封羽客高棲物外蹤珠斗闌干沉刻漏絳河縹緲度疎鐘江城遠應千家杵野館驚聞萬壑松興劇登臨饒濟勝山窓待曙欲扶筇

又

春山翠靄盪晴雲巖洞時成五色文蔭映樓臺多氣
象光搖竹樹自清芬猶遲雨澤疑龍臥欲變烟嵐隱
豹羣朝暮華陽供獨賞何須珪組日繽紛

又

古木蒼藤翳短垣仙翁丹井此尋源魚龍海底通泉
脉雷雨山頭破石根素綆汲來鍾乳滑水壺盛處玉
砂溫當年使節空來往藥畝何曾授至尊

又

人間咫尺鳳麟洲底事茅龍不少留丹就止餘仙斲

鶴靜堂集

卷之八 七言律詩

古

在劒飛空向玉棺求繁花白晝春常寂獨鶴黃昏唳
未休憑弔無煩歌薤露場來還作幔亭遊

又

漱澗秋潭千頃波兼葭入瞑露華多廣寒豈是連霄
漢池水渾疑作影娥乍咏澄江如練句遙聞越女采
菱歌士龍若使曾遊此笑殺清光照綺羅

又

夾岸平沙似布金西山落日射瑤林芙蓉木末秋光
麗桂樹叢中晚翠深小市人歸沽濁酒危橋客去抱

孤琴眠鷗宿鷺真吾伴病肺于今謝苦吟

又

晚香寂寂舊亭臺黃菊曾經處士栽月黑山邨迷曲
徑風高籬落斷枯荑誰人載酒娛陶令空復餐英憶
楚才便擬前溪營別墅秋花重向北堂開

又

指囷高風詎可遺摩娑猶識舊題碑田文薛邑無留
券樊重南陽獨好施賞激曾來天子詔蒼涼實係後
人思翳桑一飯尋常事堪笑銅山只自私

鶴靜堂集

卷之八 七言律詩

五

次韻和忍齋九日宴集

征塵乍浣鶴書稀郊墅蕭森隱翠微笑摘黃花傾濁
酒橫欹皂帽對斜暉裁詩賸有珊瑚管結友還求薜
荔衣莫怪季鷹歸獨早秋風端合坐漁磯

介庵從西陵過雲間次韻奉酬

幽居我已效張融汗漫憐君逐轉蓬十載關山勞客
夢半床書卷慰途窮交遊欲徧機雲里投贈難追屈
宋風差喜平臯秋色麗不妨日醉菊花叢

送沈繹堂入都

吳苑鶯啼散曉烟春風錦纜解晴川珂聲欲近三珠
樹花影渾迷七寶鞭舊直鑾坡工史筆還開幕府耀
戎旂此行緩上河清頌正是求言下詔年

諸乾一修陳徵君祠堂

松菊無存徑已荒白雲猶護舊茅堂隱從盛世求商
皓名到高年重潤橫隔代人民華表鶴登山魂魄慢
亭觴可憐帳下多卿相獨有侯芭掃墓旁

晤質庵于武塘舊第

出塞間關入塞難存亡每借帛書看生還羽扇留公

鶴靜堂集

卷之八 七言律詩

七

瑾客久蔡床老幼女故國秋深花未晚他鄉夢斷雪
初殘知君剩有河梁句回首龍沙白日寒

海昌會范文白飲予道院

憶別蘭陰幾度春憐君多難得全身孔融盡室嘗爭
歛高允臨危不負人把盞同消他日淚分釵重念昔
年貧書成懶作名山計且與黃庭一卷親

東姜及生先生

幾度扁舟越水寒光風乍見轉崇蘭當年江左烏衣
俊此日商顏綺皓看兩世論交容獨拜千秋繆計勝

彈冠鴈門不比王符重私喜登堂禮數寬

訓山陰金秉叔贈行元韻

過江王謝總賢豪念爾悠然白葛袍曲水重來逢舊
雨樵風未便阻輕舸班荆一鼓雲和瑟解佩何煩金
錯刀汗漫相期仍不遠黃鸝聲裏醉春醪

題浣紗石

西子貧時出浣紗香跡遺跡在溪沙紅泉錦石傷心
麗玉貌朱唇絕代誇越地空山留黛色吳宮茂草妬
鉛華無情早已疑烏喙女謁功成不返家

鶴靜堂集

卷之八 七言律詩

七

酥溪曉發

旅館聞雞促曉裝巾車南陌指東陽輕煙半吐柝欄
樹細雨初收薜荔牆歲稔千村鳴社鼓秋深幾處揭
征裳瘡痍尚說當年事八詠樓前古戰場

旅店中秋

問程遙望括蒼煙造次佳辰逆旅邊此夜濁醪聊自
遣中秋桂魄豈空圓一官久已辭山長清夢翻疑舊
酒泉漫道爐頭輕就宿嗣宗隨處可高眠
予去官三年重來括蒼境上愴焉有作

三年親向墓田耕越嶺岩巖復此行囊粟再捐慚一
飽俸錢虛受果無名車牛豈累兒寬賦竹馬猶同郭
伋迎去煩未嘗輕唾井牽衣此日共悲鳴

次縉雲館舍

足處猶聞轉餉忙小東杼軸正堪傷燒殘板屋空煙
鎖種就沙田又水荒涕淚誰爲搜粟尉逍遙且作捕
魚郎此來暫借郵亭宿稍喜秋林桂樹黃
予守括奉檄開道五百里今復過此有感

既海頻興十萬師傳烽每厭度關遲馬行蜀道今無

楊靜堂集

卷之八 七言律詩

太

險山到愚公亦可移夜獵又開新壁壘春耕還賴舊
瘡痍五丁路闢身先去向後誰尋峴首碑

與縉雲汪竹巖令君

花封秩滿綬仍黃坐對青山歌嘯長萬戶已多蒙賈
姓十年猶未召田郎彈琴吏隱雲霞裏躍馬仙都日
月傍媿我到今重握手腰間久奪會稽章

贈鄭寶水

青壁丹崖欲刺天高踪獨往類飛仙康成書帶嘗生
草元亮詩題不紀年明月皎時秋閣坐玉山頽後曉

應眠多才最數平輿里羨爾荀龍總象賢

旅次驚聞中外大水作

風雨蕭蕭倚石樓星河欲覆迥添愁沙沉薊北金臺
夜水白淮南桂樹秋車馬路迷新漢關管絃聲斷古
揚州故鄉未必蓬萊淺何日鱸魚穩釣舟

積雨始見霽色

日涉秋山虛翠屏啼猿斷續雨中聽斜陽薄映楓林
赤宿霧初開石鏡青頗厭垂簾貼草閣稍堪倚杖立
溪亭憂時未敢談災異欲向桑欽問水經

楊靜堂集

卷之八 七言律詩

尤

遣懷

樓鞋布帽一閒身猶是江湖舊逐臣天以無愁詭拙
宦我將却病補長貧未甘老眼尋秋健私喜高吟醉
月頻夢斷公卿良自遣黑頭江總又何人

謝餉酒

雨色憑軒亦自佳羣山落木動秋懷鳴琴觸手疑泉
響洗硯臨牕卽水涯聚桂遲開留上客露葵偶折效
清齋何當爭捧松醪至況有公榮是我儕

山郭

山郭蒼涼亦可哀，悲秋楚客重徘徊。
芙蓉露冷吟蟲切，蘆荻花淡候鴈來。
夜色樓頭天未曙，鄉心枕上夢初回。
愁聞漲後浮梁斷，津口于今作渡杯。

欲往東甌天雨未成行

閒遊何必厭棲遲，野草汀花獨自私。
有子鹿門皆不仕，無官彭澤雅能詩。
行囊亦載潛夫論，駐馬長看幼婦碑。
擬泛惡溪穿鴈蕩，濛濛煙雨竟無期。

初晴擬作仙都之行

山雨兼旬接混茫，開簾此日見朝陽。
芳洲已惜芙蓉落，

鶴靜堂集

卷之八 七言律詩

二十

老小苑新驚橘柚，黃腸谷巖前容策杖。
窪尊石畔待飛觴，幾回搔首仙都勝。
多露須褰白練裳，

鄭元歆孝廉曉過旅館

還家久著芰荷衣，偶度秋巖訪翠微。
聊比限篇張士簡，敢誇奇句謝玄暉。
山亭載酒情偏溢，郡閣談經志已違。
欲問老夫棲遯處，平原村下一漁磯。

過會稽訪徐伯調雨阻鄉墅

若耶溪畔舊茅檐，四海空舟識孝廉。
方擬過江重握手，恰逢秋雨正垂簾。
詩家端藉鍾嶸定，士論深知謝

淪巖此後再探天姥勝，直須十日爲君淹。

登仙榜巖

丹竊迢遙在玉京，山頭片石儼題名。
人間有恨張平子，天上無愁衛叔卿。
仙路豈徒千里隔，此心私覺一身輕。
磨崖且漫誇留碣，坐聽瑤臺月下笙。

偶感

徵求久已困江村，巖谷依然井稅繁。
何處有花堪共醉，幾人無土自言尊。
朝煙不改青山色，野水平添老樹痕。
遙見隔溪多繫馬，催租長吏到柴門。

鶴靜堂集

卷之八 七言律詩

三

東田君擢郡丞將去官歸淮右

我向江天卧草廬，聞君近亦賦歸歟。
高吟久已追三謝，勇退何妨學二疏。
蔗吏未曾真重聽，引年原欲早懸車。
淮西幸與宣房遠，秋色依然五柳居。

飲三巖寺

幽巖地近白雲鄉，勝侶相逢一舉觴。
珠瀑晝陰天籟細，石林秋老翠屏涼。
幾年戎馬難回首，此日生歡斷腸山簡醉歸鞭影動，大堤猶識舊時狂。

大風揚帆偶爾遇險

長風掛席下東甌打鼓鳴榔發棹謳宗慈雄心思破浪謝安雅量未回丹石當峽口高如象人到沙邊狎似鷗莫恨名山緣慣淡此行遮莫到丹丘

贈李華庵總戎

橫秋鵬鶚海天孤玉帳平臨仙子都雲散錦沙停戰鼓月高旄仗試投壺多君獨倚將軍樹愧我曾分荆史符倘許帷籌參一二袖中黃石未全無

甌城見海中人歸附

鶴靜堂集

卷之八 七言律詩

三

籌邊十載重南征款附從今海甸清帶甲自稱更始將投戈初入受降城麟洲小水原無漏罅戶遺民得再生火樹鮫絲皆作貢天威萬里聽神鉦

偕東嘉友人挽梁園侯若孩時殯方在吳

華蓋同登遂各天伯牙絃斷信茫然竟歸雪苑鳴珂里宅泛包山載酒船亡命半生嘗作客避人深處卽遊仙悲歌不少高陽侶短劍無因挂墓前

九日登大觀亭步東甌寮友夏月讌集韻

高亭遠眺海天寒近倚巖城得大觀甌越千年多勝

槩滄溟萬里一迴瀾羣賢避暑曾遙集吾輩悲秋亦自寬聞道龍山開別讌羞從賓佐強追歡

又

江表登臨第一區煙雲紫翠萬山殊平沙野牧龍爲友獨樹危巢鶴護雛乍聽秋聲吹畫角還看返照落浮圖風流自昔推王謝此日琴尊到我徒

又

靈峯矗立洞霄宮斗柄東旋地勢雄幾處空梁棲乳燕何年廢井集哀鴻脚盃共對江華白入座惟餘海

鶴靜堂集

卷之八 七言律詩

三

日紅眼底滄桑成老大欲觀全盛讓兒童

又

縹緲星壇近列仙何妨選石坐揮絃容成姪女丹誰在子晉瑤笙韻未傳無酒豈堪消白日有詩真欲問青天傷心楓葉蘆花岸猶說當時舊剡川

青田訪蔣泰詹不過枉顧余甌城旅中作此慰

謝

溯洞秋水費招尋相見無端淚滿襟慘澹元卿開徑日艱危僕射過江心慙予谷口耕猶近念爾牆東隱

未淡已信達觀同塞馬香荃澤畔漫行吟

挽故少宰周止庵先生

白鹿城西一草堂十年點易坐匡床
攀髯淚盡成千古騎尾人歸覽大荒
竹樹已凋陶令宅兵戈猶避鄭公鄉
天因孝子垂甘露夜擁麻衣臥石羊

訪侯嗣宗新居不遇

縱目川梁漾碧虛落霞潭北訪茅廬
牽舟再徙思光宅掃徑新開仲蔚居
塵甑獨贏三石酒畫圖零雜半床書
琴懸素壁人還去怪爾清狂跡自疎

鶴靜堂集

卷之八 七言律詩

五

制府臨甌紀事

妖躰海曲受兵潢此日喧傳憲節臨
龍袞繡裳方再宿虎符黃綬幾同心
觀風父老欣扶杖納款蠻荒競獻琛
自是身閒忘寵辱瞿然願進百官箴

陳公憲黃芄若邀集富覽亭

孤亭百尺枕山丘暇日攜壺擇勝遊
祠奉弘農仙跡在榭懸逸少法書留
蒼茫大海潮初上掩映中川翠欲浮
向夕祗嫌軍壘近角聲和鴈送殘秋

東李首愚

多君十載卧巖城鼓瑟談經堪辟兵
弘景華陽稱宰相淵明栗里號先生
每看獨鶴庭前舞猶惜雙龍匣底鳴
此日相逢休侘傺便須貰酒撥秦箏

登舊制府趙公所築東柄亭

積穀山高十二盤凌虛築就一亭寒
紅泉戲浴桃花馬錦石微欹獬豸冠
坐月元規人萬里題碑叔子淚千端
絕憐下吏趨戎幕鞭弭無功鬢已殘

喜雨

山城每賦愁霖句海國還驗喜雨詩
秋氣正當重九鶴靜堂集

卷之八 七言律詩

五

候菊花初放兩三枝焚香小閣懸巾拂
踏葉空林碍履綦入眼直須長對酒微
醺起視夜何其

戲促侯嗣宗書

美爾狂來潑墨時驚溪百幅自淋漓
滄洲豈負山中約丘壑還從夢裏思
神物想應都化去畫龍猶或點睛遲
苦心別有驚人筆何憚重申十日期

旅次聞張蓼匪引疾遙寄

持節西行控五涼如何移疾見封章
葡萄美酒千山月苜蓿寒烽一劍霜
爭羨虎頭堪定遠豈因鱣鮪更

思鄉懸知白髮歸來日依舊銀箏對海棠

鶴靜堂集

卷之八

七言律詩

手

鶴靜堂集卷之九

雲間周茂源宿來氏著

侄

季勳成子
爾美予後校

七言律詩

陳園見舊括蒼任使君過甌郡同劉使君宴賞

玉蘭各有詩步元韻

習池猶見海東涯閒步荒臺拂露華今日疎簾誰對
酒昔年五馬共看花清歌絕唱嬌瓊樹綠筆空懸落
暮霞我亦兵車嘗會此那堪劍戟正如麻

鶴靜堂集

卷之九

七言律詩

一

懷顧東籬

千里懷人落鴈初彥先此日不同車無端遠發雙遊
屐有夢歸尋舊草廬浦上風來移釣艇山中日出檢
農書知君曾向西堂射正在蓮花幕府居

赴飲田帥幕經王氏玉介園廢址有感

玉介園空玉樹荒煙橫蕪艸曲池傷笙歌悵憶開尊
日雲錦翻成戲馬場珠履客多腰羽箭烏衣人少佩
羅囊傷心鄉土俱搖落吳苑今誰認辟疆

王玉伯邀往仙巖并煩天目師再訂先此賦謝

珠林重見講堂開禪喜仍煩鈴索催海上龍神行雨
過巖邊鹿女獻花來未知幡影風前動先覺鐘聲夢
裏回爲道淵明新病酒無妨輟飲學宗雷

贈
周紹如以其尊人止庵先生正字遺書見示題

鳳德由來不可羣緘滕復見著書勤十年細燭青藜
杖千載重繙石鼓文白首丹鉛親自紀後堂絲竹幾
回聞問奇久絕劉棻輩投閣真應笑子雲

瞿欽我同寓聽李首愚曉吟

鶴靜堂集

卷之九

七言律詩

二

西風瑟瑟曉霜青白恰高吟一草亭名士居家忘米
價徵君避世註農經尋山每約瞿劬隱命酒寧容僕
射醒何必荀陳驚太史客星方聚少微星

卓忠貞祠

黯澹荒祠蔓草生行人隕涕拂丹楹天家一室方龍
戰海上孤臣就鼎烹萬里啼鵲巴子國千年化碧石
頭城故山松栢長西靡可有魂歸弄玉笙

贈天目禪師師我華亭人住山仙巖奉訪卽事
早離火宅事空王生世原同鶴唳鄉飛錫再開金刹

地轉輪時現玉毫光嵩山南下傳衣定慈嶺東行演
教長未解經壇參半偈惟燈且宿贊公房

又

紆綬高凌萬仞岡憑虛遠眺辨微茫婆羅樹隱諸天
相蘆菊花分淨土香風細有聲聞寶鐸月寒無夢到
繩床我今躡屐同雲水投老何難住上方

東潒留贈冰峽上人

賜湖南去白泉陰攜手同爲潒上吟水落芙蓉空錦
障雲開括陌見珠林湯休有句人誰擬智永能書法

鶴靜堂集

卷之九

七言律詩

三

自深最是龍池當絕頂鯨鐘常應海潮音

王玉伯於仙巖松徑留飲次林梅生韻

縹緲琳宮近赤霄談禪頗覺俗塵銷紅樓乍歇千山
雨丹壑驚迴萬里颺戴笠自甘長避世鳴珂寧辦再
趨朝相逢只合先沈醉况復東陵此見招

冬日流觴

永和三月集名流此日浮觴亦勝遊掃石共攜青玉
案避風仍擁黑貂裘劍疑洛水波心出詞類梁園雪
夜留爲道蘭亭多熱客酒人還在歲寒求

夜夢先大夫

三十餘年違色笑孤兒已類白頭翁天涯作客松楸
遠夢裏游仙几杖通化鶴依稀歸故國瞻雲冥漠邇
長空詩篇苦憶劬勞句涕泪非關泣路窮

贈嵇淑子司理

仙吏堂依玉洞開捲簾東望即蓬萊平刑自祖三章
法作賦全收一石才花煖紅鸞浮墨沼月明白鶴下
笙臺八公本是淮南客况值安期海上來

爲楊豫楨孝廉遊甌納姬賦

鶴靜堂集

卷之九 七言律詩

四

凌雲詞客旅愁消傲得粧樓貯阿嬌洞自容成求姹
女臺還子晉美瓊簫菱花鏡泛蓮塘月桃葉舟迎象
浦潮生小解吟顏謝句新題曾否徧輕綃

蔣泰詹自青田再遣使來甌餉諸食物志謝

懷抱居然一代豪英雄失路竄江臯飄零我亦空雙
屐遲暮君真見二毛旅館頻煩芳訊到盤餐倍憶故
人勞聳身欲聽芝田鶴上瀨還愁白浪高

柬謝令夏初自陽武罷官歸里

搖落襟期久未開欣逢彭澤賦歸來新聲反笑周郎

誤雅調誰憐謝客才罷郡容余棲角里還山羨爾臥
松臺可能婚嫁俱無累攜手同遊五岳回

訓王與周步原韻

罷郡慙余白髮新重來東越訪幽人千羣鴻鴈江天
淚一甕葡萄海國春布席空巖聽落葉支筇碧沼玩
遊鱗烏衣不作當年夢嶺上孤雲屬隱淪

吳階平同飲甌寓辱示以詩次韻奉答

不負尋山夙昔期兼旬未許賦將離旅人有夢歸鱸
滑騷客同遊醉墨池贈句芙蓉驚絕麗揮毫薤葉更

鶴靜堂集

卷之九 七言律詩

五

爭奇但須彥會多欣賞美華簪步玉墀

括州阮永叔生三日喪父祖母暨母雙節爲人

文行醇備聞失足墜樓歎詩以志慟

少微星殞赤楓林爲惜材賢淚滿襟孤子父咳三日
面慙孫慈訓百年心墮樓竟似遺仙蛻撫几堪悲輟
素琴最慘一門雙節後又將黃鵠嗣徽音

又

匹馬重來到括州故人饑渴慰三秋論文尚對黃花
酒作賦輕歸白玉樓天道于今真莫問交情一死更

難求誓心長卹西華胤願爾還寬地下愁

又

文旆翩然入苧城兒曹嘗作帳前生東歸久惜宗風
遠上舍還期講席迎方待斑衣爲母壽誰知畫翼附
身行顏淵直使鄉隣慟里巷停春杵不鳴

又

舉火原無負郭田束修幸豈救凶年燃糠抱冊冰堅
夜漂麥緒書雨潦天兩世幽貞虛鳳詔平生遇合阻
舊肩可憐破盡相如壁禪草封緘獨宛然

鶴靜堂集

卷之九 七言律詩

六

懷董蒼水

爲采芙蓉賦涉江芒鞋累月滯南邦愁予病酒眠山
閣夢爾焚香坐雨牕名在諸昆稱第五才當國士定
無雙懷中一扇仁風遠共讀新詩識寶幢

長至前一日謝令夏招飲賦謝

搖蕩蓬科別故園短衣羸馬出塞原傷心臘椒馨
遠飽看滄溟水氣昏孤憤有誰憐趙壹豪吟猶喜遇
劉琨何當命酒堅投轄坐對華燈落燼繁

至日曉聞甌郡文武官行朝賀禮

逐臣幾載罷鳴珂瓢笠蕭然浪跡多霧結樓臺迷歷
市霜飛浦溆斷漁歌口脂面藥恩難再荔挺葭灰節
又過郡國朝天同此日夢回微聽奏雲和

長至夜寓中姚茵堦小飲

同時作客傷筌臺落盡江楓且未回旅服左桃霜後
薄鄉音莊舄夢中哀交衢並馬輸青髻寒夜談心罄
綠醅擬築菟裘猶遠役梅花閣畔若爲開

東邵康成廐郡傳

高寒絳帷授經年華蓋峯頭桃李妍姓氏真疑通德

鶴靜堂集

卷之九 七言律詩

七

里生徒似謁永嘉禪頻呼茗粥嘗忘幾偶得金膏爲
品泉 盛代定知儒術貴桓榮寵秩漢京傳

蔣公錫久贅瑞安同人倩筆促其歸轡

香煖流蘇碧玉鈎吹簫仙史在秦樓巧依寶曆圖神
女驚覩朱顏美粉侯幾度畫眉臨鵲鏡何時連袂泛
鳬舟桃花扇底醺醺綠須念高陽有舊遊

林生邁涑法幢和尚世孫也年十二試冠多士

喜而有贈

林生少小筆如虹菰苑驚看得聖童丹穴鳳鳴桐嶺

側渥洼駒躍錦湖東玉堂太史傳家學金粟如來識
祖風爲道門前摩頂客寶公任世本而翁

永嘉回晤張羽京寮友青田行署

相聞鶴蓋駐芝田予亦浮槎孤嶼邊仙吏雲中披案牘
野人雪後訪山川消愁欲盡宜城酒寫怨難調蜀國絃
官閣同登曾幾日梅花賦別已三年

甌江曉發別諸友人

鹿城門外艇如梭又挂蒲帆泝白波琴酒天涯難遠
別山川眼底足悲歌驚亭月落笳聲急熊館霜淺樹

鶴靜堂集

卷之九

七言律詩

八

葉多此後莫辭千里駕三秋一日待羊何

登萬象山感懷

高山振策覽荒城極目風煙百感生籬落黃昏多虎
嘯市廛白晝少人行寒厨不厭樵蘇儉旅橐翻爲藥
餌傾身號寓公逢歲暮何時五兩送南征

予偕欽我從永嘉回括城成子自縉雲來復同

邸舍

客裏分鑣各往還萍蹤復聚破愁顏居同洛下東西
星賦擬淮南大小山白鶴歸巢迷雪徑青猿嘯樹隔

煙髮嶢嶢歲暮翻多暇共坐圍爐且閉關

賦得美人行冰上次韻

凍結茱萸水一灣淩波繡襪漫追攀蛟人滴淚窺金
鏡龍女明珠照玉顏日暮浣紗愁越浦天寒行雨暗
巫山何時便得流漸下桃李東風花信還

又

嬋娟冉冉隔銀灣姑射疑從夢裏攀靈鵲橋邊扶響
屨遊魚水底駭朱顏散花天女浮香海化石闥人履
玉山蓮步豈應新入道夜溪立雪未知還

鶴靜堂集

卷之九

七言律詩

九

予不登南明者四年矣欽我成子往觀適目肯
不同行寄訊育符開士

名山不改舊虹梁二子同遊到上方法鼓聲傳雲葉
外天衣影動石林旁近聞雪嶺來鷹俊羣向花宮識
象王欲乞金鐙猶未得乾坤肉眼正茫茫

臘盡

歲寒山市日蕭條有客登樓歸路遙檻外疎梅無賴
放巖邊凍雪未全消雄心漸老空長劒別怨難平寄
短簫爲飲隣翁知臘盡且同刻燭到春宵

除夕立春時在蓮城之皆山閣

山郡重羈白鼻驕謝公樓上客星斜擁爐此夜寒威
盡吹律今朝淑景餘乍引東風迎綵燕徐傾臘酒落
梅花乘春却憶當年事五度勾芒轉歲華

客中守歲

爲惜年華賸自傷強停蠟炬勸飛觴旅愁漫結新花
勝春夢遲歸舊草堂坐久頻看香篆細吟餘倍覺漏
聲長來朝試上山城望海燕江鴻正渺茫

丙午元旦留枯蒼舊治作

鶴靜堂集

卷之九

七言律詩

十

高眠曙色啓山房緩酌屠蘇下石牀佩奪虎符前郡
將香殘雞舌舊諸郎辭官且任遊湖海報國淡愁遠
廟廊誰料鳴笳來賀客鹿裘翻羨野人裝

又

曉來偶動故鄉思兒女應爲遠道悲獨對椒花還作
頌新瞻莖葉便題詩千山雪盡歸鴻早雙闕雲淡下
鳳遲躑躅天涯何水部官梅又發舊年枝

首春重遊白雲山用元韻

春回三日凍雲消漸覺輕風入柳條罷郡重來同退

院尋山未老勝趨朝拈花法席今誰在夢草詞人許
見招開步香臺留半偈尚餘綺語落塵囂

又

經年蠟屐走天涯一宿祇園春夢餘窗外野猿嘗聽
講洞邊馴鹿解卿花已知幻相原無我非是狂夫不
憶家欲學清齋終自放陶潛嗜酒舊來誇

人日遊南明山留贈育符師用元韻

南明石作古梅梁玉宇雲開瞰十方春事共喧花勝
裏淨因還到寶輪傍鳩摩羅慧識緒諸品阿育鴻施冠

鶴靜堂集

卷之九

七言律詩

十一

泊麗水九龍村宿僧舍

春遊鼓棹泛溪汀傍岸精廬此暫停五馬使君今衣
白九龍山色自浮青臺前乳鶴穿香積木杪吟猿倚
翠屏記得東偏曾菱舍杏花風雨宿郵亭

地名杜郊爲予疇昔禦寇處經行有感

水竇流澌帶曉寒高牽百丈度飛湍穿花鴨鵝呼羣
早窺網鷗鷄下食殘叢樹半疑神姬廟危旌猶辨使
君灘卽今伏莽全消日誰念當年筭路難

上元前二日泊石富灘距龍泉百餘里

鳧舟上瀨日遲迴且對汀花一舉杯臨汝清歌聊自遣
景差麗句轉生哀丹峯萬仞排雲出錦浪千層動地來
元夕劍川應弭節可能燈火照樓臺

舟中元夕憶客歲飲董律始園中

家鄉最憶仲舒園去歲張燈讌上元千里尋山人遠
別扁舟隱浪酒微溫行來越國鶯花早夢去吳城鼓吹喧
知爾華堂今夜月新詩賦就共誰論

小飲遣懷

鶴靜堂集

卷之九 七言律詩

圭

信步緣流拾翠回輕帆復向夕陽開花當谷口隨雲落
水到磯邊轉石來春色千山皆錦障月光萬里共瑤臺
漫憐兒女觀燈節且盡今宵濁酒杯

與龍泉鄭生希孟

梅林疎雨散輕塵又見亭邊載酒人豈有賦心傳盛覽
還將聲韻問王筠看花尚阻青絲騎抱璞終安白氍毹
知爾床頭龍劍在未應神物久沉淪

慶元程雪壇令君相邀境上率爾賦辭

問水尋山策短筇荒陬此日見花封晴移翠蓋行春

甸靜撫金徽聽萬松身異使星來益部客慙司馬醉
臨邛惟應曲慰兒童去庶吏如君不易逢

春日重過竹口慶元諸人士遠來話別

松源陌上三年別竹口橋西萬里行自愧遊筇真汗漫
何當館穀再逢迎長堤積雨看新柳小閣微風聽早鶯
惆悵一尊還判袂灘聲不盡故人情

閩民就食江右

滿目流亡劇可憐尚餘殘喘適江天哀鴻不定羣飛翼
怖鴿唯求施食綠空有曉煙生荔圃更誰春雨種

鶴靜堂集

卷之九 七言律詩

圭

蚶田何時銅柱南征遠拓地蠻獠入漢邊

松溪覓舟

不奉關符歷數州春來強半宿津樓閩天有漏常多雨
越水從西獨倒流商舶偶通兵革裏客程難到酒壚頭
自傷魚服渾無賴此日飄然作遠遊

出建寧江

偶同估客泛滄浪夾岸煙鬟空翠長春思綿綿花月夜
旅愁漠漠水雲鄉綠榕幾樹江樓近紅荔千村海甸荒
尚憶郵亭經夢筆皇華曾飭使臣裝

贈毛孝瞻年友自龍泉補令沙邑

龍淵舊日鳴琴地又值飛鳬下劍江春草沙邊繁翠
帶官梅天半落晴窗漫將詩句題蠻府應有絃歌被
海邦我已雲中忘再召漢耕耜愧鹿門龐

余與欽我留沙村成子有古田之行

沙村信宿舊茅菴又指榕城屬劍鐔我向客中還送
客汝從南去更圖南江花暮雨人偏老海燕春風語
未諳落落天涯同戀惜夢來應是影成三

雨夜寺僧烹茗邀看茶花

鶴靜堂集

卷之九 七言律詩

西

湯社清談梵閣西蜀茶如火慧燈齊老僧慣聽松牕
雨遊子還沾竹杖泥深夜曲床驚黠鼠半村山郭待
荒雞羣峯最愛併欄秀苔滑丹巖未可梯

旅嘆

離家隔歲類從軍八口悲歡夢裏聞孤笛夜橫千嶂
月短帆春護一川雲身留海曲逢花信書寄天南少
鴈羣頭白楚臣并放逐采蘭隨處弔湘君

延平羅紋山先生筮仕華亭懷才屢黜今令同
示以遺編敬申哀挽

巋然祠廟古延津鶴浦甘棠澤尚新三黜幾時容傲
吏九歌千載弔文人蘋蘩豈必桐鄉葬松菊溪知粟
里貧清白到今多哲胤便堪傳慰舊州民

尸祝之
吾鄉吳念菴先生爲延平司理以清節著延人

眞覺斯人俎豆安當年清比劍江寒南方已作明神
祀故里猶將拙宦看茅屋數椽今馬廐轡車千里本
桐棺羔羊苦節知誰繼十字碑前淚未乾

雨阻僧寮

鶴靜堂集

卷之九 七言律詩

圭

城南列嶂幾芙蓉春望寥寥濕翠濃遊屐已窮三日
雨客牕惟數六時鐘竈因野衲分榆火碑共山人剔
蘚封閒看佛前花又落煙雲未醒鉢中龍

感遇

夢斷春明尺五天藥闌花塲晚尤憐行當日落還岐
路待到河清又幾年侯印不償猿臂射道書深憶馬
蹄篇子眞豈薄南昌尉難學公卿易學仙

沙邑毛孝瞻明府雨中未出行田偶爾奉訊

使君初到七峯西無那當年厭鼓鼙緘過印牀時暫

啓讀殘書卷且長
攜雨沉水閣看龍
鬬花落山樓聽
鳥啼知爾招徠終
有術未須履畝勸
春犁

寄懷宋尚木

別君十載在潭沱
尺素年年憶嘯歌
張翰里中分宅
住梅銷嶺上卧遊
過山村翠羽花間
出海岸龍涎雨
後多定是蘭臺新
賦麗珠光莫靳照
煙蘿

咏禪房雨中杜鵑花

殷紅耻共百花論
已向珠林善托根
獅象臺前新法
雨魚鳧國裏舊啼
痕千年豈變優曇
種萬里難招望

鶴靜堂集

卷之九 七言律詩

六

帝覓應足拈來空
色相磬聲燈影送
黃昏

閩中雜感

冶遊天壤說吳趨
閩俗風華事更殊
小婦纏頭番地
錦妖童買耳口南
珠長春草木疑仙
島不夜樓臺徧
海隅愁聽鷓鴣聲
獨慘切灰過眼淚
模糊

又

重譯遙通古越裳
誰云閩隸是蠻荒
山川舊屬無諸
國湯沐新封異姓
王戰士金衣蘭作
佩泰軍玉腕蕉
爲漿可能跨海鞭
鰲背南顧無勞
慮慮長

又

久爲滄波未洗兵
先除鱗爪蹙長鯨
來歸不斷黃權
路聚族無分呂氏
城豈是戈船饒將
畧翻從驃騎試
軍聲 天恩更敕親
承旨劍履從容入
漢京

又

舊食如何抱杞憂
無人肯爲賦無鳩
清風不散沉香
浦惡浪偏驕載石
舟碧荔紅蕉三戶
泣文犀紫日九
賓求天南瘴癘原
銷盡莫認投荒少
壯猷

又

鶴靜堂集

卷之九 七言律詩

七

中丞握節久忘家
一夜霜凋嶺上花
諸將甲裳私曳
縞子侯符璽未宣
麻仍多後慮防鷹
眼早有遺謀屬
虎牙最是哭聲同
海國後官請死不
須誇

同聖蓮坐雨蕭寺出其行篋展玩不輟

兼旬風雨滯沙村
鷓鴣聲中欲斷魂
采藥寧愁鄉國
遠吹簫祗厭姓名
存偶經酒肆人皆
識長拚禪扉我自
尊欣賞賴君書十
乘紅樓燈火細評
論

日夕登樓遲成子古田不至

日向江津望客舟
翠微高閣迥生愁
乍來乍去沙邊

鶴宜雨宜晴谷口鳩花落正當春色暮酒闌無那夕
陽流想因刺棹還多梗豈遂山城乏紫騮

禪林坐月

桃花萬樹到沙城又聽啼殘百舌聲客久長穿東郭
履身閒懶結曼胡纓行吟慘澹愁山鬼作賦衰遲愧
墨卿棲息幸依金粟影蟾光還共火珠明

過耕欄

夾岸千峯鏡裏看排雲捲霧歷危難泛槎直比河源
使緹險幾同蜀道難春老花開紅躑躅山深寺隱翠

鶴靜堂集

卷之九

七言律詩

太

琅玕只愁濟勝終衰憊擬向飛仙借羽翰

聞張夢匪從西寧請告歸里詩以誌懷

題鳳遙傳過敝廬知君萬里竟回車功高絕塞仍移
疾身退名山復著書西極馬徠饒苜蓿東江風起上
鱸魚却慙浪跡同夸父何日潯陽共隱居

歸化道中

曉踰峻嶺復西征已覺長坡路就平林外獵人飛騎
影道傍田父叱牛聲鳥皆杜宇偏多怨花似山礬未
辨名聞說玉華原咫尺何難曳履上瑤京

坐清流旅館候輿馬

半生微尚在林園翻厭華陽舊隱喧人過萬山諳馬
背路經幽谷辨禽言非關仗劍逃西楚頗放遺簪泣
少原總是欲行行未得何妨貰酒問前村

又

春殘入夏在他鄉社燕飛飛客思長豈謂經年勞物
役又從此日滯歸裝行厨不耐熊蹯熟旅榻寧求翠
簾涼僕憊羣然偷偃息渾疑解甲臥沙塲

偶感

鶴靜堂集

卷之九

七言律詩

尤

十年海嶠乍休兵景物淒涼過百城殫戶饑來空結
網女間散後罷彈箏荔枝未摘官先稅盧橘雖存主
再更南顧亦同分陝重何時膏雨被蒼生

汀州送成子分道往潮陽訂于贛郡相會

聚散如萍總異鄉長汀送別去潮陽且歌楚客雲中
句休問蠻姬海外香欲斷厨煙餐荔子求消嶺瘴醉
檳榔鬱孤臺下東流水待爾同回萬里航

蒼玉洞

郊行十里碧湍隈縹緲蒼巖見玉臺石作蓮花疑蕊

岳山移銀闕近蓬萊仙人月夜驂鸞過遊女晴春抬翠來却恨斜陽催客騎無由道左一銜杯

與六益遇贛州欽計百衙齋予卽東下六益將行嶺表

遊筇隔歲共遲迴相見葵榴客裏開白舫晴浮章貢水華燈夜醉鬱孤臺使君塞馬齊榮辱吾輩沙鷗任去來明旦各天輕萬里江雲嶺樹重徘徊

靈山道院讀六益豫章新詩

杖笠來從越嶺東驚傳有客在崆峒故人白髮詩才

鶴靜堂集

卷之九 七言律詩

三

健萬里青山驛路同對酒花開凝翠閣開琴月出藥珠宮狂吟不少飛揚興輸爾南遊賦益工

吉安感懷

鳳嶺螺山古吉州西昌城外泊扁舟行來郡國兼吳楚望處星辰入斗牛無數衣冠禪刹老幾年花鳥戰場畱餘生已託盧敖杖豈必文園惜倦遊

計百示以新詠仍訂南昌再晤

俄停驛舫共登臺一敘離情更述哀六月久疑燕市獄十年終見豫章材深山大澤藏詩卷白日浮雲付

酒杯我欲東湖稍避暑坐吹鐵笛待君來

晤祖漢若少叅

曾從河嶽傍檐帷復邁熊轡楚嶠移自愧支離嬰未疾何當邂逅問新詩揮絃江閣看山遠對局郊亭料敵奇五嶺卽今烽燧息憑君雅量定南陲

訓宣城梅耦長

我憶尊鱸久未還君來亦遠敬亭山十年學道思梅尉千里論交客楚關授簡新詩誇敏捷開軒斗酒對潺湲何當香草輕投贈直使湘纍一破顏

鶴靜堂集

卷之九 七言律詩

三

雨窓柬仲昭來玉

化梭亭畔玉華東客路蕭騷此日同四月偏多江郭雨三更忽起石樓風勾欄冉冉青桃濕藻井沉沉紫燕空爲問珠林棲二妙朝來對局定誰雄

憶夏考功坐中會沈伊人攜楊太史書至今越

二十年值僑寓臨江晤間誌慨

別後蹉跎廿載餘故人千里復移居曾從東海郎官宅共讀西江學士書避地何由來閣皂看雲只合老匡廬數竿修竹窻前綠知爾羞聞薦子虛

故太史楊公輓詞

厨俊聲名動九垓歲寒獨見出羣材十年逐客沈湘去萬里孤臣蹈海回遺骨未歸埋劍地後人猶上讀書臺
龍飛定繞諸陵樹血染金鳧夜夜哀

江閣愁坐憶成子嶺南未至

頽然坐卧忽蕪旬結夏枯禪度此身已作江干多病客還愁嶺外未歸人蠶村易取椰漿醉估船難求桂蠹真月黑猩猩啼家萬里憐君匹馬正逡巡

施愚山招同侯碩履金吾飲城東樓值大雨

楊靜堂集

卷之九 七言律詩

五

五月涼生菌萐秋南風吹雨過江樓爭誇幕府多名士亦有嘉賓是故侯茗粥全依方外餽金丸悔說少年遊曲終却憶平陽伎新譜龜茲半白頭

足疾遣悶

盡日淹留一草亭無由屣屐下空庭衰年耻獻鵲賦淨業初繙孔雀經閒對落花風後定遠看危嶠雨餘青江東半士今如此躍馬銀黃總涕零

暇日寄興

荒陬拙宦久盤桓謫去真逢吏議寬五十寧言辭祿

蚤平生未信乞身難書嘗廢讀堪追補酒爲閒居得盡歡歲歲南山親種豆何妨長作老農看

艤舟豐城晤同年何畫生令君留飲賦別

西風獵獵過江城暫緩蒲帆半日程遙向斗邊看劍氣近從花底聽琴聲最憐曲渚秋蘭放無那高天候鴈鳴又是關河成遠別十年離緒一班荆

東宋柴雪分藩豫章

江藩岳牧半詞臣學士啣書下紫宸侍從十年蓮幄貴旬宣千里豹瞻新悲秋楚澤應多賦臥病東陽獨

楊靜堂集

卷之九 七言律詩

五

愴神無事但須朝讀易印床封後欲生塵

滕王閣寄懷

久客悲秋殊未還乍登高閣開離顏一身雲臥市朝外千里醉吟霄漢間真覺豁然放雙眼安能長此觀西山宮亭水濶鴈羣至行到吳江楓葉斑

飲王印周學使署齋

同行席帽三千里比舍爲郎又幾年別憶燕臺燈市夜來逢南浦菊花天倦遊自惜人偏老高會真看月再圓講幄西山朝爽近况饒絲竹後堂邊

晤祝山公時典試西江事竣

憶別南屏幾度秋相逢又在夕佳樓君從畫省還持節我向滄江獨泛舟開閣初當多士集看山許共故人遊自憐憔悴行吟者采采椒蘭未散愁

南州送張子退時從嶺南攜徐孤子扶櫬歸雲間

閒憑江閣對斜暉嶺外人來泪共揮青草瘴邊催旅鬢木棉花後換秋衣艱危歲月虞翻老浩蕩乾坤李燮歸無限當年琴酒客素車萬里似君稀

鶴靜堂集

卷之九 七言律詩

五

題葉天木郡齋

繡衣出守奏康功持斧威名屏翰雄豈是股肱江郡遠直移喉舌斗杓東高賢自下堂前榻大姓猶驚陌上驄美爾政成堪坐嘯凝香燕寢百花中

和伯衡九日邀敘之作用元韻

扁舟遠自鹿江來江莢蒼蒼北鴈哀三楚雲烟空極目九秋風雨共登臺他鄉兩度黃花節岐路重逢濁酒杯此夕深談渾不寐金壺銀箭莫相催

與徐伯調毛大可會南州各以新詩見示

錦囊千里負詩篇徐孺祠邊訪道年才子越中推二妙客星江上正雙懸高歌白雪還相和絕世蛾眉祗自憐聽說名山身後計吾曹豈仗鳴鐘傳

南昌送宋楚鴻先歸余亦買舟將發

短髮蕭疎節序更江天白鴈向南征每因館伴聞鄉信深悔歸裝滯去程月落孤松徐釋墓風迴萬馬灌嬰城煩君寄語遊蹤近紅蓼洲邊一艇橫

章門阻淺

龍沙東去鳳凰離潦盡高秋下瀨難估舶多從吳會

鶴靜堂集

卷之九 七言律詩

五

至歸心直作故鄉看江邊獨樹經霜老閣外諸峯積翠寒盡日篙師勞瘁甚何時風便挂帆安

夜從小孤山至馬當

歷險何愁舴艋輕小孤山下月三更江流九派來湓口島嶼中央隔皖城水豹藏形洲樹綠神鴉不語浪花平連朝若假西風便千里尊緣好作羹

采石懷古

浩氣無前邁等倫直將餘事作詩人汾陽未貴曾開網力士方驕竟屈身遊覽自通天姥夢亂離長負曲

江春錦袍醉月歸何處誰信騎鯨本未真

金陵

興亡六代石頭城暫泊雲帆感慨生南國烟花空爛
熳大江刀槩舊縱橫荒陵夜雨銅駝沒廢殿秋風鐵
鳳鳴休說當年豐沛事祇今榆塞有陪京

京口望軍營

橫海張威仗水師雄屯鐵甕控東隲黃龍巨艦三聲
角朱鳥高臺五丈旗軍市恒收瓜步稅叅條孰和崧
山詩縱饒北府兵堪用未許何劉甥舅知

鶴靜堂集

卷之九 七言律詩

三

鶴靜堂集卷之九 終

鶴靜堂集卷之十

雲間周茂源宿來氏著 侄

七言律詩

丁未元旦

五夜微酖且晏眠蓬門久遠玉珂邊
簾官半世虛通籍漫與于今
年敢復雄心希老驥無妨不語作
寒蟬東風好發山溪棹獨對梅花手一編

又

鶴靜堂集

卷之十 七言律詩

津梁昨歲困馳驅此日茅堂得自娛
未見春暉回澗壑猶餘逸興滿
江湖戶懸欒壘新桃板衣補天吳舊
繡圖若使漢廷真愛老微臣今已近桑榆

次韻酬雪峯春日見貽之作

今年餘臘尚兼旬依舊春盤薦五辛
捨宅君真同佛護閒居我復愧安仁
銅瓶雪淨寒花老毳衲風輕素髮新
倘許定山同入道誰嫌北郭濫橫巾

送李元仗督學三楚

仙郎擁傳出皇州絳幄談經三楚遊
鄧野名材空九



牧蘭臺彩筆擅千秋花前衣繡衆山曉雪後鳴榔香
草稠爲道東風飛鷁便早應釀酒庾公樓

過陳黃門墓

碧血當年濺鐵衣猶餘蒲首人泉扉草深斷碣眠香
麝花落空山叫姊歸夜雨靈旗嘗自出秋風石馬竟
何依大招擬賦還停筆挂劍潛來恐是非

偕陸蘭陔張漢度飲諸軋一九峯草堂時武塘

受山夫在座

春溪淥水繫輕航隳際扶筇到草堂江表原無醒僕

鶴靜堂集

卷之十 七言律詩

二

射酒徒復見舊高陽素琴響處因風力樺燭殘時繼
月光座上賦推枚叔麗可堪頭白再遊梁

春夜宿軋一山房賦別

相逢且莫誦離騷潦倒唯應醉濁醪陸凱祠堂邊吹
合袁崧墓道戰旗高看花亂後人皆老置驛山中爾
獨勞賸有西潭明月在何時徙宅近亭臯

倪思曼有喪詩以唁之

不見倪生纔兩月素冠芒屨動人哀身如窮鳥飛難
進泣似枯魚骨已摧守塚萬家寒士志束芻千里弔

賓來可憐令節逢親忌歲歲椒花罷舉杯

將赴山遊之約風雨遣懷

人物如雲是我鄉一流將盡許翱翔生憎阿堵同夷
甫酷嗜清齋類太常芳樹雨餘山閣暮杏花風急海
天涼冶遊恨少明駝足小艇輕帆濕未妨

上已後一日集張漢度麗陽軒得園字

重修禊事到林園半嶺先聞笑語喧花外小車來獨
暮竹間三徑日初暄玉山酒態知誰劇金谷詩篇且
未煩鳴鶴在天杯在手拂衣真傲陸平原

鶴靜堂集

卷之十 七言律詩

三

東雪峯蕭寺時同遊甫歸

春風駘蕩木蘭舟勝侶相攜郊外遊歷歷諸山如黛
色依依弱柳遍芳洲衰遲倍惜飛花暮真氣還因一
醉畱輟棹又將勞物役超然那不羨湯休

泊鴛湖

鴛鴦湖畔住輕舟一望平蕪沒古丘勝事總隨流水
去行人空憶少年遊鶯花自傷新軍壘烟雨難尋舊
酒樓聞道銅鞮歌已歇未容山簡擅風流

與顧倩來考功西湖飲別五年偶復同敘感賦

又向湖頭識友聲
圓桃岸柳幾回更
花宮月下朱絃
近水閣風前錦纜明
別後長分靈運屐
來時復對景
山鐺卜居我自安
樵採恠爾還將令僕輕

廣陵孫物皆年友會稽言別今遇湖上

採花並入耶溪路
彈指于今十五春
山水多情時命
駕友朋小隱半垂綸
橋邊恰遇吹簫客
湖畔同看拾翠人
老去自憐聲伎減
酒壚狂飲亦全真

送自牧和尚還四明

一自還家理釣簑
閒從白社幾經過
譚空指印吳江

鶴靜堂集

卷之十七言律詩

四

月送別珠迴越水波
歸路漸聞天樂近
亂山深見夏雲多
沃洲他日容相訪
應是圓顱髮未皤

送盧敬仲往青州時方歸自西蜀

與爾分飛經十載
萍踪初聚珮湖旁
方乘灩澦江流壯
又度瑯邪海市長
頭白可憐還作客
酒酣猶憶舊同堂
穠花翠竹西村裏
何日歸來卧石床

寄贈姜紫環先生

曾修獨拜一登堂
續舉蘭亭曲水觴
世德羣瞻卿月迥
行年正卜歲星長
鍊壇鶴下窺丹籙
烟艇魚浮載

玉璫遙憶開簾山
翠入鶯花自遶鑑
湖旁

送王德邁年友歸里德邁舊守桂林

執手郊亭淚欲傾
衰遲共惜舊專城
石門槐我空乘興
銅柱憐君事遠征
歸去堂前還綵服
薄遊海內幾侯鯖
居停三月思鱸巷
遙夜頻應夢步兵

遙和闕石同友人齋頭看菊原韻

頻年客舍過重陽
此日家園作醉鄉
未共東鄰黃菊醒
還貽雜佩紫萸囊
自憐咫尺人千里
無那秋風雁幾行
轉眼江村楓葉老
可能攜手步林塘

鶴靜堂集

卷之十七言律詩

五

雨後過迴龍庵訪大衢師讀諸新詠

憶聽談空戒臘時
秋郊復爾挂軍持
三年作客如窮子
半晌逃禪得導師
龍女乍回香徑濕
雁王初下夕陽遲
福庭未始無文字
快讀蕉林百首詩

酬歸元恭贈別之作次原韻

江東二俊杳難尋
婉變猶餘嘉樹林
壯士啣悲堪白首
秋山入暮有清音
高才我自憐狂狷
彩筆誰當擅古今
送爾片帆南浦外
荻花楓葉任孤吟

戊申元旦

玉殿親當紀鳳年春光到處倍喧妍三江郡郭梅花外萬戶軍城曉日邊重見閭閻簪綵勝漸聞海國罷樓船微軀幸已安林草思許南山種豆田

宋荔裳觀察移家旅松元日奉柬

芝幢羽葆出殊庭來駐江城放鶴亭東海芥浮三泖白泰山拳視九峯青非關王粲依劉表直共麻姑降蔡經偶爾移居先種竹粧樓還帶護花鈴

又

隔簾先識鳳雛聲英物啼來坐客驚章相授經今有

鶴靜堂集

卷之十七言律詩

六

種邠成分宅况多情雲間日下無恒語孔雀楊梅許

後生承過獎綸已幸吐茵容醉吏何當倒屣下階迎兒詩文

首春嘿庵邀飲觀梅

城南勝地有池臺折柬相邀步屣來結社同矜香草近尋春乍見早梅開彩毫欲闢花前句紅袖堪消雪後杯此日金張誰愛客偏應鼓缶在蒿萊

南圃觀梅再分得庚字韻

春回十日在先庚乍覺條風入座輕共說城南梅信早來尋林下酒人盟朱樓雪霽翻寒鵲碧樹雲停度

曉鶯自是當歌須盡醉百年休待曲池平

望宋氏園亭直方歸櫟在焉慨然有作

枯柳寒梅凍雪高中丞別墅最蕭騷此間玉樹埋黃土空復春沙滾怒濤忍使斯人無下壽那堪我輩又南臯携柑依舊聽鸚鵡語半雜鵲聲半伯勞

和忍齋元夕家園讌集原韻忍齋嘗司李滇中

蘭膏列炬錦堂明漏刻蓮花閨幾更番樂遠來馴象舞水嬉淙恣蟄龍驚春隨淙酒餘寒退月照華燈此夕盈信是傳柑娛令節觀梅又喜報新晴

鶴靜堂集

卷之十七言律詩

七

送傅石漪別駕督運如京

條風拂座聽驪歌夏日津亭長線蘿致粟萬鍾趨碣石揚帆千里渡黃河雲山驛路揮毫遠冠蓋京華贈縞多爭道細侯期不爽好將竹馬候鳴珂

雨窓柬仲榮時方寓予園居

誰擁籃輿到苧城謝家之女寧家甥來逢小閣梅花放坐見方塘藕葉盈直欲移居求避俗猶憐賣賦未逃名惟餘歐冶亭邊路日日看山倚杖行

又

別墅經旬乍往還空留佳客對栖鵬慚余酒病成消渴美爾詩懷得駐顏花落半驚江上笛雨來全入畫

東張研銘孝廉

谷陽橋外小亭臯長謝塵喧讀楚騷夢裏公卿天路遠閒中日月醉鄉高潮來水面收魚網雨過松間掃鶴毛知爾到門無熱客早依深竹避旌旄

毛亮百歸西陽寄訊乃舅吾宗介庵太守

三秋不見正愁余得遇賢甥問起居麾去越裝貧日鶴靜堂集

卷之十 七言律詩

人

甚售來荆玉價仍虛詩名欲減官階貴道氣嘗嫌藥物疎大別江流東到海莫忘尺素寄雙魚

夏五蒼水以生日感懷詩見示依韻率

莫嘆空廬只滯留英雄總不爲身謀久期漢殿登三策寧老吳關詠四愁縱步長同沙際鶴忘機直狎海中鷗十年我愧先稱叟伴爾高吟志未休

又

遲暮卑棲孰我憐與君堅約隱東田自嫌酒態渾非故爾獨詩名更卓然未老何須求服食完婚且共歷

山川無妨竹影桐花下便取胡床對月眠

寄張孝鄧

君今作牧古靈臺化洽幽風薄俗回沙海月明羣雁過塞垣春盡一花開客心隴水經年別鄉信吳天萬里來近日碎書先治行田郎早晚漢廷推

讀閩石建業宮詞感賦

讀罷新詞一悵然烟花如夢只終年貴臣早辦譙周表方鎮誰懷祖遯鞭玉樹淒涼明月夜黃旗潦倒朔雲天龍蟠地勢鍾陵在放馬今開苜蓿田

鶴靜堂集

卷之十 七言律詩

九

夏日過雪公論詩辱委無能上人錄俚句予亦袖雪公詩卷歸

乘閒偶過梵王居雙樹陰陰湛碧虛清磬聲中人獨卧夕陽影外客停車無生喜共支公話有句何勞智永書况復衣珠輕脫贈詩家三昧亦真如

輓法幢和尚

香巖萬仞昔躋攀猶記親聞半偈還丈室燈懸孤磬寂雙林雨漬掛衣斑身憑法眷藏珠塔書付兒曹返舊山欲向影堂申膜拜茫茫雲海淚潺湲

東曹鍊師

羽人高館白雲端
翳日松杉五月寒
丹雘熟時除穀
易玉壺懸處隱身寬
洞章夜醮通寥闕
仙驪晨驂下
禁壇可許山梁新
雨後蕉巾坐對竹皮冠

贈盧潛巖大參

南疆幾載護儲胥
封事先防竭澤漁
已見海陵倉自
裕真同河內賦無虛
官居使相饒經術
秩進公孤拜
璽書爭美蓮花王
儉府牙緋漸欲滿庭除

遣懷

鶴靜堂集

卷之十七言律詩

十

七載先拋頭上簪
山居野步任閒吟
苔磯坐處知魚
樂筠籊開時見鶴心
老去江郎無舊管
慵來陶令有
空琴從教肺病長
除酒藥曰茶鐺寄迹深

閒適

一任藤蘿谷口封
無妨猿鶴鎮相從
村醪喜就隣翁
約野蔌頻煩老衲供
風起脩脩鳴萬竹
月高朗朗見
諸峯百年行樂尋
常事休便支離曳短筇

村墅避暑

桐陰竹翠覆茅堂
六月依然冰雪涼
琴撫無絃聊自

適屐穿幾繡未須忙
敢言久卧同諸葛
差覺安居類
仲長近已不勝河朔飲
人猶疑我醒時狂

憶與董子狝南及秦道
力孝廉徐幼承文學飲
友人張君苻宅今三十年
來秦徐物故張亦出
亡獨遇狝南于千山
講學久已無家感而有贈
龍門寺口張家宅三十年
前共舉觴遺老誰爲周柱
史如君已是魯靈光
一經教授千山麓
八口消沉歇
浦陽塵劫過來應入道
寧煩絲竹擾東堂

立秋日限韻

鶴靜堂集

卷之十七言律詩

十一

靜對滄浪起浩歌
磯邊綠蔭覆喬柯
方知夏日居山
好忽覺秋聲入座多
宋玉含愁應有賦
陶潛善飲只
微醺芙蓉滿眼猶堪採
玉露頻催老去何

與半珠庵一道人

住山只聽扣鐘聲
十載何曾山下行
炊飯不愁菰米
儉點茶嘗愛菊苗
清宗雷去後懸禪榻
馮仰參來出
化城猶有筆床書
格在吟餘半嶺月初生

汪生隱于紉製與予山居密邇近甫見其詩因

贈

風雅如君足我隣相逢約共採秋尊交從杵臼名逾
貴跡在蒿萊隱自真談道每宗磨鏡客讀書應問斷
輪人詩篇見後還追悔已失陰何過十春

大風雨累晝夜不息

兼旬海國颶風狂拔木揚沙撼草堂豈有蛟龍常自
鬪如何日月杳無光暫依土鏹求烟火誰擁漁簑過
石梁曉看鶴巢還墮地真憐無計守東岡

風定偶成

朝來初覺緒風輕起步林園秋氣清酒熟先招豪士

鶴靜堂集

卷之十 七言律詩

三

飲書成不載富人名竟消恨別花將老響答哀吟鶴
有聲漫向干溪求古劍于今樵斧自鐔鐔

示山居同志

年來乍得幽居樂忘暑忘憂但詠詩與客穿林求竹
實呼僮戲水引菱絲磯頭月出方收釣閣裏燈殘未
散碁誰料清談容我輩尚餘張鏡隔東籬

洲山陰錢去病投贈之作

有客西陵問渡來清秋且駐鶴城隈高談越絕書中
事緩酌吳趨曲裏盃驚坐姓名雖易假凌雲詞賦本

難裁多慙贈我瑤華句敢信班家擅史才

許鶴沙太史寶綸閣成賦贈

高樓矗立郡城西谷水崑峯入望齊銀榜晴懸回海
燕玉牕曉闌應天鷄千年墨寶藏瑤檢五色雲光護
紫泥何必東山營別墅謝庭多暇好攀躋

晤尊僧自白下勘畢歸里

冰絃裂盡匣中琴幽憤無端坐棘林夜半猿聲垂老
淚秋空鶴影故園心人如杜篤才難泯獄比鄒陽祠
更深賴有清陰渾不改尚堪歸卧碧山岑

鶴靜堂集

卷之十 七言律詩

三

又

久從廷尉望山頭蕭瑟江天返故丘柰苑無妨長伎
佛爪畦敢說舊封侯生還伴侶唯巢燕覺後寃親並
海鷗惟爾新詩都俊逸高懷不作畔牢愁

趙雙白招同諸子登超果寺一覽樓步雪峯韻

爲訪幽人杜若洲晴郊散步到紅樓露零金掌蓮花
暮風入香幢桂樹秋闌橋何年巢怖鴿水田此日卧
羣鷗曾騎竹馬旃林下忍見同游半白頭

爲程梓園太史母夫人壽

丹萸紫菊報高秋別有琪花開上頭三錫恩波來太液一門仙籍在崑丘升歌律呂皆鸞吹起舞斑斕並錦裘此夕遙瞻黃海畔熊羆彩照瓊樓

顧赤方臨江相別今過我留飲贈言以緩其行
赤方楚產實吳人也故末云

蕭灘曩日共羈縲劍舄重逢谷水西君似高飛縵嶺鶴予爲失旦汝南鷄愧無錦袖當筵舞虛枉羅巾倚醉題去國幸非三世隔歸心漫逐楚雲迷

偕顧赤方暨同里諸子集沈友聖郊居出示其

鶴靜堂集

卷之十 七言律詩

南

內製詠物諸體

雨歇槐陰駐小車西風瑟瑟滿空廬客從黃鶴樓邊至人在青龍浦口居麗藻驚看香茗就高談喜對纖簾餘若論偕老工文筆應是麗家愧不如

九月十九日偕友人軍營看菊因訪黃州顧赤方

結伴同遊半酒狂兼逢此日又重陽秋風白袷穿軍市古戍黃花傍戰場戲馬臺前看似錦射熊館外未經霜最憐三楚餐英客旅食空城誦九章

董閭石邀楚越顧邵諸君及同里數子集光復堂予赴梁太保之招不至沈雪峯以詩見詢因步其韻

鸞尾微霜良夜徂西風黃菊未全蕪寒城鼓角連滄海上客帆檣狎五湖珠履如雲皆有賦玉山任倒不須扶還聞坐少車公到家釀雖傾尚滿壺

又

曲讎鈴齋對井梧賓僚妙選盡吳都毬場飽看三軍戲舞矚憐將倩女扶卷幔聲傳霜後雁回軒影動日

鶴靜堂集

卷之十 七言律詩

圭

中烏憑君莫論休文韻勅勒雄篇定有無沈詩有周郎去作軍

中醉鏡奏聽來誤有無句

婁東張鹿園六十雙壽

滄江曲繞賜書臺花滿名園春晝開身作歲星金馬外世分卿月珥貂回高堂並對芙蓉障密坐雙揮翡翠杯自是蒼生需謝傅漫操絲竹久徘徊

大衛師自白石山來示我新詩奉答

去年過爾廻龍寺今訪城西一草庵穿久毳袍寒未補禿來鏤管墨猶酣携筇爲看丹楓出壁拂唯將白

月參最是秋齋新句好蠻牋半幅等金函

贈王仁宇時將大閱

賀蘭山勢壯西藩大將由來起塞垣坐鎮中權清海
甸宣威萬里耀戎軒銅樓月朗朱旗轉玉帳風高錦
樹繁采吉正當誇羽獵壁門笙鼓日喧喧

寄呈梁蒼巖大宗伯

恒山天半吐芙蓉廻合朱堂瑞靄濃官到弟兄皆柱
國士收文武共攀龍入朝已見沙堤就行野偏將羽
扇從元老望隆才及艾未須靈壽賜扶筇

鶴靜堂集

卷之十七言律詩

六

又

暫避綸扉理釣竿非熊兆夢五雲端畫圖祖道榮疏
廣絲竹東山屬謝安架滿渾如天祿秘花開便作閭
風看自憐久識龍門峻遙阻關河得御難

贈張穉恭自塞外歸仍寓維揚

身帶枯琴學臂鷹金州城外立寒氷詩名絕塞通諸
國畫手當年感茂陵去日浮槎疑漢使歸時隻履類
山僧竹西歌吹猶無恙重見簾櫳夜半燈

至日小飲辱盧文子以詩見謝步韻奉答

驚坐如君信足誇羊裘豹袖纓巾斜軍城早閉催逆

漏草閣嚴寒凍雪花招隱同傾彭澤酒談空且喫趙
州茶相煩燈火昏黃候短衛衝氷獨到家

寄贈邵元昭太史

十年不到秦淮渡佳麗爭傳萬竹園綺閣春深花
屨修廊月午鶴翩翩堂前揖客皆珠履巷外停車是
畫輶濟美又同高密盛授經分藝有淵源

送受山夫歸武塘

晝夜摩挲舊寶刀韶華空復老東臯車前一任歌衰

鶴靜堂集

卷之十七言律詩

七

鳳海畔何心釣巨鰲共詫形骸如土木偏留著迹在
蓬蒿憐君歲暮還爲客醉卧津樓月正高

彭古晉歸自南康邀同楚越諸子小集

髯作參軍去隔年歸來示我涉江篇氷天破笠東林
寺雪夜孤燈左蠡船深憶故人叢桂裏喜同春酌早
梅前坐間不少依劉客失路驂驢倍爾憐

送塾客栗斐章往高苑兼訊友人盧敬仲

送爾聊傾白玉卮梅花初發向南枝黃河渡口春帆
遠東武城邊匹馬遲上舍今爲珠履客蕭齋詎老龜

園師寄聲盧諶三年別何日還訓越石詩

雪後錢越江文學携笈乍至適金天石歸自山

左同集小齋

春陰積雪滿交衢有客翩然到坐隅敢說扶風留子
幹還如內史識長瑜尋梅小圃曾相約酌酒茅堂且
共娛同調况逢千里至何妨燒燭話須臾

送錢子璧重遊大名赴成夫子約予亦嘗假館

師門

相送春江落雁邊卧遊重到大匡前西堂有我雙趺

鶴靜堂集

卷之十

七言律詩

六

在東閣遲君駒馬旋才向客中推庾信望從門下識

彭宣因聲好寄高陽彥莫靳新詩萬里傳

約友山行屢爲雨阻

茅亭小築劍溪邊屢負山行獨悵然積雨空過梅萼
候輕風半入杏花天三春酒債雙金縷四海詞人一
畫船明到平原村口住可知題徧幾蠻牋

同盛珍示進士爲夏考功夫婦合塋

岡頭刺眼杜鵑花手爲披榛覆淺沙愧我餘生非杵
臼多君執義巖侯芭荒祠麥飯經年缺破冢魚燈此

日跡堪嘆平陵松柏在國殤歿後久無家

飯筠士精舍因登一覽樓分鐘字

香林翠靄蔭長松百尺紅樓瞰九峯日照珠旂開講
席風迴鐵馬應疎鐘同人履屐忘登頓別院茶瓜此
過從花雨半空渾未散暫教禪喜效周顒

雨中諸子集予機山別業分吟字

樵採閒時學苦吟身如越鳥戀平林何當花月春江
夜共此蒹葭秋水心山市酒壚兵後少草堂詩句雨
中深沈沈鐘梵聲俱寂橫笛還吹激楚音

鶴靜堂集

卷之十

七言律詩

九

軋一招飲橫雲山雪堂分文字

圖畫山川美少文至今衣袂繞烟雲人來白社頻中
聖坐愛蕭齋見此君芳草露痕雙屐破落花風色片
帆分酒闌有客舒長嘯驚起前灘鶴幾羣

集蘭陔秀林草堂分臺字

林端霽後出樓臺隔澗招尋步屨來遊女靚粧空翠
裡王孫珠勒暮雲隈山家不報蓮花漏客座爭浮竹
葉杯獨有秦青愁宿醉瑤琴高枕夢初回

中

時吳門李
生醉卧舟

贈旅庵和尚

崑阜重開選佛場，
竭來高座白檀香。
五花扇納天家賜，
半緇芒鞋印度裝。
龍女藏邊披宿霧，
虎溪橋外立斜陽。
銀鈎鐵限皆遊戲，
那數蘭亭祖二王。

飲董律始東余草堂分鳧字

水榭閒憑看浴鳧，
平堤雨過長蘼蕪。
尋春不住移雙槳，
卜晝還堪罄百壺。
玉笛聲中梅漸落，
青簾影外鳥相呼。
劇憐董相園更主，
空挂東山舊畫圖。

宋荔裳觀察邀敘舜納南園分歸字感懷直方

鶴靜堂集

卷之十 七言律詩

三

中丞

小苑春郊隱翠微，
壺觴如故主人非。
繁花錦石空堂在，
羽節文螭幾日歸。
度曲愁聞新白紵，
圍碁尚有舊烏衣。
哲兄那禁亡琴恨，
我亦山陽老淚揮。

東張蓼匪

隴月洮雲萬里行，
西來善馬貳師城。
歸田止帶紅榴種，
入塞先吹玉笛聲。
客滿層樓將進酒，
花飛曲榭正啼鶯。
赤松隱處家山近，
莫怪辭封去漢京。

送王季友入雍

若翁共我看花回家學，
尤驚季子才曉霧連朝占豹。

變春風萬里試龍媒，
論文獨賞韓陵石。
覽勝先登易水臺，
賦手更難書法備鴻都。
應待寫經來。

首夏集農山齋卽事

右軍亭子麗譙西，
共泛蘭船過笏溪。
謝豹聲中花信晚，
吳蠶浴處柳烟低。
酒無大戶寬監史，
詵賴長城慎品題。
纖月初生霜屐散，
畱髡不住惜分攜。

隣叟邀看芍藥

風定江村白日斜，
相攜朋串過隣家。
山翁滿酌醺醺酒，
野圃晴開芍藥花。
巢慣軒楹來舊燕，
聽殘鼓吹有新蛙。
知君手註農書久，
我亦東陵學種瓜。

鶴靜堂集

卷之十 七言律詩

三

張青瑯兵部歸里

聲名久壓舊朝簪，
弭節何妨鶴在林。
封事直糾楊僕罪，
客裝能却趙佗金。
君今卷甲婁江畔，
我復誅茅歇浦陰。
三十餘年交不淺，
歸田共惜二毛侵。

張繡山司李之任修武

錦書成後再鳴琴，
王屋山南沁水陰。
乞地丹砂堪吏隱，
談詩白雪見臣心。
三河驛路垂楊滿，
六月津亭翠

竹深他日蘇門聽鳳嘯可能屏騎共招尋

吳王三女岡在浦南明行寺側

三女相傳共一龕滿林白奈傷優曇會開鶴市胥臺
側別築花田獵苑南不見春風回玉燕微聞夜雨出
金蠶猶勝漢代長陵壞母后珠襦任盜探

卽事

使者巡行瘴海邊驚傳旌節到吳天酴酥醉卧千人
帳翡翠裝回萬里船不信城狐常有篇從教田犬悔
難牽始知運去遭嚴譴空鑄銅山鄧氏錢

楊靜堂集

卷之十 七言律詩

三

秋日示晉守弟

移居半載日相從又向秋林摘晚菰兒戲至今思鳳
蠟壯心俄爾托鳩筇一寒並我稱南阮偕隱憑誰說
兩龔遮莫長齋祠繡佛太常風範本春容

輓門人王嵒文以八月十五夜飲徐覲璇幕無

疾而逝

驚傳綺席醉松醪一枕遊仙壁月高徒見空堂啼卜
夏竟無小嬾產枚臯明經尚田金門詔草檄寧訓記
室勞信是祝予難解恨廣陵逸調更誰操

又

爭說才名定勝藍閒居尤喜共清談長先一日予真
忝文可千秋爾不慚痛哭人琴惟有弟虛畱紙筆更
無男最憐舊約同耕釣未得移家到浦南

又

講堂海曲舊時開會借高僧說法臺鶴影秋從參後
過濤聲夜向夢中來幾年共下楊朱淚此去同深庾
信哀我老卑官君未仕輸君已作玉樓才

又

楊靜堂集

卷之十 七言律詩

三

山陽笛韻久難聞那忍悲麟又哭君埋玉千春無白
日修文九地有青雲大招顏禿吳中士哀輓聲喧海
上軍倘遇童烏應一笑生天鸞鵲好同羣
疎文與夏子存古同受業于予

集舜納九籥樓

金谷堪悲昔日儔雄文尚賴鳳毛畱祖孫世擅三曹
筆賓客重登九籥樓乍扶人琴新涕淚還追觴咏舊
風流開簾况值霜華落老去窮秋動四愁

又

我昨拏舟歇浦來爲尋彥會過蘭臺人如白鴈經年
別坐有黃花一夕開酒半銀箏初入破詩成玉漏已
頻催衰齡再覩難短約倍憶南皮首重回

社中以南郊訪菊詩索和

諸君訪菊在高秋予亦江村物外遊信馬閒過黃葉
寺微吟獨倚夕陽樓俄驚尺素催詩句惜未東籬共
酒籌開到此花花欲盡爭教霜鬢不添愁

扇頭見方邵村詩

塞北江南無見期十年搔首重相思鷹鵬掠海寒烟

鶴靜堂集

卷之十七 言律詩

言

直駝馬衝風白草衰拂罷征裘餘舊浹題來角扇是
新詩雄篇自昔稱蘇李念爾冰天泚筆時

懷顧介石

雲迷秦嶺路峻巖幾載相思斷尺函幕府蓮花良自
遣家園菊藥情誰莫朱顏舊捧郎官檄白髮還穿從
事衫已見雙珠堪照乘期君早晚動歸帆

次韻訓葉林屋

南村偃息舊茅廬忽到靈威洞裏書酒趁黃柑先臘
造田教白鹿帶冰鋤談詩爾作齊轅固招隱吾懷楚

接輿聞道且移金刹住願停花漏話真如

已酉除夕

歲晏蕭條霜雪侵荒城臥聽漏聲沈經年又老看山
眼閱世彌堅問道心已見西隣新結綬何堪北闕再
橫簪園丁乍報梅將放恨不浮家劍水潯

鶴靜堂集

卷之十 言律詩

言

鶴靜堂集卷之十一

雲間周茂源宿來氏著

侄孫

稚邠西稼校
稚炳瀨音

七言律詩

庚戌元旦

長共沙村白鷺眠役車還歇芋城邊
帝推蓂葉重頒朔人頌椒花早卜年
偶有閒愁惟酒債難忘結習
是詩篇驚心罷郡多謠詠偷得歸耕隴上田

人日小集葉林屋有詩見詒賦答

鶴靜堂集

卷之十一

七言律詩

一

江城獻歲尚凝寒檐鵲初喧宿雨乾
結佩先懸剛卯篆開尊且薦五辛盤
客從橘柚天邊至才向枏櫚賦裏看
却惟酒醒蕭寺夜談詩未許佛燈殘

新正九日集董榕庵齋

十日春光九日陰欲將緯候問天心
泥塗且上青驄馬酒客同過玉樹林
細雨疎簾高閣迴華燈緩箭盡樓深
相傳海市將開禁已恐雕盤食指侵

贈梁太保

十年爭頌保釐功南顧全依屏翰雄
劍指長鯨三島

外身飛紫燕萬人中已知詩禮推元帥
行見山川錫上公爲問一時麟閣像朱顏
綠鬢許誰司

春雨愁機山園亭

舊山春氣尚蕭森烟雨冥濛白日沉
千載俊才空在望十年雪卧我何心
酒錢自醉彈箏伎花市重賒買樹金
支杖曲廊吟已徧鶯聲未出海棠陰

帶三日千蒼水諸子飲六益殘梅下六益示我以詩次韻戲答

高齋俯瞰水潯潏小酌畱賓晝掩關
我亦時停花外

鶴靜堂集

卷之十一

七言律詩

二

轍今番止憶夢中山空餘好句同人賞
又送殘梅歲遲聞道酒徒思僕射却慚
衰老易酡顏

送許鶴沙宮允入都

知君久卧碧山岑此日徵書到石林
舊學甘盤年尚少蒼生謝傳望應深
春帆細雨三江路禁苑疎鐘萬里心
爲問看花同輩在幾人槐鼎拜華簪

城隅晚眺感懷

當年臺榭瑀湖東此日驚看戍壘雄
燕子初歸春雨後桃花半老夕陽中
身居故里還如客天許閒人竟

作翁抄得方書嘗禁酒獨將心事寄枯桐

送陸集生孝廉遊都門

江亭夾岸繞垂楊共看斑駁送陸郎短髮猶遲三府
召高吟獨擅五言長可堪洛下花如繡重到燕臺劍
有霜期爾公孫終晚遇平津開閣本非常

清明展墓

湖雲近向墓門橫曉發雙帆五兩輕親睹難忘陳菱
實祭田久失薦魚羹新沾陌上梨花雨又聽山頭杜
宇聲傷塚萬家今廢壘幾人買犢事春耕

鶴靜堂集

卷之十一 七言律詩 三

訓漳浦盧子敏詩筵兼懷令舅李寶弓先生

漳南我昔乘輶過皂帽曾逢舊使君知爾渭陽真酷
似却來江左細論文早鶯別館頻同醉團扇新詩自
不羣蘭棹擬邀崑阜去棠梨花片正紛紛

東旅公幻住山房

到山許我坐西堂簾外微聞栢子香短策新陪行藥
地輕帆又指乞花塲諸經聽久難能語一飯荒時鶴
捐糧信宿孤雲真幻住曾飛兜率侍天王

吳江徐松之寓超果禪房徵詩奉柬

同君閒品建溪茶且泝開元問作家歸夢彩虹橋上
月旅情青虎寺前花論交舊社輕連騎散帙晴窓到
晚鴉慚媿詩瓢藏未得雷門容易鼓頻撾

懷徐松之超果寺坐雨并寄楷庵大師

蕭然甫里一遺民籍籍詩名不厭貧老去江湖千里
駕花前涕淚百年身孤城零雨悲王祭古寺疎鐘到
許詢知有蕉園分半坐薄遊難遇買山人

贈毘陵毛子霞自郢中歸里

舊第依稀笠澤東鄉音半與去時同一官嶺表稱廉

鶴靜堂集

卷之十一 七言律詩 四

吏三徙京臺作寓公飽看中原常逐鹿愁聞故里尚
蜚鴻憑君欲覓桃花洞可許人間姓氏通

又

天南遠望客星高半世襟期托楚騷磨墨幾穿鵲觜
研佩刀長濟鵬鵠膏懸崖蘚石搜丹篆絕塞蓬沙拂
錦袍食指漸繁秔稻少偏藏十斛紫葡萄

又

江光十里到衙門手提松枝日討論雪後品泉王祭
井花時騎馬莫愁村但須有酒堪忘老未覺何人可

報恩聞亦無端頻下淚直將屈宋並招魂

又

途窮我欲問青天坎壈如君劇可憐法喜有妻非舊
匹邾超爲胤早無年雄心久謝蓮花府淨業還參栢
子禪萬里歸來梁燕去相逢恍忽慢亭前

毛子霞同集王農山宅以詩屬和依韻酬之

曠世高名近魯連王侯折節已多年移家梅尉丹爐
畔訪舊蘭陵酒肆前此日陽春矜首唱還同曲水會
羣賢岳遊愧我終難遂守確村墟祗自憐

鶴靜堂集

卷之十一

七言律詩

五

同毛子霞徐松之及同里諸子集朱雪田徵觀
堂時客多病酒兼有長齋者

藍田別墅枕橫塘好客還應比鄭莊檻外烟雲皆入
畫簾前綵管自成行人因宿醉松醪減席有清齋杏
粥香最是新篁空翠裏偏宜岸幘晚風涼

爲唐正平文學六十壽

當年藝苑氣如虹此日高飛作冥鴻鍵戶但求開卷
益杖藜親課灌園工神樓玉七希孫逸丹雘黃茅問
葛洪料得酡顏長駐景掃花使者半成翁

雨窓次韻答武林王爾調

干溪把釣十年餘厨俊聲華百不如野鹿定堪常作
友家鷄安敢再論書臘前自釀中山酒花外時停下
澤車展齒美君行處好樓臺烟雨幾精廬

端陽前一日宋荔裳觀察集春暉堂分得箏字

烟雨迷離鎖苧城出郊稍見海榴明湖頭畫舫初回
棹坐上飛觴且聽箏人倚翠屏開雀扇妓拋紅豆轉
鶯聲來朝漫說沈湘事恐動蘭臺弔屈情

五日梁太保招飲

鶴靜堂集

卷之十一

七言律詩

六

辟兵今見寶符新幕府同看射柳人雨過江城寒五
月花開水榭酒千巡歌姬却扇添珠玑坐客披裘問
葛巾最喜擊鮮初罷禁南風飛鱸到銀鱗

送張博侯遊戎之任漳南

家近軍城飲馬灣暇時每借射堂還輕麾羽扇雲間
鶴又領樓船海上山油幕花深開荔浦錦裘月朗過
梨園知君夙有登壇望早佩銀黃鬢未斑

送宋荔裳觀察赴補如京

漢殿金莖隔幾年秋槎遠泛五湖烟詩空海內今匡

馬跡徧江南舊馬遷花外停驄珠勒緩醉餘染翰練
帶鮮彈冠此日真堪慰折柳津亭獨黯然

又

自解銀魚過十春鸛裘典盡不言貧相攜白社栖遲
侶同作藍田射獵人帳下諸生冬盤綬堂前食客半
綸巾欣看去鷁南風利千里江山霽色新

次韻謝許九日

隴西百戰未封侯況坐窮山守一州帶甲霜濃嚴寨
宿然芻雨黑洞門遊散廬徙近思鱸巷垂橐歸同載

鶴靜堂集

卷之十一 七言律詩

七

石舟久向劍溪耕十畝獨憐水潦動新愁

贈魏惟度

雙僮一馬不齋糧文選樓中歲月長鄉夢花殘烏石
雨旅愁鴈叫白門霜同時上客來湖海獨爾清歌激
羽商信是故家遺笏重徵書行促舍人裝

夏日三山陳昌箕魏惟度松陵徐松之婁東許

九日鹽官錢武子同集小齋

午風初到竹間樓珍簟俄然六月秋老我花前惟濁
酒同人海內幾名流才高孰肯居龍尾癡絕偏多顚

虎頭機杼蠻貊爭麗句便應傳徧鈿筵篴

園亭爲大水所沒

澤國何從問水經平原村已變鷗汀白波未殺陽侯
怒乾壤難祈后土靈魚婢帶萍登畫檻木奴穿石仆
空庭幾時烟薄真開霽重見山樓兩岫青

風雨乍息訪徐松之超果禪房不遇適赴金山

衛校許君之招許工文墨

蕭齋坐雨只論詩閒聽鐘魚度六時纔向市橋迎夏
統却從軍府訪王尼蛟龍欲避浮家客猿鶴猶存下

鶴靜堂集

卷之十一 七言律詩

八

瀨師地主好文深折節定知如虎未全癡

寄汪耑木廣州

碧幢紅旆越王臺持節新從論蜀來翡翠巢邊溪日
麗枕椰樹外嶺雲開未須運甓勤公事還借談經選
雋才我昨天南曾有夢海珠樓閣對啣杯

寄沈雲中粵東學使

臺郎峻望鬱雲虹講幄今看拜馬融大海珊瑚歸鐵
樹南山鸞鶴下珠宮冰壺影濯梅花白玉節香浮荔
子紅料寫石經傳徵外寧徒五管徵王風

寄張處中久留粵幕

幾年南望嶺頭雲，萬里音書隔鴈羣。
作客飄零何記室，題詩卓絕鮑參軍。
葛巾到臘常如暑，椰酒逢花只半醺。
寄語三吳方大水，巢居徧地可曾聞。

送朱冰在郡司馬讀禮歸越

煌煌祖烈繼彤弓，萬里威名震海東。
視草漢庭仙掌露，揚旌秦望戍樓風。
驚心五鼎秋濤外，急走單車野燒中。
庭柏曉攀餘漬淚，久知縑墨強臨戎。

慰王約庵明府爲舊賦鐫級

鶴靜堂集

卷之十一

七言律詩

九

海曲方當水潦年，賢侯蒞舍出行田。
灌壇此日驚風雨，花縣何時廢管絃。
驅輦爭償千乘賦，鑄金欲泛五湖船。
自慚無力呼閭闔，忍聽歸吟楚澤邊。

成子姪攜伯衡豫章書扇俱沈于江却寄志謝

聽說言愁我欲愁，憐君南浦尚淹留。
一雙白鶴空相對，三寸黃柑未解憂。
小草山中煩記憶，素書江上竟沈浮。
十年拙宦看兄弟，何日秋風共釣舟。

送旅庵和尚再往都門

萬里浮杯入帝鄉，人天共護紫衣裝。
寶林舊灑龍髯

淚珠網重燒鳳腦，香首座南宗稱弟子。
同參北面有侯王，定知白馬經行處。
深避椒園輦路霜。

寄彭次文湖州

領郡如君總勝遊，白銅鞮與白蘋洲。
美人南國歌來暮，千騎東方據上頭。
山市日長寬竹稅，水村風定集漁舟。
遙知燕寢凝香處，錦瑟聲中落鴈秋。

又

判袂旗亭過十年，君今作牧五湖邊。
麗譙曉挹何山翠，青翰晴飛顧渚烟。
聽說乘樞兼治水，非徒露冕出

鶴靜堂集

卷之十一

七言律詩

十

行田八蠶熟後差堪慰，官燭虛堂發綵箋。

貞桂堂爲夏文愍裔孫題

有客城南畫掩扉，西江流寓舊烏衣。
楊公世德家風在，伍相孤忠廟食微。
貧到負薪存介節，澤從遺硯表清輝。
鈴山堂亦成車廐，幾見雕梁紫燕飛。

兀庵大師歸潤州爲其母九十壽

花宮法器再來身，萬歲樓前特展親。
兒是東林僧慧遠，母爲南岳魏夫人。
紫衣戲作斑斕舞，金策徐扶玉葉巾。
漫信空桑求世出，須知香象報恩真。

八月望日送徐松之往金山觀潮

康王古戍對蓬萊萬竈新看玉帳開月滿江邊飛鷁
去潮聲海上駕鰲來笳簫自肅樓船令裙屐還登烽
火臺知有元戎能醉客觀濤定勝廣陵回

重陽後一日爲霜降軍中有事于巖禪

戲馬臺前送九秋微霜忽已墜金溝今年節屆黃花
早此夕寒隨玉笛流幕府鳴笳齊鶴列郊壇酌酒祀
貍劉爭看驃騎宣威畢曉入江城換錦裘

輓陸孟聞

鶴靜堂集

卷之十一 七言律詩

士

五湖泛泛孝廉船藥銚茶鐺逗曉烟家破已如楓葉
岸病深尤在菊花天相期白馬誰能赴獨吊青蠅倍
可憐予亦卑官羞宦達諒無高冢象祁連

葉詠庵太史過予山居不值却寄

已是霜林落葉稠何堪深駐水蘭舟君才玉署稱仙
吏我老青門作故侯魚稅勉輸經大水鶴糧新減在
窮秋漫言看竹非因王把臂先曾識子猷

休寧金潛士僑寓白下過松有贈

吳天水落應霜鐘有客扁舟特過從黃海人來軒帝

關青溪宅傷六朝松手操玉麈真名士音吐瑤琴識
雅宗知爾綺齡難習隱漫將猿鶴笑周顒

送金潛士歸白下分得茅字

高天霜日麗晴郊有客來探海鶴巢文苑翰君新奪
席醉鄉讓我舊分茅一聲白鴈三江暮萬樹丹楓十
月交未敢相隨趨洛下孟陽應得市人嘲

簡陳明府

南海珠光徹夜明寓公十載滯江城居無陸賈歸時
橐去阻虞翻放後程任使衆人皆欲殺偏從真宰乞

鶴靜堂集

卷之十一 七言律詩

士

餘生請看近日花封客誰得家山聽早鶯

庚戌除夕

凍雪初消白板扉梅林蓓蕾未全肥衰年枕上詩脾
損儉歲壚頭酒債稀愛客頻來千里駕休官久薄五
時衣惟應聽罷軍城角默禱農祥望紫微

辛亥元旦

我年五十便懸車剛數歸田八載餘入夢原忘蕉下
鹿甘貧自取膾殘魚新從玉曆占雲物乍喜春暉到
草廬祗悔不如龐氏隱淡耕勝授後人書

集六益梅花書屋分得微字時梅未開

客來並坐梅花塢
潦倒方袍間褐衣
風遞古香三徑澹
雪欺寒玉半簾稀
南榮曲沼冰方泮
北牖遙岑翠欲微
共道尋春須後會
還應載酒叩雙扉

柬錫山鄒流綺超果山房

猶憶相逢朱雀航
見君身佩紫羅囊
扁舟泛雪真風雅
鐵筆成書竟老蒼
禁酒春燈違綺席
逃禪夜漏步修廊
可知第二泉邊客
偏愛珠林瑞井涼

送施則威少尹領運如京

鶴靜堂集

卷之十一 七言律詩

三

玉粒輸供復此行
春帆開處正啼鶯
誰從簿領推廉吏
自有文章動列卿
千里黃腸循故道
萬年碣石表神京
知君奏記司農切
須念東南已罷耕

送吳卧山北上

晴江二月放蘭舟
裊裊垂楊拂柁樓
仙掌雲深回玉珮
花輓日暖待銀鈎
史才久信陽春擅
詩格端從正始求
期爾講筵勤獻納
先將民隱對宸旒

輓徐武靜

少微星隕歲龍蛇
電碎烏衣巷口花
四海高名徐孺子

子千秋俠節魯朱家
蘭堂滅燭停金縷
藻井流塵撒絳紗
賴有後賢成偉器
未煩良友哭西華

又

昔年三鳳翥天門
多難君同碩果論
藏笈已隨曹社沒
賜書猶向魯宮存
鳴驢客到春冰解
嚙指人歸白日昏
此後每當琴酒會
虎賁貌似欲消寬

登馬鞍山感懷

短屐晴巒尚可攀
江城十里帶春山
瑤臺此日香車少
白石當年戰血斑
谷鳥啼殘餘夕照
林花落盡盡餘閒

鶴靜堂集

卷之十一 七言律詩

古

禪關遙看廣陌渾
如繡無那流移正
未還

同吳梅村祭酒虎丘閒步遇姚文初孝廉爲頭陀

陀

幅巾方杖步林丘
攜我生公臺下遊
曩爲寫經曾再宿
近因行藥且三休
晴春放眼繁花麗
喪亂驚心老淚流
皓首投空何處客
相逢還唱白浮鳩

贈山曉和尚

聞道西明供奉年
經行常在五雲邊
法輪久主無遮會
詩卷仍通不二禪
忽訝浮杯來海國
翻因乞米出

林泉貧家愧乏伊蒲饌但掇松花進象筵

送沈彥微往開州

董生遊粵愴離羣河朔揚鑣復送君我愛談詩鍾記
室人求善戲郝參軍一時才子飢驅盡千里相思旅
夢分到日料應秋色早黎陽渡口望南雲

送程梓園太史入都

涼秋玉露下青楓彩鷁飛飛笠澤東將母暫辭中秘
省入朝親對未央宮故鄉弋獵容吾輩開代文章
伏數公漫道花磚多暇日知君定急濟川功

鶴靜堂集

卷之十一 七言律詩

五

寄懷史光庭守端州

屢記分符奏績年熊旌又駐芳城邊新驅海霧天無
瘴久灌蠻花石可田材畧雄如陶士行威名遠似馬
文淵慚予拾翠空相憶聊寄雙魚萬里船

贈無錫吳伯成明府

共傳畫省舊宜麻還看河陽幾度花琴幌靜依前浦
月筆床高拂少城霞調成舞鶴能娛客通到寒泉早
放衙繞郭朱闌連錦樹可能樂土便移家

贈同年易晴湄以秋官權吳關

丹楓白露問江程夜度津橋帶月行遠寺疎鐘孤客
夢輕舟繡被故人情官兼水部詩逾健筭入征緡法
自平持節總期宣上意收時莫讓漢臣名

吳伯成明府以酒泉見貽賦謝

飛艇梁溪趁曉行重煩地主後車迎開筵已忝嘉賓
燕持贈多含太古情醇酒我慙公瑾望廉泉君擅隱
之名會當官閣梅花放來聽春林黃鳥聲

送張南邨還秣陵

去年冰雪聞君至今日重逢書畫船時值梅花催玉

鶴靜堂集

卷之十一 七言律詩

六

舊客從桃葉逗寒烟已知繡佛清齋慣真見雕龍藻
翰偏吾愧無能申縞帶短歌希代繞朝鞭

杜于皇過吾郡道行贈別

與君廿載長干別瞥見衝寒過苧城乍得興酣如意
舞誰令驅使不留行紅樓幾宿霜天淨白舫空移雪
月明不是離朱應不食何妨饑鳳自飛鳴

九日送方敦四兼懷樓岡邵村次農山韻

我亦頻經歎轉蓬年來息影在牆東自邀白恰春帆
外長伴青燈夕磬中夢到龍眠歸思遠聽殘鶴喚客

途窮知君兄弟秦淮曲相對茱萸有幾叢

秋夜同敦四忍齋農山雪田集見山園

辟疆池館舊追歡丹壑青巖此地看小苑涼颺籬菊
綻秋堂落月酒杯寬燒燈便喜詩爭就圍壁虛疑墨
未乾共說菟裘須早築賦歸如爾故園難

又

縱金浴鐵徧江鄉負郭園林獨未荒蝦菜能邀千里
客竹梧欲動九秋霜相期把釣容疎放且莫停尊歎
老蒼才子問誰先入洛到今各已慎行藏

鶴靜堂集

卷之十一

七言律詩

七

爲顧東籬七十壽

攜壺久擬叩山扉屢發輕舟却又違羨爾真呼麋鹿
友憐予亦製芟荷衣求仙漸覺雄心減讀易深知衆
慮非少似涓濱猶十載未應垂釣老漁磯

晦山和尚過松惠示詩篇賦答

離垢能超萬象先著書猶記義熙年身投法海存忠
孝本妻東高材
生甲申棄家手闢靈山作聖賢是處幸逢金策駐
從今常見玉毫鮮慚予窮子歸無路何日方乘大願

船

穀日邀諸子集城西精舍得風字

別苑今成花氏宮珠旛聳立颺春風禪關白雀雖時
下客座紅螺且未空人半三吳耕釣侶語多兩晉笑
談中可知蓮社無苛禁常得淵明就遠公

東沈繹堂復入史館

十年清譽徧人寰恩寵由天特賜環雅量不因旄伏
減雄才寧放佩魚閒鑾坡再給金蓮炬館閣重登玉
筍班聞道艸書宜敕慣墨花香處近龍顏

東施研山侍御

鶴靜堂集

卷之十一

七言律詩

六

人地真堪四望車回翔公輔意何如十年繡服西臺
長五夜霜威北闕書無分珂鳴隨紫陌却欣社飲近
高閭憑君玉燭調成日惠我秋風谷水漁

單子藥園年七十偶寓白燕庵坐脫於其叔尊

僧影堂詩以紀之

白髮先朝艸莽臣蕭齋一夕淨根塵那知此日龐居
士元是當年單子春貧慣休糧常受戒老能讀易便
栖真竹林遊處金棺現雙樹還依大阮鄰

送施呂授游燕

壯士何知行路難春風匹馬去長安苦吟定得江山
助狂態非求將相歡燕市酒須同志飲上陽花向暮
年看人間不少侯鯖味莫忘家園舊藥蘭

輓吳梅邨祭酒

朱扉寂寂掩書樓萬卷牙籤黯未收早歲青雲終薄
命衰年白日動深愁阮公避禍非耽酒陶令還山不
待秋苦憶淮王雞犬句知君竟返舊昭丘先生有我
雞犬不隨仙
去落人間句

又

鶴靜堂集

卷之十一

七言律詩

七

貧郭田荒藥畹頻何來鵬鳥上承塵飄搖劍珮三春
夢牢落文章百代身舊德羣推周太史傷心莫解息
夫人可憐婚嫁渾難畢回娶猶遲送老親

又

玉堂昔日美神仙文藻何堪讓後賢對客淡談天寶
事題詩獨註義熙年情移曲徑繁花處志在空山落
葉邊每聽琵琶衫袖濕斷腸端不爲金鉤

又

夢花昨歲到蘇臺曾奉先生几杖來誰道白雞真有

識遂令黃鵠乍興哀不愁信史無佳傳還向高僧問
劫灰許我未成皇甫序何時重見墨池開

天岸和尚從金粟來松依韻奉答

寂寂蕉團坐翠微落花春晝磬聲稀共驚寶筏來金
粟真有神鋒破鐵圍自愧諸緣渾未了何當半偈許
相依南行百里連香海會趁潮音叩石扉

聞蒼水粵西回信志懷

旅館音書隔歲通南來好趁棟花風一雙蜺展三湘
外萬里軍持百粵中銅柱路岐時有象鐵橋天盡久

鶴靜堂集

卷之十一

七言律詩

七

無鴻倚樓遲爾征帆到詩卷崢嶸道未窮

爲王印周尊慈徐太君壽

五月方吹笛裏梅綬桃旋自上真來雲垂甲第三重
載鶴翥懷清百尺臺共慶星躔騰寶婺爭看宅相象
中台名園新啓東山麓直擬瑤池泛壽杯

過龍華禪院

沿澗十里見浮圖天半祥光乍有無極浦帆檣漁舍
近荒林鐘磬祖庭孤香銷古殿啼黃鳥字蝕空梁紀
赤烏還擬扶藜尋斷碣可堪急雨亂平蕪

送天童遠庵大師還山

問君幾日下蠡臺潮長西陵送渡杯行道正當楸葉
暗到山應及藕花開語如支遁多新解詩過湯休見
逸才雍髮吾同僧臘久可容一入講堂來

爲錢葆汾悼亡作

錢郎百藝勝如臯手拂青螺不憚勞吹斷瓊簫秦月
迴夢同錦瑟楚峯高帳中欲見無奇術鏡裏相看有
二毛夜警鷄鳴餘耳畔朝天怕檢舊緋袍

沈雪峯六月朔日歿于蕭寺詩以哭之

鶴靜堂集

卷之十一

七言律詩

三

梅雨初晴散夕陰忽傳哀訃最驚心炎蒸素簣喪中
換倉猝桐棺市口尋君是貴游成老衲我因遷謫竟
投簪從今別作西州慟騎馬愁經雙樹林

又

蕭齋一月幾經過坐我繩床快論多華髮早衰同騎
省拚關長病類維摩行來未黍時垂淚念到莪蒿久
廢歌遺蛻漫歸無縫塔恐將化碧染銅駝

讀董蒼水浮湘過嶺諸集

汗漫經年不憶家新詩千首自堪誇烟村繫馬桃榔

樹埜店停杯荳蔻花行盡天涯多縞帶歸來海畔類
秋槎粵裝但取端溪石勝似香犀載蒲車

夏日陰雨柬蒼水

重陰漠漠曉寒生誤認朱明節序更蠶箔已登榆火
細燕巢初乳棟風輕嶺南喜爾回筇杖河朔慙予罷
酒鎗何日出郊同跨馬竹林晞髮任縱橫

鶴靜堂集

卷之十一

七言律詩

三

鶴靜堂集卷之十一終

鶴靜堂集卷之十二

雲間周茂源宿來氏著一門人

錢金甫越江

彭開祐椒島校

五言排律

冬夜同孫孝則張公選王胥庭錢武子集張識
之新居得開字

清宵聯騎出共集鳳城隈地卜張華宅人登郭隗臺
疎林楓自落小徑菊猶開密坐重茵合初筵列伎迴
醉餘方授簡吟罷更啣杯意氣看飛蓋毋虛鄰下才

鶴靜堂集

卷之十二

五言排律

西人來朝 賜宴太和殿前紀事

鳳曆凝庥日龍旂會極年選方承璽綬絕徽靖烽烟
漠北揚威久師中制敵先曉踰雞鹿塞秋渡鵬鵠川
族有東西部王分左右賢受降歸命早來享拜恩偏
屬國朝規整稱藩歲幣專駒駟克內廐苜蓿散甘泉
共信綏柔廣還矜燕賚全合元雲氣霽建始露華妍
紫幃紛仙仗彤墀敞法筵貂鵲森柱石雉毳肅班聯
金甕浮酥滿雕盤射血鮮樂參朱鷺曲詩奏白狼篇
聖澤覃無外皇靈赫有虔願言休戰伐長此樂堯天

送張右訥太史假回

地勢雄秦甸人文出漢京千門平子賦十乘茂先名
珥筆麟臺貴揚鑣羽騎輕薰風交玉樹寶露浥金莖
毋壽南山固臣心渭水清拜恩辭帝闕歸省戒王程
綺陌三春柳芳林二月鶯衣冠勤祖餞車馬競逢迎
久信徽音洽能令淑訓成總帷凌柏操紗幔毓蘭英
分乳劬勞切同根友愛生詎求朱氏雀均饋穎封羹
戟已縱橫列珂方次第鳴哀章官錦麗禪誦慧珠明
屢設伊蒲饌如遊舍衛城寫經銀筵細持印白蓮傾

鶴靜堂集

卷之十二

五言排律

二

上熊雪堂先生

楓宸初拜訪鼎輔暫回翔雨潤從廬岳梁材出豫章
山公勤啓事謝傳慎行藏寵自追鋒重思因攬轡長
當關驅虎豹賀世舞鸞凰紫綬新披拂青蒲屢對揚
謀猷輕管樂譽望過裴王玉尺清裁貴冰壺藻鑑詳
糾封除佞幸不次擢賢良客座談風月官箴耻稻粱
欣逢張壯武獨愧賈君房無分盤鵬隼何堪剪驪驄

掃門晨躑躅納履夜傍皇舊夢懷銀管幽人寄蕙纒
乍蒙收劍冶敢謂處雖褻矯首開東閣從容奏未央

上黃改菴先生

鳳德方遵養鴻儀貴永貞烟霞今日事霖雨舊時名
訪落通玄契端居議太平輝煌周禮樂卓犖漢公卿
蓬觀緇金錄蒲筵引玉笙下風承尹壽北面拜桓榮
教胄真寬粟掄才必俊英身非門左客師是帳前生
言奉咨詢命兼爲典謁行碣宮懷策往華市載書迎
山水追琴操星辰辨履聲蕭疎梅尉宅迢遞越王城

鶴靜堂集

卷之十二 五言排律

三

戶牖藤蘿合衣裳薜荔輕白巖羣鹿臥烏石萬花明
倚杖看朝爽攜柑聽早鶯人倫宗有道兵革避康成
史共陽秋隱詩同正始清發龍淹令望園綺結深盟
恍得蘇門遇還因若士傾繪圖應入奏大志自崢嶸

上相國范夫子

紫極凝暉候黃扉衍慶年上公調玉燭良佐拊朱絃
祿以疇庸渥恩因額俊絲卿材尊士會相業姬韋賢
舊笏光家乘華鐘備樂懸五雲看鳳舉七葉自蟬聯
子竝荀龍美人矜趙璧全金吾依繡繡密勿染爐烟

武庫輪籌切天樞發耀先詒謀司馬法肇敏握奇篇
劍向南郊脫經從東觀傳芙蓉初日麗桂樹九秋妍
禁闥承珠佩香街試錦韉形弓應游錫綵筆倍高騫
隔坐麟圖炯鳴鑣鴈序連三階逢道泰元愷最駢闐

輓王覺斯大宗伯四十韻

曠代鴻才貴經邦碩望彰上台增氣象維嶽誕賢良
氏族瑯邪茂淵源洛汭長圖書通地軸奎壁爛天章
久挾青麟至徐看赤鳳翔彈冠連俊彥曳履肅班行
著述金閨富規模畫省詳賀循甄國表刁協辨朝常

鶴靜堂集

卷之十二 五言排律

四

結轡追三謝揮毫祖二王碑題黃絹重誥冊紫泥光
翡翠依琴幌珊瑚擁筆床諸昆龍作友累世玉爲堂
列戟高閭外施屏秘殿傍升中資禮樂坐論燮陰陽
啓天抒忠切寅清降福穰百神祠岳瀆萬里薦馨香
玉節疏秦甸朱軒指蜀疆岷江沉白璧華嶺攝玄裳
曉度函關月秋迴劍閣霜馳驅章亥步饑渴禹餘糧
弭轡初休沐乘箕赴大荒空懸靈壽杖已竭帝臺漿
禪艸留千扎浮槎斷七襄槐階雲黯澹仙掌露蒼涼
介使終釐假深宮動慨慷臨喪嗟道遠去籥爲卿亡

器自東園賜墳仍甲士裝愁遺悲誅篤從祀典文昌
名德應無耦哀榮詎可量素車偏絡繹丹旌更悠颺
悼輓傾瀋陸風颺想惠莊西州中夜慟北海昔年觴
選士恒開館嚴師總負墻櫪前充小駟蹊下竊餘芳
緼鶴真縹緲咍禽亦感傷剪髮方誓墓磨鏡欲擔囊
永遂遊馴兔佳城枕石羊嗟俄懷叔夜髣髴貌中郎
孝子頻攀柏門人尚築塲斯文渾未墜不朽寄青箱
爲宋小遲迎養賦

鶴靜堂集

卷之十二 五言排律

五

太乙窺天祿離朱集鳳凰暫辭清切地分領度支章
夢繞蘭臺筆衣沾桂殿香轉漕蕭相國會計杜當陽
民力憂難濟軍需詎可量周官咨內史漢主重敖倉
萬里青龍節三秋白鷺航金鏡臨海甸繡幃歷江鄉
奉職旬宜暇迎親定省詳筍輿同樂愷筇杖足徜徉
寶露凝珠綴條風引玉觴席前雙鶴舞花底靜琴張
苑柳舒新綠宮槐覆淺黃鋒車看漸近鼎餽此迴翔
飲蘭谿郭氏宗祠看桂

邂逅蘭川渚津梁惜我勞主人開上舍客子繫輕舸

身愧周顒隱交非郭解豪過江門第久奕代德音高
望族推羊舌英才覽鳳毛肅賓循廟祏懷古步亭臯
白鶴霜前返祥鳥月下號銀題紛桂樹玉枕泛葡萄
坐對清芬永寧聞屢舞霽淮王深窈窕吳質擅風騷
分詠停華燭相酬脫佩刀誦詩多述祖禮飲自吾曹
贈總憲龔芝麓先生

鶴靜堂集

卷之十二 五言排律

六

楚江涵遠濶衡霍動靈光哲輔乘時出醇儒翊運昌
卿材三策秘帝眷九遷良絳灌功難並薏龍讓未遑
殿前推執法海內頌惟康久缺埋輪使仍多題柱郎
誰人持國紀特與勵官方密勿來申命訐謏足大匡
中丞親佩印副相獨登堂文采蘭臺聚稜威柏府疆
朱軒排曉霧白筆麗秋霜聞自騶幘解邪因薦角藏
格天封事切名世表儀莊班劍連珠烏微燈映紫囊
鮑宣懷直亮熊遠著清剛峻若盤鵬鶚祥猶集鳳凰
讀書還見士授簡更飛觴儉匪菑川被貧逾蜀郡桑
黑頭公望重黃髮壽朋臧蓬矢今初度緹灰恰肇陽
莫窮薰艸曆無筭吉雲漿玄鶴金庭迴丹藥玉井涼
上尊膺巨鬯仙樂播笙簧一德真同泰祈年衍慶長

贈家櫟園副憲

此日疑丞望當年岳牧良天南垂閩澤嶺外被文章
阜俗徵儒袴宜威缺斧新綠榕爲大樹丹荔卽甘棠
露冕行邊傲追鋒出尚方中司持憲紀亞相總臺郎
瑞集三珠鳥邪驅五色羊副封除宿霧獨坐起嚴霜
借箸先籌海揚波實啓疆盧循須致討趙尉未成降
上將樓船旅偏師組練裝深言符廟筭壯事厲戎行
風采推人鏡謨謀薄智囊六條真峻肅九府賴匡襄
財賦生金部勲庸紀太常綸扉需坐論鼎餉暫回翔

鶴靜堂集

卷之十二 五言排律

七

蔭映分凡胤颺流接鄭鄉歡忻嘗得御躑躅載登堂
作賦成難獻聞琴愴若忘步兵厨自冷騎省髮寧長
久斷雄雞尾誰施孔翠裳吐茵還採擇守碁幸抽揚
所願邀清暇從遊千仞岡

贈梁太保

壽紀通南極樞星並上台秦關甄右壤周翰誕雄才
跨海樓船出橫江幕府開太常懸日月蕭斧盪雲雷
自昔滄波沸俄將鐵甕灰烽連玄武消矢及鳳凰臺
虎旅奔三舍魚書徧九垓幸操黃石筭親帥水犀來

陳敏聰張熄盧循鼠竄回神鉦驅宿孽露布獻渠魁
敵愾真無耦酬庸實共推豐功扶社栢峻秩踐宮槐
帶礪盟言重歌鐘樂舞該軍容陳滄瀆喜氣溢蓬萊
障步交龍錦登筵煖玉杯粉榆叨蔭庇履屐忝趨陪
花下鈿箏合燈前翠袖迴能文輕絳灌愛士許鄒枚
鏡吹參米鷺琅音奏古苔層霄延鶴馭萬里致龍媒
久列神仙籍寧論將相材

顧開明先生從祀爲侍御西嚠紀

哲彥興南服流徽迥不同子真棲谷口諸葛隱隆中

鶴靜堂集

卷之十二 五言排律

八

漢水珠原潔荆山璞未窮高才驚半豹盛德嘆猶龍
郢曲人難和湘靈瑟自工驕驕吸月白鸚鵡浴花紅
到處攜茶竈隨時理釣筒談天遊碣石味道訪崆峒
舊史傳班固遺文寄所忠象賢承寵錫追美實豐融
已控琴高鯉疑乘鮑氏馳繡衣陳寢廟瑤爵獻黌宮
紫綵光泉壤雲旗耀碧空投壺呼玉女執蓋召青童
教孝先崇本求言卽采風懷親詩欲廢述祖誦靡終

贈吳梅村先生四十二韻

當代文章伯高名象緯懸羣材欣有託大雅自無前

鸞鸞鳴昌世鵬鵬昇遠天蕊珠初領袖瓊樹最嫵媚
戚里看花暇侯家贈錦偏詔頒仁壽鏡婚賜水衡錢
射策才真健登朝寵獨專綸嘗中夜召紳詎外庭宣
選士浮江漢搜英罄杜荃生徒多將相仕宦類神仙
豈料金椎失誰將玉佩傳柝寒瓜步雨鐘斷秣陵烟
業已虛王導官仍舊馬遷早辭鸞禁直歸種鹿門田
鐵騎俄飛渡黃旗不再旋碎書來朔堊神興莫幽燕
強起嵇中散爭求顧彥先長楊成賦日東觀授經年
時輩紛謠詠先皇善保全攀髯堪慟絕抱膝轉纏

鶴靜堂集

卷之十二

五言排律

九

綿無分凌雲賞從教誓墓堅孤臣餘涕淚孝子惜枯
樁雪滿袁安宅風輕范蠡船每借南郭隱頻訪北宗
禪煉藥松窓坐觀棋竹塢眠伴尋鷗鳥適衣製芟荷
妍晦遜同梅福逍遙比偃佺瑩儒居後進微祿廁班
聯願讀張蒼律悲吟庾信篇羽翰承謬借咳唾亦親
延小艸深慚忝荒陬等棄捐不才甘墮屈何計得夔
憐輪困難施斷駕駘敢着鞭身閒隨綈屐髮短謝貂
蟬鶴唳聲猶在萼羹味正鮮宦情良已矣吾志欲終
焉綠埜崇阿近青山一水連畫圖兵燹後亭榭夕陽

遶仄徑疑盤谷迴溪卽輞川籬存元亮勃社結遠公
蓮十賚能相許三旌信渺然崢嶸嗟歲晏萬一藉陶

甄

贈少司馬李梅公先生

南紀星辰迥東山日月長期願年有待公輔道彌減
峻望同廬岳環材出豫章謀猷推管葛人物重裴王
爰應箕疇訪難容綺皓藏纁旌來谷口劒履入巖廊
赫濯中樞命威嚴九伐張甲兵蟠武庫符令動文昌
授鉞真無戰輪琛盡我疆身因祠石去貌以鑄金莊

鶴靜堂集

卷之十二

五言排律

十

拂袖青門外浮家薨社旁津樓春浩蕩簾舫畫徜徉
海燕隨歸旆江雲指故鄉高風今孺子雅尚舊柴桑
倡和昭華館歡娛屬玉堂鸞歌誠噉噉鶴舞自洋洋
蘭氣通珠幌琴聲隱翠房久毀騰景劍時進辟寒香
哲胤陵諸謝清徽繼二方一經傳相業五字擅詞場
鵬鶚搏秋翮驛驢服上襄金貂嘗滿座朱戟已成行
再見蒲輪召仍瞻鹿馭康仙藤靈壽杖法醢紫霞觴
臘近水桃熟霜前火棗涼羣真偕嘯傲惇史藉輝光

謁法幢和尚

東山辭鼎輔西土證金仙法席今提唱宸居舊翼宣
講移銅鶴上香近來龍邊涕泗悲徐廣滄波蹈魯連
已除天保曆長憶義熙年熬綬成灰爐方袍製水田
誓終元亮節身作遠公禪龍樹歸鄉國鵬耆紹聖賢
寶幡雲外建珠網日中懸百丈規逾整三車力自堅
伊蒲惟一食左肘未輕眠定入慈燈裏經行忍艸前
棲巖俱雪嶺面海卽香泉盡脫微塵趣能超浩劫光
小儒生下土高座仰彌天苦類無明種難通不二詮
來叅黃葉晚敢托懶融偏淺學觀沙聚宗風識火傳

楊靜堂集

卷之十二

五言排律

十一

倘容依白足應便誦青蓮

梅雨潭觀瀑

結侶尋山去譚禪入坐偏梅檀羅十地瓔珞麗諸天
爰跨飛虹澗同觀卓錫泉絳河空際落香海望邊懸
乳竇滋幽壑銀濤赴大川響疑雕虎嘯光似白龍眠
觸石寒朝晃披林散夕烟風中搖匹練峽裏聽鳴絃
急作冰壺瀉常如玉漏傳杯浮成寶筏幢湧浴青蓮
沈瀟餐寧竭醍醐味自全浣衣花雨墜濯足貫珠圓
派演獮江岸流通象渡年忽聞清磬發身在講臺前

五日愚山邀觀競渡

疊嶂凝空翠澄江擁上游乍晴朝旭麗輕靄夏雲浮
綵纓當佳節壺觴作勝遊使君乘暇豫賓佐集名流
羽扇隨油幕水綃換錦裘弱蘭依水榭垂柳拂津樓
隔浦飛青翰前驅損絳騶千年來鳳渚五日濯龍舟
蕩漾芙蓉沼陰森橘柚洲旗亭臨曲岸伎席布平疇
破浪喧鑼吹凌風發棹謳晚艇璫玉甲跳盪舞黃頭
習戰戎機寓觀酬慶賞優銅鞮歸騎早艾戶折花稠
莫問靈均事還添楚客愁

楊靜堂集

卷之十二

五言排律

十一

遊黃氏園亭主人他往

爲訪林園勝城東一杖藜近依揚子宅疑隔武陵溪
水引青原麓雲來皂嶺西遊魚穿荇出乳雉掠烟低
錦砌榴花艷瓊軒蕙葉齊書倉初理帙藥竈未封泥
看竹今虛往何時手共攜

京口留別王又典司李

烟際江帆出津亭此暫紆潮聲回北固峰色靜南徐
旅食經霜後鄉心落鴈初獨身懷短劍千里曳長裾
枚叔慙爲客靈均屢卜居無能工射雉自合早焚魚

古處唯君在清風一道疎畫衣三尺法丹筆五雲書
已見嘉苗殖真聞大磁除昔遊朱邸近曾訪白巖餘
今日聯河潤遙波及艸廬雙旌方枉辱斗酒復相於
綺閣花陰夕水簾燭影虛扣舷離唱發何以報瓊琚

寄李鄴園侍御

羽翮雲霄上頻年睇望多鐵冠衣是繡驄馬玉爲珂
橫劍真無忝埋輪不啻過忠謨陳黼座直節動蠻坡
諫院開韜鐸天門握斧柯調元需鼎味裕國理鹽鹺
泰岱崇朝雨滄溟萬里波流泉通貢賦輓粟度關河

鶴靜堂集

卷之十二 五言排律

圭

策效夷吾富緡捐孔僅荷投珠嚴計吏竭澤誠催科
自昔瞻風采同官共嘯歌一麾違畫省幾載臥烟蘿
非復顏如赭相看髮已皤饑嘗甘淡食飲亦喜微醺
按部應來止觀光尚遠何披忱憑素鯉染翰托青螺
願得依冬日寒江穩釣簑

輓方退庵先生

西方洹水化東表泰山頽乍失文章伯俄凋公輔才
慙遺悲一老靈像想孑懸在昔嘗陪侍叨恩異衆材
通門稱孔李託乘許鄒枚雪夜呼繙帙花晨助舉杯

頻將詩律授稍得士林推翰墨鄰諸謝衣冠厠八裴
久瞻朝笏滿還見講堂開玉樹階前茁瓊枝苑內栽
家賢同鳳閣繩武是烏臺赤汗皆龍子丹雘豈雉媒
誤騰新息謗難釋冶長猜去國傾都送全家出塞回

驚沙行萬里列曜暗三台馬角天涯斷鷄竿海上來
書乞城旦役移遇極憐災逆旅多水霰鄉閭但草萊

蜀岡聊寄傲胥浦且沿洞客思隋堤柳風光水部梅
驪珠仍的爍鶴羽自毳毳正則庚寅降康成辰巳摧
羣龍紛雨泣四鳥各啣哀小殮存初服生芻徧九垓

鶴靜堂集

卷之十二 五言排律

甫

遊踪疑棄杖改火變新槐有道碑猶待延年詠未栽
椒漿申薄奠酒淚漬雲壘

贈張升衢使君

渤海龍興候營州虎變年羣英開鼎祚上瑞應星躔
張仲周臣貴留侯漢傑先亢宗需將相名世借才賢
大業醇儒顯鴻詞哲匠專觀書分石室作賦擬甘泉
學識通三古聲華動八埏掣來團扇美題就練裙妍
不特文無害真看吏是仙姑山朝在笏軒嶺畫調絃
五馬移江乘雙旌到海壖樹幃容獨異垂幰必須寒

齊郡驚朱博高陵避薛宣飲羊空曉市實懷徧春田
潦至沉蒼壁抱鳴裂綵縵牖民多士誥訓俗孝經篇
馴鹿爲前導生魚只在懸花紅鈴閣裏艸綠訟庭邊
萬戶承恩久單門藉蔭偏任棠樹白水劉勝守寒蟬
並得邀清鑒兼能慰靜便循尊方愷樂壤擊共喧闐
束帶趨蓮府吹笙近綺筵何由當獻壽元老正祈天
送張如九舍人赴任雲南開化郡丞開化爲

本朝新置郡

兄弟居徽省才名噪玉堂揚鑣辭輦路擁傳過江鄉

鶴靜堂集

卷之十二 五言排律

五

借問何遷次爲官古夜郎益州新漢郡南詔舊蠻方
九部收龍種叢神徙竹王天威騰徼外戎索啓洪荒
風俗金爲齒輸供貝作糧嶺禽多翡翠關樹半沉香
蒟醬家盈甕檀緣戶滿筐羣峯連駐蹕一水入瀾滄
淑氣同中土嘉猷詎小康乘槎飛羽翰諭蜀播文章
盛覽生徒衆章臯節制長昆明休戰艦洱海撤邊防
鐵柱祠諸葛祥雲紀武皇山鷄閒自舞墊象不終狂
井絡天垂盡徧增日月光

秋日偕沈雪峯盧文子董蒼水青壁上人集趙

雙白新齋

秋光新霽後連袂過城南露浥開叢桂天空見蔚藍
鴻聲方嘒曉騎影自駢驪上客來丹嶂僑居近碧潭
隔鄰分竹徑深巷結茅庵酒德平生頌書淫盡日耽
旅情看社燕家計賴冰蠶寄傲誰知己醉榮七不堪
龐公耕有耦萊婦德無慙逸韻聞琴操雄心息劍鐔
裁詩追正始入道奉瞿曇參楚橘何如荔江鱸未敵
惠莊文共賞支許業同參楚橘何如荔江鱸未敵
高僧猶再食我輩且微酣錦被微逾富明瓊卜競貧

鶴靜堂集

卷之十二 五言排律

六

奉祝少傅成夫子時方 予告里居

世德中書考家聲政事堂我師河朔胄先業相門昌
漢代推韋氏唐時數贊皇綸扉恒接踵台鼎任回翔
曉露三珠樹春雲五鳳凰燈傳天祿火席暖令公香
持節行南國徵材貢尚方高旂懸大赤上駟選飛黃
得士文將武同朝謝與王密催鈴索語頻借鎖廳光
臺閣均勞久樞衡秉憲常典銓澄似鏡司計凜如霜
道叶師臣幹功開尚父疆豫遊陪帳殿啓沃坐巖廊

雪暎朱衣整風吹綠綬長寵容班劍入恩許御屏張
騎給千牛衛厨供九醞傷乍辭門下省歸憇午橋莊
益切蒼生仰非關綺皓藏層臺臨博望畫舫泛清漳
豈縱藍田獵仍攜少伯裝鶯花虛舞伎水旱補封章
姬召名俱泰松喬齒未央生徒桓傳盛子姓鄧侯良
玉檢祈多福丹顏卜永康引年靈壽渥延訪具茨詳
黃雀環難報青麟脯莫將身違函丈外夢繞幔亭旁
此日瞻淇澳琅玕正鬱蒼

移居後雪峯詒詩見懷次韻奉答

鶴靜堂集

卷之十二

五言排律

七

散帙松窓畔沙村日欲沈素書俄遠至高奇見同心
有客多連騎何人許入林但甘東郭履真悟雍門琴
唯爾空桑老憐予下里音投簪方暇豫策杖屢追尋
子病非逃墨吾才媿吐任蓮花悲漏盡匏葉測波深
况乃河難俟兼之歲已侵雅篇循覽畢聊復效微吟
王敬哉先生詢及鄙咏緘寄因志奉懷得四十

韻

冠代推人傑琅邪最激昂甘盤資聖學彤伯主朝常
講道輕鴻烈籌時勝大匡同文繙亥豕博物辨犢羊

行誼今盧植交遊昔鄭莊仙臺雙鳳闕畫省九芝房
柳色明蒼玉爐烟近紫囊禁廷皆識履賓從悉聞香
一德心咸有三公秩未央授經丞相業分藝子侯良
淮水鍾靈久燕山卜世昌蕊珠俄接武松夢並徵祥
廳事移床宿屏風隔坐張青規參密議赤伏慶重光
有子雲霄上歸休日月旁裁成新菱服表送舊金章
去異扁舟遠思餘駟馬絨藍田寧縱獵絳帳再升堂
參鶴南樓月評花北海觴詩名傳絕域繪事灑虛廊
羽扇開私第鳩筇出尚方不才居下走曩日廁曹郎

鶴靜堂集

卷之十二

五言排律

太

城旦羞編錄汾陰藉薦揚塵踪似梗宜况冷于霜
典郡窮猿窟鄰封毒蜃鄉兵戎予浙米吏士甲焉棠
奉職誠無狀投閒固所當幸非遷合浦猶得返柴桑
隨牒還濡滯躬耕詎慨慷誰憐貧趙壹自歎老馮唐
薛澱烹鱸膾千溪匣劍鏗甲棲安艸澤仰止在宮牆
每聽江楓落遙瞻朔鴈翔十年違御李千載憶遊梁
洛咏聊晨夕吳歛偶頡頏豈知斤斧及猥問櫟樗長
暑賦遲難獻巴音拙漫藏雕蟲工尚淺半豹腹全荒
覆瓿焉能免緘滕且寄將願求清廟什真與播笙簧

贈慕鶴鳴方伯

岳牧咨詢久襲龍寵命新海邦鵬運日江國鳳飛辰
行省星雲燦連疆雨露真名卿膺異數偉望軼羣倫
張兵西州傑王符北地珍湖山鳬作鳥巖郡豹爲茵
使節扶桑外仙槎析木津百蠻銷梗化重譯許來賓
粵尉終朝漢殷頑欲請臣樓船仍不戰斥堠竟無塵
威略平滄海忠誠格紫宸奉常班秩貴方伯簡書頻
舞蹈觀初政恩勤卹憚人汗萊田已沒杼軸戶長貧
納賄猶戍市爲錢信有神聞風思解綬按部似披榛
鶴靜堂集 卷之十二 五言排律 尤

耿使君春日巡行二十韻

簡書崇牧伯華胄本王侯海國菁茅舊天家肺腑優
族將同姓埒才向大邦求貴掄崔盧望勲高絳灌儔

庭堅虞代選于尉漢臣尤峻采成威鳳仁風出爽鳩
含香離栢署剖竹到蘋洲奏績纔三月街恩徧一州
勉從金革禮專爲御屏留鼓蓋還辭寵鈴齋迴抱愁
素冠銀鼠潔還坐綠熊桑白苧存空壘汗萊實下流
田曉恒土滿歲稔歉農收菱舍勞寧惜鋪糜慮必周
寒帷行廣隰屏騎履荒丘經墊懷深畧籌時發遠謀
三江須力役萬頃變平疇何日真疏鑿從今且豫遊
旬巡堪紀盛春省足揚休共美祈年報聊希擊壤謳
贈禾中沈憲吉

鶴靜堂集

卷之十二

五言排律

辛

隱侯真右族麟士亦高蹤派自銅官衍祥于醉里鍾
鳳池懷祖德鴛水建華宗甲第開三戟名園列九松
邀賓嘗置驛會食必鳴鐘子姓承家訓閨門儼國容
聞聲君最早抱道晚尤恭石畔黃銀竈花間綠玉筇
賦成多滌若詩就擬芙蓉白社禪堪悅烏程酒更濃
但知漁艇慣寧計鶴書重風昔頻傾慕何時一過從

挽宋尚水卒于潮州

聞道初移疾緣何遂返真銅符邊郡吏白髮嶺南人
旅宦經千嶂辭家過十春麗譙連屋市香火半龍神

解帶戎旃暇傳餐島舶辰暫時容臥理終久作勞臣
月俸支芻水歸心羨釣緝罷官予幸早招隱賦猶新
威鳳摧丹臆修鯢碎錦鱗計應同軌至情况比閭親
萬里迎飛旆三生悟墜茵論文徒有夢對酒竟無因
少妾爭勞面遺黎痛百身敢忘嵇呂弊慚步范張塵
峴首長留碣桐鄉日薦蘋雲光迷海嶠望遠欲沾巾
賀嚴顯亭都諫晉秩問卿

奕世推名德昌期見偉人禹航爲鳳穴天柱儼龍津
錦帶傳經久緇帷講藝真宗風同馬鄭族望比荀陳
鶴靜堂集 卷之十二 五言排律 主

出應蘿圖瑞才傾玉署宸然藜宮漏晚視艸苑花春
職自蓬山暇謨還圖室親王濛膺選貴傳永樹規新
捧日趨丹地侵星拜紫宸封章民隱切彈奏主威伸
臺閣聯芳軌牙排接後塵施屏榮莫過數策訓常淳
右秩崇卿日清班晉僕臣祈招先入告同命必書紳
頌魯成蕃牧徠西戒遠巡忠猷歸棟石古誼表松筠
台鼎同翔處舟霖啓沃頻暫居門下省行掌國之均
近赴追鋒召深憂道暵民三吳尤待澤一疏共懷仁
賤吏慙分竹衰年只采蓴喁喁占薄賦扶杖讀絲綸

七言排律

賦贈梁太保

熙朝景運垂軒轅上將樞星耀斗躔人傑關中真間
出武功闔外孰爭先敦詩謀帥初膺選討逆專征亟
薦賢共美冠軍年正少身經百戰氣無前豈徒一月
誇三捷行見終朝歷九遷自奉金符清朔陲隨移玉
帳靖南天蜚弧晝射嶠礮石組練秋平滬濱烟晉室
丹陽開幕府漢時橫海將樓船誰知郭默纔竿首又
報盧循已犯邊烏狄趨風奔水怪長鯨鼓浪墮飛鳶

鶴靜堂集 卷之十二 七言排律 三

京江忽斷千尋鎖輦路遙驚七寶鞭疇率偏師投袂
起頓令小醜倒戈旋鳳凰臺下圍方解朱雀橋頭月
再圓露布中宵通豹直軍威萬里震龍編孫吳本是
當齊轡絳灌奚堪作比肩勇爵酬勲推部曲彤弓受
祉錫山川名駒賜出洼池種綺饌頒來內府鮮諸院
金釵皆特餉小侯璽綬更蟬聯酒酣畧袒輕裘坐烽
靜猶攜警枕眠春暖逸場看劍舞花深鈴閣啓瓊筵
雄圖詎侈昆明戰雅奏還廣江漢篇

鶴靜堂集卷之十二 終

鶴靜堂集卷之十三

雪間周茂源宿來氏著

侄

綱方回

綏麟系校

五言絕句

過孟德讀書處

魏王龍潛地書堂遺古丘如何耆舊語勸憶武鄉侯

高園諸景

清夏軒

漱瀼方塘曲晴牕四望開荷香侵廣簾避暑此街五

鶴靜堂集

卷之十三 五言絕句 一

白鷗池

海客本無心臨流狎水禽雲光空蕩漾柳自陰森

菰蘆中

隔蒲蘆花岸輕烟隱釣船滄浪歌一曲黯澹夕陽天

快閣

傑閣低平楚薰風動四垂更宜晴雪望春水落我肩

瞻鶴堂

堂前時衆鶴縹緲聽笙歌對客婆娑舞飛鳴託九臯

菴翠亭

一徑凝虛碧中林白日寒那堪臨薄暮翠袖倚琅玕

題青蓮石

一片藤蘿石青蓮自在身看山真不厭今日是閒人

行惡溪

惡溪殊自可誰換好溪名飛瀑三千丈秋槎天上行

石帆

青嶂石帆開危灘進艇來湍流飛鳥疾瞬息到笙臺

爲王川子題畫

高路渺世慮置身丘壑間雲白芳草綠抱琴人往還

鶴靜堂集

卷之十三 五言絕句 二

聞鴈

霜葉滿江城清宵一鴈鳴天寒同塞北辛苦尚南征

雪後

朔氣彌空林雲黃日將夕山村早閉門平旦見虎跡

又

小樓城北隅客子愁歲晏殘雪點晴峯遙天看落鴈

臥月

明月入屋梁空帷凝曙色殘夢漏聲中故園歸未得

榴花

安石海榴花攜歸博望槎花來猶絕域那得便思家

隔巫巒穉穉于南昌邸中時方候調

故人多白髮嫵媚爾依然屈指燕山別于今十五年

又

傲舍杏花村青衫帶酒痕東湖亭上月彷彿似天門

江上見某帥獵回

戰艦列危磯江邊西日微將軍方薄醉何處射麋歸

泊夾口洲

沽酒不論錢沙村正上鮮帆收江樹裏月出海潮邊

鶴靜堂集

卷之十三 五言絕句

三

回望九華

曉行秋浦客未上九華山尚覺思歸早多慙選勝還

襄陽估

峩峩大艚客遠發自襄陽萬里輕風信童年別故鄉

大霧江行

不辨滄江色舟行白霧中祇看朝旭起記在海門東

送張登子

海內論交久無如張長公十年纔一面挂席又江東

又

聞道茱萸女相攜上畫船前溪初學舞幾費錦行纏

吳六益園中並頭蓮

汝號華華子真開並蒂蓮池中雙屬玉花鳥並堪憐

寄孟子塞

隔代蘭亭社同君日舉觴到今詩律細先數孟襄陽

又

聞爾官山長笙歌列後堂曲終鸚鵡墓啼殺紫鸞蒼

曹顧庵學士寄示詩詞新作

十載湖頭別烟波兩畫船銀魚君暫解獵騎出藍田

鶴靜堂集

卷之十三 五言絕句

四

又

墨妙真雙擅新詩與艷詞旗亭吟絕唱只許最嬌姿

又

祕閣劉中墨遊筇向子平沙堤雖未築贏得避賢名

又

著作鸞臺冠投閒賦更多始知驢背雪定復勝瓊珂

七言絕句

都門送客南還

此度鄉書懶再題別君嗚咽鳳城西最憐細艸青袍

色偏逐春風送馬蹄

盧溝橋口占

歸路三千始問津河橋折柳一沾巾不堪回首慈恩寺強半題名是故人

聽教坊人理舊曲

欽橫金鳳鬢堆鴉供奉西宮老歲華爲問望陵何處所秋風惆悵六萌車

催教詩

七寶妝成下鳳樓麗譙明月散蓮籌鹿車趁曉推輪

鶴靜堂集

卷之十三 七言絕句

五

過夫婿貂蟬紫綺裘

天雄憶歸

白石橫雲隔萬山夢中無路覓刀環此身不作蕭關戍依舊爪期未擬還

贈蜀僧

花發優曇鎖石樓飄然飛錫徧閭浮我肩剩有雙趺在雪印千重凍不流

晚涉漳水

驂驪馬足亂流中落照蒼黃極望同嘹唳一聲天際

鴈因風又過鄴臺東

題綠柳長廊

西風獵獵動車塵不見當時柳色新南去北來三萬里誰畱青眼待歸人

虞姬墓

紅顏絕命楚江濱芳艸依然故國春歌舞不須垓下慘漢宮誰保戚夫人

除夜典獄有感

若虛扉外送殘年金柝沈沈欲暮天等是爲郎淹歲

鶴靜堂集

卷之十三 七言絕句

六

月含香偏近赭衣邊

輓高平子

昨歲流漸出御溝青門爲我拂驂驪如何落鴈人歸後不見當年紫綺裘

又

高情久薄紫羅囊獨向蕭齋禮藥王何意維摩終善病一龕燈影竟無光

又

談經永夜對藜床快辯縱橫雅擅場一自康成遺世

後誰將左氏起膏肓

又

鬼伯相驅廣柳車娟娟玉樹墜黃沙知君祭酒泉臺
下幾輩童烏別絳紗

揚州感懷

揚子橋連古御堤隋樓烟雨到今迷龍舟鳳帽歸何
處駸脚三千鬼夜啼

又

萬騎騰驤此渡兵隔江玉樹尚聞聲相傳國破孤臣

鶴靜堂集

卷之十三 七言絕句

七

灰化碧爲燐總未明

江上春寒

尋芳千里逐江來柳未牽絲杏未開着敝黃貂渾不
厭還如風雪上燕臺

大輪驛望海

大輪山上火雲浮憔悴征夫萬里遊空道家鄉臨海
岸揚帆無路使人愁

秋日走永康道

雲橫南去石樓斜萬樹丹楓映晚霞鴻鴈自來天自

暖停車錯認武陵花

過通州懷季冠月

北望陪京紫塞陰逐臣含笑謝朝簪親耕一頃龍興
地湯沐分田寵自深

又

畫角聲悲日漸低河梁舊路望邊迷桑乾一線通途
海君向東行我向西

又

故里嬉遊勝事多雷塘回棹竹西歌祇今烟月渾無

鶴靜堂集

卷之十三 七言絕句

八

恙獨有高臺鎖翠蛾

又

萬里移家塞外居唯餘囊粟上柴車高懷不道龍沙
苦白帽蓑床日著書

又

異鄉兄弟倍相親十輩投荒有故人起舞瓊瑜羊酪
醉夢同疑坐曲江春

又

戲馬調鷹着短裘鮮卑侍女解箜篌丁年一出盧龍

塞只恐還家半白頭

展少保宋夫子年譜感賦

幕府重開古北平親擒賊將助西征感恩爲雪前王恥獻地還酬十五城

又

解甲來歸識廢興六龍初駕慶雲升白羊峪口軍前淚風雨寒生十二陵

寄性白禪師

鶴沙高處一精藍鄉夢時時到石龕自我雲廊三宿

鶴靜堂集

卷之十三

七言絕句

九

後庭花幾遍發優曇

貞文祠吊古

楓樹林高翠栢長珠沉玉碎此蒼涼相傳鸚鵡猶爭水齊附貞麗滕沈郎

家中以銀魚遠寄

白小纖纖滿一筐枯魚猶可作羹湯三吳土物都堪念何獨秋鱸憶故鄉

書懷

荒山投幼苦無方忽聽微官屬渺茫姓氏陳遵渾夢

幻西隣井稅累東墻

又

夢裏時聞鶴唳長餘生真到陸機鄉昔年移疾今還謫閒冷何妨獨徧嘗

又

刀筆頻年又簿書坐令衰豹日欺予殘編散帙猶連屋歸去堪爲老蠹魚

又

何必書空屢問天無端解組興陶然蒼生於我原無

鶴靜堂集

卷之十三

七言絕句

十

望穩臥東山不計年

贈舅氏

舅家遠在海東涯策杖來游越嶺賒告我過歸無別事故園深憶牡丹花

越女

越女春風易別離征人細馬挾娥眉黃衫短袖新粧束揮手蘼蕪是阿誰

桃花隘

紆迴鳥道鳥綿蠻紫燕黃鸝間白鷗却恨桃花三百

樹東風無復舊時顏

東天月禪師

瓢笠緣何去復來
芙蓉峯謁本師回
仙巖童子迎門拜
爲問曇花開未開

題扇

荒山勞瘁已多年
雅事虛將顧曲傳
此日尊前歌一闋
陽關黯澹最堪憐

偶題

夢神堂西記昔遊
白團扇底遞觥籌
殷勤知爾歸來意
極目吳山送紫騮

鶴靜堂集

卷之十三

七言絕句

十一

送平懷上人

忍艸爭如書帶長
薰爐應遜白檀香
幾回欲向雲頭宿
醉夢猶慙老太常

又

前身恐是龍居士
此日依稀覺又迷
踴倒軍持留半偈
三更明月五更雞

又

廬山面目是耶非
別向雲林叩板扉
行脚天涯真灑

脫不須騎象去如飛

又

七斤衫子任癡頑
觸口天機破鐵關
此去趙州茶已熟
松烟一縷透千山

望月樓哀輓

望月樓前月似霜
碧關花影半蒼茫
侍兒手捧金猊立
五夜猶燒述迭香

又

涼風吹動白珠簾
依舊明河漾曉晴
無那哀笳催錦繡
釵頭紅玉斷雙鸞

鶴靜堂集

卷之十三

七言絕句

十二

作輓章

金黃石從予受經
今過舊讀書處斯人已歿慨
百艸迷離書帶長
談經猶識舊蓀床
可憐一片藤蘿月
偏爲候芭照影堂

題贈冰雪上人掩關

禪房曲處掩松扉
頂上芻尼靜不飛
放倒白椎無語
天花幾片撲人衣

道中遇雨

曉山空翠已沾衣況復林端鎖夕雲
文燭短裘粗自適和烟和雨看鷗飛

聞虎警

相驚猛虎激川陽百里鄰封我舊疆
北渡深懸終不遠乍聞鳥語正馱羊

鷺鷥宿楓樹

鷺鷥低向菰蒲宿瞥見高棲楓樹顛
禽鳥慣能諳水性近來秋潦沒山田

宿葛里

鶴靜堂集

卷之十三 七言絕句

三

亂山深處響寒蟬峽口橫飛雨後泉
莫恨今宵茅店遠東溪一曲有人烟

臥石柱聽雷雨

月輪乍向客床明臥聽驚雷裂石聲
此夜更添千嶂雨亂沙飛瀑斷人行

曉起候霽

南山烟靄北山雲起坐危樓樹色昏
試上最高峯頂望海天何處漏朝暉

望瀑

百道飛泉觸萬松四圍山色隱芙蓉
懸崖直界寒湫落疑是青天挂白龍

東麻赤玉孝廉

東望仙都烟霧深攜筇欲往悵秋霖
何時共訪芙蓉峽坐石聽君一撫琴

戊婦吟

蕭關定有及瓜期底事刀環信獨遲
飛鵲鏡臺塵一寸機中淚漬錦文詩

聞杜鵑

鶴靜堂集

卷之十三 七言絕句

十四

山頭啼鳥杜鵑哀多少行人拚袂回
聽得聲聲歸去好我曾歸去又重來

看欽我題石壁

勁筆銀鈎選石題突星瀨口九盤西
怪君十載頭先白不待凌雲百丈梯

重遊開湖峯

軒皇遺蹟開湖寒三度來遊駐馬看
何地左遷容我拙不妨此處作祠官

早聞鳩啼

奇峯天半白雲低百曲攀蘿步石梯爲愛青山晴日
住朝來又怕聽鳩啼

憶昔遊

永嘉山水謝公詩千載猶留夢艸祠深愧舊遊烽火
夜吟殘紅葉少人知

却金館

却金亭館頗前賢峻嶺雲深此問天西澗水流東到
海隱之酌後足廉泉

四望

鶴靜堂集

卷之十三 七言絕句

五

天高絳樹作秋聲鳥道盤空到石城四望雲山千萬
疊分明人在鏡中行

過桃花隘

去後桃花幾樹多劉郎此日又經過蕭蕭匹馬旗亭
夜猶喜曾無醉尉呵

少微精舍

鯖廬隱現少微山老衲秋空獨掩關竹色溪光塵不
到聽經雞立翠苔間

曉眺石門

正是孤舟欲暮天斜陽返照石門泉農人不解談康
樂歲歲來耕洞口田

至白象望甌中諸山

小時東流白象灣萬重鐵壁此開關嘉陵粉本渾無
辨天繪偏留平遠山

見首愚手輯其弟子任祖商遺藁志悼

玉樹凋殘翳艸萊蛛絲塵網讀青臺子雲老去生徒
散翻爲侯芭治墓來

訪陳光祿舊園爲平昌項端叔寓

鶴靜堂集

卷之十三 七言絕句

六

蓼花紅褪蜃江秋有客閒吟水上樓十二朱闌空倚
遍林鴉亂噪日西流

山下經過女道士庵居

翠帶霞裾玉葉冠香風吹落蕊珠寒分明望見桃千
樹一水盈盈欲渡難

甌中產絀兵事以來不見機杼感慨及之

夜涼斗帳小樓眠聽徹蛩聲思悄然明月自隨更漏
永流黃罷織已多年

訪菊

聽說誰家菊數叢尋秋信步墨池東行人尚識張京兆却訝章臺路不同

偶懷

秋光已向客中過越國霜天耐薄羅欲往南溪猶未得丹楓落盡奈君何

聞隄中名士遺稿多爲宦茲土者貨以自文因

發大噱

著書珍重在名山珠去空將舊櫝還不是文君留禪艸茂陵恐已没人間

鶴靜堂集

卷之十三 七言絕句

七

笙臺感懷

笙臺百里接簫臺子晉當年跨鶴來依舊月明南浦夜水犀千帳角聲哀

過黃文簡舊第

黃公湯沐拜恩優近市終無易室謀試問同城張相國鶴歸幾到寶綸樓

將有溪山之行夜聞大風

一竿方竹挂詩瓢擬上瑤臺聽玉簫夜半忽聞風力緊林塘又怕阻蘭橈

過王右軍蓮塘

南塘十里種荷花逸少風流在永嘉何事當年張處士竹林深避使君車

密印不及住宿猥訂後期走筆奉答

一宿曇雲也未曾再來許認古時燈殷勤竟把衣珠擲立地難通最上乘

從軍樂

軍中閒撥紫檀槽爭購珊瑚飾寶刀幸賴天威全不戰降人齊賜鶴綾袍

鶴靜堂集

卷之十三 七言絕句

太

落霞潭觀魚

蟹庄魚舍足淹留入越偏多淥水洲誰料城隅千頃碧釣車還繞夕陽樓

冬月金園尋梅不得喜見海棠盛開

園梅伐盡惜槎枒稍喜東亭爛彩霞吳苑鶯啼開未遍誰知破臘海棠花

別天目禪師

相逢支許話無生羨爾持齋入化城舊國人尊龍樹法何妨老衲有鄉情

又

一從高座領真詮引却周顒入道堅
茗椀分來功德水東歸洒向火中蓮

灘泊夜雨

月落前山是五更逃亡屋底斷雞鳴
蓬窗欹枕渾無寐臥聽灘聲雜雨聲

雨中曉行

乍聽黃鸝三兩聲移舟又泝白波行
空濛烟霧千林合曉起看山雨勝晴

鶴靜堂集

卷之十三 七言絕句 五

過大牛灘

大牛灘上石陵嶒絕索高攀太古藤
絕壁飛流何所似半同巴峽半嚴陵

元夕見櫻桃花

越溪溪處百花催元夕櫻桃雨後開
莫恨春燈山市少紅英片片月中來

雨中從延平西上

劍浦分流上瀨遲扁舟擊櫂雨如絲
卽今滿路荆花放疑是江南春暮時

劍津晚泊

江程夜宿劍津灘白舫疎簾雨後寒
無數春星懸碧落雙龍獨向斗間看

過羅氏廢園

池館何年客散回舞衣零落委莓苔
灌園剩有龍鍾叟笑指棠梨昨夜開

永安塔院避雨

西望雙橋巨彩虹層巒紫翠鎖珠宮
浮圖白晝搖鈴索山雨來時萬壑風

鶴靜堂集

卷之十三 七言絕句 五

雲半庵訪僧不遇

白雲繡舍倚山椒爲訪湯休渡石橋
棕笠芒鞋何處去壁間空挂舊詩瓢

與御者言

到處看山便詠詩騷人深愛馬行遲
自誇土俗音猶正解聽江南唱竹枝

遇雨

貪坐溪橋看浴鳬四圍天色錦模糊
無端風雨來何驟應是山靈妬野夫

嶺頭垂條紫花

杜鵑聲裏日西斜
倦倚籃輿看雜花
一種柔荑渾不識
紫藤紅蓼未爭差

過吉洋嶺

同遊此日足盤跚
小憩紅亭路渺漫
仰望旛竿飛鳥外
知留堦戍在雲端

亭午坐松石間

撰杖何愁嶺百盤
憑虛信有切雲冠
悠然坐嘯青松下
拂面飛泉白晝寒

鶴靜堂集

卷之十三

七言絕句

圭

問杜鵑

如何蜀帝千年鬼
飛到無諸萬里天
空叫人歸驚客夢
幾曾歸得錦江邊

看月

無端江表客經年
十度關山看月圓
記得離家方却扇
歸時又值鴈來天

吳城候風

鼓棹西昌路向東
霜飛水驛半丹楓
篷窓近指廬山翠
尚阻湖心一夕風

過大孤山

纔數廬峯十二鬟
揚帆已過大孤山
湖烟盡處江楓見
回聽鐘聲落鴈間

彭澤感懷

一歲能逢幾督郵
高城山色枕江流
當時五柳家園近
已是難爲百日留

東望

遠遊長逐塞鴻羣
鄉樹依依日又曛
半世堂前無白髮
空教洒淚望寒雲

鶴靜堂集

卷之十三

七言絕句

圭

江峽晚眺

輕帆落後日初斜
建業諸山一望賒
松栢鍾陵何處是
歸禽幾點帶殘霞

金山書事

鐵鎖千尋屢戰攻
微茫烟鳥幾傳烽
山僧親見孫恩遁
起撞高臺夜半鐘

初歸別業

經年空鎖讀書臺
茶竈無烟石繡苔
管領秋光歸故里
柴桑親載菊花來

見少年學射

新剪花驄白豹
夢彎弓競向射堂遊
玉門已閉朱崖
定何事重封萬戶侯

易學三
卷之十四 七言絕句 三

鶴靜堂集卷之十四

雲間周茂源宿來氏著一 焯

山東省立圖書館藏
振緒呂匡校

七言絕句

過放鶴亭

孤山斜日下荒臺
處士遺墳沒艸萊
剩有殘梅三五樹
幾時重見鶴歸來

陸行抵天竺泛湖而歸

行過禪林下白堤
湖光黯黯日沈西
可憐遊騎當春

鶴靜堂集 卷之十四 七言絕句 一

盡不見垂楊放綠莢

又

趁得輕舸西子湖
舟人頭白醉模糊
搖指點興亡事
恍忽吳宮聽鷓鴣

贈雲幢上人

西郭精廬數貝多
曾于春暮再經過
曬經石上青苔厚
坐聽迦陵鳥自歌

題神山俞氏謫仙酒樓

此地曾經降謫仙
山樓薄醉弄青烟
卽今鶴駕歸何

處几上留題尚宛然

夜宿俞氏樓

擬從招隱堂中宿却就謫仙樓上眠
水北花南隨意住銀魚焚後一無牽

得天石高苑來書却寄

長揜衡門角里東閒看庭樹卽山中
老夫撚斷微髭後強學吟詩有小同

又

秋深白鴈到林塘我在西村舊艸堂
却恨園丁開徑

鶴靜堂集

卷之十四 七言絕句

二

畢萬重雲樹隔求羊

翁子逸伶爲故人居守力屈走當湖
漫傳其奄

逝詩以哀之

纔于春暮見來書慰藉深知食有魚
誰向錦江塘畔過忽傳貧歿病相如

又

守護雙銀舊板屏故人馬角尚依稀
令威遼海渾無恙有客今先化鶴歸

又

蒼茫泛宅在扁舟生既無家歿卽休
試問招魂何處所月明應到弄珠樓

又

一時客子夢東華無數南來廣柳車
高士不同新鬼哭瓦棺葬處產蓮花

甫作哀詞旋聞逸伶無恙再致驚慰

百里音塵迥不同聞君正復醉顏紅
堪悲七尺如窮鳥爲死爲生總夢中

又

鶴靜堂集

卷之十四 七言絕句

三

挽歌應卽變新聲又道留將見我情
歿者復生真不負幾人歿後念平生

又

小築西村夏木稠采蓮歌罷采菱謳
故人若問閒居狀賴有滄狂未白頭

又

短劒宵行事隔年停盃憶爾一潸然
昭侯廟口花如繡何日東歸書畫船

聞蟬

避暑攜家泛畫船渡頭榆柳噪新蟬軍城只自聞笳鼓爭得蟬聲到耳邊

倪思曼約觀蓮不至

拋書水榭日平西良友輕舸極望遠爲道芙蓉開過半來時莫待嘲菱蕩

古榆樹爲大風所拔

老樹虬蟠釣渚深狂風忽起破清陰翻憐不及焦桐尾猶作中郎膝上琴

歌姬桐月嘗以聲伎侍宋中丞旋天卒越一載

鶴靜堂集

卷之十四 七言絕句

四

而中丞下世其母固王謳者哭中丞忌辰于殯所事則末矣感而紀之

燕子樓空鎖夕霏守塋那更少青衣微聞白髮平康妓感舊偏將涕淚揮

懷箕江上侍御茅山入道

白雲樓下別多年知爾華陽去學仙後閣忍拋二婦艷寧容條脫贈羊權

又

身隱茅家舊玉壇旛幢每向月中看綠章不慮天門

遠真覺黃冠勝豸冠

蕭山毛大可來吾里示以瀨上艸

身逐飄蓬且避讐故園荒艸幾經秋潛踪複壁真何用輸爾題詩徧九州

又

自別章門惜解攜扁舟忽過越來溪相逢正是重陽節一夕黃花發滿畦

王茂遠太史夫人高節爲尼敬申讚述

空房深鎖罷雲和白奈花前持印多理得殘絲來繡

鶴靜堂集

卷之十四 七言絕句

五

佛教成鸚鵡念維摩

又

紫闥何如舊六珈夢回香國本無家自從離恨天邊去身作青蓮轉法華

蔣子自南昌別後今聞在越因以寄懷

邂逅西江舊酒樓曉風吹別蓼花洲只今故里長相憶白露丹楓又幾秋

又

訪舊聞君到越城越人爭識杜陵生若耶溪畔蓮歌

發盡作山陽笛裏聲

宋牧仲從黃州寄示將毋樓詩

曩時親掃梁園雪已是西州揜淚年身作宣文門下士起居猶拜絳紗前

又

子侯出佐齊安郡盛事爭傳將毋樓美爾新詩題赤壁何時風便許同遊

與雷克昭

聽爾高談運命篇考功門塾授經年當時便說龍蛇

鶴靜堂集

卷之十四 七言絕句

六

厄回憶童烏更可憐

又

憶在山城早放衙與君同看嶺頭花生憎不是封侯命未了卑官髻已華

又

重到婁江又十霜相逢且莫問行藏誇予案上蓴羹美料許菟裘老是鄉

九日雨窓戲作南梁竹枝詞

比戶殷饒說往年谷量牛馬海爲田可憐舊日朱樓

婦都向秋燈紡木棉

又

博進傾家等近川禁條高揭市樓前那知大有呼盧客亭長朝朝索酒錢

又

沙土村村慣種瓜青門卽在老農家比隣鷺鴨頻來擾不若仍栽吉貝花

又

三女岡前秋雨寒芬陀寺裏桂花殘登高欲去無從

鶴靜堂集

卷之十四 七言絕句

七

去直待林邊紅樹看

會葬宋直方中丞

憶過虹橋二十年軒窓春雨擘花牋于今浦口輕帆落灑淚烟霜石馬前

又

衣冠會葬紫岡南弔鶴塋下碧潭謝傳堂中琴酒客不知若箇是羊曇

又

共君研席共公車筮仕秋官比舍居閒倚白雲樓上

望西山詩思雪消初

又

閩海多材盛采章珠繡五色荔枝香南行一捧相加
節正值文翁坐講堂

又

穎川兵解隴西亡風雅凋殘重慨慷此日蘭臺成大
夢更誰綵筆賦高唐

又

非是鵷頭諫艸遲欲言未有得言時那知甫弄周昌

鶴靜堂集

卷之十四 七言絕句

八

印遺表空令百世思

又

賜出黃腸禮數殊酸風落月噪臺烏可憐丹旄南歸
日攜得枚臯兩歲孤

送董熊九復往平昌

虎踪多處少人行獵網窩弓半輟耕米價年來開口
賤未知稅戶若爲生

又

無才只合守蓬蒿敢說柴桑三徑高好種山田求早

退煩君寄語舊功曹

又

底事終難去惡溪賢愚同困等連雞可憐白首濠梁
客又策枯藤過鼠梯

謂舊同事
田郡丞也

龍潭觀劇次六益韻

乍見江城梅雨收重攜簫鼓泛龍舟妖童歌舞登場
晚楊柳堤邊正打毬

又

畫舫疎簾日欲低飛觥不惜醉如泥那堪喚雨斑鳩

鶴靜堂集

卷之十四 七言絕句

九

婦又向津樓近處啼

又

輕風拂拂颺青旗花影還隨日影移唱到行人腸斷
處子規聲裏竹枝辭

輓同年徐默庵

堂前絳萼四株梅獨到今春不復開惟道行年剛六
十無端鵬鳥忽飛來

又

老年兄弟各歸田十載江城看月圓誰料鍾陵纔返

響吟霓已上泰山巔

又

尚平婚嫁正茫茫一歎難求聚窟香猶勝參軍蠻府
客孤兒白旆守他鄉

時同里李壺
山客賦嶺表

送王后張適嶺南

五年霜雪薊門城又作炎荒萬里行可嘆終童青髯
改無人解識棄繻生

又

過嶺蕉花刺眼紅鷓鴣聲在亂山中瘴烟應到秋來

鶴靜堂集

卷之十四 七言絕句

十

薄羅袂涼生馬上風

曉發千山詣細林訪勿庵口占

隨意蒲帆趁曉風溪行夾岸立丹楓推篷一望神龍
館知爾高眠紫氣中

懷曹鍊師訪道武當

嶠嶺岩巖楚塞孤羽人冠劍近清都歸時定作驂鸞
客不辦吳船下五湖

過圓智寺有感

內史山莊屬梵王喬松羅立講壇傍如何鍊幹都芟

盡來問閣黎半影堂

雪甚山村皆閉戶

積雪渾如薊北行江天歲晚更嘒噪休糧盡作袁安
臥惟聽林鳥剝啄聲

父山夫來松久居蕭寺今有都門之行

送君垂老上金臺絕學能空郡國才昭代右文應過
漢伏生親自載書來

又

阿耨池中數尺冰來從立雪訪高僧如何又向東華

鶴靜堂集

卷之十四 七言絕句

十一

去曉看朝回轆路燈

又

別已無家劇可憐茫茫湖海孝廉船聞須結友同行
役羊左交情若箇邊

題戚价人小像

莫向尊前喚奈何才人宦轍本蹉跎笑他槐棘官階
貴未到君年髯已皤

又

君從望縣領西秦陶令由來善乞身我亦十年長罷

郡江千海曲兩閒人

半塘卽事

立平堤看落花眞娘墓上日初斜
闌珊春事應須惜且住輕帆問酒家

吳門送錢武子江行

片帆千里上潯陽詩卷新攜青錦囊
岐路送君無長物茶藤花下酒盈觴

贈殷冠也

里社枌榆三百年亂餘親串幾安全
美君每到松醪熟醉舞茅堂月影圓

鶴靜堂集

卷之十四 七言絕句

三

熟醉舞茅堂月影圓

聞錢武子自安慶回

西風蕭颭射蛟臺知爾晴江放棹回
猶記半塘青幔下垂楊曾綰別愁來

吳門曉發詣梁溪東風甚利

望齊門外月微明臥聽蘇臺夜漏聲
霜日那知風却便檣烏早報片帆輕

登慧山新構雲起樓

丹樓高壓水亭巔玉砌雕闌瞰錦泉
我意且教絲管

靜無妨獨對白雲眠

青溪舟次

曉日曛曛漾白沙寒汀宿鷺起霜葭
篷牕手炙琉璃研揭得來禽又韭花

壬子春日過紫霞宮憶四十年前先子率予授

經於此予方舞象不三載而作孤童今從遊者
皆爲古人卽舊時羽客無一存者徘徊久之不

覺泣數行下其爲悲感又何止元都觀裏桃也

四十年前禮玉京先人曾此坐吹笙重來不住沾襟

鶴靜堂集

卷之十四 七言絕句

三

淚白盡孤兒髮幾莖

又

同學鵬流不可攀只餘都講在人間
何堪細數黃冠客未見重騎鶴背還

送王季友

春風送汝上皇州萬里無塵控紫駟
知有彩箋朱袖拂曲江倚醉寫銀鈎

送徐安士

累世雲霞友誼眞江亭送爾麴塵新
同舟况有張憑

在捉塵清言兩晉人

贈舊宮監

咸陽宮闕未成塵，便作山頭采藥人。
小劫過來還度世，秦時毛女是前身。

又

橫海軍中曲宴頻，慣穿宮樣錦麒麟。
自誇內苑馳金埒，手射天鵝奉紫宸。

又

重騎匹馬向皇都，到處應逢舊酒壚。
頭白漫談大寶

鶴靜堂集

卷之十四 七言絕句

十四

事恐揮老淚濕藤蘿

詩餘

念奴嬌

乾一小赤壁山樓落成次東坡韻

閒情一片看羣山，在望往來雲物噴。
作十峯誰是主，小小赭圻丹壁，彷彿當年吾家公瑾。
破魏將讐雪機雲，兄弟可能方此人傑。
午向婉變峯邊樓臺重起，幾度笙歌發秉燭。
夜深人不寐，莫問玉繩明滅。我昨來遊山靈笑我禿盡綸巾髮也，應勝舊長聽鶴鳴秋

月

鷓鴣天

夏雨生寒

夜雨空堦滴到明，香篝撥火熨桃笙。
殘鸞喚起無聊賴，曉鏡看來太瘦生。
人似鴈，屋如萍，江城水漲白鷺鳴。
衝泥細馬猩紅鬬五月，披裘半老兵。

臨江仙

雨中懷沈雪峯

當日夜遊涇上好，陸家子弟笙簫于今冷落舊僧寮。

鶴靜堂集

卷之十四 詩餘

十五

鳥窠烏柏樹，蠅篆赤欄橋。
料得休文腰倍減，香臺苦雨無聊一甌茗粥當。
松醪新蒲窓外綠，讀罷楚臣騷。

騷

曉戀花

美人蕉

翠袖翩躚釵鳳巧，火齊珊瑚補髻朱絲繞。
尋芳女伴同昏曉，素馨花嫩蘭英小。
暑殿銀屏人不到，荔子輕紅共索君王笑。
別有丹心幽怨少，何須印臂靈砂

搗

踏莎行

懸碎

竹徑風高桐陰月小銀塘露重芙蓉老問伊底事恨
綿綿到處悲啼啼不了 滴漏將殘敲砧漸杳夜涼
催起荒鷄早單衾如水夢難成聲聲聽徹空閨曉

青玉案

東張研銘

一天梅子黃時雨縱亭午昏如暮絳萼依然惜石醋
水平花榭幾番畦部似爲公私訴 張翥正好牽舟
鶴靜堂集 卷之十四 詩餘 六

任酒債多來少家具銀鹿泥中愁不遇新詞填就欲
翻佳句定覓紅紅去

浪淘沙

贈嘯城沈又文

龍似粉侯同拭汗微紅羊車徐引錦爲幪行到藕花
亭下住十里香風 彩筆更凌空無限詩筒雲山點
入畫圖中賦就閒情何處寄宋玉墻東

木蘭花

弘覺國師到崑峯小剎不得往代東致上首

旅庵

盼來文佛禱幢近一月持齋嚴酒禁那知叅禮獨緣
慳正值維摩方善病 泗洲塢下多檀信只少團樂
龐老蘊上堂豎拂有何言請將轉語從君問

醉花陰

端午後印周設宴龍潭客爲宋荔裳觀察

爭投潭底菱蘆攪補作三閤俸佳節過端陽再棹龍
舟爲宴高唐宋 蕤賓躍起梅花弄看驪珠飛動紅
袖隔津樓風卷蝦鬚細把水香送

鶴靜堂集

卷之十四 詩餘

七

蕩山溪

憶山園

空辜俊賞幾遍停蘭漿歐冶古祠邊磨劍水平添十
丈雨酣烟悶何日載琴尊尋山去到園林坐聽松風
響 西塘奔雷險似瞿塘象一瓣采蓮舟應難到荷
花深漾園丁須記休放鶴巢傾還看取半床書半閉
蘿軒幌

滿江紅

輓單狷庵

白燕樓中甘學做廿年嬌獨還應似歸來袁叟倒騎
黃犢一卷離騷南浦怨數行老淚西臺哭伴陶家樵
悴義熙人松和菊莫須有囊三木寬方解生旋寔
歎襄陽耆舊又登鬼錄琴幌空時鸚鵡病書囊散後
莓苔綠記王孫裸葬有遺言真埋玉

寄懷李寶弓先生

留珮亭邊曾飽噉荔支三百忽彈指廿年風露顛毛
漸白射石難封猿臂守歸田久作漁簑客念先生松
老讀書臺龍鱗積瀛洲近神僊客棲真處紅塵隔
鶴靜堂集 卷之十四 詩餘 七
學賣卜君平垂簾講易遊屐不離丹嶼外奉歡只在
高堂側問幾時雀舫過婁江棠陰碧

如夢令

贈武邵公

本是將家門第學得仙家遊戲千里負青囊醉取榴
皮作字非僞非僞一枕邯鄲堪記

唐多令

雨後張研銘齋會田髯淵泛泖初至

雨洗鶴田沙荒城報產蛙水西村渺若天涯怪爾衝

烟飛舴艋收帆處笏溪斜坐客悄無譚清談思曼
家檢牙籤膜色棲鴉侑我龍團過七椀疎籬外海榴
花

滿庭芳

止酒

說甚牙緋饒他鐘鼎糟丘足了浮生柳亭梅榭且對
景山鑪浪頂酒衙大戶便同那冒濫公卿元戎府參
軍戲弄無處覓冠纓有時蓮社去東林米汁專待
淵明出門隨畚鍤刻畫劉伶今日吾衰甚也醉鄉裏
鶴靜堂集 卷之十四 詩餘 九
剩騎殘兵從今後早求醒鮓隱几聽彈箏
浣溪沙

懷宋尚水潮州

燕窺凝香賦倍工鳳山樓外海雲紅吟鞭搖斷駐青
驄渡口枕榔沈夜雨花邊翡翠怯春風知君鄉夢
到江東

風入松

竹夫人

湘烟楚水一仙姝休喚做青奴細窺玉體橫陳處銀

燈背低下流蘇一曲玲瓏臂劍微涼妥貼胸酥 鴛
鴦枕畔夢蓮蓮月印紗幮侍兒早撒金猊去猶驚
索潤肺瓊魚只恐伴將梳扇西風別怨蕭疎

長相思

農山南邨別墅

輞川莊午橋莊昔日留侯過此鄉赤松祠宇涼 菊
叢香桂叢香池上閒吟繞回廊看浴紫鴛鴦

又

似陳家似荀家不把烏衣門第誇三珠樹上花 謝

鵲靜堂集 卷之十四 詩餘

手

高牙謝鳴笳堊寺尋僧初焙茶題詩護碧紗

送盧子敏歸閩

鱸魚鄉荔枝鄉相隔天涯萬里長梨關半路裝 鴈
來忙燕歸忙獨客回橈出鵝塘八米舊盧郎

天仙子

楊用修修撰戍滇

驚看墨妙淵雲筆人地科名皆第一相公之子戍窮
邊用漢律用明律灰冷昆池風瑟瑟 頭戴滇花歌
復泣夢裏錦官啼杜鵑崖州蘇與白忠州才相及品

相及運了生還環召日

憶王孫

過董榕庵別院時方失子

郎從桃葉泛輕舸小院花陰叫伯勞眉嫵慵將珠淚
描損蘭若那有心情理玉簫

西江月

從顧見山索蘭未至

我有灌園日課朝朝細診蘭芽怪他青女沒攔遮變
作僵蠶病馬 一帖羞同乞米知君蕙畹如麻江津

鵲靜堂集 卷之十四 詩餘

手

盼殺贛州花天際錦帆將下

鷓鴣天

諸軋一雲陽訪道歸細林

君去華陽第幾峯茅家兄弟可相逢颺輪降爲楊司
命寶籙傳因許侍中 暮未散竈猶封故山歸揖老
彭翁請看衣袂多雲氣竹枝陂前已化龍

念奴嬌

橄欖

荔鄉蔗境如何重產那違時客苦口不愁人齒冷諫

議大夫之織鐵石身軀凜然難犯袍帶青蔥色橘官
安敢同席 誰道僉父粗豪耽羨羊酪此物噉荒僻
只見權梨爲近倖別有赤心者碩聞爾年來也非敢
諫變了清剛質莫怪人言福建子徒克斥

水調歌頭

咏燕

取食芹泥坂攜家玉疊臺海外烏衣別種鳥語最難
猜恐是秦時男女仙去還留覓鳬歲入故鄉來還客
原無今苦被塞鴻催 最多情尋舊事轉堪哀昔日

鶴靜堂集

卷之十四

詩餘

圭

雕梁王謝一旦變荒苔珍重玉筐綵線好望珠宮銀
闕歸去到蓬萊語汝越裳氏貢雉莫徘徊

滿路花

宋荔裳觀察出示隗囂杯

洮川落暮霞隴坂連荒艸隗囂宮外路空啼鳥西京
玉珮久已消磨了機尊何處考霸國青藜偏存兩甌
奇寶 柴哥官定後代多爭巧摩挲看舊款誰燒造
廣平當日曾走涼州道滿貯葡萄好萬里歸來帶他
酒泉遺老

八聲甘州

候楷庵大師超果方丈步東坡送參寥子韻
嘆士衡白哈被收來爭似季鷹歸問具區東畔華亭
谷口釣艇殘暉細數微名蠲角深悔少年非午楊槐
安夢點破禪機 身入遠公蓮社看松枝拂處玉屑
霏霏喜詩人相對車馬客來稀惟今朝聲沈清磬只
隔城烟雨暫相違大晴未寫經窓下幾寸苔衣

摸魚兒

寄呈舊郡守陳蓮石先生

鶴靜堂集

卷之十四

詩餘

圭

憶當年君侯材畧典郡談經講武嘗容飲盡三升酒
獨對蓮花幕府鳴疊鼓便指點書生艸檄平江滸事
成往古及我過榕城角巾私第留聽松間雨 慚無
狀潦倒荒山銅虎難學先生治譜抽簪竊比張家翰
歸作鶴灘漁父更萬里仁風一扇來南浦庚桑吾土
料隔代循良三公妙選卓茂最先補

西江月

藕

一曲佳人皓腕鏤冰團雪無差看修水殿種蓮花早

識如船非假 止渴何須鳳餅招涼乍卷龍紗昆刀
切玉正還斜恐有絲兒牽惹

剔銀燈

畜狸不捕鼠戲爲責之

如爾全無威勢覺祀典迎貓當廢勇遜怒蛙功輸田
犬號做鼠俚非戲有何佳致卑學得小鬟春睡 我
豈永州僑寄故縱老饕作祟夜夜承塵喧如腰鼓竟
不與師問罪前生骨醉見仇讐依然短氣

菩薩蠻

鶴靜堂集

卷之十四 詩餘

五

初霽出城看賽會

花冠催起天方曙今朝穩逐香車去遮莫卷簾櫳雲
開閣外峯 金丸如火色亂撒城南陌何處六銖衣
高樓半揜扉

虞美人

薝蔔花

此花種自旃檀海翠葉承珠蕾開時六出不曾寒幾
點鉏山晴雪曉來看 蕃釐觀裏瓊花好共道人間
少爭如優鉢許同參親見迦文微笑近香龕

臨江仙

秋海棠

管領綺窓春色久却來又伴秋娘絳跗朱萼翠雲裳
夜深羅襪侵惹玉堦涼 知爾難消長信恨月明冷
落銀床嬌紅只怕點微霜朔風退老石尉舊專房

後庭花

懷劉硤石左遷粵東提舉

紅蕉花下猩猩語瘴天烟雨珠官還作閒官補舊經
持斧 白雲樓對西山塢吟成月午君今南海予南

鶴靜堂集

卷之十四 詩餘

五

浦愁懷難數

鶴靜堂集卷之十四 終

鶴靜堂集卷之十五

雲間周茂源宿來氏著

弟 茂齡王引
金然廣庵校

序

代贈杜少參遷霸州道副憲序

今皇上神明御極銳意太平凡四方吏治民隱靡不咨諏備晰朝吁夕俞思得弘才異能以往甸之于十二年頒朔之旦顧視卿貳臺省暨乎六曹諸臣擇其尤者優數策遣一時豹瞻熊軾光耀疆寓予從寮采

鶴靜堂集

卷之十五 序

一

杜少一

後見杜公被 願書撫甌括廣轄一十五縣而建牙則專在括蒼萬山險僻甚爲公念此行括之民不官而居不帛而衣其爲士者圭竇甕牖飽一缶粟命以征繕則實應且憎或連臂而噪長吏之庭稅無所出直歲大稔多捐竿爲兵裂裳爲幟以亢顏行往來箐篁叢菁間勢捷如猿猱又多田禽苛細之爭金矢乾腊訛訟不止丁聲教則弁鄙于文罔則扞格蓋險而難治之國也次子某筮仕麗水予嘗一至其地監牧而下倅尉而上並皆心識其爲人非人實倫或亦治

之者未盡其道歟公至則小大于邁稽首曰杜母來

矣甫下車即監督東甌兵事申之冬酉之春海艘雲

擾大帥黃纛親統七校之師犀屬無數顧咸服公威

畧聽鉦膺而動賊不敢登吹臺而館射堂則公之爲

也公好以整暇救輯荒餘瑞安泰順青田壤相錯多

伏莽自奮武行謫之後悍者羈勒饑者鋪糜化反側

數十萬爲我赤子功德寧有量哉直指使者亦齊魯

之望素器重公甌括細且偏不按部者凡數載稂莠

不剪豺狼晝噪殪之七而縱之三仁與義兼施不悖

鶴靜堂集

卷之十五 序

二

杜少二

所以扶助太和者深矣會兩浙例當貢舉近者取士之令倍加絃直指監臨之任倚公共事用光大典公欣然期撤棘之日當復泛聖湖登泰望迤邐桐君之廬濯纓嚴子之瀨然後觴玄暢而禮朝真可不負斯行也無何妖蜮爲災墮赤城漂委羽少微木合之間震隣是警公以六晝夜馳千里而固吾圉然謀者自仙居來知賊渠帥亦憚公無敢越蒼嶺寸步而公已不動聲色九泥可封矣山固有魏羅諸大寇公檄郡邑守將將盡殲其族先是有屏楓獨山大山下坑石

倉數捷是歲九月羅寇復收餘燼圖訂亂公已預爲
塹山堙谷計斷其飛走當修樓櫓嚴斥堠之際顧屢
以擒渠訊馘聞雖江漢常武之烈何以踰此予過司
馬門見宣示露布得公平南吉問適漁陽之命下
一月矣詢驛騎知邦人方群卧轍下勉畱公公亦不
忍遽去日饗軍公譙偕其文武將吏投壺賦詩間作
爲歌依古幽風諸什使者老頌之以迺其子孫邵其
農畝甌括之人萬世怙冒公可也公來咫尺京輦
天子念風采風譽旦暮且柄用諒不以一切吏治久
鶴靜堂集 卷之十五 序 三 杜少三

淹予不佞忝世好倘猶未返龍眠舊山尚當佇望車
幡斟卮酒以相賀

韓智度詩序

韓子智度偕其昆叔夜建旗鼓於中原者二十餘年
矣有明末造奉母夫人僑居白下維時八龍祗存其
二亡何兩賢又北轡南轅幾於諸葛兄弟各事一方
之嘆追智度立功海外使趙佗築臺朝漢專閫者咸
醺酒相賀名業爛然而曼容易祿元亮思歸謂不如
更讀十年書之爲樂也所著白松樓稿篇什甚富非
奚囊可攜茲以越吟見示固憇叔夜東嘉署中作者
爲多予守括蒼五載矛漸盾炊久焚筆硯客歲叔夜
鶴靜堂集 卷之十五 序 四

之官過予語便如粵人之遇陸賈喜同空谷足音顧
以不得見智度爲恨近者有事于甌偶同叔夜宿江
心寺慨然覽古談至漏盡輒又念智度方居乃兄帷
幕間猶恨未得聯袂接席卜其火攻勝負也越數日
智度來予則將謝事去言及儉德避難實有同心倘
獲遂我志千里命駕任我所如當徑造阮家寨取所
爲白松樓稿卒業焉吉光片羽以少窺多是編殆爲
之權輿矣

代贈梁太保序

太保梁公勲伐著天壤而其衽席江以南者尤至深且久前此提兵援石頭城如條侯之師從天而下長鯨喙遁功在社稷舉神州赤縣之衆謳頌弗衰予近者承乏中樞稔悉公牙璋捷應布算嚴密振神武壯國威事難更僕數頃 朝廷遣親近巨自七閩兩浙以及吳會之交凡海隅要害軍實繕修覆加綜覈務一一區處得當以紓 聖天子南顧之憂吾公簡稽日虔隱若敵國由秦望以北迤邐至瑯琊臺表裏形

鶴靜堂集

卷之十五 序

五

梁太一

勢聚米成圖每條奏輒報可是役也六月長驅不撓扇不張蓋炎氛鹵濕之地廉問疾苦率先長吏噢咻而安全之計浹歲以來芟舍者再出必賑貧乏廩無告灑沉澹災以饑溺爲已任若雲間實開幕府三面負海爲疆捍海塘屢爲秋濤所嚙民苦舂鉏無已時公親往相視捐貲庀工不費水衡一錢而金堤蜿蜒告成旬朔因陳臬以示吾後之人俾弗愆于素松民得承永免其魚者秋毫皆明賜也夫以重兵所聚長得軍市無擾農收以時斯已奇矣公椎牛饗士外日

鶴靜堂集

卷之十五 序

六

梁太一

沛膏澤以蘇海邦宜此邦之人仰望旌麾不啻豐年之王儉歲之穀哉彼盧循徐道覆之徒被創而去遁居煙島中不復聞舳艫譁鉦之警已一星終矣民間生嬰兒漸堪任耕戰可益勝兵數萬盪妖祲召泰和用保乂王家克昌厥後壽民壽國翳惟封疆是賴古者方伯連帥入爲卿士而疇庸分爵功高者錫之山川土田公獨深執退讓于異數猷然如不敢居蓋讀易而爲勞謙不爲鳴豫膺受多福身名俱泰學問誠不可及也公諸子多賢倣邵高密授經分藝長公侍從京師名出衆子侯右天之所以祚吾公者十世百世無窮公亦必將秀眉皓背以佐吾 皇上億萬年無疆之休今歲仲春之望爲生申初度之辰公齒實方及艾雲間士大夫屬予一言以侑康爵予里社枌榆共邀嘉蔭其敢以不文辭竊上下古今欲擬似公而難其匹荀美年未三十督方州領旄鉞公拜非常之秩橫玉而佩銀黃者亦有年其 帝眷之隆委任之重則苟有所不及趙克國八十餘安車入朝與參大議公他日圖書麒麟充國無專美而早貴似又過

之且聞公身在戎旃讀書常至丙夜然杜預射不穿
札景宗畧能綴詞以公勇畧如彼及援筆謀篇得龍
繡虎文采又如此洵可稱天才兼瞻命世偉人矣公
所爲詩多詠歌太平之盛茲者乘景風樂壽愷賓僚
公讌之際倘有以青雲干呂之祥來報者鯉海效順
重譯來朝藉手爲 當宁慶諸大夫詠烝民予亦惟
誦崧高之章以祝純嘏云

鶴靜堂集

卷之十五 序

七

梁奎

代梁太保壯猷錄序

嘗讀小雅江漢之詩美召虎旬宣之伐頒鉅鬯而錫
土田至隆且厚虎拜稽首則曰天子萬年天子萬壽
瞿然歸美于上而功高不有然歷觀古大臣爲國柱
礎凡邦人之荷其賜者必以龍光燕譽歌咏之勿謬
誠足當元老壯猷之實即天壽平格之瑞蚤歸之不
待番番黃髮時也吾 國家金甌鞏定六服同風天
威暢于無外祗是東南采阻滄瀛蕩潏其葉牙諸島
間者猶眈爲疥癬不足煩師武臣力又 世祖章皇

鶴靜堂集

卷之十五 序

人

梁奎

帝洪仁大度特寬蠲臣之就鉞冀其子若孫不終爲
後夫之凶也若已亥六月之變餘艘見奪譚鉅而前
轅金焦摧鐵環雲擾鼎沸于新亭大鯨之交 先皇
帝始赫然震怒將親統七萃之士下令南征亦旣展
軫以待屢及于門劍及于室皇矣賴今太保關內梁
公以平賊露布飛騎達甘泉官乃稍釋南顧憂亟下
廷議盪寇益急予不佞時則備官而未始與聞司馬
法竊顏面發赤恨不得請三尺組繫頸致闕下顧得
與朝士舉酒相賀調閩外尚有人蓋崇明爲江浙海

道門戶 當宁特設一重鎮界之梁公若曰此其居
偏校之日大小七十餘戰以久安吾三晉河山者也
取辦邊者辦海江上之捷 廟算已燭照而預期之
第度公此時去雲中之戰十有餘載已尊顯為封疆
重臣凡將帥自擁旄以上類多材官義從更番格鬪
勝則主將居首功况公遠來聲援決策主戰登鋒履
危身先士卒遂舉十萬賊黨聚而殲諸為邦國建再
造勲自非忠誠格天地勇略不世出安能左拒右衝
首尾互應行千里若追風舉足所至動有神助也哉

鶴靜堂集 卷之十五 序 九 三

會今天子紹承鴻休篤念勛舊降璽書賜金石褒美
公者事難枚數雖一切羈縻縱舍講求招致之術而
春秋耀吾軍士公不以敵人退居海外國少懈爾鐔
于丁寧也予近濫竽中樞私意數百年來武功莫如
戚少保談者亦何必遠詫韓白倘今有如戚帥之方
畧可南可北而確乎可筆之于書以兵法授後人者
予雖為之執鞭所欣慕焉戚之功先東南而後西北
公之績先西北而後東南是皆不擇人而用不以地
勢為短長者也聞公幕府清暇輒口敘其生平戰功

始末訓厲將吏而其賓僚每善為朱鸞鏢歌之曲以
紀其盛且相率以純嘏天錫為頌詞予家江左藉公
綏靖之德威久矣間嘗邂逅吳閩見公儀觀有天人
之表方願詢其戰勝攻取之明效合于玉鈐豹韜諸
秘者將受而繪圖焉以公功在社稷勞而能謙推其
讓善于君之意則夫翼贊 至尊布昭聖武于是焉
在豈徒取疆場汗馬之役告之天下後世為廼果毅
卜師貢云爾乎諸大夫粉榆志慶有同心因重遠其
請而為之序

鶴靜堂集

卷之十五 序

三

贈尤特之序

上天篤生人傑爲蒼生戡禍亂定太平則必起在公卿將相之位以究其豐功懋德而後澤被萬縣弗祿萃於厥身營諸應龍之行兩日月星辰之光燭四方居高而御故所及者遠也抑聞之德盛者功不必自已成道勝者德不必自己出且如張子房佐漢高殲嬴項就帝業終遂其五世相韓之初心旣乃棄微侯之貴如蟬蛻可謂功高不有盛滿勿居誠不世之偉人矣顧當時又有如圯上老人黃石公者流才足以爲帝師王佐而不欲以鋒穎自試往往擇人而授其玉鈐諸秘書料敵置陣用兵如神能已見於天下而獨身屏處逍遙塵壚之外太常之名不屑紀五等之爵弗能縻此豈非古之至德可尚太上無功者哉吾友尤特之負倣儔非常之才屈伸變化無所不可要其學深于周易之知退老氏之守雌少年嘗爲錄曹從事舉能其官非所好也後薄遊秣陵會畱臺諸卿倉猝迎立咸推公諳掌故且忠讜善籌畫假使政府能急人不次擢在樞要公之所以效扶屯濟困之畧

鶴靜堂集

卷之十五 序

十一

九一

寧有量耶不得已用其所未足強起爲知己出從容

帷幕於以寬兵革而揀湯火其一試于欽州也所至則爲今固山榆林張大將軍欵方亢顏行疑大師所臨必無噍類迄今大將軍不殺之仁人德將軍即靡不知尤先生實活吾曹者迨將軍仲兄桂吾公爲江南大帥駐節吾郡吾郡與欵同時下因開疆之始主兵者多所焚掠率反側不安公助桂吾公慎于簡稽毋或如昔之淫于芻蕘以擾吾百姓百姓遮道畱桂吾公不得願畱尤先生以嘉惠吾邦故今太保某公相繼統理江南兵事于先生獨加器重先生則謝曰某耄老不任戎行不能守一亭障以股肱拳勇効命于六纛之前某幸長爲海壖耕鑿之民不逢不若靡有災害即受天之賜多矣且夕勗長公以忠于所事勿上首功爭驟貴故長公之獲于主帥信于寮友唯庭訓之日聞又多集名士購異書以教其幼子及諸孫而身復皤皤一叟鹿裘竹杖婆娑乎琴瑟圖史之間其殆忘憂忘老眉壽未有艾也昔陶九成從天台僑居吾郡之亭林名德風雅照耀奕代公家世台州

鶴靜堂集

卷之十五 序

十二

九二

臨海今卜居亦在春申浦之南去亭林不及一舍使
後世謂台人士之隱于松者有兩南村氏斯不亦史
籍之美談也哉

鶴靜堂集

卷之一 五 序

七

七

代贈王將軍序

國家奄有函夏尉侯所至罔敢弗廷江以南延袤千
有餘里負海而居以波臣之不逞勤我師于用是立
幕府于茸城滬壘之交取其三面距海且襟江帶湖
所以建威銷萌稱扼要也維吾藍田王公實副太保
梁公疆理東南公家世居統萬直塞垣少時錦裘朱
鬣射獵賀蘭山下人即以龍城飛將目之已而以本
州人傑樹績三秦爲 聖天子紓西顧憂百二增雄
抑何壯也當宁倚毘良切謂重兵宿海上顧安得一

鶴靜堂集

卷之十五 序

七

中護軍克儲元帥之望者往贊厥事公之載旗旄而
東也推轂者廷議僉同至則爲梁公心膂重寄每有
所決策不必畫灰去梯而自有洞識風雲變旋龍豹
之畧推此志也以徃杜預不須穿札韋叡可御板輿
况乃奪馬稍舞雙戟平日敢勇爲士卒先率所向無
敵又盡章章如彼哉不佞辱粉榆之庇帖安衽席愈
不能不愾嘆疇昔之役矣吾郡創而後服多所囂訛
又挑險好事之徒投身戟門日夜訶刺于是閭左蓄
一簪者不獲自保甚而毒痛衿佩癢疔冠纓三吳之

人殆重足而立視今日之鈴柝無驚踴躍在野投壺
在堂都人士陶陶然共享太平之樂伊誰之賜也維
太保肆克靖之維吾王公實左右翼宣之律士以嚴
勿素練而佚禦敵以愆勿長勝而驕集參僚以輯睦
勿材智而上人易曰勞謙君子公其有焉書曰熊羆
之佐不二心之臣公其有焉猶記暮春之月講武西
郊予方俶裝就道幸從賓佐之後縱觀軍容蘭鐙之
盛步伐之整所未嘗有衆皆拜手頌揚太保太保則
遜美王公以爲非公之殫心詰戎不至此何異河東
鶴靜堂集

卷之十五 序

五

三

贈高州太守介庵序

貴州介庵周子予同門生也系本同姓直以兄弟稱
賤齒先二齡僭居長介庵能奪何休啖助之席其舉
子業恢奇澹遠一出而妃青儷白之輩拜下風高密
陽城兩夫子得介庵不減歐陽子之得子瞻蓋人文
風氣于此一大變也是年粵東西初入版圖 廷議
選南宮新雋之士高材者往治之介庵甫釋褐佩命
守高州實異數云當其厲金浴鐵水碧陸駭之時蜚
戶僚人羈縻未靖其土著遺氓率鵲居叢箐中筑弱
鶴靜堂集

卷之十五 序

五

一

節度之脫佩劍加敬李光顏也他日公與太保並邀
彤弓之賞懋五等之爵卽嫫姚之嗣武大將軍何多
讓之有予退食邸第適同郡諸子以公覽揆索一言
侑觴公之徽燾未易更僕數予亦唯登黃金臺對犬
斗以遙酌誌我頌禱之私云爾

哉介庵又善自廣謂同門三十二人于今在朝在野
存者止十二三人耳我兩人嗇于宦達未必不豐于
年壽何用擊唾壺推車壁爲小丈夫所爲也予服介
庵之樂天知命殆不可及茲九月當五十初度介庵
本忘年而身方在客請以吾徒之一觴一咏雜進于
前爲式歌且舞可乎夫詩以言志古大夫燕勞贈答
恒祝以壽豈慶以萬年義無取乎華鬢曼麗之音諒
所不我禁也

鶴靜堂集

卷之十五 序

七

高

贈王帥回鎮序

自賊人安于鱗介游寬島嶼間並海州郡歲數告警
東南用兵十有餘年已亥夏踰金焦犯石城賴今提
督江南兵馬太保梁公出奇制勝誅道覆而走孫思
功在社稷維時隸麾下者靡不迪果用命吾藍田王
公實都護諸將三軍之士聽鉦鼓而動厥勲懋焉當
日世祖章皇帝欲親統七校以張撻伐吉問至乃
不果行益思所以嚴斥埃絕野掠遷海墻之民于內
地寇無所得食迄今反正來歸者閩粵浙東西暨吾

鶴靜堂集

卷之十五 序

七

王

江南籍其人不下數十萬彼逆渠雖狡乎直孤雛之
在巢旦暮可就縛也然前此大臣行邊尺寸而抵其
鬻草于原表于陸可謂繁且密矣我松江雖三面距
海皆淺沙壅閼巨舶不能近公佐太保梁公呼文武
僚屬以地勢爲請松民獨得無遷濱海鹽場轉運如
故而又以代浙東一路廢竈之委輸且鉅萬計安疆
而兼富國公之功詎在管敬仲下哉朝廷遣安輯
之使駐節蛟門即閱視江浙邊界松之郡大夫以下
咸夙駕從事公所轄廣起自西吳之乍浦延袤千五

百里達海州望邳邳臺而後止春暮出夏末方還蓋
行役之勞瘁亦數倍于文武將吏公之精思疆識雖
行萬里外必能如古人之闇記西域地圖況此阨塞
形便在我指掌中者豈患簡閱失實控制之違其方
而又豈小生腐儒習爲兵家之陳言緒論能測其一
二者耶郡大夫倡爲觀海之詩邦人士爭進而和之
以紀賢侯之菱舍而忘其勞王公之告成事歸也口
不言道中之所見聞似必于山川險易戶口登耗士
馬彊弱之數舉偏徧而知天下之全公之智深勇沉
鶴靜堂集 卷之十五 序 元 王

其所以仰佐 廟筭使薄海內外蕩平無纖芥憂者
勲名殆未可量豈區區效景宗競病之句傲慶之南
岡之詩爲能事歟雖然是役也必傳遠也振戎旅也
賦詩自慰顧安可不詠歌其盛誌今日席太平之休
所自也哉

贈吳六益序

吳子六益之尊人端所先生深於軒皇素問之篇以
其法生活人無算尤傳綜經籍嗜歷代墨寶名畫及
古金石珍玩之物以故附郭田不能二頃藏書之富
甲於吾郡同里董宗伯陳徵君時相過從吳子髮未
燥二公見即器之又陸伯生處士署其讀書之室曰
歲寒蓋早勗之以左華右實崇尚古學也吳子試輒
不得志於有司年三十棄去舉子業悉出所存書策
伏而讀之上窮丘索下掩紀乘如是者蓋有年已而

鶴靜堂集

卷之十五 序

元

吳

如燕京覽宮闕徘徊懷嘆浩然有作不下數千百言
一時名公卿擅轡龍之文者爭折節與遊偶觴咏之
夕擊鉢以誇綺捷吳子賦最先告成及旦馳而過九
衢則都人士已傳寫殆遍間復游梁居鈞臺久之時
則有若嵩高諸咏已而適齊魯登岱宗瞻拜闕里齊
魯間治詩者家各有師承顧皆以爲莫吳子若也西
遊晉過橫汾漢天子秋風之作猶有遺音焉蓋當其
倦遊東還而吳子之詩固已大顯于天下矣夫士生
不獲致華要耀文采于承明著作之庭毋寧衣短褐

走四方縱觀名山大川以達其胸中之所欲言亦足以發聲聞傳後世若夫守一官滯一隅文吏無通侯之賞而又困于簿領輟我嘯歌無益祇自辱耳予方里居甘自放廢庶幾強勉于詩古文之業以稍飾其固陋然學同秉燭謀道衰遲視吾六益氏所得竟孰多哉六益行五十矣王夫人與之齊年嬌嬌有林下風不僅以精五飯潔酒漿爲能事以方于麗公之並耕鹿門伯鸞之階隱廡下寧有間耶長公魯詹一日謁予而請曰家君之隱北郭也幸薦交于諸長者諸

鶴靜堂集

卷之十五 序

主

吳三

送松江分司秦明宇陞太原守序

三韓秦公以持節重臣來董浙西巖政歷四載于茲事集人和 當宁嘉乃成績簡畀晉陽保障公固舊從宣城郡奏最治兵盧龍旋加鼓蓋視閭越戈船下瀨之師今左次之餘仍循資序而進宜無足爲公賀獨是公之惠我邦族無小無大靡不欲同卧轅下不忍釋公始泄浙西之日會溫台瀕海諸郡斥鹵之民內徙課額率取盈于吾松雖松各場竈丁猶得熬波如故仰風沙氏以博衣食物顧乃沿塲草蕩賦倍于

鶴靜堂集

卷之十五 序

主

秦一

昔又近者饋餉滇黔萬里外籌軍國者必以鹽課爲先資較農田催粟之令尤急公按部拊循而噢咻之不先時不後時俾衆咸慮始不驚而樂于終事即劉晏之領度支陳恕之筦鹽鐵何多讓焉至若開中之法令甲日隲叢弊無筭富商豪右乘人之約強貧竈受米易鹽利且倍從公廉得其隱一切繩以平準書自公養有年海涯數百里駸駸多市墟有成邑成都之勢昔之西土行商不過挾馬兔趨什一今皆載罕而來居同土著是又皆怙恃吾公共圖室家之寧

婦子之慶也輯端之辰載行考績公既膺璽書褒美
遂有擢守太原之命緊惟是河東股肱郡可亟召公
從此躋崇階躡卿輔直且暮事况公人地在從龍舊
彥中久負台司之望或者雙熊甫駕便將秉鉞連疆
以來慰我海邦之衆乎予雖遲暮尚當効負弩之役
借諸童孺迓旌纛于道左云

鶴靜堂集

卷之十五 序

五

泰二

代贈張郡侯序

古良二千石莫盛于神爵五鳳之間治行高者入爲
卿相魏晉以後領銅虎符稱郡將文武之柄並屬焉
治中別駕等官咸自辟置令長之短長繁簡太守得
以意爲更調故不苦于扞格而難操明制州郡多所
裁抑然即不能遣計吏歲上書亦嘗許于四觀之時
便宜陳奏凡究心水旱盜賊爲斯民請命者未始不
數數見也 國家初以新造之邦輯瑞則丞貳實行
畱牧守之長牧寧土宇於設官輕重緩急之際可謂
鶴靜堂集

卷之十五 序

五

權而善用其經者矣顧中材易告無罪而賢者欲行
度外之事則難守有所欲言層累而上可者半否者
半其得達于九重者什不能二三豈守端不可以有
言哉亦視其人才智何如耳吾松江居澤國東偏負
海立郡素號饒衍獨是城下之日幾空吾師厥後僅
苐擾于內鯨鯢訐于外民惴惴然無旦夕之安又加
之以徭役重困積逋如山即在黃次公龔少卿恐亦
將爲之坐紲也維吾侯甫下車邦人即相率謳于路
猶記休息故里親見公言論風采卓乎具公輔之望

是宜大有造于吾鄉今治松已四易春秋矣予趨

闕下亦越三載數千里外善政日有聞此贏者松乎
邀張公爲政樂不可支之福予竊以公所爲視昔循
吏其難數倍昔之軍城一府司其筦鑰今者建牙宿
重兵使非公克偕都虞候秉心無競安能使兵民雜
居如一父之子矧乎資糧扉屨之不匿勞孰如之抑
公所尤難者催科邑令責也不得已單車按部起溝
中之瘠徐告之以繭絲至于先事而圖周卹民隱振
乏救荒獨通平賦有不待閭左之呼籲者他若追胥
鵠靜堂集 卷之十五 序 圭 張郭二

滄上秋懷唱和序

吳子之于詩如飲食玩好之物油油然自得之深而
亦不禁人之有同嗜故所至輒多吟咏從而和之者
嘗不下數十百人客秋偶遊滄上滄上者離吳子郡
郭草廬百里而近似不若曩時齊魯燕趙之行山川
陵闕弔覽興懷矧乎擊柝相聞安所得羈愁僕馬之
困足以動其中又且風謠之舊風昔同聲豈必如吳
都蜀都之各自矜能而人求異撰也乃吳子慨然有
作滄上諸君子率從而和之客有過我邦者復從而

鵠靜堂集

卷之十五 序

圭

拙繹而度酬之張子遐音哀爲一帙屬予紀其盛采
其尤予思吾雲間士衡兄弟詩名卓絕及李唐之代
作者如林反僅僅得中晚一二人爲此方僑盼一何
衰也前此百餘年間顧文僖陸文裕諸公獨能于詩
學茅靡之日以正始之音振揚海內迄于今滄上之
爲詩者不失其傳抑可謂盛矣吳子之以秋懷唱也
彼瞻夫人文士女流連歌咏之情初未異昔也而徘
回于市廛之聚散臺榭之丘墟有不能不發爲商聲
流爲變徵者秋懷之所由集也殆皆職思其憂而不

傷于華樂者乎

鶴靜堂集

卷之十五 序

主

吳士

細林八詠序

松之山可二十餘許九峯爲最著機山橫雲山二陸讀書其中因蒙其名而迤北峙乎白石二峯之陽者爲細林一名秀林又稱辰山與神山云梁簡文駐驂嘆爲神僊托跡震旦之靈阜諸凡昇舉之族難以具詳近世如彭真人徧遊海嶽而遇辰則棲爲其晚年道成之地至其丹井泓然且多金蟬幻化高不數十尋而中使往返如訪崆峒登具茨有道者之所居蓋非文章之士可同日語也前輩錢文通作八詠以紀

鶴靜堂集

卷之十五 序

主

細

其勝輒一諸子標舉邁俗所居故廬不求爽塏獨于九峯梵宮法宇悉加庀飭廢者畢興而此山崇真道院尤所晨夕憇息山舊有神壘仙館拓其址益構近千楹怪石美箭紛錯于烟霄金碧間以部婁之隘疑爲五城十二樓斯已奇矣出所賦細林十景屬和裁其二從古也吁嗟二陸席祖父將相通侯之業負才美而不早自矜惜入洛之後禍不旋踵今諸子年方強仕釋褐歸即欲置身丘壑豈其筮易而得趣者耶予放廢山草樂與之遊雖未獲食松服氣求所謂神

仙之說而從耦耕之暇唱予和汝以混于野老擊轅之歌或愈于二陸兄弟之在洛陽時也

鶴靜堂集

卷之十五 序

堯

初二

張洮侯九峯諸咏序

昔李文饒嘗戒子孫勿輕棄平泉一木一石迨其後嶺南萬里雖能見夢于當塗而終不能使其高臺曲池長守無恙豈非詒子孫以富厚佚樂未必久而詒之以人人有集世擅青箱者爲可傳也耶吾鄉張王屋先生蔚起嘉隆間爲詩家壇坫其讀書山則在細林與陳徵君翁公白石山居相望今兵燹之餘江以南各園綺構都不可復問徵君歿僅三十餘年所爲白石山居亦在若存若亡之數獨張氏細林別業靈

鶴靜堂集

卷之十五 序

辛

光歸然固賴諸孫漢度克守之抑其賢昆洮侯實克讓之洮侯盡斥其田宅隱於窮巷第取遺書讀而不厭顧嘗自言曰吾朝夕述祖德意未嘗不在此山也作詩恒惓惓細林間旁及諸峯凡振袖攜筇酒鐺茶椀之會極不忘云客有譏洮侯未嘗有千里之行者輒解嘲曰予山中人何用遠遊適四方予豈能效夫敝敝然栖遲京洛白首津梁者哉吾祖亦簡棲高寄而詩文奔走天下近如陳徵君一生北不渡黃河南不踰錢塘其名德自堪蔭映千古吾所爲詩歌紀

近不紀違又何惡焉故洮侯詩甚富卽其九峯諸咏
已可單行使人知王屋先生之後有能詩如洮侯者
有與厲行而能詩者有繼洮侯而能詩者又有不止
於能詩者張氏其終有後於吳乎是可賀也

鶴靜堂集

卷之十五 序

三

孫海二

贈顧丈君常序

青鄉舉里選行于三代之時得人爲盛漢則賢良方
正求士獨詳本末士亦名節自表見至設科祗以藝
文爲的憑三寸管定優劣術同射覆法愈公而愈難
收有用之才明初取士之途不一至選及稅戶人材
試以民社之寄更有身躋舉要者夫財賦莫盛江南
吾三吳一鄉一隅之歲入有踰他郡邑倍蓰者苟其
人生長田間習知夫丁徭戶口之繁發徵期會之苦
手實雞豚之細史胥牟食之奸由是授之以政政無

鶴靜堂集

卷之十五 序

三

不達又何疑焉予聞顧君常先生固長者所居去予
舊廬不數里乃兄伯明文學同先君子遊因習知翁
之爲人翁父龍庵公有素封名家實中落踐更役過
量翁資乃兄業爲儒獨身任其勞終未嘗材力見困
而家殖反稍稍起假令當其壯年錄用一循吏材也
予在仕版十有餘年今歸田且八載每見吾里多耆
耄歲星在吳之說信爲非誣幸得閒居間爲宗黨諸
父兄奉鳩杖進春酒亦枌榆一樂云翁于吾族二三
高年相齒讓臘蜡時過從更悉翁今歲方七十飲

如少壯時且課慙孫夜讀青燈熒熒亦復手一編不輟此其精明疆固何待講求服食之方爲延齡地也予因之有所感矣記五六歲侍先祖知亦以踐更之累十五即棄舉子業率糧艘如京師自是五年以爲常及予小子甫成童田產蕩析畧盡及倖一第而不及祿養先君子更以甘自放廢無能上叨錫命以榮先王父慙疚滋深頗聞翁有賢孫爲千里駒舞勺能文翁將轉瞬邀朝恩胥綸誥或迎養西第或綵輿遊戲方州後福正未有艾以視予之寒門薄祐奚啻

鶴靜堂集

卷之十五 序

重

顧嘉

贈錢永日序

吾郡負海自春申浦迤東三十里薄于海壖其間聚族而居者著姓有錢與金暨陳若裴然諸家率多高貲富人獨錢氏素業傳經不堪數馬以對卒用儒術大其門冠纓固累世弗絕也余金所自出千錢氏又屬世講中表兄天石長予一歲相習在襁褓中錢氏如存拙存野昆弟或少予四三年或七八年以渭陽嫺戚時相過從而其羣從如永日與予齒鴈行亦交在孺穉予舞象永日則舞勺也未幾丞丞以孝友聞

鶴靜堂集

卷之十五 序

重

錢永

時吾師沈先生爲鄉祭酒嘗謂予曰里有錢子而俗之偷者以淳競者以讓當吾世語家承秋實斯人殆其選哉予謹誌之每遇輒加敬自驅馳四方二十餘載歸而存吾舅氏海濱得與永日握手道故其豐麗偉幹有藹乎可親之容毅然不可犯之色當嶠嶇山谷間天石遠來相訪嘖嘖稱嗣君越江不寘又兒曹嘗取所爲詩若文以進予最加欣賞讀之必浮大白遙爲永日賀越江從叔司寇公子今中書舍人葆齡負才少所許可而獨畏小阮度驕驕前昔人云子弟

亦何與人事正復使芝蘭在庭安得不陶陶自樂也
永日之事尊大人負米之養獨身任其勞脊令急難
備極茶苦而字兄之孤勝于已出昔贈司寇靜庵公
與永日之祖爲同產彼時天下無事兄弟怡怡一堂
嘉美翔洽此則靜庵公處其易而永日處其難者也
顧靜庵公爲先君子師嘗館穀寒舍念食貧之困日
夜異司寇公逢年乃以司寇公沈幾力學而庸夫俗
子渺識之于未第之時今越江名在諸生識者類以
公輔相期待永日身爲布衣已不啻奉朝請享鐘鼎
者真百歲可也

鶴靜堂集

卷之十五 序

奎

錢永三

秦母奚太君壽序

自古以節稱者莫著于君臣夫婦之際顧殷商義士
周室目爲頑民臣子生逢鼎革雖有奮不顧身之烈
或爲時所忌諱史氏未可直書三黨且將引避獨是
房闈之近巾櫛之微苟能矢靡他之操精白乃心卽
俯雲雷屯險坤軸旋移而其名上可達于朝廷遠不
遠于四國故無盛衰無德怨內行似晦而實彰亦大
可爲彛倫之勸勵者矣以予所聞秦母奚太孺人產
于華胄厥考爲醇儒生而耽習藝文無忝女博士之
鶴靜堂集
卷之十五 序
美
秦
號然雅不欲以柳絮因風之句與羣從爭能莊靚淳
慤其天性然也及歸于秦相夫子事所親治粉苴潔
鼎鼐鷄鳴鹽澹鉅細畢虔鄉之人于孺人觀婦道焉
不幸鹿車未敝夫子謝塵垢而迅遊維時長子甫就
外傳餘猶乳下兒也孺人鞠三十一女拊摩誘迪母
而兼父家殖中落出懷清之餘智而廢若鬻財遂乃
幼者賴以養壯者賴以教女適于族子某一日者某
從予泛舟谷水青簾柴几間偶攜郡志繡帙至列女
傳作而言曰吾祖母二十而寡春秋八十有餘今幸

得列名編末吾父見此未嘗不流涕也奚孺人爲我
外母其一門以婦節顯者凡四見吾家世居浦東迤
北三四里地稱旌表亭者則秦氏之爲也外母歌黃
鵠半生今清和之月甲子亦一周矣密嫺數人願得
一言往介眉壽予慨二三十年以來吾郡忠孝節烈
之事不一君子雖樂于表章不得不俟之千秋萬世
若婦德可錄樹蘭斯馨在幽彌茂抑又何譏焉况予
與夫子良修公雅善悼少微之旣墜而猶喜其子亢
宗卽不能不歸美于孺人之慈訓也秦族遷于吾郡
鶴靜堂集

卷之十五 序

毛

秦坡三

鶴靜堂集卷之十六

雲間周茂源宿來氏著

弟

撫是則

金然廣庵校

序

周子史逸序

深乎經學者必篤實而精微深乎史學者必宏肆而
博達然經而類乎史爲尚書爲左氏春秋尚書有古
今文之不侔春秋則又公羊穀梁各有師承已不無
多寡詳畧異同之辨而後之爲史者可知矣郡邑皆

鶴靜堂集

卷之十六 序

一

有志其法一準乎史裁故亦可號曰史東甌肇始于
漢苑昧無文洎乎東晉以還聲明絢麗甲乎宇內宜
其所紀載視他方隔疆域之書最爲犁然其舉周伯
子懋寵騁名家也獨覽而有槩於中摘諸紕漏旁收
曲證補其遺亡積十二年所而成一編名爲史逸真
足以備掌故駁名實爲一代信史之助不徒踵往牒
而夸異聞效王子年拾遺記之紛詭也或曰魯論以
闕文爲良史孔子作春秋于夏五郭公亦闕而未詳
誠不欲以一人之見滋天下後世之疑也學者所傳

聞異詞而必謂出吾說以臆斷豈後儒之才識較孔子乃反覆勝耶曰是不然春秋以一魯國而兼紀宗周暨列辟之事輒軒有未徧載筆有未該或失則訛亦闕疑已爾若夫郡志職在一方又東甌斷自漢以後非必有太古久遠同乎竹書紀年之所云不可爲典要者此而名物未備亦撰述者之羞也且懋龍原無過求於前人即如官師選舉諸條後先甲乙題名本臚列易考而舊志每多子虛烏有若存若亡又况兵戎食貨坊表技術之彙雜而不倫者安能免掛一

鶴靜堂集

卷之十六 序

二

同子史二

漏萬之失哉懋龍之爲是編也尤先于人物秩官藝文三致意焉而其他集之也廣綜之也確訂之也明殆進乎篤實精微以經學治其史學者與庶幾無忝史家之三長異日登承明著作之庭給膺廩以慎記注定國書吾知其猶有古太史氏之風也

王川子詩序

曩予偶作遊孤嶼詩川子謬加擊節爲饒石於禪宮之廡下予固雅聞其名初未謀面也後一再過永嘉樂與之言流連永日今茲裹糧而東也唯甌越山川及後先之著述是問尤偕與行吟泛覽評論得失之林葢靡間旬朔焉知其篤於行誼有東漢諸君子風不徒欲以文人自表見也川子方數歲習爲詩塾師課以兔園冊輒離齷不稱意私以所作就正于梅贊臣梅贊臣者年長以倍詩學蚤成生於竟陵樹幟之

鶴靜堂集

卷之十六 序

三

時而獨宗信陽歷下卽川子學詩之不失其正有由來矣旣而所造日以深其游覽贈答之章行於世也日以富一日乃嚴爲刊削僅存什之一二命曰竹居初集若悔其少作而更思發憤以求進者何忍於割所愛而棄所長也耶大槩諸體不流大曆以後律則以李東川之清婉兼孟襄陽之蒼渾若五言古則阮公陶令季孟之間予言非敢爲佞也聞川子席華閭藏賜書園林第宅之美冠於東浙會當斥地內徙幾不免顏氏之屢空而其心浩浩然落落然絕不知身

外長物之去畱爲何如者此其人豈非學至而養爲之加厚識爲之加優者歟嗟乎川子自此而益馴至於高深之域以亞乎林宗叔度之流爲不遠矣信不僅以文人自待予又安敢僅以文人之望相期也

楊豫楨遊草序

海昌楊子豫楨遊東甌謁嵇先生假館受業與周子遇於逆旅過從歡甚間出其詩示予予見其結響宏亮取裁遒肅得風雅之正則焉楊子弱冠卽以制舉義虎視江表乃衆樹之鵠危得而屢失之遲久始受知於嵇先生顧射策復報罷楊子無幾微失志見於辭色反益喜自負謂海內善詩者莫嵇先生若也我幸叨一日之知倘博一第卽作吏去適四方耳曷若遲我腰間之組獲以擔簦問道究吾專家之師法爲愈乎于是徒步而東值先生養疴進楊子而以其言當七發悉究夫六義之指歸幾幾乎匡鼎爲北面矣先生且以吾道干城相屬將觀其明體達用之學爲生民休戚是賴孰謂楊子而徒一詩人也歟哉

贈黃浪有序

士君子讀書談道嘗有自信其所長而一家之人莫之譏無論鄉黨無論邦國天下彼韓退之蘇明允之爲文而猶慮人之不盡知觀其致書於當塗者雖各滌自負乎其詞之過哀而多激也一日者予偕黃子芑若登右軍富覽亭眺謝客所咏江中孤嶼灑然有作詰旦芑若持其弟芳名字浪有者六律來蓋步予韻而溢焉者也亟賞其欲度驪駒前并語芑若當避火攻矣越一日浪有執禮甚恭手操長篇授贈閱

鶴靜堂集

卷之十六 序

木

之霧湧霞蒸尤嘆爲甌中後起之英才情無兩殆將伐靈鼉之鼓撞萬石之鐘非止調笙摘阮圖一音之悅耳者也獨是取吾江南王長公汪司馬爲阿蒙夸許予則何敢當無已請卽以兩公之鴻業駿望爲黃生之年富而學方勤志方銳者相期待可乎顧吾見文章身後之名較之生前之爵位又自有幸有不幸焉如伯玉雖不敵元美而視公實子與輩實爲過之以其文章如此爵位通顯如彼與諸子生同時而偶不與於珠槃玉敦之約迄今艷稱後七子者竟不道

及伯玉之姓氏况於草茅下士苟莫爲之前其或槁項黃馘而泯泯於當世者何限黃生年踰弱冠久屈抑又安能不自疑安能不澁澹千言抒其鬱結同韓蘇之汲汲自明其所長耶然吾以黃生之才遇合非所憂也亦務學益勤志益銳玳累日去而醇美日增已耳夫詩之爲道取材也用多結撰也用簡文如士衡而或失則蕪不免才多之患黃生其亦宜奪所持矣

鶴靜堂集

卷之十六 序

七

黃浪

馮越人詩序

近予旅東甌暇日觀前後甌詩人諸作偶見何丹丘處士落花詩三十首人爭和之竟無出其右者嘗一鱗而知鼎味蓋丹丘諸體詩固領袖東甌也適慈湖馮子越人亦客甌寓於華蓋山之蕭寺二語題壁雋甚予顧苾芻亟爲嘆賞越人始如周生九日嘗從此登高也過予于李氏之贈筆樓談次出舊咏飛絮相示如丹丘之數而才情綺靡亦與何悉敵云予乃固爲請益知近作彌富猶善射者日調弓繳仰落翠羽

鶴靜堂集

卷之十六 序

八

舉柴如陵矣因語李子首愚氏曰四明之馮實多才子數十年來其氏族幾同王謝今觀越人未知于阿大中郎居何等也子善相天下士盍爲目之越人歸矣同里孫介夫古文詞爲近日江以南喬嶽必更有能定子之詩若文者予困而未學顧安能以一言爲子重哉

贈筆樓詩文合刻序

予從菰蘆中蚤知東甌有李子首愚儔儻非常之士生平慷慨智畧類魯仲連爲人不肯如范增呂奇計輕謁當世往往王侯貴人有急即造膝請願卒老一逢披環堵蕭然人以此愈益重之憶丁酉秋七月首愚挾其弟子任祖商過予括州官舍苟陸之會口無恒言與縱談書策上下古今名士固有真定非盜虛聲者所可及予嘗有事於甌即假館於其家之贈筆樓贈筆樓者李子嘗夜夢丈人授以雙管貴陽楊龍

鶴靜堂集

卷之十六 序

九

友先生因題數語其上甌人士服李子之才又嘗薰育乎楊先生之教凡橫經講藝必以李子爲歸登斯樓而流連畏慕感遠存往之緒並興焉李子詩文有神授甌人士之假靈於李子者更復何限謂斯樓與謝公之夢草並傳可也予當年主其家猶有羈勒之役旦出而蒞會盟趨戎索貫穿乎烏衣馬矢之間有少選之暇即偕李子篝燈品隲偃息嘯歌於樓中數日而後去李子之詩古文予讀之最詳且久茲乃去其少作簡其精銳綜爲贈筆樓詩文合編予因竊嘆

夫人之不可以無年也人孰不欲以文采表見後世
然如任子祖商玉樹早凋非首愚爲之師取其一二
遺草公之同好後世誰復知有祖商爲童烏蒼舒也
者今首愚年且逾艾篤嗜著述不衰頃予復閒卧於
其贈筆樓宵旦聽其哦咏不少間李子之敏捷宏瞻
如挹泉巨壑而伐木鄧林自今以往即又奚從測李
子之詩古文所造爲何如也

鶴靜堂集

卷之十六 序

十

筆

贈瞿欽我序

余今歲秋七月復有括蒼之役遂將縱遊嶺嶠歷武
夷詣羅浮出彭蠡泛大江而歸瞿子聞之欣然願偕
行輒橐隄廩數鋌擇不律之如椽者以來所過川原
都邑與余及舍姪成子三人詠歌倡和不少間瞿子
書法名播四方行道者偶物色之爭扣馬求書至縉
雲霖雨乍止徑造仙都磨崖紀勝迨北道主邀吾輩
往觀不知其已一再至也迤邐適永嘉永嘉山水多
明秀松臺玉洞間無日不命屐顧淹留逾十旬始得

鶴靜堂集

卷之十六 序

十一

瞿一

三人再聚於括蒼嘉平既望瞿子五十懸弧之辰予
長瞿子三歲記五十方罷郡文武僚吏舉觴以賀爲
喧頗忘辱忘憂近者來茲土惛然如坐復輿中意色
甚惡古諸侯失國而後託於諸侯謂之寓公益歎今
不古若寧止賦式微已哉然予實有不得已焉者瞿
子初無事事甘爲羈旅之人世俗所爲年及艾即嫺
黨羊酒相賀不然亦且同婦子燕笑一堂私幸三日
酺爲樂耳何瞿子雅量曠致與人大相逕庭也瞿子
好爲詩獨深執謙退自以爲不若予遠甚予則謂高

達夫五十詩學始進今子攻苦聲律之道已思過半
奈何多遜耶唯是逸少五十三乃盡變其初學衛夫
人者廣而之他予今春秋適與相符欲效瞿子所書
之絲髮而不可及吾兩人之勝負爲何如也哉瞿子
自永嘉回彼中能言之士悅之而爭以詩文爲編帶
從此盤旋江表未知所得名流贈言與世俗之僅僅
同里閉齋飲爲壽者孰多也

鶴靜堂集

卷之十六 序

七

東一

東甌詩人選序

甌越三代時在荒服外至漢武始郡縣治之猶未可
以詩書冠帶之俗程也東晉以還人文輩起逸少采
芳於蓮渚康樂發夢於射堂與公賦鏗金石延年製
成雕續數公才華踔厲捭虎符擁千騎翱翔於名山
大川之間援筆疑有神授夫上有好下必甚焉登高
而招捷於草偃漸漬入人者千有餘年宜其戶隋珠
家荆璫也近代若止齋理學梅溪科名卓忠貞之啓
烈黃文簡之艱貞章恭毅之風節張文忠之遇王鉅
鶴靜堂集
卷之十六 序
七
東一
公偉人不徒以翰墨爲勲績而著述所遺非無可採
蓋亦文河學海華實並收矣洎乎嘉隆以後颺流瀾
繁哲匠如雲人非一軌抑又可得而言焉嘗慨車雞
馬狗久無誓墓之人酒德書淫不及彫纓之客此間
猶多曼容易祿季鷹思歸是以卷藏李謐別有百城
編挾桓譚榮於千石斯一奇也且伏龍隱鶴至德可
師操瑟曳裾幽人所耻彼陶徵君之雲嶺自怡張處
士之竹林深避緬追高躅醞藉猶存風騷皆叢桂可
招出處則北山無哂至公子遂五陵裘馬小侯耽子

夜笙歌習在甌邦羞譚蒙舉羣季總稱惠連第五何
減驪騎凡其曲終奏雅豈僅紫囊韶媚團扇畱連而
已哉若夫相合虎頭每先投筆技精儗臂徒善操弓
乃行軍不廢觀書下馬便成露布求諸將種頗號能
文當筵罕見拍張分韻咸驚競病他若薺菊花前偶
寬綺語之戒丹砂鼎畔間作步虛之詞雖教異緇黃
而音諧匏竹更若寶妻織錦之篇謝女因風之句以
至秦淮桃葉西曲菖蒲靡不綢繆摘英含情採藻洵
萃扶輿之靈淑擁藝苑之神臯者乎吾友林梅生者

鶴靜堂集

卷之十六 序

四

東二

六籍總持羣才綱領在曩哲以表章自任在故人以
不朽爲期于是網羅漏逸抽擢菁華彙簡諸家合爲
一帙命曰東甌詩人選信乎芍藥申椒俱入函牛之
鼎鷄鸞孔雀總歸集翠之裘騷壇盛事此焉改觀上
之黼黻泰平之化下之宣敷弦誦之聲厥功不細寧
第傳襄陽耆舊惟紀姓名賦三都主人各誇風物云
爾哉

姚茵堦詩序

予今秋從山陰道過東陽入括蒼以至於甌姚子茵
堦則由天台經鴈蕩龍湫來予與姚子同吳產茂苑
茸城止隔衣帶水顧以數年匏繫耳食其名未嘗與
於冠裳之會也以夙昔慕悅而未得見之人一旦遇
於旅次歡若平生豈顧問哉甌越山川綺麗恣我兩
人累月之遊所至輒多吟咏固情所不自禁姚子詩
古文出之簡貴擇焉務求其至當合乎自然尤雅好
蒼奚囊中以紋楸玉局自隨寄興之餘未始無得適

鶴靜堂集

卷之十六 序

五

地一

旅館去右軍墨池數武時信步徘徊其上有望古遙
集之懷或微吟或長嘯或仰天搔首而叫呼甌人士
皆莫測也夫以姚子年少射策登高第才猷煒練通
達國體乃不即授之以政早試其安民經世之畧而
竟使之優游暇豫放浪于巖壑之間偕予之老而見
勝於時者唱予和汝以自舒其抑鬱無聊之志能無
憂愁悲憤效屈左徒離騷之作哉今讀其詩和平溫
厚一木乎忠愛之心而不流于亢激殆幾於小雅怨
而不怒矣吾聞鴻筆之人爲國風雨假令姚子得進

爲侍從以其雍容鉅麗之業頌郊廟賦羽獵必有以裨益乎右文之盛治者不得志而僅僅如布衣隱佚之士習爲登臨游覽之什此豈獨姚子之不幸乎雖然予老矣一跌不自振若姚子負大有爲之才而又富於春秋必且終見柄用吾知其將來執掌盡瘁欲今日之樂書自娛泮與藝術而不可復得姚子雖甚居逸品哉恐又將投樽具於江也

鶴靜堂集

卷之十六 序

七

地二

贈陳山人序

陳子公憲其先居溫州之樂清縣後遷永嘉白泉里先是永嘉處士何丹丘先生書擅四體畫窮六法其詞賦咸爲當世王公貴人所艷慕乃先生且隆老矣四方之求者羔幣麋至深厭苦之公憲甫髫齡先生見其援筆染翰輒器爲入室之英間或一二代爲補綴出則人爭嘆丹丘老而益工知者駸駸有奪藍之譽陳子生平好倜儻立奇節雅不欲以前身畫師自待急人之急必垂橐而授凡所酬直悉置酒召客不極歡不止當其屢空晏如援琴帶索而歌自若也陳子誠曠士非聲利所可致嘗見予守括蒼時遊覽諸作獨欣然命筆貌予於一丘一壑之間謬許曰夫夫雖拙宦固雅人也今秋再過永嘉其所居去余旅舍不數武益得偕與縱觀山水時而蠟屐少停飲其室即不啻卧遊焉竊嘗嘆古今書畫兼長者指不多屈今陳子書法通乎篆隸行草畫則彷彿荆關北苑而更能戲作黃荃花鳥周昉美人庶幾傳綜翰墨之能事有趙承旨之遺風承旨貴而益顯名於天下陳子

鶴靜堂集

卷之十六 序

七

身在布衣未知後世之論果孰爲優劣也

楊靜堂集

卷之十六 序

六

陳山三

贈謝令夏序

予承乏守括州與東甌謝令夏交歷十年所令夏通籍後牽裾南陔遲八載始就選人宰陽武陽武古博浪沙也秦故馳道游行今黃流衝嚙寒沙宿莽間直河北一寢丘耳會淇園竹槎徵發不少休民去其半催科者求戶口稅如讞重囚民乃去而八九前此令率暗而懦縱乘傳者枉道釋騷責民間出馬竄徙殆盡今夏至廉得其隱臺檄詰以不旦夕追呼吏且坐溺職令夏顧徃復折辯謂有民而後有賦我敷心腹

楊靜堂集

卷之十六 序

六

腎腸咨嗟涕洟以勞來之流人其歸宜可得而使中丞唯唯聽公所爲行之三月翳桑采葛之衆翕然復其先疇咸內自訟曰神君活我我土之毛而有不共與後時者其人天且剿卒之他令長沈潰頰怒而委輸益後陽武完賦獨連歲出諸州縣先中丞始臆之屬他令長皆效公所爲竟同古兵法不可傳也人才相去不懸霄壤哉諸公旬之役必以均民於是得更畚無重困至客有詭其途闌入以逞者雖操尺符奉璽書公終不可奪而去強項令非舊日吏可易視遠

近憚相戒勿輕踐陽武境也今夏智畧輻輳當在里
居海寇犯順畫策佐登陲幕府上其功 當宁特加
嘉勞彈九邑何足煩卧理不久上追鋒車焉 天子
起居侍從臣出入風議得盡言民生之利害吏治之
得失人材之進退一吐其胸中之奇翊贊救寧邦治
豈不休歟顧乃以東人匹夫脫兔咎坐扞掇實則今
夏早訶知臣妾逋逃迫而索諸隣卒就獲而竟以此
落職真非意所及也今夏之蒞政也緣經術盛文章
暇則偕都人士飲酒賦詩爲樂邑大夫如趙錦帆比
鶴靜堂集 卷之十六 序 主 謝全

弟誦吟思慕不忍公去而聚爲聲歌者卒載與俱東
誰謂廉吏不可爲也今夏當五十服官政之年以百
里循良之望從丘園養晦毋乃有幾微不平見於顏
色而顧愈益徜徉者何居豈近者格於考功法雖欲
如彭澤之賦歸去來而不得自由者其真以微罪行
爲幸者耶其亦有寤寐求之者耶予之去括州也年
五十與君還山之日同然予長爲鮮民出無祿養處
無色養又安可與曾閔之純孝朝夕洗腆奉堂上歡
者同日論也

鶴靜堂集

卷之十六 序

主

謝全

代贈韓中丞序

今皇上龍飛之歲，厯念大江以南爲財賦重地，亟咨弘亮，惇允親信，近臣往疆理之韓公，以從龍勲舊，出禁帷交戟間，出握大中丞節於其行也。錫之穀，烝虎鹽之宴，寵異之當宁之倚賴，誠殷而所以爲此邦之人請命者，蓋不容旦暮待也。吳會並海，先是盧循、孫恩之徒，怙其波濤之險，而辱我組練，逆我旂幟，民惴惴焉，魚鱉之是見，其黠者或因緣爲奸，漏師于外，扞文罔中，危法趾相屬也。廷議舉凡瀕海要害之地，戶

鶴靜堂集

卷之十六 序

三

韓二

口內徙獨三吳隸公宇下，明斥埃簡軍實，邊圉無闕出之人亦稍稍折百分之一耳。然近者秦望四明，迤東斥鹵失業之墟，率多不逞之群，螳聚而求食，又甚者越所樹草表，私爲錕栗日擊，斷而未有艾，而公境內顧宴如，未聞敢有拾贏蛤盜舟鮫賈戾者。昔趙營平金城方畧且禦且屯，武侯當強敵在前，使軍士與民雜處渭濱而安堵如故，則公之牧寧讐服爲深且遠矣。所屬郡邑每歲通租以鉅萬計，大抵吏胥長子孫其中，鮑居多，矯虔吏恒聽其委罪閭右，公至一

切苛細毛舉之事實不行，特以徵發期會作文告相

訓戒而奸猾無所牟利，冠蓋之族尤翕然爭輸恐後

皆曰公實生我公，且爲我曹振幽宣抑去諍慢之名

忍負公者非夫也，賦役之法爲國儲民命所繫，前此

非不講求有素，無奈銓轄貿亂而多寡貧富失實，公

下令均田沛如流水之原，而高貲富人不得隱其阡

陌，蓋無事雞豚手實之煩，碎固已踐更有瘳，故事三

歲一選士于鄉，今則直指監臨之任壹歸幕府，公謂

大臣以人事君之道于是乎權輿，彼繚垣有棘如比

鶴靜堂集

卷之十六 序

三

韓二

蒞事終始安敢以不肅迄乎鎖堂旣闢，胥慶得人則公之爲實與砥逝波功不細也。凡公之湛恩麗鴻有造于大江以南者，雖汗青難以殫紀，余不敏屬橐鞬以從下，執事奉令承教，再閱春秋於茲矣。當吾公覽揆之辰，知賈男鄧女之呼天而祝，不啻鏞鐘應而景風靡也。是奚假安期美門之談以進頌于左右，伏睹公爲宰輔雲初傳家忠孝行將躡黃扉舊武上佐冲聖調玉燭而躋由庚億萬年丕基尚賴一人之慶其在書曰天壽平格在詩曰方叔元老苟譽望之所

萃固不待皤皤黃髮時也黑頭三公而爲天下蒼生
所共毘魏公畫錦之後槐鼎相繼咸登壽考公之家
乘實操左券焉諒不俾李文饒范堯夫諸君子得專
美於前矣

鶴靜堂集

卷之十六序

五

韓三

重刻傅錦泉先生集序

嘉靖中溫陵有王遵嚴傳錦泉兩先生爲藝林龍象
遵嚴古文曲折變化如魚復陣圖之莫測其端而錦
泉先生以南宮第一人制義衣被海內尤與毘陵海
虞齊名然先生數上公車沈思味道于雲壑間者有
年晚而始遇彼時分宜陽慕高才駿譽之彥俾出其
門所不能招致者爲鹿門子與錦泉先生二公因躋
于仕路僅各至吏部郎席不煖而見斥論者爭惜二
公具卿輔之材不竟其用迄今猶恨恨於柄臣予則

鶴靜堂集

卷之十六序

五

重刻一

以柄臣之懟二公者正所以不朽二公而亦二公之
自愛其鼎得爲千載之完人也且如能賦李青蓮之
詩而更無潯陽之累能爲柳子厚之文而更無八閩
之嫌豈不令讀之者擊節加敬顧天之所爲眷愛夫
文人碩行者亦自與春華朝艷之輩福報有殊按鹿
門先生年譜享年九十而錦泉先生壽亦八十有六
名德重乎五嶽文章炳乎三辰壽命登乎期臺嗚呼
彼而豐于此人又何苦役役于斯湏之廛仕也哉會
錦泉先生從孫出其家集命予及一二同志參伍而

考訂之重授之梓以益廣其傳予見其古文則皆根
柢六經靡不軌于大道竊以爲有曾子固之風然予
固有不作詩之憾而先生之詩學又復溫而且栗足
爲後學津梁豈不視曩賢較勝也

鶴靜堂集

卷之十六 序

五

重刊二

陳徵君詩選序

吾鄉陳徵君君公一布衣而名德傾遠裔動至尊可
謂盛矣其著述至浩博第當啓視之前古學漸衰耳
食者闕然尊之而莫知其醞藉之所存洎後吳越間
人競爲詩率又妄加排擊徵君之詩雖時或失之過
萬何至如時俗所云也猶憶同里陳黃門曾爲予言
後輩好輕前哲自是少年時一病某作徵君誄兼以
志悔予服膺黃門盛德之言彌信徵君之學高深未
易測也南州陳伯璣氏詩慰一選咸爲幽人身後名
如徵君者其名固已足蔽天壤今詩得伯璣而慎所
去畱抑更可以執浮薄之口矣

鶴靜堂集

卷之十六 序

走

鶴靜堂集卷之十七

雲間周茂源宿來氏著

姪

山東省立圖書館藏
書影印本
校

序

攝提裁正序

攝提裁正者前輩郝楚望先生有四書攝提一編取
吾儒之論與釋氏相搏擊法幢大師今起而救其偏
者也夫儒與釋雖分道揚鑣顧佛教之入中國貫數
千百年歷丁三武之厄其道終不可廢譬二曜在天

鶴靜堂集

卷之十七 序

一

江河在地並行不相悖久矣必欲率儒者皆效何充
周澤所為君子固有所不必若乃執一先生之言曰
與釋氏辯同異爭是非究於淺深得失之間立辭多
見其不勝是猶釋官商而絕微羽進甘醴而棄塩梅
烏在其為聲之和味之備也排佛者莫過昌黎韓子
要亦彼時紛紛羅拜爭欲致佛骨於宮闈禁近之地
其事佛繆悠粗鄙出於愚夫愚婦之識雖欲不切諫
其可得耶至必欲人其人火其書特激為已甚之詞
冀其諫之必行耳試觀其嘗與浮屠氏游寧有比之

鶴靜堂集

卷之十七 序

二

機槍葦亭而猶偕之談笑不倦也者況乎有儒其衣
冠儒其居室飲食其流乃至甕側盜酒鄰婦折齒為
樂斯又何如且自昔高僧正覺凡所以應對人主者
未嘗不干帝王之治道三致意焉原非強惹嶺以東
之人必遊乎方之外也今不斥其陽叛吾儒者而力
鋤其陰翊吾教者是攻佛而佛卒不可攻也法幢大
師深乎儒而復通於佛真徧登五岳而後可以言山
之高且卑也正郝編之作也蓋郝以佛為苦空而師
乃顯示之以精實寧獨闡宗風扶上乘也哉俾學者
咸知佛與吾儒殊途同歸而非詭邪者得托之以自
道于以為功於君臣父子之常道匪淺鮮矣

劉克猶太史入清江鄉賢序

已丑之役劉克猶太史名冠諸進士克猶有聲江楚間二十餘年文章足以領袖群彥顧其德器安舒厚重有足多者臘傳後導引而出都人士爭以太平宰相期之會世祖皇帝銳意求治聊城傅公武進呂公皆以廷對第一人相繼大拜需次即屬公乃僅僅進一二秩休沐歸故里以疾終海內識與不識悉爲悼歎何天予之以遇合之隆而奪之速也余從京邸數從劉太史及其同里曹木欣學士遊竊見兩人

鶴靜堂集

卷之十七 序

三

躬行淳恪非忠孝之言不言絕不矜三楚風騷以唐勒景差之徒爲炫才而夸世者公則固僑居于楚之黃岡實江右清江產也江右古講學地朱陸先賢風勵之後名儒輩出禮樂賦斌其亦漸漬有素矣宗人之在清江者以公祀典得請于施使君而屬余紀其事使君亦與劉公同籍交最深當其持節湖西慨然以興理學扶名教自任羅一峯鄒東廓諸先生以德祀於鄉者率皆闢其緒論以訓多士葺治鸞洲書院月朔一至以爲常然猶曰前此我所私淑者也若劉

太史則又嘗與之同堂講德而考業者也無古今無遠近凡祀有其舉之莫敢廢所以爲移風易俗之助良不淺云嗟乎使此邦俎豆太史而知求其不愧科名之實以行不以文也庶幾賢士大夫嘗比肩而立矣

鶴靜堂集

卷之十七 序

四

劉二

華亭王約庵令君試士錄序

憶予兒童時熟聞楚中鄭澹石先生由青浦調華亭年甫二十許有神君之頌維時縣固未析戶口殷繁田賦幾甲天下簡稽徭訟宜執掌無停晷公治之游刃有餘出其才智之一二繭絲就理里正嬉於野歲嘗偶至廳事前耳樂與譽髦之英講德論藝無異司馬君實之以史局自隨不三載奏最去士民謳思至今不衰即未嘗不望鄭公之子若孫或其鄉之有德者式臨吾土及今上御極之六載約庵王公來宰

鶴靜堂集

卷之十七 序

五

斯邑公固楚之斬人前此筮仕廣川循吏聲蔚起畿輔當下車之初適江以南數大令同時捧檄至自長吏困於積逋官如傳舍人懷擺指之憂公獨御以無畏之定力又他邑易食易飲之衆好以聲譽要其上公則不求赫赫名古之所謂仁心爲質惻惻無華者非公而誰爲政葺年屏蠹賊除稂莠爰始進多士程量其材選其牘之尤異者公之同好蓋公亦不鄙我吳人以爲此機雲之里文藻之淵藪也夫梓材之誥先之以垣墉繼之以丹雘公於爲政之緩急輕重久

已瞭然於胸中京山鄭公何多讓焉獨是鄭公爲其易公爲其難彼以叔孫通之禮樂久之方見信於漢高君子所不能無三太息也

鶴靜堂集

卷之十七 序

六

送陳三石郡丞歸涪州序

士或生輦轂之間不出國門而至卿相或在萬里外嘗竭梯航之力而後達于天子之廷二者勞逸固殊要以難進易退與易進難退又各有志趣存焉不在乎遠與近之別也昔之言華樂者並稱揚益是巴蜀雖越在荒徼久已爲冠帶之區且朝會貢舉咸能不失其期殆未可與荆峴夜郎同日而論然吾聞二蘇產睢州子瞻從海外歸卽思買田陽羨子由優游汝潁不復西行其險遠不易致亦大畧可見矣三石陳

鶴靜堂集

卷之十七 序

七

公家于涪江自兵燹以來其人或化爲猿鶴沙蟲如公則獨與嘉陵山水並存無恙蓋亦造物者畱以待我與朝之用而筮仕則僅副車于欵量移則丞吾松三載視漕旋告罷無乃于公之材畧什未舒一二而公猶未可築菟裘以老乎然公以爲我本西川逸民始願不及此今日者可速則速何戀戀于一官故當其始至則折節文儒以振揚風雅爲已任有衣褐見者未嘗不與之談詠移日唐生孟融工爲詩乃父爲近代師曠公深嗜其所著書而喜其後之賢且文也

禮之有加等公行有日矣作爲詩以送之屬予爲之

序予知都人士之不忍去公也以爲彼淵雲故壤近則文章之士或百里無一人焉公卽以歸田爲樂乎未免以無可與言爲恨事雖然公之長君爲名孝廉其次皆博士弟子家庭孝友先往而治蕪穢落嘉殖然後乃迎養焉公歸而一門之內絃誦聲作不啻蘇明允之教二子又安知其樂不較甚也

鶴靜堂集

卷之十七 序

八

陳章

婁邑黃令君試士序

曩予從蘭亭諸子遊卽知某先生爲越中第一流時方以辟雍高第空羣冀北偕燕趙慷慨之士醞酒金臺未暇同禋事也竊讀國門懸書有如親炙今歷二十餘年而先生來治吾婁其庶有瘳乎先生筮仕高安發徵期會之餘以興學校敦譽髦爲急談經繯瑟之風彼都人士至今能道之高安亦瘠墟哉顧治之久而日整以暇此靡者婁理之如亂絲賦日進民日窳無怪乎絃誦之聲不作而士氣日以靡也先生至鶴靜堂集

卷之十七 序

九

之卒也多士被服先生之教者久故一呼而遂成魚麗鶴列之軍容異日朝廷得士之盛未必不以吾婁爲稱首先先生之功德豈在文翁講堂下哉

鶴靜堂集

卷之十七

序

十

婁邑

吳星若詩序

今歲夏杪盱江吳子星若偕三山魏子惟度過雲間
吳子婉弱同休文方坐旅館服五石散不見客予先
見其詩清麗道拔因介魏子得與定交手其一編愛
玩彌日未幾往茂苑梁溪復同辟疆謁主人聯舫而
來與其父子唱和居多若宋旣庭尤悔庵諸君子琴
酒之會什之三四適移寓西郊之小祇林坐對平疇
稻穎微黃北望羣峯秋嵐晚翠揖我于紅樓紫閣間
出近作同魏子諷詠之歌聲與磬響相答諸苾芻不
鶴靜堂集 卷之十七 序 上

重修太清道院序

我松江府城之東郭舊有太清道院建於有明洪武
年間道士吳松谷爲戒壇之祖歲久傾頽嘉靖時孫
漢陽太守加繕葺焉延古德湛然居之改爲禪院予
方舞勺讀書於院之東偏所爲紫霞行宮者相距里
許從林樾之隙望見紅樓鴟吻風起則鈴鐸聲琤琮
如出几案前土人固呼爲太清庵而忘其道院所自
始今又四十餘年當陵谷變遷之後連雲甲第都不
可問凡縑流羽客之所棲蕩爲劫灰者比比而是院
鶴靜堂集 卷之十七 序 上

納冠劍未始斥瓶錫也會吾郡人文衰落今歲提南
宮者土著寥寥形家者率多微訶以細林居郡之辰
位玉皇殿冠山之巔得太清院良方高可免偏重之
患是亦一說也因共告于邦之上大夫以及三老孝
弟詢謀僉同願官伯族姓將事恐後以迄用有成

贈徐師維序

予家春申浦之東華亭上海壤界徐門雖分隸兩邑
實則望衡對宇也師維令祖常惺先生與予祖季章
不甚遠以古道交勉厲鄉里重二公德望有太丘彥
方之風朱陳世好所從來久矣師維尊甫亦饒用世
才當明季秣陵失守江以南羣不逞之徒爭相煽動
以焚舍脯肝爲事又上游潰兵多假道出海餘艘銜
尾而來晝見蠶幟夜望旄燈岌岌乎有陸鈔之警予
時倣追胥守望之法保我一鄉獨師維受教乃翁首

爲響應橫刀舞稍猛氣無前文人也一似素嫻武備
望之不啻周奉叔父子以故鄉之惡少年不敢爲亂
潰兵亦靡有闖入者兵火之餘彈丸瘠土得安堵如
故厥功不可泯云予奔走四方二十餘年歸而省吾
宗黨嫺戚凡同爲竹馬遊者頽白過半師維少予五
歲年五十貌如四十許人其精明強固有大異乎衆
者宜其名德早以鄉祭酒相推也公之仲子爲家仲
弟子婿英姿玉立今歲春暮登公之堂徧識佳子弟
私喜羣龍下食彷彿朗陵相過從所居有方塘茂林

仲長統樂志之所需一無少缺予雅爲賞羨不已顧益自謙退謂守先人敝廬未嘗樹立尺寸方用自慰予曰不然從來士庶人之胤苟得一保家之主便可延之數世特近者江南財賦之區人困踐更戶口凋耗非智深勇沈能勝大任之人未有不至求爲負販之夫不可得者卽如吾浦東百里之內向之高貲富室其子孫猶能宅爾宅田爾田者幾何予自愧瓌賤未遑以薄祿仁吾三黨若師維之克承舊緒而日張大之凡懿親良友待而舉火者無慮數十計至于養鵲靜堂集

卷之十七

序

五

徐師三

孤育少門館受經諸子衣食物悉與已子等殆庶幾南陽樊重敦睦好施者哉

王季友詩序

自唐以後不復以詩取士士習制舉藝者率以詩爲外篇其父兄之教見子弟或學爲詩輒動色相戒若有甚于臂鷹鬪雞爲惡少季之行者噫亦太愚且鄙矣古之學者以爲學不當僅取科名而必講求乎聖人君子之道後之學者唯利祿之爲急若稍可旦暮梯榮者則圖諸有一毫無益于詭遇者則禁諸何其視科名之過重而視吾才吾學之太輕也夫遇不遇誠有天焉唯樂天知命者能自審於出處之際而又

鵲靜堂集

卷之十七

序

六

能以博物稽古勉其後人王子季友爲吾友王農山侍御季子十五工制舉藝二十工爲詩蓋其上承名父與賢昆嶺士子武一堂相砥厲今古並進各擅轡龍之稱烏衣盛事殆再見於今哉農山齒未及艾致政歸居我五茸之南固赤松子所遊處也汲泉蒔藥益復研考賜書不妄有作必超羣軼倫使吾輩率爾謀篇者望洋而嘆卽季友詩學淵源所從來深矣予亦從內史舊山之側率兒曹帶經而鋤間與南村相唱和今季友與吾子聯袂而北期觀光上雍吾

本朝文教聿彰名公卿皆能詠歌太平多穆如清風
之頌荀陸之對必有從坐談間器吾子者况挾是編
也以徃又不啻尺璧而寸珠耶予不學之野夫也何
足以言詩何足以重子

鶴靜堂集

卷之十七 序

宅

季友二

張研銘詩序

歷觀詩人酒人兼之者代不恒有劉伯倫豪于飲頌
酒之外文筆罕見陶元亮工爲詩而杯鐺在手祇好
微醺予于硯銘張子則有異研銘傳覽羣書乃公車
屢躋識者許以公輔之器無何无妄被擯他人咄咄
書恠事如癡者之思起卽或極意聲色娛情山水以
自遣放要不過仕進嬰懷有所托以抒其無聊不平
之氣非真能富貴浮雲者也研銘卜居瑁湖之旁去
城西闌閭不甚遠顧彈琴詠歌其中客有聯騎過者
輒引而避之吾黨不乏任誕之徒少所忌諱以忤流
俗研銘亦不願與之游其詩音節和平絕不類七哀
四愁之作至于飲酒溫克累浮大白不亂嗟乎如硯
銘者此豈習爲醉鄉之逃者耶

鶴靜堂集

卷之十七 序

大

漢陽羅子以獻制藝序

漢陽羅子以獻與武陵胡子去驕上冬冰雪中先後過吾郡予耳羅子名久矣自胡子盛爲推轂尤稔悉之胡子居洞庭以南羅子家大別之麓相距千里而遙以荆楚之大二子才華各相雄長楚之人疑爲景差唐勒再出可不謂榮焉羅子年舞勺下筆數千言纒纒不休一皆軌于正道其于一峯先生之家學殆遷其地而不失爲良者歟四方冠蓋之彥泛晴川登黃鶴者必以羅子爲東道主以故戶外屢滿友教士鶴靜堂集

卷之十七 序

尤

大夫名聞于天下歷有年所曾不意其爲仲華拜袞之歲也吾里自兵燹以來館垣盡毀邑大夫即能致重客而庠陋莫可容車東隅一小樓不蔽風雨前此黃州顧赤方信宿于茲赤方者亦楚之望也以獻見其題壁以爲此不減孫楚酒樓因解榻而卧或篝燈讀書輒至丙夜凡寓兩閱月得詩古文若干首得時義數十篇其勤也如此予于唱和諸詩固另有神契至其所作舉子家言則浸淫乎曾南豐王半山之文總非經生所能問津近以古文爲時文者惟嘉魚金

正希先生磊磊落落之辭迥絕倫輩以獻行卷風格無媿嘉魚且將爲不朽之鴻業使人心慕手追而不能已豈獨談經奪席蟬赫于石渠虎觀中也哉雖然文人相輕自古而然予竊喜胡子之服羅子而又喜羅子之渙有愛乎顧赤方氏也

王子武詩稿序

予有生之初值公安竟陵樹幟之日學詩者從風而靡趨于蟬緩衰颯之習心竊知其非以溺于經生家言未暇謀聲韻之學也迨後論定而源流斯正間嘗一問津焉深悔學之已晚天下曼聲妍舞與夫擊劍馬稍彈碁博塞之屬未有非童而習之而得稱絕技者况于風雅之道吟咏之微哉今觀王子子武之詩學早成尤不能不致羨于日中自恨其秉燭耳予過騎省華髮之歲始守秋官尚書郎兒子綸已勝典謁

鶴靜堂集

卷之十七 序

三

從遊京邸子武尊大人農山侍御方爲大行子武昆季甫就外傳在家塾也曾幾何時予自嶺郡歸田里欲求平日文酒之儔蓋僅有存者獨聞諸年少能張吾軍而子武昆季三人實爲英絕領袖夫古來兄弟以詩名者二陸三張尚矣其餘清門華閥才人林立著作斐然要以連枝同產如李唐四寶之集號聯珠者亦不鮮見吾郡人文之盛安得不以瑯邪氏爲稱首耶昔烏衣多俊才或蠟鳳皇或跳擲虎豹子武則弱不好弄多深湛之思其沈研帖括焚膏繼晷雖甚

寒暑不少休乃所爲詩風格遒上以空同子爲宗此

其卑視一切姿性過人遠矣一前輩爲予言幼時以詩謁其父執姚現聞學士許以詩則異日必可成家但亟須觀制藝工否勿致作陶弘景十賚文古人期後賢匡世濟民不徒以翰墨爲勲績蓋如此子武于制舉業最優取青紫如拾地芥至若爲詩又與哲兄顧士愛弟季友有分道揚鑣之譽尊大人顧而樂之與謝庭詠雪何異哉人以學詩爲當待釋褐之餘倘一旦入承明不知其何以無慙應制子武于此能兼而治之顧卒非專家所可及嗟乎人才有短長立志有高下相去爲何如也

鶴靜堂集

卷之十七 序

三

子武三

宋楚鴻詞序

宋秋士先生暨仲季尚木刺史直方中丞海內所稱三宋詩古文足敝天壤卽填詞一道薌澤被藝林功亦不細予與三君子交三十餘年今皆悲悼宿草者舊云亡典型凋謝豈區區柳七黃九之泣翠鈿折歌板已也乃秋士哲胤楚鴻幼號聖童漸成尊宿于賜書靡不究覽張士簡限日謀篇勤敏欲空儔輩年來奔走燕粵得江山之助停驂扣舷之暇妍辭凡若干首予樸遯無文鮮啟宮體矧于樂府新聲舌本都強

鶴靜堂集

卷之十七 序

重

顧猶記曩歲荔裳先生遊吾郡館楚鴻家距蓬門不數武晨夕過從每酒半分題間及短長句謬以詞客見許楚鴻今就予問其詞之離合予于此僅探一嚮奚敢便哆口而談爲他人辨雋永之旨乎楚鴻行復振策入都荔裳先生方待詔金馬熊軾未駕蓋亦從韋祠海棠豐臺芍藥間手一編質之宗袞可也

練川唱和詩序

東萊宋荔裳先生薄遊吳越間所至文章之士雲集響應如百鳥之扈鳳凰先生泛愛而誘進之擇其尤者授簡分賦考其淺深離合不啻延陵公子之辨國風曩歲過雲間幸不斥爲檜以下然吾黨驛驛凋喪之餘毛馬而班之或不能具鈞駟也近從練川再至示予以侯氏秬園詩及其他遊覽燕集唱詠諸什彙成一編讀之心折彌甚當先生歷九峯賦詩和者無幾練川一邑之良耳蔚然華茂如此倘以偏師綴我

鶴靜堂集

卷之十七 序

重

可奈何蓋所主侯子記原銀臺公猶子文章節義名其家五世矣秬園固所藏賜書處也先生館焉而問奇字者戶外屢嘗滿記原獨先揚觶于前不中程者不得入人亦卒無幾微觶望之言以故觴咏間作卽其亞者猶當目之以一流將盡是役也殆以嚴而不濫衆而無譁爲可樂云彼司馬長卿車馬甚都而臨邛富人未始好文墨爲之令者雖知謬爲引重求風一曲未見能倚而和之也今侯子領袖羣彥率其同志皆變而從齊魯之詩學又趙令君深于詩取是編

手自丹黃以益彰先生之教俾聞薌澤者戶而希蘭
臺曰雪之音斯則尤一時之盛事也

鶴靜堂集

卷之十七 序

五

鳴

城南詩草序

城南詩草者沈子林士之所作卽其所居而名之也
昔修京都仕族之盛曰城南韋杜去天尺五沈子生
長由拳下邑垂帷鼓瑟商歌出金石聲固未嘗爲宛
洛之遊曳裾于何王之門也其在城南則亦柳市浮
沈號稱通隱而已然平日讀書鄙章句經術世務求
昭晰而並進在博士弟子中儼然服蘇湖二州之遺
教格言矩行儕伍多師法之而凡于政事得失生民
休戚之關朝夕厯其冒臆不惜娓娓言之邑之田賦

鶴靜堂集

卷之十七 序

五

紊亂編氓且竄亡之不暇又三江水利之不講由拳
地處窪下受患獨深沈子條列二者之利害錄成一
編其言役法也如顏闔之論馬有無窮之憂閔焉至
于濬治吳淞江審時察變實可見之施行非止沿習
水學以任仁發潘應武之陳言爲漫試者其心殆欲
以漢之賈誼唐之馬周自待豈僅求爲詩人已哉顧
有慨于中時或發之一吟一詠今讀其城南詩草可
稱彈丸脫手波瀾老成吾鄉學爲聲韻者雖比肩而
立此實一勁敵也近與旅公談稱寂庵居士不寔寂

庵者沈子逃禪自號云然則沈子果僅求爲詩人已哉

鶴靜堂集

卷之十七 序

毛

城南

王顓士詩序

王符有言貧陋而能進學者秀士也富佚而能精勤者材子也三吳華樂之區一切綺羅笙阮以冶遊嗜業者居多不若燃糠抱犬之夫學殖易就秀士比肩而立材子什不得一二殆習俗使然哉吾見王子顓士則異是顓士弱冠舉于鄉名噪宛洛醇謹遵萬石家風郡邑大夫之庭未嘗一見履綦之跡微特去紫襲團扇烏衣嬋媛之態即偕友朋橫經講藝時必深自韜晦其器量有大過人者乃濡滯南宮上書未報

鶴靜堂集

卷之十七 序

末

在他人多憤懣不平之鳴顓士處之泊如謂近者選人之格倍嚴自臚唱三人外鮮不起家令長我既不任簿領且未能盡讀九丘八索如古倚相者流往來京師頗效子雲遇上計吏輒摘槩以記四方之事以故聞見日廣吟咏日以富一第之遲自慰兼自勵古今枯菀得失之林洞若觀火誠不欲以意外之青紫易吾稽古之樂也所爲詩規撫三唐不踰尺寸顧吾黨詩家以唐爲鵠而談者或訕其隘顓士詩以法度勝亦以闕博勝趨旣正乃旣豐而益加縱轡而馳焉

所請安可量唐時舉子率以行卷爲贊今顧士詩
次不向四望車前遙擲而就予菰蘆中謀一字之益
其胞次曠遠爲何如者哉于乃翁農山柱史可謂能
世其學令人思彪固父子間也

鶴靜堂集

卷之十七 序

无

王

鶴靜堂集卷之十八

雲間周茂源宿來氏著

弟

振璵韓聲

校

珂越石

序

贈張夢匪序

吾郡自赤烏以來千餘年稱著姓者無如張輔吳陸
昭侯之苗裔而張尤椒聊繁衍冠蓋累代無間吾年
友夢匪先生尊大人瀛海公以廷對第一亢厥宗形
輪華轂之族益無敢望雁行先生爲季子幼負岐嶷
鶴靜堂集 卷之十八 序 一
之姿文采邁上江以南敦樸之會早以至盟見推弱
冠時好爲錦裘朱鬣與俠少年遊于海內奇材劍客
即無所不交攄乃舞稍學趨武以自衛其說甚秘不
欲泄諸人也當 興朝奄有南服舉于鄉不啻平吳
之得二俊瑯琊之用顧榮賀循也者捷南宮都人上
爭相賀先生顧愀然曰鳳毛安在愧不能入承明者
作之列不幾墮家聲矣乎已拜尚書郎與于選士之
役得士號最盛未幾衡文兩浙凡高步玉堂之彥皆
出其門洎持節河湟自瓜沙以外城郭諸國咸得而

撫綏之先生則曰吾簡書是奉惟體國家柔遠之道
俾弭耳以順顏行歲時供琛幣不絕若陳湯傅介子
之貪立奇功以殫威于邊境我無取焉歷三歲西陲
晏然無烽燧之警勲績加隆需次將大用顧乃以微
疴請急退 聖天子念萬里勞臣不忍玉門畱滯得
乘傳暫歸田里有古四牡之深仁焉會今大將軍太
保梁公開府吾郡喜接見士大夫梁公家世關隴知
先生悉塞上戎旅機宜尤帷幄咨諏不少倦間嘗郊
行射獵輒邀並馬追風及割鮮飲至勞爵敬先生無
錫靜堂集 卷之十八 序 三 夢匪三

算意氣益自雄三軍之士望之疑爲天人也先生妙
解音律每花晨月夕手操管絃自度所製樂府新聲
諸明璫翠鈿侍左右倚而和之射堂偶出許子弟騎
而從至于嚴督館塾率焚膏立雪爲常大而轡龍小
而蠟鳳國器森然在前公今行年六十丹顏鬚髮有
如彊仕異日起而率子若孫同遊乎赤墀文陛之側
施屏隔坐侈科名盛事是真大可慶也兩驃騎張公
與先生夙敘宗人禮免予一言侑觴二公曰子同研
席同賢書又嫻好也亦務詳言之無隱必欲如世俗

假兔園老儒筆蒙以金紫銀青之姓名爲重不反淺
之乎窺先生也歟因不揣而爲之序

錫靜堂集

卷之十八 序

三

夢匪三

代贈王農山侍御序

世所稱受福之隆者謂祿必萬鍾衣必緋紫青翠南威進御于前翠槃雕俎饋食于右斯大丈夫得志于時者之所爲耳然恒人侈爲有餘有道者必欲然不足也吾友侍御王農山先生少爲高材生試輒冠軍南宮告捷一時紙貴間有拾其膏潘獲售者曲江之會每不敢雁行進洵藝林之極軌云賢公卿爭以金馬石渠相期待及起家大行或爲之搢擥先生則曰臣子奉尺一詔宣威萬里外漢廷方博求能使絕域

鶴靜堂集

卷之十八 序

四

農山

之才敢以輶軒虎節爲易勝任而愉快也會世祖章皇帝親簡羣僚名已入諫垣偶中止久之拜夏官大夫先生則又曰夏官掌邦政厥任綦重安在夕郎青瑣方可論天下事耶出武庫之畧飭五兵申九伐大司馬齋戒受成焉耀德懷遠朝廷收不戰之功者多矣未幾晉擢臺班督運倉儲諸駝弊釐剔殆盡蕭文終之治賦關中冠子翼之轉輸河內不是過當寧嘉乃不續璽書進秩行且大見柄用侍御則已揚帆潞河南陔乞養歸矣祖餞都亭者咸謂二疏之

去亦年至耳子大夫甫逾彊仕尤人情所難予壁雲

間十餘載忝肺腑交欽爲有數人物即如君家茂弘文度業在千秋乃一當偏隅立國之初一當方鎮內訌之際備嘗艱阻僅而得安先生遭逢全盛坦坦施施身名俱泰是所遇勝于前哲者也仲寶以公輔饒著述先生麗藻都雅亦無多讓若竊比風流宰相未免沾沾自喜以今揆昔器量過之又龍門子講學河汾生徒多致將相先生所得士皆王國之植有游登樞軸者董薛房魏奚分優劣長公弱冠舉孝廉郝誥

鶴靜堂集

卷之十八 序

五

農山

一枝操券而埃仲季並嫻經術工詞賦江以南推辛陽濟美之盛一堂之上燕許父子機雲弟昆鴻筆世嬪爲國風雨又閨門雍穆相敬如賓有諷之以金鉤錦瑟者笑而不答其飲幾于不識杯錯然酒人百罰之餘明瓊格五獨纖髮莫能亂蓋省嗜慾薄滋味一切聲色玩好俱無足以擾其天鈞正不藉神仙服食之說以自固殆深于易者歟殆真有道者歟先生所居爲畱侯從赤松遊處菊潭丹井之旁生而多壽維茲九月屬先生六十生申之旦能言家競賡白雲謠

以侑康爵自今以始歲斟九霞之觴後福止未有艾
予不敏請爲鼗鼓軒舞歌天錫純嘏之詩

鶴靜堂集

卷之十八 序

六

農山

醫微序

予始識懷子抱奇時方治帖括自後天下苦兵革生
齒半瘡痍予愧出而爲吏未能蘇疾苦振窮厄及退
居鄉曲知懷子隱于醫以自全生活人無筭嗟乎不
爲相則爲醫士君子利物濟民有志者當如是矣然
而周官之于醫也歲有考月有稽以其療治之多驗
與否定上中下之目非如後世之人自以爲長桑而
沒無準量者也夫古今方伎匪一惟醫則屬人修短
之數有人曰我善用兵兵不必孫吳而勝之數少敗

鶴靜堂集

卷之十八 序

七

之數多矣有人曰我善用藥藥不必岐鵠而生之徒
三灰之徒七矣軒皇涿鹿之戰開兵法之祖乃素問
一書實爲千古延年續命之經天道好生而惡殺聖
人以藥濟兵之窮愚者乃姑妄試之而刀圭竟爲不
祥之器學醫人費可不爲寒心哉語云習方三年無
可醫之病醫病三年無可用之方此言良醫別有慧
悟非必局于紙上陳言也懷子則曰長沙易水諸大
家著書立言發所未發以詔後人皆大醫王慈悲軟
語方不可執法亦不可廢第其中若者從若者違爭

在絲髮之間必能直追所見自言其所當然庶免史公疾多道少之譏而治者稱至繁變莫傷寒若往往難之懷子則出之以易簡令人約而可循舉其平昔已試之法剴切詳盡著爲醫微吾知其于生人之道真可告無罪于天下者矣

鶴靜堂集

卷之十八 序

八

子始二

陸未庵詩稿序

當湖陸未庵先生筮仕李官名重畿輔視漢時扶風馮翊諸名臣無多讓乃難進易退拂袖東歸息影于湖山之外洛詠之聲昕夕不輟所著詩卷日富流傳藝苑者積有年所庚戌秋辱先生以近作授予予揆先生之詩其爲法蓋屢變而益工真所謂好學深思期進乎大醇之域者世之人負其少年盛氣涉筆成章便自詡青蓮復出襄陽再來即譽之以錢劉伯仲且面發赤以爲擬之失其倫何先生之善自刻厲日

鶴靜堂集

卷之十八 序

九

求進而靡有涯也每見致身通顯未必皆耽于著述若閒居放浪輒多傳塞彩選意錢以爲樂其稍雅馴者彈箏摘阮曼聲雜進而已語以撚髭覓句必以爲徒自苦先生承奕葉金貂之貴弱不好弄獨喜濡削柔翰綜覽羣書及平宦成屏去塵鞅藥闌花榭之間日事哦詠何其嗜好之彌篤也長公久任嶺南刺史有士燮陶侃之風克稟先生之訓以齊其俗次公從紫薇玉署登上第賢季爲三雍雋才巍科膺仕正未可量從來以治譜世其家者未必兼工文藻又或人

人有集代擅轡龍求其良吏接踵亦不少槩見今觀先生之身備四科而賢子弟文質並茂鬱爲國琛者海內殆罕其匹矣

鶴靜堂集

卷之十八 序

陸永三

錢葆勣集唐百首序

錢舍人葆勣夫人爲董中丞公女幼而明惠雙成再來以瑤水仙姬作朱門嘉耦于歸之後事太夫人唯謹徽音克紹閭里咸稱道之葆勣弱冠文譽馳海內獻玉未收屢困棘院雖擁門第席膏粱未必效牛衣絮泣而夫人所以慰勉之者無不至及單騎入都公卿交薦天子奇其才授之以承明著作夫人亦邀翟車之榮晨夕邸舍相之以莊則不聞晝京兆之眉相之以廉則不聞割細君之肉且南樛盛德卽或有茂陵之選而不聞發白頭之吟于是夫人之賢聲復大著于輦下乃葆勣省覲太夫人南還方奉堂上歡而夫人竟負沉疴不起太夫人絕憐愛之謂若爲吾家婦善事吾未亡人以共守先司寇之宗祊勿以吾故使其內諱不達于三黨也葆勣乃爲位而哭之旣卒哭時强爲言笑以慰太夫人然拂鏡臺觀遺挂香銷燈灺之際輒淚漬枕函其侍史向予言每竊聽清宵反側時口喃喃吟詠不寢大槩指歸悼亡而悉皆三唐人詩句云葆勣不能諱曰近者集唐百首固有

鶴靜堂集

卷之十八 序

士

之子盍爲我序之以當招覓之一助也昔孫子荆以詩示王武子稱其情文增伉儷之重今葆飭驅使古人工巧備極煥然若集孔翠以爲裘錯蛟龍以成錦夫人有知真漠中必又有報秦嘉書新製一則矣

鶴靜堂集

卷之十八 序

上

錢鏐

丁易齋詩賦稿序

仕進者或安坐致卿相或屢興屢躋祿不過六万石又或困窮折辱以終其身是蓋有運命未必皆係乎材術之短長者也吾友武塘丁易齋起部清惠公從子初舉于鄉出吾里大樽先生之門大樽爲近代詩家之的猶憶壬午秋以易齋闥牘見示曰斯人業治尚書而含情結響于制義中往往見風人之指殆淡于詩者歟已丑與予爲同年生同爲曹郎而易齋得冬官及持節秣陵覽江山之鬱盤瞻六朝之遺勝嘗

鶴靜堂集

卷之十八 序

主

丁易一

慨然賦之時復聚于闕下出其所作使吾白雲曹諸子交綏而退易齋與予浮湛郎署有年予麾去守甌越易齋執戟如故迨予歸田之日而易齋致其政者亦數閱春秋矣武塘距長谷本衣帶水兩人旣各退休林草不獲時相過從視古人千里命駕得無有疎逃之疑哉一日刺艇適吾廬見其詩溢數十帙遊展所至作中嶽天都諸賦信爲班揚雁行清惠公爲南大司空澤被三吳迄于今未艾顧當日勞心幹濟其文詞悉見之章奏與條教無暇一吟一詠偷息寸陰

易齋官小司空雖勲績未究所著詩賦古文富有日
新如此文章爲不朽之盛事傳之後世而不復計爵
秩之崇卑者唯能文之士爲然以易齋對揚其先何
愧之有易齋食貧績學無異素士其所養固甚遽不
可測至于師友之際執義淳篤有東漢諸君子之風
豈非進于道者哉若僅以其詩爲得所宗則淺之乎
視易齋矣

鶴靜堂集

卷之十八 序

古

丁巳

鄒氏後圃序

吾郡東南一尉開壽夢之獵場朝夕爲池表昭侯之
封邑維吳會之勝覽稱辟疆之名園佳麗成風林泉
巧構莫不人矜暇豫性樂遊觀未須娛老賜金移居
好時非必棄官馳射築館藍田是以蕙嘅瓜哇繡列
鱸汀之畔梧宮菊塲烟橫芋壘之旁洵澤國之武陵
而江鄉之平圃也爰有南梁大姓舊傳邾子世家貲
同樊重之饒庭懸珠玉志慕仲長之逸宅養禽魚陸
則紫岡白沙環通沃野川則瑤溪金匯匝繞清渠壘

鶴靜堂集

卷之十八 序

主

基而芝草叢生疏沼而醴泉溢涌本擬封君之入橘
柚千頭豈爭衛尉之豪珊瑚數尺固已淡知濠濮之
趣而善息漢陰之機者矣同時則亭林望族近郊起
光祿池臺滬濱名卿西第種河陽花柳然而年遠赤
烏業淪金虎昆明有劫沁水無春或錦石苔斑鸞作
鄰人之礎或雕梁燕去摧爲甲士之薪觸目慨慷填
膺悲歎獨鄒公文孫三吳碩彥上舍高材既貽厥之
皆臧實繩其之克承服先疇而勤歲事畝號一鍾述
祖德而讀賜書倉盈萬卷庭前竹樹瞻手澤之猶新

席上琴樽喜風流之常在綠垣式廓宛轉紅闌浚谷
滋淡琤琮碧澗舞胎仙于唐榭欲下羣真飼語鳥于
華軒能呼熟客銀燈如晝飲不醉而無歸玉露未晞
詩旣成而競爽庾子山小園之賦愧我無文左太冲
招隱之篇均斯雅尚云爾

鶴靜堂集

卷之十八 序

六

卯三

自芳閣詩稿序

蓋聞彤管揚暉不乏咏歌之樂金函著教非無文字
之禪道固共流事難雙擅荆谿有雲英子靜姝氏者
眷亞妙莊實出侯門貴族年當靈照便通龍藏真詮
弄璫吹于鳳皇之樓耦原璧合停錦梭于烏鵲之渚
情亦星稀初地珠林早受優婆夷之戒一庭寶樹仍
高女博士之名稟懿訓于深閨儀刑鍾郝播徽音于
淑閨伯仲姬姜邇者本師旅公來從兜率宮中暫駐
善卷洞口曼殊入夢偕母氏以同參賢劫歸空超人

鶴靜堂集

卷之十八 序

七

天而夙悟固已証明諸品何須翡翠筆床機徹大乘
靡假琉璃研匣者矣然且根無不利意蔬晨飛慧故
能圓心燈夜炳雖薄聲聞之果時爾有韻之言自芳
閣詩一編道者韞齋手輯或菖蒲十樣之箋拾其片
羽或蛺蝶新圖之扇撥彼瑤華匪曰妍詞總皆軟語
予塵蒙寡學敢托徐陵之序玉臺宜讚難窮庶幾方
朔之窺朱鳥

顧開明先生雲間詩畫冊跋

原夫高賢既邈非無鴻漸之儀大典斯彰允賴鶴鳴之和贈御史開明先生蜚英炳蔚秉道安貞江夏聖童出自辟疆之甯關西夫子來居漢水之陽清言而理入茗柯與義則書藏鴻寶以至鳬毛龍鮓異物能名貝笈霞詮分宗共貫可謂裕文山之藻蘊疏學海之璇源者矣當其教衍公超門徒成市序求皇甫禮幣如雲信足以夸彼百城藐茲千石然乃九攻既竭三獻難收繡被相憐歎鄂君之不再香荃自惜期屈

鶴靜堂集

卷之十八 跋

木

子以同心遇既嗇平逢年報獨豐于錫胤爰有侍御西嚟才侔管葛行比荀何敬讀父書守子政傳經之業恪共臣職邀春卿稽古之榮遂令紫誥金泥魚燈不夜且復芹宮璧沼鼙鼓升聞在郭有道之題碑方斯非顯况陶隱居之議謚媿此猶私者也侍御公靡暨駢駢最痛南遊負米采葑疊厠遺下里巴音雖文非二陸三張亦藝盡滕牋竹素競諸徵羽豈孫楚之效驢鳴並寫丹黃如越人之謀金鑄敢云附白雪陽春之調絲管攸宜庶或披晴川芳草之圖雲烟在

望云爾

鶴靜堂集

卷之十八 跋

元

開明二

重修本一禪院募緣疏

郡有本一禪院昉于月麓王孫貫通三教皈禮中峰
能弘少室之宗不愧文山之客維時松雪承旨儼然
無著天親空林大師即是瀉山黃蘗遂乃金輪轉日
寶刹干雲開慧遠之白蓮無妨結夏寫道林之神駿
不啻傳衣以至紺像鏤瓜巧容芥子法床施錦全覆
天龍祖燈圍自威音宗無南北華藏繡諸趙宋代亘
元明信乎象友魚王賢衆長持震旦火矚金臂大千
日頌莊嚴者矣前此如陸宮保董宗伯李納言陳徵

鶴靜堂集

卷之十八 疏

辛

君諸先達或道類許詢久聞淨業或性同周澤本愛
長齋咸皆光贊禪棲敷宣佛事近者人天浩劫玉鼎
維新帝釋高居紅樓如故然而鳥巢珠綴豈真頂上
頻伽蟲餌繡幢不見河邊香象又况青鸞閣裏半卧
銀刀馴鵲臺前常嘶鐵馬石函虛闕貝文散佚爲多
毳袖難安飛錫回翔不下此住持一聞志在紹隆講
席力求重整花宮者也一聞脅不橫陳饑惟一食猛
誓毘盧果報虔祈舍衛檀那大願無邊堅欲聚沙成
塔宿因不爽庶幾布地皆金從茲舌吐琉璃依舊上

堂說法肩垂瓔珞宛如衣紫開山盛事非遙真乘有
屬謹疏

鶴靜堂集

卷之十八 疏

辛

郡有

張升衢使君巡海唱和詩引

維勾吳之邊徼有滄海之大觀馳道遊行表茲泰望
築城戍守沿自姬年壽夢亭南鱸渚去鯤池咫尺表
崧壘北鶴洲隨鯁壑盈虛東距蛟門靜夜聞越中雞
犬西連鐵甕晴空列江介帆檣此則烟波無際非難
畫斧分疆斥埃常嚴靡不傳烽記里者也自趙佗倔
強不登朝漢之臺楊僕逡巡頻徙征南之幕遂使長
鯨短蜮窺伺日濛羅馬飛龍折衝彌亟上煩廟筭
許革面以來歸敦遣廷臣俾開誠而撫輯韜鳳鳥揚

鶴靜堂集

卷之十八引

奎

威之翮植騶虞解闢之幃固有日矣郡侯張公才高
京兆績懋漁陽下車甫越兼旬籌海齊驅四牡三山
弱水波外皆仙萬丈扶桑島間有國凌虛蜃市駕鼉
鼉以爲梁穴水鮫人網珊瑚而卓筆儼對木華之賦
沙散錦雲旋題李嶠之詩珠含明月彼樓船上將豈
皆橫槊高吟五馬專城未必穿楊命中以公犀渠敵
愾則喙遊天吳珉管摘詞復光搖貝闕信矣陋龔黃
之不武咄頗牧之無文者哉凡我邦人欣逢燕喜親
瞻醴酒推牛載誦鴻音希作扶輪承蓋忘續貂之醜

恐陽春和曲終難懷疥駱之羞致暑賦踰時不獻庶
幾罔程工拙容各持布鼓而前並賜裁成仍特運風
斤以琢

鶴靜堂集

卷之十八引

奎

張升三

同人送宋荔裳觀察入都小引

萊陽宋荔裳先生姿本鳳毛望居龍腹交遊屢滿何
慚漢季三君吟咏風清不數唐初四傑寓伯通橋畔
草堂即是浣花來二陸祠邊溪水皆成春穀旗亭鏤
板競唱新詞梵宇香幢紛邀半偈固已寄隋川之興
蠟屐忘疲俄然治京兆之裝徵書適至驪珠閣外遡
征欲信牙檣鶴吸灘前采吉將移錦纜自聽朱絃綠
綺鴻篇屢惠瓊瑤雖無白雪香蘭細響爭鳴瓦缶東
亭出餞難盡平原畱客之心河朔啣盃仍嚴金谷賦
鶴靜堂集 卷之十八 引 雷

詩之限敢托鄒枚授簡猶庶幾贈策以行無緣李郭
同舟或未免向西而笑

募葬徐思贖先生小引

吾郡徐思贖先生一達掖而名重海內所爲制舉業
作多士津梁者蓋自弱冠時已然遲久不遇凡剖符
持節之吏過之爭欲申北面之敬不意其猶屬魯諸
生也先生雅尚自高志不在干祿有宋儒之正而不
滯於理學有晉人之逸而不溺於清言有東漢諸君
子之廉隅而不以名節爲鋒距予少嘗與之晤對移
日爽然意消不禁猶龍之歎迨後先生益復垂帷簡
出及易代之餘固已遊僊委蛻不可求思矣最可閔

鶴靜堂集

卷之十八 引

雷

者附郭無田桐棺未葬近顧子持先生弟子曹文學
誅語示予將謀窆窆之事見吾友軋一諸子首倡捐
金軋一敦崇古道不肯遺義以讓人若修陳徵君祠
堂與補葺陸平原兄弟暨張季鷹顧希馮諸名賢蘋
藻勿絕信乎訪陳畱之遺而傳襄陽之舊亦旣幽顯
畢登可無餘憾如葬徐思贖先生則尤吾徒之願竭
蹙以圖不忍使諸子獨行其善者也顧子晚而投托
桑門乃不學釋氏之求花龕寶塔爲某聖僧諱茶毗
舍利之談獨汲汲於徐先生之不克葬其亦有感於

老而不遇者耶其亦庶幾不悖於吾儒者耶

鶴靜堂集

卷之十八

三

吾郡二

流楚集題詞

客歲徒跣南還沈子郊居養疾及過吾廬慰勞倍至
已而出一編相示則所著流楚集花間錦字其所自
爲七發者也人以百藥子以羣英纏綿商羽之中賢
于刪苓咀朮逮矣予雖禮乖和嶠然方却筌阮屏諠
琴聞誦而不能擊節又安從竟其美獨念沈子少工
述作近乃好爲綺詞麗句非流蘇翠羽不陳非南威
洛姝不采或竊病之謂夫宮體輕靡將無所辭其咎
予則以沈子殆深于憂患其所言諧而隱戲而不虐
與夫孤憤懣俗刺譏當塗者懸若河漢沈子固善自
全者歟况乎游龍芍藥詩旨坊淫杜若香荃騷辭著
愛誠體乎古作者之用心則求美人而懷君子庶幾
溫柔敦厚之教無往而不存豈獨言之者無罪而聞
之者亦足以善思也

鶴靜堂集

卷之十八

題

辜子閨韻題詞

古人於君臣之大義每托諸美人香草以寄其哀慕
悱惻之懷正不待曲終奏雅而後見發乎情止乎禮
義也然名士悅傾城即或流連燕婉抒情房闈豈必
爲學士大夫所禁絕張子高以甚于畫眉對人主信
通論哉予薄遊西江偶辜子示以近詠閨韻竊訝辜
子莊士今客鸞湖鹿洞之間必更有進乎道者奚反
作綺語以自遣放耶夫關雎不淫不傷善言情者斯
善言性庸詎非辜子之講德於朱陸之堂也雖然釋
鶴靜堂集

卷之十八 題

壬

氏神通難窺邊際寶誌食魚鳩摩御女豈凡沙門可
得而輕效者然則無辜子之靜正而徒侈鏤朱繪黛
爲采蘭贈芍之詞君子又恐其流而不止矣

題栗里柴車圖卷

昔陶元亮爲彭澤令甫八十日輒自免今讀其歸去
來辭園居田舍諸作飄飄若神仙中人賢者一言一
動爲天下後世所愛慕宜栗里柴車圖相傳爲美談
也李子某有可仕之才而隱於賈居恒風雅自娛屬
名手繪茲圖尤耽翫不厭四方名雋多紀述而詠歌
之李子自待良不薄矣夫食其祿者事其事金馬非
可以避世也吾寧處於市廛彼以終南爲捷徑是又
馴僮之尤也吾寧權什一謀廢著長以貨殖名而不
鶴靜堂集

卷之十八 題

壬

忍以市道行於君臣之際也夫難進易退君子所貴
間有白首戀位諷以少伯五湖方思乞休者亦尚廉
耻未盡泯哉予嘗聞富貴熱中之人相誠宦轍所過
勿登嚴陵釣臺殆必以靖節爲非功名俊物且將欲
刈松而焚菊者矣李子如遇其人慎毋輕示以此圖
也

雷子遊詠題詞

余識雷子克昭歷三十年所激水去吾松千里嘗數至焉予年來歸田被褐偶與粉榆諸子言及運命皆云當吾世而精於談天者無如雷子雷子攻制舉業自推磨蝎守垣因輒棄去其與人言不徒言吉凶而必告以進退取舍之道殆深于易者歟乃賦性溫柔敦厚得詩三百篇之教爲多遊屐所至登臨贈答之什雅多可觀今歲過五茸道風彌秀詩學亦加廣吾鄉之人無少長皆樂與之親而持節擁纛之賢大鶴靜堂集

卷之十八 詞

辛

夫亦靡不以爲重客昔邵康節在趙宋盛時朱輪列戟之族皆以其一至爲榮間復流爲詩歌必爭相傳寫彼有道者之一吟一詠自足動人觀聽矧乎雷子之詩又出入三唐諸彥無忝乎風人也

書冰雪上人出關行腳疏後

越州大善寺之雙松禪院居寺之南偏予遊屐凡三至焉先是二十年前明祚未移人文綺麗甲第歌鐘之盛與魚山梵唄相響答蘭亭諸君子時就旅人觴詠唱酬時則冰雪上人僧臘尚未高吾輩恒以琴聰蜜殊目之凡彥會輒與俱洎後偶一過此山陽之感所在涕零獨雙松諸苾芻無恙而冰雪且爲雲門戒珠間一耆望矣越數年冰雪訪予枯蒼僅取彼中之舊篋一鼎二瓶而別告余以歸將拚關此物特宜清

鶴靜堂集

卷之十八

書後

圭

供云今秋予復假道於茲雨中叩雙扉冰雪則從松龕稽首相對一燈熒熒香幢閑寂環院之前後爲樅金浴鐵之場冰雪禪棲彌靜一無外擾不可謂非諸天福力也予將行又告予以來年結制畢當再操軍持適四方求古德參禮焉且曰我少時勞苦作務今茲安坐而享香積之粒無亦靜福難以消受我其亟求懺悔庶幾不辭行脚仍效童子聚沙成塔之勤以濟吾佛事乎咄嗟冰雪道行旣崇乃不以柳生左肘欺人如此

書甌江食物志後

李子作食物志豈曰觀我朶願將染指于鼎哉夫亦告我後之人以物產之具存無或以近茲海錯有厲禁而卒遺忘焉庶幾辨土之宜以若其性勿聚族於斯而有爾雅不熟之疑也甌並海一江爲吐納擊鮮者必以海爲貴凡宴饗召客寒雞鸕鹿不在珍膳之數游物以潮汐爲候往往飲至夜分而適以時至金鱗白肪載登於俎主人畱賓固不煩投轄爲矣李子好交游多豪舉雖於世無所求間有以千金爲壽者

鶴靜堂集

卷之十八 書後

五

輒集勝友挾名倡浮白呼盧累旬日不休又治具無忝郇氏厨故於物最詳且細他人雖老於海濱多未詣也雖然李子豈其以口腹營心哉李子謂張融木華之賦海寧有不盡知其產而漫焉操筆者且對萍實而別龍鮓卽人所不恒見之物古聖賢悉能道之我其智可不漁師若耶抑食物志之所爲作也意更深遠矣夫人生而固羶也則亦已爾若素稱肥白如瓠一旦化爲枯腊不亦立而見其殆歟以甌平日芬華甘美如彼今且具中人之產者至不能舉二脯海

外之物莫敢致內之陂塘浦渚亦魚鱉俱盡甌之爲甌尚忍言哉治國若烹鮮用以告司牧者

鶴靜堂集

卷之十八 書後

五

李三

書吳求寧先生夫婦行狀後

昔文信國盡忠于宋謝臯羽趙孟頫輩嘗爲幕府賓
佐皆終身不仕或又有托而逃今讀臯羽西臺慟哭
詩抑何悲憤不自勝也至孟頫從禪宗示寂時猶不
諱文山之客此真慷慨節烈之士百折不回者耶然
兩君子咸得令終未始有毀軀湛族之禍以予所聞
汀州監軍吳公義甚高其身後事彌慘酷當明之亡
也唐藩立未幾倉卒蒙塵維時楊學士主於吳公竒
其材以監軍薦用及虔之陷監軍與學士同日歿議
鶴靜堂集 卷之十八 書後 蓋

者以其家爲行在諸文武信宿地大索不已子姓滅
獲半就殲焉夫人朱氏五毒備至義求速歿而卒以
一歿報所天嗟乎如監軍者何其見用之晚而殉難
之殷也長公芑貽茂才與予遇於越州旅舍出其行
狀尤得詳歿事本末如監軍者誠可以愧躍馬食肉
數十年而不能歿之人矣

書天馬山文昌祠疏後

文昌梓童帝君爲司祿司命總持凡文軌所通之域
靡不敬而祠焉觀于化書所載靈跡甚多吾郡天馬
山有文昌殿宇前輩陳繡林起部萬曆乙卯登賢書
先一載廟祝竊見預定蓋珠榜有陳公姓名及後名
次俱不爽爭傳以爲竒距今五十年來佔畢之士咸
艷稱之當槐黃報秋席帽軒輿輒矯首而望曰神其
許我乎然祈靈有心而昭應未答或有脫穎而去者
久則忘之矣沿至于今祠且日圯微但丹堊漶滅而

鶴靜堂集

卷之十八 書後

蓋

榱桷棟折四壁如裸立像設雖存亦噪鳥鵲而盪雲
烟耳予慨夫吾郡兵燹之餘凡緝宮琳館之燔于一
炬溷于馬通者漸皆飭治如初大半幕府元戎與兜
鍪壯士之力獨毛錐家罕能使奎壁重光人文有賴
亦可耻也矧邇來科第衰零日甚形家者言紛紛指
斥或疑爲麗譙太高者然郡樓工峻上海朱庶常作
南宮第一人或又疑九峯形勝失之負重傷于鑿空
是皆未足盡信習爲天官者復言江南文星不耀將
十二年蓋一星終也文昌祠宜亟修修之此其時矣

瞿子欽我居天馬之麓以爲光靈盼饗莫如此山亦何必舍昭昭而求之墨墨但此事未可盡人而語以布金必有志于科名或于其身或及其子孫者方克共襄斯役因酌議每願以若干爲率自一願以至十願百願從人之便雖碎若聚沙而事取易辦其在既入仕版者固宜力圖美報而士子一燈片氈務各自量捐亦未爲大損其豪諒我同志必踴躍從事者也

鶴靜堂集

卷之十八 書後

庚

七

且庵說

董子自號且庵沈子虛子爲文以記之旣昭晰而詳盡予復何言予竊以天之與人富貴貧賤吉凶修短之數至不齊矣人惟不知所以自安必出于逆天抑不知所以自廣終于爲天所制且庵者不求造次之華而善于處約其狂則顗愚狷復近智者歟雖然假以董子盛年榮進權在司牧吾且爲疏職在風議吾且爲暗浸假而貴爲公卿將相刑獄未平吾且忍之邊境未靖吾且置之庶頑未殄吾且容之凡事苟焉

鶴靜堂集 卷之十八 說

七

而已悖朝命而負蒼生義之所不敢出也今董子未嘗縮半通之綸膺一命之寄終日以苟且謀其身十人乎何害于我乎何尤倘天旣位我以無望之厄而或幽憂以自困或更悖悖焉思與造物者爭斯鄴炎趙壹之流難以俯仰于六合之內者也董子藏身之固則大相逕庭矣天雖百窮我而我自有不窮者存推之西伯姜里且以演易仲尼匡圍且以援琴古聖賢所爲應變而居貞者皆不踰乎此嗟乎董子殆有得于知退之道俟命之學者也豈曰周容爲度依隱

玩世云爾哉園有桃之詩曰我歌且謠思深哉其有
憂患乎是未可知也

鶴靜堂集

卷之十八 說

三

三

鶴靜堂集卷之十九

雲間周茂源宿來氏著 門人

鄭惟應元焄

校

鄭載颺元閣

記

重建仙巖聖壽禪寺記

葱嶺以東王侯貴人洎凡橫目之衆咸崇信西方聖
人之教花氏宮綿亘震旦不翅千百禩於茲矣永嘉
禪宗歷稱最盛日月燈所四照迴溪複嶺間靡弗左
鵬者右雁王也仙巖爲道書二十六福地聖壽禪寺

鶴靜堂集

卷之十九 記

一

昉於唐貞觀中後楞嚴安禪師住山伏虎又名伏虎
禪林嗣景純瑤詵活石鑑空諸古德累賜紫衣有參
史局著作者蘭奢高座豈不繩罔戮哉顧歲久臘
深漸就頽圯近且娑羅卒萎香海爲枯舊寮不存兩
楹二三老苾芻不能與猿身爭粒粟復挈軍持行耳
時有盛衰事有興替世出世間皆所不免求夫建人
天寶幢耀帝釋珠網紹堅緒啓鴻基者必福慧圓通
道高行苦之人是賴天目大師吳中名家子夙因再
來幼即辭親受具參學示

日 工 天 哀 然 爲 臨 濟

喬孫天童嫡胤蓋久矣首淨名而推龍象焉靡竺那
至感慨係之謂吾釋子仰報佛恩當具彌天法力不
辭苦難荒高山相原嘯羣路藍縷以誅荆棘豈必有
國家者事乎然僅披一廟賓毳衲手操竹如意行游
說法而效須達布金者日衆會寺廢址數易主而歸
瑯琊王氏玉伯比部廉知爲桑門故壤舉券還之師
益擴其疆一切鳩工屬植倍於貞觀之素從 本朝
世祖皇帝庚子歲詠吉始事迄 今上龍飛四載功
告成先法堂次齋堂禪堂次方丈次寮房次鐘樓次

鶴靜堂集

卷之十九 記

二

重建

藏經閣次大殿次三門庖湑庫廡至擇木館賓之舍
無不櫛比塗茨堅甍繚垣誠哉緝宇聿新而梅林美
備矣憶待罪括蒼師嘗過訪偶題募引以作聚沙之
助適龍泉一善信刊木三千章以獻雖僅充枅櫨之
用殆權輿不可忘云茲予樂觀大成來謁師復與王
伯氏信宿維摩之室述厥工之次第與開士之異績
屬予記之不久而其季今潤州司李又典氏傾月俸
錢與龍藏至從此琳編貝葉光燭御巖雷瀑之交不
亦諸品無漏而覺悟無邊也哉昔王司徒兄弟聽高

僧講毗曇經立解妙諦繼乃捨宅爲寺僧彌法護遂
稱迦葉金湯今比部與司李昆季豈遜司徒短簿得
專美於前也耶又寺側有陳止齋先生讀書臺朱晦
庵夫子嘗過而講道陳祠益不可間矣師乃百寮具
興不以爲無與我緇錫事而姑後諸斯更貫徹三教
而于大九州之內演化于不可思議之域者也予雖
不敏樂濡筆而爲之記

鶴靜堂集

卷之十九 記

三

重建

永嘉何韓二令畫像記

世祖皇帝在祚丙申丁酉以迄 今上改元之初六
七年間令永嘉者前爲丹徒何應仕後爲鄱陵韓則
愈兩君固天下士官百里相繼罷去予不才介兩君
而爲其隣之括州守素相習也又以吏事故益親然
予亦以他故落職歸且三載矣今秋復東行遇韓君
於武林邸舍髭髮盡白尚未得渡黃河上其先人丘
墓僅操三寸管稍易王孫飯耳以視何君罷官後提
一藥囊走四方者饑乃益甚一日者兩君復聚湖上

鶴靜堂集

卷之十九 記

四

永加一

客偶合爲寫照于是永嘉二令畫像好事者詡詡然
道之韓君謂予曰曩何子言若固貌吾形而已必求
貌吾兩人勞憊怫鬱佗係不平之心者當以峽之子
予見何君在任時島舶久傳堞嬰城守一切蘭石渠
答峙糧之備皆令是問甚則剉蓐草飼馬炊將析骸
卒之固壘而賊退去者誰之力也韓君繼之兵事益
繁制府移駐甌江夜調遘水陸諸軍會歲大稔令幾
不火而諸軍連 呵見糧無已顧乃左方右圓竭智
以應又且行田采嵐之際歌咏時閒作焉可謂從容

大畧有履危濟變之才者矣。之去位也邦人走

望而哭終已不能聞其爲之氣加鑄金髣髴其章服
容貌以繫思於無數茲武林畫像較晚出視作今日
顏似少加肥澤食人之食者憂人之憂彼鄙夫俗子
一旦得志即坐作聲勢容如渥丹苟不然惻惻書空
立而就槁此豈尚知有公爾國爾之義者耶今兩君
去官百憂少釋宜乎樂饒得以自如將安意肆志忘
其老矣括州去永嘉三百里而遙矧各隸其職平日
文告不相及冠蓋不恒相望也獨予與兩君受事終

鶴靜堂集

卷之十九 記

五

永加二

始甌方用兵靡事不呼括括於永嘉如貫焉當年勤
苦勞瘁之狀有筆不忍殫述者吾三人肥瘠三人自
知之吾三人功罪與否亦惟三人自知之未易一二
爲他人道也

修白泉祠記

有泉出於陽湖之滸其色正白相傳永嘉宿覺禪師卓錫於此爲功德水之所流潤云向之富厚佚樂者非此泉不甘人爭載以如市輒易升斗粟近者人艱於食遑暇飲之是辨勿收勿幕旁有菲草殆幾於智井者歟王子長雲讀書於泉之陰一日履其地聽其聲泚泚然鳴取而酌諸所謂白者如故也作而歎曰天下有可用之才偶不見用而遂疑其未始有才焉者亦猶是矣或曰泉之靈者有龍居之或又曰有神

鶴靜堂集

卷之十九 記

六

焉以守之龍不可見神不可知蓋亦意之而已舊有祠焉可以不葺是役也王子誠寓意于廉泉護水之間知必將於出處之道能潔其身者也重自愛者也

代郡侯張二違潯河碑記

寧遠張公守松四載政舉民和邦人歌舞諸如蠲賦平徭弛刑詰暴輯戎旅禮文儒善不勝紀廼以農事之隙修廢繕完而尤莫亟于治水之役夫東南水勢松獨承浙西宣歙之所輸委而爲三江震澤之下流其大者若非朝廷專勅重臣如夏忠靖之調遣數郡丁夫殆難以輕議疏鑿公按部至青龍滬瀆目擊平沙曼衍芟蘆四聚未嘗不慨夫時方告絀未暇遠謀也至若體國經野之制川涂吟澮自鄉井以達于畿

鶴靜堂集

卷之十九 記

七

遂人實司其職後世多溺于官堂皇廨宇之外隔一垣即秦越視水泉日涸曾不容刀閼閼則莫禦火災原田則莫溉禾黍道路若弗此卑褻子之所以刺譏也松百年來其浚城內外諸河者一爲堂邑許公一爲穀城方公一爲 本朝獻縣李公皆良二千石肩其宏鉅而細者以次就理公之是役仰對曩哲先後一揆有城復于隍之懼焉輿稽圖牒宋元時松隸平江秀州皆專設庸田水利使明則以郡察一人分董之迨事久弊叢幹河率置不問而欲左則左欲右則

右惟豪強之自私甚者指塘長爲市歲歛水衡錢飽
史胥之腹民日以勞水益不治大概以濬遠鄉之水
爲名遠即未易究詰若城內外鹵簿出入淺深程度
在耳目間者唯有任其壅遏耳公去塘長責業戶下
令于流水之原不扶一夫而將事恐後先國鄙次郊
垌又次而四鄙民咸爭奉片檄鼙鼓弗勝益他人塗
飾于遠而遠近率就汙萊公飭屬于近近者利遠者
亦無弗利也曩歲公嘗修築捍海堤冒風恠雨秋濤
震盪微公民且其魚彼時公善用四邑之民力爲一

鶴靜堂集

卷之十九 記

八

寧遠三

方灑沉澹災殆教之以睦婣任卹之道百姓雖勞又
何可以已乎茲雅不欲以發徵期會重勞吾民故第
使之傳餐負鍾洗足即入吾廬公不忍用民之心固
已信之有素矣憶朱范文正公歸領鄉郡親歷華亭
海濱相度水道予方悠悠里居于父母之邦罕所禪
益惟辱公夙昔之雅稔聞其善政之日有加也大而
河渠小而溝洫蓋實兼治水之長予不敏竊樂得而
紀之是役也始于正月旣望竣于三月上弦佐其成
者爲兩郡丞杏山彭公浩江陳公云

擬冬至 上祀天於南郊奉 太祖武皇帝配
是日享 太廟追上 列祖徽號禮成頒詔大
赦天下羣臣賀表 順治五年

伏以位定升中肇祀介紫壇之瑞典隆報始居歆流
紺幄之祥齋誠克達於鷄彝仁人爲能享帝肅爽式
憑於鸞御孝子莫大尊親百神胥百職以銜榮三禮
並三宗而薦苾幽明合德中外裨休臣等誠懼誠忤
稽首頓首上言竊惟聖人議禮受璧中墀宗子承祧
奉圭清廟地雷始動豫登啟薦之文獻舞終儀詩著

鶴靜堂集

卷之十九 表

九

烝衍之頌黃鐘有本六宗並統于升柴赤社無驚七
廟均依於主嚳虞氏宗堯夏氏宗禹而祖頊攸同殷
人郊冥周人郊稷而帝嚳則一慨自東封之冊渭陽
貽陋秦巫嗟哉太上之稱原廟良疏漢叢乃勅祠于
黑時或迎氣于黃郊複道衣冠始薦櫻桃之味太清
觀宇誰連仙李之根中祀小祀之莫稽分祭禘祭之
妄議豈神光之夜燭罪宥汾陰何香氣之朝聞今來
鄴下卽有赦因過市非由灌玉之符若其怠及徂基
反致酎金之罰未有國琛隨艾蒨以介蕃休廟殿進

版章而膺純錫如今日者也茲蓋伏遇 皇帝陛下
性生神武功軼勲華禹甸東開海湧西崑之宿堯封
南履耀光北極之陰洪膺乾道於萬年遠邇祖功於
歷代寶龜遺址負宸來顯相之同振鷺於飛戾止受
宰王之德應葭灰之律動瞻黍谷之春回大報隨時
不但秋感霜而春感露宅中錫類爰思宗有子而祖
有孫合七世弓裘同答生成之德舉四方薪樵助修
配祫之文惟掃地以推誠斯升昊而薦恪非但氣通
縹緲尊親虛儼於陽郊實因靈接思成盼蠶中浚于

鶴靜堂集

卷之十九 表

十

上祀三

左位雖后繫地皇繫天名分祝冊若帝爲賓祖爲主
氣合明禋當年荒作高山武布風雷之迅疾此日攸
同豐水神偕雲漢以昭回薦敬荐義荐時和東鸛西
鱗北黍南茅益表內心外物之盡序事序爵序齒萃
士雉卿羔男蒲子穀聿觀至德追王之儀酬締造於
金甌儼矣一堂水木僂見聞於玉豆皇哉九廟聲靈
述千年玄枵之禎作頌爰歌長發鄙五夜赤蛇之異
題祠僅號昭靈馨烈上烝鴻恩下逮走禁墀之風雨
已知馬驛星馳降香案之氤氲會見鵲簷春滿其在

銅符鐵券報自宗工屬以緋袖粉裳昭茲旬服謂眾
庶方出諸水火而愚民或猶在網羅指涓橋長乳之
星肉刑可痛消秦獄怪哉之氣緩贖還遲皇仁早及
於蠕蠕率土齊甦夫犴狴廣堯衢之蕩蕩不同漢詔
蠲租開湯網之恢恢寧止唐宗縱獄蓋用其一緩其
二來牟既有卽邀恩於報功祈穀之時殺之三宥之
三嘉石惟平實迪吉于依永和聲之會玉札潤滋蘭
之雨引商霓周露以咸蘇金莖湛偃草之風共燕麥
垂桑而並沛凡此爲子爲君之錫福悉由本天本祖

鶴靜堂集

卷之十九 表

十

上祀三

之推誠臣等學愧魯魚識慚周禮讀孟堅郊祀之志
柴蕤未諳效子山晨裸之歌笙鏞失奏與執芻執玉
之班共慶獸惟一角樂采蘋采繁之化懸知鼠已無
牙敢不歸昨懷恩省蠲思敬伏願奉三無而泰兩乘
六龍以建中念克配於思文雖和羹清醑咸歆曰旦
日明猶畏皇天之眷永成孚於繩武當靈鼓華鐘既
奏無聲無體彌欽烈祖之聽講孝經于虎賁三千盡
作奉璋髦士勤休享于元侯十八皆懷賜嘏精忠勿
問鬼神而終擯洛陽年少旣行寬宥尚當官絳縣老

人將見協氣芴流甘液常浮于古甕祥雲四塞肉蒲
再扇于天厨矣臣等無任瞻天仰聖踴躍懼忤之至
謹奉表稱賀以聞

楊靜堂集

卷之十九 表

三

上祀

擬 上命開館纂修 太宗實錄賜兼修總裁
各官專勅及編纂等官宴于禮部群臣謝表 順
治九年

伏以聖孝闡鴻圖寶冊譜開天之業溫文申燕喜盛
函敦敬日之誠惟珥筆而書泝丕基之有自因吹笙
以饗昭鉅典之多儀才有愧於三長任獨衡乎兩大
異風申命需宴濡恩臣等誠惶誠恐稽首頓首上言
竊惟帝王大一統之規垂裕者必聖作明述孫子卜
萬年之祚揚休者先武烈文謨故纂修類有專官而

楊靜堂集

卷之十九 表

三

嫩懿各歸本紀設太史設內史憲章固石室爲昭問
麟臺問蘭臺典則並金科共麗雖自蕭梁而後始興
實錄之名乃從史佚以來卽備起居之注行事已詳
於日曆傳聞有禪乎紀年放勛爰載虞書焚燬如賄
夏后克詒祖訓鈞石無愆誰云久則易湮止在信而
無弊劉歆好事祗畱雜記於西京師古多能僅輯厄
詞于南部彼重撫大業知瀛州闕漏居多至曲撰隆
安恐江左繁華益甚韓愈補順宗之錄當年玉几依
稀趙普司藝祖之藏一代金縢屢誤讀陳氏尊堯之

集補過爲遲覽曾家紹聖之編伏姦殊隱或議無闕
乎久遠或識有亂乎是非職重提衡吐鳳難期於芝
檢人資妙選懷皎未覲于冰衡至若醉瓊樹而闌華
賤曲就八人之燕奪錦袍而矜絕唱儼施重席之榮
未有創守兼隆仰前徽於夙夜禮儀旣備咨善頌于
臣工如今日者也茲蓋伏遇 皇帝陛下道馭鸞龍
祥延六鳳拜嘗常壁丹霞早著禎符齋以受書翠葉
潛通化理寰海震數聲夔鼓我武惟揚殿廷建五采
鸞旗太平有象隆孝養而蒲堪作筵彌切寢園弓劍
鶴靜堂集

卷之十九 表

古 上命三

之懷奏雍和而棟欲生松聿追胥宇玉璫之舊蓋念
我 太宗文皇帝運隆式廓聰明以不殺爲功時際
永清政典以右文爲尚重恤鄰之義觀兵則至再至
三彰服遠之威闢國則是致是附用能協三靈而滋
百福因之萃六合以爲一家傾馨香久配紫壇而日
月徒藏金匱苟成謨之無考將續緒之謂何爰命儒
林覃精史局仍頒專勅總厲諸寮謂從前撰述猶互
叅中秘之才若向後編摩須定責數人之効于是賜
栢梁之法酒山尊貯綠醪紅醖登蘭省之初筵銅砌

繞銀魚紫綬給膺縻數鈇必期不日而成分側理千
章惟務各共厥職昭代自垂龜鑑重在曾孫主器之
躬大書亦效麟經嘗申臣子愛君之義斯真紹聞無
數尊訓言于玄玉赤刀繼序不忘勤愼悟于秋霜春
露者矣臣等直慕董狐文慙司馬守挈鉞之智苦於
徒讀父書黜執戟之班未必深明掌故猥蒙晉遣蠹
魚遊芸帙之中復被穢施塩虎列桂階之右敢不祗
承綸綍虔誦琬琰畫刻花磚鴻寶將日華共燦夜燃
藜杖奎文與斗柄同橫辨奇字於揚雄竊慮師心有
鶴靜堂集

卷之十九 表

古 上命三

誤追六書於蒼頡已知指掌無難庶宸衷藉慰箕裘
而史館旋叨黼黻伏願敬依耦式仁沛衢樽垂裳藻
入廟之容時見在天可畏輯瑞廣來朝之禮益思開
國維艱興賢莫大于臨雍日聽鳳梧矢詠納諫更優
于止輦豈嫌魚藻陳詩展經筵而細訪圖疇龍古授
聖人之學進皇覽而分觀甲乙象胥同天子之文將
烏弋黃皮皆聞風而入侍且西轡東鱗隨告備以居
歆矣臣等無任瞻天仰聖激切屏營之至謹奉表稱
謝以聞

公賀慕鶴鳴方伯啓

伏以豹賦熊旌膏露造三吳之命鸞歌鳳舞卿雲宣
四國之春杼經綸蓋世之猷驚看復旦進壽考維祺
之頌慶在生申未遑鵠立以奉觴先用鳧趨而攄悃
恭惟某官勲高傳楫道重姜瓖雄才出闕隴以西彩
筆與河流爭潤華胄本王侯之後朱門偕嶽色齊輝
甫當射策殿廷已裕折衝構俎筮什則湖山望縣金
帛不碍鳴琴專城則海嶠嚴疆玉帳全依露冕奉使
節於扶桑島外回星槎於析木津邊應鯨人目闕水

鶴靜堂集

卷之十九 啓

夫

第一

綃不侵不振憐蠻戶龍宮火樹來享來王加鼓蓋而
典犀軍時纔匝月錫璽書而登蔽省眷本非常 帝
心重軫東南財賦居中邦第一 聖世偶逢水旱江
淮與吳會爲尤連帥首名藩慎四岳闔門之寄文昌
稱上相崇二公分陝之權無煩雨粟雨珠皆自葉流
根之澤從此政蛇政虎有聞風解綬之威知塩梅寵
召鋒車喜笙鶴祥開油幕黑頭公輔寧假詞於綠髮
方瞳丹籍神仙竊注望於水桃雪藕某等深漸榜櫟
久伏菰蘆學張湛之卑恭柄運鄉曲習戴顓之隱約

又

屏退山間既共圓于春臺且齊登乎壽域邦人咸喜
君子萬年伏願爲國而卜靈長元老獻河圖之籙愛
民而宏福祐羣黎依南極之星書用苦文敬同松實

鶴靜堂集

卷之十九 啓

宅

第二

役顧尚遠三舍而遙擬叩戟門效魯頌之從公于邁
虔濡鑊管附幽風之介壽躋堂愧執羔執雁之未將
寧爲鱗爲魴之敢別

迎耿郡侯啓

嵩衡作鎮奎壁爲章承家堅帶礪之盟勲業在彤弓
旅矢上殿主風運之職德威兼薦禽騶旂固將萬
升階表銀艾金魚之貴爰藉股肱典郡展朱轡圖載
之功澤沛隨車情殷負弩其姿同瑣珩學愧鄉媛初
筮白雲惜未及比肩徐杜一麾蒼嶺幸從今親睹龔
黃惟茲地號五茸豐蔀切來蘇之望行見田生岐穗
劭農徵大有之祥五馬翰如擬效群兒竹馬雙旌賁
止先懸萬里心旌真鳧藻之在中慶鳳輝之伊邇函
鶴靜堂集

卷之十九 啓

六

非副墨原因至敬無文琛鮮盈僅尚待通名紹介寅
忱是獻丙鑒攸祈

公祭同年朱蒿庵黃門文

維靈誕降挺秀珪璋西京學術正始詞章賢書登達
終賈名揚乘時則駕筮仕汾陽吹噓在野鳴琴在堂
武能霸晉儉復歌唐擢拜青瑣謨謀廟廊觸邪指佞
字挾冰霜高墉射隼請劍尚方人憚汲黯帝簡周昌
忽嬰嚴譴遠適閩疆虞翻度嶺屈子浮湘棄官歸里
文酒徜徉鋤菰採菊燕語花香鉤筆錦瑟沈醉無妨
悲歌當哭嘻笑伴狂如何遭難无妄罹殃明駝急足
呼召倉皇若盧聽對血漬琅鐃求厥禍本捫舌刺腸
鶴靜堂集

卷之十九 祭文

元

薑真肆毒鳩反誣鳳公初抗疏董正官常員無冗濫
歲有見糧黃膳飛輓洛口盈倉功高軍國賴及維桑
宵壬倚伏耳屬垣墻此焚諫草彼實棗囊訟寃孤憤
昭格九閭灰然獄吏蕭傳斷肱計音北至共切哀傷
巷無白日風撼金商藐孤擗踊匍匐奔喪紆遲丹旄
阻滯河梁赭衣就道廣柳還鄉人生至此慘痛難量
某等連袂接席誼叶筵簣錫原均戚涕泗沾裳敬憑
素几爰酌椒漿存亡稽呂生死范張誓淦銘骨六尺
扶將仰天一慟雲海茫茫

公祭同年宋直方中丞文

廣平華胄爰聲厥祥爲吳右族冠我南疆蟬聯朱紱
奕葉青箱公之顯考令望彌彰蘭臺文藻綵羽鸞鳳
誕生名世峩峩棟梁夙齡敦敏藝苑飛揚天留逸駿
久屈騰驤乘時則駕景運方昌彤廷射策粉署含香
芙蓉人鏡玉尺珠囊榕壇荔圃絳幄高張升華卿寺
謨謀廟堂槐階洊陟台鼎回翔鵬息六月暫還故鄉
平泉花木綠野壺觴暨公再出側席巖廊位尊獨坐
董正官方風生臺閣載肅紀綱澄清在望乍屏蜩蟬
鶴靜堂集 卷之十九 祭文 圭 宋直
奪公何速欲咎彼蒼公之隱痛不言神傷謝家寶樹
觸目琳琅月虧日昃伯仲云亡一俎茂苑一逝雷塘
西河涕淚羸痺淒涼惟存季子獨紹烝嘗枚臯甫育
其泣嗶嗶晨昏邸第形影傍徨憂勞盡瘁頃爾摧藏
告終千位箕尾精芒吧吟瞻季奔計梯航布幘丹旒
血漬秋霜攜持幼弟歸拜中唐仰邀 寵卹題奏黃
腸祁連賜冢甲士趨旁哀榮並至行路慨慷相茲哲
胤惟穀允減季殆成立瑋器難量家風大雅繡虎爲
章四方觀禮孝子居喪某等素同研席兄事班揚續

貂自媿附驥徜徉雲霄遠奮人莫雁行言念同籍公
齒未央今先羽化年壽誰長悲麟歎鳳吾道無光抒
誠薄莫瀝此椒漿

鶴靜堂集

卷之十九

祭文

圭

宋直

公祭顧松交考功文

彥先俊偉元嘆貞良東南華胄世挺圭璋維靈燭馨
玉質金相琉璃研匣珊瑚筆床霞蒸雲蔚武庫書倉
策名盛際逸駕騰驤起家循吏爰渡錢塘乘春蘭甸
訪古梅梁政成上考初拜諸郎借恂奔告畱霸徬徨
爽塲明允邁種無疆鈞衡是佐澄序嚴廊三銓九品
人地斯臧棣華交映水鏡齊光漢京許郭晉室裴王
珠能記事衣有餘香聿瞻秉國殫爾匡襄台垣景耀
受爵允康曩聞請急暫憇滄浪避賢自矢爲德于鄉

鶴靜堂集

卷之十九

祭文

圭

顧松

謙如張湛徒步邑坊慎比陰識不談廟堂豈丁陽九
无妄罹殃舉旂多士悻淚猖狂禍延邑子血染銀鐙
忽收杜衆幾戮王章占猶遇雨痛未蜚霜精誠貫石
達彼昊蒼怒回按劍駛驥在傍戴天浩蕩履善深長
益堅退讓毛羽摧藏閒居渠酒樂志園塲輕颺皓月
弱柳新篁三千鍾乳七十筇筠優游難老寵辱都忘
更饒後祿子姓繁昌西豪競秀高密相方爲龍爲豹
共寶青箱朱戟成列牙排燁煌調宜長視禔福未央
如何下壽捐館淒涼白鷄應兆黃鵠高翔東山罷奕

北海停觴綈几鼠跡墨池草荒某等交同班尹詎篤
范張驚心聞訃灑淚霑裳載歌薤露刺我畏腸薄醪
枯鯉獻匪刳羊靈其鑒只來格洋洋

鶴靜堂集

卷之十九

祭文

圭

顧松

公祭成夫子母邢太夫人文

山封沙麓水演宜房朱門右族寢熾寢昌維先相國
昔挺圭璋秉鈞前代黼黻巖廊韋經世業荀席餘香
篤生夫子虎步龍驤謨猷伊陟風度王商家登玉局
人擅青箱連珠萃錦二八辛陽母儀式仰寶婺輝煌
爰始作配鳳誥鸞章宜慈溥惠疇辨覽祥江陵無橘
成都有桑絲與敦儉實賴匡襄子稱元老久視高堂
好勞惡逸垂訓敬姜典廉舉孝早勗韓康宰衡功茂
翼贊虞唐奉身乞養南陔日長几杖不設萊舞爲常

鶴靜堂集

卷之十九 祭文

孟

覃榮子姓弗祿無疆如何計至飛騰上蒼甘泉畫像
瑤水停觴某等依光累葉大母尊行人無先後並列
門墻義真分痛泣涕沾裳闕河間阻羽節茫茫瞻雲
華顙攄忱絮漿

公祭吳六益原配王孀人文

鴻妻裘褐桓女衣裳由來嘉邇妃匹允臧延陵逸士
居國南鄉少微有耀寶婺同光維靈毓德珂里銀坊
琅邪右族令聞今望於皇顯祖作牧西涼閨門雍睦
奕世其昌相攸啓兆和鳴鳳凰日嬪于吳逮事姑嫜
湘蘩治葛盥濯芬香最哉夫子弋鴈翱翔夫子高蹈
艾席葭牆懷珠抱玉錯采詞章解頤匡鼎聽者滿堂
碣宮稷館適越遊梁跡徧天下行不齋糧秋風絡緯
夜月流黃出無返顧龜勉扶將四丈夫子幾半辛陽

鶴靜堂集

卷之十九 祭文

孟

父書成誦慈訓孔彰息陬興操言旋故鄉願言偕老
耕鋤徜徉服茲素練去爾明璫白頭輟咏樛木難量
何期不造瑞反爲殃華萃並蒂曾產池塘載輪朱火
墜電驚霜朝離白苧夕夢金閨北海無術聚窟渺茫
情淙孫楚恕豈蒙莊某等比閭婚友風景姬姜彌年
雜佩隆懿無忘江離寫怨充以蕙纈靈兮來止醺此
椒觴

跋

夷生十四年而受經於釜山先生於吾師夏考功之塾時考功方名滿天下門下士以什伯數而先生以高才生坐臯比抗論慷慨每昂首振袂屈其一座客考功執賓主禮亦愈恭謂先生非常人也嗚呼易世矣既先生登上第歷比部郎出守括郡旋挂冠歸而夷則學書不以濩落長安道上垂十七載而先生則久化去悲夫雨絕勿再俯仰今昔蓋又四十年也夫四十年中盛衰存歿人事詭幻如飈轉雲滃奚可勝

跋

一

道所僅傳者其名耳然而名之所成各以其類或以道德或以勲業或以文辭或以節烈其間乘時奮發亦有天定不可強底追憶考功塾中弟子侍側先生命言志夏生存古曰其司馬長卿乎夷曰其吾家景畧乎先生瞿然顧夷曰嘻孺子廼分師席此誠吾所能當是時師弟子自命綦閎達哉豈知白駒載馳智不及料夏生既弱齡兵死矣夷且老而無所表見而先生一仕卽已卒未克大展乃斤斤獨以詩文名嗚呼以詩文名先生夷知非先生志也方先生爲郎時

次當校貢士以讓其僚季年割產飼考功之嗣孫若

女嗚呼此豈人所能今年秋鷹垂抵都哀先生集若干卷視夷謂子雖賤不可無以表其師夷展讀次不覺涕泗之沆瀾也昔考功以文雄一時存古歿著述散軼附之死節傳危得之矣而先生以有令子網羅蒐輯成一家言嗚呼張睢陽之才斂而以節義著杜少陵忠愛惇篤而世傳其詩千載以上何嘗不如是哉鷹垂閱博冠海內嗣君永持又駸駸越徐庾而上夫天固以文章世先生家矣夫先生則固已不朽

跋

二

康熙辛酉季秋門人王夷百拜謹跋



鶴靜堂集十九卷

浙江巡撫
採進本

國朝周茂源撰茂源字宿來號釜山華亭人順治己
丑進士官至處州府知府是集前十四卷爲詩後
五卷爲文所作葩藻麗縟沿齊梁之餘艷其同郡
五君詠中所稱夏允彝陳子龍李雯三人皆其幾
社舊友而才力尙不逮子龍等也

願學堂集二十卷使交紀事
一卷使交吟一卷安南世
系略一卷南交好音一卷

〔清〕周燦撰并輯

北京圖書館藏清康熙刻本

附《四庫全書總目·願學堂集
二十卷》提要

使交紀事序

曩年李太史子靜奉使南交有紀畧一編是時
黎莫方爭高平地故往釐定之而維禱疑曲徇
元清心甚懼使者申諭兼移書鄭樞乃獲竣事
時稱得體後元清復以地未盡還爲請
廷議以其責不允行識者已知莫氏倚挾橫恣弗
克終吉而黎之恭順爲可嘉今

天子翔布愷澤祀其主

吳序

封其嗣丹書玉簡遙宣於鳩舌雖裳驚冕下貴於文
身繼絕之典於斯鉅矣而

三使君又皆以清華近侍星旆指南儀度秩然窮
荒胥悅晴雨應節川瀆效靈至於鬼神歆其蒞
藻童穉甘其果核猗歟可謂盛哉 祥沐

九重異數命制兩粵乃屬軍興之餘奸究未靖猺獞
，雜處惴惴焉以不易革化爲懼茲

天綸所播越裳荒服忭舞於萬里之外懷柔淪浹

不感譬俾神持節坐鎮者亦得受清晏之福於

靡窮嘉平初

使君返駕過端州既幸悉聞關南事而更讀是編

尤喜具四美焉蓋上爲

當宁敷德化下爲蠻方被榮寵而敦詩說禮聞戴仁

蹈義之實學於殊域且紀其道里沿革民物風

俗以及毛羽卉木之微使覽者可以廣聞見當

臥遊至其歌詠之富昌閑瓌麗又不僅皇華數

吳戶

二

章已也陸賈南越行紀不言勾當公事此則述

王程而備

國政可與李公紀畧並列掌故爲我

熙朝輶軒採風之盛事云

康熙二十二年十二月

總督廣東廣西等處地方軍務兼理糧餉兵部

尚書兼都察院右副都御史正一品吳興祚謹

序

使交紀事序

稽古使臣持節如司馬長卿之巴棘冉駹使副

使王然于壺克國呂越人馳四乘之傳以通叩

符喻矣千古自

皇清定鼎聲教四訖凡雕題鑿齒百濮九菌之僑厠

不納款叩關北面稱臣今

上御極遣使安南者二康熙六年黎莫構孽又遣李

太史子靜楊樞部鄂洲輯和其國茲復

李序

命明太史克

冊封正使鄔太史周儀部克

諭祭正副使昭繼絕恤亾之仁柔遠能邇之德甚盛

典也士楨於壬戌夏奉

簡書來撫東粵當兵燹甫息比問凋殘下車之後竭

歷拊循始有寧宇南交爲兩粵之接壤從來叛

服不常近數十年來傾心向化遐邇又安上慰

九重之南顧癸亥嘉平

三使君竣事北旋過會城接談之暇出所爲使交

紀事問序焉夫遠人凜

天威於咫尺咸忤舞於遐方雖由

聖朝浩蕩洪恩亦惟是

使君端肅豈弟貞亮弘雅不辱專對之義有以誓

服其心昔先王之遣使臣也美其行道之勤而

述其心之所懷曰皇皇者華于彼原隰駢駢征

夫每懷靡及其卒章則曰我馬維駒六轡既均

李序

二

載馳載驅周爰咨詢今此行也宜

上德而達下情職斯盡矣其集中所志山川道里風

俗人物羽革草木之屬無不咨諏而畢載之又

形之咏歌作爲篇什令觀者留連感嘆而不忍

釋詩曰樂只君子邦家之光

使君有焉相如通叩符還報復奏大人賦武帝稱

其飄飄有凌雲意則此一編殆將與相如賦並

傳不朽也夫

時

康熙二十二年十二月

巡撫廣東等處地方提督軍務兼理糧餉鹽法

都察院右副都御史加四級李士楨謹序

李序

三

差同安南國翰林院侍讀今世侍講學士_臣郭黑等謹

奏爲微臣奉差事竣謹述往返情形仰祈

睿鑒事切照_臣等猥以疎庸濫厠班末康熙二十一

年安南國王嗣黎維禎以循例補

貢我

皇上加意懷柔

諭祭

冊封兩禮並舉

疏

命_臣等克正副使以往_臣等於二十二年四月初五

等日次第起行於本年九月二十八日出南陵

關十一月初六日入關往來交邦三旬有餘其

間所行儀節

大典攸關以及山川草木制度風俗編次成書謹裝

潢以

進伏念我

皇上

道同堯舜

治躋義皇

文德武功照耀千古故凡海隅日出之邦雕題鑿

齒之衆莫不來享來

王稽顙恐後若安南國自我

朝定鼎以來歸誠獨切嚮化尤深康熙六年該國王

與莫元清興兵構難

皇上遣使詔諭卽解甲投戈奉

疏

命惟謹十九年滇黔蕩平卽款關獻

貢恭抒惻忱昨_臣等仰

命臨關陪臣拜迎於境上婦子歌舞於道周至

冊命弘頒歡忭色動牲醪載列悲感情深及見

皇上御書忠孝守邦四大字闔國君臣驚心駭目以

爲從古以來所未曾有至於啓關之時甘雨應

期而不爽行禮之日彩雲照映而生輝凡此皆

我

皇上聖德格

天神人協應故雖遐荒萬里之外咫尺如見

天威歷稽前代人主命將出師累年戡定而不足者

皇上垂衣拱手一心默運而有餘此豈三代以下漢

唐諸君所可及也臣等幸際昌時恭逢

鉅典揚

聲教於日南自慚一介紀見聞於天末愧乏三長惟

有清夜捫心感懼交集而已謹具本奏

疏

三

聞緣備述情由字多逾格統祈

睿鑒施行

康熙二十三年八月十八日具

奏二十一日奉

旨該部知道書冊覽

使交紀事

翰林院侍讀今陞侍講學士臣鄒黑

翰林院侍讀加三級臣明圖

禮部郎中今陞江西南康府知府臣周燦恭撰

皇上御極之二十年削除僭亂海內寧一

威德遐布遠方重譯而至者不知其幾其明年安南

國使亦以其職來王且告其前兩王計及今嗣

立狀稽額額

使交紀事

一

恩

天子憐而許之於是遣臣等往

諭祭故王黎維禔黎維祚兼

冊封其嗣黎維禔爲王復以

御書忠孝守邦四大字賜之臣等於四月初旬恭捧

以行往例該國三年一

貢康熙七年改令六年兩

貢並進

恤遠人也十三年

貢使方歸而滇逆已變粵道梗阻不獲如例該國

北望傾誠有同孺慕仰思

聖德如天莫敢有淪十九年左江既靖乃具疏陳述

愆期不安之惻並欲爲

國剪餘慝奉方物夙夜梯航若恐後者不意該使

至新寧有變復旋今則逾例三年矣於是該國

益加恐惶向化尤切先是該國與高平都統使

使交紀事

二

莫元清以世仇故日尋兵戈康熙六年逐元清

奪高平元清奔入滇地

皇上哀元清失土併納其男女三千餘贍養南寧

特命院部臣往安南

諭令退還土地人民各守其職使臣李仙根等開譬

百端卒令遵

旨且感

恩懷義矢諸世世及滇逆作元清不思興滅

大德反以在滇吳逆小惠遽爲煽誘以故該國譯

貢不通者累歲及夫元惡授首

聲靈遠震該國乃得借大義公憤釋其私憾製滅莫

氏而

朝廷亦不復責其專狠者誠以元清之負罪已極本

篡逆之餘孽世貯其狠心貪玩禍亂而自拾消

凶也然該國獨明於向背畏天保境執節不同

豈非前此之

使交紀事

三

恩諭眷顧有以淪洽於心骨而是非成敗較然無疑

乎故雖乘時自快而並收恭順之名實使人知

背德者不祥艱貞者久而彌伸宜

聖恩之有加無涯也

康熙二十二年九月二十八日至南陵關

廣西
龍州

是日早設

龍亭昭德臺三使臣公服侍立署左江道王來賓

新太營叅將吳聯率文武官恭叩畢開關引該

國官目四人如儀拜迎

龍亭已又參見三使臣閱手摺乃戶科都給事中

宋儒禮科都給事中武惟匡吏科給事中砥堂

男阮廷柱禮科給事中陳壽也共諭云封祭原

屬二事自應先後至爾國

皇上念爾小邦供應浩繁重煩民力故

命本院院部同行又爾國世

貢不絕忠誠茂著

使來紀事

聖心嘉悅頒有

御筆此從來未有之事出自

皇上特恩爾等可先通報爾國王嗣儒等聞諭甚喜

回稱舞官初實不知今奉諭如此則不但本國

王荷蒙

寵遇卽闔國臣民都沾

隆恩了舉手加額感頌而退令思明同知龍憑守備

檢點跟役名數隨身行李嚴查夾帶情弊等事

乃次第出關該國撥來象十二隻兵三千名來

道擁護行十里暮抵文淵州向者俗傳開關前

後必雨及出入時必晴前使臣已述之今自南

寧一路陰雨至幕府營大雨如注漸行漸細抵

關門則皎日當空矣其後歸時亦莫不皆然乃

知

天生

至聖爲萬國主聲教所訖日月爲之回光雨露因而

使來紀事

洒潤俾邊愚感懾草木滋輝所謂中和位育之

實効豈偶然耶

二十九日宋儒等以夫馬未齊請暫畱一日諭

云本院院部用夫役不多爾國所備現有夫役已足

卽有缺亦不較遂行三十里至諒山府亦名長

慶府爲水陸通衢客商輻輳之區是日微雨

十月初一日宋儒等又與諒山府知府乳郡公

韋德勝懇請暫畱從之共議移該國王嗣咨文

三角一稱

御筆出自

特恩理應另日行禮本院仰推

皇仁事從簡易於

冊封日一併行授受禮一稱禮部既鑄給新印其舊

印應繳以便捧回一稱

冊封副使翰林院編脩孫卓行至廣西途中病故等

因隨傳儒等共諭云頃見居民似多驚畏本院

使交紀事

六

奉

命前來仰體

皇上柔遠弘仁無所不至不敢一毫有駭聽聞爾等

可出示沿途曉諭

初二日行六十里至荏仁驛屬安州

初三日行三十餘里過鬼門關有馬伏波廟例

有祭其文曰伏以星降西秦駿望光昭北斗風

高東漢鴻名長鎮南天遠邇咸欽神人共賴仰

惟大將軍麾下千秋正氣一代偉人遨遊乎兩

帝之間獨歸真主矍鑠哉是翁之嘆爰重老臣

早歲登壇叱咤消羣雄之膽晚年秉鉞指揮落

蠻女之魂銅柱標名六字儼分內外鬼門畫地

寸封迥別人天圖等檣櫟散材駑駘下士省躬

克己深慚畫虎之文奉

命出疆每歎飛鳶之景揚於粵右仰明威於灕水江

邊攬轡日南瞻英爽於安州城外肅庀采芹之

使交紀事

七

獻聊伸傾藿之誠伏願德並升恒普下土無私

之照功同川岳輦

皇家有道之長祭畢再行七里至枝稜驛亦屬安州

初四日行四十里至先農驛屬諒江府保祿縣

連日多雨今申刻始晴

初五日宋儒等又請暫畱一日發示禁飭隨行

丁役及曉諭居民毋得交通窺伺生事取究違

者重處

初六日行五十里至芹營驛亦屬保祿縣一名
茶山土人稱爲格甘蓋連日行崇岡複澗中林
箐森密不見天日山勢至此開朗有如門闕交
人呼門爲格甘也從此以南田疇平衍稻香撲
路所過村市居民環觀累踵絡繹拍手歡笑詢
之通事云天使至本國不常有之慶故以得覩
爲快

初七日行四十里至壽昌驛亦屬保祿縣該國

使交紀事

八

王嗣委差大理寺卿錦派男汪銳禮科都給事
中阮擢用吏科給事中阮登遵兵科給事中黎
雄稱具旌旗甲仗來迎先令參謁

龍亭畢稟見三使慰勞遣之呈送國王下程未收

初八日早渡滄江行四十里又渡抹江至市橋

驛屬慈山府安悅縣

初九日行四十里至呂塊驛屬慈山府嘉林縣

驛官率領兵象兩邊肅立又行十餘里復有驛

官兵象肅候如前跪接

龍亭及至公館投稟手摺乃東軍都督府都督僉
事都郡公鄭植東軍都督府都督僉事柱郡公
阮光蓋兵部左侍郎永岸男阮公望工部右侍
郎萊山男黎僖御史臺僉都御史阮廷滾典化
等處贊治承政使司叅政黃公寔遂令恭叩
龍亭畢獻其國王嗣備送下程仍未收

初十日阮公望黃公寔稟見呈上封祭儀注二

使交紀事

九

冊併該國王嗣咨文二角內以不諳

天朝禮照該國儀注行爲請共諭云

天朝制度薄海內外無不遵行爾國既歸命

天朝請封請祭自應恪遵以光

大典何得瀆請望等執辯移時辭窮始退遂發還所

呈原冊原文

十一日阮公望等稟見呈咨文一角且云聖人
不變俗以從俗本國王受封又兩先王受祭不

常有之

大典訓集國國大小官目多至千百賢愚不等依

天朝禮恐有參差有藝

國體獲罪非輕論云習儀易事耳你二人去年進

貢至

京遵

天朝禮如何不差錯又昨在南陵關壽昌驛及抵公

館各官亦克如儀其他豈俱是愚的望等無以

使來紀事

十

答而退

十二日移客該國王嗣內稱本院恭膺

簡命萬里星馳於本月初九日駐節使館已經四日

事關

大典未敢久稽今擇於本月十五日行

冊封禮於十六日先後行

諭祭禮等語去訖該國王嗣送席桌收之量犒員役

十三日阮公望等稟見云連日因所請儀節未

蒙見允今日特來請允三使臣因無該國王嗣

咨文見彝官私來賓請大怒卽自清晨直至午

後逐一辯論望等屢次辭窮閉口無言其論云

爾等有話只管說省得今日語塞辭窮而退明

日復來贅費彼時爾等亦自覺覩顏望等相顧

相商終不能答始稟云本國非敢抗違實因不

諸故連日懇請天使既不允自然遵行

天朝禮不敢再賓言畢而退是日午前後天色清澄

使來紀事

十一

和暖着單衣紗葛猶熱彝官退後北風大作濃

雲密布寒氣逼人至申酉時勢愈烈氣愈冷大

雨迸至如中土嚴冬矣

十四日晨三使臣會集言及昨日風雨狀甚訝

甚喜訝者前使臣曾云往往交人執拘使臣頃

怒之時風捲霆擊寒氣逼人想鬼神呵護尚未

濫信今則如合符契喜者我

皇上聖明呼吸真通

上帝使臣雖在萬里異域不殊咫尺

天顏自可恃以無慮矣頃之彝官御史臺都御史海

山男阮名實吏部左侍郎書澤子武惟諸及阮

鄧二太監見鄧稟云昨日阮公望等冒賁天使

本國王更差彝官請罪本國王一心恭順

天朝自然遵行

典禮不敢有違但小國人愚者多雖演習臨時未免

稍有差錯望天使寬恕諭云寬恕乃我

使交紀事

十二

皇上素念諸外國來

覲者有小失我

皇上含笑不問今爾國行禮若大差錯本部院必令復

行次則仰體

皇仁相諒耳何苛爲鄧等稱謝申時接該國咨文內

稱奉來文擇於本月十五日行

冊封禮十六日行

諭祭禮懇請至日早刻齊臨以昭

盛典等語卽傳阮公望等付

諸命

諭祭文稿以便預習宣讀併發

欽頒銀帛以便備辦陳設

十五日清晨細雨頗憂之及行雨隨止道兩傍

以朱杖接手平連其外又以隔山鳥鳥鎗夾之

俱如闌干官兵執器械排立數層渡富良江彝

官三人前來迎接時忽萬里無雲紅日光照銜

使交紀事

十三

巷觀者不可勝計該國王嗣黎維禎步出侍立

右側令行迎接禮阮名實等回啓維禎維禎無

言惟見首肯狀鄧太監云至殿自然行禮此非

其所諭云至殿行者參見禮也此處行者迎接

禮也維禎已跪下叩頭衆彝官乃不復敢言至

殿正使明圖將

諸命等項安案上俱左側侍立維禎率彝官如儀行

參見禮畢先啓

御筆見忠孝守邦四大字闔殿人員驚喜稱讚聲徹

臺下維祺反覆細看口誦手指戀戀不忍爾通

事對云新國王謂

御筆有神有法令我如見

天顏此我安南萬世傳國之寶故不忍釋手久之始

復位跪聽宣讀

誥命曰奉

天承運

便文紀事

古一

皇帝制曰邇安遠至敷天懷向化之心道一風同率

土壤來庭之義惟尊親之戴世篤忠貞斯帶殞

之盟慶延苗裔爾安南國王嗣承維祺地宅南

交心懸北闕千秋茅土常遵聲教之頒萬里職

書時奉享王之會茲當嗣爵請命於朝既舊服

之克光益弘令德宜新恩之加賁用沛褒綸特

遣翰林院侍讀加三級明圖緡脩孫卓封爾爵

安南國王爾其恪守藩封長爲屏翰慶其繼世

庶無斃乎前脩忠孝相承尚永綿夫世澤欽哉

毋替朕命宜讀畢正使明圖乃將

誥命印

御筆一一捧授維祺跪受轉付侍員復如儀謝

恩回右側稍下行相見禮三使臣賀云王受

天子封是

天朝真王了維祺大喜答曰

天子聖恩高厚不能仰報萬一三位大人萬里奔馳

便文紀事

五

有勞大駕即舉手加額稱謝三使臣云前奉部

議已知會貴國既受新印舊印宜繳維祺云今

日恭受

天子冊封乃闔國沾

恩喜日若即時交換似屬不敬另日再送三使臣許

之遂出維祺送至朱雀門畱茶因正使明圖足

疾辭之又送至端門乃別該國禮部衙門請宴

亦辭之衆官送至江邊溫諭遣還渡江回館已

漏下戌刻矣維禩先已差官送席桌收之

十六日三使臣具公服奉

諭祭文軸安

龍亭以行該國文武官目及各項兵役悉更素服
其迎導等項皆如前該國王素服步出迎候隨
進至朱雀門將

龍亭正設黎維禩率各官如儀行參見禮畢復至
王殿正設公案安

儀文紀事

七

諭祭文稍後西側設空案二張帛牲等項陳於案後
不設主不陳前者不敢之意也三使臣向西侍
立維禩率彝官稍下向東寺跪正使郭黑進前
捧

諭祭維禩文付彝官立上香奠酒復位彝官宣讀

諭祭文曰維康熙貳拾貳年歲次癸亥拾月戊戌朔

越祭日癸丑

皇帝遣賜一品服正使翰林院侍讀郭黑賜一品服

副使禮部郎中周燦諭祭安南國王黎維禩之

靈曰朕惟遐荒藩服宣化承庥既加爵命於生

前必被榮施於身後沛卹終之令典垂柔遠之

常經爾安南國王黎維禩性篤恭誠世懷醇恪

獻琛貢篚歲事維脩謹虔求章王綱克稟嗣封

數載遘疾奄殂計告來聞悼懷良切念藩臣之

効順閱再世而彌虔斯朝命之追榮暨遠方而

加渥專官用遣褒祭爰頒嗚呼綸綍式傳嘉風

儀文紀事

七

昔享王之志牲牢載設慰幽冥翼戴之忱靈克
有知尚其歆格宣讀畢副使周燦進前捧

諭祭黎維禩文付彝官如前儀行宣讀

諭祭文曰維康熙貳拾貳年歲次癸亥拾月戊戌朔

越祭日癸丑

皇帝遣賜一品服正使翰林院侍讀郭黑賜一品服

副使禮部郎中周燦諭祭安南國王嗣黎維禩

之靈曰朕惟世奉珙球作中朝之藩服禮頒綸

緯褒繼序之恪勤聿榮始而哀終庶恩宜而義
協爾安南國王嗣黎維祚續緒前徵矢忠屢世
越山川而入賁誠竭梯航執玉帛以嚮風教遵
文軌乃春秋之不永既歲月之屢遷茲當國使
來庭爰覲嗣王拜表良深軫念式考典章中命
所司特加優卹嗚呼几筵肆列載昭泉壤之光
彝憲遙頒用慰要荒之惻中外一體幽顯欽承
宣讀畢遂將祭文案前焚化維祺率舞官謝

使交紀事

太

恩畢復至空案前各行該國禮其禮既揖卽跪俯叩
一頭興如是行第五次俯叩四頭而興此謂五
拜禮也維祺行禮畢復原位云今蒙

天子賜封賜祭實生者涓埃難報死者泉壤啣

恩昨奉禮部咨文自愧無地但本國天末小國地瘠

民貧去歲

貢物不中式又蒙

天子山容酌收閩國不勝感戴三使臣云自我

天朝以來從未有事於爾國故爾國感戴

覆庇弘恩傾心嚮化恭進方物今王旣自言不中式

嗣後益加小心以補前過可也維祺唯唯稱謝

隨出送別儀節亦如昨旣公望等隨至公館過

諭之稱謝而退王復送席康收之

十七日該國王委差阮名實武備詣蔡謝大監

潘同來通事跪稟此總管輔國府事係侯爵

云本主有父喪不便晉謁故差小人叩稟請天

使交紀事

九

使恕罪諭云旣居父喪自然不便來實等云昨

瞻仰

御筆閩國君臣驚讚不已真是萬古無比諭云我

皇上萬幾之暇手不釋卷過自卽成誦古今書籍無

不博覽天下事體無不周知

御筆乃一端耳我

皇上聖學實自古帝王莫能及者實等云

天子明見萬里去歲本國

貢物酌收餘免聞國君臣人民感激不盡諭云凡

遠方

貢物原非

天朝派定不過是外國摠誠恭進耳既爲摠誠必當

如式况禮部職司賓貢美惡在所必核一毫不

可草率若論我

皇上照臨萬方率土歸心百貨中國自足異物非其

所好但要血氣之倫共奉

使交紀事

壬

王章覆載之中各安化日雖徒手

闕廷亦何傷乎今者有收有未收其收者必

鑒爾誠也未收者或

慮爾困也

皇上萬國臣民之主尚體恤爾國如此爾國其思所

以慎守法度展布誠悃以仰報

天德可也實等唯唯感謝而退於是其議移咨該國

大禮已竣擬於本月二十五日回

朝復

命併移牌左江道新太營思明府催備夫馬期十一

月初三日以內在關伺候

十八日阮公望黎僖稟見奉本國王諭稟三位

大人本國輔政鄭屢世輔佐功德素著今老輔

政已歿奄靈在堂幸遇天使光臨若得俯允致

祭不但鄭府歿存均感本國王亦有光矣諭云

爾國臣事

使交紀事

壬

天朝始終如一鄭氏既有輔佐之功卽是助爾國王

嚮

天朝者致祭何妨爾可擇日來稟望等甚喜而退

十九日該國王移咨祈雷旬日共議回咨不許

二十日阮公望等稟三位大人已允祭先輔政

謹擇本月二十二日於是發銀叁拾兩令備辦

祭物望等又稟云先年諸大人來時公事畢於

本國王及輔政皆有惠贈今若如前則本國不

勝榮光共議許之隨備土物數種差兵部差官
李文燦等送去

二十一日該國王送餞行席桌收之隨傳阮公
望黃公實諭云舊印總不送繳是何緣故望等
稟云舊印乃

天子頒給本國先王者先王得印生前固榮矣今若
繳還未免歿後有辱了諭云爾國先王當年荷
蒙

便交紀事

主

誥封生前固榮今復蒙

諭祭是歿後又榮了何辱之有望等稟云本國先王
歿後即將

天朝頒給印信供設神主前以爲萬世傳家之寶今
若繳還則無以傳家了諭云舊印雖繳仍頒有
新印臣守封疆已是憑據令爾國有一無二以
明專尊此後

天朝萬萬年爾國亦永永臣事代有新印綿綿不絕

未爲不可何獨以此傳家哉望等唯唯而退

二十二日遣兵部差官李文燦等致祭該國先
輔政鄭櫝其祭文曰嗚呼凡天之眷佑人國既
生承庥之令主必生戡亂之良臣以輔相之乃
國祚傳於悠久而其人之遺澤亦與之爲無窮
所謂世篤忠貞與國咸休者觀於安南國輔國
政鄭益信矣竊聞貴國當有明之末繼世中興
再建王室惟時小心翼戴內外匡勦樹宏功於

便交紀事

主

日南者惟輔政高曾大父之力居多迨我

皇清握圖御極統一寰區聞風歸化藩屏南服非輔
政忠能導主孝能承家明足以燭幾勇足以定
謀不及此乃時王棄世擁立令嗣至再至三受
四君之遺命建一代之嘉猷不但遐邦僻域歷
稽前史所載累奕葉而利世臣者亦槩不多見
焉等遙聞聲譽久切懷思

帝簡指南興慰怒飢詎當入境之期忽聞捐帷之變

逝者如斯痛悼何已薄陳椒漿聊伸菲悃乃繼
輔政而當國者復能羽翼嗣王時修三譯以昭
恭順之誠叠荷

皇恩寵綸頻錫同萬里之車書作千秋之帶礪輔政
亦可含笑於九原也尚饗該國王送答儀共銀
一百兩輔政鄭氏送答儀共銀九十兩未收
二十三日該國王併輔政鄭氏仍送昨日答儀
再四懇請共議收之

使交總事

三

二十四日鄭氏送謝祭儀共具銀一百二十兩
諭云鄭氏世輔爾國忠悃素著今具一奠何用
謝爲未收該國王因副使孫卓途中病故送賻
儀銀一百兩三使臣代收訖午後該國王送咨
文一角併甘結一紙文內稱本國先王臣事

天朝一忠貞之節簡在

帝心今舊印見繳毋乃生前予歿後奪按查舊典從
無頒新繳舊之例希惟停繳以昭

朝廷恩信等語結內稱印者生前以爲慎守藩封之
據歿後以爲萬世傳家之寶其舊印另行具疏
請

旨外合行具結等語

二十五日該國王差送賻儀各具銀三百六十
兩絹十六疋布四疋羽緒一端哆囉呢一身辭
之輔政鄭氏復送謝儀仍溫諭不收又送賻儀
各具銀一百四十兩佐以銀器絹布刀鎗等物

使交總事

三

未收該國王爲舊印送禮部申文一角收訖是
日天雨未行

二十六日該國王委差護送彝官禮科都給事
中阮擢用兵科都給事中阮公儒傳進行禮輔
政鄭氏復送賻儀滿太監跪稟云本主身有重
喪不得來謁天使心甚耿耿不安恭具賻儀少
盡微忱見天使不收更覺惶愧本國俗以收否
爲榮辱若天使收了本主不勝榮光固請不已

於是三使臣共商酌收刀鎗夥羅呢小匣餘皆未收各賞紗葛屯絹前彝官宋儒等來叩辭各賞葛絹潞綢遂行

十一月初三日至諒山府隨牌行思明府同知所有應用夫馬會否齊備速具詳覆以便起程復差思明府通事李國龍往探南陵關去訖

初四日暫駐諒山李國龍至稟夫馬俱已抵關初五日至文淵州阮擢用阮公儒見稟云大門

使交紀事

三

外有二人乃本國王委差護送天使者一北軍都督鄭擺一京北提督弘郡公陳良貴因係領兵防衛故不敢叩謁天使遂各賞紗葛綢絹初六日仍如前點明進關該國王復送前隨儀共議收之彝官如儀拜送乃回

雜記

該國交州古居富良江北後遷江之南岸國王黎氏祖籍清華人爲安南王卽都清華繼因交

州爲歷代據險之地兼有通海之利始遷都之祖塋仍在清華離交州四百餘里州無城池人煙輻輳地勢平坦一望皆田無空閑地村莊比里而居人多地少

該國形勢東南一帶皆海南界占城西南界老撾卽古哀牢西界雲南北界廣西東北界廣東沿邊

皆有重巒深澗林箐彌蔓至大小落靠嶺鬼門關羅婆羅翁嶺麗嶺等處皆該國要地交州獨

使交紀事

三

倚富良江爲天險江寬二三里其水混濁一支自緬甸流入由興化道嘉興府來一支自雲南流入由歸化府來至交岡滙合諸小河漸滙漸大自西東下經過交州北向東南流入海

該國時令夏月更酷熱人民都在水中避暑冬月天晴無風卽可着紗葛故草木不彫不枯此行正值孟仲二冬晝宜短夜宜長竟覺晝夜平分至於北斗則前半夜登高亦不見後半夜始

見

該國文武在內設有閣部卿寺翰林科道等衙門都察院稱御史臺職掌最重在外設有承政司憲司即布按二司有承政使憲使叅政叅議等官府州縣各設有正佐亦有部選者亦有世襲守土者在內設有五軍都督府不相統屬在外設有提督管一方軍務畱守管一道軍務兼管鹽政稅務聽文職節制

使交紀事

天

該國用人文職各按出身擢用論俸陞遷雜途不得授京官要任惟科甲得膺是選武職因無科甲多以世襲五等爵克之如稱職有功陞畱守提督都督要任仍以子弟侄輩一人襲舊職若溺職有罪降罰革職係世襲守土者不替該國考試亦三年大比試有四場第一經義第二四六第三詩第四策中三場者爲生徒卽生員中四場者爲貢生卽舉人其生徒來科再入

第四場中則爲貢生不中又俟來科各道取中無定額大率十人取一會試中四場者爲進士亦無定額廷試亦以對策定甲第其考試無號舍每人以竹籠罩之伏地而書

該國兵丁皆免丁銀徭役按月給餉有馬無馬兵分水陸不分戰守以象爲重每象額兵二百五十名有正象奴一名副象奴二名其餘兵丁分執火器刀鎗行則前後序進戰則左右排列

使交紀事

主

凡交界隘口及衝要郡縣皆撥象鎮守

該國衣冠文職紗帽圓領帶靴俱備平時則用黑尾織高頭帽青布濶袖袍武職無紗帽圓領朝賀日則用紅哆囉呢帽各色彩緞濶袖袍或紅哆囉呢齊肩褂或虎豹象補褂平時則用青帽青袍至靴襪皆非其所好故私地皆去之行或乘馬或乘象或乘網兜形如擡網乘則仰臥或乘轎形如無輪車上有漆藤簾蓋國王護衛兵目轎夫衣俯而入或臥或盤坐

帽畧與武職同

該國制祿各按品級給錢有額田無田者按品級給米其世襲守土者不復撥給

該國器械無盔甲弓矢及大小砲以哆囉呢衣帽謂之盛甲有隔山鳥鳥鎗長柄刀短柄刀長鎗標鎗藤牌火箭修飾亦精不甚堪用

該國郡縣分十三道稱府者五十餘稱州縣者二百餘不過具數而已皆係村莊無城池惟諒

使交紀事

三

山府有城每面各有一里餘高可二丈許甃色紫紅係漢馬伏波創建明英國公張輔重修該國錢穀有地丁銀有鹽稅商稅其地分上中下上田十取三中田取二下田取一每丁納錢一貫皆隨時豐歉以爲輕重

該國刑名初無定法明時設布按始頒有律文亦僅知大概故出入多不當至隨時因革更不能也

該國婚姻富貴人用媒妁禮與中國稍同平人則備錢貫佐以檳榔猪羊酒送女家任男家隨便領女完配貧人不能具禮男女相悅卽成夫妻亦不避同姓因姓少故也

該國喪祭多遵文公家禮信尚風水禁官民不許卜地亦不許葬山上皆葬於田中富貴家上蓋茅屋歲久卽平惟國王與輔政鄭氏葬必上地至於權幸勢要亦得私卜敗則亦平矣

使交紀事

三

該國三教頗知崇儒交州內有國學文廟各郡縣皆有學宮祭祀配享俱如中國例二氏之教間有之不甚尊奉至雅祀空廟遇時節以迎神爲名男女會聚旬日不止

該國男女皆披髮跣足衣衫或布或絹多用白色男子以布一段束腰將一頭從後尻下穿前繫裹婦女以布絹一段上遮胸乳無陰脣皆戴笠見貴人長輩必脫笠披髮否則謂之不敬從

幼與檳榔故其齒皆黑如漆

該國農桑大概如中國稻有三種上種最美養

蠶不論貴賤邇來有二麥雜荳芝蔴

該國房屋惟王府及輔政宅用瓦餘皆茅屋廟

宇亦用瓦其式平而尖色紫黃鋪屋上如魚鱗

該國菓樹惟有檳榔椰子蕉子波羅蜜菴羅菓

甘蔗石榴小桃柑橘红柿雜樹成林遮天蔽日

然無成材者榕樹最多性淫傍有樹石卽與之

使東紀事

三

合而爲一如石山並無撮土寸草不生此樹彌

蔓森密千狀萬態而刺竹叢生枝幹俱茂其根

盤互堆積有高至八九尺者製爲器皿紋色甚

佳珍珠蘭野地亦有之鐵樹如美人蕉而紅比

粵西所見更異扁荳瓠茄等雖經冬不謝其味

不逮中土遠矣

附跋

皇上遣使安南者合今而五矣康熙三年正使內院

編脩臣吳光副使禮部司務臣朱志遠爲

諭祭黎維禔也五年正使內院侍讀學士臣程芳朝

副使禮部郎中臣張易賁爲

冊封黎維禔也七年正使內院侍讀加正一品服臣

李仙根副使兵部主事加正一品服臣楊兆傑

爲

宣諭安南追還莫氏高平也今則

冊封

使東紀事

三

諭祭兩差同行是一而二故曰五

皇上之於安南可謂恩勤周洽惠及存歿九域內外

受

天之慶汪濊稠疊朝鮮而下蓋莫有及之者矣其地

與滇粵相接風俗氣候亦畧相似秦漢唐立郡

縣名公碩學著宦蹟者不少而其人物揚聲中

土者亦有之故其文字官職猶相彷彿獨聲音

有異耳臣等竊由數役觀之深知域中四大之

理而

皇上懷柔六合并包一體之意真與

天覆地載化育終始其相呼應無一絲之間如諸臣等

非有德能大過於人所奉者

天威也所布者

皇仁也每至其地自不無主客之嫌疑昧之迹乃炎

煥變而寒果清陰轉而霆電晴雨應節疾瀉不

作靈怪感格之處不可殫述夫孰爲爲之哉此

使吏紀事

書

殆非僅忠信篤敬所取必也今則更以

宸翰雲章鎮耀山海天經地義訓厲臣民何安南厚

幸而黎民多福其傾心歸命更當何如然自古

邊騷多啓於細人怨尤祇因夫財利其奉

特命者莫不以品節自持簡書維畏重以鬼神阿護

風雲助色故能使蠻人悅服莫敢貳心若或么

麼委差無復繩檢孰從而洞悉之乎以此致腹

誹動聲色者有矣職斯土者能體

皇上如天好生之盛心無輕委滋擾俾各得其願欲

於以報

國安邊全身永譽盡善矣

使吏紀事

書

使交吟序

禮部郎中今陞江西南康府知府 周榮恭撰

臣 燦西陲暨儒庸劣無似叨中已亥科進士蒙

先帝簡拔讀書秘省復荷

皇上隆恩改授秋曹歷陞儀部郎中客歲安南告訃

經廷臣會推克

諭祭副使以往歸途聞報除守南康是

皇仁高厚敢不誓捐頂踵以圖報稱伏念 臣 燦才慚

使交吟序

專對出使遐荒仰見

聖德光華無遠弗届欣躍於中以及賓朋贈答山川

草木間有諷詠共得七言絕句四十八首併安

南世系略一首恭呈

膚覽正如鳥語蟲鳴無關大造感候應節不能自己

耳但鄙里之音干冒

宸嚴 臣 燦不勝戰慄隕越之至

使交吟

禮部郎中今陞江西南康府知府 周榮恭紀

聖德如天覆萬方梯山航海盡來王龍憑關隘經行

慣不用南車賜越裳

南關

連朝細雨度山坳雲裏旌旗聽鼓鏡自是

九天多湛露分來萬里洒南交

俗傳將開關必雨至期又晴果然

鳴金縱鼓啟關門鐵騎珣戈四面屯昭德臺

內關

臺前呼

使交吟

萬歲南天半壁頌

皇恩

關啓

瑞繞關門向日開

龍旗隊隊護高臺陪臣階下齊瞻仰喜見

王人天上來

安南官目入參

層巖密樹護重關一線羊腸出萬山到此乾坤

限中外獨留荒徼待諸蠻

出關

山足茅亭恰數椽設州建牧號文淵居人男女

紛成市跣足寬衣髮滿肩

文淵州

諒山城郭俯江隅漢代將軍規制殊民物山川

雄徼外隣關蕞爾一名區

諒山府係漢伏波將軍所築亦號伏波城

威鎮南交馬伏波銅標千載鬱嵯峨

聖朝來遠惟文德一介書生禮尉佗

銅柱在諒山府界內馬伏波題

六字其上云銅柱折交趾威安人歲時以沙土擁護移道別出不令人見

諒山東太萬峰稠細雨深林石逕幽一水隨人

千百折中宵勒馬問安州

夜抵安州

便交吟

征車萬里入炎荒馬骨稜稜客髮蒼蒼見蠻王

宣

寵諭春明

曉關拜鵲行

述懷

聞說巖關號鬼門陰風慘淡日黃昏一從

天仗經臨後遍地陽和戴

聖恩

在仁驛西南有鬼門關疊嶂密菁風景黝然

白頭老將逞豪雄戡定南交指顧中圖書雲臺

誰復在高名千載仰扶風

關外有伏波將軍祠

回首燕臺不計程空山坐見月初生乾坤自是

無遺照行盡天南一樣明

屯廉望月卽先麗驛

金鎗書盾護

龍旗披髮班軍

軍士亦披髮惟薙額前寸許以自異

左右馳大鼻長牙

排巨象前行肅肅整

朝儀

曉發屯廉

蓬頭蠻女半垂裳兩兩三三立道傍不解語言

便交吟

三

長拍手携筐知是賣檳榔

屯廉道中

桄榔樹裏山鷄叫龍牡

草名初出三稜大莖稍長尖葉久則成樹居人為籬

籬邊野菜香含哺老人安作息方知

聖德被遐荒

山行卽事

一枝挺出森青玉兩葉分披展綠雲名是千秋

兼可噉長栽籬落護山村

千秋草

四圍山色映晴嵐此地交人號格甘竹樹參差

冬稻熟風光觸目似江南

茶山早晴

綠樹陰濃落日斜壽昌江一名上駐皇華交官

隊隊排

仙仗咫尺

天威靜不譁

壽昌驛該國道官來迎

滄江岸上有荒祠

樹名長幹尖葉一名千年樹葉棉樹名大幹

圓葉其絮可充衣衾

枝近水湄短柱高龕雙錦鶴國俗祠廟以木

摩雙鶴為侍

報功異域禮同之內祀黎英王該國功臣城鎮人

大袖長衣戴斗篷提男扶老共匆匆星軺過處

使交吟

四

群呼笑喜在

堯天覆幬中

市橋道上

短髮披肩着淺紅平頭深目小蠻童輿前擲菓

群爭噉共道

天朝味不同

枝圓核桃皆交地所不產擲輿前餉群兒來觀者

移來崗嶺千鈞重橫截波流一葉飄全體沉淪

無處覓獨留昂鼻美江湖

挾江看象渡江岸有祀三江大王五明定

若鶴相公延平公者益合富良滄江為三江也

半載征途憶北辰中宵忽見爛然陳情同越鳥

依南樹北望

神京西望秦

過桂林路漸南矣入交則愈南每初夜望北斗不見不免有天高辰遠之嘆一

日夜半偶起見七星爛然喜而有作

花驄玉勒錦雲飛鼉鼓龍笙導

御幃共道

天朝頒冊命江山草木盡生輝

冊行封禮

龍瞳日照富良江

注于城北下流有瓊河青雀又有蘇涇河環遶城外

使交吟

五

黃龍列畫艘

船如蓮花游頗精堅篙工結束雄偉進止有節

金甲健兒

齊鼓棹虹牽錦纜渡高杠

其二

朱雀雙門

初進為大興門再進為朱雀門向曉開

龍亭高置敬天臺

即國王殿因時起名蕃音奏處蠻王舞喜見

皇恩遍八垓

其三

龍盤紫詰五花紋爵拜名王赤土分長看海波

懷

聖主燕山頂上是紅雲

其四頌則命

斗大黃金駢紐章使臣雙手授蠻王提封千里

爲屏翰翹首星杓拱

帝鄉其五
頒印

宸翰親揮日月光龍書鳳篆照遐荒交人奉作義文

畫肯出中天頌

聖皇其六
頒御書忠孝守邦四大字

懋懋羽葆滿江涯爲

悼前臣禮並施情極榮哀人感歎半生歡喜半生悲

使交吟

行
諭祭禮

圭璧牲醪並殿陳嗣君俯首自悲辛兩王前故王黎

維禱後故
王黎維旋 同日沾

恩卹啣結如何不動人其二

萬顆珊瑚綴絳絳剖來滋味美喉嚨南交萬里

遙相見卻憶驪山十月紅該國王倪宴有紅柿誌感

姓自成康垂遠裔名同星日照寰中家皆豐鎬

邠岐地官忝文章禮樂宗交官初見請姓氏爵里

野岸荒亭偶駐驂奇聞勝槩許相探不因一介

天王使那得同聲到日南別安南阮司馬公望黎司空倍阮愈德廷溪黃大

泰公
寘

才名奕奕世無雙三譯常思戴

上邦別後懷君何處是寒風落日富良江其二

早歲從人勉用工曾將小技闢雕蟲而今欲究

知能理甘與曹劉拜下風四人復請詩教因示之曰不肖二十年前

願留心詞賦之學近來覺得無益遂一切屏置
反求之六經四子乃見聖賢精義所存子臣弟

使交吟

七

友之道一日不可離仁義禮智之理終身猶不
盡吟弄風月不過爲遣情適性之具安身立命
之業在此不在彼也願諸
公勉之系之以詩如右

開門曉日拜

天顏得識南交青瑣班記得深林風雨夜多君相伴

出茶山留別安南阮廷柱武惟匡宋儒陳瑞四給事

迢遞關河幾萬里慙慙酬唱恰三旬達人傾蓋

千秋重回首天南憶九真其二

莫將漢魏尊原始三百名篇尚可刪悟得一言

無異肯好將詩訣問尼山

四人復請詩教四示之曰聖門四科首重

德行子稱躬行君子所行者何事又謂七十不

踰矩不踰者何矩無行不與人人可閑予欲無

言又從之莫由此中妙義終身求之不盡不肖

少時亦好角勝詞壇今年近牛百方知無益向

上一層敢以爲臨別

之贈系之以詩如右

三峰

在王城南左有鞍子山上曉雲蒼典禮欣

成報

建章爲體

皇仁無限意重留甘雨潤米方

雨中北發

使來吟

翠幹森森傍水涯梢垂雀尾亂紛拏秋來結就

檳榔菓交子逢人代煮茶

檳榔樹

兩句旌節駐交城立馬江干落日明萬里長征

今北向喜從天外計歸程

宿安昌渡一名天德小江

衣冠文物重南疆

該國人物理學有程泉武唐阮登高胡士揚經濟有莫挺

之阮忠彥阮鴈梁世

榮稱文學者頗衆何事關名太不祥題曰畏

天思此義萬年帶礪控炎荒

出鬼門關以名不雅馴擬易爲畏天

以昭木罔

事大之美

晋代名賢數嗣宗傳來此地最稱雄梧垣退食

從容日可有新篇述祖風

留別安南阮推用阮公儒兩給事

奕葉清門本世臣風流文采倍堪親爲愁別後

相思切何處天南望故人

其二

角鼓喧闐仰德臺

在關外安南所築

交人親送使車回

朝廷有道蕃邦靜長閉關門晝不開

入

廿載爲郎髮欲蒼重膺

簡命下炎荒飭終勉盡

使來吟

天王禮敢道才能使門方

其二

九

安南世系略

粵自尚書堯典稱義叔宅南交其來舊矣周初
南界越裳氏三譯來朝其後荒服不至秦置象
郡以守之末爲南越王趙佗所併漢武帝平南
越以其地爲交趾九真日南三郡置太守刺史
光武時女子徵側徵二反馬援討平之建安中
改爲交州置牧陳隋以來改九真爲愛州日南
爲驩州皆置刺史又設九德新昌諸郡唐分嶺

安南世系略

南爲東西二道置安南都護府稱安南之始大中時

交人叛都護高駢復其地因以府爲靜海軍援

駢節度五代間土豪互相篡奪曲顯楊廷藝皎公美吳權四姓

相繼有丁部領者自稱萬勝王以子璉爲節度

使宋初入貢太祖封爲交趾郡王封王自是棄之始

爲外域璉傳弟璿爲大校黎桓所篡遣使貢方

物真宗封爲南平王黎氏有安南自此始傳子龍鉞弟龍

挺殺龍鉞自立大校李公蘊復篡之自稱留後

遣使奉貢上以異邦不足責因封爲交趾王傳

子德政德政傳子曰尊日尊傳子乾德乾德傳

子陽煥陽煥傳子天祚封安南國王安南稱天國之始

祚傳子龍幹龍幹傳子昊昂無子以女昭聖主

國事昭聖死爲其僭陳日昃所有傳子威晃元

世祖卽位仍封爲交趾郡王威晃傳子曰烜日

烜傳子曰燁日燁傳子曰峇日峇傳子曰曠日

曠傳子曰焯日焯傳子曰烜明太祖初遣使進

安南世系略

二

貢詔封爲安南國王日烜傳子曰燁爲叔明所

篡奉表來貢邠之繼自稱年老願以弟日熾代

視事日熾卒弟日焯代叔明仍端國政尋國相

黎季犛弒日焯立叔明子日焜叔明死又弒日

焜奪其位詭姓名爲胡一元子蒼易名蒼僭號

紀元國曰大虞成祖初表言陳氏世絕奄爲陳

甥求署國事從之已真封爲王會陳氏故臣裴

柏耆走闕下乞師老撾亦傳送故王孫陳天平

來朝下詔詰責季犛請迎歸命都督黃中等
送之至芹站伏兵殺天平大理卿薛崑死之中
等引還成祖怒命成國公朱能新城侯張輔等
二十五將軍兩道進討會能道卒命輔盡護諸
軍遂生擒季犛父子於奇羅海口詔求陳氏後
無存者乃置交趾三司郡縣其地已交人簡定
及其黨陳季擴等反復命輔討平之季擴自言
我陳王後也請降以爲交趾布政使輔歸復反

安南世系

三

竟復遣輔轉戰連年賊乃獲輔凡三下交趾威
震西南遂留鎮其地未幾召還交人復肆猖獗
黎利尤劇仁宗初授爲清化知府不受職侵掠
日甚宣宗卽位累討無功成山侯王通以賂遺
利與之盟利表言前國王遺嗣暲今在老撾請
嗣封宣宗用大學士楊士奇楊榮議俯從其請
召安南文武吏士皆來歸利復言暲已死陳氏
種絕然業已置之乃詔利權署國事利死子麟

代英宗初封爲安南國王麟死子濬嗣濬爲庶
兄琮或曰宜民所弑弟灝嗣灝死子暉嗣暉死子敬
自立未及請封而死弟誼嗣武宗初阮种弑誼
黎廣等討平之立灝庶子暉社堂官陳暲弑暲
詔爲陳氏後自立都力士莫登庸逐暲立暲兄
子諲專其國黎氏臣鄭綬以登庸不臣諲擁虛
位復立其族子西榜爲主登庸攻敗鄭綬捕西
榜殺之復攻陳暲敗死登庸自稱安興王謀

安南世系

四

弑諲諲奔清化而死復立諲庶弟應尋篡其位
立子方瀛爲太子未幾弑應自稱太上皇禪位
於方瀛鄭江黎綱等共立諲子寧居木州漆馬
江倚老撾爲援世宗時差頭目鄭惟儵泛海來
京奏登庸罪狀朝議與師進討登庸束頸叩關
請降詔降安南國爲都統使司以莫登庸爲安
南都統使仍令守臣覈明黎寧果否係黎氏後
以聞制下登庸已死其子方瀛早卒乃授其孫

福海福海死子宏漢嗣宏漢死子茂洽嗣時黎氏雖居一隅而黨類實繁黎寧死鄭惟憐子檢立其子黎寵寵死檢復立黎暉後黎維邦為主神宗時莫茂洽死國大亂會黎維邦死鄭檢子松復立其子維潭為主攻敗莫氏盡逐餘孽遣使詣守臣歸罪款關輸貢仍用登庸故事詔以維潭爲安南都統使黎氏王統遂絕時莫敬用竄居高平令卽以高平子敬用毋得侵害我

安南世系

五

朝定鼎莫敬耀來歸未受爵而卒仍授其子元清爲安南都統使黎維禔亦來歸未受封而卒康熙三年遣內院編修吳光禮部司務朱志遠

諭祭維禔康熙五年遣內院侍讀學士程芳朝禮部郎中張易賁

冊封其子維禔爲安南國王康熙六年黎維禔奪莫元清高平地遣內院侍讀李仙根兵部主事楊兆傑諭還之乃元清負恩助逆旋服冥誅其弟

敬光爲黎氏所討來奔乞命蒙

皇仁不加誅城令地方官送歸本國於康熙二十二年正月二十五日卒於泗城土府黎維禔死弟

維禔嗣維禔死弟維禔嗣本年正月內奉

旨遣臣圖臣卓

冊封維禔爲安南國王臣黑臣燦

諭祭兩故王維禔維禔一時並舉稱盛事焉

臣燦謹論曰安南自丁璉以草寇封王棄爲異

安南世系

六

域數百年來李陳黎莫仇殺無虛日明成祖旣取其地宣宗復棄之誠見交人獷悍之性譎詐之習不可以文法治也若鄭之翼戴黎氏累傳弗替此又人臣之罕見者至黎氏之王封中絕莫氏之一線僅存已數十餘年我

皇上柔遠洪恩嘉與維新維禔則再分茅土奄有南疆元清則重膺上爵世守前業繼絕之仁扶弱之義可謂至矣乃元清不守臣節身死爵除維

禧維祚維禎世濟忠貞生榮死哀咸謂

皇上德同大造栽培傾覆寧有異心而兩氏之惠吉
逆凶顯然並著抑又天道之不爽也爲人臣者
可不慎哉可不慎哉

安南世系

七

敘

嘗讀尚書贊堯曰光被四表贊禹曰文命敷於
四海蓋端拱淵穆固帝王宰治之原而德愈厚
者聲教之漸被愈廣史稱日月光華宏于一人
非無所見而頌美之也我

皇上以天縱至聖繼承鴻基崇儒重道二十年來
文德所敷東西朔南暨於無外客歲安南告訃
封並差余以謫材得隨明兩太史後啣

敘

一

命以往自夏徂秋間關萬里克抵交邦奉兩太史
周旋

大典有光公事告竣一時迎送館陪諸交官率多
以詩見贈余展閱之際不禁喟然嘆曰猗歟盛
哉我

皇上萬幾之暇窮經刺史研精覃思不出
闕庭而右文之化無遠弗屆雖遐荒天末亦知揚
風托雅鼓吹休明以視唐虞三代之隆何以加

此不敢以一人投贈之私置之爰授之梓俾海

內知

聖朝同文之盛譬諸芝草醴泉爲物雖微亦足爲億

萬載無疆之休徵云

康熙二十三年重陽前三日灤山周燦題於長

安邸舍

南交好音

阮廷柱

怡軒山人
吏科給事中砥堂男

公館從容私情敬慕皇華之詩方詠四牡之

什載歌記憶之懷曷維其已自揣拙鈍未可

言詩狀樂大人之志榮大人之名不能自己

勉述二章以誌鄙懷云

巍巍令望播璋珪分陝有人再見西一品麟袍

辭

南交好音

殿闕千重鳥道渡山溪五花喜見

恩綸渙四宇欣瞻

御筆題旌駕言歸長記取高名千載諒山齊

其二

聖朝文德著宏休爲道濂溪更出周

丹陛揮毫承

顧問壘華攬轡廣諮諏南交

寵命增光貴北斗高名愈炳彪歸路從容多好句江

山萬里盡囊收

陳

璚 潤甫海陽人
禮科給事中

古人吟咏性情必形於詩所以感發其善心
無非忠厚之意也仰見大人

詔承

北闕駕蒞南交敬慕之情言不能述肅開前韵重伸

賀臆

獨擅芳名美玉珪衮衣此日亞公西舍香常自

南交好音

二

明邦禮奉

命寧辭渡遠溪品似青山人共仰吟成白雪世爭題

殷勤左右無他願勾漏山高姓字齊

其二

光昭盛世教宏休洵美先生君子周侍從

兩朝多著作馳驅萬里寄諮諏輕裝陸賈推詞命傳

檄相如自炳彪

富宁經綸資論贊喜看夫子坐中收

宋

儒 漢軒愛州人
戶科都給事中

華駕官旋丹衷敬慕聊述蕪詞肅開前韵

天朝錫命剪桐珪有美人兮復見西道述六經尊魯

國儒宗一代重濂溪

九重雨露分沾漑萬里山川待品題爲憶別時相贈

諳常瞻鶴駕與雲齊

其二

有容泰誓歎休休赤舄於今再輔周一代文章

南交好音

三

憑論定萬邦民物待諮諏宋朝學士名同賦漢

世通儒才冠彪喜看南車回奏記萬年壽考

聖皇收

武惟匡

柏菴海陽人
禮科都給事中

生長遐荒見同蠡海幸得承顏接詞於公館

下高山仰止何日忘之聊述短章用伸別緒

聖代才名重璧珪傳來夫子自關西

九重冊命頒

丹陛萬里帆檣泛碧溪鶴禁丰標人罕見鷄林姓字

價爭題回

朝若問交南事處處春臺壽域齊

其二

汪洋千頃量休休景仰先生體用周典禮儒臣

尊制作採風太史任諮諏賦成鸚鵡光焜耀座

見麒麟色炳彪自愧不才趨左右參苓敢望籠

中收

南交好音

四

阮公望

鈍夫京北人
兵部左侍郎永祥男

聖德於今已遠揚雲程計日促歸裝清江秋水魚潛

躍紫塞春風鴈北翔柳色迷人橫古渡梅花留

客佐離觴臨行莫唱陽關調四牡歌成敢拜颺

其二

仙槎得意似風乘博望聲名此日稱鳳閣宏才

原自重龍門多士喜先登清秋霜冷峯回鴈碧

漢風高海運鵬別後思君應北望寫懷難盡刻

溪藤

黎 僖

湛溪愛州人
工部右侍郎萊山男

袞衣方幸炙公顏何事匆匆飾駕還湘水無情

惟艤易苗場有意繫駒難吟成好句三江月洒

泛離筵萬里山識得殷勤忠愛念

帝城咫尺五雲間

其二

斗槎遙泛下炎封近接何緣偶爾逢曉日三秋

南交好音

五

瞻瑞鶴高樓百尺識元龍板轅不憚塵中拜附

驥無由尾後從多少笑譚榮夢寐寒山何處扣

晨鐘

阮廷滾

慎軒驪州人
御史臺僉都御史

大人識度宏遠器宇疏通真當代第一流人

也茲者皇華使竣壯駕言旋慨慕之情懸懸

在望輒忘拙陋敢述蕪詞惟見采是幸

天書拜領自

宸楓迢遞星槎萬里通詩入江山消遠思劍迎霜日

壯雄風

皇恩浩蕩包含遍紫極光輝拱向同莫道朔南風景

異乾坤盡在太和中

其二

手捧

瑤章出鳳城皇華妙選屬儒纓

九重雨露來

南交好音

天上萬里江山照使星勁氣遙凌霜霧肅光風乍見

瘴嵐清共知

聖主恩波重葵藿心孚舉向傾

黃公寘

椿軒山南人
參政

大人以上國之宏才膺皇華之盛選青霜紫

電密接威顏和氣春風欣承笑語瞻望之際

歆羨殊深茲者大典告成歸輶載飭感戀之

情不能自已敢忘其固陋聊用繩樞輟葺於

鳳樓之下不棄朽腐幸爲斤正庶助公餘一

覽云

丹詔欽頒自

九重星輶到處總春風光分禹甸山河外人在堯天

雨露中傾向有星皆拱北朝宗無水不流東節

旋應自承

清問願道車書一統同

其二

南交好音

詞源滾滾倒三江筆力惟公可獨扛風度九齡

人罕比美才公旦世無雙虞廷出入趨

丹禁周道委蛇耀碧幢盛典告成歸去日千秋仰止

重南邦

其三

名賢挺出自洪支早步雲衢際盛時畫省百年

尊制作星輶萬里任驅馳恩流

北闕乾坤遍名在南天草木知清節高風人景仰巍

山何用立豐碑

其四

王事賢勞任載驅
駢駢四牡照征途
正言格論真若
子博學多聞古
大儒東觀五經
憑討論南宮三
禮定規模功成
遠域稱良使卿

命無慚陸大夫

其五

鰲禁人辭密勿陪煌煌玉節向南來
經邦共仰

南交好音

人

調元手專對群推應世才
肅肅輕移江水濶
星旗遙指嶺雲開
臨岐立馬情難盡
萬里寒風對酒杯

其六

朝廷德意賴公宣
携得清風兩袖還
夾道兒童爭擁
馬臨江旌旆似登仙
含香應在雲霄上
曳履還歸日月邊
說與交人休悵望

廟堂熙采待高賢

阮擢用
禮科都給事中

大人性稟仁賢才
高中外使命告成
歸輶載駕幸承饒
接雅契尊顏敢述
拙詞以伸憶望之忱

翩翩令望美才全
玉節輝煌萬里宣
江上旌旗爭照耀
座中禮樂自周旋
焉郊地遠恩霑溥

鳳闕天高仰望懸
此後思君何處是
台星遙指五雲邊

邊

南交好音

九

阮公儒
兵科都給事中

按餞承顏已經三
度竊見大人科中
德行海內宗師遠
適遐荒一國之人
仰如泰山北斗可
敬可慕敢述燕言
以伸下悃

聖朝使命重賢良
拜手重吟四牡章

鸞誥五花來

絳闕麟袍一品耀
朱方雍容禮樂人
爭看爛熳旌旗
日照光惆悵風前
無以贈千秋鍾鼎
重巖廊

黃公寔 再見

讀大人勉學讀書八篇自愧顧愚得蒙啓發
深恨覲顏之晚勉述二章以誌嚮往之私云

爾

堯典傳中首曰欽淵源千載聖賢心江河就下
歸滄海泰華凌空聳碧岑常與乾坤同久大不
因秦漢以浮沉喜君際遇明良會三代休隆復
見今

南交好音

十

其二

東甍登朝正少年高堂養志返林泉不同嵒宋
爭奇句且與程朱述舊編一代經綸推大用千
秋學問有真傳德兼忠孝如公少中外人推閱
子騫

阮廷柱 再見

前題

翩翩令望遠人欽道統淵源本寸心學辨六經

同皎日功基一簣起高岑逢時鳳鳥凌雲翥得

意魚龍見水沉萬里天南親絳帳程門立雪在
如今

其二

問君聞道幾經年掘井功深已及泉期爲前賢
明要訣因令述域見新編伊周事業稱隆古孔
孟經書得正傳海外弘文光

聖化不同西域拜張騫

南交好音

十一

武惟匡 再見

前題

道範雍容世所欽臯比講易見天心傳聞啣石
能填海始信移山可起岑理晰乾坤心廣大才
兼文武智深沉真儒作用千秋事堯舜君民只
在今

其二

螢雪工夫已有年滔滔辨論似淵泉寒江瑞日

聯奇表旅舍清風伴舊編天下文章尊巨伯日

南師範識宗傳思君冀得重相晤電走驛驢萬

里騫

阮廷柱

三見

佳篇留別依韵奉答幸賜訂正以爲國人之

矜式焉

書御咫尺近

天顏一代人文識馬班遙望仙塵歸漢表春風曉日

南交好音

圭

照燕山

其二

調成白雪足千古坐對春風僅數旬萬里相思

勞夢寐淡交君子白情真

武惟匡

三見

前題

驛路梅花照玉顏翩翩劍珮送仙班月明千里

如相憶遙望南山與北山

其二

萬數還來千萬里絳帷近侍兩三旬巖巖喬岳

人瞻仰海外群倫識道真

阮廷滾

再見

朱輪載駕華扎重留依依之情感深五內步

韵奉酬勿嫌瀆襲

春風驛館喜停驂學海淵源取次探茂叔座中

惟霽月照來天北又天南

南交好音

圭

其二

東閣才名孰與雙

天章遙捧到南邦伊人一日三秋思愁緒那堪對漢

江



序



周星公太史有願學堂集二十卷蓋序賦傳記諸體皆脩而詩亦附其間予於是見太史世澤之長焉學術之正焉古道之隆

焉且文章之閎中肆外爲不可及焉太史之先自始祖迄曾大父贈公皆忠厚孝友至憲副公亮節弘猷載從信錄太公令宿遷治行冠於當時誕啓太史一

脈相承其他親系服官者實繁

而皆各有以表見此豈世俗之閥閱可同年語哉而予觀太史是編事事歸原于庭訓則世澤之長洵弗可幾也矣年少登高

第徃徃馳情聲色思有以邁乎流俗者又多叅悟于禪宗或乞靈于老氏而濂洛關閩之道不曰時勢難行則曰迂濶而遠於事情今太史力闢異端其論心

性之微一本於程朱書史傳之
後獨折衷于至理而不襲前人
之緒餘非學術之正其孰能與
於斯今人往來尺牘以及贈言
類皆溢美稱揚展轉寒暄之好

太史獨不頌而規卽以房公愼
庵之廉能而權關一序惟諄諄
以道義相勗予所以服其古道
之隆太史房牘闢書久已名于
天下乃能歛華就實繇六朝而

進于唐宋大家復由宋唐而進
之於秦漢滙之以理學融貫古
今意所欲言者力無不赴之人
第知其繽紛流麗而豈知其閎
于中始能肆于外也哉噫是編

一出學者庶其有所宗乎而太
史仍以願學名其堂卽以之顏
其集何哉蓋學問之道至無窮
也昔人謂之學海吾夫子自志
學以逮從心亦曰不厭不倦而


已矣惟不厭而後能不倦是其
學也卽以身爲教也子輿氏之
願學其在斯乎今日者太史膺
師帥之任而南康爲周朱二夫
子講學之地敦名教以移風俗
吾鄉十三郡咸效太史願學之
心則理學文章合而爲一矣

峕

康熙二十四年乙丑新秋二日

盱江年家治弟湯來賀

拜手撰于白鹿書院



序

夫人之言文者亦曰道而已矣
蓋文以載道而道爲主文爲輔
此因源以及流由本以至末所
以流之廣而末之茂也若徒役
役於詞章以繁苐華贍爲之要
雖具於文或足以動衆而外之
無與於家國內之無補於身心
畢其生矻矻勞苦而不足以收
尺寸之効所爲用者究歸於無

用此余之所竊歎也余少嗜詞

章之學已悔之從事於六經又
久之而始津津於理學知夫理
學者六經之指歸數聖人一觚
相傳同條共貫而千百世無岐
趨嘗欲以論天下之文而天下
之卮言曼語相爲流靡而不知
其止也其有舍俗學而爲古文
者間襍以佛老虛無之說申韓
功利之談而聖人之道未嘗一

明也又孰從而正之吁余旣力
不足以明聖人之道而道終汶
汶而已矣臨潼周星公先生留
心於程朱之學甚久比至京與
余數晨夕而以生平所爲文就

正於余是將以余爲同志余其
何敢辭雖然余所以論文者一
是而已矣合於道者以爲是背
於道者以爲非故嘗以爲字句
之非其小者也議論之非其大

者也言不本於聖人而率已臆
以淆亂天下之可否詖辭邪說
中乎人心而寢淫乎世道孟子
之所謂害於政害於事一言而
始之夫豈細故哉今星公之文

質而古高簡而委折無大無小
皆斟酌於理義足以扶正指遏
邪說余謂星公有造乎道而得
其至者以此嗟乎關中之教自
橫渠以還衆世不乏也嘗讀馮


少墟先生關學編其能究心理
學者肩踵相望今復得星公先
生夙夜孜孜強力於此庶幾聖
人之道晦可以復明散可以復
聚二百年來殘經絕學或尚有
啓微而振墜者余能無厚望乎
然則余之讀其文而復推原於
道以序之亦以爲關中自宋以
來輒多有志於聖人者繼橫渠
而起其星公乎夫橫渠非不可

學而至卽由之而更有進焉亦
學者之所不辭也惟星公之勉
之耳

皆

康熙壬戌五月上浣太倉年侍

生黃與堅忍庵頓首拜謨



願學堂集總目

臨潼周 燦星公著

卷之一

賦

卷之二

序一

卷之三

序二

卷之四

願學堂集

目次

一

記

卷之五

碑記

卷之六

傳

卷之七

說

卷之八

書一

卷之九

書二

卷之十

題詞

卷之十一

募疏

卷之十二

頌 贊 銘 辯 對

卷之十三

願學堂集

目次

二

行狀

卷之十四

墓誌銘一

卷之十五

墓誌銘二

卷之十六

家祭文

卷之十七

祭文

卷之十八

族譜

卷之十九

詩上

卷之二十

詩下

願學堂集

目次

三

願學堂文集卷之一

臨潼周

燦星公著

賦

西湖雪賦

乙巳冬客武林寓荷花池上主人詹允諧偈
儻風流善文章余樂與之遊一日天寒雨雪
余携榼邀詹子偕二三同人冒雪泛舟飲湖
心亭上憑欄四望曠然有懷酒酣援筆而爲
之賦曰

願學堂文集卷之一

斗柄北移歲時南薄大地嚴肅山原膠靄霧氣凝而
發黷川澤涸而落澤翳陰雲之密敷倏寒風之橫作
天慄慄而黯淡雲纒紛而灑落旣微著于園池復廣
被乎丘壑凝素華于草木做清景于樓閣洵足以發
幽人之逸興暢隱士之遐託况乎臨安勝概首指聖
湖地現靈光天開畫圖聲奕古今名勝繁區密邇邪
郭尤堪遊娛於是步城闔臨湖岸築盡舫曳錦纜蘭
桹輕搖桂楫微泛旣凌波而出沒亦延佇而流盼爾
時蒼烟霏微澄湖溟溟雲影沉波浪花飛霞氣吞空

而淇濛水動風而欲澁蒹葭雜而紛若離正搖而鑒
亂隨篙工之往來同湖光而隱見恣願覽之無窮遠
登高而遙瞰爾乃停舟淡渚曳履孤亭步縹緲之履
樓俯窺窺之修櫺開文窓而環睇覺觸目而生情南
則烟鎖荒林雲迷鸞嶺兩峯聳律三竺杳冥聽南屏
之晚鐘踰六橋之斜影山樹琴麗遙聞鳥聲岸蘆披
拂不辨漁艇唯有雷峯古塔丹樓聳映玉山而孤
挺東則雉堞十里烟火萬家瓊臺旁起瑤榭交加連
廣遠而瑩如砌玉絡狹路而爛若飛沙至如吳山隱

願學堂文集

卷之一

二

韓康谿崕崕呀呀張素幔露草紛紜霜樹攬
挈神宮道觀無在不嘉北則保叔浮屠昭慶叢林錢
王石跡大佛金身憑隆濛濛暮陰沉又有朱樓臨
乎水岸翠館望夫山岑燕趙俠士吳越俊民或據案
而呼盧或倚檻而微吟或醉傾乎玉尊或閒撫乎瑤
琴或舞袖纓聯而迴風或歌喉宛轉而凌雲良辰美
景悅目怡心西則岳王古墳歐子名泉陸公遺祠盧
舍新庵水流浙瀝而噴珠栢檜蒙茸而增態殿閣聯
大珪瑩簷甍列乎琅玕七賢祠側四照閣前楊柳飛

而失白梅欲放而爭妍至若古剎淨室幽墅閒園棧
陂皎如焚燎皓然依倚乎齊王之離宮髣髴乎釋迦
之寒山此則四面之大概而歷歷可觀者也若夫天
光碧映湖氣雲蒸天臨湖而欲墜湖涵天而上騰浩
浩乎俯仰一色姣姣乎遠近交紫霍繹紛泊聯翩飄
飄恍乎銀龍之解甲宛若玉鳳之脫毛水花撲空而
亂墮柳絮吹浪而旁飄颺颺紛紛奕奕漣漣影懨懨
而變幻色繁驚而氣溼爾乃酒傾綠蟻肴列冰盤竹
葉清噴雷荑香寒掀鬚咲傲同步盤桓揖蕙公而道

願學堂文集

卷之一

三

故邀白傳而談崑訪稚川於葛塢夢靈運於山亭殘
塘悲伍大夫之怒濤孤山吊林處士之遺風尋遠公
而索鯉懷袁侯而眠松揚舲擊汰步楊鉄崖之吟竹
枝傾酒睇髮聽趙子固之讀騷經既塔乎其自得亦
怡然而忘形乃漫爲之歌曰
歲暮云今北風寒同雲布今雪漫漫俯平湖今眺遠
山渺予懷今未可言携旨酒今醉高樓目極千里今
思悠悠鴻鴈南飛今北還草木冬謝今春抽白日馳
今不暫留願隨赤松子遊今託息乎丹丘

盧餘菴曰賦家雖貴瑰奇橫肆昔人成之十餘年
何難索隱鈎深若使登高能賦正不必如此所謂
詩人之賦典以則也讀長門登樓及雪月赤壁等
作又何流宕感人不事艱棘而光彩四映乃爾得
澹園年兄此篇益信余之所賞在此不在彼

述祖德賦 有序 丙辰

余家世陽人遷居驪下迄今十有一世矣家
傳忠厚代尚詩書五世祖肇開厥基六世祖
克昌其緒大父中議公紹前世之懿風啓後
昆之令範望著人寰名垂史乘余小子深慚
弗類有愧聿修念儀型之不遠冀續述之克
勤竊附元成自責之義聊爲靈運揚休之詞
乃畧述舊聞綴以蕪詞而爲之賦焉

粵稽伊祁之舊都兮控高山而繚巨川北有古洞之
摩豁兮南有洪崖之噴吼邇陽人之厥宅兮肇世系
之淵源夫何紅巾之熾鬪兮恫斯民之播遷渡黃流
而西來兮哀屋烏之靡瞻維余祖時振鐸於關內兮
知故鄉之不可還倚驪峰而悵望兮睇清渭之潺湲
峙百雉之翼如兮卜厥廛而居焉乃晉牒之小宗兮
爲秦譜之開先奠仁義以爲基兮直忠孝以爲垣安
柔善以爲宅兮釋詩禮以爲田五世祖曰處士兮直
至德之天全行忼然其若惕兮口誼譙而似不能言
趨冀奉於宗黨兮懼跬步之失閑渾怨德而若忘兮

飲蘭砌而自耳任不齊於人事今惟誠一之動天感
靈鵲於雲中今示佳兆於牛眠六世祖曰贈公今更
忡忡其傑然體姿羸若不勝衣今行惴惴其如臨深
淵忽儼儼之我凌今遂局戶而深潛乃歎歎之我啖
兮竟捐裴以厭其狼餐遭困窶幾無以自存今鬻廢
醅而承高堂之歡斯豈矯矜而致之今實率乎天性
之自然誕篤生余大父今當勝國嘉靖之年雖總卬
之弱齡兮遂規周而矩旋性詩書之是好兮安風雨
於窮簷恐惟日之不給兮借燭光而嘒咄稍長而能

願學堂文集

卷之一

六

擇師兮乃執經於藍田之秦關拱大人之奧秘兮得
鄒魯之真傳升賢書而出宰兮試牛刀於潯水之干
羗潯水之播虐兮嘆民生之慘憺躬盧牟而丁役兮
固金堤於萬年遂擢尹夫京邑兮威令震懼乎豪權
譽望達於九重今天子稱之曰真好官俄遷拜夫地
曹兮乃專敕之特宜處華潤而不染兮播清風於潯
江之灘迨一麾之出守兮馳画轂於西川廣儲積以
備荒兮恢宮墻以育賢捐金代賦而活樊楚之民兮
安脫巾之士而消禍炎於方燃無何余蠻之騃斧兮

烽火達於幽燕乃建節其端征今職鞅鞅於指顧之
間時逆鑑之枋國兮以功未歸已之爲嫌置軍書而
不報兮乃拂衣而歸田敦風化於閭里兮養天和於
林泉大母惟任恭人兮復盡德之是嫺肆鶴髮之皤
皤兮共杖履而翩翾伯父司訓公兮夙理學之精研
叅朱陸之異同兮悟思孟之真詮晚講學於洮水兮
齊俎豆於椒山余嚴父封太史公兮懋淵修於曾顏
道存而不有其象兮文足而自謝其妍奮鵬翮於一
運兮養豹文於升年爲將母而捧檄兮綰銅章於宿

願學堂文集

卷之一

七

遷未期月而最最兮旋宅憂而西旋花滿洋河之曲
兮淚墮崑山之巔既除服而謝徵辟兮聊以娛吾老
於田園惟兩兄之卓犖兮爭鳳翥而鸞鵠或雙旌之
分守兮或百里而鳴絃嗟余小子之弗造兮旣賦性
之慵懶甫七齡而失恃兮遭寇變而流連乃學業之
日荒兮承庭訓而勉旃濫掇甲乙之科兮窺秘書於
木天歷省卽而奏績兮持文衡而獲愆傷中道之棄
捐兮感 聖恩之賜環緣親老而陳情兮得侍養以
愉閒觀白日之馳馳兮凜積雪之壓簷風颼颼而透

衣兮庸駮瘵而怯寒覽明鏡而增悲今警華髮之盈
巔懼先德之失傳今益後晉之難寬憶陳說於傳聞
今搜舊跡於遺編挑青燈而染翰今抒長情於短箋
豈其侈聲華於海內今聊以傳吾家之青氈亂曰
梗楠蔽日植於高岡江漢朝宗發於濫觴根深者茂
源遠者長于門高大匪德易昌於惟我祖肇述堯封
避地圖存潼水之東耕耘世業誦讀家風仁深義沃
日熾日隆中議崛起奮跡中朝受知人主經緯名高
未老懸車德望彌邵啓我後人謨烈光昭山之高矣
願學堂文集卷之一

八

乘標而陟河之廣矣憑舟而濟我祖之德渺不可至
賦以述之庶幾罔替

孫豹人曰以楚騷爲崑崙視江鮑諸人已如支派
別派矣復何有赤壁黃樓耶

願學堂文集卷之二

臨潼周 燦星公著

序一

送劉介菴歸養序 辛亥

咸陽與臨潼古京兆東西邑雉堞相望余與介菴初
往還於公車間卽稱莫逆交已亥歲同成進士蒙
世祖皇帝選入玉署讀中秘書共研席者二載及

今上嗣統以介菴官地部余官秋部連袂聯班者又
三載有餘繼余以衡文獲罪罷歸田里六載不相見

願學堂文集卷之二

尋蒙

聖恩賜環侍家人入都待銓時介菴猶然司農尚
書郎也一日告余曰余將歸矣余祖塋八旬有二余
毋亦春秋高余幼而失怙上無伯叔下無兄弟兩世
孀居定省乏人每一念及中夜不能成寐余曰善哉
子之志卽余之志也余數年來坎壈萬狀今僦居長
安蕭然四壁喜家大人七箸益康仲兄亦謁選在都
晨昏菽水一堂歡愉遂怡然不自知其愁苦也子其
以余之樂釋子之憂乎余故曰子之志卽余之志也

介菴以其情請於 朝歸之日計部韓子瞻祠部黃
泰升中書梁峒樵騰縣尹任訥菴携尊酒餞諸郊門
之西余乃進一觴告介菴曰士有曠世而稱知己者
以其學有同得志有同趨時代不得而異也况我兩
人生同地官同朝其致身之始畧同而中間升沉利
鈍者不同余勿失恃子勿失怙初亦不同而今也余
乃侍親以之官子復辭官以養親其不獲已于中之
情又無不同抑豈所謂學有同得志有同趨者耶區
區順逆之境亦不足爲我兩人異也子歸矣承歡之
願學堂文集 卷之二

餘覽勝峻山之陽高吟清渭之曲樂且無央昔吾鄉
對山羨陂兩先生同時家居賡吟酬唱至今侈爲美
談余待補一官行將侍家大人以返舊廬招吾子遊
遊乎樊川灞水之間登終南而陟太華康王勝事又
安知不在我兩人也

房慎菴感應篇衍義序 壬子

近日持誦感應篇者徧天下余亦持誦中人不欲謂
天下之人盡持之而未必能行也第覺余持之而行
有不逮者什常六七余既不敢以已之未行者律人
又未嘗不欲以人之能行者勵已衰了凡先生八辯
十事此皆爲能行者言也夫既能行矣而尚有幾微
之辨泛要之分况乎未能行者哉同年房慎庵余畏
友也好善同於余而精進周詳余則弗及今取了凡
先生之說梓之而題爲感應篇衍義者所以衍從來
願學堂文集 卷之二

註感應篇者未盡之義也使天下之持之而能行者
見之其爲善也更覺嚴切而不敢泛焉以從事卽有
如余之持之而未能行者見之知能行者猶如此其
刻責而又豈敢安於未行其作化外之徒其聞言而
興起也亦不可量矣此慎庵與人爲善之心更切於
了凡先生之心也卽題爲立命說之衍義也亦無不
可

曹禹疏大河志序

癸丑

余友曹禹疏宰壽張以大河志寄余且緘余曰此書如可問世子其爲我序之余莊誦數過竊嘆禹疏思之深而識之卓也從古誌水之書多矣若水經注河源志諸書或侈其博洽或矜其奇詭而究之無裨於寔用是書也西自崑崙東至碣石數萬里之源委如脉諸掌上焉上自神禹下迄明季百十年之經畫如陳之目前焉而大義以行所無事爲主夫行所無事禹之治水然也萬世仰成平之利至于殷始苦河患

願學堂文集

卷之二

四

然可見者也我

朝自荆隆口告決竭數年之捍禦而大工始成近復決于淮安等處上厯

九重宵旰之憂下困三吳閭閻之力是河之患莫甚于今日矣禹疏數十年前若逆有以知之而爲是書

者余故嘆其思之深而識之卓也夫禹疏在壽張士安於庠農安于野讀書種蔬以自娛四境之內若不知有曹令者是禹疏以行所無事者治壽張而壽張治矣使本此意以治河察故道之或南或北任其自然而不必竭民力以強爭其地詳黃運之可令可分求其通變而不必拘成法以重困其民是書也脩廟堂之採擇佐河臣之設施其有裨于國計民生非鮮淺也余故南望拜手而樂爲之序

願學堂文集

卷之二

五

舌閤筆昔蘇長公讀韓昌黎盤谷序欲倣而爲之數屬稿未成乃云不若且罷教退之獨步

送房慎菴權蕪關序 甲寅

甲寅春樞部房慎菴奉 命權蕪關行之日諸同人各有言以贈余愧不文乃載酒于塗酌而告之曰事有必不能復古而後談先王之法者是拘儒也惟深維乎先王之意而慎用之於法不大戾焉斯稱善矣夫關之有權也非先王之法也而行之且數千百年矣取商旅之有餘以助田賦之不足於先王重農抑末之指或未始相悖焉而司其事者遂因以爲利多方誅求數倍於公家之入是不惟有悖乎先王之法願學堂文集 卷之二 亦甚非 朝廷所以設關之意也君其念諸今天下財賦半仰給於東南而邇來水荒疊告民不聊生其遷有無於閩粵諸省者藉四方之利以贍妻子供賦稅其情亦深可悲矣夫吳會之於天下猶腹而閩粵其足也中氣盛漸可充溢于兩足今反藉兩足之餘以養中氣此養生者之所大懼也君之才歷試皆有聲此一往也其深維乎先王之意而慎用之於法不大戾焉庶幾無負 朝廷設關之意乎慎菴曰諾是余之志也遂書以爲贈

乾甫伯曰不以頌而以規真是莫逆文至此乃爲至文

王山史曰布帛菽粟之文方是學者實際

武叔玉陰符經意註序 甲寅

陰符經傳爲黃帝書其來遠矣楊升菴謂出後漢末唐人文章引用者惟吳武陵上韓舍人行軍書梁肅受命寶賦馮用之機論權論此外絕無及之者又謂淮南子謂五行爲五殺陰符經竊其意而變其詞曰天有五賊卽五殺之說定爲李筌僞作也夫讀書者惟其文不惟其人果其說可以修身可以治世可以扶天人之蘊可以達理亂之機卽里巷之談聖人拯之亦奚擇于筌乎况其詞義質奧決非晉魏間語豈

願學堂文集

卷之二

一

唐人能辦如謂李筌作方將隱其來歷又豈肯述驪山授經之說以明其自始恐升菴之論亦未可爲確據也余友武叔玉少年嗜學長而彌篤年逾知命絕志進取閉戶潛修于書無所不窺前著心經意解余爲之序茲復以陰符經意註示余昔郭象註莊人謂之莊註郭象以其襟懷筆力畧相上下且間出俊語無異鄭司農之註檀弓也今觀意註清言雋爽與經旨互爲發明後人視之亦何減郭註乎每嘆士人白首窮經不獲顯于當代若以爲造物難測然天正欲

留其學以訓示後世不欲以一時之榮名紛其心志

誠非蹟蹟者所易識也嘗觀唐人註疏煩蕪如堯典二字釋至數千言使叔玉以高健之筆發明聖學當有妙論解願後世以耑家仰之不啻如伏博士之於書韓太傅之於詩也余行將載筆序其首矣

乾甫伯曰陰符幾個機字靜字浸字非大聖大賢不能窺其妙豈晉魏人能作可以持世可以出師可以養身開後人多少生面解之誠難

願學堂文集

卷之二

九

乾甫伯父雨香亭集序 甲寅

余伯父乾甫公先王父觀察公冢嗣也幼負大志長修洙泗之業立身行己以聖賢爲模範閉戶讀書四子五經外自左國史漢以及百家言無不淹通間以其餘力工爲制義前後司文衡者咸嘉異之有歷試冠軍草行世乃老奇於數僅以明經司洮陽訓未幾解組歸築園構宇栽花種果與家大人一榻並膝坐看繡嶺烟雲年且八旬有二矣一日出雨香亭集示燦曰此余半世苦心也子其爲我序焉燦拜受之定願學堂文集 卷之二

懼且愧緬惟總州時卽受伯父惠連之目弱冠從學舉業伯父曰此末技也而發明聖賢義理非可以才勝者須先民規矩是遵以故非程朱之說弗道也非王唐諸家之文弗示也且爲之課期程而要之指歸曰若何試于邑若何試于鄉若何試于國余奉命以往若龜卜鷄占毫髮不爽嗣是廁名玉署棲遲清曹宦海風波浮沉歲月二十年來依然吳下阿蒙伯父不鄙謫陋以集屬余故不禁懼且愧也魯穆叔之言曰太上立德其次立功其次立言是謂之三不朽伯

父私淑前聖尤宗曾子之學居恒以毋自欺爲本坦懷接物與人無忤鄉里之人化之至比之陳太丘王彥方焉生平著述盈篋茲集其僅存者文則本之先秦兩漢復沉醉于唐宋諸大家而出之不遺調而自高不琢句而自古詩則直抒胸臆絕去縉藻陶孟之閒逸沈宋之清麗實兼有之其德與言可謂立矣獨是以不可一世之才僅試之澤官片席識者未免有濩落之嘆然歷觀前史衛霍馳驅於疆場田竇委蛇於中朝一時赫耀過則已焉若仲淹以河汾膺斯道之統昌黎以文章起八代之衰至今俎豆不輟是德與言竟可兼功而有也古人所稱三不朽者伯父又何憾焉集凡若干卷謹編次之併述管窺之見如此若弁之簡首以當乘常之先也則小子奚敢

乾甫伯曰余之爲人也不過遇事能解逢人能恕而已八十年魚魚鹿鹿無一長可採至于詩文之作聊以釋悶遣情若欲追踪古人學步即輒不亦謬乎叙中揄揚太過豈所謂愛而忘其醜耶祇增顏甲可發一噓

晨雨編序

乙卯

凡人受命維皇天壽窮通莫不有一定之分而人每欲逞一己之私以勝之亦何異於啣精衛之石以塞海騁夸父之步以追日也卽昔人有人定勝天之說謂修身立命格天心以移天運非謂踰牆奔逸之力遽可以奪造化之權也每見世人憧憧終日卽剔燈就枕復預計來朝所爲不能待旦及鷄鳴睡醒聽牕外雨聲滴瀝覺昨夜所思未能遽行且掩耳頰首而卧澹園子曰有是哉五更之雨可以入道也凡人能

願學堂文集

卷之十一

十一

以無涯之思節之以有涯之分則塵念漸息天倪漸存其於聖賢之道庶乎其不遠矣壬子歲余以需次寓居京邸閱說郛稗史諸書喜其淹博苦其浩繁因擇而錄之客歲携歸家園更加刪定取其可以補經可以正史可以窮事物之原達古今之變者分帙節書僅成四卷使觀者簡而易盡猶嘗嚮可以知時也余幼嗜讀書長而弗倦舉人世顯名厚實非不心喜覺欲之而不能求求之而不能得蠅營狗苟徒貽達人之訛不如一編坐對風雨晦明隨時自賞天不我

斬人不我嫉以之滌愁以之蠲忿二十年來如魚游水際蝶嬉花房不復知此外有人間世者又安有所謂欲之而不能求求之而不能得者哉是書也不但爲余五更雨實且霏霏終身無已時矣故茲編成以晨雨名之非敢以入道自許惟願與讀之者且掩耳頰首而卧也

願學堂文集

卷之十一

十一

祝陳渫菴邑侯序 乙卯

惟我渫菴陳侯之宰吾渫也且四載有餘矣其仁政之施自下車以迄今日有不同乎無不同也而民之感之遂若以爲有異者蓋以民之所處有不同也關中爲天下重地而渫爲附省首邑路當東西之衝自蜀川告警廬

聖天子西顧之憂虎賁之旅絡繹而來一切供億率取辦於百里之內昔時惟正之供按期輸納猶恐有箕斗之嘆今則額外之追呼紛紜無已時矣昔時皇

願學堂文集

卷之二

十四

華之使旬一經過猶恐有供帳之煩今則東西往來晝夜奔馳迎送且不遑矣昔時鄉區父老經年不入城府今則供應稠疊日眠食於衙前而民不得安於家矣昔時青衿以誦讀爲業今則司訓領轉輸之役講堂晝閉而士不得安於庠矣昔時關門不閉里無夜吠之犬今則烽火之警近在隣封而商旅不得安於途矣是渫民之苦不啻什伯於往時而侯以仁心行仁政委曲斟酌調劑乎上下之間既不廢公亦不厲民處之若行所無事而民之感之遂以爲愷澤洋

溢有大異焉者也譬之父母之於子焉鞠育訓誨授室制產無時不盡其心而子之安之以爲吾親當然之事也及一有疾病痛苦呻吟呼天莫應而父母爲之延醫調治額神保佑亦只盡其不得已之心初非分外過情之舉而子之感之遂以爲愛我獨至也卽子之於親溫清定省亦無時不盡其誠而於父母誕辰稱觴獻祝若以爲天生吾親以養我吾代吾親以禱天如松柏如岡陵不足以伸其企望無窮之私凡此者皆其天良之性油然而相感默動於中而不能自

願學堂文集

卷之二

十五

喻者也今歲七月四日爲侯岳降之辰正渫民稱觴之時也丐余一言以爲祝夫余亦同在稱觴之列渫民心知其所以然而不能操筆以言之卽他人有能操筆言之者而又不知其所以然之故余旣已知之烏容不代爲言之以述其企望無窮之私哉渫民曰善哉侯之心吾儕小人之心子真能言之者也語云贈人以言勝於珠玉是可以祝吾侯矣

孫豹人曰在壽序中絕類歸震川手筆叙今昔不同處是紀事之文不當但以壽文視之

文源和尚詩序 乙卯

乙卯孟秋余有河東之役道經蒲坂望中條山麓樹色參差塔影橫空詢之居人云萬固禪林也遂策杖過之晤文源和尚坐談之頃忽山雲四起大雨漫天和尚邀余入方丈煮茗烹葵促膝談棕牕外雨聲竟日不休我兩人快論亦竟日不知倦也已又出詩一帙屬余點定余不禁撫掌大笑曰有是哉和尚之爲詩也昔達磨西來不立文字相工夫全憑心地今和尚爲臨濟正宗覺登壇白槌猶屬饒舌胡乃撻七寸

願學堂文集

卷之二

十六

班管刻燭擊鉢與文人韻士競雄乎和尚亦視余而笑余曰不然昔世尊說法四十九年使盡去文字後之人何由聞四諦六通之旨也但歷年既遠傳法既廣人異言殊達磨不立文字亦猶吾夫子予欲無言之意蓋深嫉夫繁言之亂真非果欲忘言也和尚笑而不荅余曰昔嚴滄浪以禪喻詩有聲聞辟支上乘之不同今和尚以詩喻禪如受曹劉棒聽李杜喝直參三百篇大義正所稱上乘詩也豈聲聞辟支所可望其項背乎此山東去爲王官谷司空表聖隱居之

處也司空之言曰塩止于鹹梅止于酸飲食不可無塩梅而味在鹹酸之外此善言詩者也余謂佛法不能盡去文字而世尊拈花迦葉微笑尤相喻于文字之表然則詩與禪果有異乎無異乎和尚亦撫掌大笑余因受而卒業遂評次之如左

王山史曰爲禪僧作詩序引嚴滄浪語極合又入王官谷一段行文最有興致

願學堂文集

卷之二

十七

送陳僕庵邑侯擢耀州刺史序

丙辰

吾潼居省會之東廣輪百里土厚民醇稱善治焉然
自興朝來縮銅章而至者纍纍若若及其去也卒
無免於吏議者至增秩超拜之事蓋必不可得之數
也或有諉之地氣者而驪峯南峙渭水北流莽廻環
而蔚如者千百年如斯也抑有諉之民風者而農安
於野士安於庠服耕讀而古處者亦千百年如斯也
夫如斯而令之困于潼者官無以自於地地亦無以
自於官蓋三十有餘年矣我斬水僕庵陳侯以辛亥

廩學堂文集

卷之二

十八

之夏奉命治潼下車之始問民疾苦與之更始喟
喟于于若登春臺之上繼而詰奸刑暴除莠安良四
境之內無夜吠之犬乃省刑薄歛息事寧民興學造
士廣育群英潼之人懷其德而畏其威無不稱之爲
慈毋爲神君而嘆我侯之來遲也迨自甲寅以來以
滇蜀之變延及秦隴烽火近在鄰封羽書交馳於途
虎賁之師雲屯電激捧軍檄而責供億者羅立堂下
侯陳設供帳支放芻茭指揮立辦或皇華星奔單騎
迎侯中宵不寐至督催轉輸情理徭賦繕造軍器平

反獄訟耳目並用手口不停時有畧刻之服仍呼朋
讌飲登臨賦詩又晏然若無事者至是潼之人瞻侯
之才識器量敬之慕之不可得而名言之矣茲丙辰
冬諸當事疏其治行於朝遷拜耀州刺史潼人皇
皇莫知所措謀欲上書請留以再治吾潼者余曰毋
諸君第知侯之治潼爲惠於潼抑知侯之自潼而遷
也其爲惠於潼更有大焉者乎邇來分符而出國門
者無不以潼爲畏途以爲雖卓魯之才召杜之行亦
無以自免於是以致委靡之心行因循之政民受其害
廩學堂文集

卷之二

十九

而官爲之累遂群相謂曰潼難治也嗟乎潼果難治
也哉侯今熊車隼旗輝煌而去是舉吾潼三十年來
不能自於人者可以自矣繼自今聞侯而興起者仁
聲善教皆侯之遺也其爲惠也孰大焉況北望玉峰
德輝不遠由是而建牙開府覆冒全秦吾潼又在宇
下矣何必戀戀此一日乎潼人掩袂而退余因書其
所見者以當驪駒之歌

王茂衍軺香二集序 丁巳

往余在都門孫豹人來自維揚對坐談惊自言在武昌日客况凄其掩扉晝卧忽聞剥啄聲急曳屣起視高牙大纛紛遯而至俄頃填滿街巷詢之藩伯王茂衍先生也入門叙揖歎若平生因言近著軺香集吳梅村學士爲之序內云與韓聖秋論詩亟讚李叔則孫豹人以爲絕倫特根相見之晚自是接談無虛日余聞之嘆曰夫以方岳之尊折節布衣非寢食於斯道真心篤好者能如是乎茂衍與余同里姻戚早負

願學堂文集

卷之二

三

大名弱冠成進士別歷方面所在有聲願余碌碌東華軟塵中浮沉歲月雲樹各天千里懷人徒付之慈恩一夢而已甲寅春陳情於朝得侍家大人歸養茂衍亦以讀禮西旋襄事之餘彙次近得篇什爲軺香二集示余莊誦再三其骨蒼勁其氣浩瀚如三峰之插碧漢百川之赴滄溟至奇句秀字組練之工巧若天成有剥蕉抽絲之妙夫非所謂才大於海而心細如髮者耶每見近日詩人二病恣肆者自謂獨抒性靈而同於野戰蹈襲者妄言規模先民而貌若登

塲茂衍沉酣於古人而出之不有其迹爭勝於流俗而用之能歸於正可稱卓然名家者矣方今

聖天子崇儒右文茂衍旬宣奏最入陟卿貳以燕許手筆拜颺休明佇見一堂喜起卿雲復旦之歌不難再聞於今日也又豈僅僅以詞壇巨伯爲三秦樹赤幟哉余不敏將樂觀其盛矣

願學堂文集

卷之二

三

願學堂文集卷之三

臨潼周 燦星公著

序二

陳白石驪城詩集序 丁巳

余西曹故友蘄水楊菊廬以春曉亭集詩脩述玉臺
蘭溪之勝余謂地靈所鍾當有異人越十有餘年而
白石陳侯來宰吾潼瞻其丰采嶽秀淵澄聆其議論
出經入史余退而謂人曰公琰非百里才社稷器也
未幾而黔蜀告警震及秦隴潼當東西之衝皇華之

願學堂文集 卷之三

使晝夜星奔六師絡繹而至抱軍書而責輸輓者無
厯日侯以肆應之才不動聲色而處之裕如時或呼
朋讌集携觴選勝步驪峰之岫訪華清之宮臨玉泉
而吊楊太真之芳魂過鴻門而想樊將軍之壯烈撫
今追昔觸景興懷長歌短句隨意揮題此殆侯之所
得於天性者然也今擢刺耀州彙其向之所得名之
曰驪城詩集屬序於余余曰異哉侯之才不以治潼
異治有事之潼若無事爲異侯之學不以能詩異而
出之治潼之餘爲尤異所謂鍾地靈而挺生者非其

人耶今治耀之暇彩毫淋漓當遍滿鑑巖藥洞間從
此而剔歷方面廻翔卿寺每任一官輒有詩以紀之
驪城集其嚆矢矣或又如寇平仲初令巴東及至爲
相而仍以巴東名其集此尤不忘驪城之意余更有
望於侯矣

願學堂文集 卷之三

二

劉介菴詩序 戊午

夫文章者天地自然之聲也鸚鵡春喚蟋蟀秋吟風過林而成響水遇石而爲聲此豈矯飾而致之乎況人稟天地之氣以生而性情發爲文章或爲訓誥或爲風雅若日星之垂耀江河之奔流歷千百世而不可渝者蓋得乎性情之正者也吾友劉子介菴仁孝君子氣凌千仞胸富群書與余連袂瀛洲聯鑣粉署幾歷年所從不以詩文自見憶戊申夏偶與二三同志論詩於劉子署中焚香燬茗長談罔倦劉子從傍願學堂文集 卷之三 三十一

默聽寂無一語越兩年庚戌余再上長安劉子以樵使北旋出近作一帙示余曰此蕪江一載所得也余性不爲詩前歲聞子言若有所悟駸駸然日從事於斯而不能自止然亦不自計其工拙也余閱之不勝駭嘆劉子韜精養晦有日矣偶一染翰卽臻妙境蓋其蘊藉旣深有感而動譬之善書者聞江聲而大進見蛇聞而加長有莫知其所以然之故余之論詩江聲蛇聞耳於劉子果何裨焉自是劉子侍養西歸余亦陳情旋里復彙集其新舊所得俾余點定余莊誦

之其間古調歌行不一其體清華奇正不一其致而要之雋爽豪邁之氣如鳳翥晴空一舉千里凡鳥不敢仰視又如神龍戲海騰雲鼓浪卷舒自如如此蓋以性情發爲文章閎中肆外不句敲字練而天成之妙舉一世之工詩者不及焉如夜光之珠龍泉之劍歷年逾久神耀彌昭其爲傳世之業無疑矣余因是有慨於今之爲詩者嗶嗶於李王鍾譚之席苦爭勝負獨不思三唐而上有漢魏漢魏而上有三百篇鼻祖之可尋乎又如吾輩之講學者此稱紫陽彼談金谿

願學堂文集 卷之三 四

獨不思尼山一貫之傳思孟諸賢得其旨者合體用內外爲一致曾何德性問學之可分乎總之胸無定見低昂由人以之爲文章尙不可又何足語於窮理盡性之事耶茲以言詩而併及之介菴以爲然否

葉督學試莪序 已未

夫人稟天地之性以生而存之爲渾然之中者出之爲秩然之文無論帝王典謨聖賢經傳開千古斯文之統卽如風詩所陳里譟巷誣不假雕飾音節畢具蓋發乎性情之自然而宇宙間之至文不外是矣三代以降兩京變而爲六朝爲唐爲宋以迄元明世趨日移文尚屢遷一人倡之千百人和之風行波逝莫可底止乃二三卓犖之士如昌黎廬陵輩迥脫時俗與古爲懷續前賢之微言於既絕之餘振一代之頹

廟學堂文集

卷之三

五

風障百川而中立使天下後世學者群然知所嚮往此移風易俗有世道人心之寄者所不能辭也我皇清肇開景運文教聿新取士之法仍循舊典間欲改圖終難易轍誠見夫制莪一道以學人之心思抒聖賢之義蘊非優游涵養潛心靜詣者不能深造其極前此師儒卿相率由是出故行之數百年無以易也關中文武舊都土厚民淳歷代文章家質而有法典而不靡西京遺烈于斯未墜乃邇來士不師古漸染汚俗茂其枝者根不必深也耀其光者膏不必沃

也徇華忘實君子於此有隱憂焉學憲葉蒼巖先生

告余曰士人得失動于中迎合念切工爲揣摩真性日漓不自知也振興滌濯是余之任也夫嗚乎揣摩之術始自戰國遊說之徒彼其佩黃金印訑訑富貴驕其黨間有識者尚且羞之况從事于聖賢之道而可出于其途乎蓋學者志在功名博青紫焉足矣然得失之關造物主之有未可執擬議以爲憑者若志于道德者居平論著發吾心所欲言詎以時尚爲工拙及其得志立朝事君以道必不爲容悅之私使民以義必不存干譽之想立一代之大業而不有其功享千秋之命名而不存其迹人見其設施者如是而不知中懷素定得之讀書考道之日者已有然也先生一代儒宗以守先待後爲已任其教我關中士者除浮還樸若殷殷于章句之間而所以教之之心欲以多士之外著者考其中藏生平者驗之一日陳靖之不尚敏速師旦之恐傷雅道寧僅在乎章句之間也茲以試牘屬序故敢推言之以弁其首

廟學堂文集

卷之三

六

四書訓俗歌序 已未

近見人輯前輩格言可以醒世者以爲座右之箴至四子之書似乎高談性命於家庭日用之間無涉也不知聖賢立言內而身心外而事物精粗本末理無二致特學者以幼所誦讀習而不察日日飲食鮮知其味也余讀禮之暇有感於此因摘四書中之顯明共著可法可戒者彙括之爲五言韵語得八十首質而易解簡而易識持躬接物用當肅弦之佩使世之學者見之知聖賢議論實可見諸施行不視爲迂濶

願學堂文集

卷之三

七

無當之書况乎布帛菽粟家家具足人人固有一反求之終身用之不盡遷善改過勉乎理道之域其于聖賢垂教後人之旨未必無小補云爾

雙松編序 辛酉

池陽樞剖房貞靖先生當勝國末邑遭流寇之變抗節不屈匿影山中絕粒而死里人高其義爲之議謚建祠表忠節焉家君慎菴侍御時爲孝廉植白松二株於塔下日深攀號之思余鄉土燥不宜松尤不宜於松之白者乃二十年來老幹扶疎濃陰蔥翠若百年外物長安士大夫聞之無不嘉歎以爲忠感所致也競爲詩文以傳其事慎菴棄次成帙屬余一言弁其首余拜而受之曰異哉草木無知因人之性以爲

願學堂文集

卷之三

八

知如寇公之竹田氏之荆當枯折之後生機勃發若感動於忠愛之性而不能已者先生凜然大義炳若日星其塔下之松爲陰陽吹噓鬼神呵護他日參天溜雨不至如孔明祠前之古柏不止也慎菴天性過人幼承庭訓孝友之行孚於鄉邦凡所以大家聲而詔後人者時偲偲於中焉茲甫履臺班蒙

聖天子特簡視饗津門余願慎菴以施於家者施於爲政恤旣竭之民力如篤懷於子姓養不匿之財源若自謀夫朝夕庶幾乎以續承百世之心爲報効

一人之績由是而功以時著望以位隆好嘉謨於九
棘效論思於三槐使世之紀述經猷者推美所生以
光昭前人之烈皆可自茲惓惓雙松一念致之也慎
菴以世譜誼弟書余居恒以德義相規勉故敢期之
以將來者如此

送王青巖宰阜城序

辛酉

池陽王子青巖待銓長安余一日造訪王子告余除
期在邇且第其邑之美惡若畿南阜城者則中下間
也越二日王子受銓得阜城余往問之若有不豫色
者余曰觀疇昔之論固知吾子之當介然于懷也然
有說焉請試喻之夫士人之仕也若女子之嫁然今
有議室者於此其一家世清白荆布蕭然而翁若姑
能憐其婦勞苦是恤疾痛是念上慈下孝門內熙如
婦因得以精心幹理勤織紵供菽水黨里聞之稱賢
願學堂文集 卷之三 十
婦焉其一履溫席厚富有之家也而翁若姑者責其
旨無虛日課定省無虛時朝夕勃諍婦乃憂愁幽思
幾無生理堂上之人且謂之不賢婦焉未識吾子擇
嫁將安從乎今持節中丞爲州邑者之翁姑也撫君
于北溟先生當世所謂賢者其爲翁姑能憐婦也可
知矣阜雖瘠邑子之往也出所學以行其志方幸婦
職得修騰賢聲于黨里也其介然于懷者何耶且我
輩相交二十餘年所志不在溫飽委心造物惟義所
適況此地爲人所棄者又實我之所取乎王子聞之

色喜曰公命我矣請書諸紳以爲佩

孫豹人曰入之柳子厚集中當不能辨是從國策
得來

贈醫人金公佩序 辛酉

辛酉夏余以需次之暇假寓方城偶感於暑幾不可
支時有金君公佩浙人也精岐黃術居方城且十餘
年延之診視出二劑皆余意所已及者以常方恐不
能勝君申明其旨服之兩日而瘳夫是一方也余以
爲常君用之乃能起痾天下事不可以常而忽也類
如斯矣寒暑溫涼天之常也飲食起居人之常也天
失其常則災沴生人失其常則疾病作聖人參贊化
育亦不過使二氣五行各得其常而已至於治一身
又寧有異術哉每嘆士君子謀人國家聽老成遠大
之論則曰此常談也爭爲新奇之說屢試屢弗効而
國事以墮然後悔不用老成之言不亦晚乎君年逾
古稀體健神和步履翩翩言談以義理爲歸殆古所
稱有道人也人而無恒不可作巫醫夫子思聖人君
子不可見以及於有恒者恒者常也君能以常者自
治故亦能以常者治人也語云彰厥有常吉哉君蓋
不可量矣

王幼華曰筆力健絕得唐宋八家神髓方能辨此

送汪舟次檢討冊使琉球序 壬戌

嘗攷琉球居閩海東隋時始遣使至其地如朱寬陳
稜輩率皆服之以威求所謂慕義來歸者自唐宋以
來未之聞也我國家初其國中山王卽納款稱臣
近三十餘年其世子復以冊封請

上特重其選命廷臣會推以汪子舟次爲正使甚盛
典也汪子家邇上品行文章余夙慕之後以博學宏
辭應召擢居史職客歲辛酉冬余入都相得甚歡
今且以待從之班充辭命之使章服輿從賜賚有加
願學堂文集 卷之三 十三
聞者莫不榮之余曰不然昔司馬相如以筆墨小技
感動人主諭蜀之役僭極光寵而君子有弗道者豈
非以躬遇明時致君澤民或尚有未逮耶今汪子家
修有年一旦受

聖天子之知眷遇日隆此行道過維揚亦豈徒如高
車駟馬歸里門使太守以下皆負弩前驅者諱耀鄉
人已哉行見長風萬里東踰滄溟使節所臨宣佈
皇朝柔遠之仁俾島外諸邦聞之知中國之有聖人
莫不延頸引領重譯來朝如越裳氏故事汪子紀其

道里之遠近山川之險易以及人情風氣之趨向歸
佐我

后統御寰區爲萬國神人主文德武功煥美成周自
非隋唐以下諸君可及而汪子之黼黻昇平且與旦
衷並傳又豈相如輩所可同日而語耶汪子勉之余
將翹足望之矣

願學堂文集 卷之三

十四

胡循齋忠裕堂詩序 癸亥

憶已亥秋

先帝命禮臣再試天下士瀛洲之選四十有四人余得濫廁其末教習者四師首則山陰胡宛委夫子也茲科館選視往年爲盛舊例教習亦只二員今特倍之蓋隆重其典云無何

先帝龍馭賓天夫子台星中隕余偃蹇郎署沉淪里閤二十有餘載每一回首恍如隔世事茲蒙 聖恩召用再典儀司以 賜卹安南之役道經鄂渚會循

願學堂文集

卷之三

十五

齋世兄由樞部郎僉臬楚甸相晤甚歡因出其忠裕堂詩一帙見示捧讀之下蓋不禁掩卷興思也昔夫子早年秉鈞密勿經綸未竟厥施循齋以英齡佐外臺先大家聲前之所留必待於後天道有然至循齋幼奉慈闈長能自立痛親志之未伸念國恩之難報低徊感歎慷慨悲歌斯其忠孝靡已之懷又人道有克盡者非徒純任乎天也今奉叅藩山左之 命從此游歷卿省陟位台司拜颺

聖天子之庭賡歌喜起以繼前人之遺烈傳之史冊

爲一代盛事余於循齋有厚望焉若茲集之清新典麗調高而句工浸浸乎盛唐之音諸同人言之詳矣余又何能贅一辭

願學堂文集

卷之三

十六

盧總戎南征紀序 癸亥

南征紀者大都督盧公平古州所作也古州爲貴陽
楚粵三省接壤地深山密箐人跡罕到諺所稱爲八
萬蠻洞者頃因滇黔告警禁旅四出所在削平乃一
二餘孽竄入古州界內無知徭民被其煽惑大肆鴟
張時射斗盧公以豐沛世家領鎮永陽旣拜南征之
命卽褫旗誓衆捲甲疾驅先聲所動草木皆兵至則
宣布

皇上德威殲其渠魁宥其脅從凱旋之日市肆無擾

願學堂文集 卷之三 十七

一時人士競爲詩賦歌頌美厥成功題曰南征紀余
以 諭祭安南道經湘水拜而讀之再三感嘆益見
予與氏仁者無敵之言爲足信也我

皇上纘承鴻基寬裕惇大仁民愛物媿美堯舜自國
家有事以來凡命將出師無不諄諄告誡毋肆焚殺
毋恣淫掠故凡鳥合之衆聞之莫不解甲投戈歸誠
恐後其用兵之神而成功之速爲從古所未有蓋自
我

皇上一念之仁所由致也今觀盧公矢志報國身先

士卒甘苦與共禁戢諸將秋毫無犯視曹彬之下江
南無異殆古所稱爲仁將也天地之大德曰生
皇上以天心爲心故能運四海于掌上盧公以君心
爲心故能奏三捷于崇朝辛憲英曰軍旅之際可以
濟者惟仁恕乎夫兵凶戰危而欲持愷悌惻怛之心
以勝之抑豈無所見而云然哉從茲盧公推此心以
輔佐 聖朝使海內乂安金湯鞏固歌萬年有道之
長方且樹旂常而銘鍾鼎余將自此紀卜之矣

願學堂文集 卷之三 十八

刻兩先生傳叙 癸亥

余生七齡先大父中議公棄世次年邑遭流寇之變先伯父暨先父同奉先大母任恭人避亂山谷間不遑寧處甲申

皇清定鼎家居力食十餘年所繼先父分符下相先伯父振鐸洮水未及二載旋丁先大母憂服除並謝徵書嗣余兩官京邸迎養先父北上隨即告歸亦未嘗久淹凡在家之日兩尊人白髮瞻瞻朝夕相依或愛茗談古或含飴弄孫怡怡之情黨里之人無不稱

願學堂文集

卷之三

十九

庚戌午先父見背庚申先伯父見背余孑然孤立追侍無由今年仲夏以賜卹安南之後道經江夏丐晉江張夏鍾先生爲立合傳捧誦之際如見我兩尊人在上也爰授梓人請質字內鳴乎北風栗冽萬里孤踪淚洒江天痛悼曷極時癸亥嘉平書之五羊舟次

房氏家訓序 甲子

池陽房貞靖先生與先大夫同舉於鄉其家嗣慎菴仲嗣恪菴復與余暨先兄並登甲乙榜稱世同年云先生當勝國末死於難慎菴每念及終天推不匱之恩於先大夫者尤篤甲寅余以親老陳情蒙恩歸養越戊午處苦鬼者三年比服闋就補舊署爲思親十圖以示慎菴相對欷歔悲不可止旣余奉賜卹安南之命萬里征車逾載北還見慎菴輯其先生遺訓裝潢成冊欲以傳之家塾余展閱之際撫卷興思

願學堂文集

卷之三

二十

淚從中墮竊見先生學本聖賢家傳忠孝其手教數十則言簡而理該語深而情至雖顏氏之家訓柳氏之誡子寧有異乎不但爲一家子孫法實天下後世爲子孫者所當法請付剞劂以公海內非僅光先德亦以垂世範也慎菴曰諾子其爲我叙之顧余頑鈍無似問伯魯之簡父書尙不能讀又何敢妄置一議甫搦管不禁汗泂泂下矣

顧學堂文集卷之四

臨潼周 燦星公著

記

會稽觀海記 凡已

會稽城東北有三江口去海十里蓋三水合流而匯入於海每當颶風號嘯海波蕩颶沿岸村沽盡爲魚鄉矣明萬曆間有湯太守者巴人也誕有異兆名以紹恩後果守紹築堰江口居民至今賴之歲乙巳余萍居於越李因及先生邀盧餘菴暨二三友人同余

顧學堂文集

卷之四

觀海出昌安門登舟而進時除夕前三日也風日漸暖溯波光之滅灤睇山勢之紆迴三十里許始至江口登石爲梁甃洞二十有八下立石牌測水高低因時啓閉旁築石城城吏導余登雉堞高處東觀大海騁目一望窮絕殊態其洪波浩淼浮天無際噏川吐谷廣則不可量也其霜濤雪浪鏗旬隱濤崩雲屑雨色則不可狀也時晞陽倒景龜曠乍潛沖融澹沔纖蘿不動乃海天夕炤上下冥濛不可形象也遙見島中諸山紛紜錯落若斷若續如鳬鷖遊行水上或由

斯以涉扶桑之墟踰窮溟之淵縹緲清涯遊戲天沼招方平而友安期杳乎其不可追也洵洋洋乎巨觀也哉薄暮言歸忽陰雲驟變細雨淅瀝黑空欲墮江潮夜鳴仰窺無極之高俯臨不測之深前後左右環瞻無盡諸同人剔燈把盞狂歌斗絕於一葉扁舟間以視金谷繁華蘭亭風流更有別賞矣酒酣捉筆非敢綴文誌不忘爾

王九青曰卷石具有峯巒之勢未幅得淋漓濃至尤覺去路無盡

顧學堂文集

卷之四

遊驪山東繡嶺記 甲寅

甲寅秋仲。霖雨經旬。一日稍霽。攜二奚童。策杖段薄。遊東山之麓。至一天門。曳履而登。嶺樹搖青。岸草浮碧。巖花澗水。種種可人。上三天門。太谷中。拳石如削。有閣其上。名曰飛來。邑人趙弘亭先生建也。南有石橋橫澗。瞰渭水斜繞如帶。而兩岸村墟點點。若畫從東而上。爲三聖殿。前有小亭。余伯乾甫公東園故物。兵燹之後。捨之山上。今園中片瓦無遺。而此亭歸然常峙。豈物之獨有者難存。而共有者易久耶。再上爲

願學堂文集

卷之四

三

元帝宮。環瞻嶺樑。疎然挺翠。勁直不阿。不似西嶺古柯頽然望之如卧。相傳唐明皇時。兩山雜植花卉。因名東西繡嶺。歷年既久。惟柏獨存。豈植之時。種不齊歟。抑西山多土。東山多石。地性固有異也。再上爲白衣殿。境益高。則視益遠。下窺飛鳥迴翔如臨深淵。而數游魚然再上。歷地藏菩薩殿。則石甕寺也。爲東山勝境。西望咸京。東瞻函谷。北眺涇原。諸山歷歷如几案間物。覺呼吸通帝座。幾與太華競雄矣。山崖下有石佛三尊。或謂崖崩所見。或謂成弘間所造。皆不可

知。由斯過西巖。逕險異常。披草攀枝。兩奚童扶之而下。坐大石上。仰視飛泉瀑布如銀河。倒瀉巨流。漱山石形若甕寺之得名。以此復歷石磴而上。爲捨身崖。敬虛和尚易其名曰護生岩。因舊址而增飾之。初爲法喜堂。再爲達磨洞。洞東石上舊有袁中郎先生題云。驪山勝處。在此恐睡海棠不能到也。爲斷洞者。削去此二語。固不足取。余幼時曾摹書之。今亦亡矣。由斯而下。峭石巉巖。雨過苔滑。乞山僧禪杖拄之而行。至石橋。得故道。採山花盈把。歸而獻之家大人。因思

願學堂文集

卷之四

四

丁未冬。余遊其上。辛亥春。余再遊。迄今復四載餘矣。日爲浮名所役。勞勞東西。不能作青山主人大可愧也。茲侍養家大人歸里。承歡之餘。欲與山靈修舊好。其令輕風掃逕。微雨挹塵。嶺烟張幔。巖草懸旌。日俟余焉可矣。

乾甫伯曰。嘗讀李滄溟遊華山記。奇奇怪怪不可。方物或比之禹貢過矣。茲文平鋪直叙。諸景婉在。目前。時出俊語。奇思如倩女拈花。嫣然微笑。又如芙蓉出水。半塵不染。則李先生所無也。奇古秀麗。何妨並驅。

遊驪山西繡嶺記 甲寅

嶺極驪山之西與東峯並峙故稱西繡嶺正居邑南古柏蒼然望之如翠屏無層巒峭峯循山隈盤紆而上策騎可至其巔近嶺爲老君廟卽朝元閣舊址也中供白玉像相傳爲唐代物蓋唐時追崇柱下比於顓頊帝譽其尊嚴固其宜也嶺上爲老母殿舊碑云老母不知何許人唐人李筌好道術過驪山見老母談陰符經知其非常人拜叩之因爲講說其義日脯毋出麥飯令筌取澗水歸而失母所在筌食其飯仙

願學堂文集

卷之四

五

去今殿中祠老母右有筌像丹雘輝煌甲於琳宮南望烽火臺卽周幽王戲諸侯處余二十年前曾至其上環視西北山川城郭較東峯尤爲豁然嶺西側有飲鹿槽傳爲仙跡今已沒於土中有丹霞泉卽李筌取水處亦不可考澗水於此發源其味甘美論者比於錫山之惠泉若迎春坪牡丹溝皆唐人雜植名花爲繡嶺點綴今亦徒有其名耳嶺下若溫泉若華清宮長生殿若梨園諸遺跡撫景興懷不勝今昔之感既而思之此山若在開元天寶間則離宮邃秘輦路

肅清所謂秦川一半只可爲楊氏諸姨斷風地我輩山野閒人又安得一觴一味往來嘯傲於其間哉乃知兩間勝概原爲古今公共之物供人遊覽雖有極天下之勢亦不可得而久擅之也同遊者孝廉米垣卿文學高冲厯米尚參陳心伯甲寅九月廿有八日乾甫伯日不施丹粉而色澤自佳

願學堂文集

卷之四

六

護生岩記 乙卯

潼邑南去爲藍田。有敬庵和尚。稱曹洞正宗。余爲諸生時。卽卓錫於驪山之捨身崖。蕭然一龕。朝夕焚修。餐糲數者三載。四方學浮屠者。咸宗禮之。已亥歲。余謬叨一第。蒙

先帝簡拔。濫厠木天之署。碌碌長安者五載。有餘。甲辰解組歸訪和尚於東嶺。曳杖山阿。歷層級而上。見碧巒之崒崒。萃如故也。其幽洞含烟。巉巖飛雪。則異矣。古栢之蒼蒼。苑如故也。其朱樓橫出。天半翠檻斜。遠雲

願學堂文集 卷之四

中則異矣。朝嵐暮靄。迴映乎山間。如故也。其幡幢之紛紜。鐘磬之鏗鉦。則異矣。和尚揖余謁大士殿。參達磨洞。步獨秀峯。坐談于法喜堂。堂臨陰壑。俯窺無際。余妻毋陳孺人建也。逕關峯回。另開廬山生面。和尚更其名曰護生岩。其普濟群生之念於斯見矣。因指榻前礧石。謂余曰。留此以遲君久矣。余諾其請。繼以牛馬風塵。萍踪無定。庚戌蒙

皇上召用。再赴春明。越三載。甲寅陳情西歸。定省之餘。重訪舊遊。晤和尚各佈夙悰。復顧前石。笑曰。余剗

石構宇。不十年。功畢待君之文。則十有七年矣。余曰。天下大山川。以迦文名重者。不可偃指。和尚西來上品轉法輪于繡嶺。後世之仰宗風者。稱爲驪山和尚。亦庶幾乎曹溪之大鑒雲門之匡真也。余文曷足重焉。雖然。余愧非陶潛。夙辱遠公之知。不敢以諛。願辭聊追述大略以酬命。

王嶽生曰。以疎宕之筆。追述今昔。更覺婉至。寫景處。烟雲四起。不可名狀。豈雕脂鏤冰者所可及耶。

願學堂文集 卷之四

遊入祖廟記 乙卯

驪山東嶺，離邑二十餘里。有人祖廟，相傳爲天皇氏。邑乘云：卽露臺祠遺址。余生長其地，四十年未嘗一寓目焉。每聽人談及，不禁神往。乙卯小春三日，風日微和，因戒僕馬出郭門，過秦皇陵，迤邐而東，少憩於草堂寺，抵八里坡，乘筍輿而上。時寒霜初降，木葉半脫，殘黃剩紫，掩映山谷，間令人應接不暇。土人多負崖而居，鑿穴築茅，三三兩兩，各成村墟，對岸籬落，雞犬相望，而羊腸紆折，每十數里始得達也。日晡至石廟學堂文集卷之四
家窟突，有居人留餐前，此皆東南行，此復循嶺而西。至張家窟突宿焉。有余伯父草堂結茅數間，坐卧其中，惟見山光雲影，怡人心目。昔人所謂山深似太古者，于茲見矣。次日西南行，日上，春至，廟踞東山絕頂，一望豁然。殿內帝后二像，袞冕翟雉，儀衛森列，近或稱爲仁祖，謂文帝惜百金之費，後人卽其地祠之，亦無不可也。山形聳拔，俯視群峯，迴環莽互，有執玉朝宗之勢。復東南行至土門，食於黃翁家，躋嶺而南至張家凹，由黃家嘴歸，復至黃翁家宿焉。次日西歸，由

麟石溝下，石形類螭，背有杵痕，土人傳爲光武降麟處，其誕殊甚。或以問余，余戲對曰：麟與莽同，此亦尊漢惡新意，或笑以爲奇。解北過房家崖，盤迴而上，至西山最高處，俯眺平川，烟騰雲繞，上下一色，恍若天地接也。瞰烽火臺，往時望之在雲霄之上者，若丘垤焉，豈非所履高，則難爲下耶？遂取道老母殿，由栢林坡下歸，自南郊往，回三日，窮幽探微，攀緣殆盡。夫以遲之數十年之久者，畢之三日之內，由一念勇往所致耳。乃知天下事類，非悠忽者所能爲也。寧僅遊山覽勝而已哉。

廟學堂文集卷之四

衛禹濤曰：文之紆曲處，絕似柳州小品。星公歸養十年，承歡之餘，登高吊古，讀其文，令人欣羨，至結語觸境生悟，非見道者不能。

孫豹人曰：題近荒誕，文故多設疑語，然筆多奇趣，當是從水經注得來，結處學荆公，都有法知澹園寢食古人久矣。

南遊記贈蔚南兄 甲子

余從兄蔚南早事詩書繼業孫吳晚年從余遊復究
心性命之學與之讀朱陸薛王諸儒書頗能理會壬
戌寓居京邸余一日偶詰之曰子與氏謂人性皆善
如象日以殺舜爲事亦可謂之善乎兄曰亦善余曰
於何處見之曰於顏厚有恂恂處見之又一日謂余
曰人心過不去處即天理又曰氣質不宜言性只可
言氣質其超卓之見類如此癸亥春余奉 賜卹安
南之命兄毅然請同往余有難色兄曰子謂我老乎
願學堂文集 卷之四 十一

余許之今仰荷

聖天子鴻庇大禮已竣返旆五羊追思前言有感於
中因告諸同行者曰人之一身心爲之主心不正則
妄念易動妄念一動則神思煩擾百病間生心正則
妄念不動妄念不動則中懷湛靜四體安和人謂兄
慎起居節飲食此第就迹象言之不知十餘年來理

明性定得之學問者獨深也由此以往是不必兀坐
而天君自泰無事願養而大年可期兄其可量乎哉
作南遊記以爲之券

葉慕廬曰是一篇理學文字絕似近代王子衡短
篇

願學堂文集卷之五

臨潼周 燦星公著

碑記

重修臨潼文廟碑記 戊申

粵自宏義首出西京開大道之傳洙泗誕靈東魯紹斯文之統禮樂從乎先進繼三代之懿風詩書垂于後人樹千秋之令範德同乾運履冒丕被九州道著陽明容光豈遺寸壤故國庠鄉塾並興隆道之堂而小邑大都咸凜褒尊之祀况茲臨潼勝地實屬關輔

願學堂文集 卷之五

名邦新豐始自漢朝昭應改於唐代慶山易號潼水錫名莫不崇麗聖宮尊嚴師座雖年更而代易率踵事以增華舊邑侯劉應聘者相厭基而廓大之肯構肯堂垂百年之宏制李經禮者因其址而增修焉爲輪爲奐脩一代之美觀由斯多士蔚興講學皆扶風弟子名卿輩起立朝半汾水門人旣人傑而地靈亦前輝而後映者矣慨自綠林嘯聚赤縣波搖城不哭而夜崩人疑星而晨散几筵野處重聞兕虎之歌爨勺塵封誰思榛苓之薦道窮乃復進否斯通恭逢

皇圖初正之年爰爲聖道重興之會茲邑侯孟木青

先生山東陽穀人也天鍾黼黻神授經綸居近尼山

遺訓親承四教家傳鄒土芳標久著三遷旣振鐸于

平陵復剖符于驪下清比萊蕪長金內生魚惠同中

牟公桑間馴雉遂化行而俗美乃養至而教隆瞻願

澤宮用訪水南舊制興懷右序聿開坊內新圖捐大

俸之儲不惜陶潛五斗借小民之助何妨劉寵一錢

歲在戊申星躔鶉首合百工而肇作未期月而落成

於是殿啓三重池開半壁雕簷鳳翥錢梯繡張日照

願學堂文集 卷之五

戟門色映九天之彩風清泮水波涵片月之光綺櫺

飛繡嶺之雲杲恩並煥文槐流渭川之雨飴甌交輝

遡龍室之發祥五父之棖題並重防鴻都之配享諸

賢之冠屨如新丹宇肅森遂覺鐘鏞亦古蒼堦寂靜

咸瞻松檜常陰義路也禮門也非吾徒其不入金聲

之玉振之仰聖化於無窮澤被閭閻者得並歆乎俎

豆望隆月旦者亦竊附於宮牆教以四時春千秋羽

率守累朝定制祀因二仲龍慕山尊克循 昭代弘

文洵奕奕乎隆規煌煌乎鉅典也哉昔華岳祠前猶

傳張昶之記東阿郡內尚取真歆之銘况茲功在聖門可乏正平載事之筆道尊儒者寧無子建揚休之詞但燦技謝雕龍學慚窺豹草蟲之語未足鳴春燭火之光安能益日幸逢盛事竊思岱嶽之陳詩既竭鄙才終覺靈光之難賦辭不達意文不成章敢比壽於岡陵第敬書乎歲月云爾

王九青曰四六體既極流利復爾華瞻六代佳構也

重修雷神廟碑記

戊午

吾邑南郊雷神廟故明正統間所建也按舊誌云時值大旱撫軍王公命郡丞黃公通禱名山弗應乃於潼之棘店鎮后土廟靈湫取水虔禱輒應時雨遂延主持道人李定岩修醮禮謝定岩夜夢披髮金身神人謂曰吾雷神也爲吾建祠于驪山之麓及寤白之王公復命黃公督成其事此創始之由也嘉靖間重修之今百有餘年歲時既久傾圯殊甚居人有憂之者乃大發願力廣募良緣誓衆興工刻日告竣請余願學堂文集卷之五四爲文以記其事余攷之祀典風雲雷雨得並配南郊之享蓋諸神翊上帝以化生猶庶尹贊人君以敷治其功一也况雷之爲神發生振蟄威物效靈氣實本乎陰陽功能施于動植赫爽所憑則其假金身而入裏固必有之理也今廟址仍舊大殿前增享殿三楹椽題岌業丹雘焜煌垣墻戶牖煥然一新中供雷神左右天將十二尊冠佩巍峩劍戈森列瞻其宇者肅然起敬生其齋莊中正之心消其放僻邪侈之志化民成俗可顯佐百司之治躋一世於三代之隆又豈

但假靈畢箕奏潤澤之效於一時一隅已也其享祀報稱之惟謹也不亦宜乎工興於康熙十六年丁巳之秋畢於次年戊午之夏歷時未久成功倍之群情環應斯爲盛焉其捐資善士併有事茲役者得並書於其後

重修關帝廟碑記 辛酉

鬼神之說釋氏言其事吾儒言其理言事雖微之多方而實無言理乃返之在躬而實有昔孔子以事人若季路之問其義至晰宋之諸儒或謂造化之迹或謂二氣之良能至紫陽朱子謂卽是此心之理其說益深切著明矣但世人不察侈談夫幻恠怵情於奇袤其致誠敬者殊非當事之鬼神卽致誠敬於當事之鬼神者亦非所以致其誠敬之實此皆未明乎生死幽明之故天人一致之原也客一日以鬼神來問

余曰此事不可概謂之有亦不可概謂之無概謂之有是一人之死必有一鬼吾恐太虛之中笑語喧闐往來交錯事事無異於生人又安得更有一人間世者而任其擾擾不休耶概謂之無雖書傳所載里巷所談可驚可愕之事固難盡信如關聖大帝赫赫威靈照耀人寰極天覆地載之中無不尊仰又豈可謂之無乎客請竟其說余曰太極分爲兩儀在上者有日星在下者有河嶽此得乎二氣之最大者故能與兩儀同其悠久若夫人性之始一真誕昇其高明傳

厚原足配天地以無疆乃既生以後欲蔽其性物滄其精日消月虧浩然之氣無復剛大之初其生也空視息於人間死也與草木同其腐朽又烏有森然獨著者長存于寥廓之表乎若所稱關聖大帝一念孤忠千秋大義慎幾微于疑似之際行至性於委曲之中富貴不能淫貧賤不能移威武不能屈其剛大之氣與清寧之體既沛然旁周而無間自淵乎並運而不息中庸謂之與天地參者須天有不高明地有不傳厚之時而大帝之明神或混乃天無不高明地無

願學堂文集

卷之五

七

不傳厚之時而大帝之明神又烏有已時乎明乎此而鬼神有無之說不決之魂升魄降之後而決之揅修勵行之日不覘之風雲幻忽之間而覘之夫婦飲食之內是孔子與有宋諸儒之說抑豈更有疑義歟客喜而退時辛酉春日適邑景頭鎮居士某等重新大帝廟成徵言于余書此遺之並爲諸君告曰神者天地之正氣也我之所存者正忠敬爲懷詩書善後出入全孝弟之常黨里興仁讓之風以之事神是謂以正感正一氣潛通神之格之在上左右百祥之降

有不期而然者如存乎我者及是雖肥腴以致其潔遵豆以脩其文神之視之有不如西隣之禴祭者矣諸君以爲然否

黃忍菴曰干寶之記搜神阮瞻之論無鬼皆屬偏見茲篇窮幽闡微抉天人之蘊達造化之機方是吾儒大學問太極西銘後有數文字

願學堂文集

卷之五

八

願學堂文集卷之六

臨潼周 燦星公著

傳

高毋武太孺人傳 戊申

武太孺人者贈侍御臨潼高公繼室也以子而明受封故稱太孺人焉秉性淑貞夙嫻閭儀及笄歸贈公公倘儻有大志勵精文囿太孺人絡繹綦組以佐之前室米遺男而魁撫之無異已出贈公有兄同居數十載和睦無間言及兄歿亡視弱在猶之視而魁也

願學堂文集卷之六

一

生而明三歲贈公見背太孺人毀容裂髮幾死者再既而曰吾何惜餘年以從所天乎諸孤笑笑未立重貽夫子感是未亡人咎也遂勉育兩子教之耕讀贈公家素貧中罹兵火兒女婚嫁艱難拮据咸中禮焉而明弱冠補邑弟子員太孺人對之泣曰惜汝父不及見也乙酉鄉薦署醴縣諭晉知昭化祇承慈誨咸有成績

先帝召補西臺迎養太孺人於京邸戒以勿陳瑣細為朝廷立正大之規勿事紛更為億兆養和平之福

贊

皇上覃恩褒封羣翹霞帔當設悅之辰諸公卿人士登堂稱壽都下榮之比之建昌夫人焉一日願而明曰吾幼承家訓教以事舅姑之道而椿萱並逝教以事夫子之禮而汝父不祿今幸汝兄弟成立是吾子孝敬慈三者僅得其一矣瞻念先人丘壠蒸嘗有缺吾將西奉蘋蘩以終餘年言罷泣下而明即拜表陳情侍以西歸躬謁園寢內外諸孫環繞膝下族黨姻戚歡饒道故無異壯年及期遽遣而明之官謂國恩

願學堂文集卷之六

二

不可負君命不可違而明遵諭北上未幾而太孺人奄逝蓋康熙五年十二月朔六日也享年七十有三福壽榮昌遠邇述焉

同里逸史周燦曰余於太孺人有猶子誼因周悉其生平非夫按狀屬辭者比也方贈公捐館籌畫于死生難易之間撫孤成立冰霜之操非曾子所謂臨大節而不可奪者歟及子簪筆柱下家庭訓誨議論識量有古大臣遺範穆姜之操歐陽之賢太孺人其兼而有之者也至居高善下履豐守約儉而能施勤而

不匱又其所得於天性者然乎嗚乎若太孺人者可以傳矣

門近侍傳 辛亥

近侍門朝棟余同邑人幼事李盡忠明神宗李妃之族黨也恃椒房之勢多所凌侮時魏監忠賢者數爲所困及熹宗嗣位忠賢竊柄大肆報復而盡忠死焉近侍匿弗出嗣得毛監者引進給事于掖庭漸衣緋晉乾清宮近侍賜璘玉浸貴顯矣當在李第時忠賢頗識之茲復詢其爲毛監者家人姑置不問近侍喟然歎曰忘主之仇而與之共事非仁者事也即日謝病歸里潛居秦邸者二十年閨華以來遂築園于戲水之西時菊花數十種兼植雜卉閉門自賞復修黃白之學又二十餘年卒

逸史氏曰余觀前史所載如呂強張承業輩有士君子之風焉千載而後猶令人想慕之夫當魏璠枋國能超然作真飛之鴻辭榮名而甘淡處非智者不能也不然如楊左諸公皆立朝大臣持國憲而議是非者卒荼毒以死況怨家舊人能終免乎詩曰旣明且哲以保其身斯人豈有得於此歟

王九青曰門近侍不知何如 人讀此傳令人想見之豈非傳神之筆

高冲厯文學傳

丁巳

文學高公翔鸞字紫雲號冲厯與家大人爲雁行交
余成童時公卽執詞壇牛耳受業之士屢跡常滿戶
外門人申場賓進士與余同研席故時得聞公緒論
公稟性端嚴持躬以正恒以範俗型方爲已任厯平
讀書經史外諸子百家無不博涉早爲邑諸生晚奇
於數屢困舉子業年益大而名日益盛臬憲鄭介臣
先生雅重公會祝釐北上邀之與俱公涉大河遵太
行歷唐虞舊都過井陘渡易水入長安見宮闕壯麗
願學堂文集 卷之六 五

公卿人士之盛冠裳文物之美觸景賦詩歸而威袞
有長途雜味行世中州王蔭軒別駕擢南康太守勝
公同往未抵任王公卒隨行無近親諸從者錯愕無
措公經理喪紀護柩歸厯置旣受然後告辭匪但才
能處變其敦重義氣有如此者尤嫻於掌故凡累朝
典禮遺聞舊事類能精核邑令尹及薦紳先生有大
制作成就公取正焉復耽情山水愛驪山東峯諸勝
每朝夕留連浹旬忘歸有時策杖郊原往來僧舍亦
惟余二三同志非其人弗就也乙卯春以張觀海令

尹召至高平余適過其地賦詩贈答與之遊金峯寺
登臨眺望矯健異常越歲西歸言談風采亦無異往
時忽聞遘恙兩旬未及晤竟溘然逝矣時年七十有
一公文章詩詞卓成一家尤工於翰墨弟翔儀子三
皆能讀公書世其家焉

逸史氏曰曾憶余幼時家大人及大伯父詩酒往還
武海一趙伯雲兩明經與公三人同稱莫逆友十餘
年來武趙兩公後先棄世公猶爲一時靈光今老成
旣逝典型云亡余不禁江河日下之慨矣然世豈無

願學堂文集 卷之六

木

魏科勝仕炫耀一時墓草未青身名俱泯如公之足
以繫人思者何可多得乎誠不以富亦祇以異余於
公也亦云

願學堂文集卷之七

臨潼周燦星公著

說

思親圖說 庚申

嗚呼余不獲侍家大人也已三易冬春矣憶家大人
在時旦夕承歡孺慕之懷期以無盡不預計其有今
日也戊午季秋家大人見背呼搶之中荒迷無知繼
而相視原野經營窀穸祥禪未幾淹忽三年乃不計
其有今日者而竟至於今日也已焉哉尙何言哉余

願學堂文集 卷之七

十一

七齡失恃家大人愛之憐之提携訓誨不使少離膝
下通籍以來兩官京邸再返丘園長兄先逝仲兄遠
宦余依依色笑時不忍遠而至於今日不獲侍家大
人也竟如斯焉已矣嗚呼痛哉因追憶生平所歷繪
爲十圖展閱之際其間少壯老大不一其時憂樂窮
通不一其遇家大人憐愛之情四十年如一日也雖
罔極深恩不置之思有不可以十圖盡者而流覽景
物回首當年聊藉是以自慰焉耳然形神既遠想像
徒勞復不禁掩卷而興悲也嗚呼痛哉尙何言哉

勝國癸未冬邑遭闖寇之變余生毋常太孺人早卒
嫡母王太孺人暨族母屈氏同歿於難逾年甲申爲
聖朝定鼎之年余方九歲父娶繼母劉氏同侍祖母
任太恭人併携長兄旭公避亂於邑東之睢家堡父
以余失母子晝則同几而食夜則聯榻而寢竄居是
堡者半載水天雪岸不堪回首故圖東山避亂爲第

一

余自遭播亂以來遷徙靡常兩從塾師得通四書大
義至是父將營室東郊劉家堡乃携余返邑城舊宅

願學堂文集 卷之七

二十

教授尚書余每讀一篇必先請講說一遍易於記誦

此戊子己丑間事也故圖深院傳經爲第二

甲午冬家大人選授江南宿遷令遣迎祖母及劉繼
母會長兄由四川梓潼令擢廣東雷州郡丞遂於乙
未春侍以同往時仲兄漢公亦歸自都門一堂歡晤
稱樂事焉丙申夏祖母見背家大人留宿候代余於
是秋扶柩西旋計在宿將及二載一回憶之馬陵一
片月猶皎然几案間也故圖鍾吾省親爲第三

丁酉春家大人歸里居邑東劉家堡是年秋余鄉闈

獲傳家大人喜不自勝取甲子壬午辛卯及茲歲試
錄彙成一函曰此吾父子兄弟賢書也嗚呼余顯揚
之忱未盡萬一其負家大人期許也多矣故圖秋原
奪錦爲第四

己亥再行會試余叨捷南宮蒙

先帝簡拔濫厠玉署之末時長兄爲鳳陽守父暨劉
繼母同在南中余迎養至京常謂余曰侍從清班貧
逾於富勿以日用計易爾素志余今甘貧之念無異
往昔而一菽一水承歡無由也故圖玉堂問視爲第

願學堂文集

卷之七

三

五

癸卯秋余以司寇員外郎分校畿關值枋國者大興
衡文之獄一時典試事者被逮數十人幽囚法署八
月有餘家大人日就視羈所相對歔歔無可告語余
乃齋戒三日於九月十五日禱告於正陽門之關夫
子祠願減筭一紀得事老父以終餘年夜夢關夫子
從雲端伸一足下大聲謂余曰汝有善念吾代汝轉
奏上帝矣旣而釋免故圖請室夢禱爲第六

庚戌

皇上親政以來奸黨旣誅申理被枉諸臣余復蒙
召用辛亥春侍家大人北上時劉繼母已亡同行者
爲張庶母暨內子也旣抵都吏部題請補給順治十
八年 覃恩勅命父母妻室得照例贈封以久格之
典沾荷 洪慈榮及老親不敢忘也故圖紫誥榮頒
爲第七

癸丑余以前任禮部微青謫補光祿署正歷任年餘
家大人懷思鄉土惡欲言歸余義不敢留乃陳情侍
養蒙 恩俞允出都之日諸同人爲忠孝完人冊送

願學堂文集

卷之七

四

余時甲寅春三月也故圖光祿歸養爲第八

余旣得歸里於居舍南築墻爲圓構屋三楹前對東
西繡嶺題曰雙峯草堂雜植花卉日侍家大人暨大
伯父往來其間白髮兄弟並肩出入邑藩伯王茂衍
爲家大人作壽序云如南極老人同太乙真君談河
洛理數而卯金子執簡操筆趨瞻於其間也如是者
五載見者無不歎慕故圖草堂春暖爲第九

嗚呼圖至此不忍言矣家大人旣棄世議者謂宜更
求佳兆以蔭後嗣余念舊塋爲先王父藏神之所亦

卽爲余家發祥之地未敢改作仍奉家大人暨仲兄之柩於己未春季葬於祖墓之右次歲庚申大伯父亦亡葬於祖墓之左生則同堂歟則共域庶仰慰夫先靈云爾至白楊連隴煙雨迷離一瞻望之不覺腸寸寸斷矣故圖南阡夜雨爲第十

姪增字說 辛酉

增謝臧言大易損益之義造化消息之機也四時之通運二曜之代明天之道也神龍以潛彰其用尺蠖以屈求其伸物理亦然大象以燕息釋隨群動息於夜真機回復而爲朝六陰息於晦真陽逆受而成朝息之時義大矣哉字汝曰息侯生生之妙增之至理也孟子言存心謂日夜之所息而仁義之存亡驗之好惡之遠近此又善言息者也汝其勉之

何伯龍曰以字說發明經學非修詞家所及

姪垓字說 辛酉

傳稱八垓方域之廣者也化理之要不於廣焉求之
琴之張弛發機於彊戶之開闔運動於樞君子有取
於反約之理焉夫子教人約之以禮曾子之學以守
約爲本蓋約則持已也嚴與人也忠有恭儉之義焉
不恭則傲不儉則奢子謂奢則不遜書稱象傲是恭
儉者自治治人之要而約者恭儉之本也字汝曰約
侯其亦顧名思義也夫

姪堉字說 辛酉

王者深居端拱基命宥密而堂皇之制有屋無壁義
則何居古太守舉帷露冕以防民隱况君門遠於萬
里皦皦小民安敢見天子而言情乎此亦明目達聰
之義防煬蔽也吾儒在世大道爲公廓然之懷民胞
物與其所以爲蔽者人欲之私耳孔子告顏淵克己
復禮爲仁人欲去而天理存萬物脩我天下有不歸
仁者乎是可徵之堂皇之義也今字汝曰開侯尚恢
弘其量勿蔽汝堉也夫

姪域字說 辛酉

先王畫疆分理以域民也小而溝涂大而城廓必截然有方然後經界正而民不爭是域有取乎方也故古語有方域之稱孟子謂規矩方圓之至而平天下者不曰絜規而曰絜矩蓋圓則意取渾融尚容出入方則意取中正前後左右上下有一不齊之處卽有一不絜之矩也圓屬乎權方屬乎經孔子無可無不可聖而化矣而從心所欲不踰矩權而不失乎經圓而不失乎方之意也故字汝曰方侯其慎守汝域也

願學堂文集 卷之七

九

毋忽

孫豹人曰匡衡解願不過如是不意字說中得此說書之文

願學堂文集卷之八

臨潼周 燦星公著

書一

與王九青 戊午

不孝積愆莫贖先嚴見背五內崩頽呼天莫應憶自足下榮歸以來秋水之思無日不爲耿耿祇以先嚴年高多恙次侍無人擬仲兄旋家問視以間然後策蹇來訪一傾澗懷不意今歲夏初閩南計至痛折荆枝肝腸欲絕後恐先嚴情不能堪匿不以聞麻衣待

願學堂文集 卷之八

一

賓華服侍膳四旬餘日靈柩奄至雖諸父昆弟勸慰再三先嚴中懷之痛不能自釋入秋神氣漸平乃八月初旬痰火劇作多方調治竟不能起一旦長訣哀易可言自先嚴抱恙不孝衣帶不解五十晝夜賓天以後嘔血三日支持喪務形神俱瘁展轉終七又復五旬奄奄餘息幾不能生又擬過此以往心魂稍定庶可圖襄大事不意上天降割災禍頻仍乃仲冬二十有五而室人長逝矣廿年伉儷一旦分張况摧毀之餘甫動念而魂不能返長號呼而淚無可揮出

入徬徨嗒然若喪嗟乎哭兄未已而哭父哭父未已而哭妻半載之間骨肉離析一堂之上娶布縱橫身非金石心非鳥獸人生至此何以自釋想足下知我憐我聞之未有不隕涕者也茲以禮垂定制時際多艱不敢久稽謹擇於來年三月初二日安厝先塋泣念先嚴自生不孝以來生不能竭菽水之歡終不能盡殯殮之禮跼天踏地無以自容妄冀得仁人君子如椽之筆勒之幽堂以垂不朽尚可少贖萬一之愆伏惟足下以太華終南之間氣爲石渠天祿之儒宗

顧學堂文集

卷之八

十一

九州望其風采百代傳爲典型况先嚴叨在年誼情忝通家故敢冒昧上讀倘蒙慨許錫之誌銘不但不孝感佩終身卽先嚴亦當啣結於地下也至先生毋棄不孝早寄葬先塋之西數十武青鳥家言其地頗吉不宜輕動固不足信但先塋以舊塚迫隘取兆無所不得已暫從其舊誌中應否點出統候鴻裁

復靳逢源已未

弟以好學詩長而未達官西曹日遇一二詩友朝夕切劘漸覺有得自此研究益力不能自止蓋如芻豢悅口有欲罷不能者假歸以來俗務日集心緒紛紜遂復閣筆數年前偶閱先儒語錄不覺有會於心再三探討日益無窮覺向日之所深嗜者又復味同嚼蠟矣蓋詞章之學只可悅心此則爲盡性之業詞章之學不過一時遣懷適興之具此則自少壯以至老

顧學堂文集

卷之八

十二

得一二詩友使我學問不至終迷今日又未嘗不悔曰使當日得遇一二高賢仁漸義摩豈不已優入聖域徒孜孜矻矻枉費二十年工夫何益也先生山斗之品淵源之學不棄狂瞽每下蕩蕩之詢然以弟之所不欲爲者而遂不效他山之攻是棄先生也以弟止於此是齊人之所以待宣王也是棄先生也棄先生不敢棄先生尤不敢故斗膽上陳願先生以高懷卓見掃去一切直尋向上一路蓋人生有限百年易

過安身立命之處在此不在彼也然弟冒言之似
覺所對非所問復慮此日不言先生後日或遇高賢
指點於聖學有得又豈不以弟之悔他人者悔弟也
詩體明辯一部呈來恐蹈失信之譏寄呂垣字書一
封討涇野集望鼎力致之歲內使人帶來感曷可言
孫豹人曰文章一小技於道未爲尊詩人如老杜
已言之矣若作詩有合於興觀羣怨復何悔之有
此文特自言所得讀者宜共佩之

與武叔玉

辛酉

日來讀先儒語錄以所言道理返躬體認真如魚在
水中有一刻不可離者若離一刻不但應人接物之
間無窮窒礙卽飲食言語之恒未嘗不下咽直是從
脊梁過去未嘗不開口有不免牙關挫耳此種道理
令人恐怕又令人快活愈做愈不能歇手也吾兄近
日工夫所得何如幸示我以見交修之益讀書吟四
章非謂於聖學有見但借之以警惕身心耳呈來以
博一笑

與李晴嵐 辛酉

世之譚朱陸之學者爭勝固非調停之說亦不是蓋愈調停愈以啓爭勝之口此北海考正晚年定論之所由作也善乎少墟先生之言曰朱陸薛王不同而同歸於儒我輩既學爲儒第就前人所言有合於心者身體力行以自策勵其有不合者反覆思維要歸至當紛紛議論無益也擬和鵝湖鹿洞詩各四首亦第就所見者識之口筆以自勉耳若以跣兩家船責之猶然世人之見非愚之所敢出也幸終教之

願學堂文集

卷之八

六

復申錫禹 辛酉

昨足下云理學詩難和謂非到家人不能說到家話也今讀大作見地超朗以精微之論質之行習之恒方是中庸正理鵝湖鹿洞可無異議矣非深入鄒魯堂與者不能拜服拜服足下英年雅望詞翰場中已推爲一代桓文從茲欽華就實由傳返約卽就所見所言者體之事爲之間日漸月漬久之自覺有別他日續關學編者當借鴻名以光耀後先又豈但爲騷下一人已哉望望

願學堂文集

卷之八

七

復新逢源 辛酉

拜讀尊翰委曲諄切愛同骨肉至以明道橫渠相期
許竊恐儼非其倫然亦未嘗無其志矣尊翰謂所求
於先人者重所以自任者輕嘗見世人非無自任者
不過以名爵圖其顯揚衣食致其豐繁一堂之上朝
夕之間勤勤懇懇求悅親心而行已有違持躬多舛
遺譏人褻流穢後世忘身及親而不之顧此所謂養
其一指而失其肩背也卽古人如展雄桓魋亦未必
凍餒其父母彼其尊親以難犯之勢養親以易致之

願學堂文集 卷之八

八

財其心亦未嘗不自以爲魯閔若也使無賢兄聖弟
並生一時其親亦竟以雄雉父母終矣此義弟知之
頗悉而志之不立行之不逮者亦以習氣太深欲障
太重如久錮之鑑粹然瑩之正非易事所幸者讀諸
先儒遺訓頗有感發又得良友如先生與叔玉交相
戒勉不敢自替耳尊翰謂聖門教學相長只是求仁
蓋天地之大德曰生元居四德之首於時爲春於人
爲仁仁於人爲生之理春於時爲生之氣而氣之生
生不已者亦理也總一仁也故又曰君子體仁足以

長人聖賢離此無學帝王離此無治天地離此亦無
所謂化育此理克塞宇宙貫徹古今人之於仁不但
如魚之於水不可離亦且如影之於形不能離特百
姓日用而不知耳前讀羅近溪先生集言之甚詳卽
近日工夫亦不能舍此別有所求復承明教更覺有
契於懷涇野集併垣老扎領訖北上在邇握晤無期
燕秦遙望各自勉旃臨啓不盡

願學堂文集 卷之八

九

與李中孚書 辛酉

客歲暮春有金陵之行秋杪旋里家伯父又復見背
經營喪務數月方畢故未得修函致候而企慕之衷
實未嘗一刻忘也伏念先生道範攸隆朝野屬望非
不欲以一代經綸自見而念及千聖絕學萬古人心
一身肩荷有重有輕汲汲皇皇勢難兼顧豈若上世
辭榮高蹈之士所可擬量萬一也新春偕敝邑二三
同志之士有武文學叔玉李孝廉晴嵐靳明經逢源
李文學玉華以人情風俗日趨於薄凌競之習至有
願學堂文集 卷之八
不可言者攢眉相向思一維挽而道力淺薄興起維
艱擬邀大駕東來爲之倡導少振頽風又以賤制已
闕上檄日催不獲如願然敝邑二三人士當極壞極
敝之時得知有理學一事競相砥礪思以正己正人
又無非先生高風所動也感佩何佻南中所見書則
有王龍溪王心齋羅近溪集言殊理一返求諸心皆
覺有契人則有吳門熊蕉林諱占者程雲莊先生門
人也甘貧樂道閉戶讀書月爲一會聯同志之士講
明聖學此近日所罕見者渠知先生頗悉先生亦嘗

聞其人乎前四書訓俗歌已付剞劂併近作八首統
呈清覽弟擬褰日北上未知後晤何時千秋知己兩
地懷人言之不禁愴然

願學堂文集卷之九

臨潼周 燦星公著

書二

上葉詒菴學士 辛酉

燦西秦鄙士半世浮沉學問未成修爲不逮每承先生年臺過賜垂青曲加獎借以道德文章爲之期許雖春風披拂不遺蔓草而返懷自省實用生慚前匆出都未及趨別及承諭先祖墓誌行狀深感注存端此錄上伏念先祖官僅舉副名位卑微原無足述

願學堂文集 卷之九

但當奢寅倡亂之時撫臣被害全川震動提師救援西南半壁危而復安其詳載兩朝從信錄可考彼時已值魏闔擅政以題報者失于歸功故平奢一案率置而弗錄至今言之令人慨嘆再考往代有保一城安一方功在民生者卽婦人女子亦在褒揚之列似不以名位爲輕重茲先生年臺統領史局正千秋傳是之日倘蒙鑒定一言之下俾先祖藉以不朽不但一人一家之感使前朝缺事爲之光昭所關非鮮淺也中元節後卽擬着鞭拜謁匪遙先此馳佈

荅武叔玉 辛酉

拜別以來馳驅世境恒以見異而遷爲懼遠承明訓不勝感仰至心性意識才情諸解尤見卓識朱子謂心有善惡性無不善此千古確論蓋性屬先天在天爲理賦於人爲性理純一而不雜故性至善而無惡此大易有繼善成性之說孟子道性善爲荀揚諸子所不可及者心屬後天麗於氣質故不能有善無惡此虞庭有危微精一之辨孔子有操存舍亡之戒也但性無爲而心有爲故從古聖賢治心之外更無後

願學堂文集 卷之九

二

性之功存心卽所以養性而知命知天無二道也至意識才情四者吾兄與晴嵐所見皆同大抵意識屬心易流于惡才情屬性多出于善心性二字爲學問大關頭儒釋之辨在此朱陸之異同亦在此羅整菴先生言之至詳此處叅得透徹群言自不能惑也若太極西銘歸諸體用之說此一時就大段言之太極豈無用之理西銘豈無體之道乎吾兄天大人道所見極切敬服敬服吾邑近日再有講此道者否幸示我知此書與晴嵐閱之草草不盡

寄從弟焜 壬戌

三月廿一日聞八叔計音爲位而哭製服如常儀邇來吾家老成凋謝後進無所矜式如八叔篤行君子年僅邁甲猝然遐逝尤爲傷悲寄來薄儀同燧弟置辦香楮焚告靈前爲望附有囑者吾弟近年撙行有素無忝家風今伯父又亡出入無依立身行己尤須益加勉勵家門以內事伯母如毋教幼弟如子上下區畫務求盡善至在外應接以安靜退讓爲主勿求生財不費財便是自足之道勿思勝人不惹人便是

願學堂文集 卷之九

三

自貴之義安貧守分爲吾家添一好人豈非美事如八叔生平品望爲人敬慕典型在邇取則匪遙愚兄之言似覺迂濶然皆聞之前人叅之經書驗之人世非無所本而云然也把筆不盡哀切

寄武叔玉

晤晴嵐知道範日高令譽日著鄉里之人咸爲欽仰可見天理在人秉彝之好俱有同心然移風易俗之功不得不推重吾兄也弟以菲材奉 賜卹安南之命廷推之日或謂品服有加此榮差也或謂間關萬里此苦差也在弟胸中祇知 君命當尊臣職當盡榮與苦俱不足以動念此意唯晴嵐與吾兄知之蘄逢源高才絕世晚年始知向學間出議論有前賢所不及者一旦奄逝可爲吾道之悲前寄有涇野秦關

願學堂文集 卷之九

四

兩先生語錄註解當圖梓之使不泯於後世茲以小价西歸聊具薄儀代製葛衣一領知吾兄必不見拒也憑櫓依依不盡

與應山任令

承惠忠烈公集不啻百朋之感輿中粗閱一遍真足以光日月而泣鬼神此兩間正氣千秋不磨者聞邑中有祠頗覺踈漏足下清政之暇當不惜丹雘之施寄來薄資以助工費其子憲副君亦以忠歿其孫令尹君昨未及詢問不知見在否賢者之後統希留神照拂拜聆風指知足下爲留心世教中人故不禁言之叨叨也臨啓翹切

寄方更兄

辛酉入都門得承手教又復兩載有餘西江監司議設于兵燹之後自非閒員可比但朝廷爲息民計故欲省官以省事在吾兄爲息已計正不妨省事以清心見山亭畔木繁草綠翻古書課幼子人生樂事弟代爲吾兄謀亦深冀其如是而有不可必者昨過鄂渚知大駕西歸不遠後期旬日一晤維艱殊爲悵悵弟以迂踈無似之人奉命萬里背馬伏波至浪泊見飛鷺墮水回憶少游之言不勝感嘆弟行復過其地視吾兄東山高卧更當何如便風寄候言不能悉

寄衛禹濤

青門握別黯然神傷又六月中得抵星沙一路仰藉
福庇鞭策無恙但多病之驅藥餌之需在所不免耳
吾兄淡寧自養道履應是清佳然吾人此心最忌煩
擾養之之方子輿氏謂莫善于寡欲弟謂尤當擴充
天理誦聖賢格言玩經書意味涵泳既深欲念不遣
而自消不然東撲西起逐境強制未免勞而無功矣
我輩千里關心養生大事孰有踰于此者乎弟冒暑
山行荒村投止食不充腸卧不安枕晝夜辛勤猶能
願學堂文集 卷之九 七

勉強支持者亦清心有養之效也同病相憐不敢自
秘便風寄候併陳所見幸垂察是荷

寄劉異生

武昌閱邸抄知門下已榮補西臺矣吾人當讀書懷
古時堯舜君民之念未嘗不欲見諸施行不則或發
諸議論以垂不朽及得時行道外而州邑被其澤者
一方耳內而諸司行其志者一事耳歐陽修有言天
下事惟宰相行之諫官言之然使諫官言之而行亦
猶諫官行之矣是諫官與宰相並重也可不慎哉一
言出而君德之進退世運之污隆民生之休戚人才
之消長皆于是乎係之屬望者在四海責備者在千
願學堂文集 卷之九 八

秋門下勉諸生且傾耳聽之矣別來且行且止又六
月中得抵星沙途間不敢濫用一夫一馬停驂之所
日用蔬米俱係自備當道除交際外不敢妄與一事
非矯情立異所以遵功令明素守亦恐貽知己羞也
貴衙門房慎菴衛禹濤前輩老成凡事可就正之羽
便寄候不盡欲言

寄王茂衍

舍姪來道清癯之狀尚在榻間弟聞之懼又道飲噉如常且善消此元氣未傷平復可俟弟又聞之喜再拜讀佳什及贈舍姪二篇乃命意疾書于調攝之際此自然耶抑勉然耶弟惑滋甚喜懼無從旣而思之無非懷念之殷情動于中不能自已昔人誦他人詩文尚能治瘡愈頭風況佳句自鳴逸興遄飛此神充氣和之徵遂告諸友人曰斯自然之音也可以大喜而無懼矣但六年長別萬里間關一水盈盈不能握

顧學堂文集

卷之九

九

晤是爲悵悵耳金風初動白露沾衣尚祈勉自珍重吾兄平日廣大精微兼盡無遺老子有言外其身而身存身尚可外況身以外者乎須屏去一切省事清心從容葆養坐迂天和此區區望之切故不覺言之縷縷也愚楮不盡

復熊青嶽相國

甲子

燦生長西樞素少學問早馳志於科名繼敝精於詞賦四十光陰如同彈指向因宅先君子憂讀禮之暇間閱先儒語錄有會於心遂屏棄一切從中探求乃惘恍之見毫無主持未免逐境遷移庚申秋得侍函丈側聞緒論開瞽振聾受益良多歸家復讀敝鄉呂馮兩先生集如涉江河忽得舟楫頗覺操循有自但質庸染重兼之世途勞勞牛羊斧斤環顧而攻因思先儒有言要從人倫日用處做工夫燦於每日應酬

顧學堂文集

卷之九

十

間考証得失孜孜不遑至於潛心靜詣之業概乎其未之聞也昨蒙枉顧指示真切併前朝五大儒之說立論的確即可爲後學標準不勝感服捧讀華翰兼賜瑤章褒獎逾分惶愧汗流得非大君子樂育心切故爲此誘進之詞乎昔人尚有聞風興起者况燦親承提誨期望殷殷雖自知駑鈍亦不敢不策勵也鮮纔在邇憑楮鳴謝不盡悚切

與武叔玉甲子

前確山一函不知曾達覽否弟客歲秋杪出關廻翔
天外者四旬交人多詐多傲傲則任已詐則疑人弟
布之以公忠喻之以情理 君命無辱大禮告竣然
非老長兄平昔切劘講論之益不至此也至臨別倦
倦親同骨肉敬若神明因弟勉之以聖學其贈送之
詩有云尼山已遠問驪山過情之譽固君子所耻其
此感彼應至誠浹孚益信子與氏人性皆善吾夫子
蠻貊可行非虛語也茲返棹維揚遣役西歸肅函附
願學堂文集卷之九

十一

侯至邇來造請益精當有所見幸勿金玉千里相詔

何異芝蘭同室乎臨池不盡翹切

願學堂文集卷之十

臨潼周 燦星公著

題辭

曹氏世翰題辭壬子

壬子秋偶晤壽張令曹禹疏年兄握談之餘出家藏
世翰相示拱而閱之次渠先生清勁似率更而華潤
過之荆岩見山兩先生正大端嚴純乎魯公之體南
谷先生勁直似顏而踈挺饒有柳意猗歟盛哉以有
唐諸君子之長而畢萃於一家真海內鉅珍也禹疏
文章政事爲當今山斗臨池揮翰兼擅鍾王之妙信
淵源有自也昔右軍以筆勢論示大令謂勿輕傳他
人四先生抑豈有所私耶

梁峒樵曰寥寥數語而叙次錯落饒有古趣此文
中百鍊金也

願學堂文集卷之十

一

題房嶺菴廬墓圖 癸丑

孔子歿子貢築室於場獨居三年此弟子廬其師之墓也孟子稱之至廬其父母墓者史傳所載頗多此固常然之事不足爲異然人亦竟視爲常然而相與忘焉有行之者反駭嘆之不已是又無以風之之故也大抵人性之良有感而發有以風之卽不常然之事亦奮勵從之無以風之卽常然之事亦且因循棄之矣余同年房嶺菴孝子也貞靖先生歿廬於墓側者三年迄今三十有餘載每言及先生殉節事輒泫然泣下嗚呼若嶺菴者知有親也知行吾常然者也而友人爲之圖且題于其後是欲舉以風天下後世勿視爲常然而相與忘焉庶幾乎與余有同心也余父見刲股者世以傷親體爲不孝夫人當呼天不應無可如何而忍痛以盡其心亦情之最可悲者矣而必謂之傷親體況此身生於親者也以之救親亦非好勇鬪狠登高臨深者比而不謂之孝何其忍也且世之烈婦有剔目截耳以見其志者矣而人則稱之於孝子而反抑之其亦過矣余欲告天下後世之孝

子勿爲人言惑也故因書嶺菴之廬墓而併及之

乾甫伯曰從心上實實體貼故有此等議論曾有其骨而無其韻歐有其態而無其情吾陝自華州而後僅見此文信足傳也

爲衛枚吉題董玄宰帖 甲寅

凡人子之所以事其親者烏有已乎於無可如何之中而不怠倦倦自致之念可謂孝矣明宗伯董玄宰先生工於書母夫人歿書妙法蓮華經一卷以作冥福此亦自致其心於無可如何之中豈其以書見耶然海內重先生書得其隻字以琬琰藏之曲沃有仇先生曾爲雲間守得先生書頗多以此卷貽衛節孫先生先生在

先帝時爲少司馬議論風采至今朝士大夫類能言

願學堂文集

卷之十

四

之其家君枚吉今爲順天治中先生舊舍已易數十主人矣枚吉增直購之曰此先人故居也廳事東有屋二楹先生舊署曰靜寄東軒而其址已廢爲隙地枚吉思其遺規而修之曰此先人讀書處也余一日過訪因出此卷示余且告余曰余往來京師未嘗不以此卷自隨有先人手澤不敢忘也嗚乎若枚吉者可謂孝矣枚吉性簡靜澹然無欲爲少師夫子猶子故交誼最篤見其居平飲食動履無一時不稱述先人而於此卷獨攜持之不使一日離左右枚吉之心

亦豈其以書見耶余茲蒙

聖恩許侍家大人歸里聞枚吉言悚然有動於中因跋以誌之

乾甫伯曰人子於父母歿而不忘久而益深其當而錯過篤妻子而薄怙恃者曷可勝道觀此則枚吉真孝子也而題此者亦可知矣

願學堂文集

卷之十

五

題史記皇帝紀後 甲寅

司馬遷作史記以黃帝顓頊帝嚳堯舜爲五帝紀而無三皇司馬貞作史記補謂三皇乃君臣之始既論古史不合全闕遂以伏羲女媧神農爲三皇本紀自號爲小司馬是皆以意爲去取者也孔子有及史闕文之歎春秋去古未遠尚無信史可徵況由周而漢而唐歷千有餘年而遷刪於前貞補於後果何所據而然也古人多聞闕疑蓋疑不闕則信不傳闕疑正所以傳信也三皇旣載古史詞雖荒唐義難芟去宜

願學堂文集 卷之十 木

從闕疑之例胡五峰以庖羲神農黃帝堯舜爲五帝其言曰是五君者有先天地開闢之仁後天地制作之義民到於今受其賜若以吳顓頊高辛僅可持其世而已觀五峰之言誠萬世不易之定論也故歷史至今遵之其兩司馬之說可不辨而自明矣嗚乎讀史者貴有定識況作史乎

孫豹人曰蘓穎濱作古史以證馬遷之失澹園指出小司馬之失皆善讀史者

題呂后本紀後 甲寅

余讀司馬遷呂后本紀不禁廢卷嘆曰嗚乎天道福善禍淫報應之理抑何彰彰如是哉方其戕滅姬酆如意滅梁燕趙而王諸呂何其逞快一時也然戚彘未幾而軼道之蒼犬據掖是殺人者實自殺也如意之酖方行而孝惠以驚憂夭絕梁燕二趙之殞未旋踵而朱虛兵入諸呂男女無少長皆就誅是殺人之子者實自殺其子滅人之族者實自滅其族也語云易刀兵而相殺不其然哉雖然使酈寄說而祿不解印平陽之計未施而產得先入殿門則劉氏亦汲汲矣况矯襄平之節以納太尉因謁者之載以斬更始漢諸臣之謀亦可謂行險僥倖矣然呂不滅則劉不興何以洩高帝在天之憤而快娥姁之報乎非天道使之然歟

願學堂文集 卷之十 七

題左傳後 乙卯

自尼山刪述後天下稱大文者有三孟子善論理左氏善叙事屈原善言情然子輿氏以斯道爲已任夏哉不可及矣離騷悲不擇音使讀者廢卷而嘆焉左氏叙事詳該若指諸掌而論者或譏其誣豈非以談天地述鬼神占之於夢徵之於巫亦浮誇而鮮據乎至其辨名定分考事衡物必原本於詩書折衷於義理詞無遺言言無遺意杜元凱曰其文緩其旨遠又曰王道之正人倫之紀脩矣信哉言乎世謂春秋刑

願學堂文集

卷之十

八

書也然則天之經因地之性以定人極實禮書也聖經天也傳其日月也天不息日月亦不息嗚乎尚矣乾甫伯曰左傳之文典麗高古蔑以尚矣然其過人處實不在此唯其事述先聖言宗義理蓋有聖經必不可無此傳也未數語見解獨超確不可易

再題左傳後 乙卯

孔子因魯史以作春秋繫春於王所以大一統示無外也然君臣尊卑之義嚴於一字之褒貶此聖心所獨斷者游夏不能贊一辭況其他乎左氏因經以立傳以周與列國並衡而論呂東萊深議其非夫周爲文武以來有天下之號而齊晉鄭楚周之侯國也安敢與周埒故周地當書曰王地周人當書曰王官尊一人之號而列侯之禮於君者不禮於君者據事直書不待褒貶而意自見矣國語中周語三篇亦當稱

願學堂文集

卷之十

九

爲王語揆之聖人正名定分之義亦庶乎其有合也

題國語後 乙卯

班固藝文志載國語二十一篇注左丘明著余竊疑其非也無論紀人紀地與左傳間有不符其載事之筆亦大弗倫也非惟弗倫於左氏卽諸國亦不相倫也如周室弱矣輔相者言能稱禮故屢折強藩之請所謂猶有老成人也魯語愷惻而婉其周公之遺意乎穆姜之訓妊姒亦易多讓焉齊僅載夷吾之策功利之習也晉三公迭伯國有世臣紀載獨多焉鄭始基不厚僅能存於大國之間楚奄有南服鬻熊之施願學堂文集 卷之十

弘矣越能悔過吳無足錄宋衛燕秦未有聞也此蓋諸國各紀其國之語左氏取以爲傳者故有者存之無者闕之也不然左氏欲成一家書秦霸西戎衛多君子召公之傳微子之裔豈無可採而存者乎况丘明魯人也魯事亦弗加詳焉豈旁蒐列史而獨略於本國乎不知班氏果何所據而云然也至韋昭宋庠之論通相祖述又烏足憑焉

乾甫伯曰非大識力不能辨余曾疑焉今始豁然

蓋云左傳則丘明特筆也云國語自是各地史書

丘明取而注之耳地非一方文非一人焉可與左傳同日而語哉

願學堂文集 卷之十

十一

題國策後 乙卯

余讀戰國策慨然於世運汗隆之機不可救也由斯而上爲文武成康爲二代爲唐虞由斯而下爲秦漢十有一代以至於今當其盛也帝典王謨都俞吁咈之風至今猶想見之及其衰也人心之巧機辯百出谿壑不能喻其險鬼神不能測其微陰慘之禍毒於猛獸烈於洪水也春秋之世聖門以言語稱者僅宰我子貢時遊說之習尙未熾也及乎戰國蘇張首倡樓緩犀首陳軫之徒相爲附和騁從橫之辯持異同願學堂文集 卷之十 十二

之論千乘之君君之股掌之上夫蘇秦說秦不用裘敝金盡三年而揣摩成佩六國相印是蘇之爲從也非爲六國也欲洩憤於秦也張之爲橫也亦非爲秦也又欲洩憤於蘇也其他或以一己之榮辱一念之喜怒覆人之國殄人之祀而弗之恤也求所謂排難解紛而無所取如魯仲連者有幾人哉有幾人哉

乾甫伯曰蘇張之辯一也而蘇不得正而斃焉蓋其心更險故其禍更烈可不畏哉

題喬仲樞遊枳記 乙卯

遊枳記喬仲樞同年令武隆時作也其叙由晉入蜀經歷山川憑吊古今不勝感慨至入棧以後如讀太白蜀道難令人目搖神悸其細寫武隆景况酸風苦雨毒霧荒烟交集筆端讀之者尙不忍展卷况身當其地乎至卒章於人我齊得喪等古今於一瞬視天地若浮漚又何達觀乃爾耶雖然仲樞終以此率於武隆萬里旅魂江天明月爲之含悽余乙卯秋偶至陽陵其子文學出遺編示余閱之愴然山陽之笛寧堪終聽乎聊題數語於後以志哀感云

願學堂文集 卷之十 十三

愁鑿跋語 乙卯

邑侯陳白石先生道範才名爲當今山斗分符驪邑
政事之暇不廢嘯歌凡登臨山水憑吊古今覺謝康
樂之覽勝劉龍門之懷古兼擅其長矣邇以時事孔
艱肝衡扼腕發爲愁鑿八首且告余曰不堪示人只
可持贈君也捧讀之下其忠君憂國之意溢於言表
令人感嘆不置豈徒如放歌自恣者推碎黃鶴踢翻
鸚鵡已耶然獨以示余者亦以余秋空搔首常懷杜
陵之悲正不妨愁人相對耳余西畧故友楊菊廬爲
廬學堂文集 卷之十 十四
先生筆研交从登芙蓉之籍使白玉樓頭聞我兩人
愁吟相向想當倚欄而和也

驪山記跋 戊午

驪山無太華之峻太白之險而翠壁蒼巖獨標幽異
至周臺秦榭漢殿唐宮尙歷歷朝雲暮靄間蓋以地
居三輔玉池春融爲翠華往來之所故遺跡視他處
爲獨勝耳茲歷下李方山先生攬轡關中停驂余邑
攜友登臨興酣落筆記驪山遊一首憑吊古今肝衡
上下不勝感慨其高文亮采視柳州記遊諸作猶覺
後來居上恐有此山來未易有此文也昔李滄溟爲
華山記獨冠千古此文真堪伯仲何余鄉名山獨於
廬學堂文集 卷之十 十五
先生家有夙緣耶噫是又一奇矣

跋金建章年伯壽冊

吳門金嘉賓已亥與余同提南宮讀中秘書丙午夏
余歸自武林嘉賓時已捐館謁建翁年伯鬚髮雖皓
而神氣冲和望之若神仙者流難兄有願爲名諸生
兩幼子麻衣趨拜不勝悲感庚申再過吳門有願與
嘉賓幼子並殯翁伯謂余曰余九男子皆逝只願兒
三孫以其仲者爲嘉兒嗣且出一帙命題曰古真篇
乃內弟袁公自十年前所作取莊子古時真人之說
爲公祝也按是時翁年僅六十嘉賓雖故而有願尚
願學堂文集 卷之十 十六

存今當垂老之年懷伯道之痛而能放懷物外優游
自適非中心廓然如太虛無纖毫芥翳者能如是乎
莊子所謂真人卽中庸所謂至誠也以其德之侔於
已者謂之誠以其道之著於世者謂之聖聖如尼山
賢嗣早歿弱孫相對而申中夭大無少戚然於中者
其天定也真人之稱亦豈有加於是耶翁無疆之壽
正未可量聞余言其益知所以自處矣

孫豹人曰跋壽冊作相慰語是真文字援引復佳

願學堂文集卷之十一

臨潼周 燦星公著

募疏

重修吉祥寺募疏

乙卯

余嘗驅車燕趙歷齊魯之墟薄遊吳越往來揚豫間
所過通都大邑見其樹色蒼蒼棟宇參差琳宮紺殿
金碧莊嚴是不必入其城郭問其政治而民生之厚
民俗之醇可知也其或水無餘蔭室無完堵荒祠敗
宇丹青剥落是亦不必入其城郭問其政治而民生
之薄民俗之貧可知也語云既富方穀又云衣食足
而知禮義古先王制民恒產使其仰足以事父母俯
足以畜妻子然後教之以孝弟忠信之義詩書禮樂
之文冠婚喪祭之典享賽報祀之誠是皆其事之漸
次而施者不可強也吾邑在勝國末頗稱至道之鄉
鼎革以來兵火頻仍昔之連雲中第化爲瓦礫之場
其曳綺縠而厭梁肉者皆布衣蔬食之不給又安能
及其餘哉邑中有吉祥寺建置已久大約視邑爲盛
衰邇來佛榻塵封僧徒星散有心世道者觀之未嘗

不動人情風俗之慨已幸斷水渌菴陳侯剖竹西來
以仁人之心行仁人之政其治民也如療久羸之夫
日饘月粥不事峻補而元氣漸克又如培新植之樹
朝灌夕溉不煩助長而生意漸隆渙者萃之廢者復
之百里之內且駸駸然有起色矣一日僧官某率諸
沙門請余而請曰吉祥寺爲吾邑首刹傾圯堪憂今
欲重開牛洞再飭龍宮藉如來觀音之財爲長者鋪
金之舉煩先生爲文以序之余不禁驟然喜曰有是
哉諸僧之請也好鳥啼春野花綻露物之感候而動
願學堂文集 卷之十一 一

撫景者爲之興懷諸僧今日之請其亦有動於中而
不自知者乎論天道者謂三十年一變論王政者亦
云必世而後仁以時考之適符其數今
聖主憇熙洽之治賢侯弘愷悌之澤是吾邑由衰而
盛之機自否而亨之會也倘侯得如兩漢故事增秩
留任坐成久道之化使潼之居返故廬人還舊俗野
服先疇之畝畝戶守高曾之規矩輶軒使者過之採
風文告揚國家昌隆之休所關豈鮮淺哉余烏容不
喜而爲之言乎至於五臺之金瓦可鑄伽藍之錦罽

平鋪此固諸僧本意吾邑人諒有同心或不俟余之
置一喙也

黃忍菴曰起處善於立言曾王兩家所未及先生
理學也爲縉流作募緣疏而議論正大能以我意
行之是識力雙絕文字

重修福禪寺募疏 丁巳

驪山南去有靜居山地僻而險余向未至其境居民毛副先者善人也一日來請余曰余山有福禪寺爲歷代名刹兵燹以來日就剝落余輩居近一方不忍坐視延僧朗秀其謀修葺之願得公一言爲重余曰有是哉諸君之舉由斯以知性善之說爲益可信也今天下不煩君師之戒不待父兄之教群然嚮往而不能自止者惟瞿曇氏之道則然夫瞿曇氏教人爲善者也使非深浹乎人性之良烏能感發興起有不知其所以然而然者乎或謂彼倡爲因果報應之說愚民動於禍福故奔走焚修之恐後也然王天下者以五服彰有德而淑行之士常以五刑庸有罪而罹法之人常多豈愚民不動於見在之禍福而偏動於將來不可知之禍福歟非也蓋人性之善猶春生之草就下之水其勃然沛然之性無所爲而爲者也若有所爲而爲必有所爲而不爲安能合天下之人群相效勉而無異者乎昔子輿氏荅公都子之問而要以性善爲宗及韓昌黎作原性論定爲三品謂有

願學堂文集

卷之十一

四

上中下之不齊是猶之夫公都子之見也其說引叔

魚楊食我越椒以明人性之不皆善而不思此二三

人者古今來不數數見也譬之萬斛粟中之一稗千

尺錦中之一類也不得以一稗而謂耕者之有二種

以一類而謂織者之有二杼安得以此二三人而遂

謂天之生人有三品之不齊乎且如靜居山余尚未

至其境其環居而野處者未聆接乎王公大人之論

被服乎詩書禮樂之文可知也而翕然好善之不已

卽此一方而天下之大百千萬億之衆可類推矣古

願學堂文集

卷之十一

五

今來天下之大百千萬億之衆亦可類推矣人性之

善不其然乎昌黎復作諒不以余言爲無據也因書

之以應疏文之請

劉介菴曰自韓子以三品論性而子輿氏性善之

說幾不能與之爭勝矣星公此文謂不得以一稗

而謂耕者之有二種以一類而謂織者之有二杼

千古創論亦正論使昌黎聞之當爲結舌可稱子

輿氏功臣

重修人祖廟募疏 戊午

驪山東南二十里有人祖廟土人稱爲人皇氏邈莫可稽邑乘云或謂漢文帝欲於此起露臺繼以百金之費而止人懷其德立祠報享稱仁祖焉廟內帝后二像袞冕檐綸後代之制人以其靈爽遂競爲隆古之稱云今歲季夏大旱連旬焦禾槁稼群情皇皇有無秋之恐金陵寓菴錢侯惻然動念徒步山崖躬叩神祠請水靈湫葆幢金鼓迎歸邑城爲壇祈禱次日雲興雷作微洒輕塵又次日自晨抵暮滂沱普潤連

廟學堂文集

卷之十一

六

宵未已環瞻隴陌露葉芄芄萬民舞蹈歡若更生復修醮拜謝送水還山其主持道人以殿宇日久將圯稽首而請侯慨捐清俸庀材鳩工猶慮費用浩煩欲廣行勸募以疏文屬余余邇來戒筆不敢爲縑黃作曹丘蓋以時際多艱杆軸興嗟琳宮糾殿率視爲不急之務分不得已之絲粟以營可已之事工孰不聞余言而感額也若茲舉乃大有不然者當燠炎方張遍禱弗應三旬不雨其有秋乎百谷不登其有民乎有珠盈篋不可以飲有錦盈笥不可以食其不相率

而爲溝中之餓殍也幾希矣今仰荷侯力弘被神庥婦子寧盈室家慰藉所謂肉旣枯之骨而起之九疋之餘也痛定追思感懷必切卽捐京坻之遺禾人損盤殮之剩粒群心嚮往亦何難成聚沫之海爲積塵之山也哉於以荅神貺而報侯功厚人心而美風化所關非鮮淺也余曷敢辭筆墨之勞四方君子其敬聽余言也夫

廟學堂文集

卷之十一

七

願學堂文集卷之十二

臨潼周 燦星公著

頌

擬廣取士頌 有序癸丑

康熙癸丑

皇上御極之十有二載也承

列聖鴻圖率

累朝鉅典本顯謨承烈之志敷明作惇大之猷天地以位萬物以育于是太史書雲物之瑞野老安作息

願學堂文集 卷之十二

之常東西朔南海隅日出罔不稽首恐後到隆之盛展也軼唐駕震矣獨是公孤弘化亮采必資群賢俊父登庸書升實重王國瑞之也既殷三物六行固當慎重其選而養之也宜素東膠西序尤須恢弘其途乃御史臣張冲翼矢厥忠懷發爲讜論深維乎人才盛衰之由反覆乎往例因革之故剴切敷陳荷蒙皇上睿鑒勅下所司稽歷年定制復兩考舊規大小臣工遠邇士庶無不聞風歡躍以爲文教所被多士奮興菁莪模範之盛載振今茲臣燦猥以庸流承乏

閒暑躬逢昌隆之世目覩都俞之休忭舞之情不能自已竊有意乎古甫之揚周王褒之贊漢也乃不揣固陋拜手稽首而作頌曰

天宣元后撫茲九有帝簡股肱以翼元首民也非后誰作父姁后也非賢誰爲奔走在昔唐虞俊乂用章亦越成周多士思皇况我

皇清丕昌萬方

祖德

宗功天廣日彰欽惟我

願學堂文集 卷之十二

后廣淵齊聖臨民以寬持躬以敬光被四表家絃戶誦禮陶樂淑人文斯盛卓矣羣臣拜書 丹殿材植鄧林玉輝崑嶽爲圭爲璋爲輪爲奭蓄之升之廣揚復旦

帝曰俞哉汝言良惠乃命禮臣詳稽以對載考舊章用廣以倍連茹彙征爲國之瑞微臣愚暗濫廁清曹欣逢盛典濡思拙毫多士濟濟以光 聖朝億萬斯年海晏嵩喬

裴渭渭曰步趨安閒音韻鏗鏘鳴金佩玉之文

銘

林我禪師塔銘 有序

余在光祿時每月朔望省視祠壇供獻雖禁中例得往焉一日至萬善寺見正殿懸扁大書敬佛二字爲皇上御筆余拜手稽首退而嘆曰大哉帝王治天下之道不一端也設官分師立綱陳紀章服有辨刑威有施無非納斯民于規物復其天良之性而已故唐虞三代治各不同而訓俗型方之心無不同也况佛之立言教民爲善無殊于吾儒之旨其好爲廣大幽

願學堂文集 卷之十二

三

杳之說無非神道設教之義與上古所爲道人狗路工執藝事以諫者寧有異乎昔

世祖皇帝時余叨列侍從之班見經筵有間延禪宗玉林輩時詢妙義我

皇上纘承鴻緒學貫百王道該三教沙門高士應運而興大雄之法于斯爲盛長安城南大興善寺林我禪師蓋傑出者也師閬州侯氏母蘇夫人生而多病幼好讀書年未及冠父母並亡立志出家初披剃于萬緣寺參學于桂谿莊更歷寒暑道念逾堅繼受戒

于寶池和尚終聞法于易庵老人老人爲破山法子傳臨濟正宗師道範清高學思淵博有自來也始住南安貴清歷終南岓嶺名山大刹聲震關中乃開堂于涇干之崇文塔院西夏之海寶禪林東西秦川聞風景慕後因易庵老人圓寂始卓錫興善營建師塔主持法事大振宗風于今八載矣師體質清癯胸懷坦易始以嚴慈立念誓報罔極之恩繼因師祖裁成大闡如來之教金環在手非具夙因者不能瓶水倒流因參大乘而有悟物各有生我示以無生則生生

願學堂文集 卷之十二

四

之中另開生面我本無相人見爲有相而相相之外別立相宗逐境提撕久而有悟如中山之酒三年不解其醒因人開示各具因緣似春雨之膏萬物咸沾其潤故所至監司鎮帥賢士大夫文學耆庶村墟市童莫不接踵相迎詣益恐後非師德量宏深機緣廣大能如是乎視昔之架箭需人持竿待日此更超出一倍矣慨夫民風不古世道日漓法制禁令移易爲艱師以一老頭陀登堂揮麈能令百千萬人革心降志勉登善域而不敢自止使九州四海之大得盡聞

師說而孜孜從事焉於以輔 聖化而正人心挽斯
民于三代之隆其功不更爲吾儒所資賴乎乃今歲
仲春朔日領袈禮佛畢忽索紙書一偈歸方丈侍者
請問其意師笑而不荅越五日端坐而逝康熙十有
八年二月初六日未時也登涅槃牀七日起龕茶毗
五色火光熾盛収舍利無數師生于壬子年四月初
八日子時壽六十八臘四十八遠近僧俗罔不奔走
悲號如失怙恃其法徧海珍亦蜀人器識純誠遺燈
有寄海琛海寬寂德海峴等各競自操持先以師伯

願學堂文集

卷之十二

五

若水和尚乞銘于余繼復躬請憶已酉夏余曾晤師
于文塔有夙契焉不可以辭乃序其始末而系之以
銘 銘曰緬彼迦文傳法鷲嶺拈花一笑妙諦心傾
達磨西來道弘斯境曹溪一派汪洋千頃 卓哉林
公巴江鍾奇風水載痛誓志披緇祝髮大慈受戒寶
池破山之徒易菴爲師 柱下無爲鄒魯性善寂然
不動真如乃見大覺圓明三聖無間道不遠人人自
道畔 性根超朗領悟獨優孟渡錦江錫飛雍州八
水洗陽三峰點頭金篋開蒙四十春秋 清襟映月

逸藻流霞學究一貫書囿五車剖玉淘金忘石與沙
西來大意樹上三花 三昧無聲覺來早叅揮毫留
傷歸卧一龕五色談中舍利光含峻嶒寶塔高對終
南 南山峩峩渭水洋洋幻形易化真性難量滄波
浩渺一葉慈航奕世徽音地久天長

王茂衍曰每見星公爲二氏作文皆從世道人心
立論用二氏而不爲二氏用此淮陰驅市人而使
之戰手段也視香山東坡沉溺于彼中而不知自
振者異矣

願學堂文集

卷之十二

六

贊

題劉澹軒小像 丙午

此澹翁三十年前小像也溫乎其容藹乎其度烏巾
縞帶翩翩儒素然應運持節而黼黻之才騰騫乎皇
路其當日之握筆凝想者洛陽之疏耶廣川之策耶
豈但積思十年而三都成賦安安爾止藏英華于不
露既把臂而譚崧益愜焉其可慕語云學者先器識
而後文藝余觀澹翁之像而益識其故也

朱垣卿曰長贊用韵正以頓宕見巧

辯

辯論語辯 癸丑

讀柳宗元論語辯論語成於曾子之門人故書中
於諸弟子皆稱字獨曾子稱子至有子之所以稱子
者謂孔子之歿也諸弟子以有子爲似夫子立而師
之其後不能對諸子之問乃叱避而退則固常有師
之號矣其說出於孟子乃當時好事者之言與伊尹
要湯百里奚干秦事正相類子與氏悞信於前而柳
宗元復傳疑於後也子與子游子張聖門之賢者也

其師孔子也惟其道不惟其動履容貌也若師死不
能追述其道而徒取動履容貌之相似者而事之此
斷非三賢之所爲也有子亦聖門之賢者也不量已
之道德於夫子何如亦以其人之謂已相似而居然
受其事及不能應諸子之問復受其叱避而退此亦
斷非有子之所爲也若然是惟其動履容貌不惟其
道也則陽虎亦當俎豆於泗水之濱矣且弟子之於
師猶子之於親也今有亡其親而思之者繼其志述
其事可也若取人之似其親者而事之及問之以世

系不知問之以先德不知然後逐而出之此兒戲之事常人所不爲也而可加之諸賢乎且閔子不聞有師之號其亦稱子也何居安見論語獨成於魯子之門人非二子之門人共成其書而各子其師也歟子與氏好辯者也柳宗元辯論語也而獨信此事之謬余恐後世無所取正焉故復就其辯也而爲之辯武叔玉曰胸中如鏡筆下如刀真是老吏斷獄手豈僅辯才無碍者流所可及也

對

奕對 癸丑

客有問奕於余者余對曰余不工奕亦不求爲工故與人奕未有不負於人者客曰爲是說也亦有道乎余對曰有夫世之人道德文章功名事業與余相較大要有三等上焉者皆勝于余者也余與之奕一內省焉曾何事如彼而顧沾沾然以一奕爭勝乎其次則皆余若也而獨爭勝於奕夫我以勝爲榮彼必以負爲辱然榮之念過則忘焉而辱之念則久而難化余何故以一奕之微而令人怨之不忘乎其下皆不如余者也夫人而至於不如余其人亦可哀已又何忍併一奕而亦靳其勝乎持是道以往余之負於人者多矣奕云乎哉

房慎庵曰尺幅中具大神通讀之可以東人軼志星公與人接物得力在一讓字此文自寫小照幾於画月能明

孫豹人曰長者之言文之高老雄悍則蘓老泉之流亞也

願學堂文集卷之十三

臨潼周 燦星公著

行狀

內父文學房公行狀 兩午

公諱中式字淑儀其先白水人也始祖寬二世祖統歷官司寇尚書郎三世祖士元任宛平尉始遷居於潼之魚池灣四世祖文明即公之高祖也曾祖邦靖祖楠世有隱德父光顯字養吾以文學承家人稱篤行君子娶李氏生公公生而端重總角時出入長者

願學堂文集 卷之十三

前周規折矩動必以禮性至孝事父母先意承志務得歡心母李見背繼娶趙氏公事之無異生母生弟淑度友愛教育爲名諸生趙亡娶楊氏楊亡娶董氏公以事趙母者事二母無少間焉公性敏好學早遊泮宮繼屢遭母喪父年亦高因代理家政栽果種蔬以娛老親常有人負養吾公糧數百石公往責償見其人困憊狀悉焚其券而歸養吾公喜曰真吾子也時人比之范氏父子無何養吾公亦見背公擗踊號泣銜恤不忘遂絕意進取不復爲功名計遠近人士

執經就業一時出其門者彬彬多士歲辛巳大饑公盡捐家儲得粟數百石煮粥賑濟全活者無算復捨棺木以掩遺骸左右居民貸公千餘金甲申亂後悉請公求寬償公曰吾家破若家亦破又何償乎盡貲之公先配張氏李氏繼配陳氏同邑處士陳宗山女性嚴正閨內肅然生子二長峻次慳俱庠生並逝峻娶黃氏苦節自守慳娶陳氏亦亡女一即余妻也公積德累行不可殫述終懷伯道之痛天道無知不其然與然公之懿行令聞表表天壤間後之仰止芳規

願學堂文集 卷之十三

二

家尸俎者百代猶新視世之徒有多子而名未聞於鄉里行不稱于通人與草木同腐朽湮沒無聞者不亦大相徑庭哉公從弟中獲侄欽見公祀無主議以公婦黃氏兄子爲公後名曰繼宗昔韓謚承賈氏之緒施然嗣朱公之宗推恩繼情蓋古人往往然也公生於萬曆壬午年六月二十一日丑時終于康熙壬寅年十月初六日卯時陳氏生於天啓辛亥年六月十四日辰時終于康熙甲辰年十二月二十三日亥時今于三月初十日將合葬於先塋之左余請家

乾甫伯鑄墓以傳不朽謹述其行畧如此

朱葆光曰淑儀先生代有隱德其子仰止英年雋
發方期高大于門不謂中道而逝聞者皆爲悲嘆
今得澹園此文使先生懿行賴以不泯中郎有文
亦未爲不幸也

封太史前宿遷令顯考聿田府君行狀 戊午

嗚呼不孝燦亦安忍述我父耶積咎旣深嚴親見棄
五內崩頽呼天莫應亦安忍述我父耶然我父三子
兩兄皆逝 燦尚視息人間使我父懿行泯滅後世無
聞是燦之罪通於天百身莫贖也乃含哀擗管滴淚
和墨撮述行畧於左

先府君諱祚永字紹甫號聿田先世山西洪洞人祖
通司訓於秦值紅巾之亂以道梗弗得歸遂卜居驪
下稱始祖云通生麟麟生貴貴生爵爵生邦佐虛懷

善下有隱德焉邦佐生岐爲余曾祖純謹有類高祖
而柔善過之以祖貴贈中憲大夫四川按察司副使
以仲祖道洽任順義令晉階中議大夫叔祖道昌任
南鄭廣文蓋三子皆登仕籍焉曾祖母張氏累封太
恭人祖諱道直乙酉舉人戶部郎中歷任四川川北
道按察司副使覃恩晉階中議大夫崇祀鄉賢亮節
宏猷陝西通志及從信錄可考祖母任氏封恭人祖
三子伯父祚弘以明經任臨洮廣文叔父祚延廩生
早逝仲卽先府君也先府君元配嫡母王氏生兄燦

及爆庶母屈氏生歿一 不孝燦 生母常氏生 不孝時

先府君已四旬矣嘗聞之祖母任恭人及伯父云先府君生而莊敏童時不好戲嬉衣履經年不敝初就塾師往來里巷中目不留視歸家拱手端坐望之若成人然稍長卽潛心義理之學不屑屑于口耳記誦十九歲乙卯補邑弟子員旋以高等食廩及隨侍先祖令藁城尹大興守保寧居官舍中蕭然儒素絕不以紛華移其耳目二十有八歲甲子以尚書薦于鄉明年試春官不第自是屢困公車或有勸之仕者先

願學堂文集

卷之十三

五

府君曰兩親在堂菽水承歡讀書明道吾志足矣壬午春先祖謝世居喪一遵古禮八月長兄薦賢書先府君對之泣以先祖未得一見爲憾癸未逆闖入關邑城破常毋先逝王毋及屈毋同死于難 不孝燦 僅八歲先府君以失毋子憐之避亂山間輾轉流離不令一刻去左右也甲申

皇清定鼎元年娶繼母劉氏時干戈紛擾遷徙靡寧戊子始築別墅於邑城之東奉祖母任恭人居焉伯父亦移居鄰堡通相奉養歲以爲常辛卯仲兄薦賢

書壬辰同赴公車復不第祖母日以老家日以貧雖

升斗之奉不能自給乃謁選天曹甲午除江南宿遷

令遣人迎養曾長兄以四川梓潼令擢廣東雷州郡

丞遂偕 不孝燦 侍任祖母劉繼母赴宿時乙未春三

月也先府君下車之始卽值漕糧開兌之期宿素不

產稻皆買之高寶諸邑民已不堪其累而長民者復

重取之民而輸之旗軍官吏從中侵肥焉先府君嚴

署之榜盡革諸弊復詳請上臺勒石世守宿人稱之

爲蒞任第一德政云邑額地八千餘頃前令奉查荒

願學堂文集

卷之十三

六

之檄虛報二千頃意圖免稅及 國家設立興屯道

廳募民開墾勘取累月實無寸荒可報議者遂欲按

畝均攤爲通融苟且之計先府君曰當日查荒有虛

報者亦有未報者今一概攤賠豪民是其所應出而

窮民不已重受其困乎乃三請撫軍屢畝丈量具足

原額之數督院馬公薦疏有殫真誠以任事推惻怛

以愛民之語宿當黃運兩河之衝時剝隘告洪漕運

弗前 朝廷遣重臣閱視一時河漕兩臺戶工督部

填蒲河干計無所出先府君相度地形敷陳方畧或

卷埽以東河流或築壩以防旁洩增緯夫以推挽設
小舟以剝卸源源接濟糧艘御尾而前使臣得以復
命此皆其卓然可紀者至如興學造士詰暴刑奸設
中道之郵亭而廐馬晝閒復既燼之官衙而庭鴉群
集使令無衣帛之僕朝夕無兼味之食皆不孝燦隨
侍年餘所目覩者也丙申夏任恭人有疾邑人建立
道場處處齋禱五月十一日祖母奄逝宿民不知所
措乃泣告各上臺請留任候代漕督蔡公以手捫其
胸曰這官這點心無論爾百姓不捨卽本部院亦不
願學堂文集 卷之十三 七

忍聽之去也不孝燦視事丁酉春始克旋里秋八月
孝燦復叨鄉薦先府君哭告祖母靈前猶如先祖不
及見長兄獲雋之爲憾也戊戌服闋徵書沓至先府
君泣謂人曰三十年老孝廉捧檄而喜爲吾母也今
吾母逝矣尚能爲五斗粟僕僕道路乎已亥春長兄
擢守中都遣迎先府君及劉繼母不孝燦侍之南行
道間是秋有再行會試之舉遂自濠梁買舟北上乃
復濫提南宮蒙

先皇帝拔置中秘先府君馳書戒勉謂汝小子顯蒙

無似叨荷國恩處非其據宜忠以事君信以處友勤
以盡職儉以節用勿憚勞勿畏貧諄切備至庚子夏
復迎養先府君及劉繼母於京邸辛丑改補秋署先
府君曰凡屬王臣皆可自効况刑獄大事慎爾出公
高于公之門正在此也冬十月長兄死于官先府君
哭之痛癸卯不孝燦分校畿闈甲辰遷祠部卽中當
事者大興衡文之獄逮勘八月先府君憂危之情無
可告語不孝燦齋戒三日焚表於正陽門之關帝祠
願減十年筭事先府君以終天年是夜夢關帝從雲
願學堂文集 卷之十三 八

端直下謂不孝燦汝有善念吾代汝轉奏上帝矣
尋蒙恩釋放冬杪西歸完葺故宇墾闢蕪田爲終
身侍養計也戊申劉繼母棄世繼母善事先府君先
府君悲不自勝已酉娶庶母張氏以事朝夕與戊會
皇上釐清庶政申理被枉諸臣不孝燦蒙吏部題覆
應補原職仍以禮部別告謫用辛亥將侍先府君赴
都伯父執余手謂曰余老年兄弟一旦分張如花之
已謝當再無相會理余拜而告曰燦

聖恩前雪前枉足矣蝸角微名曷足復戀但燦自被

棄以來我父封典停格未給此去聊補一官山遂顯揚之私即當陳情歸養也四月入都門是歲即請給勅命先府君及王常兩母得封贈如例壬子仲兄除福建建寧令張庶母旋卒不孝燦補光祿寺掌醢署正癸丑察典初行兼之文武殿試俱有事於大官不敢遽陳私情甲寅春即循例請告蒙恩俞允抵家蓋四月廿有八日也伯父迎之喜曰汝可謂不食言矣先府君性不耐暑每到長夏終夜不能就寢入秋遂平如是者復四年今夏四月三日建寧人報仲

顧學堂文集

卷之十三

九

兄訃至不孝燦聞之痛絕繼念先府君春秋高恐不能堪匿不以聞麻衣待賓華服侍膳四旬餘日兄柩奄至不孝燦暨諸父昆弟勸慰再三先府君頗能自釋八月八日忽患淋痰火劇作已而兩足腫脹九日後又覺平復是月廿日爲初度之辰冠裳四集出御賓筵若往時然越三日遊南園親採菊花插瓶中自娛不孝燦見之心喜以爲沉痾既愈從斯以往無疆之壽未可量也乃是夜將半忽呼不孝燦至榻前謂曰我先景不好不孝燦泣問其故絕不言其所以然

次早精神頓減飲食漸少百治弗效至廿七日午中竟棄不孝燦而長逝矣嗚呼哀哉痛念先府君早年行履不孝燦得之傳聞及四旬以後居鄉居官日侍膝下故知之最悉生平宅裏寧謚接物平恕以守約爲體以自抑爲用學貫六經而不炫其長道高一代而不存其迹孝友施於家人溫恭稱於鄉里處榮名若固有當逆境如本無極人世之變履之澹如益得之天性者然也尤喜默坐嘗垂簾瞑目終旬不出戶闔客有顧不孝燦者譚論竟日先府君寂無一語及

顧學堂文集

卷之十三

十

去後乃從容評其是非示不孝燦知所擇也事伯父至老無情容年逾八旬歲時猶掖之跪拜晚年來或並坐談悰比肩如遊日嘗三兩會鄰閭之人見白髮兄弟朝夕依依亦無不敬慕焉其待不孝兄弟及諸孫也教之以安分讓人遵祖德畏王法勿違天理勿戾人情或有小過委曲訓誨絕不以厲色相加至族黨姻戚賓朋里閭懷德慕義人無間言至是哭臨既畢咸泣謂不孝燦曰先生平生學問守貞參大易之與主靜得濂溪之傳古人有私謚之義某等不揣僭

效易名之典謚先生以貞靜可平 不孝燦泣血再拜
詎不敢辭然質之先府君素履實無愧也先府君生
於故明萬曆二十五年丁酉九月二十日戌時終於
康熙十七年戊午九月二十七日午時享壽八十有
三甲子舉人前江南宿遷知縣以 不孝燦忝官 勅
封徵仕郎翰林院庶吉士所著有宿預實政錄行世
嫡母王氏邑庠生王公毓秀女性嚴正門以內凜如
也兩兄成立訓誨之力居多生母常氏三原庠生常
公強山女生 不孝燦 七歲而亡俱 勅贈太孺人繼
順學堂文集 卷之十三 十一

母劉氏邑人劉公述宗女庶母屈氏張氏子三長標
壬午舉人歷任江南鳳陽知府娶涇陽孝廉毛公宗
昌女繼娶涇陽孝廉維縣令韓公文焯女次燦辛卯
舉人福建建寧知縣娶三原庠生李公儀鳳女繼娶
涇陽庠生張公廷琬女俱王太孺人出季即 不孝燦
丁酉舉人已亥進士由翰林院庶吉士歷任禮部祠
祭清吏司郎中娶邑庠生房公中式女封孺人常太
孺人出女一適三原明經薛公鳳子庠生貽燕屈氏
出標子二圻太學生娶涇陽真寧廣文王元士女域

業儒娶渭南吏部文選司副郎李毓英女女二一適
華陰庠生王弘學子庠生宜述逝一適邑孝廉米調
陽子庠生鑄燦子六繼儒太學生娶渭南官生南廷
鈇女繼娶高陵遊擊吳子騄女堪丙午武舉娶三原
庠生維濤女增太學生娶邑庠生荆維世女孩庠生
娶邑武舉段集龍女塏業儒娶邑庠生陳曰仁女塏
尚幼女二一適邑庠生任佐元子庠生璈一適邑湖
廣布政司叅議王孫蔚子舉人天寵俱逝 不孝燦
一塏尚幼圻子三餘慶錫慶具慶女一堪子一行慶
順學堂文集 卷之十三 十二

女一增子一積慶女一塏子一善慶俱幼蓋孫男九
女四曾孫男六女三云外曾元孫不備載 不孝燦
迷之中語無倫次惟 仁人君子憐其心之痛而恕
其詞之陋焉 錫以鴻章彰幽闇微俾先府君藉以
不朽則存歿之感聊結難忘謹礪石以俟

建寧令仲兄漢公行述 戊午

嗟乎余半載之間既述我父又述我兄亦獨何心寧復忍於搗管耶第卜葬有期在輩將丐銘於大人長者非狀無以表其生平哀求再三誼不忍辭乃拔淚而爲之狀焉

兄諱燦字漢公別號彤車世系詳先府君狀中先府君三子兄其次也先嫡母贈太孺人王氏所生兄長余十有七歲余總角時兄已二十餘矣伯兄燦江南鳳陽知府長兄一歲髫年並就塾師每夜歸王太孺人課之燈前稍弗力嚴懲之不忍故兩兄皆早有令譽先後俱以十三入學試輒高等斐然燾序稱二妙焉憶壬午冬余以先生母常太孺人見背隨王太孺人寢食一日薄暮風過門闌紙聲謾謾太孺人曰此賊風也聽者不以爲然至夜二鼓果有暴客數十輩排闥而入時兩兄皆寢處隣屋太孺人聞變急呼長兄披衣曳履舞雙鋒大叫而出賊徒爲之披靡兄不及着衣疾趨太孺人所以身翼太孺人榜掠脩至不

少避焉次年癸未闖逆破城太孺人死於難家徒壁

立兄避亂莊村且耕且讀出入與疇人伍欣然自下鄉里之人以醇謹稱之辛卯薦於鄉壬辰試南宮不第自是雖屢困公車而潛心力學無異爲諸生時脩置祖塋編次宗譜由族黨姻戚以至里閭和氣迎人遇之者若坐春風中壬子就選天曹授福建建寧令時余亦侍先府君候補在都兄愀然不樂曰余叨第以來二十餘年異得一善地以遂迎養之私今閩南萬里遙望白雲承歡之期未可知也是歲七月抵任建寧古綏安地也崇山複嶺爲綠林淵藪被盜之家

與捕盜之吏皆林于功令不敢發兄下車之始慨然嘆曰吾豈愛一官而累吾民也廉得其渠魁立真諸法餘党與之解散至土兵害民克如虓虎尤非捕役輩所可撲滅者乃選拔鄉勇什伍而團練之有害民者擒殺之毋問自是不逞之徒畏法斂戢民生稍安夫然後輕徭薄賦尚德緩刑與之休息一載有餘前建寧遭洪水之害學宮圯至是捐資倡衆鳩材興工殿廡廊舍煥然一新至如城臺驛館鼓樓營房以及梵宮道院之有關於風氣者無不次第修葺更出

顧學堂文集

卷之十三

十五

其餘力造溪東橋建江月亭琴靜花香百里之內翕然稱上理矣無何甲寅春會城一變閩中八郡竟成土崩之勢綱紀凌遲群小鴟張雖市販之徒稍有攀援皆得建牙開府而稱將軍焉兄一日以催糧下鄉留家屬在署一二無賴輩欲得而魚肉之鼓噪而起家人惶惶不知所措先是建民有家人殺人而前令不察概擬抵償者兄訊知其枉立與開釋其人固大俠也有事以來捐資募衆得數百人誓翊兄平亂以自報是日聞城中有變乃呼集其衆環城而陣謂城中人曰吾父母公出而爾輩蹂躪其家置吾子弟於何地可善護之出城則兩相安于無事不則斬關而入勝負未可知也城中大懼乃送家屬出城雖七箸無一失焉復命健丁數十人送至山谷僻處盡則飲食供給夜則鼓角巡邏真不啻家人父子然歸正以來建民百千成群泣留於大將軍督撫部院情殷倍寇兄以家大人春秋高志在歸養堅不奉命今歲正月四日忽發背疽醫治不效旬日之間遂不可起矣建民號泣如喪考妣相地立祠伐石豎碑邑人謝國

顧學堂文集

卷之十三

十六

傑爲之記時兵燹之餘家徒寥寥建人有姜三郎者隻身萬里西來報訃發柩之日男女提攜泣送數日壯者有送至漢口以北者接見家人乃還抵家蓋五月十有八日也當兄之辭官弗就也亟欲歸事老父以終餘年不謂所懷不遂中道淪亡靈車初返老父見之悲不自勝秋來一病竟不能支嗚乎哀哉兄未遂將父之志客死天涯父反抱傷子之悲遽摧晚景因憶昔日之拜命神傷黯然就道者亦竟成今日之兆矣兄天性朴誠幼承庭訓恭謹自飭襲溫處厚絕無統蔭之習登第以來雖世變之後家道中落安心守約不營私以自殖不恃勢以凌人恂恂出入人無間言其服官也誅暴安良興廢補缺至立決大獄得豪士於縲紲之中其感動群情暮月之內若數十年之久者此其識力超卓措施宏深尤非鮮淺之見所能測也兄生於故明泰昌元年庚申十二月十三日巳時終於康熙十七年戊午正月初四日戌時享年五十有九初娶李孺人三原庠生李公儀鳳女有才幹操持家政稱內助焉繼娶張孺人涇陽庠生張公

廷琬女其子孫姻婭亦俱詳先府君狀中李孺人生于天啓元年辛酉十月初十日午時終于順治十六年巳亥四月二十四日午時享年三十有九先葬于祖塋之右今擇來春三月初二日將啓壙而合窆焉伏懇仁人君子不吝如椽錫之誌銘藏之萬年之室則先兄死且不朽余暨諸孤亦且不朽謹啓

王嶽生曰筆力矯健暴客大俠姜三郎三段寫得淋漓盡致得史家之遺

願學堂文集卷之十四

臨潼周 燦星公著

墓誌一

河南臬僉呂闇然先生墓誌銘 丙辰

余邑呂闇然先生幼與家大人同學同薦於鄉豕君刺史公與余稱世誼最篤茲持其先生暨蓋費兩安人行狀以誌銘命余余通家子不敢以辭謹誌之如左先生姓呂氏諱涵炳字虎伯號闇然潼之相公莊人遠系肇自四岳至宋晉伯昆仲以理學名相顯於

藍田十世孫昇徙居於潼潼人美之故名其莊爲相公云先生生而穎異讀書日數行下一覽輒成誦十一補邑弟子員試輒冠軍會以恩例入太學遊歷既廣學日以進甲子以尚書魁多士自是赴公車屢不售意氣自若益肆力於學問辛未北上試未畢忽心動即以父疾爲慮策馬西歸而太翁果見背矣居喪三年一遵古禮繼以史太君春秋高就祿鄭州學博旋丁太君憂起補澤州時當勝國之末流寇四起大河南北遭其蹂躪先生素負大志盱衡時艱每奮袂

而談慷慨激烈不自知其爲廣文先生也當事者咸
奇之疏於朝超拜汝州知州汝處環山之中尤爲綠
林淵藪先生聞命喜曰是吾致身時也卽率數僕人
抵任招募土豪署分部伍增亭障廣斥埃壁壘旌旗
巍然成巨鎮矣王子房中丞大奇之漫流圖堞諸戰
類皆出奇制勝復密擒僞相牛僞節度李家口爲招
撫大計中丞每對僚屬大聲曰汝州真鐵漢子屢疏
於朝而一時郡邑聞風披靡者指不勝屈先生一腔
憂憤發爲詩歌有豈不艱天步惟思報國恩萬里關

願學堂文集

卷之十四

二

河徒有恨一身天地總無家之句會孫白谷督師提
兵東下先生以中原安危在此一舉襄邲一帶爲賊
兵往來之地應設監司以扼其要請於諸當事諸當
事咸相頤曰無踰公也遂以臬銓駐節汝洛之間調
度軍食不悞飽騰不苦輸輓一時倚以爲重無何督
師敗績兩河三輔遂成土崩之勝先生所儲芻蕘糗
糧猶望之如京如坻也可勝嘆哉可勝嘆哉自是角
巾歸里閉門謝客口不談當世事足不履長吏之庭
讀書自娛爲文喜司馬子長蘇子瞻而原本六經議

論一歸於正詩法少陵北地晚年諸作尤有靖節遺
風所著汝州集行世先生事親孝待諸弟友推父母
之愛以養諸姑推姊妹之愛以育諸甥尤人所難至
其出處大節介然不苟蓋曾子所稱君子人也以刺
史公貴暨元配蓋安人繼配費安人得贈封如例蓋
安人賢而早逝費安人後先生亡應稱太安人太安
人嵐縣尹池陽費育吾公女也善事翁姑曲意承歡
凡井臼烹飪皆身任之其在鄭學偶有寇警太安人
以母居危城不應以師席坐視先生拮据捍禦獲全

願學堂文集

卷之十四

三

其城及守汝州先生義不內顧然操持家柄斟酌調
劑使得端心於王事者太安人力也遭兩尊人喪克
襄大禮無少替事至闖寇入關以先生持節汝陽志
藏逆醜必有反爾之慮與之偕隱以保身名教刺史
公卒能成立撫側室子無異已出可稱德配焉先生
生於故明萬曆丁亥九月十日辰時終於康熙辛亥
二月八日辰時享年八十有五太安人生於萬曆戊
戌三月十日子時終於康熙丙辰四月十三日未時
享年七十有九子二長振之卽刺史公也以明經歷

任山東兗州府通判娶楊氏贈安人繼葛氏封安人
妾陳氏次颺之業儒副室秦氏出娶董氏女四長夭
次適三原蓋及裔三適喬迺四適庠生武象璫俱卒
孫男三說誼振之出誼颺之出俱幼孫女四長適庠
生任風厚振之出卒餘俱幼振之出一颺之出二今
於本年六月十五日合葬先人之隴乃系之以銘曰
四岳之裔國南陽宋室藍田呂再昌潼有憲府嗣其
光學足名世世莫知才足濟時時難爲嗚呼汝水逝
如斯妻也溫恭稱嘉耦子也勲名步前驟綸章五色
願學堂文集卷之十四 四

慚有道題

孫豹人曰銘佳都有來歷

贈柱史張公墓誌銘

丁巳

贈柱史張公諱國裕字季良號居素先世河南汝陽
人祖興暨順明初遷居於潼數傳生克佑克佑生世
宰世宰生汝孝號東峰公父也世德發祥爲張氏肇
興之祖封給事中配常王于三太孺人子七長公者
三國祥給諫今高平令泗源其子也國禎贈令尹棲
霞令正誼其子也國祚明經並公俱常出少公者三
國禧增生王出國機廩生國祺庠生俱于出公天資
高邁早歲讀書務究大義不屑屑於尋墨數行長兄
願學堂文集卷之十四 五

給諫公與蒲城原松英孝廉講伊洛之學公多所請
益及補弟子員聞長安馮恭定公以斯道爲已任偕
諸昆季與之遊領悟獨深每撤講席冲然有自得之
致恭定公常嘆曰吾道其不孤矣人擬之呂陸兄弟
云一日父舍有暴客數十勢甚迫公隻身持挺冒刃
而出醜徒爲之辟易父得無恙其仁者之勇有然父
命析產有膏田數十畝意在幼子公會其意即直筆
註給之居平持躬惟謹給諫公視草掖垣公歛迹不
謁官府間入城市布衣徒步人不知爲夕郎弟遇人

有急即罄資周給不計其報其寬仁之性又如此初娶房太孺人邑文學房惟德公女也賢而早卒繼娶劉太孺人邑耆德劉松熙公女克嫺婦訓翁姑妯娌無間言生咸一昆季方在乳哺提携間公奄忽謝世彌留之際謂太孺人曰我死無所憾惟父老未得終養子幼未見成立汝其善體我意未十旬東峰公見背時異爨伊始大喪頻仍太孺人課農工織克襄典禮一經教子夜分不寐戊子咸一登賢書壬辰成進士兩弟亦先後入學太孺人喜且悲曰我忍死相待

廬學堂文集

卷之十四

七

不即就木者以有汝兄弟在今見汝輩漸次成立我可以無愧先夫子於地下矣咸一初令博陵地近畿輔以通逃羅法者衆乃設法稽察多所全活太孺人曰汝不以甘旨養我而以善政養我雖菽水可也及咸一內召拜御史巡鹺兩浙建白數歷所在風生然無有不奉慈訓而行者稟性儉朴衣不曳帛食無兼味待子婦有禮遇嫺戚有恩臨僕婢有法門以內雍雍如也秩秩如也先是兩子並殯太孺人哭之痛至是咸一以養假告歸卒於里第太孺人悲不自勝又

念諸孫孱弱勉自任總持家柄內外嚴肅故數年以來雖家無長主而門庭凜然安善如故者太孺人之力也公生於故明萬曆己丑年十二月十七日丑時卒於天啓乙丑年正月初六日卯時享年三十有七贈廣東道監察御史元配房氏繼配劉氏生於萬曆辛丑年三月二十二日巳時卒於康熙丁巳年六月初八日申時享年七十有七俱贈封太孺人子三長志尹戊子舉人壬辰進士廣東道監察御史初娶許氏繼王氏繼米氏俱贈孺人繼劉氏封孺人次夢

廬學堂文集

卷之十四

七

尹庠生娶盧氏繼劉氏季承尹庠生娶吳氏女二一適蒲城王馨徵一早亡孫七爲志尹生者四長濟太學生次涓次諫次庚爲夢尹生者二長沆庠生次洽爲承尹生者一云琦太學生方咸一之官於朝也與余同時兩弟皆幼相善茲值劉太孺人壽終諸孫云琦等擇於本年仲冬十有七日啓贈柱史公暨房太孺人之兆而合窆焉公兄子建中令尹與余爲同年友撮述大槩以爲之狀而以誌銘屬於余謹受狀誌之而系之以銘曰

惟德也無蘊而不彰惟時也無待而不昌豸冠戕戕
玉珮鏘鏘以大前人之光驪山之下渭水之傍含靈
孕秀莫此幽堂

孝廉王孟謙墓誌銘

丙辰

嗚呼余安忍誌王子耶王子情於家漢公仲兄而兄
子先逝每對王子不勝柳絮吟詩之感今不覩王子
者又七年矣擗管之際能無愴然於懷耶王子諱天
寵字孟謙別號蓮友潼之東梁里人茂衍藩伯公子
也遠系詳別志中大父贈君爲經裏先生有子三長
海嶼公石屏刺史次華賓公辰州司李藩伯公其季
也趙淑人夢日光照楣而生王子偉哲異常兒未終
月淑人逝二伯母徐孺人撫之甫四歲忽問母生忌

辰聞者咸嘆異之六歲就學於從叔父雲章文學稍
受筆能爲頴句九歲侍藩伯公守上谷一日題句於
署中之東花亭云竹深青映石雨過碧連江兩伯父
見而嘆曰此子豈宿世詞客耶胡乃能其所未嘗肄
者繼侍藩伯公備兵青州督糧德水師事蠡吾梁正
道文學高陽董孔昭進士學業駸駸日進藩伯公晉
楚臬假道歸里復從朱葆光孝廉遊十五歲補博士
弟子員爲學使馬適聞先生所鑒拔已而省藩伯公
於楚省隨從之閩藩任舟行數千里歷覽名山大川

文思益復灝宕逾歲藩伯公北歸川途味懷浩然有
作王子必依韵成什間復另杼機軸皆飄飄有凌雲
氣李包闇太史爲之序合付剞劂名之曰北歸草于
時也司李公以分校之役畢會武昌先是迎兄子於
辰遂同歸李署成合香禮明年西旋過洞庭風濤大
作排檣摧檣從舟相失王子焚香默坐了無震懼其
器宇鎮靜有如此者抵家未幾藩伯公謁補北上時
王子以臬蔭入成均遂同朱葆光孝廉並赴春明過
太行渡汾水歷唐虞舊都凡登臨所及父子倡和師
願學堂文集 卷之十四 十一

部之門時年二十矣丁未居司李公喪哀毀逾常蓋
司李公撫王子最篤故王子事之有加也時藩伯公
補楚省糧憲王子往覲之嘗與客酌於署之西堂則
席作西堂賦綺思繡句警欬立成客有嘆者曰與公
之天台庾子之小園未易過也未幾辭歸藩伯公曰
人患不能用心汝正患用心太多耳耗神搥精非保
合之道守身所以事親汝其勉之歸家續娶焦孺人
中壺有佐遂下帷專業毫不閒門外事然竟以積苦
得病是歲己酉秋深病轉劇徂春遂不可起時僅廿
願學堂文集 卷之十四 十一

蒙竹亭詩亦不忘就正於余之意也王子經史之餘留心內養著有道元集要中和指歸大羅衣鉢諸解縱未遽得長生久視之術何至不能與庸常之輩較其修短蒼蒼者天果可知耶不可知耶嗚乎傷哉茲弟文學某將於本年二月十有二日附葬王子於荆村南之祖塋持其狀以幽堂之筆請余余誼不可辭乃爲之誌而系之以銘銘曰

卓彼王子驪山之英髫年作賦弱冠蜚聲金臺奪幟譽滿公卿昂霄聳壑邦國之楨子安早喪長吉促生

願學堂文集

卷之十四

十二

青山留句丹水藏形兩媛從之容與層城文垂百代蒙竹之亭

趙玉譜曰賞嘆處正是慟悼之至墓誌文之有情致者

定遠將軍趙攸同公墓誌銘 乙丑

公諱萬福字攸同先世河南洛陽人自宋室南遷燕慙之後始家於紹興山陰公其後裔也公幼而穎異早年失恃廬墓三年有白鳥棲於宰木長好學每讀書至前人忠孝事不忍釋手有時泣下其性之所感有獨深者屢試不售乃幡然曰大丈夫立功疆場佩黃金印顯親揚名亦何必守定章句老虎毛雛乎遂從事戎行所在著有異績歷官山西龍門叅將持已廉馭下寬輕裘緩帶有古儒將風娶丁氏亦以孝稱

願學堂文集

卷之十四

十三

一日毋沈病公焚香告天剖股肉投藥內丁亦默禱電神剖股肉投粥內不期並進相視默喻各含淚不言惟恐母或覺也母先啜粥後啜藥少頃曰吾神氣頗自清爽矣未幾復作遂不能起公乞終制格於例嘔血卧牀以病請乃得歸又廬墓三年朝夕悲泣冬月大雪墓前忽產靈芝九莖每夜輒吐光如星芒此地亦無積雪人皆以爲孝感云田孫若先生爲賦雙孝詩十章丁氏卒側室王氏繼殯公獨處一室讀書考道怡然自得二十年來如一日也性謙和無疾言

厲色然遇有不平事輒毅然爭之不少假至敦宗族
睦鄉里排難解紛扶危濟困尤近世所罕見者公生
於故明萬曆己酉九月十六日辰時卒於康熙甲子
十一月二十八日申時享年七十有六高祖諱

字耐善妣許氏常欲卜築鑑湖曾祖諱 字勤誠

贅於胡氏地名古城卽鑑湖旁承先志云常拾人遺
金一囊掩草中守之待失者至取付之遠近稱爲長
者祖諱 字兩崗太學生妣王氏生三子長諱

字養元迪功卽是爲公父太學公早卒王母堅貞

願學堂文集

卷之十四

十四

苦節教育諸孤卒能成立迪功能守父志積有陰
德常謂人曰吾後世必有興者亦早卒妣沈氏茹荼
課子無異於王而善事姑嫜克盡孝道尤過之公祖
父俱以公貴贈定遠將軍祖母王母沈贈封太淑人
元配丁氏封淑人邑太學梅峯公女孝於親宜於家
蓋三世皆賢母云淑人生於己酉十二月初三日戊
時卒於康熙癸卯五月二十三日辰時享年五十有
五男三長宗業山陰庠生娶胡氏瑞辰公女繼娶李
氏茂林公女丁出次宗旺次宗定並殤女一適甲午

科舉人陳漁俱王出孫男一奕桓李出孫女三長胡
出殤次二俱李出甲子仲冬余赴守南康偕趙子以
往因述及老父在堂家山千里不勝瞻雲之思及抵
康四月而公之訃音猝至趙子悲悼之狀幾不能堪
已泣陳其世系以誌銘請余余覽其狀而知公之至
孝格天凡書傳所載有不可及者趙子之能守先德
實公有以啓之也遂不辭固陋而誌之如右併系之
以銘曰

夫孝於親今尤孝於親之親今鳥飛芝秀亦所感之

願學堂文集

卷之十四

十五

獨神兮代有賢母門多孝子詢世德之醇今鑑湖之
濱山高而木茂吾願與之爲隣兮

願學堂文集卷之十五

臨潼周 燦星公著

墓誌銘二

先慈常太孺人墓誌銘 已未

余母 贈太孺人常氏生余七歲而亡藁葬邑東郭外三十餘年鬣封未就蓋有待也客秋九月家大人棄世嫡母王太孺人早亡前已葬于祖塋今春三月二日啓墳之初欲併移母柩合窆焉乃相度方域逼于列塚實無尺地可容諸形家者皆言舊地甚佳但

願學堂文集卷之十五

一

葬稍下耳莫若仍其地而遷其穴爲盡善也余謂耐葬既艱輕動非宜猶豫者久之會余妻房孺人既喪意欲葬之母塚之傍卽爲余異日首丘之地庶余母九原之下旣不能從夫尙能從子余雖不能侍父猶能侍母揆之幽情或少愜焉而又以塚前迫隘爲嫌形家者曰舊穴上移地勢軒敞耐葬新穴此兼善之道也余不獲已擇于今秋七月十一日葬余妻房孺人先移余母泉室爲萬年之安宅焉因憶余母之亡也余僅能想像音容其素履遺行有不能追識者記

願學堂文集卷之十五

二

四十雖默承母蔭仰荷 國恩叨列侍從之班寡過未能中懷有愧至大官之養母未得一日享焉象服之榮母未得一日受焉欲報深恩昊天罔極此尤余通天之罪百身莫贖者也母父強山公母仇氏伯父河南巡撫中丞諱道立者也蓋池陽巨族云兄文學德符公數十年來依余朝夕令權厝母塋之次母生於萬曆己未年二月初七日辰時卒於崇禎壬午年四月十二日巳時享年二十有四余官庠常時恭遇皇上登極覃恩得贈太孺人焉子一卽燦丁酉舉人

已亥進士翰林院庶吉士歷陞禮部祠祭清吏司郎中娶房氏邑文學房公中式女封孺人孫男一填業儒孫女一尚幼嗚呼余遷母之葬也冀求名公卿一言爲重壤先以記憶未詳採輯無據過爲褒飾非余母志也乃不辭諛陋謹誌其大畧而系之以銘銘曰恍然若邁今母之儀兮邈不可追今母行之宜兮其可思兮其不可思兮予心之悲兮驪山之下兮渭水之涓冀侍乎慈顏兮千秋于茲

孫豹人曰文勢生動遒緊劬勞罔極之思復溢於

願學堂文集

卷之十五

三

楮墨之外

亡妻房孺人墓誌銘

已未

余妻房孺人者邑文學淑儀先生女也先生有隱德行誼稱於鄉里娶於陳生孺人三歲是爲甲申

皇清定鼎元年也余家遭流寇之變家大人避亂山阿聞先生名因往依焉館之別墅飲食饋遺意甚渥也余方垂髫先生撫余頂曰此大受器也以孺人字之越九年癸巳始歸於余先慈早喪祖母任恭人愛育余因及孺人時余已補邑弟子員乙未侍家大人于宿遷令署讀書樓上每夜分孺人以果餌餉余弗

願學堂文集

卷之十五

四

肯先就寢也會祖母卒于宿丙申西歸丁酉已亥連叨甲第蒙

先帝簡拔濫厠玉堂之末庚子迎孺人侍家大人暨劉繼母于京邸孺人待人接物抑抑自下無異余爲諸生時也甲辰衡文獄起就逮刑曹八閱月始得歸里孺人勸余以義命自安然念及無端被誣不覺有戚戚于中者辛亥荷

皇上賜環起補光祿時劉繼母已亡仍侍家大人北上吏部題請 恩典父母妻室得贈封如例孺人謂

余曰余非徒以章服自榮數載沉寃得暴白于天下後世於心足矣浩蕩

皇恩報稱之力可不勉諸甲寅陳情歸養孺人督理中厨菽水之供始終罔替戊午秋杪家大人棄世先是孺人妊娠有恙至是悲傷過甚元氣日剥仲冬初七日生一女孺疾遽作困頓中見余摧毀狀復強詞勸慰乃旬日之間醫藥罔效叮嚀後事握手訣別嗚呼哀哉可勝言哉余幼而失母依依家大人曾未少離膝下孺人朝夕之奉數十年一日也雖未及事余

願學堂文集

卷之十五

五

母歲時祭享誠敬有加至于諸父諸母妯娌姊妹以及親戚故舊莫不隨其分之所宜予以情之各盡性安簡淡從余兩任京邸未曾置一金珠釵釧衣被澣濯再四雖甚敝不遽棄也邇來事神尤謹諸經文能按句背讀供獻之屬稍有不潔必更爲之御下嚴正或其人老病無知則衣食之偏厚其公溥之懷有然也捐帷之日遠近親疎無不號呼悲嘆嗚呼此亦可以觀孺人矣孺人生於故明崇禎壬午年二月十六日子時終于康熙戊午年十一月二十五日卯時

享年三十有七生子五女一俱未育第四子塚六歲而亡穎悟絕人尤深痛悼今僅存一女即客冬所生者也淑儀先生無子有女如孺人先生傳矣孺人有女傳孺人正未艾也孺人體質修潔舉止雍容有福相焉其持家也不屑屑于米鹽細務而坐鎮中閨內外之人罔不奉命惟謹余或有不如意事聽孺人談說義理爲之釋然佐余之益有不可以形迹求者今也已矣嗚呼哀哉可勝言哉因憶客歲夏日偶讀李崆峒集至左宜人墓誌銘蓋深悲其詞之質而情之痛也因爲孺人誦之亦欬吁不自勝會幾何時而孺人告殞矣余不及崆峒奚啻倍徙孺人懿行表表不可以無傳也今擇于本年七月十一日酉時葬孺人于先母常太孺人之左乃誌其生平而爲之銘焉銘曰

介然者性也廓然者量也綸誥煌煌德厚而光也令聞洋洋行至而彰也嗚呼愴然于余懷者不可言渺然于余衷者又安可忘也

願學堂文集

卷之十五

六

臨洮廣文謚和靖先生乾甫伯父墓誌銘

庚申

嗚呼余自惟誼陋深懼弗類安敢誌我伯耶然伯於余愛同於父教逾於師今歲三月有金陵之行伯密以緘示曰我沒後幽堂之筆須汝爲之嗚呼伯豈預有所見而命及此耶此治命也余雖誼陋無似又安敢不誌我伯耶乃憑楮披淚而撮述其生平如左

伯諱祚弘字乾甫號潼渚晚稱天叟居士祖中議大夫四川臬副諱道直子也曾祖贈君諱岐高祖處士諱邦佐世有隱德邦佐父爵爵父貴貴父麟麟父通

願學堂文集

卷之十五

七

山西洪洞人明初司訓於秦值紅巾之亂遂家於潼稱始祖云曾祖三子叔祖道洽懷柔令道昌南鄭廣文祖爲之長祖亦三子次余父諱祚永江南宿遷令封翰林吉士次諱祚延文學伯爲之長曾祖娶於張祖娶於任俱以內德稱任爲潼之名族祖德業勲名翼相之力居多張封太恭人任封恭人恭人一夕有紅日之兆寤而生伯聰穎非常七歲從塾師學十一隨祖任閱邸報能誦說大意祖令讀通鑑及秦漢文古今事變了了胸中學使洪翼聖先生試弟子員讀

其文奇之拔居前列自是應學使試輒冠其曹應省

試弗利以應省試者應學使試復冠其曹如故如是者幾三十年已卯科學使汪歲星先生閱其闢牘嘆曰子文如出水芙蓉即無目者亦當摩取既而謂曰分校某毫而荒如落此公手恐又在孫山外矣榜發果然伯曰斯命也夫斯命也夫焚棄筆硯不復爲帖括業自題句云十科不第終何用五十無聞祇自知先是藍田有王秦關先生倡明理學祖中議公出其門下伯亦得聞緒論至是潛心默誥考朱陸之同異

願學堂文集

卷之十五

八

窮孔孟之淵源嘗謂大學慎獨二字乃入門下手工夫又語人曰我少好詩賦老識其非今見周子太極圖及張子西銘得先聖正脉終日佩服乃手書座右覺欣然有會於心 國朝以明經司訓臨洮府附邑狄道楊椒山先生曾誦於此建超然書院爲諸生講學地歲久寢廢伯重爲修葺延多士誦讀其中遠近學者宗之初謁祠詩有一時悟徹顏曾理千載遙成龍比隣之句蓋椒山爲韓菼洛先生門下士人只知其忠節稟稟其邃於理學或未之知也以母憂旋里

晚年來家計蕭然雖居闕閭中其負守道行不溺於市廛跡不達於公府四方聞風者衆而得見其面者罕矣天性孝友兩尊人生事死葬備極情文祖母八旬有一忽生異瘡延醫者施刀圭伯不忍仰視泣拜於地忽見白袍修髯者立於醫前旋得平復神明之佑亦其孝感然也兄鳳陽太守燦建寧令尹燦俱受學於伯皆先後獲傳伯詩有云七歲從師薛俊才年垂知命尚徘徊父偕弟侄皆登第笑我陳陳肯荷杯一時同社友多掇巍科爲名公卿及門士登甲乙榜

顧學堂文集

卷之十五

九

者指不勝屈伯獨名不稱學位不符才時人爲之憤悼嘆惜而伯乃坦懷自適毫不介然於中其得於學問者深矣歲乙亥邑寇萬餘忽薄城下伯在省聞變擣都御史臺鼓陳狀都御史色動遣兵千名往援以令箭付伯伯令家人立轅門外大呼曰令箭行矣後至者誅無赦俄而官兵四集賊解圍去全活生靈無算至於推恩於故舊加惠於黨里時疫搶藥以療病歲竟資粥以賑饑崇教育之地而增飾宮牆廣好生之懷而愛惜物命尤其餘事也憶丙申秋余扶祖母

任恭人樞歸自宿遷從伯受制科之學伯教以詳參傳註格效前民理必朱程是遵法必王唐是守余兢兢猶持不敢有違丁酉己亥連叨甲第讀書玉署伯馳書告余曰韓昌黎蘇長公僅文人之雄耳更有向上一層在余以天下第一流人物期汝勿沾沾以詞章之學自負也甲辰余解組歸田伯與余父白髮並肩朝夕依依勉余以聖賢學問越八年辛亥余赴召北上將侍父同行伯謂余曰余老年兄弟一旦分張如花之已謝當無再會理余拜而告曰此去聊補

顧學堂文集

卷之十五

十

一官報 聖明再用之恩即擬請告歸養必不戀戀鷄肋使吾伯有白日看雲之嘆也甲寅假旋伯執余手笑曰汝可謂不食言矣自是與余父歡晤如常至戊午九月余父見背伯悲不自勝然年已八旬有五矣數年前日者家多言歲厄尋亦無恙余私喜告父曰我伯道德尊重真有造物不得而域者兩年來神靈神和色澤溫愉余意期願之壽或未有艾今春三月辭之南行九月歸家而伯已長逝矣嗚呼哀哉伯於撫恩深義渥其病也口不曾湯藥其沒也手不親

含歎一朝輕別畢世長遠已矣焉哉終天之痛曷有極哉聞余伯之亡也天宇泰然神思湛定自題其像曰八十七歲出處自由不愧不怍學明行修居常致畏事必反求全受全歸夫復何尤名曰和靖千禩其休嗚呼視柳下黔婁之誅於妻朱穆朱邑之謚於子更為切矣前一日尚能執筆尺喪葬諸務無一不指示精當獨於穴地謂我不能定須俟余歸議之蓋伯當附葬於祖墓之左昭也昭陽而穆陰陰從陽而主常陽兼陰而主變在左則居左在右則居右其說見

願學堂文集

卷之十五

十一

王陽明凌儒人墓誌銘中先是伯母孫孺人之葬宜從左而虛右乃右藏而左虛悞也今擬伯與伯母同為一穴而更定其次仇庶伯母為一穴附孫伯母之左所謂以子貴者余平日嘗以此義質之於伯伯知余考求古禮必不遺地下之憾其命待余議者亦此意也伯生於萬曆二十二年甲午九月初七日巳時距奉康熙十九年庚申六月二十七日戌時享壽八十有七元配孫孺人涓上巨室也性純淑能讀書事翁姑以孝聞生女一適邑太學生王長之子太學生

自修亡遺子女各二側室田氏姜氏仇氏俱亡仇氏三原人歸余伯能婉孌執婦禮晚生子焯庠生娶邑庠生劉三徵女生子埈業儒女二尚幼伯早子連殤中年多病艱於嗣孕乃能從容守靜培養天和五十有九始舉子今孫且垂髫矣仁人有後不其然歟伯雅負經世之才嘗言趙中令用半部論語治天下不必也在我只須敬事而信三句足矣廷試時當事欲授以縣正伯恐銓除遠地養爵為艱不應在臨洮日會川省有司缺員巡撫中丞移檄河西按君擇廣

願學堂文集

卷之十五

十二

文中之異等者就近題補司理滑公欲以伯請伯復以母老力辭之其倦懷高堂堅難進之操有如此待人和平坦易雖卑幼無疾言厲色至弗類者聞其教言無不爽然自失如春風之動物不自知也嘗言生平存心敬恕無一事不可對人言於前賢中尤慕曾子謁孔廟時再拜曰我受益於公者多也所著有兩香亭稿史約年譜若干卷工楷隸尤善于行草平日札示余彙為一帙誌手澤焉拍帷之日遠近聞之無不嗚咽鄉國哀哲人之逝師儒興吾道之悲寧止余

一家一人之痛而已哉今擇於本月二十日歸伯於
萬年之室追維往昔把筆神傷謹誌其大畧而系之
以銘銘曰

渭川東下雙峰繡夢兆紅日神光佑少年高步文章
園伯仲班揚塤篪奏繼向六經默體究鄒魯重關徑
自扣兩字慎獨日三復善惡好惡辨色臭嗚呼此道
千年後紛紛議論競垂謬悟得本來一點透朱陸薛
王無異授遭時未展經綸就高名一代垂宇宙譬如
曦輪視列宿八十七年仁者壽丙壬定葬祖山副庚

願學堂文集

卷之十五

十三

申冬仲兩旬候爲銘猶子敢辭陋

孫豹人曰長篇撫縱有法耐葬昭穆一段講求古
禮議論精核尤人所難及

願學堂文集卷之十六

臨潼周 燦星公著

祭文一

祭劉繼母文 戊申

嗚呼痛哉我母竟逝耶躬備醇德不享其年而竟逝
耶 燦 在楚南 燦 在冀北七旬二歲之老父惆悵焉依
三千里外之孤踪徬徨無措言念及此痛悼曷窮伏
思我母柔善性生夙嫻女訓處閨中日即能解衣推
食贖濟貧乏有仁人長者之風癸未歲邑遭流寇之

願學堂文集

卷之十六

一

變 燦 母王太恭人死於難 燦 母常太孺人早卒我父
聞其賢而聘之母來之日正際時難遷徙靡常事先
王母任恭人小心謹慎克全婦道對我父如賓端坐
終日無惰容飲食起居先意承順二十餘年如一日
也我父宰宿遷母隨之官退食之暇即以繫已愛民
爲勸宦卽二載未嘗剪一衣置一珥者會先王母卒
于宿母扶柩西歸佐理喪務助我父所不及後亡兄
孀迎母至中都 燦 迎母至京卽母訓之以勤課兒婦
以儉居常持齋茹素備極潔誠糲食敝衣不輕毀棄

待人寬弘視奴僕饑寒不啻在躬雖園丁佃夫亦無
不懷其澤焉燦于七月初二日歸家燦于八月十七
日歸家門間依然庭堦如昨想像慈容不可觀矣今
於九月初六日卜葬東郭之外薄設几筵用將孝思
慈帷風靜蠟炬光暉庶左右之瞻依恍靈神之來止
嗚呼痛哉

祭先嚴文 戊午

嗚呼痛哉我父竟棄不孝兒等而長逝耶憶我父在
日一時不見兒則詢之諸婢半日不見兒則問之諸
僕今胡爲三旬有餘而竟不詢問及兒耶父其忍棄
兒耶兒痛曷極父不忍棄兒而竟棄兒耶兒痛更曷
極嗚呼痛哉追惟我祖之肇基驪下也至大父中議
公創業垂統佑我後人我伯我叔砥行懋學並振家
聲我父賦性純良持躬簡靜早遊藝苑高掇巍科屢
赴公車而不第并依親舍以承歡讀書明道閉門課

子垂二十年大父賓天遭時不造神州板蕩兩母殞
生我父奉親避亂展轉山阿憂危備歷迨
皇清定鼎續娶繼慈兩兄先後成名稍有寧宇但播
遷以來家徒壁立日侍萱闈菽水不給爲貧而仕剖
竹鍾吾入奉慈訓出敷嘉猷仁心仁政載之方冊宅
憂旋里除服懸車嗣迎養於中都旋娛綵于京邸策
杖西歸風高五柳乃兒重蒙 聖鑒再入春明龍章
載賁鴻綬榮頒復陳情於 殿陛得歸侍於林泉兄
弟怡怡而言歡諸孫森森而並茂優游老景荏苒五

年豈憶今秋偶染眼眩漸亦平復及逢初度臨綺席而稱觴曾未浹旬掩椿庭而洒泣嗚呼痛哉惟我父之生也父作子述兄弟恭享一代之榮名逾八旬之上壽行詎稱于鄉里譽望著于邦家揆之人世當無所憾獨不孝兒受命不辰七歲而生慈見背八歲而嫡母並亡兵火流離依依我父晝則分羹而食夜則攜手而寢擇婚授室嚴親兼慈親之勞面命耳提父道統師道之重雖仰承明訓恭際 昌期濫叨侍從之班異振箕裘之緒乃志趣不能以隨人修爲不

足以立命在官日少居野時多未遂顯揚之忱每貽顛覆之憂兼之繼母中年而早逝兩兄壯歲而並凋起居寡偶出入無依是我父晚年懷抱無異兒早歲遭逢也乃兒之遭逢父能育之成之父之懷抱兒不能釋之慰之况頻年以來痰火時作言動維艱尋方問藥以療其疴委曲調停以解其憂父非兒無恃兒非父無歸戀戀終日刻不能離夫何一旦棄兒而長逝耶嗚呼痛哉父其忍棄兒耶父不忍棄兒而胡爲遽棄兒耶憶我父彌留之際願兒若爲泣狀兒告父

曰我父福壽兼隆生爲名賢殆爲明神已矣前往勿繫念兒父謂兒曰我繫念爾爲何嗚呼此繫念之深而故爲決絕之詞也兒髮蒼齒落計四旬已過乎三形隻影單生六子未存其一我父有靈見兒在左右或不念兒而悲但恐見兒之悲復不能不悲其悲也今當五七之辰率諸孫繼儒等薄陳牲醴少展微誠從茲以往在天者不敢自期在已者所可自盡惟有飭躬勵行無雁清議以慰我父在天之靈諸孫勉繩祖武能不以兒之心爲心乎我父亦可含笑于九京也

祭亡妻房孺人文 戊午

嗚呼我妻至我家二十有五年有娠者已六次胡茲竟以蓐疾殞汝之生耶哀哉我妻憶甲申逆關之變我父奉親避亂遷徙靡寧聞汝父淑儀先生之賢而歸之假館授餐慇懃弗置及我父辭歸先生以惡人誣陷庭訊之下曾不一言波及是先生大有造于我家也復識余於韶齡之年許字以汝于歸之日汝年十二我年十八已脩員諸生丁酉叨薦賢書已亥再捷南宮蒙

願學堂文集 卷之十六

六

先皇帝拔置中秘書歷郎署迎汝至京同食國糈甲辰余遭衡文之獄汝焚香告卜保余生還辛亥再起光祿汝同侍我父入都蒙

皇上覃恩錫汝以龍章榮汝以霞帔甲寅余以親老陳情汝復歸事甘旨是余半生憂樂之境汝無不共歷之而親嘗之也余幼而失母我父煦育訓誨得以成立嗣娶繼母劉孺人亦復中道而逝余依依我父在官在家未嘗一日離側汝督理中厨朝夕供膳歲時弗怠是克盡平事親之孝者惟汝也汝年來敬奉

神明道釋經典每月朔望能照字諷誦凡供獻菓餅小心置辦所用器皿稍有不潔必更爲之是克盡乎事神之敬者惟汝也及事諸父諸母誠敬恭謹處妯娌和順相宜老親故舊來則飲食款留去則餽遺時繼是能宜於家而篤於親者惟汝也至於待內外戚獲或其人之老羸有病及蠢愚無知者則衣食之偏厚每對余言處下宜公毋令黠者獲利而鈍者獨任其苦以及園丁佃姬里巷婦女無不恩施有加是公薄爲懷而克周乎逮下之仁者惟汝也汝賦性嚴正

願學堂文集 卷之十六

七

持躬端簡隨余歷任未嘗置一金珠釵釧衣被之屬有澣濯至再四者居平以畏天理恤人言惜福安分爲口吻常談此尤有士君子之風非女流所易及者也汝具有大德宜享大年胡一病旬餘竟溘然不能起耶汝生五子一女皆不能育往往過於悲哀況今歲九月我父見背汝每一長號慄不忍聞蓋積痛之餘元氣久虧故臥床未久而不能支也余一年之內喪父喪兄淚乾髓竭嘔血數次有時昏仆不能遽起汝見余情狀婉詞勸慰今汝復棄余而逝回憶昔容

寸腸如磔撫摩弱息淚從中流奄奄一息誰復憐而
勸之言念及此能不悲傷嗚呼哀哉汝死之後遠近
親戚內外男女聞喪來吊者罔不擗踊號痛非汝平
日德澤孚人之至而入人之深者能若是乎汝幼爲
清門之女長作名閥之配褒嘉出自

天語敬慕動乎時人揆之汝衷應無憾焉今當三七
之辰薄陳庶品哭告几筵惟汝靈之不昧其來格而
來歆也

葬先嚴祭文

已未

嗚呼我父棄兒而逝五月有餘歲序更新音容如昨
瞻依靡從痛悼曷極追惟我父仁自性成德由學造
令譽宏彰賢書早薦事兩尊人依依子舍三十春秋
爲母而仕就祿淮陽以孝作慈澤流百里宅憂解組
除服挂冠捧檄之義千古同心出處大節始終無虧
敬事伯父老而彌篤白髮並肩鄉隣歡慕推愛宗族
和睦里閭親疎遠近人無間言義方之訓著于庭闈
兩兄奉之皆能成立舉帷中都鳴琴雲谷前輝後映

騰驤仕路惟兒不才顯愚無似仰承嚴誨叨荷 聖
慈廻翔清署恩綸榮錫陳情歸養荏苒五年溫清有
違甘旨缺如侍疾兩月湯藥罔效一旦分離痛悼曷
極帷帳空懸几筵徒設儀容難見笑語不聞呼天喋
血五內崩頽追惟我父佩服聖言敦崇士節行止旣
慎義利能晰爲名孝廉譽著西京爲真父母恩深南
國主靜之義同於濂溪守約之學本諸曾子謚以貞
靜誰曰不宜君子嘆悼望失山斗小人悲號情同枯
梓道德旣隆福壽兼至生榮死哀近代無二兒也不

辰母既早亡父復兒棄兩兄並墮六子不育父亡之後未及兩月結髮伉儷一病而逝出入徬徨憂愁誰語形餘立柴心如紛紛我父憐兒能不傷悲三月二日卜之襲吉將奉我父葬我母域二哥之引隨父並發惟我生母取兆無所及我繼母各從舊地茲陳薄奠敬告我父柩歸鬣封靈樓祠宇兒有過愆父其教之兒有灾屯父其佑之夢寐可通形神如遇願兒復見父豈兒忘思父念父兒死而已哀哉

門人趙宗業曰文僅五百言而哀痛之情流溢滿

願學堂文集

卷之十六

十一

紙豈止一字一淚耶宗業亦鮮民也讀未終篇不覺涕泗之沾襟矣

葬仲兄祭文

已本

嗚呼我兄之生也長我十有七歲我兄之亡也我年四十有三八歲以前弗省人事繼此而流離於其父者幾時播遷于村谷者幾時奔走風塵東西異域者幾時羈縻仕路南北各天者幾時計此生內怡怡相聚尚未及四之一耳壬子都門別後豈意烽烟中阻音問亦疎迨聞疆歸正以來聞我兄決意解組以圖歸養父子兄弟歡晤可期乃去歲四月三日姜郎忽至報我兄訃聞之痛倒幾不復起傷心萬狀可勝言哉嗚呼我兄而今已矣無復相見期矣追憶我兄秉性誠懇持躬篤慎內不愧于神明外不欺于人世登第以後益復謙謹不依勢以矯人不放利以生怨忠信之稱達于家邦筮仕綏安兩載有餘仁心惠政浹人肌膚捍衛之力微之多事之秋哭泣之哀驗之身亡之後語云有德者必得其壽胡為乎一朝遽惹俄頃之間不能以延其生耶嗚呼哀哉聞訃之日以我父高年多病不敢與聞及我兄靈至勢不能隱乃哀思填胸元氣有虧季秋廿七亦復長逝曾未兩月荆

妻並亾一年之內災禍頻仍出入呼號無淚可揮我
兄憐我魂傷何如追思乙未春日我父宰宿兄公車
北歸弟與長兄同侍任祖母南往父子兄弟聚首宿
署彼時不以爲異浹旬以後長兄之官雷陽兄亦西
旋自此以後燕秦吳越遙望雲山欲復如昔日之會
不可得已乃長兄既逝我兄弟左右我父猶得相依
今兄亦長往父復我棄塊然一身動定寡侶我兄憐
我魂傷何如三月二日卜葬我父耐葬我兄薄陳廢
品哭告靈前哀哀諸孤趨庭之訓未聞前人之武難
願學堂文集 卷之十六 十三

繼冥冥之中何以教之我兄有靈其亦聞我言而來
格也
門人趙宗業曰叙述處悲愴欲絕凡讀之而不泣
然泣下者其人必不弟吾師此文堪與出師陳情
二表並垂不朽

先嚴從祀鄉賢祭文 巳未

嗚呼夫世所謂賢豪之士據德依仁守先待後初未
嘗有要譽于一世之念而行成名立一世之人生則
敬之死則哀之謀所以追崇而報享者合千百人而
無異志焉此以見公是之在人心而斯民秉彝之好
猶有存焉者也嗚呼我父純誠之性寧一之守得之
天亶者固然及志學以後聆名賢之格言闡前聖之
遺緒孝以事親弟以事兄忠以持已恕以遇人至於
出治臨民之際不負幼學壯行之懷解組歸田優游
願學堂文集 卷之十六 十三
林下市肆不見其迹公府不覩其面百行無忝一善
難名捐帷之日族黨姻戚謚之曰貞靜先生嗚呼我
父其可得而稱與其不可得而稱與乃通邑士民復
公陳令宰申請憲司祈入宮牆之祀以生俎豆之光
持節中丞惠然嘉許檄行到縣擇於本月朔三日迎
主入祠先于是日敬告徹誠伏念人生於世始而采
齊繼而書升拖青紆紫迴翔仕路修功名于當代遺
蔭澤于子孫者代不乏人求其軀躬勵行道全德脩
學足以繼前賢行足以範後世及至蓋棺論定哀慕

興多士之思芹藻隆泮宮之薦者正未易數數邁也
況我祖中議公以秦關正派配享于前我父以家學
淵源崇祀于後父子並列聖宮尤自有吾邑以來所
不再見者也獨兒等不才叨稱士類有愧儒行既不
能窺聖道之高深復不能嗣家聲于萬一我父在天
之靈其尚有以教之也

遷葬先慈祭文

已未

嗚呼我母棄兒而逝也已三十有八年矣使我母至
今猶存壽不過六旬有一天乎何奪我母之速耶母
亾于壬午首夏兒生于丙子季冬其時纔五歲有餘
僅能倚棺而哭窀穸之事至今茫然不能記憶也追
兒稍能成立或言我母葬地依山帶水祥發有徵兒
不之信我父在日亦對兒言此地果佳我百年後不
必輕移兒亦未敢決然乃今春我父歸窆相度地形
無尺寸之隙可容母柩不得已而仍從其舊非兒志

也至母葬稍下言之者不一其人兒亦心知其是未
敢輕議改作乃兒妻之喪欲祔葬母傍爲我母子萬
年相依之計而仍以塚前逼促爲碍因思移舊兆以
定新封順人情以合地理群議僉同兼善之道無踰
于此追念我母亾時兒妻之生僅五旬有七日今遲
之三十八年之後泉臺姑婦並妥佳城時以久而乃
得勢以格而相成此其間或亦有天意焉非人謀可
得而強也謹擇七月旬又一日重開幽室虔庀黃腸
奉我母肇遷新居先是日恭陳薄祭敬告微誠泣

思素履僅得之想像之中痛憶芳規徒聽之傳聞之口劬勞之瘁既已殫盡于初年溫清之私未能少伸于晚歲跼天踳地兒罪易容雖兒濫列清華之選荷蒙錫類之榮拜繇綸而增悲觀章服而致感況邇來一身孤苦半世伶仃登堂無父兄之歡入室無妻子之倚命由已造常思勉爲手善人材與世遠尤恐難知者天道我母有靈其尚有以憐兒而默啓其衷也哀哉

葬亡妻祭文

已未

嗚呼汝今將就窆矣汝其辭人間世而一去不復返也汝生平懿行余爲文以叙之爲誌以銘之汝庶幾其傳矣余不幸遇汝中道而逝此心抱無涯之戚汝猶幸先余而亡雖剖愛于生前而能愜懷於身後也促一時之駒隙者有限流千秋之休譽者無窮也獨余半載以來伶仃之狀衰憊之容舉止則口心自問出入則形影相憐汝不昧之靈見之知之能不隱痛于衷耶嗚呼汝其知有痛耶其不知有痛耶其不知有痛耶將世之所謂通靈神于夢寐假告語于生人者盡有其事獨至汝而歸于冥冥漠漠之墟耶其知有痛耶浮生擾擾義馭不停汝其待余于寒廓之表重晤可期其惆悵而延佇者亦自無幾時也今新秋旬又一日將葬汝于西塋余母之次是用預告汝生前不及事余毋茲其代余定省遂汝初懷採兒舊塋于傍姑婦母子歡會泉臺問視方新提携如舊汝更當轉痛而爲欣也嗚呼托空言而想像幽感而無憑辭酒陳詞不禁腸寸寸斷矣哀哉

葬大伯祭文

庚申

嗚呼姪之辭我伯而南也在三月廿有五日聞四月朔八日伯卽抱恙旋復旋作七旬有餘醫藥罔效奄然長逝使姪之行稍遲數日或伯之疾早覺數日姪具有人心又豈肯怆然而他適也秋杪西旋至關門始聞凶信遙望家山肝腸破裂疾馳抵家帷帳中懸几筵旁設想像音容杳然莫覩嘔心喋血痛恨曷極哀哉我伯數年前日者家或言不利尋亦無恙姪私謂我伯道德尊重造化爲之轉移兩年以來神氣冲

願學堂文集

卷之十六

十九

和步履清健期願之壽尚屬可期故徂於平日之見以致有終天之悲是曷天數之不驗於前者而遽驗於後耶人言之不中於往者而忽中於今耶乃日爲之計者竟得倖免而猝然之變頓出之不必慮之外耶嗚呼伯之於姪恩同罔極率爾輕動不復再思殆上天降責於姪忍心易用故貽之以畢生之痛也哀哉尚何言哉前歲父兄並喪及於中饋伯憐愛之情慰勞備至姪見我伯猶如見父哀毀之中尚能自釋乃未及兩載而伯亦亡矣一堂尊親倏然並逝半世

孤苦計將誰依嗚呼哀哉尚何言哉追維我伯聰明天亶仁善性生孝友孚於家庭操修著於黨里議論達古今之變知能窮性命之微至於遭逢不偶名位未彰在天者伯不得而強之而令望攸隆千秋仰止在伯者天亦不得而靳之也生平履全愛全歸古所稱爲完德君子者伯其人矣若於姪教育情深有如父師學問不至中窳功名賴以有成至中歲以來進之以仁義之域掖之以禮樂之場雖立身行已有愧明誨而學爲聖賢一念未嘗不刻刻在懷昔韓昌

願學堂文集

卷之十六

十九

黎之於十二郎不過骨肉愛念之常耳後世讀其文尚能令人興思若伯之于姪成就之恩又豈昌黎之所能及耶今擇本月二十日爲伯歸窆良辰敬率諸孫繼儒等薄陳牲醴泣告靈前伯之所以望姪者不在尋常猶子之中姪之所以報伯者豈在尋常諸父之列勉勵清修荅揚庭訓伯其能垂鑒于寥廓之表也嗚呼哀哉

祭先太史從祀宿遷名宦文 甲子

嗚呼憶我父之分符茲邑也已三十有一年矣父以
千上公車之孝廉爲母捧檄蒞此至衝至疲之邑兩
載有餘終以母憂去官計此兩載間凡爲此邑清荒
田釐漕規督理河工整飭郵政重興縣治招撫流移
革贖緩恤商旅興學造士息訟寧民種種實政不敢
自以爲功謂盡吾分也不敢自以爲德謂行所學也
乃迄今三十年來宿之人士相與思之慕之謂侯不
有其德而德之入吾宿者靡盡謂侯不有其功而功
顯學堂文集 卷之十六 二十
之在吾宿者無窮臚陳往蹟遍請諸司祈祀澤宮之
側以爲名宦之光荷蒙各憲俯循輿論檄下遵行兒
客歲四月奉 賜卹安南之命大禮已竣扁舟北返
停櫂河干正值邑人迎主入祀之期恭逢盛事感切
私衷黃水濤聲有如昨日馬陵月色無異當年在
父雖無要譽斯民之念而民之思慕不忘亦以見一
方人情風俗之淳厚有足尚也薄陳牲醴肅奠几筵
我父有靈其惓懷斯土俾雨暘時若歲書大有災癘
不生人多壽考以見我父之加惠於生前者復垂恩

於歿後邑人之歌頌於一時者且銘感於千秋是又
兒之代茲邑所致禱者也

王幼華曰召伯甘棠子產遺愛或詩或傳或生或
死可謂千秋並榮矣若象賢之子身遇盛事則又
一段佳話也

願學堂文集卷之十七

臨潼周 燦星公著

祭文二

祭申賜賓文 辛亥

辛亥季夏家乾甫伯寓書於余謂君歸自楚怏怏旬餘而亡余覽之悲痛欲絕山川紆阻哭奠無從西望秦雲臨風灑淚呼君而告曰君其逝耶抑胡爲而怏怏以逝耶客冬君有三楚之遊北風凜冽河水沅澌辭鄉邑而賦遠征此固丈夫不得志於時者所爲君

願學堂文集 卷之十七

一

行後賜絃重斷親老子稚余固逆知君之歸有大不堪於中者余伯所謂怏怏旬餘者其以此也耶其不盡以此也耶七月朔四夜余夢見君欷歔告余曰余齋恨九原子能爲我中想耶余聞言大慟而覺嗟夫賜賓君所恨者天耶人耶屈大夫一部離騷言之不能盡者余安能爲君想耶憶余總角時執業請正君顧余曰此一幅數行墨可卜子他日功名旣而讀書余舍螢窓雪案連牀促膝者五載有餘時表叔任志伊亦識余于齠齡三人者卽盃談古過從留連浹旬

不知倦繼余謬叨一第廁名玉署燕山渭水天各一方志伊文戰屢北一日痛飲數斗而卒至今鳳什坊

北坯土斧如驅馬過之不禁潛潛泣下也君十年戢

翼一舉冲霄他日建樹正未可量而今也怏怏以死

及告余以齋恨者何耶嗟夫賜賓余知之矣半生攻

苦連掇甲第欲借十室絃歌爲展布經猷之地而造

物奪之能不戚然于懷耶然試觀今之三年計偕恩

榮宴罷佩銀章而宰百里者纍纍然也及其拘束於

文法偃蹇於歲月求如漢史所載諸循吏建豐功於

願學堂文集 卷之十七

二

當代傳芳名於後世者百不一二人况君慙性適時

多文薄福以杳不可期之事而抱身後無窮之悲智

者不爲也君無恨焉君精靈不泯其招我志伊攜手

崑崙之巔拍肩蓬萊之島遙見故人陸沉金馬門飽

不若侏儒而狂吟高叫故態猶存相與鼓掌大笑使

數千載以上之屈子聞之方將駕青虬而騁文驪來

從二君以逍遙也余安所用申想爲

王九青曰纏綿真切令覽之者不知涕泗之何從

賜賓可以不死矣

同衛禹濤祭中丞劉夫子文 癸丑

嗚呼哀哉我夫子竟逝耶客歲仲秋燦有山左之役
道過渠丘拜謁函席奉笑言者累日初冬北還時執
蒲以被召至都握談之際詢知夫子近履神清體健
莫不以大年爲期而我夫子竟逝耶嗚呼哀哉夫子
鍾泰岱滄溟之正氣崛起於孔孟數千百年之後毅
然以斯道爲己任當相國執政時閉戶潛脩絕無干
名競進之念故其爲諸生日最久辛卯歲薦於鄉又
三年乙未成進士得受知於

顧學堂文集

卷之十七

三

世祖章皇帝選入木天之署俾讀中秘書以脩顧問
未幾而改置諫垣又未幾而改置銓部丁酉三秦校
士事竣超擢館卿俄遷大廷尉甫三日拜中丞之命
撫視畿南知遇之隆從古人臣所罕有也已而龍
輦升天隅湖載痛夫子遂解組歸田就卧林泉者十
有三年人莫不以夫子之品之才未竟厥施爲之嘆
息而我夫子處之澹如也蓋嶽嶽者泰山時而晴霞
映日時而沉靄蔽天陰陽變幻不同而嶽嶽之體自
若也洋洋者東海時而澄波秋靜時而怒浪山飛風

濤震撼不同而洋洋之體自若也我夫子守道不阿
用行舍藏克法前聖人世之升沉顯晦又烏足以動
其中也今

皇上嗣服御宇惓懷耆舊時勤故劍之思四海之內
莫不望謝公之再起以霖雨蒼生而我夫子其竟逝
耶嗚呼哀哉秦士之受知者七十有九人在京者僅
執蒲與燦二人聞訃之日徬徨失措五內欲崩嘆昊
天之不吊哀梁木之早摧東望几筵臨風隕涕含哀
致詞情至無文惟夫子之有靈其式臨而式聽也

顧學堂文集

卷之十七

四

房慎菴曰情至而語悲鍾竟陵哭雷何思先生詩
云人言師與友吾直惜其人此文如之

祭少師衛夫子文 乙卯

嗚呼夫子稟乾坤之正氣萃河嶽之英靈聞知紹東
魯之宗著述在先秦以上起家銓典陟位台司歷相
兩朝總衡百職於周若旦奭之篤桀在漢爲丙魏之
純恭黃閣宣麻三登裴度之席黑頭解組長食鄭均
之錢碩德鴻勲殊榮異寵金華珥筆之臣皆能一一
書之愚小子曷容更贊一詞獨憶己亥之秋夫子總
裁禮闈拔燦於五千人中而獻之 丹陛暨

先皇帝臨軒七簡復拔燦於三百五十人中而處之

願學堂文集

卷之十七

五

玉署出入鸞臺追隨赤舄者將幾二載奈當 龍髯

上升鳳池晝暇改置諸司沉淪里舍回有十有六年
矣夫子不加擯棄假館授餐分金遣葬若父母於子
當沅離失所時慈愛彌篤高厚深恩報稱罔極昔姚
崇蒙梁公之薦蘇軾受歐陽之知事業文章淵源師
友爲千古美談燦進不能亮采分猷建豐功於當代
退不能著書明道垂休譽於後人清夜捫心腸腑無
地如頑石枯木受雨露之施冥然罔覺自負生成於
造物何憾也雖然燦名稱甚卑而出處不敢遺譏德

業未修而學問不敢自怠卓矣齋牆如見願效侯芭
之傳經恍乎几杖猶新常懷端木之築室報夫子簡
拔之恩者在此答 聖朝作養之隆者亦在此也

願學堂文集

卷之十七

六

祭舅氏常德符文 乙卯

嗚呼舅氏名登上庠而不爲賤年逾七旬而不爲夭
有子有孫而不爲憊生平磊落氣概瀟灑胸襟學富
五車家徒四壁與卿大夫遊而不說以自隨與庸衆
人處而不矯以立異抗志雲霄之上立身夷惠之間
生稱人豪歿存休譽嗚呼舅氏夫復何憾獨是燦七
齡失母僅識音容四十無兒空存骸骨舅氏憐我愛
我朝夕相依舅雖有子而視我猶視其子我雖無母
而見舅如見吾母毛裏恩深垂三十年而一旦長逝

願學堂文集

卷之十七

七

能不悲傷今薄陳疏醴與享靈魂知舅氏不我遐棄
也

祭梁水天文 辛酉

嗚呼夫人負蓋代之才其凌厲揮斥不可一世而世
之人亦且瞞目異其有爲乃志之所期時不相副豈
世人之重反爲造物之忌耶抑造物別有所見屈伸
之施有非世人所能窺耶吾於是深有慨於吾友梁
子水天矣梁子天資穎異幼有神童之譽年方弱冠
取甲乙科如拾芥綰綬江都地當繁劇批卻導款迎
刃而解大江南北以神君頌之改補安肅大獵所
至詢有司治行中丞首以君對 天語褒嘉特命所

願學堂文集

卷之十七

八

司識之一時傳爲美事近以滇南用兵捐金助餉詔
以中行評擢用需次之暇僑寓保邸賓朋讌集酒
酣賦詩高吟而絕時年僅五旬有二諸同人聞之罔
不驚悼以爲天既畀其才不宜厄其用蒼蒼者真不
可問耶雖然使梁子少掇巍科長登臚仕富貴顯榮
以壽考終焉可謂盛矣而世人若斯者比比也志以
未展而莫究其際才以未用而莫窺其長千秋之下
遙望高風獨深人以愾慕無窮之思視世之庸庸者
流見崇高而朵頤者奚啻霄壤若也所謂造物別有

所見屈伸之施非世人所能窺者此也白露朝零旌
車載道臨風墮涕酌酒陳詞梁子有靈其亦聞斯言
而心肯也夫

孫豹人曰凌厲揮斥不可一世二語木天在焉呼
之或出通篇跌宕嗚咽祭文中極有法力之作

祭隣石兄文

壬戌

嗚呼惟我兄弟世居驪邑遠系異同莫可考稽憶自
戊戌夏公車下第平陽道中始同藍田定侯長兄叙
鴈行之誼迄今二十有五年矣弟客春北上兄送至
華陰高館張燈把盃言別凌晨勒馬依依不忍分手
歲暮接家函云兄偶來邑城寓家園之引月洞中談
笑如常更深就寢及東牕日上啓戶視之已溘焉長
逝矣覽書痛悼五內欲崩嗚呼其年方艾其氣方壯
無奄息之彌留遽超然而歸化抑何異耶兄天性孝

友父母昆季人無間言出入鄉黨恂恂善下登第後
東遊齊魯南抵吳越返棹豫章揚舲湘漢所在吊古
詠懷覽物寄興騷人韵士無不樂與之遊歸家惟閉
戶讀書蕭然儒素絕不以私事干人人亦不敢以私
事相干嗚呼若兄者可謂真孝廉矣常搜輯溫泉詩
文上自漢唐下至元明裒然成帙欲行於世此兄未
竟志也茲以三侄西歸一言寄莫渭川夕月繡嶺寒
煙臨風西望屬勝嗚悵

葉慕廬曰信筆寫來便自佳絕絕似魏晉間人風味

祭郝雪海先生文 癸亥

嗚呼上天之生才也匪偶而國家之需才也甚殷乃若既已生之亦已用之而顧不得畢展其蘊復困挫其境遇拂亂其心志若將終身然聞者莫不戚然相嚮以爲天之善于生才而不善于用才也如此乃遲之又久而其人之才益老當國家猝然有急隨在用之而輒效然後知昔之抑之者所以成之扼之者所以待之聞者又莫不忻然相告以爲天之善于生才而又善于用才也如此此其故觀于雪海先生而益

顧學堂文集 卷之十七

十一

循矣先生生燕趙之鄉負揮霍之才當

世祖朝登進士第官比部擢侍御史皎皎風節不可一世巡理三巴適不逞之徒稱戈犯順近所殲滅滇南逆藩者時分鎮其地潛蓄異謀患在肘腋人皆知之而不敢言先生飛章入告請正春秋無將之誅在廷諸臣以大帥握強兵在閩外不宜有所動搖坐先生以誹謗當以其刑刑之

上弗聽僅免其官安置遼左既貸先生以死後厄先生以生不測之施若預留爲異日用者曾幾何時而

亂成六詔宇內震驚智勇之士奔走不遑我

皇上特起先生于戍籍中仍剋惠文如故先生指陳時事侃侃而談動中機宜視聽兩淮悉心剔釐多方鼓舞閩粵軍需賴以不匱復任一年隨晉大冏卿御史大夫值粵西初定

上特命巡撫其地先生恩威並施吏畏民懷稱一方保障者且二年餘矣人但知先生遷拜之速建樹之隆而抑知二十年來黃草白沙所以動忍增益者有獨至也嗚呼先生辨姦于數十年之前識力卓越是

顧學堂文集 卷之十七

十二

天之賦畀者獨厚定亂于數十年之後才猷老練是天之成就者尤深茲勲名著于兩朝聲施垂于百代身依日月氣作河山夫復何憾獨是燦等風欽斗範誼重蘭芬適南服之遐征覩中臺之晝閉悲生八桂淚洒三江陳孺子之生芻倣楚人之歌些先生有靈其亦鑒我而來格也

裴涓涓曰叙事之文置歐蘇集中當亦莫辨得之祭文中奇絕

祭同使安南孫子立編修文 甲子

嗚呼我輩奉 命出疆萬里往還將及一載計不覩
先生之令範也已六月餘矣憶壬戌冬安南以前王
計音來告於 朝衆

皇上柔遠宏仁垂念遐裔封祭並施命九卿詹事科
道會推滿漢官各一員以往時先生以南國之彥爲
已未臚傳第二人珥筆螭頭廷臣交口推轂

上可其奏燦等猥以非材得叨同事之列客歲初夏
陛辭出都閱恒山渡大河解驂鄂渚鼓枻星沙驛路

廬學堂文集 卷之十七 十三

風塵江天烟雨我四人未嘗不相與俱也及抵衡陽
爲先生尊甫明刑舊地伯兄適分符其邑太夫人亦
迎養令署燦等登堂介壽兩昆弟鵷綬麟袍雙扶鳩
杖一方之人稱爲佳事入粵西境先生以微恙稍後
共停櫂桂水以俟乃未及旬日而全州之函問至矣
燦等相視錯愕且悲且驚夫何生死俄頃莫能測度
而人生離合如是其不可定也嗚呼痛哉由茲以南
星言宵駕直抵交邦大禮告終 王命無忝斯仰藉
聖天子德威所加動罔不臧亦由先生儀型在望燦

等佩服有素奉以周旋克光令典也茲返棹皖江遙
瞻珂里白岳連雲醺酒江干臨風隕涕悲填胸臆詞
不成章先生慘念同人能無親行旌而興戚乎

羅水裕曰體莊詞雅少陵以老成贊庾信之文似
覺溢美此文方可無愧

廬學堂文集 卷之十七 十四

祭王茂衍文 甲子

嗚呼十年濶別萬里奔馳盈盈一水瞻近無緣詎知
尺一書往還慰問竟成長訣之詞耶哀哉君與余居
隣閭聞世連姻姬曾憶余陳情歸里君亦宅憂西旋
一日登驪山之巔披襟對坐君謂余曰我與公相同
者得九事焉同胞三人而各居其季伯仲俱稱孝廉
我兩人獲雋南宮廷對以第二甲出身官比部此六
者爲得意事君伯兄弗祿余仲兄先亾仕途多蹟中
年寡嗣此三者爲不得意事余曰君以閒出之品天
順學堂文集 卷之十七 十五
縱之才運掇巍科早典名藩四方之人傳其姓字如
景星慶雲無不欲得一識韓荊州者公所謂同乃在
天之數而偶相符合余所謂不同乃在人之數而終
難企及此乙卯秋日閒語也客歲君方持楚衡余奉
賜卹安南之命征車所過與得一傾積懷乃余停驂
嶽麓君復伏枕朗陵時以 王程迫急遙望白雲黯
然催棹及抵桂林而君之訃音至矣嗚呼哀哉痛曷
可言茲返旆邗江極目關河西風萬里薄修爻絮遣
奠几筵君勲名在 朝德澤在野譽望在一時文章

在千古況哲嗣繼起玉潤蘭茁余一官潦倒半世浮
沉常抱馮唐之嘆時深伯道之憂君靈不昧其何以
默相夫余而俾不同者得終歸之同乎嗚呼繡嶺栽
栽渭水潺潺哲人往矣痛裂余肝不禁涕泗之霑裳
也

何伯龍曰叙疇昔對坐閒語一段天然佳致

祭陳子昭文 甲子

嗚呼余卿命南交萬里馳驅往來於蠻烟瘴雨之鄉而不敢告勞者君臣之分也子之毅然同余以往餐風宿露脩歷艱辛而不欲言苦者朋友之誼也計與子驅馬恒山揚舲楚澤卿盃於黃鶴樓上題詩於回雁峯頭把臂談心方欲窮域外奇觀稱平生得意事夫何既過蒼梧子旋染采薪調攝舟中未及浹旬至邕州而奄然長逝矣哀哉痛可言哉余自甲寅歲陳情歸里子以筆墨之役周旋余側余有所作子能識之余有所論子能述之余或有不逮子不憚娓娓左右而効其匡勳焉是子雖未曾執贄余門稱弟子禮而實爲執贄余門稱弟子禮者所不及也嗚呼痛哉余之自邕州而返也載柩同行旅魂相依者尚三月有餘今余將回京復命送子之靈車以歸生苑南北無復相見日矣子令聞在望一行無忝其妻若子必能守子之戒而成子之名也至敦羊舌之誼而慙忿於故入者余不敢辭子其毋戚戚於九原乎

武叔玉曰古道深情具見不獨詞篇之工

祭劉介菴伯母文 甲子

嗚呼夫人莫不有友亦莫不有友之母亦莫不有百年必不可留之母之數而母于介菴非猶夫人之母介菴于余非猶夫人之友故不禁念之切而悲之深也憶已亥歲余與介菴蒙先帝簡拔同廁秘書時介菴失怙惟母是恃余失恃惟父是怙余事伯母若父介菴視余父若母朝夕瞻依情同昆弟二十年來有如一日戊午秋先父見背介菴過敝廬哭之且曰吾子有父小人有母皆恃以爲生也自茲以往子將何依兩人相抱失聲今春以使交事竣復命北上遇介菴于宿預述及伯母久病新愈元氣大虛黯然而不忍出諸口者曾幾何時而計音猝至嗚呼介菴罔極之痛與余共之此我兩人同遇之苦同心之慘也寧不悲哉伯母早失所天與羅庶母同期殉節繼念垂白在堂遺孤待撫于是羅爲其易而伯母獨擔其難以一身處酸風苦雨之中者四十餘年卒能教子成名珥筆鑒坡含香粉署持節淮甸草偃風行迄今大江南北沐介菴之化者

感母之德食介菴之澤者思母之恩是又不但余一人之悲而天下之人所聞之共悲者也茲介菴位望日隆才與品足以副之而子若孫繩繩繼起所以報母德於方來正未有艾以視余碌碌浮生髮髮半皤不能承父之志者不亦大相徑庭耶南望呂梁一觴遙奠伯母聞之其亦念猶子而來享乎

願學堂文集卷之十八

臨潼周 燦星公著

族譜

序例

序曰余之譜吾族也不禁淚淫淫下矣吾族舊有譜伯兄旭公編次之仲兄漢公叅補之丁未歲余曾一較正迄今又十有九年矣先大夫嘗告余曰吾族自四世祖以後無祠者多故屢傳而人不加衆舊時同居一城祖中議公在日歲時會聚飲食譙款叙家人願學堂文集卷之十八
之誼意甚渥也兵燹以來人各異處時罕覲面子弟有遇諸塗不相識者又安能辨其班行問其名字記其年歲乎是譜誠不可以已也憶甲寅春余陳情歸養伯父乾甫公長先大夫三歲白髮兄弟朝夕相依余嘗率諸子弟出入左右見者以爲猶有先人餘風今兩尊人先後見背兩兄亦皆早逝余于中議公後竟稱一家之長不勝愴感茲守康暇日檢閱舊譜唏噓者久之苟不及今輯著成編後世子孫將有不可問者矣舊譜以代分人以支別代今照依世次更爲

之圖庶觀者一覽了然記載隨所見聞非敢有意詳畧至于義例悉倣古人之舊摭期於分支別派之中見同源共本之意家不皆溫厚也人不皆賢智也如何養之困乏相周如何教之過失相規可施于族黨即可施于邦國無慚于祖宗即無慚于天地是不但竟兩兄之志亦慎守吾中議公之遺範也是譜誠不可以已也修歸潤邑尤有望于繼起之賢者矣

始祖書姓尊始也二世以下止書諱妣不另書統于尊也字號年歲不知者缺之

願學堂文集

卷之十入

二

李崆峒作譜至兄弟行而止謂是後安能知也余凡目之所及者皆書焉

高祖曾祖祖及叔祖按舊誌皆爲立傳伯兄旭公亦爲立傳事有可傳無敢忘也

先大夫暨司訓伯父仲兄漢公誌狀皆余爲之不復更傳

內繼不書謂兄弟之子爲後者同一祖也外繼者書如元等是再傳則不書既歸吾周無庸異視繼外者亦書如閭繼武等是不忍遽棄也再傳則不書不知其所出也

曾祖母祖母附見曾祖祖本傳誌內助也生母繼母俱以銘誄見先孺人亦以銘誄見茲不再載綸音不敢輕載懼瀆也贈言別見茲不混入亦本崆峒氏之意也

康熙乙丑夏日十世孫燦書于南康

署中

願學堂文集

卷之十入

三

集 219—417

爵屬

邦佐

字長子

娶魏氏子
三長岐次
郊墳正立
西墳正立
之左詳見
本傳

岐

字長子

封中議大夫娶張氏
封太恭人
子三長道
直次道洽
三道昌堊
東墳正立
詳見本傳

道直

字長子

乙酉舉人
歷任四川
按察司副
使娶程氏
繼任氏封
恭人子三
長祚弘次
祚永三祚
延堊東墳
正立之右

豐

登科子嗣

光先

本姓安

州經歷娶
門氏子一
祚磐

道洽

字

貢士歷任
順義知縣
娶申氏繼
李氏封孺
人子五長
祚長次祚
培三祚清
四祚錫五
祚寧詳見
本傳

道昌

字

貢士任南
鄭訓導娶

錫屬

天佐

錫長子

無傳

邦現

娶陳氏

無傳

天相

娶黃氏

子四長寅

次霽三雷

四霽

寅

天相長子

霽

天相次子

雷

天相三子

霽

天相四子

準

子二長道

道隆

子一祚

邦佑

娶陳氏

子三長鎬

次平三洛

墓西墳正

立之右

鎬

邦佑長子

平

邦佑次子

洛

邦佑三子

道穩

洛子子

邦

生員娶趙

氏子一道

立

邦佐三子

道盛

邦子無

道立



邦子無

振

三祚恒

氏子四長

魏氏繼杜



知府娶房
氏封孺人
繼塞氏子
●長垣

道洽

祚延 道直三子字敬

甫生員娶賈氏無傳

祚長 道洽長子字貞

甫生員娶鄭氏子三

長輝 次姪

三煙 無傳

祚培 道洽次子字篤

甫生員娶李氏子一

輝 祚長長子生員

姪 祚長次子一吉士

煙 祚長三子

無傳

燧 祚培子娶高氏子一

坊 燧子

願學堂文集 卷之十八

十一

道昌

祚達 道昌長子字回

氏子三長

一煙 娶魯氏子

祚寧 道洽五子娶劉

氏子三長

燧 次姪

紅 祚寧三子

炳 祚達長子字蔚南生

均 炳長子

祚清 道洽三子字廉

甫運判娶王氏子一

燧 子二長垣

祚錫 道洽四子生員

娶魯氏子

一煙

燧 祚錫長子

燧 祚清子生員娶王氏

燧 祚清子生員娶王氏

炳 祚寧長子

燧 祚寧次子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

燧 祚寧三子

願學堂文集 卷之十八

十三

甫生員娶孫氏子三

長炳 次燧

三燧

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

員娶土氏一
子二長垣
燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

燧 祚達次子

道穩

祚福 道穩長子子一

燧 祚福子

燧 祚福子

燧 祚福子

祚祿 道穩次子子三

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子

燧 祚祿長子



燧 祚祿長子

燧 祚祿長子

燧 祚祿長子

燧 祚祿長子

燧 祚祿長子



高祖處士公傳

高祖諱邦佐字良卿四世祖爵長子娶魏氏生子三
長岐次郊三郊

傳曰高祖秉性溫良操行潔正家世之興實肇基焉
素食貧父亡未葬邑有運同高襄山先生者與祖友
善延一堪輿相地謂祖曰盍亦爲若翁擇吉地祖辭
以家貧只有荒田一區何以擇爲先生強之同行出
東郭相者遙指一處曰氣色葱葱固佳城也旣至卽
余家地爰爲稱喜祖因求相者定穴正審視間有鵲
願學堂文集 卷之十八 十六

曾祖封中議公傳

曾祖諱岐字之基號仁堂高祖邦佐長子生於嘉靖
辛丑年十一月二十五日終於萬曆癸丑年四月初
八日壽七十三娶張氏生於嘉靖己亥年七月初八
日終於天啓丙寅年九月初六日壽八十八生子三
長道直次道洽三道昌

傳曰祖至性過人冲懷借物醇厚無異高王父而忍
讓尤有甚焉家素窶撥糟爲生漸有所蓄爲邑巨豪
者窺之設計恫喝祖聞之恐五鼓持囊金從垣上投
其家曰好收之吾以犬子遺公也黠婢竊衣物匿其
兄家而兄反以失妹爲詞祖固謝之乃已屠兒逋金
索之輒揮刃欲斷其指祖笑而貰之未幾再有索逋
者至竟斷其指中風宛鳴之官其人亦以傾家時人
不但稱祖之量亦且服其識焉累贈中議大夫璽書
中有恂恂善下怨德若忘二語足概生平曾祖母張
願學堂文集 卷之十八 十七

祖中議公傳

祖諱道直字所履號泰宇曾祖岐長子萬曆乙酉舉
人初任直隸藁城知縣二任大興知縣三任戶部浙
江司主事四任本部福建司員外郎奉差九江五任
本部河南司郎中六任四川保寧府知府七任分守
川北道按察司副使進階中議大夫生于嘉靖二十
九年庚申九月二十五日卯時終於崇禎十五年三

月十一日未時壽八十有三崇祀鄉賢娶程氏贈孺人早卒繼娶任氏生子三長祚弘次祚永三祚延累封恭人生子萬曆壬申年八月二十五日寅時終于順治丙申年五月十一日酉時壽八十有五

傳曰祖性端敏年壯重如成人尤至孝冬夜抱父足卧每竊起就炊光誦讀必以物障之不令見也十五補弟子員時王秦關先生倡明理學祖從之遊二濂洛之席祖兩出其門而志益堅道益進矣友愛兩

顧學堂文集

卷之十八

十八

弟教讀授室嫁兩妹皆先父母意爲之屢上公車弗第友人謂曰家貧親老尙堪僕僕道路乎祖不獲已遂謁選得藁城令邑有潯沁水患建長堤禦之開美化鎮荒田鑿井以資灌溉地遂以沃去之日邑人思之趙儕鶴先生紀其事擢尹大興值釐降大典一切供應俄傾悉備至勲戚權璫動皆掣肘祖折之以禮初弗便久亦相安時宛平令得罪有申救者上曰如大興自是好官朕豈不知尋陞戶部主事時上好靜攝章奏批答多不以時見祖姓名謂左右曰此大興

知縣陞疏卽與發下人以爲小臣知遇之隆從未有也司權九江關舊例關民往來皆有稅謂之季料舡祖曰權商也而概及居民是絕其出入也其可乎因家給一票往來驗明放行無有敢留阻者歲爲民省數千金時盜艘不至課不及額祖捐囊足之歸之日惟篋器數簍而已隨陞卽中時河南歸德四川保寧兩郡缺守司農李如華少宰徐紹吉各請以祖守其郡

徐蜀中人李中州人

竟出守保寧甫下車首建錦屏書院講學課士文風爲之丕變事詳張大行訥記中鼓鑄積

顧學堂文集

卷之十八

十九

息三千金局固一積雖家人亦不知也一日因練餉加派保屬應輸者恰如其數祖曰重征累民其何以堪盡出前金抵之照會屬邑而已郡城外偶有荳艘數百隻祖以庫銀糴之閱歲大歉照原值出糴活者無筭時土司奢寅作亂攻陷龍安殺官掠地全川震動祖奉密檄調石柱女將秦良玉解成都之圍撫軍朱公疏薦于朝有云二十萬薄城之寇痛哭宵奔三百年天府之雄金湯如故尋陞四川按察司副使分守川北道未幾以疾歸晉階中議大夫兩奉加級起

用之旨以曾祖母垂白在堂承歡菽水無心仕路矣
時流寇猖獗忽薄城下乃具廩食以犒軍建砲臺以
禦敵歲荒賑饑除家人所食盡出之弗恤也屬邑中
科第寥寥于學宮建魁星樓迄今諸孫屢叨賢書人
以爲興文造士之報云壽八十三端坐而逝生平醇
厚謙謹于物無所好口不言人過學以不自欺爲本
以不討便宜爲用從祀鄉賢祠傳載陝西通誌及兩
朝從信錄可考祖母任資陽令尹佳孫泌陽司訓攀
桂女生之夕令尹公慶庭前芭蕉爲溫挹齋先生持
願學堂文集 卷之十八 壬子

一作別語言訖而逝邑少叅陸九萬先生作誌稱爲
始終聖女云
贊曰四世祖以上述哉不可稽矣高祖以下聞之
先大夫暨司訓伯父云蓋代愈近故記愈詳也中
議祖余猶及見之一日索果祖出八種手自封題
命侍童送余歸人言祖年高益恭謹此亦一端也
余又聞凡家世之興必有賢母以勸內政張太恭
人性畸嚴任恭人性畸寬張則貧而能施任則富
而能守若兩母者大有造於我周哉

願學堂文集 卷之十八

壬子

叔祖令尹公傳

叔祖諱道洽號和字魯祖岐次子貢士初任靈寶訓導陞山西孟縣知縣丁憂補懷柔調順義左遷大名府照磨生于嘉靖丙寅年閏十月二十五日寅時終于順治庚寅年正月二十九日丑時壽八十有五娶申氏贈孺人生子一祚長繼娶李氏封孺人生子二祚培祚清繼娶李氏生子二祚錫祚寧

傳曰叔祖性銳敏異常人胸懷磊落具有卓越之才弱冠食餼于庠會光宗登極恩入明經選司訓靈寶

顧學堂文集

卷之一

二十五

當事重其才疊試牧事於盧永間聲望藉甚直指梁公遂首啓事進知孟縣以曾祖母憂歸服闋補懷柔時懷士曠公車者七十年叔祖興學造士科第蔚起懷女好遊論以紡績偶值時變所在崩潰叔祖率民固守復懇禱開帝祠賊見城頭有赤面修髯者遂捨去調繁順義懷人赴關保留縮雙符者數月初順有大獄路司李囑叔祖釋之弗聽司李啣之遂以計典奪叔祖官人莫不曰以金故出罪人非也以罪人之金故謫好官尤非之非也無何以他譴死西市天道

不昭昭乎再起幕大名府未幾謝政歸時祖中議公亦予告家居兄弟聚首話古今天倫之樂蓋翕如也

傳載邑誌中

贊曰叔祖偉幹修髯望之若神仙中人又聞其少時負性任俠人不敢以非義相干然卒以守正不阿爲人所陷嗚呼直道之不容于時自昔已然矣

顧學堂文集

卷之十八

二十五

伯兄太守公傳

伯兄諱燦字旭公號丹垠先大夫長子壬午舉人初任寧遠縣教諭二任四川梓潼知縣三任廣東雷州府同知四任江南鳳陽府知府生于己未年八月初一日寅時終于辛丑年十一月二十八日丑時娶毛氏繼韓氏王氏子二長圻次域傳曰兄才猷駿發氣概不可一世而博聞強記下筆千言立就十三入學爲名諸生二十四舉于鄉時當國步艱難兄馳驅于戎馬之場者數載迨

願學堂文集

卷之十八

二十四

皇清定鼎遂就寧遠諭草創之初寧民輸米泰州雖青衿不免而學官傾圯聖像設于茂草兄首請諸當事改貯縣倉士民俱得安堵乃捐資募衆興新黌序延諸生而訓課之文風蔚然興起時徇賊倡亂所在披靡僞牌發至寧遠兄力令碎之出榜諭衆堅守城池賊馳入境內而不敢薄城者蓋先聲足以動之也是各上臺重其才品寧關倒廢委之修理寧驛逃亡委之招撫又代通渭邑篆聲望籍甚交章薦之陞四川梓潼令梓乃保寧屬邑先祖中議公守郡時兄

誕于府署之鳳凰樓今分符其地聞命欣然就道經過漢華等處張示招民復業給以資斧雖未抵任而聞風者咸有樂土之思梓邑城池化爲茂林兄初止于七曲山之文昌祠祭告帝君爲民請命遂賣馬解裘給散百姓牛種復于秦之漢南長寨黃沙等處蜀之劍綿龍安等處招撫逃民而歸來者日衆蓋草房數十百間無屋者自來居住老弱者給以布米孤幼者爲之婚娶修青龍白馬二堰流離之民春耕夏耨稍有次第乃誅土暴緝盜賊設塘兵修旅店時孔廟

願學堂文集

卷之十八

二十五

及城隍廟不血食者十有餘年皆爲修理宰牲告神諸事班班漸舉遂斬木刈草創建官舍顏其堂曰慈惠自書一聯云慈則有之愛吾民如吾子忍看鵠面鳩形空付傷心于已往惠原未也治一邑卽一家務息鴻嗷鷹眼勉圖實效于將來立大雅崇文二社教育童子雲蒸社訓課諸生四方負笈而來者彬彬多士克壬辰甲午兩闈分校咸稱得人兩臺皆首列薦章遂擢廣東雷州府同知梓民立碑環泣不忍相別兄匹馬蕭蕭冒雨以行口占一絕云千山鳥道劍城

隈隴樹陰陰霧半開作令三年何所有携來風雨復
携回時乙未年正月日也由蜀之粵萬有餘里兄毫
無難色單騎赴任雷州爲粵之極東孤城瀕海兵火
以來城垣頽廢往來者踰牆而行而屬邑徐聞又爲
瓊南要路水賊時肆劫掠兄首修郡城安置墩戍復
設快紅數十隻統兵勦捕而海氛甫靖至巨寇王之
翰盤踞西海十餘年所深港密箐兵不能入兄白之
上臺以招撫自任賊聞之且疑且懼至日撥甲冑以
待兄輕裘緩帶隨僕役數人直赴賊穴親見王之翰

願學堂文集

卷之十八

二十六

宣布 朝廷德意譬喻利害諸賊皆投戈于地羅拜
泣下俯首就撫招出官員士民五千有奇歲輸賦二
千餘金總制王公特疏題薦不待報滿以邊俸陞鳳
陽守鳳陽夙稱殘疲土滿人亡兼以猾胥豪徒舞文
玩法兄蹙然曰是猶尪羸之人元氣不充而刑火乘
作非半清半補不可活也濠梁爲十八屬總驛額設
站銀萬餘兩舊時陋規歲令各州縣買馬以供差役
而站銀半入官吏之橐兄盡行裁革再沙汰衙役緝
拿邪教革坐差禁土豪害民者而民生稍寧乃輕刑

薄歛務爲休息已亥之夏海寇猖獗沿江而上直抵
金陵漸逼鳳陽鳳舊無寸塹尺堞可守人民逃竄勢
不可支時直指使者亦按臨鳳郡兄請命曰鳳陽爲
江淮肘掖晉豫咽喉萬一失守中原不可爲矣乃籌
畫方畧豎旗募義兵旬日得數千人爲之造衣甲製
器械立營制分將佐擇日祭天誓衆親爲訓練竟巍
然成雄鎮矣逆賊竊據來全等處兄躬率銳卒潛師
追襲捉獲賊首數人殺散賊党恢復滁陽一帶追金
陵告捷諸當事叙江北功以兄爲第一語曰大兵之

願學堂文集

卷之十八

廿七

後必有凶年明歲庚子宿靈虹五等縣苦潦民病饑
逃亡兄首捐銀米仍倡衆輸穀煮粥賑濟全活者以
億萬計是其功業在

朝廷德澤在民生大江南北人人能言之者也兄才
足以應變識足以先時量足以容物凡事務持大體
不拘拘小節而樂有人群隨材獎用故被其化者可
以使鄙夫寬懦夫有立志居恒圖書在左弓矢在右
雖履險涉危而吟咏不輟尤愛書兼通真草隸篆諸
體所著有蜀粵紀事守鳳錄丹垠詩集行世其遺文

余將編次之爲丹垠文集

贊曰余十歲時兄即教以聲律之學嗣後蜀天學
海篇什往來杼懷寄興故棣萼之情藹如也守鳳
日以海案獲罪倉猝藁葬幽堂之筆至今缺如余
恐其泯泯已也謹撮其大概以爲之傳至論定是
非自有異日之執史筆者在

序

余嘗讀秦風至車鄰駟鐵小戎
無衣諸篇所言皆田獵馳騁攻
擊戰鬪之事慨然想見其時之
人喬佶雄鷺躍馬賈勇之槩下
而婦人女子亦知有赴敵死綏
不敢含怨之意何其剛勁如此
竊意五方之稟不齊東南之音
柔婉而西北之音猛厲得之於
天距今雖數千百年當有終不

可得而變者星公子生於秦其
居卽河渭之間詩所謂載獫載
驕同仇偕作故處仕宦又數躋
數起不得大展志於時發而爲
言宜乎多忼慨壯激拂鬱不自

持之致而我取其詩誦之和平
溫厚絕無纖毫類其土風者豈
地氣有時移易今之秦非昔之
秦乎抑星公子所操之音爲欲
獨異乎其鄉也噫吾知之矣人

之可得而限者風氣也不可
而限者學問也風氣之偏惟學
問可以振之星公子學道有年
其造詣深矣而我區區拘一隅
之風氣怪其詩之變不亦陋矣

哉抑又聞之古先王旣采天下
之音陳之觀其風歌之貢其俗
而又吹律定中聲以示之準使
柔婉者不隣於弱猛厲者不入
於傲無一人不欲納之中和之

丙今日

聖主在上如有意乎轉移世會
一道德同風俗之事則星公子
之詩其權輿耳矣

肯

願學堂詩集 葉序

四

康熙辛酉季春日

吳門同年弟葉方藹撰



序

詩性情也匹夫匹婦胸中自有
全經率吾情盎然出之或疾或
徐或洪或纖或爲雲飛或爲川
馳無適不可若有意乎人之贊

願學堂詩集 趙序

一

毀如吹竹彈絲敲金擊石調其
宮商俳優爾矣昔李百藥見王
通論詩上陳應劉下述沈謝四
聲八疾剛柔清濁靡不畢究而
王通不答薛收曰吾嘗聞夫子

之論詩矣上明三綱下達五常
於是乎徵存亡辨得失小人歌
之以貢其俗君子賦之以見其
志聖人采之以觀其變今子之
言詩是夫子之所病也古之立
言堯舜周孔至矣下此其顏孟
諸賢歟宋之大儒者曰周曰程
曰張朱其言具存其發之而爲
詩亦多矣不離乎人倫日用而
見鳶飛魚躍之機可以左右六

經而教無窮豈所謂大儒者道
至而無取於詩歟澹園先生篤
於道行修而立卓余愧未識其
面茲春來補京邸始獲相接聆
其緒論終日忘疲天人性命之
蘊卽具於當前真與昔聞不異
越秋以所爲詩見示讀之意趣
翩翩無事彫琢得詩人溫厚之
旨焉把玩不忍釋蓋其觀於天
地上下日月晦明山川流峙四

時所以行萬物所以生無非在
 我之極而握其樞機端其銜綏
 流於聲歌吟咏之中以與之無
 窮孰非率吾情盎然出之不以
 贅毀爲意者歟明三綱達五常
 徵存亡辨得失如河汾子所論
 豈應劉沈謝所可同日而語也
 澹園屬余序余鄙陋弗文率余
 情援筆書之不知其可哂如是
 皆

康熙辛酉中秋

年家弟趙士麟拜撰



序

凡文皆肇於經易書禮春秋即無有更沿其名者惟詩之名至於今不改何與或曰亦繇唐世嘗以此取士而當時博學弘詞之科後代間復舉行之故肄聲韻者衆也余曰不然不見

顧亭詩集

孫序

十

夫風與水之有聲者乎露雷霜雪各有其時過時則止而風雖變於四時而未嘗止也金木土效用雖同而不取為器則無悅人之音惟水之用最大與火同而聲更異也且詩之道可兼四經而四經不可兼詩也於美刺

具吉凶之理於鋪揚備政事之跡二

南始於閨門得禮之重者焉二雅終於幽厲得春秋之先者焉唐以此取士乃專限格律其失固無足論然獨不得比於告朔之羊乎余同郡周星公先生蚤擢巍科即列清班因得以

顧亭詩集

孫序

二

其暇吟哦木天之署詩輒工後繇刑曹陞禮曹甫數日旋遭衡文之獄罷歸林下益縱覽群籍數年而詩日以富及起官光祿復還舊署未幾遇安南國王黎惟禎遣臣朝貢兼以喪告星公以有文望得預皇華使者之選

果不辱命而還其功甚偉事在容歲
甲子乃未及報命適值南康郡守缺
人特以星公補焉余聞之喜甚或曰
星公非子所稱好友乎廿年即署萬
里使車今復沉淪一守子何喜若是
蓋余與星公別且九年矣揚州去南
康一葦航之過風利三四日可達而
星公負經濟才歷數任皆非其地今
其見長時矣且匡廬李太白讀書地
白鹿洞朱晦菴講學處也余舟抵南
康城門星公聞余至喜亦與余同也
相見後酒間必論文則其言多根柢

程朱且謂頗悔從前工詩之非余聽
之愕然良久復徐告之曰揚雄作太
玄法言悔雕蟲篆刻不圖於吾友復
見之然世有議揚雄者未有議董仲
舒者仲舒亦嘗作賦矣詩賦亦何傷
子與人歌而善所歌安知非詩詩亦
決非三百之舊然則惟貴善耳若因
世之連篇屢牘風雲月露者而竟棄
不為不幾於懲噎而廢食與詩不善
不可學不善尤不可語云斫檀不諦
得輒述斯言取喻最廣吾願與君期
於善而已星公曰子言良是請即以

序吾之詩然余愧矣

時

康熙二十有四年乙丑首夏池陽同

學弟孫枝蔚約入頤首拜撰



頤學堂詩集

承序

五

頤學堂詩集上

臨潼周 燦星公著

○憶家 以下辛丑作

家在灊陵東復東。剡原百里古新豐。門迎渭水春流碧。坐對驪山晚照紅。宮闕多存秦代址。衣冠猶有漢時風。自慚清暑叨微祿。三載鄉關只夢中。

孫弟人曰可續唐詩正音

有感二首

當年大獵臨南苑。翠輦青旂萬馬馳。

頤學堂詩集 卷之十九

天子戎衣親較射。詞臣替筆共陳詩。帳開晴日龍鱗動。扇轉春風鷺羽移。誰道於今渾似夢。沙城老樹叫寒鴟。

憶昔瀛臺侍從年。綠波萬頃漾紅蓮。花前賜宴迷芳徑。柳下聯吟過畫船。學士承恩同載筆。將軍警蹕自鳴鞭。鼎湖幾日分今古。望斷龍車不可還。

○冬夜西曹直宿二首

幾年清暑裏。獨坐倍悽然。雪色庭前樹。梅花歲暮天。仕途同野馬。人事半風鷺。漏下中宵後。空梁月影懸。

朔風吹薄幕，不寐意如何。長夜鐘聲遠，空階木葉多。
浮名留粉署，歸夢渡黃河。俯仰平生事，燈前一浩歌。

春曉亭八首 有序 以下壬寅作

新水縣東有玉臺，山漢張道陵煉丹處。薜蘿石竈宛然無恙下，臨蘭溪溪水西流蘇子瞻所云誰道人生難，再少君看流水尚能西。是也余友楊菊廬作亭其上，顏曰春曉，蓋用子瞻詞中杜宇數聲春曉之義。亭成徵詩賦此贈之。

願學堂詩集 卷之十九

二

亭開春曉傍山阿，白石粼粼映綠波。日照東窓人未起，遙聞隔岸唱漁歌。

溪水西流不計年，春波朝上澹如煙。東風一夜桃花放，紅日灘頭撥釣船。

春山玉映翠雲流，點點春花照畫樓。何處遊人喧笑語，綠楊斜掩小橋頭。

山亭春曉亂鶯啼，書箔蒸牀花滿蹊。讀罷黃庭無個事，坐看鷗鳥過前溪。

趙錦帆日
妙在用鬆

和風吹柳柳初黃，長曳低垂覆院牆。獨坐亭中調綠綺，新聲一派入滄浪。

微雨初晴曉氣生，杏花枝上叫鶯鶯。閒來登眺春如許，綠浦紅英無限情。

一帶清光畫裏開，半依江渚半山隈。仙人煉藥歸何處，石鼎雲封長綠苔。

味罷晴川懷草樹，賦成赤壁憶江汀。而公勝蹟垂三楚，復見風流春曉亭。

送龔扶萬守永昌

願學堂詩集 卷之十九

三

瀾滄江上武侯臺，萬里山川百戰開。炎地諸蠻天外盡，春風五馬日邊來。沙飛驛路經烽火，月照荒郊半草萊。此去盤根君莫厭，白珪鐵柱紀雄才。

趙錦帆日雄峭蒼潤
格調入古天然傑作

秋日同劉介菴羅巖旭登昆廬閣

高閣晴開萬里秋，西風吹屐此同遊。參差恒岳當窓見，宛轉渾河入檻流。天倒星辰低北極，地連山海控神州。凭欄滿目川原色，煙樹蒼蒼起暮愁。

送趙錦帆左遷歸里

朔風吹鴈滿蘆洲。把酒長歌涕淚流。碣石晴雲迷野路。黃河落日下孤舟。詩成燕市傳新句。酒熟梁園續舊遊。毛義有親還捧檄。故鄉煙月莫遲留。

王大愚曰
可味可嘆

冬至天壇陪祀恭紀二首

聖代崇禋祀。郊壇侍冕旒。彤雲迎御輦。碧樹夾鳴騶。鳳簫紛三奏。龍旂建九旒。青陽時序轉。佳氣滿圓丘。緹室灰初動。升中告泰壇。霜花凝玉仗。月色映金盤。壇坫千年迹。宮牆一代觀。鐘聲天未曉。風過翠裘寒。

願學堂詩集 卷之十九

四

○○冬夜諸同人集傳雨臣宅得多字

寒星浮檻外。把酒望銀河。舞劍雙龍動。論文數鴈過。臘殘青歲轉。官卧白雲多。清興容吾輩。相逢一放歌。

送竹淇園分憲粵東

三年粉署共含香。憲節新持出建章。燕市春風鳴劍佩。鰲湖瘴雨暗桄榔。漢臣捧檄來雙鳳。越士分醪醉五羊。此去東南稱保障。銅標萬里鎮遐荒。

○春刻卽事 以下癸卯作

野墅春流曲。滌澗古道旁。菜花垂井檻。樹影暗池塘。

林鳥當人叫。山藤隔路香。澗泉清可掬。澗濯憶滄浪。

王大愚曰如身
歷和風清沼間

○送朱季多給諫分守湖北

禁院飛花滿御溝。美人悵別鳳皇樓。奏書左掖推遺直。開府荆南控上游。雲黯龍山朝度馬。風清鶴澤夜停舟。題詩還憶秋曹客。好寄新篇到薊丘。

○夏日齋居四首

退食門常閉。輕風吹女蘿。橫窓疎竹葉。壓地老松柯。倦夢憑飛蝶。臨書擬換鵝。披襟花底坐。長日似山阿。

願學堂詩集 卷之十九

五

萬東山曰幽閒
冲淡備五遺聲

避暑北窓下。蕉陰入檻涼。焚香憑素几。啜茗對青箱。鴈鴒巡檐語。茶蘼引架長。興來扶短杖。放水灌魚塘。

盧餘庵曰
幽事楚楚

獨坐清齋裏。蕭然處士家。忘憂當戶草。解語隔窓花。低棟留巢燕。深林足睡鴉。軟塵飛不到。倚枕讀南華。朝罷唯高卧。官閒得自如。小亭堪載酒。僻地少停車。欄藥春前種。畦蔬雨後鋤。夕陽煙樹色。市外有村居。

○詠懷六首

冬日寒風冽。夏日毒暑侵。羲馭不可駐。日月遞相尋。
我有撫鶴軒。遙對西山岑。落日照東壁。藤花散晚陰。
石門人不到。獨坐彈瑤琴。

系豹人曰落日四語開
適絕似蕭蕭州風味

竟日坐繩牀。真懷窮大雅。闌闌九衢陌。紅塵喧車馬。
出郭聊騁望。清風來曠野。白雲時往還。飛鳥自上下。
徘徊長嘆息。幽思憑誰寫。

東方希有鳥。號爲百鳥尊。垂翼覆滄海。矯首望天門。
俯視隘六合。不敢縱飛鸞。鵠鵠借一枝。飲啄自朝昏。

願學堂詩集

卷之十九

六

物各適其性。小大安足論。

王勿華曰一部
南華數語該盡

朝出城東門。群鴉噪廣陌。道旁老翁言。當年貴主宅。
桃花旣舒紅。梨花亦吐白。金尊玳瑁筵。花前夜宴客。
屈指二十年。庭址長年交。繁華不可常。君子當自擇。

趙錦帆曰昔趙深婉樂府
佳調鮑參軍後不解爲此

昔有一老人。遇我梅山旁。獨坐巖松下。形容頗異常。
雙瞳碧似水。齒白如含霜。甲子餘二周。世變幾滄桑。
授我養生訣。佩之不能忘。回頭再欲覩。雲水空茫茫。

弱水不可涉。崑崙不可攀。羨彼九苞鳥。來往彩雲間。
朝日昇東海。暮日墮西淵。可憐齊景公。牛山空淚漣。
莊子齊物論。放言強自寬。願從赤松子。可以學長年。

王阮亭曰六首體格
風味有嗣宗之遺意

○夏日宿白塔寺

峻嶒古刹幾經年。偶杖青藜到梵天。半畝松陰流澗
水。一簾花色靜爐煙。層樓入夜鐘聲遠。明月懸空塔
影圓。擬製袈裟常此卧。不須于願買山錢。

○秋日送工部方更大兄分司龍江

願學堂詩集

卷之十九

七

西風吹鴈過。桑乾醞酒青。門白露寒八月平。湖天上
渡。六朝煙樹雨中看。水曹詞賦推何遜。江左風流數
謝安。一曲驪歌秋漸老。臨岐立馬更盤桓。

大西兄曰聲情高亮
非盛唐人不能到

喜同學申陽賓李培實登第賦贈

秋山讀古十年餘。一日承恩拜帝廬。盛世科名爭自
重。吾曹期許未全虛。庭前花發傾新酒。雪裏人來檢
舊書。幾載相違今始見。湯泉樹色近何如。

○秋日趙鍾秀招同館諸子飲徐氏水亭

雨罷登高柳秋光處處分遠峯低落照野水起層紋
檻拂重堤柳窓停出岫雲參差涼吹晚脫幘散微燠

○送趙鍾秀戶部分司武林

蓼花如錦滿江皋賦別津亭醉玉醪書旂晴搖天目
樹孤帆夜渡廣陵濤雨餘竹閣秋風起月上花堤雁
影高西子湖邊饒勝賞新詩應在念珠曹

葉恭慶曰五六
清秀似錢郎

○三月三日奉羈銓署用劉石潭韻以下甲辰作

閒庭古柏畫森森獨倚闌干向晚陰春去落花迷曲

願學堂詩集卷之十九

逕夜來群鳥噪高林揮毫漫擬子虛賦抱膝空懷梁
父吟增草萋萋人寂靜憂思無計寫瑤琴

擬豔歌行

西方有美人窈窕自含芳亭亭玉作骨曄曄霞爲裳
頭上雙絲髻足下五鳳章腰間七寶帶耳後明月瑤
盈盈作細步顧盼生輝光簾垂兩孔雀帳繡雙鴛鴦
銀臺青銅鏡金爐百和香夫君何處去日日守空房

擬悲歌行

歷歷天上星皎皎空中月清光照我牀展轉腸如結

披衣當戶立涼風正淒切風動階前草草蟲聲悲咽
仰視浮雲白河漢橫天闕牽牛與織女相望兩愁絕
對面隔終年豈在遠離別

乾甫伯曰凄婉
之極可歌可泣

○擬空篴引

公無渡河河水澎湃揚洪波濤翻日月墮重淵浪湧
山岳起盤渦狂風怒號天光沒馮夷打鼓鮫人歌毒
煙瘴雨相磅礴飛鳥徘徊不敢過千年老蠶萬年母
蠶奮鬣揚鬚莫敢誰何一朝不自持葬身蛟龍窩忘

願學堂詩集卷之十九

九

軀歷險操舟舵何如高卧南山阿公無渡河

擬遊仙曲

東方有彩鳳飛來入我堂褰衣乘鳳去瞬息歷八荒
忽過太微宮金闕玉爲梁瑤草當階生白鶴戲銀塘
庭前雙桂樹清冷自生香中庭若有人朱顏佩明璫
食我青精俛飲我沆瀣漿貽我紫蘭佩披我素霓裳
回視足下鳳化爲彩雲翔逍遙隔塵世優游壽無疆
碎穀耳寂寞徒勞漢張良

黃鵠歌

黃鵠東南飛一步一回顧徘徊霄漢間
人得無慕籠羈雲間鳥釜泣池中
鮒物理信無常相緣亦有故北風何颼颼
萬木垂霜露我欲凌空翔忽與鵬鳥遇
下飲天池水上宿蓬萊樹匪敢遠世間聊以
全朝暮

懷趙錦帆

我友大梁趙司寇少室山中正好眠
興到崖頭題木葉醉來竹裏漱流泉
雲光黯淡百年日樹色蒼茫千里煙
中夜懷君不能寐窓前月影空娟娟

孫豹人曰切體自
徒李北地遺音

願學堂詩集

卷之十九

十

擬古四首

皎皎鞠陵日直下虞淵岸六龍奮迅武周天
匝昏日嗟茲世間人鷄鶩紛爭竄不愁白髮侵
但惜黃金散青青礪下松對之發長嘆
飛鳶戾重漢尺蠖蟠泥中庶類有殊質高下安能同
浮游悲夕日鵲貼泣秋風仰視白頭人
瞻瞻壽無窮豈知王子喬乃與天地終

王勿華曰劉文
成得意之筆

入山亦可漁入水亦可樵古人處陋巷逸志凌雲霄

驚驥馳千里遠近不齊鑣窮達各有分
展轉徒心勞田子方有言貧賤不可驕

蛟龍養頭角非雲不可行士人抱禮義
須友乃成名鮑叔相齊國管仲拜上卿
明珠棄道旁見者按劍驚如何漢終軍
入關自請纓

王阮亭曰四
章氣格自古

夏日憶家園風物偶成六首

驪山勝蹟數東峯古柏陰陰翠黛濃
夜半月明空寺裏隔林遙聽一聲鐘

願學堂詩集

卷之十九

十一

繡嶺嵐光帶翠螺石泉如璫瀉山阿
老僧岩下拖筇杖拾得松枝煮綠蘿
湯泉日暮樹陰移山麓涼風向晚吹
浴罷披襟塔上坐華清宮裏看殘碑
灞陵柳色畫依依橋上高樓對夕暉
幾處農夫穿水逕滿川綠漲稻花肥
渭陽渡口水雲蒸風動波搖碧浪痕
對岸老翁頭半白垂楊橋畔晒魚罾

秦皇古墓倚南山墓上苔痕照石斑
萬世雄心餘茂

草凡泥誰復塞函開

王勃華日六絕描
寫景物可謂盡致

擬子夜四時歌

一夜東風吹桃花落未了不敢怨東風怨花開太早
入水不見蓮拾得子盈手已知苦在心安能再求藕

葉慕廬日亦
讀曲之佳者

空階聞蛩語如怨復如慕羅衣百道縫有懷不敢露
苑裏雪獅子瑩然玉削成有心無人見日後自分明

王大愚曰
樂府佳調

願學堂詩集卷之十九

十二

羈所答田漢元九日見贈同王文石賦

日擁孤衾卧短牀佩更驚聽過重陽鴻飛北渚催寒
陣菊老東籬憶故鄉憔悴文園憐病瘦風流供奉任
詩狂話愁賴有同心友坐對空亭月似霜

懷王幼華

旅舍西風急挑燈夜不眠愁窺燕塞月夢繞渭陽天
避地隣司馬居近龍門豪吟類謫仙相思千里外梅影亂

窓前

懷盧餘菴

竟遂投簪志言歸鸚鵡洲衡山朝採藥漢水夜停舟
種菊同元亮藏書似鄭侯北堂親尚健膝下好優游

懷萬東山

博雅真君子孤標卓不群胸中羅五岳筆下貫三墳
燕市樽前月嶽山嶺外雲空階頻悵望落葉正紛紛

懷劉公誠

避世脩然去閒居穎水東客來花正發睡起日初紅
兄弟皆詩友江天一釣翁何時高蹈志得與故人同

乾甫伯曰四懷詩俱有木葉露
下秋夜蟬鳴之意可謂清絕

願學堂詩集卷之十九

十三

十月三日蒙恩矜宥還家恭紀

忽傳丹詔自天來八月繁陰一旦開聖澤無邊垂雨
露臣心有愧感風雷兒童乍見歸來喜婦子重增痛
定哀從此餘年皆帝德南山作息頌蓬萊

季冬三日出都門口占

凜冽霜風送逐臣敝袍却謝帝京塵常懷聖德同
天地敢道貞心動鬼神阜樞全消千里志斑衣珍重
百年身閒園十畝驪山下重許桑麻樂賤貧

劉公誠曰讀此詩
忠孝不是兩樣

定興道中

攬轡范陽道。茫茫古信都。天文分界野。地勢壯皇圖。
霜鴈群高下。煙林半有無。愁看山色晚。落日下平蕪。

保定遇雪

三關峙立拱神京。一望郎山玉削成。樹隱丹臺葛洪廟。
雲連粉堞慶都城。寒水凍結溪流合。荒草痕殘野燒平。
不信歸途全寂寞。飛花點點送行旌。

新樂署中次壁間韵

落日城頭野色偏。征車歷歷破寒煙。風迴斷澗難聲落。
城頭野色偏。征車歷歷破寒煙。風迴斷澗難聲落。

願學堂詩集

卷之十九

十四

急雪壓層岡。樹影連故國。遙瞻千里外。帝城猶憶五雲邊。
重來獨有蘆洲鳥。嘹唳長空似舊年。

井陘道中

驅車陟高岫。諸峯鬱嵒嶙。石磴不容幘。林壑相軋埶。
風鳴幽澗深。雪霽丹崖爽。嶺樹密似薺。石花大如掌。
中有碧沉泉。飛巖激清響。盤回萬谷中。天光留微朗。
遙瞻建幟臺。寒煙雜野莽。淮陰帳已矣。英風千載仰。
日極斷雲歸。情隨落日往。拊膺長嘆息。不盡古今想。

夜次壽陽

蒼煙四野合。落日山光暉。杖策問前途。尚在崇岡背。
篝火隱孤村。歸鴻悲遠塞。月出行未息。嚴冬通明昧。

王阮亭日似盛唐
常建祖詠輩詩

山中卽事

早行度山坳。微雪在遠嶺。初日照高林。迷茫目欲眩。
經過數家村。青煙辨晨爨。婦子春籬間。野人陶溪岸。
鷄聲出短樹。馬蹄轉霜棧。顧此勤儉民。古風良可戀。

不選玉皇閣眺望

高閣連雲起。前對中條峯。昔年曾過此。避暑憩長松。

願學堂詩集

卷之十九

十五

羽士兩三人。招我洞霄宮。璇題聳瑤臺。玲瓏奪鬼工。
閣下有深洞。竹堦午生風。素琴掛石壁。白鶴卧幽叢。
屈指今七載。奔走屢西東。生涯嘆蕉鹿。世事悲轉蓬。
何如閣外山。依舊青濛濛。

謁郭有道祠

霜華木葉滿山陂。展拜先生入舊祠。雨後苔痕迷野迳。
風中松子落前墀。折巾有道空遺像。題誌無慚已斷碑。
立馬夕陽雲影暗。徘徊百世想人師。

韓侯嶺

靈石城南二十里，諸峯岌嶭連天起。礧崖陰森萬壑，
寒霜風淅淅鳴谷裏。嶺上舊有韓侯祠，落日山光黯
野陂。幽巖時見旌旆色，深夜或聞鐵馬嘶。將軍遺恨
通今古，隋準當年太莽鹵。徒思猛士守四方，忍使元
功竟監脯。呂后移劉計，太工淮陰先。死未央宮，英雄
取次皆黃土。清渭聲流咽向東，君不見漢家社稷餘
荒丘。行人至今悲韓侯。

吳謹侯曰：呂后二語爲淮陰翻千古沉案，惜不令隋準公見之。

春日二首 以下乙巳作

願學堂詩集 卷之十九

十六

避人宜避世，卜築在牆東。倚戶迎朝日，開窓納惠風。
詩吟陶處士，隣接夏黃公。長晝無他事，穿渠種白菰。
十里桃花岸，沿溪聽吹簫。竹垂陰个个，燕舞語雙雙。
佳句揮銀管，香醪滿玉缸。歸來軒外坐，月影上蓬窓。

○酒川

碧水環如帶，長橋渡彩虹。人家春樹外，城郭暮煙中。
一旦繁華盡，千秋悵望同行。人經此地猶說五陵東。

孫豹人曰：盛唐風格。

遊華山贈王道士

嶺華山之三峯，插青冥而上浮，倒拖紫竹杖，直上三
峯頂。上遊羲和假道，轂日車橫截白雲堆，不流俯視
黃河如衣帶。斜遶秦川百二州，虹飛仙人掌。鐵鎖蒼
龍頭，玉女笑倚蓮花峯。將軍怒踏鐵犁溝，層巒嶂
環兒孫。老松古柏盤龍蚪，巖間野鳥無名字。飛鳴上
下聲啾啾，倏忽日沉崖谷黑。雷雨欲來青天幽，忽逢
一羽士，自名爲湛虛。不出石門二十有二年，眼底流
光似朝槿。指頭世代如浮漚，賣珠主第稱新貴。種瓜
青門本故侯，黃鵠未脫繳。鵲患飛鴻猶爲稻梁謀，我

願學堂詩集 卷之十九

十七

聞羽士言，嶠然釋百憂。憑虛發狂叫，已矣復何求。仲
連辭世歸東海，君平賣卜隱梁州。角里商山食芝草，
子陵灘頭持釣鉤。但當衣荷躡屨從爾住，日日共坐
三峯之上頭。

王幼華曰：類挫抑揚得青蓮之神理。

○潼關

天險險固地雄稱，古雍州黃河吞岸曲。華嶽挂城頭，
官路連荆冀。殘碑誌漢周，停車還四望。春草滿山丘。

王阮亭曰：三四雄杰。

題橋頭溝關帝廟壁 有序

乙未仲春余同九公長兄省覲宿遷溝南有
關帝廟余馬上偶吟兄書之壁間計今十有
一年矣墨痕如昨兄謝世已五載撫景愴懷
惻然欲絕依前韵賦之以誌感云

連岡古樹晚陰涼。此日重來欲斷腸。歲月無知人已
逝。乾坤有恨淚偏長。悲風零雨驚鴻陣。野岸荒村繫
馬韁。翹首塗山空悵望。傷心不是爲他鄉。

張茅山六言王首

願學堂詩集

卷之十九

十八

嶺樹陰陰翳日。巖花灼灼含煙。疲馬遲回道左。征鴻
嘹唳天邊。

疊澗迴峯野迳。斷橋流水平沙。日暖風和天氣。鷄鳴

犬吠人家。

崎路高低處處。層巒遠近重重。白草樵人晚刈。黃梁

村婦朝春。

回首不知歸路。隔林遙見前溪。飛鳥迎人上下。野麋

銜草東西。

落日幾家茅舍。暮煙半啓柴扉。木几繩牀留客。田瓜

野韭充饑

王阮亭日六
言俱自然

洛陽懷古二首

遲日春將暮。驅車古洛陽。柳垂隋苑綠。花落漢宮香。
文字懷東觀。松杉嘆北邙。鴻都門下過。何處問中郎。

廬餘巷日三
四天然工秀

雨散諸山外。東林曉霧開。春溪流澗水。晴日上雲臺。
路紀蕪秦里。人談賈誼才。遭逢原有數。今古共徘徊。

汜水

願學堂詩集

卷之十九

十九

十年三過此。杖策復登臨。野殿仍荒草。山城半夕陰。
黃金蕪子淚。白壁楚人心。環顧無相識。徒勞澤畔吟。

鄭州曹知我別駕。羅梅山劉泰瞻張樹風同年

留飲席間賦贈

柳色氍毹草色萋。群峯噴吼紅日低。蒼煙四起山村
合。行人徘徊嗟路迷。別駕曹君興最豪。昔年把臂白
雲曹。一見故人談往事。殺鷄爲黍不言勞。劉子泰瞻
稱好友。玉釭滿堆縹清酒。羅子意氣凌青雲。愛客不
減平原君。張子磊落任胸襟。高談雄辯動古今。醉倚

綺筵燭花落。坐對高林月影沉。綠醕金尊君莫辭。河
水東流無返期。朝葵暮槿君莫憂。飛鳥日過西山頭。
人遇陳蕃且下榻。賦成王粲共登樓。明晨分手東南
去。吳山洛水兩悠悠。

吳謹侯曰。典致淋漓。筆墨歌舞。長篇能事。無以加矣。可奪初盛諸公之席。

大梁留別侯餘古同年

繫馬長楊問故人。竹亭石逕靜無塵。雨餘青草堦前
色。日暖紅鱗甕裡春。寶鼎焚香時隱几。金盤燒燭夜
留賓。與君別後應相憶。三月桃花汴水濱。

顧學堂詩集卷之十九

二十

陳州謁伏羲墓

華胥開聖祚。木德應神皇。曆數初元會。埏埴總萬方。
佃漁滋世用。卦象演文章。道合乾坤大。名同日月長。
丹青留像貌。松柏護垣牆。風雨生虛壁。龍蛇走畫梁。
山川采爽氣。草木發靈光。墓有蒼草功業垂隆古。明禋感
後王。石碑龜負蘚。寶鼎獸噴香。下馬虔瞻拜。寅恭不
敢忘。

吳謹侯曰。沉雄工麗。當與少陵並驅千古。

哭華鵝湖同年

客歲仲冬別于京師。今春過潁州。劉幼功傳
凶問。痛不可言。詩以哭之。

高館寒風吹夕月。濁酒孤檠話離別。余也罷官君抱
病。相對不言心鬱結。爲傷長歌代痛哭。感念今昔聲
悲咽。疋馬蹙蹙太行道。每從北斗瞻京闕。今過潁陽
聞君訃。不禁肝胆欲摧裂。六年連袂長安陌。此日悲
酸那可說。嗟君有品溫如玉。嗟君有懷皎如雪。彩筆
一落蛟龍翔。雄辭乍吐江河決。子淵早虎斯文喪。叔
度不存吾道却。遙憐書戶巢鷗鷺。忍聽荒丘叫鸛鵒。

顧學堂詩集卷之十九

二十一

梁溪之水自森茫。夫椒之山空嶻嶭。落日吳江秋葉
飛。愴然一望東南絕。

王雪洲曰。落日照屋梁。無此凄切。

莊子墓

臨淮

曉日塗山道。漆園傳故廬。白雲封戶牖。綠草滿堦除。
榻遶夢中蝶。溪流濠上魚。南華樓下過。不盡意躊躇。

廬州丁道士山房

茅亭依水岸。入檻暮煙霏。老鶴臨池瘦。閒花着雨肥。
散行常見性。趺坐共忘機。華表山頭鳥。他年返令威。

· 滁州豐樂亭次王弇州韵

環峯草色鬱葱蔥，獨立高臺萬境空。
野鳥飛鳴斜日外，山僧坐話暮煙中。
荒藤石壁尋遺字，古木流泉憶醉翁。
遊覽不知歸去晚，行看月影美溪風。

盧稼菴曰：神韻超然，不露斧痕，自是七律上乘。

楊州雜咏十首

平湖十里古邗溝，白鳥朱荷水面浮。
六月南風吹不定，徵歌日醉木蘭舟。

王西樵曰：吹不定三字，寫得旖旎。

願學堂詩集 卷之十九

三十三

碧流如帶跨紅橋，兩岸河亭放畫桡。
明月樓頭人不見，柳陰深處自吹簫。

孫豹人曰：詩中有畫。

蜀岡臺榭俯江灣，日暮遊人載酒還。
六一風流成往事，空堂猶自說平山。

野寺荒臺山逕幽，隋家天子舊迷樓。
三千歌舞歸何處，綠樹斜陽照古丘。

蕪城風物憶隋朝，莫辨當年廿四橋。
落日湖邊青草裡，幾群鷗鳥泛寒潮。

古殿蒼苔夕照斜，秋風無處問瓊花。
遊人記取蕃釐觀，訪勝頻來道士家。

梅花岡上夕陽低，煙鎖石橋橫水溪。
爲愛城陰風景好，尋僧盡日話招提。

別殿恩情最可憐，玉勾斜裏葬荒煙。
幽魂冉冉如堪訴，夜半月明江上天。

王西樵曰：語境幽，皆正如青楓鬼語。

廣陵城北竹西亭，亭外諸峯向晚青。
杜牧題詩何處是，歌聲日日過煙汀。

願學堂詩集 卷之十九

三十三

閣起雲山秋正中，小游詩句壓群公。
名賢勝會都陳迹，賸有群鴉噪晚風。

王西樵曰：何異寒鴉飛盡水悠悠。

讀鄭士介年伯蓮舟卽事詩依韵賦贈

竹西亭路傍溪灣，杖屨逍遙任往還。
詞賦名齊何水部，前官風流老過白香山。

筆掃雲漢光爭動，酒映芙蓉色共殷。
臺閣經綸留子輩，爲侍御江村花鳥自清閒。

前韵贈同館大西三兄

驅歌猶憶路河灣縱跡江湖竟未還自謝浮名辭北
闕常開別墅卧東山客中樽酒三年夢水面荷花五
月殷回首風塵多悵惘濯纓亭上幾人閒

送王阮亭禮部北上

層雲陣陣壓蕪城雨過湖亭曉氣清荷葉綠浮江上
酒蓼花紅送薊門旌揮毫珠玉無今古夢草池塘有
弟兄此去南宮余舊地秋風應動故人情

送質菴大兄往濠梁復有西湖之約

曉風吹雨暗紅橋西望平山去路遙鴻鴈連天迷嶺

願學堂詩集卷之十九

二十四

樹葉葭滿地汾江湖愁來兄弟同吟社到處煙波放
書橈暫向漆園尋故友蘓公堤畔許相邀

秋日雨後渡江同潘鏡如

南出瓜洲浦長江萬里清微風秋雨過落日晚潮平
波湧金山寺雲開巖壑城扁舟依古渡坐聽棹歌聲

王阮亭曰大
雁十字通響

早發京口

曉日臨江上蒼茫水氣分殘煙浮鷺渚眉漲起縷紋
賈舶遙帆見漁歌近岸聞回瞻京峴嶺秋樹暗重雲

江上遇王西樵吏部歸維揚時余有武林之行
中流欣共遇握手話江村為憶同憂患相憐如弟兄
西樵與余同西湖秋泛棹東閣夜開樽到處君恩
以舊文獲罪重深懷不可論

宋荔裳曰得詩
人忠厚之

泊舟毘陵訪楊陶雲巢兼山時兩君並
被謫林居
落日黃山下停舟問故人風塵同往事湖海共閒身
細切銀絲鱸頻傾石凍春生談不覺曉夕月下江濱

葉恭蔭曰
蘓藉

願學堂詩集卷之十九

二十五

秋江風雨中讀離騷

長江風雨急巨浪拍孤舟煙波忽萬疊對之心悠悠
偶讀離騷經蕭瑟日暮秋潦繞溪雲合蒼茫野霧浮
吞聲泣文魚長嘆動神刺悲風千里來江水點不流
搔首問青天不盡今古愁昔人類如此已矣復何尤

吳山歌贈王雪洲

吳山萬仞蒼霞舉左瞰西湖右江渚王子雪洲曠世
才扁舟直下來荆楚昔年同余謁明光帝詔讀書
中秘堂夜火晨鷄兩載餘不識其短寧識長以庶常
改官給

歸 黃門奏事專分判暫假詞臣掌省諫抗疏日上

未央宮朝野聞之皆色變問君何事拂衣回敝車

馬滿塵埃徘徊九州無住處披襟高卧吳山隈斗大

僧房君不厭圖書數卷壓几案揮毫時出驚人句萬

丈虹霓不可辨醉後悲歌聲慷慨青天白日轟雷電

關中周子字星公出處大抵與君同漂流四海人不

識來上吳山第一峯故人相逢喜相見細汲山泉煮

芋莧曠然樓樓名居山頂上時余寓之高秋氣深挑燈話久不知

倦夜來風雨滿山阿四望蒼茫可奈何四望蒼茫可

願學堂詩集 卷之十九 二十六

奈何爲君漫作吳山歌

朱荔裳曰欲嚙咽似盡不盡似了
不了古今人不能爲綠膽力小耳

西湖雜味十首

秋光澄徹澹湖顏湖上諸峯點翠鬟日向西泠橋下

過輕風吹入畫圖間

湖心亭外雨垂天舟子倉忙急進船客意暫教雙槳

住鴛鴦沙際正酣眠

南屏翠色鎖芙蓉淨寺寒煙起暮鐘明月照來湖底

潤清光倒插兩高峯

石甌山頭落日暉秋林露冷桂香飛誰家年少湖亭

上醉臥花前未肯歸

斷橋南去是孤山鶴放亭空不復還處士清風千載

後寒梅幾樹照湖灣

十二樓臺近水居青帘搖曳映紅裾夜來燈火湖亭

望萬點明星散碧虛

六一清泉舊有名秋山孤榭憶先生高風一代憑誰

賞斜日空林野鳥聲

蘇公堤畔泛蘭橈霜染丹楓照六橋回首吳山烟樹

願學堂詩集 卷之十九 二十七

裏愁人秋色更無聊

驚嶺何年飛向東故將靈隱號龍宮聞來忽憶賓王

句夜卧僧樓看日紅

王阮亭曰遂與
駱丞本詩爭雄

湖天宜雨復宜晴掩映波光百態生問水有名亭不

見夕陽湖上賦秋聲

○雙桂

愛茲雙桂樹常對小窓幽露冷連朝雨香生滿院秋

孤芳來月殿清影動江洲誰賦淮南句攀援喜暫留

九日同宋荔裳王蒼嵐廬長華萬東山羅鏡菴

龔孝緒閔官用王古直葉元禮諸同人宴湖

上分韵得陽字

天涯景物又重陽勝友登臨漫舉觴十里湖光堆翠
色滿林楓葉落紅霜香飄處士籬邊菊藥佩仙人肘
後囊醉卧莫愁歸路晚秋空明月照寒塘

贈希子寅先生

解去朝衣卧石泉方瞳鶴髮地行仙花前時酌松醪
酒月下常調綠綺絃令子銀臺宣帝德老人瑤島

願學堂詩集卷之十九

二十八

享大年知君定有長生訣珍重丹經不浪傳先生精通內典

既見余詩遂以秘篋相授

湖上片石居聽莊蝶菴彈琴

嶧陽之桐三千丈直上青雲凌沆碣古帝斲之爲素
琴命曰離微通神貺前有瓠巴後師襄微音窮變妙
無方次如蔡邕嵇中散青溪華陽不可詳維揚莊子
傳遺法千載餘音在肉甲西風遇我湖亭上爲拂朱
絃仰闔闔上下屈伸始正聲淋漓流澌漸有情巍巍
洋洋隨意鼓四壁蕭然秋氣清華嶽三峯何壁陡黃

河九曲指下走洞庭霜落秋鴈鳴巫峽更深夜猿吼

有時瞑目疑罷彈依稀聲在有無間絃手相得心已

冥日融寒雪滴涓涓却入龍池還細按促節清音更

凄斷座中俱是他鄉人何人聞之不悲嘆美爾飄然

志不群三調遊絃世未聞使攜綠綺侍溫室應承帝

德歌南薰雲和之奏格上下感情豈但孟嘗君

王阮亭曰風格秀整聲情抑揚李東川之遺音也

仲冬十七日泛小艇過蘓堤第三橋茅家埠登

岸覽三天竺諸勝越西嶺遊靈隱寺歷飛來

願學堂詩集卷之十九

二十九

峯薄暮而歸

天寒湖水白凌晨泛孤棹湖南諸山峯曉日含清照
步上跨虹橋漸可恣遠眺石磴曲折上山迴流泉抱
初過下天竺巖壑便奇妙竹樓半壁懸野鳥深林叫
扶杖歷崇險尋勝窮幽好暫憩三生石千秋留一笑
中竺與上竺愈入愈精與雲迴碧澗深霧歛丹巒峭
東過楊梅塢短屋臨孤嶠綠繞松間煙冉冉吐石竅
淨室三十六窮年人不到復踰西嶺下頓失前山貌
靈隱古名利莊嚴出天造往錫千百人共闢如來教

中有兩老僧見余能高蹈留坐冷泉亭灑然滌煩躁
山光入檻青簷角飛流瀑煮茗竟日談頗得明心要
迴歷飛來峯幻怪真難肖玲瓏萬壑通谷風日號嗽
散步度前溪悠然逢故道

王幼華曰此首追古人是老杜是大謝是劉文成是高季迪吾無以名其妙

冬日同詹允諧冒雪泛舟湖心亭小飲

寒風激雪浪汗漫散平湖天光波底合山色望中無
小舸隨所發咫尺影模糊緩步湖心亭萬疊煙嵐鋪
詹子西冷士豪爽真吾徒興到詩千篇狂來酒百壺

願學堂詩集

卷之十九

三十

蕪公橋自六處士山空孤流光迅如駛天地日凋枯
安得紆陽轡暫繫扶桑鳥

盧餘庵曰天光二語刻劃殆盡

祝杭州毛南薰別駕

十年煙雨醉西湖司馬風流絕代無晝卧焚香琴自
靜春遊露冕鳥爭呼青箱家學三珠樹玉笈仙編五
嶽圖更喜華筵稱祝日梅花佐酒宴蓬壺

祝姜紫環先生

姜定菴都諫尊甫會稽人以下兩午作

累朝文獻推江左爽葉勲名第一家帝簡良臣扶

社稷天留遺老卧煙霞春風修禊蘭亭會雪夜懷人
剡水槎元日初逢仁者壽瑤觴酌酒泛椒花

祝王瑞虹先生六袞

王景瀾文學尊甫錢塘人

先生家住近湖濱杖履優游鳥角巾園內秋風堪種
菊灘頭曉日好垂綸延年煉就爐中石繼業群推席
上珍從此絳人添壽笑重將甲子紀長春

書金嘉賓年兄遺像

憶昔聯袂侍彤廬風雨相同三載餘今到君家不見
君松陰竹影橫階除老父閉門長晝卧孤兒蔽體麻

願學堂詩集

卷之一九

三十一

衣破我心忉忉不可言無那西風雙淚墮

先皇當日重詞臣親遘四十有四人可憐龍髯昇天
後苑生淪落難具陳死者如君已七子

陳長公蔣辰生許蓋臣華

續長劉去姬鄭次嚴與嘉賓共七人生者飄零何所止君若有靈應我
問子復何來亦至此

葉慕廬曰感念存沒歌以當泣此山陽鄰笛之聲也

代孫無言答黃山詩二首

有序

孫無言將歸黃山友人贈詩幾千首余病其
意多同王西樵告予曰近嚴灝亭先生有代

黃山招無言詩余聞之而喜黃山有招無言
不可無答也代作二首

賦別山居後浮沉不自期嶺雲愁裏望溪月夢中窺
把筆長吟處卽盃高卧時回頭朝郡路無日不相思
昔有買山隱况當予故鄉苔痕迷曲徑蛛網結空堂
書劍飄零久巖溪歲月長歸來應不遠好爲理匡牀
正阮亭日送無言者多
矣先生二首獨有別趣

贈孫豹人二首

綠瞳炯炯髮如銀四壁蕭然不厭貧醉後憑陵狂叫

願學堂詩集卷之十九

三十三

絕絲毫題盡廣陵春

柴門寂寂畫常關列國風謠子細刪爲憶鍾嶸無處

問千秋詩志在平山豹人撰十五國詩志

秋日歸自維揚

行止渾無定浮沉與世遊鄉心潼渚樹客况廣陵秋
歲月消書卷生涯付酒籌西風解纜日歸興滿滄洲

山行

落日登高岫秋深野色連寒雲盤古木宿鴈下晴川
作客羞彈缺從人學種田驪山望不遠策馬夕陽天

門人趙宗業曰格高而調老較
之襄陽臨洞庭諸作難分伯仲

願學堂詩集上終

願學堂詩集卷之十九

三十三

願學堂詩集下

臨潼周 燦星公著

擬長相思 以下丁未作

長相思相思何所極乃在扶桑之下東海之東三山
斜挂珊瑚樹方丈中懸蕊珠宮蕊珠宮闕玳瑁梁水
晶枕簟生寒香芝草琪花開滿院白玉階前鳴鳳凰
挹朱露酌瓊觥仙人投壺仙女吹笙瀛洲宴罷閒無
事笑看海水飲長鯨長鯨怒吼海風黑咫尺蓬萊辨
不得仙人仙女都不見東皇手把九華扇立向碧空
願學堂詩集 卷之二十

擬霍將軍歌

長安大道羽旄紛驪黃驤馵如雲屯中有錦袍繫纈
帶云是漢世霍將軍將軍親受武皇命夾輔王朝風
命重諸子盡爲關內侯列孫不數尚書令口底風雷
下九霄百官奔走似鴻毛隨意指揮皆令典定法何
必須蕭曹朝外新開元勳府朱門左右陳金虎雕梁
盡棟空中懸明珠翠羽堆雲母愁看金穴用不盡買

取吳兒教歌舞丹書忽下明光殿特遣中官賜金券
天子嘉爾輔相功用誓河山作屏翰老臣感恩謝未
已豈知新帝有深旨不留薄待功臣名故將殊禮全
終始一旦身亡妻子死蓋世功勳同逝水茂陵徐生
不解事殷勤日上徙薪計

月夜同常德符舅氏坐話

河漢澹無際晴空孤月明橫窓疎樹影達砌亂蟲聲
早歲浮名謝中宵暑氣清同心惟舅氏共坐話平生
王阮亭曰起四句
不減右丞哀陽

願學堂詩集 卷之二十

送王信初侍御還朝

當年連袂侍蓬萊早識先生命世才校定五經留虎
觀敷陳六疏重身臺登車華嶽秋雲曉把筆黃河巨
浪開此日還朝蒙 帝簡遙瞻紫氣滿中台

送王嶽生給諫還朝

露下長空秋氣清送君此日入承明酒川紅葉開離
宴華嶽晴雲逸去旌御宇初聞 皇極正陳書早奏
泰階平茂陵獨有相如在空憶當年獻賦情

九月一日登鴈塔絕頂懷李叔則先生

叔則有
鴈塔記

崔巍古塔起層空秋霽登臨氣象雄坐近諸天迴日
月門臨八水遶西東曲江野樹迷唐苑泰時晴雲鎖
漢宮懷古有人蒐往事青蓮絲筆許誰同

孫豹人曰
沈宋佳篇

過盤屋馬絳巖同年招飲席間賦贈依韻奉荅
深秋景物倍蕭然高館張燈話別筵鴻鴈感時鳴月
下黃花留客媚樽前天涯意氣推吾輩海內文章說
少年好比陽城勞撫字山村落日半無煙

九日興平道中

願學堂詩集卷之二十

三

蕭蕭匹馬嘆長途日冷霜繁鴈影孤風雨連牀懷北
寺甲辰九日余與王文石同羈西署樓船載酒憶西
田漢元賦詩見贈各依韵荅之樓船載酒憶西
湖乙巳九日余遊武林同宋荔裳王蒼嵐賦成愧比
萬東山二十人泛舟西湖飲酒賦詩賦成愧比
秦公子天問難憑楚大夫何處黃花開勝會龍山佳
興未全無

王阮亭曰
老格高調

哭盧餘巷二首

盧子三湘士深懷獨有君青藜分夜火西署共秋雲
詩本精文選書應契右軍餘巷兩次同官善書嘗謂
余晉魏古詩非入選者不

讀可憐吾友喪此道竟誰聞

余泛吳門棹君來越水舟他鄉欣聚晤勝地共淹留
詞賦湖山麗存亡歲月流餘巷行樂浙東
余遇於武林乾坤雙眼
淚揮洒滿江洲

送劉介菴戶部還朝以下戊申作

春風河上柳初黃再拜新恩入建章拔藻爭傳王國
士持籌獨重尚書郎朝廷有詔寬征歛草野仍聞泣
酒漿此去如承前席問好將民隱奏君王

李劬菴曰如此
贈答方合古人

願學堂詩集卷之二十

四

龍門

河水來天上奔騰爭一門地開山半坼日湧浪高翻
蹴鑿神工大平成帝業尊不須勞漢使迢遞問真源

王阮亭曰不減子美峽中
諸作集中以此爲壓卷

王幼華曰雄渾之氣與龍
門相副小篆數不可彷彿

夏縣贈劉幼功同年

劉子南國傑高才負遠畧禹城領簿書澹然甘守約
爲政行無事簡易蕪民瘼綠垂隴上麥夜靜關門柝
鳥雀休林木父老忘城郭政閒移花竹不廢風雅作

琴酒娛友生簪纓若無着下謂上何有官民兩寂寞
時事正煩促到處困束縛安得盡如公斯世還渾噩

山中紀事

鬱紆幾百里斷磴窮深谷危崖突如墜層巒莽沓腹
巉巖石逕仄崎嶇馬蹄踉蹌轉岸數家村樹柵編茅屋
鑿井不見泉遠汲前山麓水到甌無儲礪邊采野菽
我過高原下憐聞山婦哭皮乾眼有眶骨立肌無肉
懷中有小兒索乳哺餓腹未見兒腸飽已覺母氣縮
繡戶捲珠簾冰簟涼風謾華筵歌舞煩揮扇雙眉蹙

願學堂詩集卷之二十

五

窮通固有分天豈任禍福攬轡歷山阿安敢嘆碌碌

葉慕廬日感事書
情如誦石壕諸作

懷乾甫伯父

青袍曾一試歸卧故山隈野樹當軒種柴門向日開
高風追魏晉幽處似蓬萊更喜傳經者翩翩小謝才

午日博野縣示郭雲瞻同年

客裡逢佳節如何興轉微白雲親舍遠青眼世人稀
蒲葉愁斟酒絲絛懶繫衣良朋花縣宰款問獨依依

新城北郭寺二首

野寺多喬木陰森白日清穿林黃鳥細垂架綠蘿輕
花發無心豔蟲鳴不了聲風塵聊駐足漂泊歎餘生
月明當戶牖蕭颯晚風涼破壁蒼槐古平畦野菜香
河光低樹杪燈影靜禪堂獨坐聞清磬翛然萬慮忘

思兄詩四首 以下已酉作

迅飈掃畿縣攜持潛谿谷層厓幽逕通刈草構曲屋
飢寒互相侵卷帙時在麓浩歌空山下清響振林木
余方總卅年新篇口授讀竊擬西堂夢不作窮途哭
憐余愧小謝思君悲大陸雪壓簷前樹烏啼嶺上竹

願學堂詩集卷之二十

六

昔日同苦辛今茲不可復東山邑東亂雲飛潏然

傷心目

萬里蜀天外割竹曲山下梓潼榛莽蔽郊原虓虎交

躡蹻天陰風雨暗幽燐泣中夜司文有遺祠山有文

出入依荒榭捐金撫流遺屐畝勸耕稼人服舊田疇

野樹新桑柘諸生執經至校徒開學舍雲蒸創新社

雲蒸蔚然行文化稽古循良傳庶幾卓魯亞芳踪猶

在邇千秋餘悲咤

佐郡赴東粵省觀趨下相宿三月柳花飛聯鑣關門

上揚鞭指大河洪濤爭決漲曉日熊耳秀春波墨池
漲竹川共聞嘯梅峯同策杖方歡鍾吾會旋聞陽關
唱孤舟渡江霧邊亭暗海瘴三載炎荒地故鄉渺難
望寒食寄新詞讀之心悽愴哀哉白馬詩大雅空淪
喪

驅車東南遊偶過塗山道朝日散林壑寒煙縈蔓草
春華紅垂樹望之心如擣人情有悲歡景物殊醜好
爲政饒奇理坐使狼煙掃鈴閣揮綵翰詞壓元白倒
有才終見累惟善豈爲賢丈夫事遠暑致身悔不早

顧學堂詩集 卷之二十

七

三言市上虎微軀不自保少游居鄉里乃得全壽考

王阮亭曰讀四詩而不感動者其人必不友然
余爲掩卷者數矣所謂悲者不可爲索賦也

李劬菴曰古人云情真則語至先生至
性過人孝友純篤豈但詩通古人哉

雜詩四首

娥哭感夷門駟歌動齊右曲藝能移人習成類天授
士爲齊民望聲聞重宇宙翱翔禮樂場出入文章囿
豈曰矜自好存吾高曾舊

志士多苦心所期在千秋古人惜寸陰孜孜不敢休
終生年十八請纓樹奇猷人苟自奮勵豈須待白頭

愚生好偷閑空嗟歲月流

幽蘭無人采菲菲自含香璞玉無人見奕奕自有光
士豈因世棄不自檢行藏美人坐空閨曉起整羅裳
雖無夫婿好七誠焉敢忘

磨久石亦磷濡深漆亦斷君子抱素志不爲流俗變
山高乘樛升河廣憑楫泛肝膈吳越殊友覆雲雨幻
吾道貴履常勁草疾風見

王阮亭曰不獨詩格古
雅亦見先生學術之正

味枳贈靳蕊軒文學

顧學堂詩集 卷之二十

八

三月桃花放爛熳遍谿谷恣眺饒艷質靜對鮮清馥
偶憩芳枳下青蒼翠欲撲勁枝挺綠玉輕芬散素縠
披襟石上坐瀟灑快心目頗覺殊世好聊以慰幽獨
主人鶴髮翁依匡構茆屋濯足清流岸振衣春山麓
招飲夕陽下酒濁巾堪漉愛君能遠蹈獨享山林福
暮春同常德符舅氏陳心伯表兄仲兄漢公南

卅五首

三月韶光暮風和日漸遲竹窓就晝卧起見午陰移
寡營心自閒地僻景更宜謝公着蠟屐山公倒接離

乘時希賢踪策杖任吾之

麥浪浮塍埒柳陰接地稠夾道清渠水湛澹左右流

灌溉隨高下蔬苗綠漸抽童冠三五人幽賞恣探求

涉溪憇長林披草坐高丘

古柏類欲卧因風鳴翠濤層嶂連雲起落日照山腰

上有太陰宮綠樹鑲紅寮陰符發秘局微旨契一朝

傳經人何處澗阿空寂寥

玉池連環砌當年浴太真漁陽忘上罷蜀道嗟蒙塵

握圖無善理流泉豈禍因白鳥戲靈沼化洽江漢濱

願學堂詩集卷之二十

九

皇英侍帝側光華弘一人

寂寞長生殿千秋隱翠微輦路埋春草女牆帶落暉

人事無終極流光轉盼非蒼煙起遠岫高林鳥亂飛

御盃傷往事日暮竟忘歸

王阮亭曰五篇古雅高繁作手作手

夏日閑居

首夏時正佳幽棲復吾性孤榭森清敞寥空白日淨

密槐綠匝地亭亭午陰正疎櫺受緒風高枕羲皇夢

鳥鳴睡乍覺雲澹心無競榴花紅遶砌琴書相掩映

閒居竹爲友醉來清者聖緬彼陶徵士千秋可自命

王幼華曰雅澹

夏日侍家大人於伯父西園同四弟咸姪

採兒

晏子宅鄰市潘生居面城達人處里巷隨在有餘清

夕陽下高樹風動晚涼生修竹矜餘綠幽禽隨意鳴

兩疏抱遠志諸謝振英聲家有賢孫子門多好弟兄

日長歡聚晤怡然暢中情

王幼華曰夕陽下高樹四語帶柳妙境

願學堂詩集卷之二十

十

葉慕廬曰古人論詩恒以古體定品之高下先生已西諸作清真雅潔俱從至性流出近于自然誠足超邁尋常萬萬矣

常萬萬矣

上少師衛相公十二首

二儀攸分五精遞運雲覆火沅惟德是順鴨綠波澄

帝出乎震肇造區夏乾綱克振

聖祖宏功神宗懋德於昭先皇撫有萬國偃武

修文四方是則自西自東自南自北

欽惟今上廣淵齊聖象賢邁啓迪德追誦樂和禮

備天錫瑞應璽符河圖萬年集慶

元首惟明股肱惟良寅亮天地燮理陰陽嵩高降神
箕曜凝祥名世篤生澤水之傍

卓矣夫子懿德性秉峻節千尋淵懷萬頃鶚鸞金門
鳳翥華省九列沔臻三事兼領

坐沃 先德夙夜匪躬我 后紹衣眷念彌隆若礪
于金猶翼于鴻退思補過進思盡忠

畢散佐姬丙魏翼漢清正和平仰符令範乃心王室
坐以待旦居無崇宇食不兼饌

拜手稽首衰病臣侵 帝念良弼軫切朕心暫錫歸

願學堂詩集卷之二十一

沐匪貽長林跋予望之溫樹夕陰

金出上方馬命圉人豈曰異貺念我老臣車賜平當

祿贍鄭均名位寵榮曠代無倫

伊予小子伏處潼曲謬承獎借燕石襲玉珥筆鑾坡

觀書芸局處非其據日夜蹉跎

鷄綠賤淪鴈乏善鳴尹信鋒衣孔嘆塵羹中夜徘徊

憂思縱橫敢曰白璧燒之愈瑩

惟我夫子 帝用是憑無虛綸扉澤我黎烝何以望

之輔弼疑丞何以祝之松栢岡陵

王幼華曰十二首用選體而
去其繁縟之習亦傑構也
李劬菴曰諸篇
俱典重無浮響

秋日苦雨跋 大伯父韻

秋來多悲思細雨復連綿渺漫垂天低屋角似流泉
曲逕青苔覆疎籬野豆懸蟬聲鳴樹裏獨坐歎華年
獻賦名空藻傳經業未專惜日常多畏甘貧不受憐
涼風自西來當戶展遺編雲光映古道爛然炤眼前
題宋雯軒先生生墳

荆山之南渭水北盤礴靈光天五色高賢遠出微子
願學堂詩集卷之二十一

系奕奕聲華動四國少年磊落不群才新淬芙蓉向
日開熊車丰采瞻中土豸府霜威領外臺望倚藩屏
資保障情深松菊賦歸來歸來樂隱櫟陽東竹枝芒
鞋處士風採藥曾遊太乙頂高吟時過華清宮閒隨
青鳥卜南野佳城秋日照石馬墓木已拱人未老騰
公不必東門下炯炯雙瞳兩鬢斑蓬萊別院待香山
應騎白龍返天上不愁銀燕出人間余亦鮮組訪丹
砂他日相逢東海涯攜手層霄歸故里南北山頭望
舊家

孟冬同申賜賓南刻閒步

初冬寒未劇攜手步山阿秋色留紅葉煙光散碧蘿
窮愁工部病踈散步多歸路乘明月高空有鴈過

庚戌四月三日蒙恩賜環恭紀 以下庚戌作

投簪自許卧柴桑忽報徵書下建章 聖鑒九天懸

朗日臣心六月對寒霜揮毫殊負鑾坡草典禮深慚

畫省香侍從 兩朝無補報祗將清白獻君王

哭壯兒 三月十九日
以下辛亥作

嗟爾方歲餘頑性頗端良行不假提攜語解呼耶孃

順學堂詩集 卷之二十 十三

愛爾如拱壁胡天降禍殃俞附無良術巫覡失禱禳

朝辭福祿中暮棄沙石傍朝爲父母愛暮被螻螻戕

黃昏風雨急誰爲爾蔽藏夜半狐狸過誰知爾驚惶

余年三十六罪孽不可量所生六男子五子俱夭殤

歿者悵已矣存者願安康豈爲膝前計聊以慰高堂

夏日北上宿洪洞署中時久旱新雨次壁間韻

呈劉子方同年

陳雨涼風度高軒得暫留煙雲迷故國宮闕望皇州

堦砌槐香散郊田麥浪浮知君饒善理甘澍滿平疇

立秋後夜坐次侯蓮岳前輩韻

西風昨夜至靜坐頓忘憂雨色消殘暑河光動早秋
聽彈欵竹枕揮塵倒茶甌白雪聞同謫高吟庭樹幽

送劉峻度赴曲陽令 峻度本秦
人籍揚州

情門奕葉本西京覽勝邦江有盛名曹氏文章愛公

幹漢家經術重更生 叶平見劉
後村詩 三秋白鶴雲中度百

里朱絃月下鳴最是長安天尺五早將殊績奏承明

送張讓伯戶部扶太夫人柩歸里

秋冷燕山木葉飛西風慘慘送麻衣板輿初遂地官

順學堂詩集 卷之二十 十四

養素紉俄聞慈母歸月落荒村鷄唱晚霜寒野渡客

行稀征途切但還珍重莫使椿庭淚暗揮 時太翁
同行

哭王子陶學憲

嵩高峻極大河流君家兄弟起中州 子陶爲文
安公弟 筆吐

虹霓森萬象文成琬琰重千秋昔年共事白雲署白

雲樓下開樽處趙 錦萬東
廬卷楊菊 皆好朋一時王

李齊名譽嗣君持節向齊東余賦歸來繡嶺宮九龍

池畔山光好高吟時時憶岱宗客歲策蹇長安道旅

館寒燈愁自照若有人焉垂綰至謂君已赴玉樓召

驚起循牀悲且呼曉風颯颯樹啼鳥十年朋儕半凋

喪忍令吾道日益孤遍向同人問近况嚙昔之夢竟

不妄素車白馬愧巨卿醉吟西州空惆悵已焉哉嵩

高之山長崔嵬河水東流不復回晴嶸山樹紅藥草

文安公有晴嶸山房集子陶有紅藥壇集秋風萬里使人哀

鄭次公曰悲涼激壯從與空同匹響

秋日味懷

僕人堪釣魚僊人可射鴈而我具百骸一事未精善

把筆輸隋陸馳戈羞絳灌仕途如展闕進退兩未便

願學堂詩集卷之二十十五

秋來苦淋雨白雲迷天漢草蟲鳴嚶嚶愁人腸欲斷

送高弗若少司空歸里

秋冷芙蓉露未消冠裳祖帳暗河橋水衡持計煩元

老休沐新恩拜聖朝野岸牙樵連月渡山房丹甃帶

雲燒龍門好景無多戀當寧塩梅早待調

哭朱天襄唐岳隣兩同年

秋雲慘淡日黃昏淒響同時到菊門禺嶺寒煙空墮

唐武康人淚滿夜雨暗消魂朱上直同人金馬懷交誼佩

膾銀魚念王恩回首鳳池連袂者十年零落不堪論

鄭次公曰文生於情秀麗中依然沉摯

家伯父緘示新詩使旋寄呈

驪山曉日照高秋石逕茅亭事事幽几上琴書堪伴

老堦前松菊可消愁思鄉有句題雲鴈諧世無心任

海鷗漫許風流稱小阮竹林佳會願難酬

夢中憶四弟得詩二句足成一絕寄之

湯泉樹色起寒煙千里秋風憶惠連愁向征鴻題錦

字離情繚繞暮雲天

送任雲石分巡洮岷

願學堂詩集卷之二十十六

牙隊西風出建章外臺分憲古洮陽霜飛玉帳璫弓

勁日耀金城鐵馬驤隴女吹笙迎畫旂羌童擊鼓獻

獬羊漢家舊重燉煌地佇有徵書下未央

鄭次公曰雄渾整肅七律長城

祝大宗伯王公十五韻

宛平人聖圖開宇夏元輔降禱嵩仙譜縉山遠家聲方岳隆

清襟人似鶴高步氣如虹鳳翥三秋日鵬搏萬里風

校書碑影靜歸院燭蓮紅藻揆縱橫筆葵傾啓沃衷

成均垂令範銓典號清通既秩神人祀因居禮樂宗

班聯瞻紫禁保傳重青官道合君臣契勲高父子同
朝章欽總憲邦土掌司空張氏七傳貴楊門四世公
謫材憐樸椒化雨潤溟濛仰溯淵源誼俯漸陶鑄工
長歌情未已大斗慶無窮

送任詠菴之滕縣令

以下王子作

十載金門客一行縮黃綬丈夫樹功勲時會良難違
我聞古滕地百雉臨河右坤靈近失馭水庸時燒闡
蝨賊再三書農荒畝畝舊莊墟南北衝絡繹輪蹄輳
天儲萬艘來輪輓飛急溜吏嗟技鼠窮民嘆群羊瘦
願學堂詩集卷之二十 十七
吾子濟時才何以施補救子興建井田鄰氓福負就
大道在人行賢哲無先後

鄭次公曰古道深情一往而足如此贈送方是吾輩交情

送少司寇高念東先生歸葬

當代稱名世如公有幾人滄溟齊浩瀚泰岱比嶙峋
道範宗鄒魯文章邁漢秦鑾坡資論著鳳閣掌絲綸
冢宰平邦治天潢贊懋親嚴霜烏府法惠日鳩曹春
千載明良會兩朝社稷臣股肱元倚重風木動悲辛
丹詔宣金馬黃麻賁石麟生成恩並報家國念俱伸

駕質慚猶子龍駒步後塵登堂修拜謁發覆荷陶甄
車馬辭燕市冠裳饒潞濱離情官道柳歸興故鄉尊
北闕恒虛席東山早返輪

送高冀良赴龍里令

少司寇念東先生子

水泮河橋柳色舒雙鳬曉日出彤廬徂人萬里瞻王
化鳥語三春送客車曳屨北辰親舍遠種花南徼吏
情踈遙知退食多縈念回首白雲繞玉除

送黃泰升督學江西三首

晨起步庭堦曉瞳日方旦好鳥鳴中林聽之發長歎

願學堂詩集卷之二十

十八

吾子抱素心相期以歲晏幾載長安道盃酒時對面
忽當遠別際遙望白雲亂

春來無意緒郊門日送友草色咸陽道

謂劉介菴營聲湖

上柳

謂韓子瞻悵然苦離群復與子分手燕臺五月天榴

花紅對酒良朋遠別去好景我何有

丈夫志四方安能常相對所貴千秋後共留面目在
西江文獻邦主持屬我輩彭澤水渺茫燕山雲變難
千里遙相望各當念故態

送宋荔裳按察四川

絲綸已煥五雲開繡斧新持傾外臺十載臣心懸日月一朝帝鑒動風雷巴江夜雨連檣渡接閣山花擁騎來此去聖恩何以報澄清萬里見雄才

鄭次公曰高華處李滄溟不能過也

送李曉生先生分守兗東

璽書朝下未央宮特簡名藩控二東滇海山川留勝蹟前任臨沂草木望雄風雨餘按部春郊外詩罷聊盃夕照中時念西京門下士浮沉十載任飄蓬

送番公兄之丹陽令

福建人

顧學堂詩集

卷之二十

十九

上林鶯語遠垂楊共聽鳴珂出建章閩地儒宗尊茂叔宋家要秩屬丹陽行車雨過花盈縣卧閣秋深月滿堂白日看雲應繫念好題北鴈寄離腸

謁孟子廟

丹垣綠樹畫森森古殿秋風散夕陰歷聘齊梁陳王去業直排楊墨正人心機堂俎豆崇賢母廟內有機堂祀孟母宣獻關里宮牆近孔林廟在鄒縣去曲阜五十里慚愧後生真自棄嶧山絕緒到如今

葉慕廬日三
四子與寶錄

謁孔林

秋原落日照高岑繫馬荒郊拜聖林壇樹初驚霜葉墮蹕亭閒鎖野雲深內有宋真宗駐蹕亭周流七十安懷志教育三千贊述心願學場前端木子傍有子貢廬墓處遲回洙

水想餘音

登泰山

岱宗名嶽鎮齊東晴日登臨四望空遙對華峯秋氣白俯窺滄海曉雲紅避松尚記秦皇碣檢玉難尋漢帝宮不盡平生懷古意倚筇長嘯夕陽中

顧學堂詩集

卷之二十

二十

觀海

訪勝閒來東海頭滄波遙望思悠悠雲光照水天疑墮山影排空地若浮入夜鮫人瞻北斗有時龍女出前洲蓬萊芝草如堪問擬駕虹橋試一求

葉慕廬日
三四練切

寄陸止敬同年

纔釋荷衣便買山幽居別築小雲間止敬園名簾前綠草晴侵座戶外青松晝開關有子金門稱國士憑君瑤島問仙班緇塵日日長安道遙憶高風劍水灣

劉了菴年伯初度今孫初薦賢書

裁眉月色澹秋顏霞外孤踪自往還
早賦歸來陶靖節晚隨禪悅白香山
名傳紫殿五雲上心在金沙雙樹間
喜見文孫初奪錦宮袍輝映彩衣斑

再被 召用謝恩恭紀以下癸丑作

十載投閒渭水湄承恩重許拜丹墀
星旗猶閃當年畫宮樹新添近日枝
時際太平真有象人歌帝德本無私
小臣何幸蒙天鑒敢把貞心負所期

孫豹人曰官樹句勝劉節元都觀裏桃千樹二語多矣

顧學堂詩集卷之二十

春闈執事作

禁城暖日靄春晴鎖院弘開集雋英
萬國人倫歸朗鑑九天璧曜煥文明
龍門晝閃旌旗色奎閣宵嚴鐸鼓聲
慚愧小臣逢盛事願歌魚藻賀昇平

暮春宿關左門即事

風城落日散紅霞御水漣漪遶檻斜
官樹陰陰人散後晚風雙闕噪群鴉

哭王灌亭同年

方向金城哭友生臨洮太守陳靜公計聞京師未終月而君又奄逝又將雙

淚爲君傾詞林典故悲前輩同學衣冠憶長兄已亥
四十人君爲之長鶴翥晴空人萬里蟲吟深院月三更文章千載誰知已擊碎瑤琴不忍鳴

葉恭廬曰中四句情文兼至

秋霽同衛禹濤計部房慎菴樞部梁嗣樵內史

讌集王九青館丈齋中分韻得齊字

涼風吹雨過返照鳳城西秋氣疎林木晴光漾水溪
堦前蟲語亂雲外鴈行齊竟日歡良會當筵月影低

孫豹人曰五六幽秀

顧學堂詩集卷之二十

薄宦同清署高懷碧漢齊開樽談往事剪燭賦新題
幽賞聊從好榮名不可梯羊求知已在日日好招攜
幾載長安道沉吟意轉悽養親甘薄俸報主任卑栖
鳥哺方悲子時孫兒初殤牛衣懶對妻雄才美君輩綵筆吐虹霓

吐虹霓

灑落終何用愁心草色萋浮名蕉下鹿世味甕中鷄
微雨濃花放斜陽野鳥啼悲秋還作賦漫蹙兩眉低

秋水吟

西風梧葉飄金井梧葉中黃華謂之金井非井泉也露下溪邊草色

冷澄波一片澹秋光披蓑漁人立孤艇歸鴻隊隊宿
淺沙啄碎灘頭紅蓼花隔岸蒼煙迷遠淑華清落日
思還家君不見瀟湘帝子淚流血洒淚盈竹竹欲裂
又不見三閭大夫吟江渚搔首問天天不語每到秋
來愁思多况逢秋水揚素波逸文忽憶漆園叟朗吟
欲付宋宮娥

宋仁宗宮女名秋
水能瀟秋水篇

甲寅三月十五日蒙恩侍養辭朝恭紀

以下甲寅作

詔下金門丹鳳飛陳情長許侍親闈晴雲楓陛辭華
袞暖日椿庭戲綠衣身近九天多雨露心慚寸草報

願學堂詩集

卷之二十

二十三

春暉南山菽水歡無限嵩祝年年拜紫微

侍 家大人西歸次方順橋壁間韵二首

躬侍藍輿向曉行征衣猶帶露華清官閒歸去無餘

物携得同朝歌頌聲

諸友人贈余有忠孝
完人冊歌詩數百首

深荷 皇恩慶此歸高堂春晝靄清暉遙瞻鄉國情

偏切忘却征塵撲面飛

新樂和璧間韵

神京望未遠行旂自悠悠菽水將新命雲山此舊遊
溪沙晴引岸官柳晝依樓遙憶驪城外黃雲近麥秋

孫豹人曰
雅調

過故關用舊韵

天險何年闢重門設此關乾坤留一道燕晉隔層山
列雉青霄外鳴騶綠樹間晴巖如舊識驚見鬚毛斑

王阮亭曰三四
策不減龍門一篇

王幼華曰百練成句
工部之外殆無其儔

歸途寄上 乾甫伯父

憶昔豐門言別日把盃相對淚潸潸歸期已定三年

內鄉夢常縈五夜間喜拜鸞書辭紫禁得隨鳩杖看

願學堂詩集

卷之二十

二十四

青山飛鴻先寄還家信發檢應知一破顏

李劬菴曰說來
猶令人神往

懷衛枚吉

綽約新嬌生眼底侵尋舊事上眉尖問君別

後愁多少得似春潮夜夜添此蘓長公在錢

塘見蔡君謨壁間詩有感而作也余出都時

枚吉臨扇贈余展閱之際不勝兩地之思爰

次其韵以述懷云

三年舊事留杯底千里新愁寄筆尖遙憶東軒
枚吉
齋名

藤漸老綠陰此日幾重添

七月七日祝舅氏常德符先生

舅年七十三髮蒼雙瞳綠母年二十四捐帛一何促
天若假之年五旬今又六余也實不才罔極愧顧復
鸞坡叨君寵母不沾微祿鳳章荷君恩母不親象服
浮生四十年憂樂母不屬所有惟舅氏撫視慰憚獨
舅負凌雲志南山千仞轟舅抱作賦才西江三峽瀑
早歲事壯遊芒鞋遍嶽瀆策蹇入國門公卿皆屬目
歸來絕進取潛志隱山谷兒孫環膝前經書盈笥簏
康寧堂詩集卷之二十 二十五

再拜獻壽觴一辭爲舅祝

王幼華曰壽舅詩即哭母詩俱從至性中自然流出讀之使人感愴乃知無至性人非文人也

夏日遊驪山東嶺二首 以下乙卯作

看山真不厭策杖歷屨阿蒼岫欹危樹丹垣護女蘿
泉聲鳴谷細鳥語入林多俯檻臨清渭晴川十里波
繡嶺名何昉當年翠輦來芙蓉迷舊苑烽火隱荒臺

夏日同恒明上人遊驪山之麓

火雲流午日避暑入幽林草沒紅樓逕風來綠樹陰
對僧忘世好遯跡愛山深三載京華夢相逢見素心
余在京送恒明西歸序有俟我於驪山之陰句

遊風谷

谷口有風伯廟里民歲時禱祀輒應邑侯李
裔芳紀其事

偶來風谷口肅拜古祠前星自從吾好民因報所天

康寧堂詩集卷之二十 二十六

殘霞回嶺樹山澗咽山泉坐覺涼飈起飄然竟欲仙

園居

陳情歸田間僻性愛幽獨園門纔數步披襟日往復
雨霽晚霞紅煙開山樹綠摩詰圖誰寫淵明酒可漉
咫尺逍遙莊 驪山下有唐帝廟立園中宗嘗幸此封爲逍遙公仰止欽高躅

秋日過新豐口占

驅馬新豐木葉黃行人指點舊宮牆猶移故里承親
意豈有分羹對項王

王阮亭曰爲高帝出脫意自好

雨中過萬固寺留別文源和尚

古刹峻嶒鎖翠微老僧相見意依依孤燈老衲同吟
句細雨禪牀颺息機入夜山空清磬遠凌晨露滴野
花肥憐師愛我情偏切十里追隨未忍歸

塩池二絕

點點瓊花水面鋪如從雪裏望西湖池開天寶前民
用不比濃妝悅大蘇

南對條峯似翠屏歌薰樓外晚煙青爲愁民愠何時
解似得虞絃耳畔聽

願學堂詩集

卷之二十

二十七

發鳩山行贈高冲虛

君不見發鳩山光淡如掃凌空直上秋雲香下有七
旬鶴髮翁皓齒方瞳不知老少年作賦稱豪雄詞源
傾瀉銀河倒胸懷磊落橫古今俯視三峯大華小只
今懷鉛千里行骯髒意氣如平生干戈滿眼三秋日
兒女關心兩地情我亦策蹇尋故友見君諮諏握君
手人世浮沉不可論瞬息白衣變蒼狗周也爲蝶蝶
爲周達觀莫讓漆園叟君敲銅鉢我作歌葡萄美酒
金叵羅主人殷勤重留客

高冲虛令張
觀海署中

相逢不飲意如

何我聞發鳩之山有易精衛仇滄海銜石日填海仍
在人生有情類如此不如扶杖山頭長嘯青天外

禾黍行

秋山霜落草木黃禾黍穰穰滿路傍男兒晨出事刈
穫婦子爭趨覬壺漿一擔斜挑秋葉露傾筐微聞野
豆香歸來禾黍堆滿院烹葵煮雉開家宴鷄鳴犬吠
有光輝打鼓釀錢賽神願豈知盈倉未終朝紛紛官
書已下縣

王阮亭曰有
張王樂府意

願學堂詩集

卷之二十

二十八

烏嶺行

烏嶺之東長平西諸峯莽互失高低上出青冥見白
日下臨絕澗鳴清溪山空日暮行人少虎豹長號猿
狖啼攬轡躊躇落照前忽憶

先皇端拱年朝廷無事民安堵闔門日日搜遺賢丹
墀揮毫爭獻賦賦成竊被龍顏顧白馬驕嘶紫陌春
金蓮光照玉堂暮豈有才猷荅聖恩終覺文章厄時
數只今歸山事老親負米誰憐季路貧漫說聲華動
朝宁空逐車塵笑路人人人生窮達各有命程公賓客

安足嘆

過翼城登潞公臺

九月霜飛秋已深偶來駐馬此登臨溪回澮水浮清
冷日霽翔山照碧岑四面煙嵐當日蹟千家砧杵故
鄉心潞公遺勝空千載壁上徒勞過客吟

翼城遊灤池

翔山秋霽勢嶙峋下有寒塘吐碧津百道清沅環晉
域千年禋祀享灤神朱樓翠閣雲中出紅葉黃花雨
後新策馬郊原斜日暮涼風歸路靜無塵

願學堂詩集

卷之二十

二十九

驪山歌祝 乾甫伯父八十有二

金秋爽氣澄碧空驪山翠色開芙蓉石甕流泉天半
落蒼巖古柏鬱龍從我伯養真驪山下杖屨翩翩自
瀟灑十回鎖院阻長風一向戟門振大雅只今解組
隱墻東小園築近華清宮門栽綠柳同陶令戶對青
山似謝公鶴髮皤皤垂滿肩高談健步地行仙非熊
入夢多兩載伏生傳經以入年小子陳情辭翠輦侍
父歸來鴻門坂兄弟香山稱二老猶子竹林愧小阮
重陽節近菊花黃九月七日風過東籬滿院香十千沽得

新豐酒醉看驪山樹影蒼

九日樊橋道上

搔首西風意若何重陽又向客中過浮生天地萍踪
遍滿目雲山鴈影多幾見黃花迎道路俄聞赤羽靜
關河時秦中報捷驪峯西望庭闈近策馬橋邊一放歌

孫豹人曰
老氣無敵

蒲州普救寺

按志寺舊爲西末清院後漢郭威討李守貞
經年不下延院僧善問之對曰將軍但發善

願學堂詩集

卷之二十

三十

愈城必克矣威折矢爲誓明日城下不戮一

人遂改名爲普救

老僧一語下重關普救題名豈等閑何事雙文傳豔
曲都將蘭若作桑間

秋日過朝邑懷李叔則先生

西望黃河岸先生此舊居傳家無長物垂世有遺書
野渡波光合斜陽樹影疎千秋懷大雅立馬意躊躇

孫豹人曰
情深格老

荅同官殷右史以書見訊

曉曉日照東華遙憶故人白鼻騮彩袖分將宮樹
色錦鞭飛逐御溝斜琳瑯才望推清署鍾鼎勲名重
世家繡嶺峯頭懷舊友常題鴈字到煙霞

哀申賜賓進士諸加別號若水
于丁未進士

吾友若木子清標迥不同讀書觀大義作賦冠群公
少年同研席聯牀環堵中冬冷簷冰墮夜深燈火紅
琢磨君子業期許古人風祖鞭余先看冀群君後空
前途爭自勵期不負始終胡爲中道阻幽魂遠夢通
君處之時余
夢其京邸書樓飛颺鼠花逕長蒿蓬丈夫事已矣
願學堂詩集卷之二十 三十一

遺恨嘆無窮

哀任志伊茂才諱汝尹 先大
弟任恭人姪也

君爲中表尊乃結忘年友意氣邁千秋壯懷恥升斗
坐談風雨生振筆蛟龍走角勝翰墨揚霜蹄爭馳驅
不義而富貴談之輒色沮惜哉凌雲志困時空白首
貧餘司馬賦命喪伯倫酒痛飲斗
酒而亡箕裘少嗣樹風流
復何有墓草自芊芊英雄氣在石俯仰愴吾懷迸淚
灑林藪

雙峯草堂初成賦詩四章呈 乾甫伯父併示

王茂衍劉介菴諸子以下兩辰作

舍南營別墅結宇對雙峯樹影當窗綠山光入座濃
長渠春灌水古寺夜聞鐘坐看高林晚斜陽下夕春
十載歸田願青山可作隣校書慚 聖主躬稼悅嚴
親圖史堪娛日鶯花解媚人迂疎從所好不是厭緇
塵

椿庭登八秩伯壽過三年白髮雙親老青雲諸子先
看花宜野服煮茗覓山泉樂事家園足金沙驪山有
金沙洞
小洞天

願學堂詩集卷之二十 三十二

輪蹄喧戶外性靜道常存書擁剏侯架酒浮元亮樽
僧來眠白石鳥倦息黃昏定省餘無事垂楊畫閉門
王茂衍曰清園歸養後構雙峯草堂日侍乾甫紹
甫兩先生嚙味其中爲遠近羨慕今觀四詩情景
依依真有不以一
三公易吾一日者

五憶詩

馬陵山枕黃河流粉堞高衙卧小樓波光雲影兩經
秋最憶雕欄吟眺處西風吹雨墮汀洲
金山古寺當江心四顧蒼茫江氣深白雲綠樹雙城
陰最憶層臺登陟處夕陽古渡漁父吟

虎丘山對姑蘇城響屨廊空秋草生館娃宮裏暮鴉

鳴最憶浮圖遊娛處月明風細舞池平

平湖十里涵秋光雨過兩峯色更蒼六橋煙樹愁人

腸最憶畫船歌舞處陸公祠畔桂花香

萊陽地接東海東萬里波光映天空芙蓉小島一帆

通最憶沙洲騁望處驚濤盪日朝雲紅

夏日陪郝得中郡丞遊驪山

青山喜在郊門外六月陰森景更幽百尺清流來碧

漢千巖密樹隱紅樓雲光細逐金鞍轉花影輕移玉

願學堂詩集卷之二十 三十三

竿浮爲羨使君饒意興黃昏孤樹坐淹留

偶題

秋淨清波影霜寒紅樹枝不才甘自棄學理渭濱絲

上圖大將軍駐節溫泉十韵 以下丁巳作

赤符開景運黃耆降喬嵩啓沃三朝老專征萬里雄

驅車平藩左時新自遠飛檄定關中丞相干城寄將

軍茅土崇以招撫平烽煙清紫塞旌旆捲晴空休士

涇原北觀風灞水東露臺瞻漢殿玉液訪唐官人是

周姜尚名高郭令公渭川流愷澤繡嶺勸鴻功擬上

武成頌揮毫愧未工

葉嘉廬曰通音典麗
高華是長律本色

贈姜郎以下戊午作

余仲兄漢公卒於建寧令署時風鶴初定音

問爲艱有姜練總先者慨然請行報計入秦

余一見痛悼幾不能生時四月初三日也因

思東坡謫粵東僧契順爲公寄家書贈以他

物弗受第請公書一幅夫公尚視息人間僧

知重書或亦學者流也余兄既歿先又介冑

願學堂詩集卷之二十 三十四

士毫無所好其人不更在契順上哉臨歸詩

以贈之

契順傳書向粵東姜郎報計到關中如君高義真無

比顧我題辭愧長公

哭陳潔菴二首由臨潼令
擢耀州守

幾年潼水曲花裏聽鳴琴撫字恩原重文章誼更深

白雲迷渭渚孤月落驪岑咫尺桐鄉近招魂擬楚吟

握手東郊外詎期長別離藥窮仙洞草耀州有孫洞
真人洞淚

洒峴山碑夏館卿盃日春風着屐時傷心思往事不

盡淚交頤

夢題桐葉箋 已未作

西風吹落葉蕭蕭嘆秋涼獨有凌霄幹高岡待鳳凰

孫豹人曰昔人謂李太白哀中亦不作乞兒語澹園亦然

孟夏六日宿孫家灣遊龍泉寺張中丞祠感舊

和壁間韵 以下庚申作

驅車重過洛河邊柳樹陰陰四月天霧歇遠峯微雨

後溪沅野墅夕陽前風塵奔走憐雙髮生髮悲涼憶

廿年 二十年前同長兄侍祖冊暨繼冊偕內子赴家嚴任今皆見背不勝感概 回首不堪

願學堂詩集 卷之二十一 三十五

追往事荒祠古剎漫留連

吳門哭金有顯太學

藕花零落滿江洲痛絕交情二十秋堂上老親悲杖

屢增前稚子泣弓裘文章半世青雲夢兄弟齊名白

玉樓 弟嘉賓余同館友早喪 涼夜二松軒 公家堂名 下坐不禁清淚

洒西州

別顧紫瀾文學次原韵

萍踪廿載半江湖客裡逢君興不孤快論涼風霏玉

屑清標夜月映冰壺周南雅化誰分陝顧劭文章久

著吳別後兼葭應繫念遙看歸鴈下平蕪

紫瀾再以詩別用原韵答之

大雅由來重士安石湖秋月聲交歡燈前共許青梅

倒物外人憑白眼看蠅蟀長吟憐夜冷芙蓉半落畏

霜寒春明待汝燕臺下莫倦風塵老簪冠

浦口贈李玉庭副戎

拋却龍泉二十春竹樓高卧大江濱願將黃石閒經

世時坐丹房學養真堦下驂驢爭自奮窓前松檜足

相親只今 聖主懷頗牧未許將軍老釣綸

願學堂詩集 卷之二十一 三十六

江行雜咏十首

金山一柱鎮江流萬里奔濤到此收上有層臺雲外

見憑闌東瞰海門秋 金山寺

孫豹人曰氣象崢嶸

六月江南暑雨多微風不動水生波片帆斜剪中流

懸十里青山一瞬過 瓜洲渡江

江天澹澹映晴空雲斷西山落日紅高捲湘簾停桂

棹蘆花洲上看飛鴻 黃天蕩夕景

孫豹人曰唐人寫景佳句

江清浪靜畫常閒幾日牙樯傍水灣纔說東風來正好回頭已過數重山

朱家嘴守風

黑夜陰雲激怒雷和風和雨震江隈電光頻掣金蛇影親見神龍戲水來

良公兒風暴

輕帆快槳小漁船撒去青絲網自牽聞說鱗魚初到日一頭曾換幾千錢

浦口漁舟

狂稱李白千杯酒勇說開平八尺槍采石磯邊尋往事溪山無語暮雲長

采石磯

孫豹人曰
盛唐氣格

順學堂詩集

卷之二十

三十七

祠殿巍巍江水傍禍福善理尋常舟人不解明神義日把牲牢祀大王

禮陽金龍大王廟

何事磯名稱太子丹垣綠樹聳江間夜來風雨龍吟處水面旌旗自往還

太子磯

燈火城頭夜柝鳴孤舟獨坐百愁生還鄉有夢江靈如枕畔飛濤不住聲

皖城夜泊

贈吳采臣臬副

聚首天涯非所期傷心同賦蓼莪詩

時采臣與余同讀禮星沉

歷水君空歎雲黯秦山我自悲萬里歸鴻驚遠夢三

秋幽桂慰離思欲知別後懷人處露冷江城落葉時

贈倪石麓同年

西風落葉歎天涯江上逢人鴈影斜北闕當年同獻賦東籬此日獨栽花

前平湖令携來白鶴憐清宦代有青箱重世家令子翩翩能繼武饒君逸興老烟霞

歸途雜味十首

纔跨征鞍復泛舟西風一葉坐中流行來水國多稱便免得紅塵撲道周

桐城渡練湖

竹壁茅簷半啓扉三三五五自相依臨湖饌客饒佳

順學堂詩集

卷之二十

三十八

味藕正香甜鱖正肥

舒城卽事

莫詫柔奸多媚態如公一笑比河清傳來異蹟雖奇幻當日閻羅已著名

合肥包孝肅公祠

鯨鯢震蕩海天愁力挽長淮鎮上游

已亥秋鮑道犯順伯兄守鳳陽

提兵堪嘆功成身就死至今遺恨繞清流

通淮河

河圖一畫文章祖後世紛紛日苦多造物當年能慮此不教龍馬出洪波

陳州伏義墓

隨地重泉雖若戲片言悟主更無倫史稱錫類惟純

賴考叔祠

孝豈似茅焦說暴秦

俗士懷鄉同越鳥先生曠達更誰儔爲貪此地風光

好公愛西山之勝
常稱爲小峨嵋隨意眉山是首丘如縣
東坡墓

橫渠理學振關中呂野馬
洛陽道不窮更有

先生能繼武沅風猶自在崆峒伊陽崆峒書院文
太青先生講學處

冲人輔相一時業文武傳心百代師假使風雷終不

變千秋道統亦歸之洛陽周公廟

秋原落木晚風涼處士遺踪問草堂當代君臣非賤

士紛紛禱祀正匆忙陝州魏野草堂

王阮亭曰江行及此二十首賦風土則
近竹枝覽古蹟則如詠史皆可傳也

願學堂詩集卷之二十一 五九

出都門留別王嶽生王幼華家遜齋三給諫房

慎庵衛禹濤兩侍御霍印室經歷以下癸亥
作

爲郎廿載歎沉淪復捧天書慰九真詔下日南歌

聖澤花飛薊北別同人離情共對樽中酒行役與辭

陌上塵今夜御亭應有夢來朝懷抱向誰陳

真定同鄒玉立侍讀登大悲閣

崔巍高閣倚雲開携友登臨意快哉俯瞰南交猶萬

里回頭北極是三台晚風飛鳥當窓過落日晴光入

檻來笑指郊原沱水岸凌晨共渡莫徘徊

贈鄒玉立侍讀

連袂西曹二十秋重膺簡命下交州多君載筆推

清禁愧我含香漸白頭驛路風沙同策馬夕陽煙樹

共登樓良朋快慰平生志萬里馳驅不解愁

望藁城先大父舊宰邑

當年大父分符地立馬郊原憶歲時沱水沙堤還曲

岸肥城棠樹有新枝雲山不盡千秋仰耕鑿常懷百

世思自愧未能繩祖武勉將王事効驅馳

黃鶴樓同孫子立李劬庵毛子霞蔣玉淵張石

願學堂詩集卷之二十一 四

虹譙集分賦二首

幾年黃鶴下江城江上高樓此得名山對鳳凰諸嶂

小洲連鸚鵡晚潮平樽前芳草迎人醉檻外幽禽遶

樹鳴慰籍南交途萬里天涯歡會不勝情

六月江頭暑氣深層軒載酒共追尋仙人騎鶴空霄

漢詞客揮毫自古今隔岸孤帆迷別渚當窓暮靄起

遙岑不愁讌罷歸來晚明月晴川影未沉

遊洪山寺同鄒玉立侍讀孫子立編修

郭城東郭外舊有洪山寺創始不記年歲久漸崩墜

聞說張中丞爲政有餘地偶步碧山阿因起鋪金計
規度自經營刈草施塗墍飛閣駕虹梁壯麗神工異
亭臺隨意設垣牆覆蔭荔江山只一覽登眺堪托寄
携朋作勝遊隔宿壺觴侍讀胆氣雄高崖騁短轡
編修興味長啣盃不辭醉中有老頭陀靜坐禪關遠
澗花塔下生入定雙僧侍與之揮塵談頗悉西來意
吾道雖未聞得心亦有致夕陽下遙岑返照湖光媚
吏人催歸程顧此不能置楚天萬里長白雲如有俟

題漢陽太守蔣鷺洲先生祠

廬學堂詩集

卷之二十

四

大別孤峯俯漢江先生爲政此名邦行春有脚通南
紀退食多閒卧北窓河內治行稱第一子公陰德本
無雙

先生前官比部多平反

於今俎豆晴川上落日山城憶舊

鐘

嶽麓禹碑歌

衡嶽之峯七十二其麓綿亘於長沙西南一峯尤突
超上有禹碑臨谿衍我來停驂一問之攀藤捫壁凌
蒼霞此碑昔在岫嶠巔歲久不知代幾加疊物懽悅
時難覩鬼神呵護隱光華宋人何氏偶一見再往如

泛桃源槎意匠經營摹置此撇捺勾劃毫無差鳥跡
蟲文不可辨龍飛馬奔勢攫拏成都揚慎爲釋文其
中信屈多聲牙隨山刊木幹父蠱八年胼胝忘其家
地平天成錫元圭帝嘉乃績重咨嗟典謨人稱文字
祖尚有此碑埋蓬蔴伏勝傳經豈遺此我欲竊補效
女媧余家關中多金石秦碣漢書競紛譁皇古法物
垂百代遂令後起慚淫哇楚南勝跡此第一持歸好
向野人誇

德慶州初度述懷

廬學堂詩集

卷之二十

四十二

余生丙子歲六日時冬季提携方七齡慈母忽見棄
父念失恃兒朝夕啾唧至晝食同几席夜眠連枕被
稍長授之讀經書訓大義苦志足三冬廁名竊兩試
忝列侍從班素餐徒尸位解組出國門青山聊托寄
聖恩垂曲照復起趨丹陛未幾將父歸得遂躬耕志
胡天不可問痛洒高堂淚服除赴徵車柳下慚三仕
再典東曹禮因驂南交轡萬里敷

皇仁跋涉忘勞瘁返棹泊三洲懸弧此日是四十有
九年追憶心如醉父母不我留兄弟不我俟六子俱

天塲鞠勞心空費伉儷兩分張井臼失中饋孑然七
尺軀駢立天地兩朝恩未酬一室難爲計鬢髮
已半蒼耳目昏聽視性道終難聞功名亦多蹟回首
情不堪孤檠照舟次長江日夜流不覺年華易伯玉
早知非敢負生成意

願學堂詩集卷之下終

願學堂詩集

卷之二十一

山十丰

願學堂集二十卷

陝西巡撫
採進本

國朝周燦撰燦字星公臨潼人順治己亥進士官至
南康府知府是集凡文十八卷詩二卷詩格宏敞
頗勝於文然規撫唐音浮聲多而切響少猶襲北
地之舊調者也

月巖集五卷

〔清〕周禮撰

南京圖書館藏清乾隆蔡溪刻本

附《四庫全書總目·月巖集五

卷》提要

周生遺稿序

予門人周生禮既歿之幾日予世侄熊有道等以書來曰情畊不幸於某月日棄世矣某等憫其生平積學能文資志以沒因與二三同志詠以梓其遺文行世然知其概而能寫其生平者宜無若先生敢請一言序其首以表見於世則雖沒猶獲長存予覽之不禁潸然屢日矣嗚呼予老矣衰且病矣不謂生竟先我而殂今乃爲之論次其文耶憶自康熙壬午予授徒家塾生偕其族叔余友泗章之子山來從予游時年甚少姿性穎敏嶄然見頭角然體羸善病喉間欬欬然予因誡之曰子不患業不進且以保生爲要耳後予館邑之東郊生又從焉於時學益進文益工試童

子輒冠其群予病世之人沉溺於腐爛時文而古文之學久棄不講或迫於應訓亦強顏爲之不惟神韻氣骨之間不能窺探古人於萬一卽體製面貌聲調字句亦且杜撰割裂首足倒置生澁紕繆閱之欲嘔因手輯秦漢唐宋大家之文爲之批注圈識以示學者俾學爲古文舉業之暇誦習而玩究之庶得其門而入然同學諸子有語之而茫然者亦有疑悟相參者唯生則心解神會渣滓盡融雖未遽形諸篇什予固知其中有得也又嘗與之縱談古今興廢成敗之故人物之臧否政事之得失與夫當世之務治河用兵備邊田賦諸經世之畧反覆辨論各出所見娓娓不窮每至夜分青燈熒熒予倦而假寐少覺猶

見生侍几側無怠容命之就睡仍依依不忍去也噫予師弟子類首殫思於此有年矣爲舉世所目爲不急之務獨勤勤焉旁搜遠紹抉微探幽較其尺寸銖黍抑何爲者顧學雖勤文雖工而困益甚生困於童場者十餘年旣壯乃隸學官弟子員予見生貌愈克氣愈盛大不類幼時私心謂必得志於時不似予

序三

之偃蹇也孰意與予同擯鄉闈者又十餘年歲丁未予始以薦舉赴京師居館閣者又十餘年而生猶滯諸生中也予繫官於朝不得如曩者之聚處一堂筆札往來未始不以前事相策勵且戒其爲應舉文不必效予之忤時違俗自取擯黜也每遇大比亟取吾鄉邸錄觀之及不見生之姓名爲之扼腕太息而

已迨已未予請急歸里相見則生髭髮已頽
白矣方喜自此猶得與生相對談論如曩時
嗚呼不謂生遽棄予而逝耶生年來以不得
志懷抱鬱鬱於是周游四方徧歷名山勝境
嘗游武夷登大王峰奇險嶄絕人跡所不到
生捫蘿涉險穿窬竊而凌絕頂翩然賦詩以
紀其勝又日與其同游之徒披衣歡笑此唱
序四

彼和淹留彌月油油然忘歸也今覽所爲詩
與文大半皆遊歷唱和所作夫士苟不遇時
其胸中硯礪鬱勃之氣無由發洩往往有所
抱以寄意亦可悲也已使生得志于時其所
著作可以著之郊廟明堂次亦不失爲紀頌
功德黼黻皇猷輝耀簡冊何其隆與奈何窮
而在下其所撰次者不過繪山川之形態寫

物類之纖悉效樵子牧豎之歌謠羈夫嫠婦
之呻吟耳故覽生之文又重悲生之不過也
雖然身不遇其文自不可掩今按其詩與文
冲夷瞻博抑揚頓挫而渾灝之氣貫乎其中
予昔在東郊館中所與講求者今皆能一一
見之于文而不繆也生誠有得於中者矣覽
斯編者試由格局面貌進而求之神韻氣骨
等五

肯

乾隆甲子仲秋朔

奉直大夫

盛京戶部員外郎前行人司司正國子監學
政文明史館纂修官友生藍千秋撰

月熾先生集刻既成翔欲以一言述其梗槩撫卷嗚咽涕洟不能言者至再至四矣而又終不能不言嗟乎以翔負先生之教無所成就也如此其何以述先生哉昔翔生年十二先生以遠到期之教以秦漢唐宋大家之文教以曹劉陶謝李杜之詩教以鶴灘守溪陳羅諸公之制藝侍先生之側口授指畫未嘗

叙一

一日離者十餘年然少負不羈既不能好學深思而得之而又以古人之突奧深邃未易窺測其無以承先生之訓者已若斯也還翔弱冠補弟子負先生為之喜甚憶其所以教之者將有所就而翔自是家益貧資館穀以糊口不能侍側如昔而於歲時執所作以請業雖於古人無所髣髴而先生必破格獎之

而又教之更積歲月而先生亦竟逝矣翔斯時痛先生之歿而自念學鮮所成憂傷憤激無以終日也先生歿今二十年曉風明月荏苒蹉跎翔且就衰矣學殖荒蕪無異少時還望古人如涉大海茫無津涯時復閉戶靜思揣摩古今詩文之變卒無暢然心手之靈嗟乎此豈先生之所望於小子耶此翔之所以嗚咽

叙二

涕洟再四不能言者也若夫先生之文即先生之所以教翔者世有能為秦漢唐宋大家之文曹劉陶謝李杜之詩鶴灘守溪陳羅諸公之制藝其人者其知先生也必深而翔則於所教知之而已而他日之或不至負先生以終者又非今日所敢知也

受業門人歐陽鳳翔謹識

周子驥衡綜其尊人月巖先生文與詩爲一帙付諸
剞劂先生天才超縱文學不經慘淡脫稿不自珍惜
率多散逸惟應人之作人間爭傳之先生老友周山
熊有道二先生力爲撙節抄集得若干篇命肇虞批
註肇虞再三以不敏辭不獲既受讀卒業而喟然於
韓子所謂文無難易惟其是之說也夫文有道有法
道存於六藝法脩於秦漢唐宋道與法合是斯名焉
其大者纂言紀事著爲典冊歌詠功德薦之郊廟其
小者登臨贈答神林鬼塚之幽僻牧豎耕夫之弔慶

序一

言不同而其衷於道與法則一故雖猝爾應酬往往
造於精微者有之而或以是爲不足觀文者蓋不知
文之甚者也夷攷西漢而後古文之學復興於唐大
盛於宋然自數君子斷斷以通經學古爲高而外類
多溺於時文而自八比體製一變士子執以爲業古
文之學視爲不急之務至頭白而不知其途遠之矣
在者卽制藝可知矣先生負絕特瑰璋之才傑然與
古爲徒較其毫釐分寸一一不爽其時惟邑中前輩
藍戶部長青先生爲一代鉅公獨驚異之先生師之

竄爲契合肇虞昔嘗侍側見其相與議論傾倒一世
其詔肇虞輩亦津津以古人可學爲言今矚按其文
其浩氣空行若飛仙絕跡於塵埃之表而曲折頓挫
無不入妙蘊之氣歐之神時兼而有之詩則精而麗
質而腴胎息於魏晉而淹有其勝尤長於五古愛規
撫少陵然後知其道與法洵非涉獵時藝者所窺探
也噫嘻盛哉雖然文之高下淺深亦視其所著何在
耳譬則斧斤之用不遇盤根錯節不足以快其摧折
斲削之利司馬遷傳循吏不能與刺客同工此自然

序二

之理也先生以一老諸生旣未能膺著作之任而山
窗夜月錢刻萬物牢籠百態之作又多散逸而不可
考而其所錄存者應酬過半覽先生之文者須知其
在於是而有其不止於是者當於道與法遇之也先
生行誼甚高肇虞昔爲其家傳詳之此不復載今編
其卷帙文爲首詩次之賦又次之以其所工者爲序
云

受業劉肇虞謹識

月巖集目錄

宜黃 周禮 情耕 著

受業 歐陽鳳翔西文 劉學有 批註

藍石塢先生鑒定

同學 熊有道允中 周山桂立 手輯

男 驤衛孫萬鵬啟字

卷之一

序

倚雲樓文據序 代

倚雲樓文據序 代

月巖集

目錄

送縣尉夏公學淳歸蕭山序

釋西朗詩序

王輝璧眼科方書序 代石塢先生

太守劉公壽序 代 公諱永錫字我彭 奉天開原縣人

汪明府太夫人壽序 代

邑侯徐公壽序 代

熊君廷友七十壽序 代石塢先生

席某翁先生八十壽序 代

陳君仲書六十壽序 代石塢先生作

劉先生壽序 代

壽陳 六十序

壽僧觀周序 代

卷之二

序啟引

重修家譜序 代

劉氏宗譜序 代

重修周氏族譜序

宜川胡氏重修宗譜序 代

月巖集

目錄

徐氏四修宗譜序 代縣尊徐卓臣先生

洪氏宗譜序 代

余源席氏宗譜序 代

宜黃余源席氏宗譜序 代

余源席氏宗譜序 代

余源席氏宗譜序 代

宜黃余源席氏家譜序 代

余源席氏宗譜序 代

余源席氏宗譜序 代

余源席氏家譜序代

席氏家譜序代

李氏家譜序代

龍泉寺簿序代

鳴山廟中秋會序

忠安廟年規會序

諸山捐助僧會公費序

徵刻西江周氏制義暨詩古文啟

徵刻西江制義暨古文啟

目錄

三

三

一系溪縣志

重修席氏家譜啟代

請觀周師住龍泉寺啟

請某師住曹山啟

請某師代

請某師

龍泉寺衆信燈引

卷之三

記誌碑考傳跋後墓誌贊

開興魯書院招賢記

遊百花塔記

古雲庵記代

徐氏重修大宗祠記代

重修祠堂記

樊公分征舊通誌

邑侯徐公去思碑

鹿岡書院考

徐氏祔公系下遷徙考

徐氏剝公系下遷徙考

目錄

四

四

一系溪縣志

徐氏禕公遷徙考

熊某家傳

黃仲木先生傳

徐氏宗譜跋代

胡氏重修家譜後跋

跋龍泉寺寄跡匾額

跋龍泉寺遠廬匾額

跋遠韻匾額

書柳子厚有蛟蛇文後

與桂立叔

京都寄樹立抄

與叔祖大人

與某 寄某

管西平先生行述

祭余太史母紀太夫人

祭余太史母紀太夫人 代汪明府

祭汪明府母 誥封一品夫人徐太夫人文

祭邑侯某公文 代

祭鉛山 師尊文

祭劉師尊文 代

月殿集

目錄

七

蔡溪藏板

祭歐陽際斯親家文

祭吳嫺家

祭某先生文

祭某孺人文 代

祭陳太母 孺人文 代

祭某孺人文 代

代祭吳廷卿嫺翁

祭熊進士祖某文

祭某文 代

祭某文 代

祭某文 代

祭某文 代作

合祭某文 代

祭某翁文 代

祭龍泉寺遇問上人

祭龍泉寺遇問師

代劉世兄祭父發紼文

卷之五

月殿集

目錄

八

蔡溪藏板

詩詞賦

春知頌 有序 公諱永錫字我彭盛京奉天府開原縣人

贈楊明府 代

贈楊明府 五首

祝吳母黃氏伯母壽 四首

過盱豐梅潭渡

夢題石壁

壽徐明府 代熊鳳宜兄作熊以丹青受知

責晚桂

壽僧不

寄歐陽二兄時讀東坡黃州寒食之作遂用其

韻

龍泉寺僧德雲二十初度

丁巳仲冬廿有五日雨滯星村漫書即壁

廿六日星村問雷 二十六開書法

星村喜晴

壽汪明府 諱雲鵬四川成都府新都縣人

劉先生鄉飲

月最集

目錄

九

蔡溪藏板

答弘紀上人 有序

壽龍泉寺弘紀師三十初度

辛酉六月八日與同輩避暑龍泉寺得東坡集

中有和水官詩其書爲閣公立本遺墨詩蒼

古勃律如遊崩崖邃谷間洒然不知暑氣之

被體也快讀數過遂依韵和之

杪春同席君達才遊古雲庵

讀李元長遊古雲庵之作喟然感懷依韵奉和

兼勗我後人 代

石碧登眺

其二

壽明府

嘲一峯道人

壽郡侯劉太母李老夫人

臨汝傅君聖涯偕 鐵山先生過訪不值兼貺

短章作此奉答

贈盱江江某

輓熊東山先生

月最集

目錄

十

蔡溪藏板

贈吳上英從軍

壽端家熊允中先生四十初度某適有 京都

之行兼以識別

讀邸報

皇上自定三年喪制謫逐奸貪兼有舉用賢材之

論喜而有作

弔劉舅翁先生 二首

寄某

賀吳某四十

歐陽克老過微齋出崇安孝廉邱參亭行畧見

示先生故以孝廉舉遂爲賦此

偶題

蟠桃歌壽郡侯羅母蔡太夫人

送友之楚

題熊君鳳宜所畫桃源圖

贈黃山叔平上人 自註云師前住華山電紫堂

壽某七十代

豫章行壽余封翁

月巖集

目錄

十一 蔡侯藏板

與觀周師話武夷山水之勝師嘗欲與余遊歷

諸岩壑而不果既別作此訊之

其二

崇安倪康侯先生以所藏法書山水二冊見示

爲賦

藍二世兄遊泮

壽席聖作兄六十

情史載蕉小娘佐酒事甚奇而可駭寺廊有蕉

數木青翠可愛感草木之無情嘆歲序之莫

挽况後出寺寂寥中夜寡偶殿燈一盞青螢

映壁雞聲數動膠角起愁撫事即景遂爲賦

此

熊西苑室中戲贈家叔桂立

軍峯高壽金明府 有序

壽郡侯母太夫人

予祖庭曹山自唐迄今千有餘年中間嗣守清

規宗風猶昔康熙丙申燬於火主持者不得

其人遂一敗塗地予來龍泉漸次修葺將有

月巖集

目錄

十二 蔡侯藏板

成規然一思及曹山卽不勝惋痛慷慨懷念

情見乎辭代

贈胡學博

其二

壽某

送羅九霞先生上京謁選

過曹六書堂

晚至東慶寺贈別德雲師

東慶寺逢觀周師

落第後復過會城舟中偶過一僧云失其師意

將有他適臨別有贈

癸丑三月三日便道訪家叔桂立不過時與二

三子偕出遐眺久之慨然成詠

甲寅三月便道復訪桂立家叔

無題效溫庭筠

輓鉛山某二首 代李觀二先生作

其二

壽吳亦師三首

月巖集

目錄

十三

蔡溪藏板

其二

其三

送邑侯于明府歸金壇 侯丁母夫人憂去

送別邑侯汪明府 公丁母太夫人憂解任

輓邑侯梁明府太翁先生二首

其二

壽應進士母夫人

壽汪明府母徐太夫人八十四首

其二

其三

其四

武夷山

題董充如小影 董歲貢任泉州訓導

客崇安贈盱曹范君上

董宜如小影 董歲貢生國諸孫執書夾侍

又絕句二首

其二

劉楚白世兄新婚

月巖集

目錄

十四

蔡溪藏板

對雪和歐陽鳳翔

輓汪明府母徐太夫人二首

其二

賀僧壽 自評云師住華山電紫堂故有末句

會芳園遠眺

會芳園席上奉贈席達才兄諸昆季 代

藍偉男兄爲戶部公令嗣風藻翩翩標韻獨上

過予會芳園有作余昔與君同學今來握手

感疇昔之話言幸茲宵之歡聚喜而奉和不

自知其言之陋也代

過余源同席君卓人遊正覺山

奉和李穆堂長公元長登正覺山代

登正覺山望余源村中

賀饒御臣新婚有序

輓遇問上人二首

其二

壽某七十代

邑侯金老夫子重修貫虹橋先成三瓊喜而茶

目錄

目錄

十五 蔡溪叢書

賦有序

龍泉寺東有小石最高僅四五尺淺狹不可入

公政暇常嘯咏於此一日顧此巖嘆曰橋需

石方殷以此爲之不別費而室可成遂鳩工

錐鑿時方始事某敬睹而紀其槩以見公之

因事飭材者雖小不遺如此云

吾師藍石塢先生遠宦遼海未幾謝去粵東大

中丞王公聞其名以千金聘王粵秀書院竟

却之家居門庭蕭然嘯傲自得人莫測其故

也記曰由光輟天下而匹夫爭錙銖人之相

去誠遠哉感而有述

壽某母夫人

其二

王母篇

早發潭坊懷熊允中兄

壽郡侯劉我彭夫子

其二

擬

目錄

目錄

十六 蔡溪叢書

御試翰林院官薰風自南來限來字十二韵

香稻啄餘鸚鵡粒

肝曹道中望軍峯口占

東慶寺偶題

題定興寺十二景

老人峯

棋枰山

獬豸峯

夢也嶺

桃花峪

望春坳

山濤關

酒盞泉

鐵崖

天然橋

三昧泉

羅漢栢

題吳生爲際斯兄所抄時文冊子并序

月叢集

目錄

十七

蔡國威撰

遲友不至

積雨初霽燈下讀湯玉茗詩有懷家叔桂立四

絕

其二

其三

其四

景山園八景詩爲藍飛煙作

隔岸晨鐘

枕畔灘聲

漁舟晚唱

月掛梅梢

東山湧月

九曲流霞

池魚鼓躍

高柳搖風

爲友書閨清數閑因書於後

武夷道中口占爲藍與度兄戲贈小伶惟賢

題董天工平川入景

月叢集

目錄

十八

蔡國威撰

椅峯前峙

白峪遙瞻

七賢迴拱

筆架聳臨

西樓觀榜

鑑池賞蓮

黃岡霞氣

夾岸溪聲

珠藏於洞

七夕夜歐陽二兄過舍席間與內兄登第共說

炎涼反復不休口占謔之

寄弘紀上人

贈別李桂元兄代

其二

贈古雲庵僧二絕

其二

正月入松竹書室循行花園見老菊一枝青翠

森挺若未經霜雪者詩以紀之

贈別李桂元一剪梅

春閨長相思

靈谷賦

遊靈谷賦

印山書院賦

歲寒三友賦有序

會芳園賦

石湖軒賦有序

景山園賦有序

月巖集卷一

宜黃 周禮 情耕 著

受業歐陽鳳翔西文批註

藍石塢先生鑒定

同學熊有道允中手輯

序

男 驥衡孫萬鵬較字

倚雲樓文據序代

識力二字爲千古操觚者頂門一針

宜黃古稱文獻之邦山高而水駛清淑奇秀之氣蟠

結融液其間以文學事功名世者往往如是余叨蒞

卷一

卷一

茲土覽其山川與其邦人士商略文藝大都皆峻潔

自異不苟同於世俗以自汨溺而淪東川實其一焉

一日生手編其鄉先達之文與一時英雋之作進而

請曰吾邑之文其取科第顯名聲爲世所知見者

既集而登之矣而近日各流窻稿試錄與夫前明以

來散落遺棄之篇其深遠之識與博之理凌厲嶮嶮

光燄怪發以自立於不朽者皆欲使之一見於是卷

帙迫隘不能盡載且未知其果有當焉否也余聞而

大善之夫文之傳也在精妙不在顯晦龔顯晦之迹

以定文之是非此世之大病也且今之巍然而顯者固昔之擯斥而晦者也是烏得以一時而定千古乎折出篇力二字為眼目先聲奪人哉然欲不襲顯晦之迹而於塵埃全雜中卓然取古今名世之作而標目之此非有定力定識者其孰能與於斯也驛驪之伏於櫪也非能自別也伯樂過之而驛驪顯矣結綠之胎於石也非能自別也卞和過之而結綠顯矣奇文之混於俗也非能自別也識者見之而奇文顯矣今生以邁往之材深博之學而鼓以探討鈎索之勇如狐腋之集百和之香旁羅衆美卷一序包綜一切試披而覽之其連綿邈迤淡沲洄洑則春江涵漫穿林絡石浩無津涯也其縱恣雄逸頓挫翕忽則駿驥奔馳注坡騫澗前無千里也其清思遠韻高唱微吟則秦青之曼歌而梁塵為之迴繞也其幽峭險仄嶽崎則劣則太華之嶄巖而樓季為之却步也精字蓋體變而境遷貌遺而神一不苟襲以為同不瞞趨以為異殆所謂蛾眉不同面而俱動於魂芳香不同鼻而皆悅於魄譬之入寶山之藏而所探無弗具者而使之大傳於世所必然也生先世故以著述名

家今又出是編以質於世余知太冲之賦將不脛而自馳也行且由一邑以及列郡由西江以及四海其奔赴而響應者夫豈獨宜之是編哉然而宜邑文獻之微殆必自是始矣

倚雲樓文據序代

選與文兩層併發議論透徹

起手開淡

亡友涂君中五之子東川以其所撰錄吾邑制舉之文來請序且曰先生與先君為通家世好瀾不肖不能承先君子志而潦倒場屋願以所評次為請業之藉余憶昔與中五相過從飲酒懽笑縱譚古今事中五滾滾不竭時東川在側特兒童耳然已有聰穎出群之目已而東川為諸生有聲名能世其業余亦宦遊京邸不及見者且十餘年時時有自南來者詢諸

明叢集

卷一序

四蔡漢藏板

故人子無不推美東川者則東川於此道固已絕出流輩而其摺據探掇論次精確度越於今之世無疑也余嘗以為時拔一道不繫於風氣而繫於選者之心手選者之精神魄力問學識識足以裁衡一世則雖當風氣波蕩之日猶能挽之前壬子癸丑之交尚卑陋而精神雄峭矜貴之篇未嘗不在則知世固有高視遠想之人不泯沒於風氣而世特固於一時選者之手塵封而霧障之是以羣趨而不覺也吾邑山川清駛奇峭人生其間得其峻拔森秀之氣往往

孤騫獨詣遊心高遠而不溷溺於浮靡庸蔓之習以

希世而諸俗往余與中五讀書持論斷斷雖連瑣而

不悔而一時同輩皆相率為高古奇峭之作以自別

於時故其為文或麗如星漢或淡如雲波或雄恣如

鉅鹿之戰或枯坐如高僧之守人各為家家各成體

雖其格調時有過者然抗情一往非彼描摹柔脆者

所得及也今國家化成幾百年矣天下學者翕然

以江右五家為宗師而吾邑高古奇峭之作固宜大

見於世以鳴國家之盛然余間覽海內之文其效

明叢集

卷一序

五蔡漢藏板

之過而流於詭異晦駁者亦多有之別裁反正之責不有賴於持衡者乎東川以雋異之姿而傳以吾友家世問學之力余雖病且冗未暇卒讀然其選為東川而其文為東川所選詭異晦駁之弊固不足以病東川也昔艾天傭當明神宗之季大聲疾呼掃除一切怪誕之習而反之於康莊中正之途為百世誦誦者之楷法余於東川固不能無深望耳矣

送縣尉夏公學淳歸蕭山序

古之傷心人語特借題發揮極嗚咽感慨之
致真史漢神韻

縣之爲制有令有丞有簿有尉凡邑之務皆有職守而總其權於令士君子樂於自見者丞簿以下宜無取焉然而天下英異特絕之流往往自託於抱關擊柝而不恤者彼固非樂而就之也孟子曰仕非爲食而有時乎爲食若孔子之委吏乘田是也故春秋時晨門封人輩其言論風旨皆超然有高世之志而沉用藏集
卷一序
六蔡漢藏板
淪卑秩屈抑挫折猶若有所深繫而不忍去者彼豈獨異於人哉余以爲自古賢人君子遭時鬱塞困抑無聊於是擇其職之易稱者以沾升斗之祿至其甚者又或狂呼大笑奮袂低昂以自著其欣喜之情此簡今之詩所爲輕世而肆志也蕭山夏公胸曠而神明其於制舉之業上自王錢下逮子駿大士諸先輩無不究覽而艱於一遇不得已俯就一尉其來吾宜也一車兩馬束書數帙甫匝月而吏不爲奸民安其業訟庭晝空門可張羅每花晨月夕雨淒煙淡卽把

筆長吟聲徹戶外時時技癢則又濡墨吮毫振筆疾

書爲制舉之業蓋其心胸開曠超然物外而結習所

至不能暫忘故於政事之暇與二三同志更唱迭和

出其詩文吟哦永日酒盡茗枯墨汁淋漓當其飲酣

放歌則掀髯自託曰吾一散吏耳巡道路嚴緝捕爲

事僅矣於宜更何所補然幸得與二三君子往復廣

唱眺卓望之層嵐俯宜水之鮮碧飲露餐英余願足

矣他日歸休囊無半物鮮裝啟篋諸君子之評跋與

唱和之作在宜之山川諸君子之顏面雖其遼澗不

猶如在吾目乎於是相與縱飲大笑知公襟期之遠

且嘆英異特絕如公者之不得展其志也公遭逢明

盛固非簡兮詩人之比而端厚和易絕無輕世肆志

之行特以公之文章學問宜見於世而卒扼於科目

不得據其底蘊又以親老故俯就一尉以爲甘旨之

藉乃竟以內憂去此則公之所爲快怏而亦吾輩之

所重爲公惜者也公家會稽山陰之區有雲門宛委

佳山諸勝公杖屨徜徉其下賦詩嘯傲與雲山相吞

吐他日扁舟草屨尙當訪公於林壑煙靄之間相與

握手而一笑也。故特次其平昔之語如此。若夫政蹟之美，宜民之愛戴，則有諸君子之言與口碑在。余故不復道也。

釋西朗詩序

不輕許可處得古作者之旨，須看其筆力。雖是何處置。

遊於塵埃之中，而超於塵埃之外。然後始能以其最高絕遠之胸，而寫其微妙難言之情。此非獨作者然也。而其點次評跋之人，其胸懷筆力，亦必與之相上下。均識議然後足程其工力，而定其聲價。所以古今載籍之作，其叙集之人，非有傑出之才，雄深之分，其於作者之幽奇雄邁，隱仄清綺之致，決不能得其精神意趣之所在。雖極口稱贊，其於此人之作，猶無與也。九葉溪藏板

西昌仁王寺山水之奇，身年暇月以西朗詩挂立分設到底也。千里平曠，雲樹蒼然。而中有八景之美，遊人墨客過而吟眺者，踵相接也。有僧西朗者，尤嗜吟咏，工爲七言律絕，而余叔柱立士之好奇者也。一日手持西朗詩一卷，向余言曰：「西朗之來吾龍泉也，不二三日，吾已得其人，兼得其詩矣。其爲人外朴而中誠，其詩善道物理，描寫光景而超然於塵氛之外。子盍覽而叙之。」余惟七言之作，自漢武帝柏梁之咏，當時鴻材健製之儒，猶受戛乎難

之至於七律即唐世所稱極工者亦僅可指數西朗
顧犯其難而奮然爲之此其材力有過人者而吾叔
桂立尤不肯輕許與人強毅矜踔非其所好輒抵掌
掀髯睥目而疾爭今而且曰得西朗之爲人兼得其
爲詩即無覽西朗詩固知其必有異也余習塵氛久
雖加意琢磨放棄一切欲游於清虛閒曠之城以探
其華而既其實而俗綠羈繫沉浮淪溺欲彷彿西朗
一言而不可得而又奚能以序西朗之詩乎哉雖然
余不足道也天下之人苟有孤意好奇如吾叔桂立
其人者必能知之能言之足以程西朗之工力而定
其聲價而余且以鄙陋之作竊附於諸公之後而標
於卷首海內讀者得毋笑余之不自量而評次之失
衷也夫

月巖集

卷一

十蔡漢義板

王輝璧眼科方書序代石塢先生

一首一尾中間割然兩大段又六四小段
分應如列眉相承如貫珠

客冬周生情睚以書來請曰崇仁王君輝璧善療
目疾其父某爲邑庠生能文章以目科著其術更
涉既廣病無遁症復循其父之說以爲己說其
治驗者忝互演繹著爲成書且深喟乎專利者之
响繆迷而病者之莫起也欲丐序以廣其傳嗟乎
之爲道難矣予嘗取內經讀之其文縱橫變化反覆
馳驟雄剛之氣不可遏抑而考驗天地察稽陰陽
腑支節條分縷析苟非洞鬼神之神故察物情之變
亦孰能探其秘哉故余謂醫之難者此也自漢仲景
以來其間以道術名世者百不得一而依稀影响如
深夜走荒林中以殺人爲餬口計者舉目皆是嗟乎
先王之於醫也以十不失一者爲上十失一者次之
十失三者爲下今則不然以踈陋之胸逞粗悍之見
張惶攘臂自高其技以逐一時之利若是而曰不殺
人者則亦其病之淺而命之未促耳不然不能免也

月巖集

卷一

十蔡漢義板

古之善醫者無專科之學是以越人之於醫也或爲帶下或爲小兒太史公曰人之所患在病多醫之所患在道少誠哉言也醫之有專科也則醫之做也今且各有分門矣而啟微銀海二書於目科爲尤著其微妙詳確已深得乎內經之奧而卓然於技術之中後有作者不能尙已今輝璧之爲是書也其傳與否吾不得而知也雖然有可知者吾且爲輝璧定之夫空言者難見而效實者易積情畊稱輝璧治療甚衆頗有奇驗果如是則輝璧之效著而此書之作其行

月巖集

卷一

十一

於天下傳之來世決然而無疑矣此亦周制所定上兼詳其行事生色處次下之法也情畊又言其尊人有材力鄉有悞觸豪勢者有司將盡置之法其尊人力請於上乃得解更爲分立條式使相安而不亂鄉人至今思之輝璧亦謹愿質朴無市習是其行均足尚也夫山林泉石幽翳遐僻之所負材而逸於技術者何限輝璧父子之間猶可想見云

太守劉公壽序

代

公諱永錫字我彭奉天開源縣人

叙次處議論處揮灑控縱是何意態

中憲大夫劉公我彭先生以 今上四年三月七日

爲公榮誕之辰縣之紳士大夫咸欲製錦以爲公壽

而徵言於余蓋公世家顯仕殊勲偉績載在冊府其

先大夫實秉憲江右而公又自河防來典吾郡夫以

先大夫惠澤之積與吾州士民數十年慕思之勤今

幸承公休養涵濡於公幕之餘則士民見公將如見

我先大夫焉其感佩愛戴固有什伯於常情者其德

月巖集

卷一

十三

頌禱之詞以爲公壽宜也余竊觀古大人之於國也惟其所命而無不宜之職是以富弼韓琦張齊賢諸公皆以文儒晉秉鈞軸其於工虞水火兵農錢穀議立法無所施而不可何則其學有以克之乎才有以給之其德有以動之故入焉而無不周也公自神典河防其中經營措注先事之脩後事之宜變神明特山於古人之外余讀公所著河防一書崇論碩畫皆可以爲後世師法古治河稱漢賈讓爲最以公方之有過焉無不及也舊歲浙江饑 天子憫念元

用嚴集

卷一序

十四 蔡陰藏版

元捐數十萬金於近道買穀濟之。吾撫賴公仁慈粗得豐稔。然民一聞命下。即踴躍踴躍。買直翔踊。可立而待。公即命出常平諸倉以往。而時其歲豐以補之。故粟出而民不知。其他爬梳擲剔以利吾郡者。又不可勝數也。宜故有永豐堤。其田承堤而溉者幾萬畝。時修時壞。至於今遂廢不治。今年正月公行部至。宜指授方畧。將請於監司而築之。其利可經百祀。又進邑諸生而風勵訓諭。孜孜以孝弟禮讓為首。士夫聞之。若旅人之歸其鄉。草樹廬舍豁然開朗。將不令而自化也。夫以公之治水而水得其理。以公治民而民安其業。士服其教。異時晉秉鈞軸為聖天子建號。施令創議立法。工虞水火兵農錢穀無所施而不。可其視富張諸公固未知其孰為先後也。所謂其學足以克之。其才足以給之。其德足以動之者。豈不然哉。抑余更有說焉。治水者順水之性而已矣。治人者亦順人之性而已矣。孟子曰。搏而激之。可使過顚逆。而行之。可使在山。然則公之所以治水者。固其所以治民而今之所以治民者。猶昔之所以治水者也。豈

二理乎公容貌藹然。暇則左圖右史。集古孝弟忠節之事。各為詩以標目之。以為淑世陶鑄之具。而讞疑扶滯。去奸胥斥囂健。則剛明果斷。獄無冤民。去稂莠而長嘉禾。代枳棘而遏蠹賊者。又不獨岑公之咏矣。南山之二章曰。樂只君子。萬壽無疆。其末章曰。樂只君子。遐不作黃耇樂只君子。保艾爾後。請誦斯言為稱觴之獻。

汪明府 太夫人壽序代

善於組織故能極盛德之形容

今上卽位之元年巡撫俞公以吾宜事劇人稱非得

廉重方凝偉望素著者不能振而新之由是汪侯老

師堇夫子始以廉能爲宜邑宰甫下車則爬搔櫛剔

撫摩矜恤諸不便於民者悉去之而又以學校爲一

邑人士肄習瞻仰之地明倫鄉賢次第修葺飲社讀

法降升俯仰動示儀則奸飲民蕪閭巷阡陌之間愉

愉如也今年丁巳仲春念有七日爲太夫人榮誕之

辰而禮以雕虫末伎嘗獲受知於大君子之門且不

以禮之愚鄙斥而遠之視其孤介狷潔者可進於道

者晉謁之次輒捐威重以牖其明而解其惑則禮於

太夫人之壽卽愚不文不足以發摠盛德之萬一而

稱觴之際慶祝之私固不能已於言也竊嘗觀之自

古國家建萬世不拔之基必有二三虎臣相與宣德

効力以贊翊之雖其間有反側不逞之徒盤踞一方

嘯聚數澤不終朝而芟夷蘊蘊無遺類焉而二三虎

臣之家亦必有和惠明哲爲當世之女師者爲之匹

附錄集 卷一序 十六 蔡漢藏板

速而輔理之然後功烈著於春秋名聲耀於後世國

有磐石之固而其子姓孫支繁衍碩大亦與國家相

爲無極禮嘗讀思齊之詩致美文德而必推及於太

任周姜有由然也我太太夫人以女宗之德作配大總

戎公甫一年而總戎公以軍功授浙之台州都閫太

夫人未及行而吳逆全川盡陷太夫人以義諭其帥

得攜家抵浙時浙東耿逆作亂思總戎公威名數爲

書誘公公輒縛其使上聞天子嘉之特賜忠貞二字

以昭寵錫遂晉階都督授寧波府協鎮而移軍駐象

邑象邑爲諸寇出入門戶公以身阻遏其間賊勢大

沮當是時軍興旁午內政一稟於太夫人軍卒中家

室不贖者太夫人爲解簪珥以周之使總戎公得盡

心於外而士卒樂爲之奮卒成大功以膺建節開府

之秩雖公之精忠英畧使然而亦太夫人贊助之所

致也夫衛城全民之家福流百世昔曹彬下江南不

戮一人史稱其十數世顯貴不絕禮惟總戎公以雄

材大畧綏靖一方民得蒙其安全者何限而太夫人

秉和惠之德具明哲之材以左右規畫其間其所樹

附錄集 卷一序 十七 蔡漢藏板

立固當與國家相為無極而太夫人長公伯氏副總

戎先生馳聲瓊粵李先生亦雄視菰苑吾師老夫子

領鄉薦宰百里稱江右循良太夫人於今日榮膺天

寵祥祿後昆惟天眷德多歷年所其所履之福之壽

又豈僅如今日之所稱云爾哉抑考太夫人本籍吾

撫之金溪其大父客於蜀遂家焉金溪之先有諱瓊

者以雄文晉秩卿貳至今衣冠文物相望不絕而太

夫人之弟諱景運先生者亦以壬午與今明府老夫

子舉於鄉兩姓盛大照耀史冊王謝門第未足多也

月嚴集卷一序

而禮也由太夫人之世籍稽之於吾宜猶桑梓也以

蒞治之所本柔撤之德於吾宜則又母儀也以禮之

鄙拙受知於明府老夫子則又教育之所自也夫母

儀也桑梓也教育之所自也循是而有言焉雖欲已

得乎敢誦桑扈之二章曰萬方之屏其末章曰萬福

來求以是為俯觴之藉吾師夫子其亦進而誨之否

邑侯徐公壽序

知其材且賢揄揚中特占地步

縣之職於民為近其一切調劑緩急如慈母之於赤

子杞梳鞠育無不中其窾會有不率者董戒懲艾亦

立見之呼吸故得其人則一邑賴以大治不得其人

則擾攘撻切民無所措其手足而已是縣之於民地

親而事劇非賢且材者不能為也今天子父安海

內覆冒萬物縣令之選尤所注意特命大吏簡而用

之而又面諭以觀其當否其周詳慎重唯恐人材

之不得其當如此四年春予適忝簡選之命於群士

之中得君風采進退端凝和藹粹然儒者也亟進之

已而上果有西江之命遂補令瑞金君至則剔其

窳俗和其民人旬月之間訟獄衰息里胥豪猾之徒

無所肆其奸誣歌之聲徹四境焉予固早知君之能

有是也已而巡撫張公以君材且賢瑞小邑不足展

其蘊特請於上於是客冬有宜黃之命瑞之人聞

有是行也匍匐扳留若失慈母君既不能違則扶老

攜幼治道數十百里追送不絕君至宜則又以治瑞

者治宜初若無所事者不數月而宜之人仰之若父
母欽之若神明其咏歌歎美又不止於瑞而已也予
又早知君之能有是而固不止是也夫人心之天終
古不易苟拂所欲則違而去之有在上者公平廉慎
保之若赤子視之如手足雖在荒遠猶將化焉而況
宜為文學之區以君之材且賢為之有不喁然向風
者乎君家世簪組曾大父先生起家卿貳大父先生
以雄畧建節荆楚而尊公先生令衡之臨武三世相
承衣冠顯赫君又以雄文舉甲辰鄉薦而公平廉慎
月嚴集 卷一 序 廿 蔡漢蘇板
明敏剛決百里之治直反掌耳予於是知君方且揚
聲廊廟為國家柱石其謳歌咏歎豈直宜之人而
已哉所謂知君之能有是而固不止是者此也七月
三日為君岳降之辰宜之紳士脩述其為政之美且
以予為能知君者而又郡人也以書來曰願請一言
以為壽予考幽風七月之詩其民自叙其忠愛之忱
而其末篇有升堂稱觥萬壽無疆之祝竊嘆當日幽
公與民相接者如家人父子其歡欣悅豫既不可以
俸致而民之所以惓惓於上者亦有所不容已今夫

縣之為境也其幅員廣遠大者百數十里小者亦不
下六七十里蓋古侯伯之國也宜之士汲汲於頌禱
如恐不及則君之所感於宜與宜之所效於君者當
亦如幽風當日鼓舞悅懌以自致其願望而不容已
予於此見人心之天終古不易而三代之政果不易
民而治也予不敏不能副宜士之請然亦因是以當
洗觥之祝而知人之明竊有所自喜也
月嚴集 卷一 序 廿 蔡漢蘇板

熊君廷友七十壽序 代石塢先生

運實於虛全於跌宕處使人神解

吾友熊君以 今上壬子七月某日實為君七十初

度君之嫺親交遊咸樂製錦以為君壽而又以為今

世壽言之作大半皆倭諛非情實而文尤不工必得

世之善言而不誣者始足以發據其蘊蓄而可信於

天下於是書抵 京師來請予文以為壽雖然余

固非能言者而諛與誣則吾豈敢姑以余耳目所睹

記者以為君壽可乎蓋天下之材有藏有絀各有其

月巖集 卷一序 廿三蔡溪載報

為而不能兼匪獨榮名福澤為造物所忌且靳也而

勢亦若有所不能嘗試觀之百工伎藝之末其特出

儕輩者必注思怵目憔悴端一不敢它有所及而後

乃僅得之若像之於九秋之於爽彼皆乘其絕人之

智而殫其材之所獨運疾雷破柱山徙川決皆無足

撓其神明者然後始能以其所得而確長一世是以

自古文章之士必不能與計然倚頓諸人擅山海之

富而豪華封殖之家亦必不能與韓柳歐蘇諸君子

爭不朽之業蓋其勢之難兼如此而君則過乎是矣

君僻處萬山中早歲為博士弟子承先人之業而家

日益富昔余嘗館君家塾入其室圖史滿架名畫法

書盈箱溢篋而原廬蓋藏陳因相積余視之愕然而

嘆君固所稱為文學者而積藏之如此目觀其然實

不解其何以然也夫心計之家朝夕討論皇皇逐逐

雖寢寐之間亦昏憤而不能脫試問以經史文翰則

閉目張口而不能答而君於制舉之外旁及往代典

故輒洋洋灑灑終日不休而又能不廢於居頌豈天

之忌且靳於人人而獨厚於君哉抑亦其才之過人

月巖集 卷一序 廿三蔡溪載報

者遠也然余又聞君於年荒之際大出其贏餘以佐

諸貧乏多貸而不取其息而橋梁道路之事奮力獨

運不屑屑於錙銖之較有德者矣昔范大夫功成浮

江而去三致千金而三散之彼其目中視阿堵中物

為何如其所經營特遊戲耳故能出其心思材力馳

騁於吳越勸勸之際撫循其人民而不見有兵革之

苦卒能以其君霸向使范大夫徒專其力於刀錐之

末如王戎輩不過一鄙瑣之夫人且鄙之者於何有

然則君於履豐之餘而文章學業卓然可見母亦有

超然於世俗之外者耶其所以兼之之故或者其在是歟君今年七十余別未久也筋力康強尚如曩昔其壽固未可量元配某氏淑慎端惠明年壽亦七十稱觴之際華髮相對子若孫拱立階庭願盼生光怡然自樂試進余文於綺筵絲竹之間君當欣然而笑而信余言之非謬也

月叢集

卷一 序

廿四 蔡溪齋

席某翁先生八十壽序代

馮思一縷煙波無限

吾郡宜黃大賓席先生以今年仲夏十日實為先生八十初度先生嫻賓族鄰咸醵金制錦以為先生壽而以余家世嫻好去先生居不數十里而近為素稔於先生者而以壽言見屬余不能以不文辭也邇為之序曰自古克自樹立震耀鏗旬以表見於當世者其人率皆深謹鏗銳終始一節不為習俗所波靡以自蕩其心志雖功成事立而所見愈定所持愈固然後不隕獲於騶溢之途而保世滋大蓋余嘗讀公劉首章而見其憂勞動瘁開創土宇大都有百年必世之思至於發皇盛大而後已而世之所以貽謀昌後不自涓涓者蓋可知已席氏於宜為著姓衣冠文物代有碩彥所居萬峯環擁良田名材綿亘相繼先生自少即能發奮振勵躬持儉約其華而靡怠而肆者見之惟恐其或類也曰蚤作而夜思服勤而勞形安分守業以自飭於里巷之間是吾志也積日累月而寢昌寢熾若火之始然泉之始達將有燎原赴海之

勢遂別構一室於平山之陽宏廡深廣曰吾子孫之
 居是者將繁而大是不可以不營也又別構一室於
 其旁勉其子以學曰吾子孫之讀書居之是不可以
 不營也至其自奉則布袍竹杖怡然緩步於阡陌之
 間披和風弄清泉曝暖日坦懷自得若無所別期於
 天地然後知先生之深謹堅銳不眩於世俗波靡終
 始一節爲不可及也引註一段解性生色昔吳季札聘魯請觀於周樂至
 唐嘆曰思深哉其有陶唐氏之遺風乎非令德之後
 孰能若是至今自山西來者皆言其人深謹質樸自
 月嚴集卷一序廿六葉漢書
 陶唐迄茲數千餘載而流風餘韻相承不絕過其地
 者徘徊瞻眺喟然起隆古之思於此知國家異勢而
 其憂勞勤瘁開創貽謀爲百年必世之計以至於久
 而不變者未始不一轍也然則先生之留遺於後人
 者遠矣先生勤修自好縣大夫請於朝既賓於鄉矣
 而其子若孫彬彬郁郁蔚然有元宗負荷之望先生
 年今八十猶康強如疇昔余於此益嘆其深謹自好
 不獨爲貽謀燕翼之本而所以自壽之道固亦不外
 此而得之詩曰弗祿爾康矣純嘏爾常矣請以是爲

先生咏之

月嚴集

卷一序

廿七葉漢書

陳君仲書六十壽序 代石塢先生作

摹寫刻劃盡致

宜之邑凡三鄉而崇賢居其一其地高山峻嶺蔚蔽日月有嶂亘數十里名魚牙岡嶺回複雲氣曉霽望之如魯城闔苑若有飛仙羽容往來其上者竹木粟木之利足以衣被一邑其人率恭儉簡樸農桑力作之外無它嗜好鍾其秀者遂能濬發於文辭為一世宗仰如樂子正父子杜子野輩其人皆後先炳蔚屹然與歐會王晏相為確長蓋山川之氣與衍關深不掩抑蘊釀積久而奇傑英異之材往往特出於其間無足怪也余友陳君仲書家於崇者凡數世與魚才諸峯相去不數里蓋本其山川深厚之氣而成於其俗之美其操行之素文章之能蓋不待鄙之而後知也余與君相距百二十里而余又嬾慢踈蹕足不入城市邑中相識者蓋寡往年同試於羊城始一接其貌溫以肅其神凝以和耳目鼻口之外若別無心胸取焉者已而借其嗣君恭若及其姪元長來謁其彬都雅質有其文焉更為余道其先世與其伯元

卷一序

十八集

其蘊醲鬱積且發摭而未有涯也余與君既同庚而予長一月余骨節清癯跋跋風塵所幸者神尚王耳而君肥澤豐潤胸無他腸老氏之言曰虛其心實其腹余知君貌之益克也九月之吉為君六十初度同人以書來請余言以為壽余謂君體厚而氣和夫厚者坤之象也和者元之德也以君之體合於其德壽宇有既乎余承乏史館於當世賢士大夫高行盛業皆得具書君家故多才樂杜之事匪異人任然則余之所稱蓋不特君之壽而已也姑次此語以頌之

卷一序

十九集

劉 先生壽序代

說得如許關係似頌似諷

天下心知血氣之倫莫不各負其材質以並衡於世詐役愚力役懦相與角逐爭鶩而不能已故雖日從事於鞭撻箠楚而勢或不能以相勝先王知其然於是使天下之人一出於學而為之師者必選當世

儒碩士懷材抱道之英足為一世所矜式者而誘掖

之故師儒之設其秩視諸曹較卑而其提挈綱維

移一世以陰奪其凌暴之氣而為國家養達人利

月嚴集 卷一序 三十蔡溪藏板

百世寢昌之基者其視他曹為較重若胡公瑗之教

授蕪湖張公九齡之授業興國是皆足以振懦起衰

維持國脉於承固者也今天子臨御寓內凡唐虞

三代所以施設於民者莫不具舉而尤詳於學校其

所銓選必擇其鄉先生之有道而文者以臨蒞之而

章貢 劉先生以明經膺吾宜司鐸之任賴郡素多

材先生自為諸生獨以文確於其邑渭師高公來視

學江右以振興古學為已任其所甄拔必瑰奇宏傑

卓犖之士而踰常襲故莠蕞庸弱之徒多見擯斥被

其選者咸榮焉而先生衰然特置高等人望之若威

鳳之翔於九霄也然先生雅不以文為重其蒞吾宜

也課試之下必進諸士而風之以孝弟飭之以躬行

往年棟自京師歸嘗一接其丰采挹其議論盎然斐

然所謂以講肄為鐘鼓振一世而使之覺者非先生

其人歟夫為學之道先其本而末自應之先生之自

為如是故其所得士其文既瑰瑋特絕光怪掩抑而

忠信淳厚之材若合符節豈非先其本而末自應者

歟函養其材而立百世寢昌之基者歟予所謂視他

曹為較重者豈不信哉先生至宜之明年邑士大夫

咸欲製錦以為壽予友吳子獻臣屢以世系請不許

今春又請又不許且謂吾涼德不足煩諸生而縣之

士以書來徵予文益亟且曰先生之道尊矣吾黨服

其教而不能宜其德以為侑觴之藉其何以舒吾邑

人士之意先生其為我序之予惟大雅棧樸之詩其

四章曰倬彼雲漢為章於天說者謂文王文章德業

輝光照耀足以為世儀表而即繼之以壽考作人說

者又謂其令德既隆而多享遐齡故其教澤浹洽憂

化鼓舞足以成就天下之材而使之皆適於用今先生文章行誼既已樹之風聲而壽考康寧教澤汪溢詩人所稱先生當之矣抑又聞先生諸嗣君皆端雅有文能大其家詩曰豈弟君子福祿攸降先生其有焉棟不敏不能發摠先生之萬一而執筆而爲之序者特以塞邑人士之請而未之其果有當焉否也

目錄集

卷一序

三蔡溪藏板

壽陳 六十序

一段奇恣之氣如黃河之水天上來

余嘗謂天下人寧爲奇人毋爲庸碌人寧爲奇而不富貴人毋爲庸碌而擅福利人何以言之夫自開關以至於今不知其幾億萬萬年不知其幾億萬萬人其間富貴利達席勢履盛而名漸滅者何可勝道歐陽文忠所謂草木之華鳥獸好音之過耳當時則榮沒則已焉如此人者雖壽千歲與彭鏗絜長度大夫何益於世夫何益於身人之視之不過如草木之華而已耳鳥獸之音而已耳何足貴哉而衆人之中有奇士者則不獨身顯而名尊其聲光彪炳雖與天地無終窮可也然則士之於世蓋可知已余嘗以此求天下士不可多得見屬者吳子某具言寶水陳先生之行且曰向者先生既常壽其五十矣今越十年而其行益高其氣益厲其容貌益充然以陳先生宜更序而壽之以爲吾黨侑觴之饌余聞之而慨然曰茲固余往者所願見而不可多得者也夫人之於世其於少與壯也精氣盛而脈液充則奮迅激昂而不充

細於富貴利達之感。迨其六七十也。則荷然而衰。無它。道義之氣餒。而得喪之心滋也。今先生方巍乎其冠。肅乎其容。議論震發。矯然而嚴。以厲其視前之五十。行益進而志益強也。夫行益進。則不挫於遇。志益強。則不頽於俗。不挫於遇。則浩然而行。天地之間。無不宜也。無不遂也。遂且宜。則神明中涵。天機外溢。其壽將日升。而未有已。再越七十八十。吾知先生之行愈進而志愈強也。夫世多庸碌人。鮮奇人。先生之行卓卓如是。得不謂之奇士乎哉。試以此語質於先生。吾知先生必掀髯鼓掌而肯余言也。

月最集

卷一序

三原縣溪藏板

壽僧觀周序代

議論透切可作暮鼓晨鐘

佛教之盛久矣。原其始。必有一二奇人奇士厭夫世之垢汙。貪鄙嗜利。無恥之徒。於是離世遠去。若唯恐免其身者。而後著書立說。遠相高視。以無爲上。宗以淡泊爲體。以反觀明覺爲用。其視唐虞之授受。猶弗展然。嘻。何其甚也。彼其人。豈皆放言自恣。好爲異說。以自屏於綱常倫紀之外哉。其亦嫉夫世之貪汙垢濁。遂傲然放棄其身。而不自顧焉耳。巢父許由。務光。列禦寇。莊周之徒是也。西方天竺之國有君子焉。能自外其身。以明心見性爲本。以無生無滅無感爲用。其與莊列之道若出一轍。彼其人。皆超然有高世之志。而欲醒乎世之貪汙垢濁。沈酣於勢利之途。而不知所底者。自吾聖人之道視之。則狹隘畸異而不可以訓。而自世之貪壬貪鄙之天觀之。則彼且如神龍威鳳。巍然遊於九霄之上。而不可以一切尋常之近目之也。蓋佛之爲教。其高且遠如此。然自入中國以來。世之靡然而從之者。衆矣。晉唐五代之間。學士大

夫多喜為其說以自附於其後而貪鄙頑鈍與愚無知者無以異而為其徒者自慧遠靈澈惠休敬君子外率皆逐聲華樂奔競趨權貴乘利便大都忌其師說而汨於世俗波蕩之途以自快夫豈其教之不能得之於其徒哉抑源遠末分其勢有不得不然者也觀公向為龍興寺主余嘗過訪焉時年甚少喜作詩及書而容止進退儼然可觀後余宦京邸不相聞者十餘年矣余歸則聞其主龍泉又說法於臨川之南源寺今且更主寶光名聲藉藉起矣然觀公平未有月叢集卷一序以過余余亦無從與之話疇昔評詩論書如曩時也昨余過周生情畊齋中生言觀公以十一月初二為五十初度自余接觀公時年僅二十五六耳倏忽之間光陰瞬息電光石火誠有如其師之所云者獨不知觀公果能外形骸齊物我超然有以自信其師之所言者乎年日益長行日益進觀公天姿過人其必有得乎是也慧遠靈澈之徒余知其不得專美於前矣暇時尚當過寶光而問之

叢集卷二

宜黃 周禮 情耕 著

藍石塢先生鑒定

受業 歐陽鳳翔西文 批註
同學 熊有道允中 手輯
男 驥衡孫萬鵬較字

序啟引

重修家譜序 代

三畧相承無痕迹

今上即位之十年為壬子之歲三月吾族長老子姓

叢集

卷二序

一 蔡溪藏板

羣有事於祀事祭畢長老顧子姪而言曰吾宗自得姓以來至於今數千年族大支繁其遠者不可考而斷自宋之瑗公其家譜之作肇於元時之聞人修於克廣公再修於我祖思義公至中州公又承其業而編修之伯祖麟生公虞生公又復修葺而手寫以傳之條分縷析若川之明若海之會世次分合燦然具脩至於今數十年生息日殷其存沒卒葬紀錄缺然無以聚渙聯族且陞叔公卓仲公孟文公固嘗有志斯舉稍為詮次聯屬而卒未就閱時既久或忽或忘

今予於若輩不能奮襄斯事其何以承先人之志予

小子向亦聯念茲事而適與志合乃與衆長老子侄

咸拜手受命共爲參閱考訂至述其時世別其文行

之善而有關於勸勵者則又有文人秉筆爲文而紀

之於是數十年來先人之志之未逮者咸煥然可考

嗟嗟夫人之於世特患無志耳以吾族之繁衍盛大

其總理經緯誠若有甚難卽中修葺猶不能有成功

今以合族之奮興而一舉克就則夫人之趨事赴功

者患因循不患不成也余不文得與參訂之末仰觀

月數集

模補俯視几筵有不覺愾乎其如見者後之子孫其

亦鑒茲深畏而無怠若事則光大之烈且永承于世

世矣是爲序

劉氏宗譜序

中多微辭

有史家之有譜一也史綱羅一代其間稱說異

者離刺謬紛然而莫可是正而疑似之間通變之

進退褒貶權衡予奪作史者以一己之精神旁搜

探沈冥兀傲而曰吾之是非果不悖於聖人其爲

誠艱而其爲事固已難矣若夫家之有譜則不過

世系第其年月近者一二十載遠者亦祇七八

載父兄之耳目承襲文章紀錄有稱美而無譏

其其事簡而易操其論一而易從故家譜之作視史

爲較易而有難焉者何也古之時諸侯世其國大

夫世其家宗法詳支庶不混故無事於譜而系自明

世宗法不行每當遷革播越相仍學士大夫多不

能舉所自出而夸者遂支離附會以自飾於遠不可

知之役皆太史遷作史記以爲三代皆同出於黃帝

而爲之疏其源流次其世代歐陽公修怪遷生二千

餘年之後欲懸斷二千餘年之前其不至謬戾不通

不止歐公之言若此則世之爲譜者苟非有所紹述

則亦因循游移而不能以遠定其難一也譜以紀其世系而已於文固無所取然而其間有行高一鄉德茂一邑隱約窮巷無所表見者固宜摯而著之以昭令德而示子孫今則不然傳紀繁蕪稱引失實美加於所無而褒過於所有先人受之則為誣後世傳之則滋惑遂至實行自好之流皆淆混而莫辨越數十年秉筆者雖明知其誣而不能以即去其難二也古文之做莫甚於今日勦說雷同膚淺卑陋雖世有可傳之人可紀之事而率湮沒於孤陋眈見者之手幽尤潛德隱而不宣可悲也夫其難三也有此三難則向之所謂易孫易從與史懸殊者其難又一也今觀劉氏之譜則燦然矣其敘述自陶唐以迄有宋其遷徙自京兆而閩而江右脈絡詳明支分源合較若指掌其自閩而首遷於宜者則自宋之炳公始炳通奉大夫有學行從朱子遊朱子知南康軍炳訪之於鹿門於是過信州歷鵲湖吟眺山水怡然自得開宜黃縣岡之勝而家焉炳生子二長考功郎彌正次河內平甯堅彌正生迪功郎肅肅生觀察承直郎開開越

卷一序

四蔡漢藏板

世而生德與教諭彥常廣州教授彥華彥常遷西隱之擇彥彥華遷北隅之胥家巷即今之教場巷也彥常三世生益謙益惠公更由擇胥遷崇一都之雷勁益瑞公亦由擇胥遷崇一都之馬停橋其益淮益濱益淇益誠者亦各散處於鄉與隅之間而彥常彥二支之裔繁衍碩大遂至於不可紀極乃今又得其裔孫克顯鳳來者茸而修之吾知其世系之不混稱述之不誣前之所謂三難者固可逆計其無憾矣夫民之初生若瓜瓞然根本盛大藤蔓光沃而後也實繁衆人之有祖譬則根也其子姓譬則瓜瓞也其忠謹孝弟不忘所出譬則園人之治圃培其根而燁其澤也今劉氏之先其衣冠若彼而又能聯族萃渙以深其一本之思則其發皇盛大所謂綿綿瓜瓞者將於是乎其無極矣余承乏史館既深悉著作之難而更論家譜之繁如此於以見是譜之修爲足据而世之誇誕荒陋者爲可怪也遂書以爲序

卷二序

五蔡漢藏板

重修周氏族譜序

感慨於不可知處其言藹如亦親親之義也

數十年世系叙畢叙完

周自后稷迄唐虞治天下有功分封十餘世為諸侯

咸姓周氏至武王克商定暴亂周公制作禮樂以致

大平於是推本后稷以上至於黃帝以帝產姬水遂

以姬姓而以周為有天下之號及周曆既衰諸侯力

政秦代周而有天下周之子孫夷於草莽或聚或散

居處封號其詳不可得而記聞焉後之譜周氏者斷

自唐宋而不能遠及於始封之白非略之也蓋自漢

迄今二千餘年雖欲追求其故支分派別以明其世

系之原考核愈詳世傳愈謬敝精竭神益迷而不可

也前年余宗有事譜牒予與宗人力求其系屬友

所由由後林廬陵而上溯於南唐之矩公由矩公

而卜世遼遠蓋亦莫能詳也夫仁人孝子之於其

尤苟力有可致無弗至焉然以世代曠隔徒處無常

中欲尋究緒推本始而力亦將有所窮是以君子

任悲而慎之晉宜周氏凡數姓麻溪之周其始祖

出於虞賓公虞賓公五世至順公順公宋神宗時

諱惇實二公叔世號濂溪先生以道德為二程先

師而續工聖以來不傳之緒八世必旺公由九江

撫州臨川之紫頭十世仕公始遷於宜之崇一都

五世彦公更由崇一都遷仙十之麻溪麻溪之

遂分為四子清公遷居崇三子公遷崇五世謙

賢公則遷於建昌之南豐啟嵩公則遷於本都之

日坊四支相承人盛族巨源流支節條分縷晰燦然

昭然自漢晉以上其遼遠曠隔遠不能詳者則亦

與予宗也往年夏予讀書燭峯之僧舍所居與官

坊近近得與二三父兄時相遊從桑陰麻影衣冠樽

俎有先民遺法今夏持其新修之譜問序於予予

既喜諸父兄之勤叔渙聯散以惇睦其族人行將光

八濂溪之烈而又慨夫傳世久遠與予之宗孰先孰

後流分支別遠而不能考也重其請序以歸之

官胡氏三修宗譜序

辛 敬 然博而條分縷析指畫井井

今夫天地之所以不毀者恃有此生物之心而已矣生人之所以不滅者恃有此仁孝之心而已矣夫仁孝之心固天地之心也吾之身何昉乎是吾親之遺體也吾親之身何昉乎是吾祖吾高曾歷世以來所逃遺之體也今有同遊偕處之人於此歷數年而不見則惘然以思至其後久而亡也則於其平昔語言飲食起居動作時或脩而述之以致其咨嗟不忘之

月集

卷一序

八 蔡漢藏

意而况自吾親以上吾祖吾高曾吾之所自出者哉故人於數世以前數百年之久傳世雖遠戚屬雖疎來者日新舊者日遠然未有不於几筵棖桷之餘顧瞻徬徨踟躕而不能自己者何也嗟乎此固仁孝之心而即譜牒之所由以作天地之心之所以形也吾宜胡氏之先蓋出於安定公之後安定公諱瑗字翼之其先家世居安定公父訥為寧海節度使公生於泰州之海寧鄉遂家焉其門人猶稱為安定先生者邇厥初也公以明體達用之學為一世大儒代有令

聞公三子長至敏次巨川季天秀次子巨川公由南昌之鴉溪遷金雞城前生三子長承讓次承遜幼承謙承讓公生子三長曰京賢次曰京忠幼曰京聖其次子京忠公由鴉溪遷城北之天王院即大街始祖長京賢公生二子仲子肇章公為南昌教授卒於任遇亂不能歸生四子元璧元珍元瓚元現同母避亂於南豐之規下元璧公更由規下遷宜之車上即今車上之始祖也天秀公生四子長承貴次承玩三承真幼承貴仲子承玩居瑞州上高四世孫文晶公為臨川教授因遭兵變遷家於河塘鼓樓岡至十一世孫從諱公遷居七忠同元即今同元之始祖也自示迄明世產隔達至國朝而衣冠文物極一時之選

卷一序

九 蔡漢藏

先世有虞生麟生公者嘗綴筆家乘手書以遺後人而未及付剞劂迄今又幾十年矣其後賢獨能以載為重使數百年源流端委燦若指掌其用心尤之尚也胡氏得姓蓋出於有虞氏之胡公滿子以謚為國時有諱衍者能却秦師以為滿衛平帝時六國剛者值亂棄官隱市肆間剛六世孫

廣舉孝廉爲天下第一以定策功封侯謚文恭魏時
有諱質者字文德爲征東將軍子威字德武爲豐
太守並以清白著名於時唐高宗朝有楚賓者下筆
千言不休入宋而胡氏之族愈大有諱宿者字武平
舉進士累官尚書右丞宿子宗炎次交修侄宗愈皆
以文章知名取上第登陟卿孤有諱岩起者善謀略
贛州亂討平之所全活者甚衆高宗時有諱詮者廬
陵人舉進士任樞密院編修上疏乞斬秦檜終工部
侍郎止至明而大海居仁之徒或以勲業顯或以文
章見所在林立前後相望胡氏之譜雖未能遽明其
世次要皆出於有虞氏之裔其分合遠近固可訪而
知者予既嘉胡氏之勤而更爲推其先代英偉卓犖
之彥以興其景仰之思而又以堅其考探之志由是
而之焉其源流派演必有出於所見之外者仁孝之
思又寧有既哉

徐氏四修宗譜序

代縣尊徐卓臣先生

極濶天又極密栗元明以來無此調

一姓之興其始一人之身也傳世既久蕃衍碩大遂

紛綸歲莖蔓延連綿聚散遷徙託無定處更數十傳

而等於路人者亦時有之故譜牒之作視國史爲尤

重國史著事蹟譜牒紀天親也三代以來宗法昭明

源流不紊至於衰周戰國兵戈之際世家大族播越

頻仍源流支別往往不知所自出魏晉之世綜百氏

之譜藏於有司謂之官譜然一經衰亂旋即繆誤訛

淆失其世次余以爲法非不慎也而歷世滋蔓中更

兵革漂泊轉徙流移驚駭當此之時自泊不給而昔

日所爲譜牒者大都焚燬散軼於荒煙煤照之餘又

安能以其平日所親記者盡筆之冊而不謬哉故

缺失次接之史傳而垂隔不合者非獨其守之不嚴

亦其勢之所無如何也余攷宜黃徐氏之先其始蓋

出於南州稱公東漢之末黨錮禍起唯公之

之外隱居樂道爲江右偉人自稱公至

昭宗封有齊國六傳至南唐御史公

坦齋是爲宜一世祖。賴生子四。昆。昌。成。三。乳。稍不可考。最爲青州北海令。後遂家北海。而昌居於中結。獨昆當五季亂。遁跡宜黃。遂娶宜石麓涂氏。女生子一。是爲全公。全公居宜久之。父沒。以遺命。歸葬豐城。全公沒。亦塋於祖塋之側。全生子五。曰。邠。曰。陵。曰。邨。曰。邨。曰。邨。邨即家於宜。而陵至五世。非熊公始定戶於宜之上下西園。其他子孫在豐城者尤衆。邨邨之裔多分處於豐城之南。蘭。吳。塘。而來宜者。概散處於鄉。及更徙而之他邑者。亦多有之。至邨之子孫。故在豐城。而此不及載。余按其譜而詳論之。則自邨以上。皆居於南昌之豐城。而自全以下。始居於宜。然其沒也。亦或反塋於豐。數世之間。往來稠密。猶隱然有昔邱之思焉。而余讀坦齋公所自爲序以授之昆者。本末源流。澄然不亂。自漢迄宋。數千餘年之際。絲聯綿貫。如出一綫。其間英賢碩德。入爲周召。出爲方虎者。後先相望。其散處他郡而不及載者。又不可勝紀。而自全公來宜。封爵冊號。天章。玉軸。彪炳燦爛。照映。乘者尤彬。彬可見傳曰。根之茂者。其實遂膏之沃者。

其光燁。吾知徐氏之發之逾遠也。抑攷吾宗之得姓出於伯益。益佐禹平水土。有功。封於徐。及章禹失國。子孫遂以爲氏。然則予雖家於山左金臺之區。而推所自出。夫孰非神明之後。若特以遷徙無常。世遠代隔。推之而不能盡晰耳。要其始固一人之身也。余以菲材薄宦。茲十適。吾宗父兄有譜牒之刻。而請序於余。余既嘉吾父兄采輯之勤。而又以承平日久。政化翔洽。山陬海隅之區。收族萃渙者。所在皆是。聖化之流。仁俗之積。均有在焉。故拜手而爲之叙。其大概如此。

洪氏宗譜序代

大處立論

國家治平於今百年矣。大化所漸，涵濡覆育，汪濊潏潏，日在宥而不知而生齒之繁，文學奇偉之彥，通都大邑，以及深山僻壤，往時所指為猿猱麋鹿，狐嘯往，嗥之區，皆屋比趾，錯崇廉潔，修禮讓睦，治鄰，收族萃，渙仁厚之風，藹然與三代盛王並，蓋自漢迄今，中外謐寧，民安耕鑿桑麻之利，未有若斯之盛者也。於此之時，世家大族，咸能灑厥本始，敦叙族屬，而日歸月農集。

卷二序

十四 秦漢藏板

於仁厚，蓋余覽洪氏譜牒，而列聖之煦育，文教之醴醴，胥於是乎見矣。洪氏為宜望族，其先世代以貴，雅樂善好施之事，誌不絕書，而奇材異能，掇巍科，膺顯仕者，亦指不勝屈。蓋自宋文惠公之孫諱仇者，官於止，遂家於宜之田心，至元而衍公更遷於硤石，硤石之洪，蓋自衍公始也。衍公四世孫銳，登元至治三年，進士，為金華刺史，由明迫我國朝，衣冠文物，焜耀邑乘，而擁高貲樂施予者，尤烈於曩代。余嘗考其先世文惠公兄弟諸序，其縷述家世，上溯共工，中迄唐代，

得姓淵源，絲聯繩貫，人文仕宦，彪炳輝著，余又於是，以益嘆前輩考核之詳，用心之密。本末源流，燦然脩具，使後之為譜者，得有所藉手，而不汨於俗習之牽。余為近世譜牒所僅有，尤可喜也。余為諸生時，聞一上，可舉鍾天，清泉漱石，扶輿磅礴之氣，盤結鬱積，世家大族，英異杰出之材，所在皆是，而洪氏諸公之，名早騰於其今，忽忽三十餘年矣。其子若孫，又能大集其宗人而敦叙之，則其發皇盛大，流衍鞏固，固將與日月俱新矣。抑余更有感焉：天之生人，莫不有愛敬親長之情，入廟生敬，墟墓生哀，凡物之大常，所謂良知也。或罹於饑寒兵革，一身之內，且匍匐而不自給，況能以其顛連不遑之軀，而為此收族萃渙之事哉？故有知其至急至重，而不知所以為計者，無足怪也。今天子仁聖，薄海內外，莫敢不享，而天下之人，以百年休養之勤，漸摩浸灌，優游於學校田疇之間，始知以積厚之思為根本之圖，而成其聯族萃渙之志，然則洪氏之譜，雖其子若孫仁孝之思所不容已，而其所以不容已者，則固上德之所涵濡，煦育以

覆被於無窮也。是故由洪氏之不容自己者言之。余固以發祥垂休者爲其子。若孫慶。由其所以不容自己者言之。則又以洪氏之發祥垂休者爲天下世道慶矣。語曰。太平無象於洪氏譜徵之哉。

余源席氏宗譜序代

單論誌傳一節無中生有妙極

今夫譜之作也不過述淵源紀世次叙昭穆如是而已矣。源流明世次列昭穆位而譜之事已畢。它無所庸也。而又必爲之傳以誌之。其有誌銘者則又必爲之羅而列之。橫圖之後則又有直圖以紀之。噫。何其繁且侈也。是亦不可以已乎。雖然其不可以已也。嘗考之史。太史公遷著史記其言多本之春秋戰國。與當時故老舊家之所傳聞。則亦如今日別傳墓誌之類。史氏之所不及詳者。得以微見其迹而已矣。班本於遷而范本於固。其採擇爲差。易班范而後作史者。莫盛於歐陽公。修修之作五代史也。嘗嘆其亂世崩離文字殘缺。上自公卿大夫。下至閭閻隱逸之士。多缺焉而不詳。故於一行傳頗見其意。其作馮道傳叙論。取小說中所載王凝妻李氏節烈事以誚之。向使李氏之節烈終無一人論及。則歐公何從而知。而李氏之節烈其埋蝕於糞土腐草也決矣。自漢而後不隸於史而見於名人之傳記墓銘者。不可勝數。後世

好學深思之士。往往得因其書以想見其人。而史氏亦得藉以爲據。蓋史之體。主於簡。而各人之作。多自其耳目所及者紀之。故其繁簡不同。而要以垂世立教之旨。不異也。是譜之有傳記墓銘。非特以昭示其子孫。蓋亦足以補史氏之所不及。而爲採擇之所攸託。是亦惡可以已也。席氏於吾宜爲鉅姓。其始居江右者。爲撫州郡丞。曷公其始居於余源者。爲前常公。數世皆弗耀。前常公五世至肇昌公。爲邑庠生。以好施予。特聞予幼時多聞長老述公事曰。此吾鄉之仁人也。至今學士大夫猶群稱之。吾友周子情。畊爲余言。肇昌公生一子。子生十孫。隸鄉國學者。十有其七。其曾孫世祿。爲諸生。尤聰雋不群。有亢宗之目。余覽其譜。慨公行特詳其化悍梗。全婚姻。皆人所難能者。而公隱其事。恒不以語人。則其他之秘而不知者。蓋已多矣。他日國家採風之使。錄其事而紀載之。則所以爲垂世立教者。固不得而遺之也。然則譜之有事於紀載。又惡可得而已乎。若其世系之詳明淵源之不紊。而夫族之耆德俊彥行誼之端恪。婦人女

心節孝脩著於冊。皆足以爲史氏之採擇。而余特之事。因以平昔所論史事與各人之紀載者。冠首俾知夫譜之不可以不重。而紀述之功之不可或廢也。故爲之序以歸之。

宜黃余源席氏宗譜序

結構緊嚴中間脫開卸落極迤邐迂迴之勝

譜者所以統渙萃散敦一本而聯九族者也故自一身而邇乎高會自高會而邇乎始遷之祖自始遷之祖又遠而溯乎得姓之自其間分散遼渺數千百年之間親疎遠邇判不相屬非有譜牒以統系之則數世之近已如路人尊親敬長之風益睽絕乖隔而不可知故譜者所以明系也系明而尊卑辨尊卑辨而愛敬之情生至於愛敬之情生而俗化之醇厚皆於

月後集

卷一序

二千

此乎出矣往者魏晉之世綜百代之譜藏於有司而譜牒之盛非後世所及蓋不獨以其世系之不紊而

已固亦有見於孝弟雍睦之風非此不著焉耳余向

宜黃剛出族譜

署令宜黃宜黃固昔所稱文獻之區也山高而水清

奇峯峻嶺縹緲於烟嵐之外軍峯魚牙諸山秋空凝

睇天際一髮讀法課藝之暇嘗進諸生而與之芻

似於風神

今古樂氏父子涂孟規之文章譚襄敏之勲閭猶可

想見而後進秀彥接於耳目之際者尤卓犖俊偉而

不可數紀席生而求弟上錦筵等與其姪世祿皆所

稱傑然負一邑之望者也席故為宜黃著姓文物之

盛與中州埒余嘗履其地萬山環拱一澗蟠流室宇

鱗次墟煙暮靄綿亘連接酒闌燭燭問其世次遷居

之由則曰吾宗自前常公始來居此自前常以上曰

嵩公由浙之龍游令為撫州郡丞後長子元蛟遂即

臨川而居焉而分居於瑞州廣信建昌之間者所在

皆是溯厥本始則原於楚之襄陽豫公而自前常公

以來至於今九世矣族繁人眾而譜牒仍舊將有遺

失訛缺而不可考者當是時生隱然有收族萃渙之

意今年余復來署崇仁生乃出其新譜示余且前請

曰小子幸有成於此也顧簡編蒐葺頗勤歲月夫子

幸賜一言以為先人光余小子與宗人感且不朽余

曰此固余所樂道者也古者先王以孝弟教其家以

及於國以及於天下蓋必一本之誼尊而後推而及

之為有本也夫豈輩凌競之風基於不遜不遜基於

不孝弟不孝弟基於不識其所由生是故凌倍而莫

之返也今聖天子垂拱敷化萬國咸理使人人能

如生之收族萃渙以重致其一本之思則雍熙之風

翔洽於世而唐虞三代之盛不待遠求而得
矣是助 聖主教化其民者也余惡得無言哉
次其語於簡首如此云

月嚴集

卷二序

三

余源席氏宗譜序

代

兢兢於持盈保泰而推本於仁義真典型之
言

世皆謂史與譜實同而名殊余獨以為不然史紀載
善惡以為勸戒而譜則有美而無刺史則有書有不
書而譜則小善細行必盡羅而書之蓋史主於義而
譜主於仁此其所以不同也雖然勸戒切而愾佚之
邪絕焉則義立而仁在其中矣褒美加而欣慕之心
生焉則仁行而義在其中矣義立則知必無可倖之
事仁行則知必無妄得之私是二者之於世雖所主
不同固交相扶持而不可以或缺者也予宜席氏縣
之名族也衣冠之盛冠於在昔聰穎特達之士彬彬
林立今且譜其世系以聯族萃渙而予為叙其首簡
予謂族之盛衰不在衣冠之繁興而在孝弟之洽睦
不在殷富之叢集而在謹愿之恪至誠謹愿也雖貧
而無弗耀也不然反是而衰矣予嘗讀史見萬石君
孝謹數世而其家以大及孝謹衰而業替未嘗不反
覆嗟嘆以為盛衰之際若是其不爽而又以見其子

孫世守之爲不易也。晉邵子康節於易當極盛之會，則蹇頌而嘆。朱子謂人事之得失如花之蓓蕾，然此極盛之時也。過此而爛熳璀璨則衰之候矣。人第見其光輝照耀爲大盛，而不知其衰已伏於極盛之日。人第見其蓓蕾涵蓄以爲未足觀，而不知其盛已躍於欽約之餘，則人之所培植灌溉者，其容緩乎？今席氏家既殷繁，讀書好義和愛禮讓之風稱於郡邑，其視疇昔始遷以來可謂盛矣。而又作爲譜牒以隆一本之恩，其主是事者又皆端嚴方直，不爲腴佞之談，以誣其先人此仁之盡也。予謂其子若孫見其所以美者，必追而慕之曰：吾先人之行如是，而自隕越頽墜以墮其行，義之所不敢出也。於是端而思勵而守，日夜競惕以持其身，予知不數十年間且將有百倍於今日者。則今日之盛特蓓蕾耳。予故曰：仁行而義在其中者，此之謂也。若是者雖不與史同而其互相扶持以卒歸於盛而不替者，一而已矣。余既授徒其家，與聖作卓人諸君子相得，懽甚且熟稔其先世恪謹之風，而諮人又予同年友也。故特舉古人之持身

保世者以告其後賢，而目觀其盛焉。至其世系源流之詳，則有諸先生言在，予故不復贅云。

余源席氏宗譜序

探本之論

孟子曰人之所不慮而知者其良知也所不學而能者其良能也蓋人稟天地真精之理則必有愛親敬長之節父母者其毛裏者也兄弟者其分散而一體者也推而遠焉則自三世以至五世皆吾父母之氣之所分布發越而留遺者也蓋推而遠焉以至於數十百世而無有終極皆吾父母之氣之所綿亘克積而益大者也夫以一人之身散而為千百億萬之身而無有終極合千百億萬無有終極之身而祇稟於一人之身此其情願不切而其事願不重已乎然人每視之若無與已事者特以其支派分散遠而不相屬已耳張橫渠言惺惺獨鰥寡為吾兄弟之顛連而無告彼其於天下之人猶若是而況同本共源分散聯氣而視之為路人其背天蔑性亦已甚矣吾宗舊故有譜自前常公以上條分縷析脉絡不紊而自前常公以下至今凡十世戶幾至二百餘家紛淪瀰漫將有燎原赴海之勢而又本以先公遺蔭田園竹木之

饒足以自給誦詩讀書之聲往往達於村墟庭戶之外余俯仰上下緩步紆徐顧而樂之以為庶幾不墜先人之志而年積久遠譜牒無稽更後數世必有遺落散失而不可知者揆之一本敦叙之義抑何乖焉予為此懼於是偕我兄弟稔族之長老子姪其裏厥事而又命姪世祿屬以文翰之役其自前常公以上一遵舊譜不敢稍有增損以滋罪戾自前常公以下則屬各支子姓綜核呈局以世相從不敢稍有缺畧以滋舛謬而又於各支子姪擇其勤敏有幹畧者為綱首以調集財貨至於用有不足則合一姓之丁糧酌行捐派以竣厥功今譜牒班班成矣一脉相繩燦然可考吾之子孫一覽譜而分支分派不混不蔓由余源始遷之前常公推而至於龍游之嵩公知千支萬葉皆吾先人遺體所分由是敦一本以隆九族愛親敬長之心其有不油然而生乎遂標其首曰余源席氏宗譜吾宗後起之秀必有繼是譜而增葺者其亦鑒予輩始事之艱也夫

宜黃余源席氏家譜序

只說不混使人凜然知畏

宗法亡而譜牒作譜者所以通宗法之窮而宗法之所係恒必由之何者有宗法則人知所自而大宗小宗分支別派無事於譜而世系源流朗然可據追宗法亡而遷徙流移學士大夫往往莫識其所由出於是世之仁人孝子博識多聞之士考訂纂輯窮源極委勒爲譜牒使數千百年之間尊卑詳明嫡庶不紊一披圖而盡得之故譜者所以通宗法之窮而宗法

之係恒必由之此譜之所以爲可貴也

國家文治昌

明仁風翔洽自中州以至海隅日所出入之區莫不崇仁厚聯渙散而譜牒之作於今特盛然余謂三代而下得姓者其本不一其間氏同宗異者頗多有之後之爲譜者既乖於考訂而又樂附一時之顯貴以爲重有明知其不然而竟混而爲一之者則譜牒雖盛而蒙昧愈滋所以濟宗法之窮而實所以甚宗法之亡也宜黃余源席氏爲宜巨族其紳士以譜牒成

來請序余謹按席氏譜其望出晉大夫孫伯歷之後

伯歷司晉典籍爲籍氏其曾孫談以穆后喪

天子問葬器譏焉曰汝籍氏之後也敘典而忘其祖

至項籍時有諱環者避項籍諱改籍爲席遂爲席氏

余考席氏之先自環公以來他無所出則席氏之源

流固無所混而余源之譜其一世祖又斷自宋乾道

間撫州郡丞嵩公則尤近而可稽者是其本末支幹

於他姓爲易晰而尊卑先後一開卷而朗然可據比

於他族尤可信也然余問余源自前嘗公以來凡九

世其始亦因循嘉靖時耶修舊譜而未暇重集今其

士夫乃能慨然念厥本始收族聚渙而纂成之亦足

以見仁人孝子之用心藹然可法而又以知前此始

事之難而今日樂成之不易也後之子孫覽斯譜者

可以凜然而起矣

余源席氏宗譜序

特歸美席生簡而宕

余源席生達才往與余兒士奇同受學於湘潭胡祁緒先生先生為三楚名士來令吾邑特以造就人材為已任當是時達才已寔然同學中士奇亦亟言達才文詞贍美余未之接也去年余過崇仁陳君心一齊中生始來謁恂恂如處子執子弟禮甚恭出所為文風容韶秀魏文帝所謂燁若春榮瀏若清風殊令人有千里之目既而生以其家有事譜牒欲求余言以為之序余以他事不果作今春三月後攜其譜來諸披閱之下綜核周密考較詳盡藹乎仁人孝子之用心也譜斷自宋撫州郡丞嵩公為一世焉湖廣襄陽人以進士起家至方面遂居於撫之臨川其子孫分徙於他州縣者不一而足而其首遷余源者則自明之前常公始前常至生凡十世生曾祖掌昌公始能以文學篤行者名於時至生父昆弟而其家益大於是邇以所藏龍游舊譜合余源以來之世次排比續訂勒為譜牒蓋生之為此雖遠有憑籍而其於余

源則因而實創也嘗見震川序蔡氏家譜謂今世譜學不講雖當世達官或三四世子孫不知書往往迷其所出為之喟然太息於譜牒之亡今生以美材妙質獨能講求於十世之上聯綴而發揮之其事不尤為難能而其用心不尤為可貴哉夫創之者難因之者易席氏之子孫得是譜而藏焉於以續前徽而啟後秀其實貴抑豈在大訓天球下哉為之序而使刻之

月樓集

卷二

三十 蔡漢藏板

余源席氏宗譜序代

瑣碎詳盡情事如畫

吾祖前常公自龍源始遷於此。至余兄弟凡九世。初居上村。數傳以後。上村之居日隘。予先王父肇昌公乃創新居於下村之麓。予兄弟十人益繁衍。隘不能容。長兄一德則創於舊居之前。九弟俊人則創於舊居之右。二兄亦遠則創於會芳園之麓。三兄聖作則又創於會芳園之趾。五兄弘人六兄詒人則買上村之地創之。十弟卓人則創於宗祠之後。予又繼創於宗祠之左。而下村已無隙地。予姪輩之欲創而難其地者。殆不可數。其族衆之瀰漫而分布者。益可知已。提上頂者其幹余諸處嗟乎。自前常公以來。至予兄弟未及十世。屋宇之麗人文之衆。日增於前。更復數世。生繁居析。吾族子孫必有遺忘而不能舉其祖先之氏名者。至於親屬疎遠。故老捐棄。而後乃欲收族萃。渙追尋於不可知之域。亦已晚矣。此譜牒之作。所以爲不可缺之盛典。而敦復本始。所以爲不可已之孝思也。屬者予弟卓人慨然以斯事爲已任。乃諭予兄弟追我宗人首捐金

以倡之。僉爲踴躍。而又以非一人之力所能獨運。於是而有丁糧之派。每糧一石。派銀若干。丁一名。派銀若干。以爲斯譜之藉。余回憶向時修葺祠宇。丁糧之派助銀十有餘金。今茲計予所出。又十有餘金。然後命侄世祿董茲文翰。收集散軼。以成斯譜。茲固億萬年之鴻規也。祖考在天。必有默相陰助。而降爾景福者。若予則日奔悴於俗冗中。未暇與世祿輩共襄筆墨。亦第樂觀厥成。而與諸宗老共嘆斯舉之盛。予勿替云爾。刻既竣。因書數言於簡端。

月農集

卷二

三 蔡溪藏板

余源席氏家譜序

六朝體而氣自踈縱

無題

蓋聞混沌初判人稟中和之英繼序相承世昭子姓

之慶誰非虞夏商周之胤一體分形迺至瓜瓞雲初

此段舊本中無

以來萬派殊致降及後世遠昧先型大宗小宗之序

既缺畧而不修改竊陟岐之遷竟遺落而罔識別有

奔趨顯貴競逐浮華震他人之威權聯一已之氏族

流涕汾陽之墓千古貽譏謬託令狐之門百世猶耻

然而族系實衆源流易紛或貿遷於遠方地絕而不

月嚴集

卷一

三四蔡漢藏板

能反或賜姓於天派代曠而無繇積至有瓊尾流離

歌鴻雁而他適旌節敷歷樂山川而忘歸東奔西還

南馳北徙征逐既靡遑暇支葉何由著明况乃恣臆

改更易王羊而自號偶罹法典別氏姓以行私又或

世際干戈人乖里地幼小一去毫釐無還蹤欲窮溯

此一段舊本中無

水源實無由窺木本如斯之類曷可勝原宜黃余源

席氏者家本殷富地實鍾奇文彩呈輝人自挾其美

錦修潔自好世獨擅其隆名龍源遷居以來世傳惟

士前常啟宇而後戶百其三余薄宦此邦偶過其地

參差瓦縫隱然半日之村高下園亭美哉烏衣之境

歌吹宵沸徹中夜而猶聞誦讀晨趨望初陽而獨營

遊閒公子競飄華采之福芳草王孫笑度霓裳之曲

既阡陌之廣衍復竹樹之繁殷方沼曲池觀游魚之

如織春花秋月攬萬彙之若新真塵界之仙都別桃

源而區域洵人間之異境與維揚而爭雄豈比夫山

此段舊本中無

澤之瘠鄙陋自約三家之市殷憂日悴者哉今者家

譜告成親踈惟叙遠追封邑宋微子來賓之年中溯

氏名晉伯厯司籍之裔璵公當項籍之世改席避嫌

月嚴集

卷一

三五蔡漢藏板

高公作撫臺之時居臨有自家多賢哲代產聞人汝

言盛名同流洛社之老學士博識獨集大禮之成侍

即兄弟恢奕葉以流潤御史威重搏霄漢以特猗餘

皆建節乘旌凌跨百代擢文揆藻崇重千春俎豆表

裳行間綴珂珮之美冠冕華胄冊中見奇杰之英余

也學謝珪璋才慙雕組手捧譜牒忻文翰之陸離日

接氏名驚璠璣之璀璨不揆鄙拙聊製斯文俾萬年

之駿功焜耀邑里啟無疆之家慶利賴嗣人

席氏家譜序

意刻入而文特典重

席氏二字誤在志字

天下有難為之事乎曰事無難有易成之事乎曰事
匪易然則何為而可曰類靡放棄事且償奚而易度

惕振奮功日起奚而難易難在人不在事愚公之徙

太行也謝元之戰淝水也志定也志定則氣振否則

萎故曰易難在人不在事惟昔予宗舊譜殘缺不及

舉者十餘世卓人初欲葺衆頗難之咸曰茲惟艱哉

徐乃有濟且系缺則端緒混費鉅則工給乏其何以

月最集

事已共相愕顧謂此事至大失今不治後必勢不

理其謂我後人何且無以章示孫子於是料經費簡

材俊命匠氏尅日告廟既奮既作既廼有相龍游之

譜不期而會宗老少俊踴躍受事力齊志合匝月而

集披圖稽文班駁焜煜世系既詳昭穆惟叙行義昭

宣節孝丕著經緯星躔錯綜源委不窒不艱以順茲

成式予乃作而言曰惟予先公前常肆予列祖考稟

乃休德用克敬於常行以宏茲世烈惟予小子爰暨

我宗人其敢逸惕以深罪戾肆惟予列祖考固亦默

屬於余衷幽明潛贊罔不協從無怠無傲以履茲休
慶是豈惟予小子輩一人之力故曰惟兢惟惕事乃
有濟志厥蕙罔克有功於是咸起拜手曰子之言是
也敢敬書此以為序

月最集

卷二序

三七蔡溪藏板

李氏宗譜序

浩氣空行

國家太平百年天下無事民生不見兵革流移之苦
薄海內外入版圖奉正朔者百有餘國余竊以爲自
古以來聖子神孫更繼迭起道化翔洽如風之鼓
舞萬物暢遂條達靡然而不知其所以然者三代以
還未有加於此時者也是以上自通都大邑下及山
陬海澨生息蕃富被服仁義家有可封之節人懷敦
本之思莫不殫心畢志以稽求其世次而惟恐其久
月廢集 卷二 序 三八 蔡溪藏板

而或忘也於戲盛矣非夫 國家人道化成涵蘊鬱
積亦何以致此李氏於天下號著姓三代以上無論
已自隴西啟宇貞觀元年之際古今言治統者莫尚
焉一時宗室之彥豐功偉烈炳耀天壤詩歌文雅流
被後世末造播越而隴西之李半天下故凡李氏之
散處於四方者皆隴西之支裔也而其所居之地所
產之材亦皆魁傑岸異傲睨一世豈其山川之秀氣
脉之盛融滙蘊結故發而未盡歟抑唐之德澤源遠
流洪雖當變革流移之亟而神明之後其所啟者遠

矣五季之亂禍延政烈由是李公諱簡能者自河北
而遷於宜之金紫坊按家譜祀邑乘公登宋太平興
國八年進士官至虞部員外郎是爲宜黃始遷之祖
簡能公生一子明明公任浙之紹興令明五傳而生
廣濟公弘濟公弘濟公遂爲譚坊社林祖九傳而至
民壽民德二公則縣前二大支之支祖也自民壽民
德以迄於今千支萬派不可紀極而其間之衣冠文
物若松年公之舉茂才官翰林博士伯順公之登進
士官翰林侍讀學士王公之宰武功希哲公之任高
明士元公之宰武安其典教授學博之職而見稱於
世者九衆而今之蔚然秀發又不可勝數也且希哲
年十九舉萬曆丙子鄉試綜博淹貫其文好爲班駰
古艷之色以自矜異同時臨川湯玉茗常與之討論
商確搜奇抉異以自輔其不及余間求公家集選不
可得最後得所爲譚襄敏奏議叙一首要其才氣固
亦近世所希有者然則李氏於宜蓋不特仕宦之盛
而已也將所謂山川之秀氣脉之盛蓄極積久一發
而不可盡者吾固於斯焉見之矣李氏後賢輯其宗

月廢集

卷二 序

三九 蔡溪藏板

譜以聯族萃渙而請序於余余固樂為推其世間之盛文章之能而具道國家化成之意於以見 聖天子涵育休養而所以致此者非偶然也後之覽是譜者其亦喟然而知所興起乎

龍泉寺傳序代

核實處足為法戒

物莫不樂其成而忌其毀顧其成也必有其成之由而其毀也亦必有其毀之自夫綜其成毀之跡而觀於盛衰之原其間之維挽推盪遞升遞降而不至於終墜者豈不以其人哉予治之有龍泉寺古矣殿宇此殿宇其成而不空閎壯廣武長廊包以崇山環以修竹朝煙暮靄虧蔽掩映於林落之間雖城市而有山林之趣邑之父老子弟佳時令節吟且嘯於其中者接踵而至而官府朔望潔齋以精觀者亦莫不在焉蓋一邑之勝區也予嘗至其處遠覽近矚顧而樂之冷然若清泉之濯其軀而涼風之拂其體也然而傾頽摧折蕪穢不治有僧秀容秀嵯而不能理也於是邑之父老向予而請曰是嘗質田以資其游惰稱貸以濟其玩嬉宜逐之以警其後予時即令之去而以其租稅所入屬閭之老成者貯之以待僧之有道者居焉有僧觀周者住鳳凰山衆悉其為人咸舉以屬之觀周雅不以屑意屢辭予屢促之方入寺予甚喜此寺之有所

托也。夫物之興廢必視其人。以爲盛衰。予考此寺之建成於其鄉進士胡汶。而其後遂不可考。明嘉靖間。有僧廣輪者。達公支派也。寺遂重振。至今寺後石龕。尙自巍然。數傳而迫於六智。不能守其先訓。更請曹山之堅明居之。堅明沒。亦塋於廣輪之側。其弟子行源能世其緒。晚以寺之所儲者。而別斥龍池庵於待賢之三都。以爲退休之所。而以寺付之古岬。而龍池并攝焉。古岬沒。而奇松靈松繼之。至秀容秀雌。而敗壞極矣。乃今又得觀周而重振之。而考其派別。又出於遠公之裔。此其事尤足喜也。夫一寺之建。而其盛衰成敗。遽升遽降之跡如此。予所謂視乎其人者。豈不信哉。寺創於宋。而其後無所統。入明而衆咸助產以成之。茲同推觀周而樂其住持者。邑中紳士也。嘉其人。故遂成之。觀周勉之矣。

有源集

卷二序

四二 祭文

鳴山廟中秋會序

中有大議論

吾里之有鳴山廟。其建立之始。蓋莫知其原。然而靈爽顯赫。昭著光明。吾里之居是者。咸壽考康寧。無有疵厲。里之人以爲神之庥也。於是聚十家之衆。飲穀而殖之。以爲中秋之會。以答神貺。夫鄉鄰之義。薄矣。先王之制。使一井之衆。互相維持。以成守助之勢。而又設之春秋饗社。以篤其情。尊齒尙年。以敦其行。故民不肅而化。其俗不勞而成。後世井田既廢。而賽社之設。或行或止。情跡義乖。而尊長之風愈熄。故其俗凌競悍勁。私利詭詐。亦不教而作。今吾里之爲茲會也。擇仲秋之佳節。群少長以從事。肅然雍然。以俯仰於樽俎之間。吾知是會之興。不獨以答神庥。而亦籍是以洽吾里之懽。而奮起於仁讓之俗也。歟。康熙壬辰中秋之吉。白雲山人書。

忠安廟年規會序

纏綿悱惻

屈平以忠貞之志見斥於楚，羈縻江漢長沙之間，悲愁感憤而作離騷，自懷石沉汨羅以死。迄今三千餘年，學士大夫賢人君子考時論世，皆爲之歎歔泣下，而幽巷窮士放臣逐客以至寡婦孽子，幽憂困躓，無聊之徒咸倣其意所作，以見意迄今讀之，未嘗不爲之反覆嗟嘆，悼屈平之忠而恨懷王之終不悟也。然竊怪平以忠貞之節，其流風餘韻漸被江漢楚之人

折八處說

四庫全書

固宜祀之，至於遠不可及之境，則亦聞風悲喟，不得與守土廟食者等。且古之忠而被讒死者，何限若顏真卿、岳武穆諸卿，尤其卓卓耳目者，而非其所蒞，則廟祀無有，而平獨立廟以祀，且以五日死，其鄉人競爲龍舟浮水上下以吊之，其他遠不及預者，亦倣其遺意而悲悼之。夫以平沒且三千餘年，而哀慕猶追念若此，比之廟祀不尤惓惓其不能已哉？予於此見忠貞之氣久而愈烈，而節操之彌苦者，其聲彌遠也。忠安之廟祀屈大夫，其來已遠，今年吳其周某第

其飲錢以爲歲首崇祀之需，各出錢若干，將殯而大之以圖永久。余謂屈大夫非所蒞之土，而能知所嚮祀後起者，又建茲會以垂遠其景仰之思，固有非常情所易及者。而屈大夫之神直將如東坡所稱韓公之神如水之在地中，無往而不在也。其受福介祉寧有量哉？會創于某年某月，其事例則條之如左云。

月巖集

卷二 序

四庫全書

諸山捐助僧會公費序

天下之勢各有統紀。然後相維相攝而不至於亂。故自臺省部院藩臬州府貫注聯絡。上下統馭如網之在綱。如衣之有領。夫然後臂指之勢成。而統屬之權一。佛教之興。遠自漢氏。而肇於西域。至唐隋之間。而大盛。上自天子。下至公卿。莫不傾心向慕。趨奉奔走。其時檀那之建。皆起於上。公侯王子。至有捨所居以爲道場者。卽如吾郡荆國王公金陵謝墩。亦稽首喜捨。開創福地。而四民之崇信者。又無論已。於是孤行月嚴集卷一序四六蔡溪藏板焚修清潔。開寂之士。又各爲創建。而琳宮梵宇之制。遂遍天下。至於窮陬僻壤。有一泉一石之奇者。皆網侶之精舍也。然人衆則勢分。故朝廷設爲僧會。僧綱之制。以統承之。月稽歲察。而後教尊而道重。然僧綱之制。不得其人。勢必有藉以爲利。綱者其又誰禁之。而清高自潔之士。往往娛情泉石。不肯一出而應其選。餽饋廩供之需。又缺然而莫之講也。乃欲使之爲空。庖之費。而責之以稽察之任。是猶州府臺閣之官。一無所入。而欲使之懋熙庶績。其又可得耶。往

者歲終。各寺有資助之舉。然所入多不能償所出。今黃山石碧曹山桃華碧雲普淨諸開士。僉議向閩境伽藍之所。筭糧均派。置產以圖永久。公舉僧之慈惠廉明者。以充之。則任得其人。而事無所闕。人樂其職。而用無所絀。於以興其教。而利其事。茲固有賴焉。是在能者之自奮而已。

徵刻西江周氏制義暨詩古文啓

河圖呈秘兆開文明之祥。簾畫演辭理挾先天之奧。
千聖奉爲楷式萬代仰如日星。初起宇於勾吳金陵。
絢采繼震聲於江右章水騰文有作必奇無美不脩。
將軍體天縱之異稟妙契宮商相國挺地負之英姿。
製工錦組汴京獻賦尤華比照乘之珠右渠論經姓。
字重荆山之玉潯陽名岳既高出於匡廬建德清風。
漫峻極於華嶽仰箕裘之繼起是不一人綜史冊之。
特書奚止五貴今旦人擅圖史業盛縹緗良驥騁千。
里之途德力竝至金馬振百世之美文武兼資煥五。
緯之麗天芒寒色正沛四瀆之行地源盛流洪仰克。
家之令嗣推亢宗之肖子禮學懸織綜地值偏隅每。
欲走趨下風躬拜謁於名邦碩胄恒思親炙矩矱遠。
承訓於伯叔父兄恨山川之阻修渺道里之曠隔近。
乃不揆鄙劣負笈趨庭說禮敦詩宛見元公之舊業。
文崇德如遊東魯之風稽大訓於家藏盡是天府秘。
寶覽謨誥於柱下欣睹金匱鴻文雲漢七襄無假機。
絲於織女大武九奏遙聞絲竹於鈞天會桃李之芳。

國寧叙天倫於太白編詠歌於玉樹共標風格於紅
泉序記與謠詩竝妍今日韓柳時執同笈奏競來襄
昔陳金肅瞻錦笥共儀威鳳謹啟

月叢集

卷二

四九

徵刻西江制義暨古文啟

夫形生神發。五性啟其端倪。筆陣心花。三靈效其神智。是以九流七畧。名山宮琬琰之藏。諸子百家。金匱著細繚之美。關天人之秘旨。家握靈蛇。萃宇宙之精英。人懷白鳳。爰自周秦而降。章江素號多才。迨夫晉宋以來。吾省更稱特盛。彭澤李杜之先路。上繼風騷。王曾起撫建之真區。遠追韓孟。至於制義。尤極匠宗。險峭雄奇。陳章鑿發。叢之道微。遠深秀楊。羅探月窟之幽。各不一家。指難縷屈。國朝人文豹蔚。多士雲蒸。鄉會房行之文。久雷厲於海內。窗課小試之作。或玉韞於匣中。鬱而不宣。必化風霆而飛越。刻以行遠。將埒雲漢。以昭同擲地金聲。何有元美之敗。締礙雲傑。搆直掃陰。釋之邪言。層等學殖。雖荒緬懷。有素常恨僻居山谷。仰接末由。今特遠走名邦。願言親炙。琅函玉軸。快覩禹穴之藏。虎脊龍文。獲見駿裏之步。至於序記碑銘之屬。風雅吟獻之篇。或雄恣如馬遷。或縝密如班史。或薄浣花之峻壘。或步泰軍之逸塵。春麗鯨鏗。遙映歐陽之座。鳥翔雲過。大恢雙井之傳行。

月巖集

卷一

五十蔡溪藏板

將挹異采之繽紛。雨成五色。拔名言之絡繹。衣號九光。皆當懸之國門。公爲世寶。雖侯芭之序元首。非所宜言。抑蕭統之黜閒情。或免世誚。謹摭鄙劣。統賜珠璣。

月巖集

卷一

五十蔡溪藏板

重修席氏家譜啟代

蓋聞太行萬里仰發秀於崑崙長河九迴追始潤於宿海是知末流雖分本源惟一覽晉魏之統譜家燦簪纓瞻大唐之序名姓珍壽族百年而等道路昔人興悲群黎而遍廟祠明代垂制故聚渙莫先於家乘而別派無踰於統宗在昔固隆於今爲烈粵自我談公之於晉也博學冠古既數典而不遺雄畧邁時濶柱下而獨立至我瓊公丁西楚之暴興避項籍而易姓適大漢之改朔徙安定以卜居先虎視於關中亦雄踞於各省惟我刺史高公秉節江右較公嫡長實拓南州煌煌華胄代多著述之材奕奕冠裳時見門鐘之烈綜往昔之鉅麗昭若日星披歷代之鴻謨煥然驕驥詩人冠冕開元之遺獻足徵星會耆英元豐之盛事如挹都官建績於梁氏驃騎樹幟於魏朝截公戰公棠棣聯居政府言正義正荆花正著貳卿目倦追尋指難枚屈今者祿等不揣固陋遠訪名支既江右之地同諒派別之不異舊簡新冊快覩奕奕休嘉木本水源仰瞻歷世祖德庶昭穆有序儼見親厚

之遺而倫次事修宛矣孝友之誼恭陳小牘大慰遠思謹啟

月展集

卷二

五三 蔡溪藏板

請觀周師住龍泉寺啟

勾萌司令大造著陶冶之功驚嶺凝精天花滿恒河
之界雨成五色同甘露而遍洒桃杏之枝節值三祠
塵震霆而聿啟瑞牙之蟄蓋物窮則變倣久必新靈
集而被以春陽時固宜爾否終每承以泰運理亦當
然恭惟其一空啟教萬法從心元風一柱之龕經藏
手卷無任三言之旨道衍億齡頑石點頭學契生公
之秘穴水澄碧德齊法欽之峯身居不二門中宗無
南北教開三藏興義枝分西東而且遊戲墨莊出入
月最集 卷一 藏 五四 紫溪藏板
詩史奇情快致惠休支遁之流鐵畫銀鈎懷素智永
之筆近見欽其戒律遜聽聳其風聲遠公之住匡廬
名垂億載惠能之宗神秀業並前修猥以春仲令辰
肅迎禪杖請至龍泉古寺永奠智光地異布金願祇
闡之尚在事同卓錫笑雙鶴之紛飛時有觀住此院
者衆惡而逐之
從茲光現白毫香滿旃檀之海色輝金界明永日月
之燈敬候蜂臺高踞連座

請某師住曹山啟

綠荷貼水風飄檀院之香白玉呈祥色映精藍之境
雨花隨經聲俱下聲韻留芳道行與化日並悠日晷
正永馬老秘啟箭鏃字字元機遠公妙建蓮塘森森
理窟有創必繼光生靈鷲之峯無美不承波漲滄溟
之岸故百委之集必歸道安而一柱之官事專元老
恭惟和尚道德協人天教衍三乘之秘風規越流俗
理清六祖之傳事尤前修業繼後裔宗雷住世十八
皆俊傑之英劉陶諱奇三笑著古今之美是敢敬請
月最集 卷二 藏 五五 紫溪藏板
蓮臺跋掌曹溪之院肅迎鶴駕好聽九臯之聲庶蕩
新之場金身聿現而祖庭之建碧瓦重新大慰群情
無靳玉趾謹啟

請某師代

伏以元通洽傳經傳一柱之翬達祖靜深心會多羅
之秘體無上之與旨等等皆通設有象之巨觀滴滴
落眼恭惟某道心朗照性地元同化跡象之批糠陶
泐金淨顯寶藏之要眇赤手龍馴如意揮來大千界
內聽法語木捧喝處億萬劫裏遍陽春虔敦三請之
誠願望前旌之指不勝翹企之至

月巖集

卷二

五十六

秦溪藏板

請某師

伏以祇圓妙會西方建法界之場白象傳乘東土布
有言之教指天啟聖旨精義自天踞地吼獅王道性
般地恭惟某師偉喝誠真老婆心切胸中錦繡抉摘
人天之奇舌上蓮花發摠幽顯之趣既蒙棲錫之諾
竚望雙鳧之飛敢敦再請以慰衆心無任不勝仰企
之至

月巖集

卷二

五十七

秦溪藏板

龍泉寺衆信燈引

長明建號海陬有不夜之天五戒樹身西方盛旃林
之供唄塵網之昏迷觸處成碍嘆世宇之穢濁動輒
逐羶某等敬潔芳香羣供明燭聚一十七家之衆共
此一心融百千億劫之期惟申永利靈明一點入昏
夜而若木長存芳華盈堂居下界而晚蘭斯在咸齊
志以襄事願延慶於嗣孫敢竭誠揭茲昭告伏願
龍泉日暖荷風扇天地之和驚嶺功深桑枝展東國
之照香生海院光映六虛唯法海之淵深盡歸化日
月叢集

卷二

五八

隆隆赫赫願承利于斯人三昧皈誠大千無數

月叢集卷三

宜黃 周禮 情耕 著

受業 歐陽鳳翔西文批註

藍石塢先生鑒定 同學 熊有道兄中 手輯

記誌碑考傳跋後墓誌贊 男 驥衛孫萬鵬較字

開興魯書院招賢記

典則深醇當與先賢諸學記相爲伯仲

興魯書院者前太守遼海劉公之所建也公來蒞撫

未踰歲政清訟簡於是以興起人材爲已任廼擇地

於城南學宮之左爲屋數十間聚撫郡之秀而誦習

其中數年之內彬彬郁郁復如往昔之盛而公則亦

既去矣然公之惓惓於斯也卽解組而猶不忘常慨

焉有未及觀成之嘆今太守唐太宗師以舊家名宿

出典吾郡而其振起輔翼之志猶之公也吾撫其厚

幸乎哉余嘗以爲人材之盛也其鼓舞振作必專自

上周之盛也壽考作人一時人士皆爭自祓濯以耀

於王國微而至於中林兔置之夫皆足以爲公侯腹

心干城之寄菁莪之詩所爲作也是故上有好者其

心干城之寄菁莪之詩所爲作也是故上有好者其

下必甚然自前世以來居官者率以簿書期會為急材薄者既牽於俗而不暇為而明察者亦往往以折獄燭奸決殿最至於人材之盛衰文學之興廢輒以為非吾所當為雖有昔賢書院之設亦聽其浸衰浸微以至於壞宜乎人材之衰而遂至於不復振也嘗考之史漢開白虎石渠之閣以求亡書而天下學者知以尊經通古為重聚徒講授至於元光始元之間文章益爛然矣唐武德六年詔州縣及鄉皆置學太宗元宗皆以好學重文風示一世故唐之文章遂復月最集 卷二記 二蔡溪藏板

於古宋太祖卽位之初首初視學其後遂有五星聚奎之應而大儒輩出宋之文教尤超越前古而文翁之治蜀也以司馬相如為蜀人師自是蜀之士皆興於文行韓公昌黎出刺潮州命進士趙德為潮士矜式而潮人去其固陋以衡於上固是言之非上有右文之君下有好文之臣而士之能自致於學者益已鮮矣撫州為江右文獻之邦樂晏王曾諸君子振大雅於前陳章羅艾諸公繼芳躅於後雖今之視昔遠矣而有聖天子以振之於上下有賢公卿以繼

續於下士生其間亦千載之一時也祓濯砥礪以自見於世者安知其不駕昔人而上之以仰追乎成周之盛則興魯之名且與日月並光五峯同時而賢公卿之嘉惠於吾撫者豈其微哉此所以為撫人之厚幸也

月最集

卷三記

二蔡溪藏板

遊百華塔記

前半摹寫刻露後半煙波淡宕柳子厚西山諸小記不得獨步千古

百華塔在城東門外由東門南行里餘過溪橋右行數十步再折而東約半里有山蹲伏若穿龜塔圻其背高十餘丈先是四周圯毀頂禿榛莽風雨霜雪不能覆蔽邑中好事者集縣人新之易磚加頂層樓複級黝聖卅歲不數月成十四日與內弟登瀛及數小友寒衣而上比二層俯視邨墟雞犬離落燦然易履之下更上至絕頂望益遠境益奇城中一區屋廬羅列山川繆結蒼莽迴互風煙明滅城外諸小山若覆旋螺梅峯峙西南號絕高者亦平衡可握瞻眺既倦余因之有感焉以吾邑之虛而貪也更革之後繼以藩變山澤亡命跳梁窮發剽劫蹂躪什批離殘除之後大患既夷瘡殘未起國家休養雖三十餘年於今民猶未盡饒給也茲塔之修累數百金而功成若是之易者豈非習俗之好尚使之然歟夫浮屠之法非先王之政規爲荒誕不切於民生日用之需朕僭

月最集

卷二記

四蔡溪藏板

月最集

卷二記

五蔡溪藏板

能使僻壤窮民不吝所施而爲之之亟如此況先王之政因人心之自有而施設於民生之所不可無上之人倡而導之其所以感動奮起者又何如哉孰謂王道之難行也時風景清逸四際曠邈童冠齊列交發天機歸而誌其所見所感者如此云

古雲庵記代

曠達之旨瀟灑之致

今上癸亥之春月有書自宜黃來者發緘讀之則席子達不道其地古雲庵之美而求余文以記其槩者也其言曰庵之始創也吾宗長老得地於吾村之前山去吾家不一里而近其山周圍環抱面陰而負陽從吾居而溯之一徑蜿蜒初極狹若無餘地行數十步則豁然開朗旁廣而中深可以爲栖禪養真之所於是詠茅鋤土創庵於其中而名之曰古雲其殿廡之瓌偉雕琢之詭異竹樹之茂密皆極一時之盛其田足以供比邱春花秋月夏暑冬雪遊其中者超然若離垢氣之外非久居吾地者亦不知其有是庵也然跡久而滅盛極而衰今之古雲非昔之古雲一僧焚筑草屋數椽曩日經營頽然盡矣雖然物不可以終過後數十年安知不復有好事如昔時之所爲者乎先生其爲我記之且有以顯示後人余曰是則然矣然志以命名名以始事今夫雲者山澤之氣聚而成質者也其始澹然其繼翕然其升降然其散倏然

從此生議似莊似諧事略筆妙

月叢集

卷三記

六蔡溪藏板

月叢集

卷三記

七蔡溪藏板

混。發。縹。緲。不。可。拘。執。朝。夕。變。化。無。有。終。極。雲。之。不。能。古。也。亦。久。矣。乃。今。以。是。命。名。于。之。先。人。其。果。可。執。以。爲。古。乎。抑。猶。是。混。發。縹。緲。朝。變。而。夕。化。者。乎。是。殆。未。之。思。也。雖。然。雲。可。以。散。亦。可。以。聚。山。澤。之。氣。不。時。而。出。後。數。十。年。有。作。而。創。之。者。則。雲。雖。不。古。而。出。雲。者。固。自。古。如。斯。也。以。是。而。名。之。曰。古。雲。庶。其。可。乎。請。以。此。復。於。達。才。他。日。余。尚。當。與。達。才。握。手。於。茲。庵。之。前。一。視。其。壯。麗。之。美。而。共。賞。其。幽。深。之。趣。也。

徐氏重修大宗祠記

文不刻苦第於反覆用筆間見其意法

前明治德之際詔天下州里無貴賤皆得立廟以祀其先天下學士大夫以及閭巷小民仰惟天子所以廣仁孝錫嘉惠體恤元元無窮之意甚脩由是爭自泮勵勸勉踴躍以應明詔而吾家象州司馬一川公首捐地建祠於上西園故宅崇禎癸未以舊制庫隘不足以襄厥事維時吾宗少尹瞻極公偕諸宗老又踴躍泮勵選基於西門嶺爲屋三重寢堂廳事門廡庖廡無不畢具周以垣牆采以朱碧東際劉祠西直嶺路前臨康衢後枕崇山巍俊雄傑雕鏤璀璨位昭穆安神靈之日久矣以下言重修康熙丁酉始議重修之至雍正甲辰功迺告成距今又十餘年矣檼櫨垣壁漸即隳壞於是吾宗數君子向宗老謂曰茲祠之建所以康祖靈昭誠敬以申我子孫無窮之意甚盛今廟貌弗虔其何以肅祀事答嘉貺且爲吾宗長老羞維時吾宗長老又踴躍泮勵以手加額曰廟庭浸圯弗葺其何以對越於我祖考朕唯汝數人是勤

明叢集

卷三記

九葉溪藏板

月叢集

卷三記

九葉溪藏板

是度乃克有濟汝數人其敬承先人意唯祖考有靈實式臨之戒哉無荒余唯汝數人是賴於是鳩工庀材增墉式塹寢成言言覺飛翼翼堂戶窓櫺輝煥昭的神位有嚴庖廡惟飭余於是與吾宗長老環聚而觀又以手加額曰煌煌乎休哉是唯汝數人不繼長老曰是不可以不記故記之時經始於某年月日落成於某年月日也

重修祠堂記

本字爲綱禮字爲目必合禮而後能報本涸
澈曉暢

余宗家廟既修二十餘年雨沐日浴久而磚瓦破壞
堂壁污漫去冬族長老將謀所以修者而未就今年
春羣相議於廟謂祖功宗德佑肇我後人不可久令
圯缺而族祖涓君以少年慨然力任其事代長者勞
以春之三月日至六月而功集焉天天者人之始也
父母者人之本也篤親以厚恩篤本以厚義恩義結
月嚴集

卷三記

上蔡侯義板

而居人之道全不至於滅絕天性乖離人紀而行禽
獸故先王之化始于敦本書曰九族既睦平章百姓
百姓昭明協和萬邦黎民於變時雍蓋以一家之行
而達於天下之大以一人之身而御於家邦之遠公
卿士庶尊卑貴賤雖有不同而所以親其親長其長
敦睦九族固宗支而厚原本者其性一也先王有見
於人心之不容已故生則有奉養之情歿則有奉祭
之節又爲之立其宗祠以厚其報本追遠之意使本
支百世祀而不泯是故祠者所以明有親而昭有本

也三代而下古禮殘缺破壞陵亂先王所以爲敦一

本以厚其天性者蕩然矣浸淫荏苒歷數千百年而
後周程張朱始能行聖人之道達典禮之由作之訓
以昭示萬世而行之者又蔑然矣今吾宗之修是祠
也缺者補之敝者修之然後破壞者完汙漫者新迺
煥然而復其舊而涓君好古多聞謂吾祠制度悖古
者卒難變更而木主尤非先民制且易於費用於是
遂則度家禮較量分寸一以古禮爲式夫以數千百
年未舉之禮一旦力而行之其志豈不亦甚偉哉雖
月嚴集

卷三記

上蔡侯義板

然古之禮蓋不欲徒飾其文而遺其實也必使幼長
尊卑各安其分典孝悌履仁讓老者無負載之勞少
者無驕陵之色飭躬勵行以復其天性以風於鄉邑
以返於先民制禮之始俾壽考攸康福祿咸遂保厥
家祥萬世弗替達而在上則建平康之治以休和萬
民窮而在下則入孝出悌爲法於一鄉孔子曰觀於
鄉而知王道之易涓君以少年而上達古禮使後之
子孫各守成法而無所遺越其衍行古禮而爲族人
先者尤可喜也余謏劣而不適於用不能共贊其成

功而茲事盛大不可以不記者是爲之書

月叢集

卷三記

上

蔡模與

樊公分征舊通誌

是一篇循吏傳不獨爲征舊通言之

天下不忠有難化之民而患無善化之術爲上者操

切威嚴日從事於鞭撻以桎梏爲能以機穽爲智如

滅宜張湯筆法極之弊奸僞朋起而卒不可禁太史

遷之言曰自修者官未嘗亂奉職循理亦可以爲治

何必威嚴哉蓋有味乎其言之也此段言循理之由吾宜地瘠人衆二

十年來守土者數易其人易則以他令攝之往來跋

涉不踰月輒歸其治歸則必數月始一至時暫而難

稽勢隔而事積由是奸吏猾胥增損侵漁移甲就乙

宜之積逋遂至二萬有奇而幾不可理往年分征之

員冠蓋相望其所施設一出吏胥之手徒取小民之

稍充衣食者鞭撻狼籍有不欠一錢自溺以死者而

吏胥之侵匿如故今年春大吏特委公分徵吾宜以

清風弊宜故有四隅及崇賢仙桂待賢三鄉而待賢

則分屬之公待賢之爲都者九而宜及崇仙二都之

戶多附焉公至則嚴飭吏胥無擾吾民無墮乃業通

負者至必盡誠開諭反覆諄切稽冊核實而絕無嚴

厲之色至一都已則去而之他而不急以時日其於
 它都復然往來巡歷風沙之勞苦烈日之薰炙早夜
 鞅掌流汗浹體而不知其疲迨輟迹徧而輸者恐後
 三鄉四隅之民皆若忘乎公之督我而我亦不知稅
 之所從出也公暇則左圖右史披襟吟嘯或時進邑
 之秀者而與之上下其議論公又若忘乎簿書之擾
 我而吏胥之喧雜也朱夏炎蒸早魃煽虐大吏以牒
 召諸分徵者還而公亦憫吾民之亢旱更撫摩咨惜
 之而去嗟乎人之言曰三代之政不可復施於三代
 之後今觀公之寬易簡直不數月而積逋已幾幾乎
 其盡償孔子曰斯民也三代之所以直道而行也然
 則人之言者其果可信歟否歟公前署新淦以耳疾
 辭士民挽留之不能得而五德之歌甘棠之頌遍徹
 於江國之區宜之士耳熟焉想望其丰采而不得見
 更聞公蒞武寧時未數月而逋稅悉治邑人無犬吠
 之警尤宜民之所仰慕而不能已者今幸而親沐教
 澤比於向之所聞又有進焉其能一日而忘公哉於
 其去也為誌其政蹟如此俾來者視則焉若公則更

無事此也公諱宗文字熙瞻別號兩參先生比直之
 霸州人

月最集

卷三

五 蔡溪藏板

邑侯徐公去思碑

就征賦一節寫其仁厚

雄志

自古帝王受命而起者莫不仁愛惻怛怵乎有一夫不獲之憂一時在廷之臣寅亮天工者亦皆布德宣和上下交暘雖窮山僻壤一鄉一邑亦必選賢授能

一篇之意在此

凜乎有由已饑溺之懼是以政化大行德澤洋溢而

刑罰懸而不用泊周之衰聖王不作於是申商韓李

政不可復施於三代之後數千百年之間遺燭未熄

月巖集

卷三

十一 蔡溪藏板

而三代之治遂曠絕遼瀾幾以爲古無是事而經傳所載亦不過如後世緣餘之具而止嗚呼此古治之所以不復而悍鷙猛厲之風所以不絕於世也余讀史記至於循吏酷吏之際未嘗不掩卷繫歎知史選用意之深而疾惡之嚴也蓋天下特患無善化之吏而不患有難化之民慘刻恣睢暴戾貪狠而天下事不可爲矣三韓徐公具明斷之才而本於忠厚其於吾宜一切矯情拂俗以取聲譽於當世者概置不事而獨以惠愛爲先不擾不苛既寬既明崇禮讓修學

總叙大意

舍蒞不區蔑邑以大治論者謂宜自近歲以來通賦

舊通事即其時政之急者明之以例其餘也

過甚遂欲釋鋒刃而用斤斧不知宜之土瘠賦繁受

病非一曩宋初時賦終九千餘石耳一壞於安石之

均田又一壞於豪戶之籍沒遂加至四萬九千石之

不用則累

重而又重以前任之積逋公來并力撫循開諭訓導

其所輸新舊額數較之歲終新課所入殆足相當又

宜以撫之五縣較其他米一石賦銀及漕米計共一

兩二錢其収可得宜鄉斗千斗宜一石賦銀七錢八

分上田所収總四百八十鄉斗耳且各邑有上中下

月巖集

卷三

十一 蔡溪藏板

三則而宜不問磽瘠獨行一則其地利之相去抑又

本古舊通而宜及賦重者明受病之由也

懸絕蒞宜者不深察宜賦之重而欲獨行其恣睢暴

戾以見其才亦大非國家仁愛斯民之意也公在任

七年中間憲司所委他官往來督公前逋者冠蓋相

望而自一二號稱強幹有力之員每里率不問主欠

戶得與戶同姓者卽械繫鞭朴甚則以一族一里之

逋併集之必盡追乃已夜半吏打門大呼民驚愕不

謂未及曉

知所爲有不欠一錢畏胥役自溺以死者公既內傷

不敢言卽時罷新賦所署徵冊而令民盡輸舊逋以

鹿岡書院考

以不可得見爲感慨夷猶淡宕

鹿岡書院者杜公子野之所建也。公家於鹿岡遂創書院於其里。故書院亦以鹿岡名。一時文人學士從公譚道問業者。波馳雲駛如恐不及。荆國王公亦就學於其舍。故鹿岡之名特傳自宋至今。幾及千年。遺踪舊址。不可得見。從前遺址識者恨焉。間嘗過其里訪公軼事。其地濱大溪。公居於溪之東。俗曰港東。卽所稱鹿岡處也。然鹿岡之名爲一里通號。故其名無所考。正。或曰。今香林寺卽公讀書處也。或曰。其地別有翠雲書院。故老傳爲公建。今所謂鹿岡者。是其地也。然予以爲公清風高節。當荆國勢煥薰灼之時。儕輩附離而起者。榮顯崇隆。不可勝數。公以師弟子稍貶而相就。青雲之業孰能違之。而公隱居抱道。夷然自晦。於泉石之間。是其心固有超出於聲利之外者。翠雲之名。本世俗邀榮鄙見。而可以語於公哉。唯香林寺之說爲近。昔宋菴子美建滄浪亭於吳中。後廢爲大雲庵。自古賢達。邀跡於世。多取泉石之勝。以自娛悅。而禪

林釋子亦多取其地而宮之。此勝區之夷爲梵刹。而名蹟之所繇以湮也。公清風高節。邈然獨立於千載之上。後之名人賢士。希公之風而不可得。庶幾求其遺址。而悠然遇之。鹿岡之陽。香林之闕。公固在焉。是不可以不稽也。

月叢集

卷三

二十一 蔡溪藏板

徐氏祓公系下遷徙考

尺度森然

徐氏既修其宗譜成。聯疎萃渙。剔混釐訛。既確既明。罔有遺脫。已取其世次而詳系之矣。而猶以所分之地。所遷之時。後先去來。簡閱不易。於是更欲條列其事。而紀次之。余於此。益見徐氏之譜之詳且密也。徐自陵公始贅於宜。其元孫諱祓者。自豐城遷宜之木馬坊。孫二曰珍。曰坤。坤遷崇二都之玉泉。其後不復他徙。珍五世孫邦遷仙七都之查浦。邦之孫周卿者。生三子。曰東萊。東陽。東濬。東萊之後遂分爲七。一遷於仙十三都之龍上。應坊河上。一遷於崇鄉之侯坊。一遷於仙四都之岷嶺。其自岷嶺而遷者。一遷於崇七都之上坪古樓口。又一遷於建昌之箬嶺。東萊之裔其遷徙其視東陽。東濬。獨亟而東陽則止。遷於戴家山。東濬則遷於南城之中村。至其後世。則又有出中村而歸宜之陳原者。蓋世傳既久。則遷徙益多。非茲譜之修。孰能別其異而統其同乎。辟之水焉。一源而散爲萬川。萬川而統於一源。予所謂立法之詳而

用心之密者此也。雖然中村之裔何以不預非遷之也。處地遠而勢難強致也。則亦懸之以俟異日而已矣。此徐氏之志也。

徐氏剝公系下遷徙考

先說一遍條分縷析覆說一遍絲聯繩貫

徐氏於宜爲著姓族大人衆往來遷徙聚散紛沓余爲譜其家世既舉其世次而詳系之矣而剝公之後

尤散處難悉剝生子三其幼不可考長瓚次璋瓚居

豐城璋亦生三子長迨次達次通通始樂宜岱六都

上獅溪之勝贅鄉氏而家焉其二兄故居豐及通沒

亦歸豐葬於豐之月岡角通三子曰延福曰嬉尚曰

立尚嬉尚無考延福生子八三四以下皆居豐長善

月嚴集

卷三考

二四蔡溪藏板

慶因父遺產留宜遂家於宜善慶五世孫克仁娶仙

一都曹氏女見曹溪水東境勝幽秀更由岱六都而

徙居之今譜所稱港東徐者是也至十四世孫章峻

特創菊花庄於水西餘皆居港東不他徙立尚四世

孫遷二公爲宋中書既歸偕長子昌僑居臨川四十

八都之寶塘後遷寧都縣之斫柴岡五世孫開承開

述開述開承有二子維仁維德維德孫心高豐今不

載維仁孫志乾過中華覽徐力之勝遂去寶塘而居

於是其後世三徙一徙建昌左岳西坑排一徙樂安

三十都桃嶺下以道遠故不及唯九世孫世璣徙居

宜黃岱一都龍井寸三世孫處先更由龍井徙寧都

縣清泰鄉一都戴原盧家山開述之後其孫曰志上

仍居斫柴岡志元則徙崇仁四都之河許亦以道遠

故未及惟志先徙崇仁三十九都杜坊至九世孫珊

始由杜坊徙宜仙一都之彌陀石余爲總而論之剝

公之後其始來宜之岱六都者爲通是爲六都徐氏

祖其由岱六都而來港東者爲克仁是爲港東徐氏

祖其由斫柴岡而來徐坊者爲志乾是爲徐坊徐氏

月嚴集

卷三考

二五蔡溪藏板

祖其由桃嶺而來龍井者爲世璣是爲龍井徐氏祖

其由杜坊而來彌陀石者爲珊是爲彌陀石徐氏祖

焉剝公來分徙者五其他或徙於建昌或徙於寧都

聚散遷轉不可紀極其亦族大人衆遠不能悉姑以

徙於宜者著於篇後之子孫得以覽焉

徐氏禕公遷徙考

一起一結文情翔恣而其世次紛繁處如指諸掌

余竊觀水之爲物也其始出於山下蓋涓涓焉俄而盈科俄而爲潢潦又俄而達之江湖而爲湖漚而爲淵怒而爲濤激而爲霆噴礫澎湃千態萬狀而其原故山下涓涓之流也指泉而語以變怪驚駭之事其誰信之而不知其勢之不可以遏也河發源於星宿

星宿一砂磧耳登高而望之有泉數十穴自磧中出

月巖集

卷二考

二六蔡溪藏板

天日微映皎潔光矇如明星然至其觸龍門撼砥柱

狂怒號呌而不可逼視者亦其勢之無足怪也吾觀

徐氏之來宜也其族盛矣其大支有五而五復分爲

十爲百以至於不可指數卽禕公之裔而其散而爲

支聚而爲族蓋十有一焉禕公爲陵公五世孫由豈

城遷吾宜城東之器械山太和書院後禕之元孫諱

盛者由城東徙居崇二都玉泉山下至禕公八世孫

正裕公生三子長貴卿次祥卿次惠卿貴卿居玉泉

其九世孫德讓復由玉泉徙仙一都之反腦原祥卿

孫嘉猷亦由玉泉徙崇十五都之拿山五世孫文昌

達昌文昌則又由拿山徙建昌之廣昌縣芙蓉坪以

遠未及叙達昌之子在華公遂由拿山徙崇十九都

之黃金嶺在華公四世孫德立更由黃金嶺徙本都

之朱坊唐卿亦同徙城東之故地其五世孫達漸由

城東徙崇十二都之昌源祥卿之裔亦頗有居其地

者至十七世文祥復由昌源徙崇十四都之霍源最

後又有由霍源而徙居黃陂者由斯以談三支之後

遷徙聚散紛綸蔓衍不可紀數而爲禕公之裔則一

也天世代之變渺不可窮程子有言川閩水以成川

世閩人而爲世余又安知後千百年分析散處其不

可紀極者更有甚於今日者乎山下之泉星宿之磧

於此可觀矣余譜徐氏世次特爲之叙述其遷徙之

跡如此後之覽者得以詳焉

熊某家傳

中詳斯康處史家附傳體最生色

公姓熊氏諱某字某世居併鄉之八都為人倜儻灑灑其父逸溪公跌宕好義以貲雄邑中公承其後能振拔流俗與其弟某俱讀書為邑諸生而公尤豪俠特出邑中事有垂方者雖當事弗避公少嘗從梅斯康先生遊斯康介潔傲岸能文章善草書及丹青書尤為吾邑冠人不當其意即掉臂去不復顧有高僧名人則往往留數月不去其行大與徐天池類當是時人人慕斯康又人人恨不能得斯康也公獨與斯康厚亦最久家藏其書畫甚衆人有持古名人真蹟至者亦輒與斯康先生評賞之故公性好書畫而篋中無賸物尤好佛凡古名刹及高僧無不與之遊邑中豪舉任俠者亦多歸之蓋其賦性瀟灑獨當故見之行若非世俗鬼瑣齷齪之輩所能及也兩載歲聖宮壞公捐貲修之所費甚鉅一切延師課子皆竭力無慙色與人交表裏如一至老未嘗間創屋數區於城之北隅雄偉宏麗費踰千金焉公享年八十有八

明嚴集

卷三傳

廿八蔡溪藏板

子六皆有立女一適鄉進士劉升公次子畢生

贊曰士一着儒冠則畏葸迂拘選恢文覲雖臨大義

而不敢吐一語者豈少哉至其甚者又或蕩佚恣睢

必盡扶藩籬而後已彼非能豪舉也志利而寡所畏

故也公臨事奮發守志獨行至於山水花鳥丹青女

翰間又循循若幽人墨客嗚呼此何人也哉

明嚴集

卷三傳

无蔡溪藏板

黃仲木先生傳

冲夷頡宮意味炙之愈永

公姓黃氏諱梅字仲木世爲邑西人公少好學補博士弟子又數年以高等食餼順治乙未以明經貢於鄉戊戌授泰和訓導公以年老辭不赴邑令劉公促之行卒不就年幾十而卒公自爲諸生數十年以文章名邑中邑中經指授者皆卓然有法人無不知有仲木先生者然卒以明經老益科目之阨人如此余嘗歎士之處世提三寸不律奔馳場屋中既不得志月巖集卷三傳三十一蔡溪藏板則多方以規進取一旦握牛殺雖昏髦庸亦顧戀而不忍去昌黎所謂以官爲家罷則無所於歸者皆是也且師儒之任古固以鄉大夫之致政者爲之非有機務之撓案牘之煩年雖高可爲也而公獨以老辭恬退之節益確乎不拔矣公生平絕足公庭取子不苟築室城西敵樓之下栽花種竹一咏一觴淡薄之致尤可想見云

贊曰三代以下士之不汙其身以干進者鮮矣若公之履行純固泊然無營倘所謂狷者非耶孔子曰不

得中行而與之必也狂狷乎彼炫才以自媒希世而苟合雖有所述吾無取焉

月巖集

卷三傳

三十一蔡溪藏板

徐氏宗譜跋代

先說能詳後說不能詳一揚一抑極揖讓俯

仰之致

余讀詩至元鳥生民書至典謨訓誥之際未嘗不掩卷三嘆以為依古以來其稱說時事推原功德所以致褒崇尚咏歌思慕本末始終之蹟何其詳也向非有簪筆纂事者論次而紀述之則其晦昧闇忽缺然不章雖有神靈顯懿發祥垂裕之德亦何以輝映後世哉故歷代衍之以為史而氏族憑之以為譜史與月錄集卷三跋三系漢藏板譜之所昉後千百年未之有易也余昔覽荆國王公許氏宗譜一序見其徵引博核錯綜聯貫上下千載股引支分蓋屹然與詩書並傳追觀老泉族譜之作而孝弟親厚之風猶可想見則譜之係於世又不特纂組事迹矜尚門閥而已蓋將以垂世教孝繼哀慕於無窮也吾宗之有譜尚矣其始家於南州之豐城而自韜公之子晟公始遷於宜由韜公而上以至穉公由穉公而上以至豐公由豐公而上以至偃王由偃王而上以至伯益其得姓之始源流世系纖悉詳具

唐虞之世五代趙宋之間蓋炳如也一時宗老鉅公後先繼起咸能自奮於世寔代渺之日而尋源竟委確有端緒雖其文采之烈未知與荆國老泉何如而用意之勤條貫之密蓋有非後世譜牒之所及者噫何其盛也夫人隔代遠親盡則已矣而喟然而思提筆而記徬徨收拾使千百載之下支子耳孫咸得稽考於音容濶絕之區而為之聯屬為之追感孝悌敬愛之心不獨於廟貌棖楠之間矣抑其中亦尚有可疑者安貞公至吾宜一世祖韜公六世相承皆同立於李唐昭宗之代昭宗享國僅十有六年耳而以三十為世之說推之殊為乖隔豈其年代悠渺時異冊散有不可得而考者歟抑較閭不逮自相抵牾而踵其事者亦未之深稽歟迺余以通鑑計之則安貞公立李唐昭宗之世而韜公生南唐之際無疑也蓋李唐與南唐聲混耳至若自韜公以來其世代相傳搜剔梳櫛隱而可稽者顯之晦而難曉者缺之不以臆度不以私廢至於近日子姓未登譜牒者則詳采而脩著之不敢怠且忘也夫勤求夙夜閱歷寒暑孤燈

紙帳春。雨秋梧。檢討不遺。研索愈力。此則余之所以
答先人。諗來茲而自矢於不欺者也。神尾是役也。余初未
之及。閱數月。而諸長老始以授余。余辭不獲命。乃攜
歸望梅軒中。歷三寒暑。而譜始成。遂次其語於後。以
見余之所以詳慎如此者。深懼不足尾詳君之後。而
辱吾宗長老之命也。於是并口占六言六句一章。以
紀譜之次第。使來者知余之不誣。而後之纂述者。其
亦鑒余今日之苦心也夫。

月嚴集

卷三

三四 蔡溪藏板

胡氏重修家譜後跋

寥寥短簡。自具首尾。股腹

國家太平。幾及百年。海宇雍和。四方無犬吠之驚。而
休養生息。日繁以盛。俊英挺出之才。各奉繡句。操翰
挾毫。以譜其先世者。往往如是。蓋予於此。兄國家成
平之火。化成風美。故山陬海澨之區。莫不各致其收
族萃。渙之。思者如此。予宗欲從事於此。久矣。自宋肇
祖安定公諱瑗。謚文昭。以理學名儒。仕至文華閣侍
講。傳有 家家乘越元。至明。維予先人。續述勿克。草
命兵戈之際。殘失過半。順治辛丑。我伯曾祖麟生公。
虞生公。蒐輯舊章。楷書十卷。以貽我後人。然後原原
本本。條分縷晰。至於今。弗紊者。麟生公與虞生公力
也。然自麟生公至今。又七十年矣。族大人繁。世日以
遠。居日以散。情阻於地。睽而恩分於形。隔過墟隴。而
不知誰何者。有之矣。壬子之歲。從弟侄鳴皋。頓興此
舉。告廟之日。吾族長老子弟。僉綜理。予不敏。未能秉
筆操觚。是以直任其事。而不辭。區畫三載。以其成。吾
宗父兄長老之志。於斯譜之成也。輒爲序。其始末如

此亦以見安定公之文獻未墜而伯曾祖麟生公輩

此段同既修而言其利

之志庶克有紹之者仁孝之思固可悠然而興矣於

是與修斯譜者賢俊林立其纂輯考校者叔謙若弟

承先姪旭章也其跋涉三鄉釀貲而不憚勤勞叔帝

佐美泰也若夫踴躍勳勩各房傑士衆多未能悉數

應首臨

予籍手於諸賢後慶此譜之成於以應國家昇平之

運而啟奕世人文之盛其有在於斯歟

月叢集

卷二跋

三六 蔡溪藏板

跋龍泉寺寄跡匾額

凡五段曠旨快筆令人應接不暇

過文上人題其居曰寄跡余曰師之爲此名也善矣

人生一寄也統舉四時花鳥清泉怪石當其過之則欣然

而喜及其過而去也則向之所謂欣喜者安在哉要

中得金覺復何有一解十二萬年之後大地且將漸滅湮

沒而況於耳目一時之適乎爾角蠻觸爭利逐羶夫

何爲哉夫何爲哉

月叢集

卷三跋

三七 蔡溪藏板

跋龍泉寺遽廬匾額

莊周以天地爲遽廬信哉言也夫天地之間往過來
續旋卽水逝世人徇生執有得喪交集太空觀之亦
復何有今試宴坐此室收視反聽則此中花鳥雲光
翠竹蒼巘皆虛空幻化耳更何執哉月巖居士對此
而說偈曰物則有化化則無物物化迭乘衆衆流汨
大人達觀無入無出廓然兩忘與化齊匹視彼徇滯
有如蟻蝨

月巖集

卷三

王本蔡漢藏板

跋遠韻匾額

若夫清殿弄竹露滴高梧蛩聲響砌禽鳥翔呼聆天
籟之間發攬灝氣之清虛於斯之時把卷微吟穆然
高寄誠所謂通千載於一息會希微於無窮者已至
於野寺鐘鳴漁舟歌斷梅花笛裏萬片繽紛葉砧聲
中千家互答莫不發其天機助其逸響其以遠韻而
顏其室有以也夫

月巖集

卷三

三九蔡漢藏板

書柳子厚寄蝮蛇文後

文凡四轉情理勢無不曲盡此爲明刑非特辯也

柳子居永州其僮有善執蛇者爲之憫而矜之命放之曰天賦汝形雖欲不爲是不可得已余讀之曰異哉柳子之失刑也此段言其爲害理不可殺凡凶悞賊害有禍於人者殺無赦先王之制刑也有五彼非樂於仇人而戕其軀也惡不殺則善不生故行刑之時雖爲之哀矜惻怛滅膳微樂而卒不敢廢也今蛇之毒無踰於蝮者而縱之去且曰是不可殺造化耳陰陽耳嗟乎余嘗觀人之能爲惡者其氣必凶悍黠鷲若梟獍然夫非天之所賦者哉今欲縱之則是人之爲兇悍黠鷲以禍於物者皆得而赦之且先王之制刑爲殘虐之首也柳子又曰彼居榛中汝殺而殺汝則暴矣而又曰彼耕穫者薪蘇者土於其鄉知防而入焉汝第密汝庭不陵與不步聞是惡得而害汝且汝非有求於榛者也夫柳子亦幸而處於宮中耳設不幸而耕穫樵蘇之役其將釋吾所謂耕穫樵蘇者而優悠於宮中以待其

書燕史固書後

不爲戒而爲勸斯聞之者足戒

酒者所以宣抑鬱道血氣而合歡之具也然沉湎則敗度是故先王有監史之設而禹有儀狄之戒蓋其慎也及周之衰接乎狂秦漢晉隋唐之閒號能飲者多矣而晉爲尤甚言沈湎則收度稀阮山王茂乘禮法先王之度不啻斥如奴隸日惟崇觴連引揮塵玄談遊於清虛無爲之域視世事一切如械之繫身惟恐一朝之弗去也當是時聞風悅慕起而景附者不可數計而後世山林隱逸之士述其業者益遠而熾矣雖其蕩滅禮法顛覆舊章有可深恨然清談閑曠俯仰山水與物無害或發之詠歌或見之話言冲然自足於富貴利達之外而毫不以動其心以視夫貪鄙猥瑣之徒其亦遠矣後之學者不得其意而涉其迹無其才而師其事猖獗狂肆倫紀斁敗則其爲害又曷可勝言哉且今之人杯酒間或變而趨附或變而騎矜離羣卑陋愈趨愈下則又稽阮之罪人矣三月廿一日偶閱隣家敝簾中得屠鹵客燕史一帙內刻名公鵬政而

元連紹酒籌汪伯玉名牌別爲觥球一卷焉其籌及
牌語皆用古事而酌其意以行酒然辭多疾惡難行
於世當選其可者另錄一通以爲歡具而燕史聖喜
矣嚴而不拘和不蕩斟酌於古今之間雖不能復
先王之憲而習俗之陋或庶幾免焉戊子季春二十
五日月嚴周禮題

月嚴集

卷三

四
蔡漢藏板

讀五鼠傳記言

周子東海氏性疎懶不達世故年既十九學業日廢
當五月六月間盛暑燥烈游魚沉淵鳥不上走行人
斷塗於是乃解衣寢卧於竹榻之上凝神熟睡恬然
自適睡起則雜取稗官小說高吟誦行且走深林
穿斜逕空百慮歌五柳黔婁之言世人營爲每不屑
意也五月十八日僊檢敝篋得五鼠傳楊家將傳其
他皆朽腐不可讀夫世俗小說皆出於稗官野史情
史諸類而意趣情緒蕩然無復有稗官野史者之遺
月嚴集
卷三
四
蔡漢藏板
五鼠傳者其表表者歟嗚呼何其正也余故爲之抹
截鈎勒圈點評跋使作者精神如日月行天毫無蔽
翳世有知者如眉公竟陵輩其可矣歲月悠悠韶華
水逝夢錫有期其終老也哉

跋臨川揭萬年先生詩後

頓挫

乙巳六月寓臨汝見所刻揭公詩古文辭一帙其中
遊宜所作者十五題詩不下數十首其跋大司馬譚
公事尤悉公忠義慷慨生平每喜誦譚公事不幸遭
運不造扼腕撫膺之氣時發露于片箋寸牘之間其
意以爲當日顧獨無譚公其人者與謀國事耳卒之
殺身成仁日星爲烈嗚呼公可謂不負所志矣松竹
庵今爲予有芙蓉石又在余家之右相去不數十武
月嚴集
卷三
四十五 蔡溪藏板
公皆有作因並書之以見此地尚爲先生所遊歷而
題咏也

書熊允中擬檄李公文後

書其文而特着眼於行

吾兄端厚修潔遠邁世俗其於道德仁義之事若饑
渴之於飲食出於中之所誠然故其發於議論皆與
昔之賢者相爲表裏而文氣莊雅雖尹公遂昌李公
舜臣諸史論不識誰相伯仲也進而廣之其寧有既
乎竊嘆今日得端重廉直如兄教輩參錯樞衡之間
海內治安可待矣而猶厄於下此愚讀兄文而尤明
然者也夫科舉之學使好修之士埋沒如此其所得
者可知矣弟鄙劣無狀數日欲作長安行一篇下筆
數四不能就不敢漫作故特長言以綴兄文之尾
復吾兄且願有以教我

胡孟玉墓誌

紫園

余承乏宜之二年其明年署中疾大作胡子有章以世醫名聲稱甚著予延至署中應手輒愈自是往來不絕一日有章冒謁且泣且拜曰文不幸先君棄世今將卜葬本里裏湖之山竊不自揆敢請一言以誌其墓先君子死且不朽予不獲謹案狀胡氏系出安定公安定爲宋名儒子孫家於宜者二十餘世衣冠相望公自少讀書從其從兄陞叔學陞叔諱上頤甲午鄉薦爲扶溝縣令公從學時陞叔甚器之已而遂棄去曰古人不爲良相願爲良醫予不能沾沾從帖括中作生活也遂業岐黃術備考前世名醫方論上自靈素金匱傷寒下訖東垣河澗諸子無不精透按脈治病遂能以意立方試輒奇效邑中人全活者甚衆樂安令郭公孝思知公名延至其署爲處劑立方皆有効郭公匾其堂曰國手參天崇仁丞余佩亦招公治病立應又匾其居曰功俾元化由是公名徧著一郡問醫者絡繹不絕而公方以濟人爲急不貴

月叢集

卷三 墓誌

胡孟玉墓誌

報謝卽往來城廓間亦絕無所干請以故多賢公之

操而恨公相見之晚也後公以母老不復遠出卽出

必囑其妻揚曰吾不及侍朝夕代我在唯汝耳氏亦

能承其志不少懈公兄弟四人相友愛其仲與幼乏

嗣嘗嘆曰吾止有一子無能爲二人後及卒囑其子

有章曰吾無所憂汝但能敬事二叔吾無慮矣遂卒

不復言蓋公天姿孝友忠謹欲以其道濟人之厄非

有所利於世者也晉唐宋清以醫著名行甚高柳公

宗元爲之立傳稱其非市道交與公行事頗相類夫

厚風俗以訓一邑令長責也如公之事其可湮沒無

傳哉故爲之誌其墓如此以附於柳公宗元立傳之

義公諱鑑字孟玉車上人一子世文卽有章女二人

一適張一適李孫男日乾日盛日華孫女二人

月叢集

卷三

墓誌

胡孟玉墓誌

徐天育墓誌銘代

潔淨而有致

內兄天育既卒之二年。將卜塋於某都某山之原。既
有日矣。余惟天育事父母孝。處諸弟恭。與人接物周
慎。朴直內外無間。今亡矣。墓中之石。缺然不具。詳其
行事。天育雖見推於今。未必能久垂於後也。乃泚筆
而爲之書曰。天育姓徐氏。諱基。天育其字也。徐於宜
爲著姓。天育立身行已。變重和藹。又嘗業軒岐術。術
高試無弗中。於是人尤喜道之。故其爲天育特著君
身。即能自持其身。不屑屑於馳騁。性孝友。年二十太
孺人病。且革。君知不能起。憂戚之色。見於顏面。及卒
哀毀骨立。有踰常度。事太翁先生。承歡怡顏。未嘗有
疾言遽色。菽水雞豚。權如也。翁素有痰疾。君視之唯
謹。又翁性好佳山水。疏泉鑿石。闢望梅軒於仙二都
之雄。華橋春花秋月。率諸子及孫男輩。讀書其中。君
爲翁家子。家事無巨細。悉躬理之。不以擾諸弟。曰。此
吾父志。勿撓其心也。父病劇。日夜侍床側。既歿。啜粥
飲水三年。居外如一日。父將終。遺命君友愛諸弟。君

身集

卷三

四九 蔡溪藏板

愴然曰。微父命。兒固不敢薄也。迨析爨如父生時。以

是人尤賢之。同邑黃月先生能文。有至性。常病。幾

頓。諸醫不能效。亟請君往視之。君爲處方立愈。凡邑

中有來問者。多隨症施治。治輒不責報。君既歿。黃先

生爲誄哀之序。君梗概尤切。蓋君大者在考友朴直

而其小者亦足以利人澤物也。予與君周旋久。知君

行甚悉。予居崇七都。君居城中。相距七十里。每一見

兩人輒喜不自勝。予知君之所以契予者。固不特以

區區戚屬故也。予方與君享遐年。以介茲休祉。而竟

不躋中壽。嗚呼。其可哀也已。君享年幾十有幾。娶某

氏。生子一女。一銘曰。維藝之良。維行之方。孝友敦朴

與古翺翔。以衍其休。以薦其慶。刻石幽宮。示後。茫

身集

卷二

五十一 蔡溪藏板

張翁像贊

伊昔上古三五之世民質風淳坦易豈弟迨德下衰
飾非長僞陰賊險譎剔髓剝胃如江日下如火斯熾
世道交喪孰測所至邈矣先生高冠長袂年八十餘
依然孩稚畊田而食計力而衣長林之間煙水之際
偃仰優游莫我戀繫子姓振振稟德象志願瞻遺儀
飲醇自醉高風雖遐德音不替

李義可像贊

李君義可既卒越六月其嗣子持其像來請贊君少
與余同學又稔知其人故不得辭
贊曰維君之容和雅矜婢維君之材明敏端恪少從
塾師未成而却入克刑吏家中一鶚求生于危唯理
是度當赴選期廻翔林壑曰余老親鄰下足樂嗟嗟
李君氣和語確如彼半綬知匪擊博有田有廬惟勤
惟朴仰承先人後嗣維覺題像儼然九京可作

松唄大師贊

彼何人斯麋鹿與處短袂芒鞋軒軒霞舉極目林泉
不與俗侶無來無去奚寒奚暑仰睇雲松寢歌獨語
乃如之人兮其濔西覺之源而納天地於一忝者

月嚴集

卷三

五三 蔡溪藏板

劉太夫人胥氏贊

劉母胥氏者余友劉君啟禎之妻也啟禎與余同學
能文章實志早歿時君親在堂一子纔穉齡耳氏守
義奉姑舅撫其子至於有立昔人以慷慨赴死與從
容就義者區其難易則氏之賢固可知矣今氏年尚
強其宗方尙有事於譜牒子步雲來以贊請余固樂
道人之善者而况抗志守貞爲人道所尤重者哉其
敢辭 贊曰

月嚴集

卷三

五四 蔡溪藏板

卓矣賢媛峻谷高山秉志守義形乖翮殘視息暫出
俯仰心酸矜此穉孩視彼暮年以養以撫出入顧瞻
嗟婦代夫節高名完有青者松有烏者鸞高行竹屏
千載齊觀

吳某先生像贊

吾聞嵩華之山峻削跨九州高出鴻濛不可峻嶒躑
躑生疑憂惟公飛步乘雲虬手捫辰星天與遊雁鷺
群呼稻梁謀鬼瑣陰鷲兩目贅公如不聞行夷猶長
裾大冠古獨留下視塵世等蜉蝣躬抱孝友德日休
縹緲萬軸長驂驅蘭芽桂秀紛芳洲太朴久散智巧
稠嗟狂瀾兮漫難收我瞻公像意悠悠登高遠望風
颼颼翳今之人誰與儔

月叢集

卷三 贊

五五 蔡漢卿

黃鉞公贊

似昌黎公

世網紛紜。蛄蟻聚蛟機。穿日滋奸宄。斯羣設詐困愚。
天日爲昏。不有智士。嗜膚及筋。所以仲連談笑解紛。
公也。其然寧曰非仁。

月叢集

卷三 贊

五五 蔡漢卿

黃鉅公贊

附錄

彼利而馳不知其非此介以守義則不遁拾金而還廓兮無私斯何人哉其諸古拔表公之遺

月巖集卷四

宜黃 周禮 情耕 著

受業 歐陽鳳翔西苑 批校

藍石塢先生鑒定

同學 熊有道允中 手輯

男 驤衛孫萬鵬較字

尺牘

與某行述祭文

何等胸次

僕性本庸劣於學一無所成曠年遲久在苒歲月每

月巖集

卷四尺牘

一 蔡溪

於秋夜露晨偶試屈指慨然太息又讀書至歡賦與李子鱗送宗子相等書則紙窻几案秋氣颯然矣嗟嗟僕何忍言哉去年今日鼓吹喧嘩歡聲雜沓婦人女子之嘻笑厨夫爨老之行走兼星之輝月之白太虛之皎碧樹影之迷離於此之時神解意會蕭然意遠手執留青一卷潑墨批點毫快語飛頃刻之間閱文至三四卷及至客散酒罷燭殘燈餘達者行歸宿者就榻解衣上牀歡然意得當此時還憶洞房登科之語真老奴不通之談也昨於月下憶去年事如在

目前乃景色又一變矣嗟乎僕又安忍言哉昔莊周
夢蝶栩栩然蝴蝶也俄而覺則蘧蘧然周也彼莊周
固言夢也以莊周之必夢又言夢者也夫自古至今
帝王英佐磊落軒昂而究其事過功成代朝遷變雖
載之簡冊而其時固一掃而謝矣因念人生世
上大都皆夢固不必憂而獨以歲月之不易得為可
惜耳然僕之惜歲月者夢也思歲月之遷而太息於
去年之事者亦夢也知其為夢而猶致書於尊叔嘸
嘸而不休者尤夢之夢者也夫大夢者其誰能覺之

月最集

卷四

二蔡源藏板



與黃君德章

反正說透曲折圓轉

某再拜前歲某月某日僕與桂立從足下過金華寺
見足下所著文私心甚不嫌以為足下天資過人而
猥隨流俗之趨好也去冬得足下所著文數首及道
試卷然後忻然羨足下之材能不隨流俗以為趨好
推此而上俯視百世肩逐古人真不足為足下難也
下文得為痛切之言必如此委折而入
然而私心猶不為足下嫌夫以足下天資過人而學
日進求之今人中不可數數而猶不嫌者何也直以
足下藝能太博不得專一凝神息心靜機以與造物
者游耳竊嘗觀之古人之學無所不通仰觀於天俯
察於地知萬類之情窮鬼神之狀其博至矣然求其
所以至于此者則曰本之於道蓋道涵太始宰萬彙
之樞精神相推相盪而不可以究其終極此古之人
所以盡心竭力日夜孜孜惟日不足以求之者也若
此段言其本情
夫所謂一藝一能數藝數能者孔子所謂鄙而已矣
程子所謂玩物喪志而已矣於道何當哉致一而天
下之繁無不該務本而天下之末無不貫今棄其所

一者本者而守其所謂繁者末者亦已惑矣足下負
英銳之資特出之材一事一物皆欲窮詰故嘗用心
於文字用心於詩辭用心於醫藥用心於地脉亦用
心於聖賢是足下以聖賢之業與藝能錯處而難攻
之失其輕重而本末衡決又惡乎可哉伏惟足下英
資高強勤力好學用心於簡端致其力記曰太山之
溜可以穿石單極之綆可以斷幹言用力端而成功
之易也效之而下萬事萬物直掌列而螺數耳譬之
登泰山之巔而會天之下高卑形勢靡不畢呈矣此
月錄集
卷四下
四
蔡溪集
所謂致其一而天下之繁無不該務其本而天下之
末無不貫者也尚何取於一技一能之屑屑乎僕素
謏劣不能與足下共圖此道今月中幾中危病多方
服藥餌調心神今封寄足下文一篇安加評點道路
遐遠不能自侍并附區區努力加食厚自愛護二月
某日畊再拜

與桂立叔

何等胸次

積雨初霽寒氣頓舒明媚春光使人意悅但可惜新
正桃艷爲煙雨摧殘如美人長夏初起欠申歛入雲
髮半偏釵珥欲墮徒令人益增憐惜耳吾叔襟期淡
遠天趣橫溢淨几明窓之下眺高岑之煙嵐俯長江
之淪漪山花爛熳草木皆香鳥語喧嘈林壑逾靜樵
歌起處空碧浮天漁舟泊時綠水拍岸想清興之無窮
奚塵埃之足累也禮勞攘風塵關涉濁務以雲霞之
意作隨俗之人小小風流忽焉已往壯盛智慧坐茲
并棄每思欲獨往川巖題標雲外而俗塵羈人邈不
可得唯思暫輟數年之務俯首下心一償稱貸然後
息駕月巖之阿左班右馬揖韓把歐選李杜之沉雄
杜陶鮑之靜逸醉泳卷軸屏息時趨三食神僊之字
遠搜二酉之藏跋足高扳庶足不朽不然桐焦爨下
珠沉深泥雖日受萬鍾之饋豈足以增雲霄之翼適
足以來高賢之嗤笑而已久不會晤不覺長語春喧
唯深珍愛不一

答吳善餘藍大二兄

足破俗見

正定

祥瑞之興自古有之元宗天寶之際尤甚宋祥符間
一草一木咸稱瑞應觀其賦頌廣詠之作可謂盛矣
厥後元宗幸蜀雨鈴之詩悲詫特異祥符以降播越
頗仍北狩之事幾淪宗社溯厥徵應何其爽歟故古
語曰妖祥之作不在物類斯言信矣小子無賴偷情
廢業之日久唯二君扶翼其不逮提撕警誡使知所
畏慎或猶有疹也今二君之言曰祥瑞忽現為小子
月殿集
子元之兆嗟乎使小子兢惕震厲即鬼地鼓犬戴冠
司火猶將為福苟其不然即芝草克庭玉茗徧發愈
甚其頽棄耳何子元之有若其實有所應母亦唯是
館有嘉客盛氣旁流使草木無知之物皆被二君寵
榮二君實有光於敝館小子將拜手下風載酒執筆
以誌盛美焉

與熊九中

寂寥拂鬱古人嘗於此中發道心顧弟姿性庸下未
能一了俗緣耳吾兄氣宇澄瑩閒靜寡欲弟嘗私擬
為陳太邱一輩人每風清月霽雨滴煙霏稍得佳趣
未嘗不一念及吾兄也昔袁中郎有言世網羈人跳
一網旋入一網不若向此網中作生活弟故以為至
言弟今處此頗不以為怪師其意也兄可不必為我
憂矣久不晤聊此奉候不一

月殿集

卷四

七
蔡蔡集

上趙老師書代

申情之言紆徐往復不盡似昌黎上臺閣諸

書

喻言罷起

伏聞款段下乘伯樂不顧樗櫟陋材匠石不覲豈非
以驚足無千里之任散結非繩墨之用故耶然其生
植長養受沐於風雨露雷雖自知其質之無能而與
其得一日之遇者則未嘗無是心也天下誠有一人
焉過而顧之遭而覲之則其感發奮起嘆而不能已
者豈特百什於常情而已乎曩歲以事從舍親黃先
生始得一拜師臺之庭而接其容矣溫溫焉肅肅焉
如春之和如秋之栗議論舉作超絕世外於是退而
思曰是固不世出之材而古所謂豪傑之士也今幸
得而見之矣則事之生於其時或世不相值與雖值
而不相接者豈不甚懸絕也哉因俯而度仰而笑奮
袂瀾步不知手之舞足之蹈也此段言其悲于見又復自念曰彼豪傑
者不輕以可人而吾之自度其材也則又靡然而無
以自拔於俗夫以流俗之質當不輕可之心則其靡
而不屑也審矣於是又容嗟太息傍皇却慮而顰狀

卷四

上趙老師書

以悲乃師臺則已進而教之矣公其道不鄙其人其
其澤不屏其愚而向之所謂害者果足快矣而其
謂悲者蓋以見小人私刻過甚以庸忌而度君子之
度者也此段承上一轉作白謙之詞惜人事乖違不獲久侍又挈挈而歸長此無
成譬之既稿之木雨露滋漑而稿者如故然後乃今
知學之難成而此生之虛度也此段承上轉作贊頌之詞伏惟師臺以英傑之
姿丁休隆之會明良相遇在此時矣方將奮熙皇獻
翊贊元化而不肖亦幸得以一日之侍附弟子之列
與海內之生共彼化澤於無窮也豈不盛哉舍親黃
先生見在尊義明春將歸其長公久在外今已數年
家計蕭索幾乏晨炊夫以舍親之仁厚而不獲其報
乃卒至此極豈非命乎想師臺必聞之而神傷矣近
居山中耕農之暇頗勤筆墨恐不足當大人君子之
聽又以道路修阻不能遠寄惟念驚駭機賤久當沈
業而獲伯樂工師之盼是以慨然感念而不知報之
所從也故特叙其懷如此努力加食不勝受戴神馳
之至

卷四

上趙老師書

謝汪明府

委婉

此段先知文精
禮不肖行能一無所取猥以樗朽獲受知於大君子之門方以材質短淺不足以辱師臺之教足懼而願屢進之屢牖之諄切開示唯恐不得成其材以至於顛蹶困踬而莫之振也此昔之聖賢誘掖無已之深畏而械撲詩人所爲流連嗟詠被之管絃以垂之于古者也然在不肖其果何以堪乎家慈倏逝猝兀荒廬自嘆數十年來科名寂寞無以爲先慈慰而師臺不以鄉大夫之貴儼然而辱臨之竊伏自念卽朋儕均匹猶戰惕悚息而不敢望而不肖顧以一介寒微驟而當此雖失君子樂有成就假之光榮如榛枯之長養早麓無所不植然踰分謬荷慙慙實甚此所以中夜起坐踴躍震悚而不知報之所從也幽明感戴光寵曷勝榮誕本欲趨賀苦塊餘生不敢卽謁謹附鄙札呈上伏乞矜其愚而逭其罪焉禮不肖不勝怵惕惶懼之至

寄某

數日未晤時切企思昨發華絨如接面語僕姿本固陋無所能人今與際兄同坐山齋賴其穎妙小豁塵懷然此道深微非愚駭所及也吾叔近日動履想應蕭瑟塵釜懸瓴古今同感然貧者士之常患行不立不患財不廣也吾叔行誼剛果質真諒不應久困黽勉卷軸勤思典謨以發舒大業實所望也言念本不能爲今勉作之見之當一笑與度近日來否成俚服藥何如煩付一語

月餘集

卷四

十一

與學而禪兄

寶刹名勝素所慕向每欲結社方外登石鞏縱觀馬
公遺跡而俗緣牽繫忽忽未暇也禪兄高懷雅度
心內典主持此寺馬公遺烈不難再振弟欲握手一
譚稍紓素抱歲月若馳殊辜此志尙容策杖山阿一
傾大教特未知能披胸作當年受箭人否耳同者家
叔梓廿一位艱苦百端微積銖銖而乏子息遂奔入
空門攜貲壹拾六兩以爲朝夕懺宥夙業之資不期
道緣慳薄諸道侶竟不能容詢厥所由又無過犯弟
想此人空門既不可駐足應是俗緣未下仍令彼歸
家成室以圖末後一着或者宗祧有託不致寂寞終
身也得聞彼來領納之物寺中竟有許進不許出之
說夫空化幻影野鶴孤雲一身且任南北何況所寄
之物獨據爲寺中所有乎且彼既不能安於此而去
後又必令他失所不惟非空門設教之意亦大非世
法中近情之論將來必不能晏然于此矣惟冀空門
慈悲廣大或駕至舍付出此銀或弟策蹇來領統祈
音示

月嚴集

卷四

十三

寄某

去冬言別今夏已半每於清風朗月山容水態中想
足下風流人豪也山川迢遠白雲茫茫與子之好思
心成結我勞如何僕近兀坐家中塵盆壅塞往日天
機銷剥都盡仰觀足下如在天半今寄布履一雙物
雖鄙微聊以展意幸望笑留也聞令祖先先生鶴駕已
逝不勝悲嘆吊真缺然希爲原宥

月嚴集

卷四

十三

與某

幽曠

禮頓首恭惟足下。雄才雅量。包攬古今。俯視塵俗。誰當爲儔。而走亦安希古人。欣情曩哲。兩心相應。遂許知交。然走年廿五。僻情無狀。時時念及中心。如焚。但一誦幽人之語。則冥情歛想。蕭然若遊於清泉削壁之間。採芝茹蕨。神朗氣暢。沛乎騎天雲而遊太虛。當此之時。直視上古。羨至人之無爲。嘆衰俗之多僞。歡情高舉。逸趣橫縱。竟忘其拙。頃聞足下多愛思之談。殊目前之趣。則神悴氣沮。雖古冊紛案。未撫卷而意倦。何者。心之舒鬱。憂樂之感。靜躁之分也。靜者不能拒其入躁者不能入。走聞尚如此。況足下之憂鬱出於中心之感結乎。春景載和。百卉吐英。足下何不一誦舞雩之章。咏老陶愛靜之句。以一解其憂思之心。然後出而與古人遇焉。知其理決有不能秘者。夫何重自抑塞以滯其靈府耶。偶步園中。羣葩鮮美。時鳥弄聲。君子在懷。書此以獻。并寫靈運石壁精舍還湖中作。以爲吟咏之助。禮頓首。

復某

得手札。足下志甚。云欲於貧病中作安樂計。今欲作何計耶。袁中郎有云。世人妄思解脫塵網。不知出一網旋入一網。又安知所入者之非不如所出者耶。不若於此網中作自在生活。此語大足破世禮。更望足下破除幽憤。一切世事情態。如佛觀空中。所現種種業相。了不介意。仰此便是解脫。卽此便是安樂。欲外此相求。徒擾擾耳。且安知今之阨足下者。不爲他日大伸地乎。不久而晤。不他及。

復某

諒來教言甚有理我輩做事最忌委曲委曲者偽之
誠之反也凡做事委曲則始必懷隱秘之意唯恐
人之我知也於是不得不終之以詭言曲說揜護其
間嗟乎直道不明心術大壞舉世皆然非一人也從
孟子之說類之已幾至於穿窬而不自知矣此稿初
甚愛惜故與足下俱有隱秘之意今細閱足下之言
曲折如此因悟往日處事之失類此者甚多自今當
痛自省候處已待人一以公直庶幾立定脚跟便為
月嚴集 卷四 疏 十一 蔡侯載板
學有所從入不慚羞于老髦願與足下共勉之成此
大業也謹書以復諒不怪笑

復藍夫子

曩者得侍先生几席頗愚蔽塞遂若頓啟邇來家庭
多故百憂煎懷俗冗侵人甚于械梏思欲屏跡深山
剖探腸胃陳桃李諸物以禱除凶衰不祥之氣然後
空明微妙之性庶幾有復又苦附近難以端致前蒙
師荃為借福興山與九弟共事意願甚快如渠寺不
久則勝華亦自可居不必問其室宇之美惡也肅此
候復

月嚴集

卷四 疏

十一 蔡侯載板

寄鄒周上世兄

俱有逸韻

抄秋告別仲冬忽臨時序更遷益感離索恭惟吾兄
清懷雅抱奔轍絕塵高居深山中當此之時溪瘦山
空石清霜白足以展展盆魚尊酒煨芋茲聚足以適
口有親在堂足以致養兄弟足以相樂妻孥足以自
娛案積圖史足以供賞玩坐無雜賓足潔几席進退俯
仰無不自適是世上第一散仙弟輩城居紛擾塵心
錮塞視吾兄豈復人間世耶近聞明春欲下縣讀書
有嚴集
雖近慰離思遠增切慕然此簡書雖既無可假觀非
貧陋者又不可借即屢覓之又絕無見許者弟明春
決志家居吾兄亦可別擇無致誤也且羈氛之所孰
與山中清曠邑遠往返人少不能頻致敬布區區曷
勝遙企禱上

與友人

側說

夫文無古今之異而學有真實之分才有高下之殊
而行無智愚之別故上自莊左太史遷班孟堅董江
都劉子政司馬長卿蔡伯喈賈太傅韓退之柳子厚
歐陽永叔曾子固蘇東坡之屬其文皆炳麟
照耀冠絕古今而晉魏六朝與夫當世能文之士莫
不翹首仰視盡心竭力而卒不能至此其才之殊也
而又有若明之荆川震川遵嚴元之元明善輩偃仰
月殿集
嘯歌傲然壁立於塵人中而精神意氣直足追千載
以上之人而上肩漢秦下撻唐宋雖時勢之異而豈
有古今之不同哉至於人無論智愚賢不肖其所以
爲生皆得乎陰陽五行之秀氣而萬事萬物之理森
然畢具人之所以爲人而達于禽獸者此而已矣業
此不務徒擾攘于利欲變詐之私上拂天理下乖物
情則生理已絕所有者不過塊然之軀殼耳是以君
子貴務學而窮理小人貴謀譎而崇邪君子以道物
身而自嚴故詩曰如切如磋如琢如磨小人者務外

而遺內惡實而喜浮故傳曰足恭左丘明恥之又曰巧言令色鮮矣仁末世以文取士其教則詩書之辭其習則語言之迹其行則狗彘之所羞禽獸之所不爲而聖賢實學滅亡喪失其深山大澤一二三代之英豪岸然自立者又遯世長往厭棄而不出遠想高視之士恨焉雖然行自我立身自我修窮不失義達不離道大行不加窮居不損此非智愚之分學之真實異也僕姿質樸愚不達於用於友人處聞足下方將慨然有興起之志及觀其文辭又崢嶸傑岸不同月巖集
卷四尺牘
二十
秦溪藏板

概俗古之人所以巍然不朽而傳者非獨文辭也蓋有行焉足下循此而進之力求其所以爲人者則其文方且直追古六經之旨而並之况秦漢哉況世之人哉韓子曰仁義之人其言藹如僕雖不獲與足下面商古今拜承顏色然古人知交心慕其人且尚友夫千百世以上然則僕與足下亦勉其所以心交者而已故不俟班荆而直告其所以然足下其幸教之僭妄之罪不勝慚覲某載拜

寄族某

講學文字是先儒語錄中警切語可見先生立脚處

老叔祖在家中不要錯過了日子只將此心時時收攝若能一言一動皆務當理則此心自虛自靈還要向上作古今第一等人物文字易易耳此心原是天賦來的合下便有仁義禮智之德只是氣稟不齊後來爲習俗染壞所以日皓月剝只見世情一味難堪便一向只管怨天尤人把自家本來性子都滅却真自巖集
卷四尺牘
二二
秦溪藏板

可浩濇不知人決不可尤天決不可怨如身上百事措辦不來乃是吾命中所致合下便有這些事件須要曉得此等事是古來豪傑嘗有的不會顛倒人只要處得此等事件熨熨貼貼如父母孝兄弟友恭朋友信終日把許多事如絲過扣做將去自家有平日爲物欲所蔽處不能知覺猛省之下又把古人簡冊中道理做個鏡子借來一照看他是如何處窮如何處達如何便能此心超脫如何絕不會爲境掛拈如此咬釘斬鐵做工夫何暇旁及境界窮達若能一日

熱了此心便立在太虛極處視一切外遇俱不爲所
憂矣此一件是大源頭學問事只是養得此心虛靜
便見世間落在坑塹底人茫不知此所以好人少惡
人多老叔祖姿質極美又不好色又不羨富貴此等
人今世實罕緣何不能超出一世只是此心還欠工
夫所以被他蒙倒須下斬截力量我今年二十五前
日工夫差了惡念百端自今若不急下工夫我不爲
男子矣孔子曰君子成人之美特在相知均此勉勵

月叢集

卷四

二十

復與某

古之君子其交友也以道其親友也以直而切交以
道故無支詞直而切故無阿私此真古君子之行而
余輩之所欣而慕焉者也予友足下數年矣竊恨世
俗之靡而古道之衰思得一振拔高介者而挽復之
第此中之理難言惟足下可語故以此進焉古人之
所以大過人者無他焉剛柔而已矣剛則不降於懦
柔則不流於愞二者必兼濟焉乃能有成功昔項藉
自矜其勇剛過其能而韓信以匹夫目之及高帝登
位天下但見其用兵之神而不知其柔之足以摧剛
趙佗據夷地數千萬里逞其甲兵車旗之衆偃然稱
帝侵敗漢邊高后以威武臨之卒不相下迨文帝卽
位問書一行瞬息間而稱臣去帝柔之屈剛理勢然
也夫以項藉之勇趙佗之強使二帝而以甲車抗吾
見其消焉喪敗而已矣不抗固所以爲柔而摧折卽
所以爲剛且黃石有言柔能制剛弱能制強剛柔相
濟合乃稱大順嗚呼古之人何其思之深而見之遠
也今足下之文章行事非不斐然可觀而繩度之間

月叢集

卷四

二十

恐不免野夫之誦何則凡物必大而所受多度必弘而所識廣得其人畧其迹可也惡其人畧其貌可也足下其戒項趙之強效高文之柔振古道之衰黜世俗之靡能而是吾將有大望于足下故不憚切直言之今日之事前言詳矣而復云云者欲足下悔往而追來也足下勉哉慎無以吾言爲屑辭肅白

月巖集

卷四

尺牘

二四

蔡溪藏板

寄某

齋中群弟受書課學雖稍促迫若不能治心然古人業事學文不作兩件商賈市販亦足調攝心氣況文墨耶須是精神端一行所當然如受書時則端心受書講文則端心講文自己讀書作文則端心讀書作文勿妄動勿欣厭數事有暇則冥思息慮使此心清明常不爲事所紛如此檢點月餘則心境靜逸外物自不能爲累矣此等計畫雖起古人爲足下謀不能加是蓋治心須於忙處打熬得過方爲真實有益若徒患慮外物不能隨時理會則此中役役寧有止息日耶古人有及時之功失今不爲後追無及願與足下共勉之勿使老大悲也曩昔承受安獻一紙善思何如

月巖集

卷四

尺牘

二五

蔡溪藏板

與某

雲山蒼茫。遠隔千里。思欲奮飛。忽覺無翼。心懷快恨。如何可言。春風被襟。群山轉翠。吾叔暇時。緩步山水。察其微妙。夜歸讀古人書。觀其文章。行事之能。足以自樂。其近亦入小庄。然思長誦。距吾叔雖遠。然聲響遙應。精神往來。意殊不寂寂也。足下二尊人。動履泰和。不勞遠念。謹布寸箋。寒暑之際。伏自愛護。不一。

月巖集

卷四尺牘

二六蔡襄藏板

京都寄桂立叔

浪遊數千里。幸託平安。夢想之間。多攜手林薄間也。尊公老夫子。想愈臻慶祉。西園與舍姪讀書。未知果能勤敏否。老叔須着力鞭策之。毋令蹉跎歲月也。京都有時名諸公。聞其壯年。皆勇猛精進。故得至此。假一息怠惰。則伏處岩岫而已矣。吾叔清真曠遠。文字蒼老古朴。其妙處同符古人。其不諧時目者。坐在不能割愛。以愚所見。似宜更潤色之。以乘時也。鳴遠叔祖首。拔甚可喜。十一月初旬。禮當歸矣。餘客面悉不盡。禮頓首。

月巖集

卷四尺牘

二七蔡襄藏板

與叔祖大人

每於尋常起居處寫得洒然

前見家札知先生訟事已完卽在庵中讀書山間明月江上清風煙出遠樹之岑雲生松牖之內一僧伴語半榻青燈真不減瞿文懿虞山時也禮輩碌碌江村支離無似不親訓誨已逾月時俗塵頓增思叔度之風采鄙情盡去緬夷甫之冲襟身地遠隔於雲山懷思益切於景企茲因人至肅候起居扶搖之翼知萬里之將騰白露方零幸若時以自愛

月巖集

卷四 尺牘

二五

蔡氏藏板

與某

吾叔到館倏爾廿餘日隙駒迅速義和之節遽難淹畧人生實可念也所期進德無疆要於濶大之途爲兄樂耳嘉會別後疾陡作幾危然亦漸愈不必里意令堂貴體想亦久愈然寸步未出未能躬問也際兄今已辭去老師已榮行此去必有佳境家中事務當囑二弟善爲料理九弟亦宜以時溫習經史不及另札併爲一言

月巖集

卷四 尺牘

二五

蔡氏藏板

寄某

足下當行時擬送一程竟以醉歸頭疼不復能至陳兄小老歸耶具此扎以當一面也依諸人所傳文宗當在五六月僂到吾叔坐深山習靜小境人可讀書作文所謂靜者只是隨事收歛不煩腦不束縛便能空明自在此是讀書第一大關當努前進不可少怠文字要看隆萬名作及啟禎諸大家的動筆便想一圖字輕字布格便想一活字如此眼中目中着實數月即日飛向青霄壓倒元白吾叔才學並佳了此何月巖集 卷四 尺牘 三十一 蔡溪藏板 難勿徒鬱鬱歲時也此憤

管西坪先生行述

先府君西坪先生以庚申六月某日終於正寢維時不孝孤榕等捨地呼天五內迸裂分以禽息殘喘從先府君於地下念無以慰家慈景父而又以先府君生平學問文章與夫孝友端方廉讓之節雖時見稱於當世大人君子而厄於仕宦不得盡展其底蘊恐遂汨沒無考於後是重榕等不孝之罪今莖有日矣荒迷之餘敢披淚濡墨謹述府君梗概以爲志傳誄銘籍府君姓管氏諱學源字西坪先世系本寧都帶源後更徙盱之南豐宗七公復由南豐渡井徙臨川之奇塘里居焉是爲臨川人代有仕宦照耀乘誌傳十七世至高祖考

詒授懷遠將軍諱祿字仁我公生子二長先曾祖考

詒授驍騎將軍諱天祥字方旭公生子三長先祖考
原任陝西寧州知州

詒授奉直大夫諱鉅字維洪號竹溪公叔祖諱銓字

仲衡公叔祖諱鉉字亮宣公皆府君叔父也先

祖考竹溪公生子五人長卽府君

誥贈宜人先祖妣傅太君出也叔父侯選教諭太學

生諱學淳候選州同知諱學泳皆

誥封宜人熊太君出也諱學漢陳孺人出也府君生

而聰慧仁厚狀貌魁偉襁褓中已有食牛之氣

時曾祖考方旭公任賴前營遊擊府君生賴署

中曾祖考一見奇愛之卽與

誥封夫人曾祖妣羅太君言曰他日大吾宗者必是

月報集

卷四 行述

三二 蔡溪藏板

兒也甫二歲而祖妣傅太君見背一切調護保

卹起居飲食撫摩鞠育恩勤倍至五歲入家塾

日誦千言如流水師見其穎敏大爲嗟異有李

于麟塾師避席之意數月方旭公陞任涿州副

府而祖考竹溪公亦出宰廣東之高要而載方

旭公卒於官祖考丁艱回籍服闋繼娶熊太君

於無爲州府君時年纔十齡耳心旣痛傅太君

早逝不及事逮熊太君至則依依膝下如生母

熊太君視之亦如已出無纖毫間假竹溪公補

令淮安之清河府君年十一隨任讀書定省之

暇奮厲刻苦年十五六凡九經史傳及宋大儒

諸書靡不通究作爲文章駿備發越率以先輩

大家爲宗淮安同寅諸公素號名宿者與府君

語上下今古纍纍如貫珠莫不交譽府君爲佳

公子而賀竹溪公爲有後東安縣令許公同文

遂締姻好歲甲戌家慈許太君歸凡百動作稟

命唯謹家庭之間雍睦嚴肅人以爲伯鸞德曜

復見焉於時竹溪公以羅太夫人居不及待

月報集

卷四 行述

三三 蔡溪藏板

奉朝夕亟迎至署中府君出入懇慕如童時飲

食起居必恭必慎曰吾母之卒也吾未離襁褓

而拊吾者祖母也今祖母年高而幸至署中得

蚤夜顧視吾願足矣以故竹溪公雖周慎不懈

得其懽心而府君尤惓惓孺慕勿衰者以此未

匝歲而羅太夫人以年老歸里越二歲還得病

枯疾報至竹溪公怛然失色卽命府君與家慈

代侍飲食醫藥晝夜不少息而羅太夫人亦歡

然忘沈疴之在其體也蓋府君天性孝友雖讀

書作文爲制舉業而於古忠臣孝子節婦義士
自許云云據前詳實中上下一篇精神處、
進退廉讓之際必反復考究精玩而力行之故
既足舒竹溪公遠顧之憂而仲衡公亮宣公亦
信其服勤之力其生平行事家庭內外以孝友
爲則多此類已而竹溪公以材能屢膺督撫范
公傅公宋公薦剡遂奉

特旨擢陞陝西寧州州守府君聞報瞿然曰陝寧僻

在西陲地遠而苦寒如此我輩家居甘鮮自奉

而父母跋涉勞瘁吾爲人子寧安耶今幸太夫

月嚴集

卷四行述

三四蔡溪藏板

人疾少間吾且送二尊人抵寧視其動履起居

卽反而奉吾太祖母不亦可乎遂告以欲往之

故羅太夫人亟止之曰汝於汝父母孝矣雖然

出入無方臣之制也且古有叱馭羊腸者小子

讀書而未之聞耶况汝父年僅四十正爲

國効力之時汝母亦生長北地苦寒非所虞也慎

無往以貽我慮且汝遠出必妨考試功業樹立

正汝父所日夜焦勞而望汝者也於是府君遂

一意功名讀書課藝窮幽探賸超然畦徑之外

觀風季考亦必以五經詩賦應之自督撫下逮

藩臬監司皆蒙獎拔郡侯張公閻公邑侯王公

趙公並嘖嘖稱道不置曰竹溪先生有子矣竹

溪公聞之亦大稱意且以爲吾家千里駒蹀躞

騁騰指顧可俟未一載而羅太夫人棄世計音

至寧州竹溪公匍匐返舍喪殮畢二叔祖仲衡

公亮宣公以家口殷繁請分爨府君爲方旭公

冢孫應另給產以貽之府君固辭不可竹溪公

聞而嘆曰古人有不求溫飽者孺子其可教也

月嚴集

卷四行述

三五蔡溪藏板

既而竹溪公爲羅太夫人卜塋地冒暑往返動

經旬日憂悲勞悴庚辰夏服闕將入京補選而

暑病忽作不數日遂捐賔客府君仰天捫胸哀

痛幾絕親友見者皆爲掩涕曰君哀毀如此殆

將滅性咸勸以熊太君尙在諸弟尙未冠當勉

力節哀以承先志府君不得已揮涕飲泣殯

塋祭皆中禮法居喪言不妄發足不踰門闕唯

以訓課諸叔父爲競競歲丙戌學憲楊念亭先

生歲試臨川府君以五經大見推許遂補縣學

弟子胥謂之次深加欵接居然有國士之目更授以所著詩文稿各一帙其後楊公還京師書札往來相問不絕其獨知之契與徐天池見知薛公何異自是而諸叔父克自樹立騰聲蜚聲要皆府君振起之力也辛卯歲大比房考弋陽鄒公閱府君卷已入彀以額滿落第其批云文情幽雋氣局舒泰公爲惋惜者久之甲午以後文尙藻麗府君降意摹倣不失尺寸辛酉遺卷歸大主考王公批其卷云縱橫中饒有風致惜三莖不稱同學諸公莫不爲之咨嘆府君喟然曰吾讀書作文做數十年精力場屋文字已三易轍方覲一第少展平生且以慰吾先考與吾母及諸老先生期待之意而困頓偃蹇如方枘投圓鑿中無有入時豈目迷五色冥冥中真有所不可解者耶因誦艾東鄉先生古貨今難售剗羊亦無益之句以自笑咤然府君雖顛蹶而意氣不少衰嘗奮袂自念曰吾志卽不展使得提衡一郡一邑之文以標的天下猶足快吾風

志辛丑奉部候選教諭雖寒糴冷局不足撓其所蓄而所謂提衡一郡一邑之文以標式當世者固將耐其願矣歲已酉猶應試不懈居家率取古今人文字評次甲乙以訓誨不孝輩且曰學之所貴者行也行不足以物身雖麗如春華爛如雲錦徒供人口實耳楊雄劉歆文非不工也而君子或鄙之史稱周勃厚重少文然卒安劉氏馬文淵亦有伯高季良之誠然則古人之所貴者豈專在文哉夫靜以養心正以持已勤以志學儉以惜福廉以御財敦厚以待骨肉慎重以擇交游安分守己以一窮達上思祖父締造之艱下顧子孫世守之重此數者居身接物之珍一有少差餘不足觀矣汝輩勉之戰戰慄慄日慎一日勿以爲易而自恣勿以爲難而自阻日用飲食居處動息凜之在心敬誠無忽此府君之言府君之行也媿不孝輩奮勵未能耳猶憶某歲叔父學漢犯血症不起府君大慟曰悲夫庶母一子不能待老汝婦年少而汝遽殞

素歲月遙遙痛將何極不月餘幸遺腹生一子
榑府君始欣然喜曰五弟有後矣非先人種德
深厚何以及此歲戊戌熊太君以人口日多綜
理艱辛遂請仲衡公亮宣公計家五股均分之
府君自懼榑弟年幼少有失足後悔不逮於是
爲之量出入經久遠一切瑣屑細務無不自府
君擘畫者比長卽附之家塾視如已子每言子
姪之成敗天也爲父兄者必多方造就使成其
材況吾家城市中令恣其所爲卽墮墮庸有底
耶至今榑弟稍克自立不至隕越先型者府君
維持之力居多辛丑歲叔祖亮宣公既逝叔學
汪年七歲凡百家政日與仲衡公及諸叔父各
爲分理約束寒暑不避嘗晝夜執燭徃反不憚
勞苦叔稍長勸勉勗勵與課不孝輩無以異數
年來叔頗能繼紹府君猶殷殷訓督不自懈
今閭巷相稱傳爲家庭美談而府君初不以自
多也分爨二十餘年衣食不求美脩而居心寬
裕絕無求贏之意患難窮乏所富恤者輒慷慨

月數集

卷四 行述

三八 祭榑藏板

無憾容其奉熊太君也飲食必豐盛衣服必輕
煖先意承志唯恐失之太君嘗曰我心所欲未
啟口而卽至吾兒何揣摩如是然得母以吾故
過費耶蓋太君雅不欲傷物力而府君則不敢
以親故自儉也癸卯後太君年益高氣血日耗
諸病交作參苓芪朮八九年中無虛日辛亥祖
妣奄弃哀痛執禮祔棺祔身敬慎詳重如服祖
考之喪焉昔薛包薦行隱之純固史傳所稱咸
極推美府君方之不啻敵也府君生平足不履
公署雖郡縣太夫素見尊禮詩文往還之外未
嘗干以私往年學憲沈公傳公以府君文章品
行爲當世推仰皆舉優行高等前後學博陶公
周公熊公黃公交以孝廉方正薦縣中相慶以
爲得人而府君益遜避固諫不赴曰
朝廷大典豈菲薄所能堪乎歲丁未學憲李公視學
吾撫不孝榕年十七自宜黃抵家風雪被體困
憊甚猶力疾應試出場後奄奄不知人衆醫無
敢下藥者時叔學溥往會城繼娶孺人某氏前

月數集

卷四 行述

三九 祭榑藏板

一月叔祖母偕家慈上省往迤是時一切湯藥不假婢僕夜寒漏永府君衣不解帶一月有餘又慮不孝內不自安輒曲爲引諭俾之暢適嗚呼不孝回念往日病時宛宛如昨每日觸緒肝腸寸斷矣歲癸丑不孝榕舉一子北煩頗穎異府君愛之甚寢食必俱常口授古詩卽能覆誦丁巳府君壽六十一時名公鉅卿錦章王軸稱觴上壽北煩已能拜跪成禮賓親見者盡爲嘆譽府君喜動顏色後十日竟得疾不起府君哀痛沈迫哭聲所至聞者望淚轉恐不孝憂鬱隱傷遂廣集親友助爲開慰嗚呼府君之慈愛仁厚曲護隱恤如此詩云欲報深恩昊天罔極不孝卽剗肉剔髓寧足酬高厚於萬一耶府君素無大恙亦未嘗輕近洴藥數年覺精神動作漸不如昔肌肉亦漸銷減不孝輩私心驚異始稍稍以參朮進而府君初不以介意也已未五月大病突作越兩月始能行立至冬飲食起居已如平時榕深以爲慶幸庚申三月清明拜奠祖

月叢集

卷四 行述

四十一 蔡溪藏板

月叢集

卷四 行述

四十二 蔡溪藏板

先墳墓往來跋涉屢錄無艱瘁色六月有同學友現任日講官起居注提督四譯館太常寺少卿余雙池先生將入都叙別府君從容談笑日午縷縷不倦明晨往候歸家猶以讀書立品諄諄提命不已其舉止安暇更有十倍往昔者不孝等竊謂菽水致養尙可及時孰知格言在耳丰采如故不數日而溘然長逝嗚呼痛哉夫樹欲靜而風不息子欲養而親不逮禽息餘生視顏人世故敢祖述府君學問文章孝友端方正直之概以告當世大人君子與垂採聽焉

祭余太史母紀太夫人

代註明府

結構較前篇特變

嗚呼衆萬之生。廻薄紛綸其高視萬物。蓋不在乎百年之壽。而恒重乎千載之名。而其難能而可貴者。又不獨在鬚眉之男子。而尤重乎閨閣之芳聲。粵稽太夫人之生也。婉婉特達。知識昭瑩。母女依倚。崎嶇辛苦。當寇難之方亟也。已能料事變於倉猝。而脫禍患於六齡。及其歸於太翁也。和柔淑慎。寬大敦誠。敬修婦職。承薦蘋蘩。奉上使下。動著典刑。雖道韞之揆藻。月影集。卷四 祭文 四三 蔡溪藏板。成之之女。誠有不足擬其芳躅者。宜乎慶比河魴。配笑周姬。掩彤管而流馨。故能誕育太史。雄文大筆。青芝朱英。晉登鰲禁。人直承明。其聲流於當世者。璀璨昭燦。煌然若麗天之日星。天下學士大夫。名公鉅卿。挹太史之清芬者。莫不翹企感嘆。仰盛德之所陶。嗚呼太夫人。父家不造。單子孤寡。卒能相夫勗子。於光顯碩大而奉父建祀。以申其罔極之情。此尤足以徵太夫人無窮之美。而爲千百世女士之法程。嗚呼太夫人往矣。恩綸疊錫。模範愈新。某也薄宦茲

土采風宜。城悲懿德之淪喪。企女師之純粹。敬奠一觴。敢告幽冥。

集

卷四 祭文

四三 蔡溪藏板

祭邑侯某公文

結構整齊

嗚呼吁嗟我侯德厚材長被服經史膠轄天章掣鯨
碧海文譽日彰渤澥一躍遂舉於鄉來尹吾臨署我
宜黃小心翼翼仁聞洋洋大吏嘉之屢申薦揚孰則
兀焉不騫而翔臨汝之邑古稱巨邦地大物豐政繁
事麗我侯理之琴書自將蕭然一室白日羲皇維我
宜邑亦稱劇疆如烹小鮮訟者自降嗚呼賢侯今孰
可方方擬高足嘶風遠驤夫何德星倏爾掩芒兩邑
月最集 卷四 祭文 四六 蔡溪藏板
猗猗奔走徬徨惠愛雖留昔客則亡嗚呼自余宦歸
一接休光言笑猶昔形神尚強日月未幾計音來庭
里巷輟春士夫憾傷駟馬仰秣白雲低昂存沒有數
名則愈芳燕貽令子翩翩琳瑯仁者有後按武廟堂
夫何憾哉歆此椒漿

祭錦山 師尊文

嗚呼先生才高行全廉退靜默守雌知元雖蒞治於
學署者一十有七載而寒風淒雨把卷長吟於蒼煙
翠栢之間者蕭然無異於林泉嗚呼先生俗日以靡
行日以愆假廉炫能役知逐羶唯先生之好修而自
足今不外飾以自賢渾太朴之未散今年日高而益
堅視頽波之流浪而不返兮何膏乎青冥之與重淵
誠濁河之一砥兮夫豈文字之衰衰抑錦山之嵯峨兮
瞻震峯之不騫溯先生之高蹈兮洵別具乎其天方
月最集 卷四 祭文 四七 蔡溪藏板
遠邁乎鄭谷之雄麗兮又何邈夫安定之知仁白日
忽其西匿兮慨厚霧之漫漫哀哲人之既萎兮嗟逝
者之如川聆音響而逾寂兮欲傲傲而惘然伸仰止
於一薦兮與精靈之盤桓

祭劉師尊文

嗚呼。人之所以自貴於天地者。立品焉而已矣。品立則於已爲無忝於人。爲有益。居官居鄉。各有所建。以遊於遠古。渾穆之天。其有關於世教。隆替豈淺鮮哉。某翁大護法之司鐸於吾宜也。清超絕俗。其於世味。醞郁沉酣。聲利者。一切皆棄不事。獨於暑前高柳古栢之間。日手一卷。與古人相爲往還。逮乎曦輪西匿。月生池上。緩步紆徐。蕭然自得。若無所別期於人世者。若夫小窻微雨。暑氣初驕。則孝先腹笥坦卧繩牀。作故園夢。思與嗚呼。此真所謂吏而隱者耶。天先生之風之高。卽去宜十載。猶令人生景慕之心。而况精魄初淪。紫旄啟路。而有不成威者耶。嗚呼。先生行矣。捧茗一奠。不勝嘆息。其有知也耶。抑或翩然下降。而一歆享耶。嗚呼。哀哉。尙享。

祭歐陽際斯親家文

對知交語悲咽特深

茫茫大塊。衆萬紛卑。自古則然。盛衰平陂。憶昔與君抗懷孤詣。君目炯炯。神骨英異。作爲文章。蘭茝翡翠。必騁高衢。以伸厥志。予處窮廬。獨排俗弊。旣嗇於時。覆視多媿。君獨不然。悲咤欣慰。窮達有時。爾不終滯。夫何蹇拙。竟艱一試。君更奇阨。隱約無際。如彼冥冥。恒陰不霽。如彼飛鳥。未翔折翅。坎壈摧藏。憔悴年歲。氣鬱意銷。神滅身蹶。嗚呼痛哉。君有令子。大開上驥。奮步康莊。萬里立致。胡君不留。溘然長逝。嗚呼。癸哉。黃泉無路。玉匣長閑。若木早垂。幾駕忽墜。控馭末由。揮戈奚自。音響猶聞。形骨終微。嗚呼已矣。幽冥迥隔。生死分離。寸心多負。俯仰曷置。盡此一觴。快填胸臆。

祭吳嫺家

嗚呼先生胡遽而逝仁厚之衷方直之氣抱朴黜華
莫窺其際守而兼剝善述善繼某與先生相尙唯義
曩者予女葛蘿是施迨乎既亡悲不復至唯於試時
得一把袂談諧永久歷久弗替先生妙年高文深詣
笑彼聲牙薄茲堆砌作爲文章鯨鏗春麗小試舉旗
棘幃則滯文憎命達千古同喟嗟乎先生殆是之謂
在昔年饑平價協濟人賴以安物蒙其利功而弗有
迄超其類使假以權州邑獨寄將其所施何可數計
唯嗇其遇是以賁志夫何去年冬月之季忽遽異疾
某來診視心知其然禁不敢喙獨於私室憂悲出涕
告歸未幾計音卽至嗚呼子山有言人間何世日暮
途遠良朋忽棄每一興懷當食哽噎歲序代遷寒暑
顛異春草復萌精魂何地傾茲一觴聊摅素積尙事

月巖集

卷四 祭文

五十一 祭吳嫺家

祭某先生文

曲禮

嗚呼盛衰榮悴之故可勝嘆哉某未及中年而閱世
甚淺然而交遊故舊始相過從而忽哭其死者不可
數計中夜撫心未嘗不爲之泣下沾襟淚淫淫而不
可止也況於世篤友誼朝夕握手素爲某輩之儀型
而忽焉而喪且喪焉而遂不覺其時序之遷者其痛
切哀悼固不待言而盛衰榮悴造物之於人抑何其
太甚也先生與先君子交最密某嘗侍先君子側見
先生沉靜端凝精神清爽而瀟灑風流迥出塵埃未
嘗不心焉計之以爲風塵中何遽有此人及先君既
沒不鄙凡陋遠相晨夕河東精舍款語徘徊或彈琴
嘯歌或尊酒論文或烹茗角藝先生又善于草書興
酣落筆如龍蛇飛舞墨汁淋漓間亦喜爲丹青卒然
而作皆有高致某嘗私心竊計以爲先生高材學博
竟不能博一弟子員其輻軻潦倒較之唐伯虎徐文
長一公爲尤甚伯虎竟以削籍投身荒寺流落悲詫
文長則竟以狂死而先生處之泰然若絕無不得者

月巖集

卷四 祭文

五十一 祭吳嫺家

其德器視二公遠矣宜其靜默之氣長生久視而不
謂天奪之速也先生死時前數日猶在某齋中疾雖
甚而精神不減某猶以為未遽至此也及疾革抵家
某猶以為天於斯人必有默相之者亦未料其至于
是也而乃遽至于此嗚呼天其可問聖夫以某輩世
交之切與予弟承誨之久過從之密而決無是想之
中忽然有此此非先生之不幸而某輩之大不幸也
嗚呼先生往矣琴尊安在話言安在河東之館落月
虛星而先生之文之詩之書與丹青且與唐徐二公
月嚴集卷四祭文五三蔡溪藏板
其傳不朽後世之寶而愛之者其亦如今日之於唐
徐二公而先生固已不死而先生亦可以無恨矣嗟
夫寒暑易逝日月屢遷某自秋不見忽已冬徂跪奠
一觴先生于冥冥之中亦尚知有某輩痛悼之無既
者耶嗚呼哀哉尚享

祭某孺人文代

陳情處可涕

嗚呼人之於故舊之人苟非親暱當屬續之際則哀
而悲之往不復留耳而至于骨肉所常隱切之人則
往往悲號嘆息於數十年之後而猶不能已若吾外
祖母某太孺人者致足感也太孺人之和惠柔嘉上
事下撫子姓森列福祚隆厚嫺戚族黨之人咸知之
而某之所以尤痛者則有百倍於常情者蓋太孺人
有弟某先生者篤愛之而於婿則尤愛先君先君與
月嚴集卷四祭文五三蔡溪藏板
太孺人弟某先生尤至焉時某粗知書先生即絕器
之謂可以騰聲膠庠其與太孺人之望某者無以異
也數世以來某既偃蹇不自振先君暨先母相繼逝
而某先生者亦隨沒某不勝悲號以為太孺人於三
人者皆愛之而又親見其死槁項黃髮精魂不寐某
既遭此奇痛更往來慰藉以稍舒其哀抑且與得一
當以為太孺人歡慶殊謂某之偃蹇如故而太孺人
竟溘然長逝乎始既不獲奮振於三人俱存之時終
又不獲一名于太孺人在堂之日此某于太孺人之

沒喟然有無窮之痛也。尊酒薄奠，跪陳几筵，靈其有知。尙悲某言尙亨。

月巖集

卷四 祭文

五四 蔡溪藏板



祭陳太母某孺人代

專言季若是生色法

嗚呼寶水之濱，巴山之陽，元氣磅礴，鬱積廻翔，陳爲舊家，夫人發祥，三桂聯枝，俊發昂藏，季尤挺秀，白眉之良，雄文耀彩，高薦於鄉閭，里榮之爲母之慶，某與幼君道誼相將，遂託絲蘿，情好愈篤，某年之秋，拜母於堂，華髮儼如，壽考康強，方興自今，瞻侍久長，夫何予兒倏歸北邙，某於此時，心瘁目荒，遙遙季君遠宦河坊，向北翹首，倍切悲傷，不謂夫人遽爾云亡，逝既數月，始聞傳言，疾不及侍，殮不及沐，某也寡昧，空爲友朋，每一長嘆，中情惻傷，杳杳冥途，寂寂幽房，蕙芝頓委，婺星流光，載拜陳詞，涕淚其滂。

月巖集

卷四 祭文

五五 蔡溪藏板

祭某孺人文代

墓騷而得其神

緊侍母之周貞兮蘭芷幽而有芳草直比而非伍兮
氣恬夷以徜徉稟厚德于氤氲兮散靈趣于珪璋齊
乃心于琬琰兮志晶熒而不任固天道之有藉兮亦
人事之相將嗟茲薦與女蘿兮施于栢而不臧於侍
母之在堂兮獨捐欲以自藏竊訓誨于深幃兮語純
粹而有方踵先母之婉婉兮嗣戎旦之勛勩相待翁
于弗替兮指孟女以爲防夫何美而不悉兮亦何行
月巖集 卷四 祭文 五十一 蔡溪藏板

而不莊喜異樹之羣挺兮蘭芽燦而焜煌護之若已
出兮廓保愛之相當直太和之蘊蘊身嬰際而不妨
何昊天之不弔兮羌獨遭茲罹殃患四祀之重寢兮
聿一旦而皓魄西行棘人往而無由兮空號呼于穹
蒼思語言之容與兮情沉抑而不揚嗟眷屬于枝之
末兮愧卑微之不量侍母陟降于上下兮陳里語以
自彰訢壺儀之茂密兮心沸熱其若湯酌椒酒以前
陳兮靈嫺嫺其來嘗

代祭吳廷卿嫺翁

悠悠大鈞厥初生人氤氲糾錯瀰漫無垠初何擇焉
爲屈與伸數有不值乃厄其身於維我翁革僞守眞
早失所怙圖書呬呬抽黃僂白春花錦茵僉謂青雲
舉足可臻誰其沮之莫摧而屯小試幕府布袍魚巾
揮毫落紙如嚙露珍當事嗟嘆肅我嘉賓君有令子
逸兄絕塵受學於余藻思日新庶其竝之威鳳翔麟
吁翁不留遠爾遐征憶昔翁來貌朴詞闊今夏過我
笑言愈親始不自覺乃爲別因時有術者謂歲在辰
月巖集 卷四 祭文 五十二 蔡溪藏板

余實不然彼人何憑悠悠者天其驗竟信嗚呼我翁
資材沉淪嗣子有述豈曰連屯歲華已晏几筵前陳
濁醪一奠撫案淚頻

祭熊進士祖某文

無一語及進士何也

嗚呼善人君子之生於世天固將使之爲一世矜式其大者德著天下聲聞四裔其次韜光晦迹猶足爲一鄉一邑表儀令後之子弟咸則而象之以留人心於不死則天之生善人君子豈偶然哉予與公相處久辱公知愛特深公生平仁厚溫雅接人未嘗有疾言遽色而秉性公直人皆悅服少孤事母孺人孝溫清定省朝夕不息公沒之日行路聞者莫不稱嘆頌月巖集 卷四 祭文 五八 蔡溪藏板

美以爲善人君子宜長留於世使爲惡者得以銷其桀驁梟驚之心而後生子弟有所矜式得不至於流蕩乃公竟駕虬龍騎箕尾而翩然長逝彼蒼之意果何爲哉雖然公生有善行沒有令名而其子若孫英偉特達行將輝煌廊廟以顯報公之盛德而其行將上以聞于薦紳大夫使天下昭明世世不墜則公亦可以無憾矣今公之塋也於發剏之期耶具薄奠已之痛曷其有已公其有知其鑒予言

祭某文代

四時代謝惟春及秋喜往悲來疇能強留奈惟某翁壯歲好修雄視鄉閭實歸望收環堵之宮以優以悠琴尊在几肥瘠時差惠風自南杖策遨遊石麟入夢燕翼貽謀桂榮崇岡蘭蒲臯邱胡爲一病百藥莫瘳牀第呻吟風霜慘愁渺與世辭三島十洲哀生里巷悲感同傷嗚呼鑑池尙在城郭空憂愴惻喟嘆問天曷酌哀風起兮雪霜稠白日墜兮水東流揮魯戈兮難速唯猿聲兮啾啾

月巖集

卷四

祭文

五九

蔡溪藏板

祭某文 代

筆筆轉筆筆靈

嗚呼吾婿其竟死也耶自吾女之歸至今曾幾何時其聲音笑貌忠信朴直愷惻和易世固難有其人而今竟死也耶嗚呼人莫不有一死或壽考焉而死或顯聞焉而死二者無矣然猶或有嗣續者以爲之繼其死猶未悲也嗚呼吾婿其可死也耶而竟死也耶嗚呼痛哉寒江盈盈寒岬截截朔風朝號嚴冰夜結歲聿暮矣五情憤熱薄奠一觴肝腸寸絕嗚呼哀哉

月殿集

卷四 祭文

六十一 蔡漢藏板

尚享

祭某文 代

達觀之言轉覺可痛具此手腕故不必以韻

爲工

嗚呼余嘗博觀古昔名人書籍紀傳叙其平昔交遊之雅過從之密至于老死零落之際未嘗不掩卷歔噓嘆息泣下以爲人之於世若草木之花然當其始也含葩采而弗擢吐苞蕊而未分包乾體坤真凝神結亦何異乎嬰孩之笑語渾乎天機之粹溫也及其中也舒英華之陸離發芳馨于濃鮮或綽約而含笑或婉妙而爭妍人趨于側蝶舞其前亦何異乎人之乘時奮發交遊隆盛而羣奉以周旋也及其終也彫謝摧落磨滅飄零空枝禿而無色天風起而墜英蜂飛飛而前去人低徊以思吟亦何異乎人之既沒而親舊嫺嫺咨嗟太息涕下而沾襟也自古在昔盛衰倚伏之際莫不如此余之所以流覽載籍掩卷嘆息而繼以泣也嗚呼若吾嫺翁者固足感矣翁材力沉毅忠信慈仁其于交遊親戚之間情深而誼篤古之所謂慷慨然諾不遺故舊者翁其有焉而余以嫺親

月殿集

卷四 祭文

六十二 蔡漢藏板

之誼過從之雅垂廿年其可愛可慕者固非獨如草木之華之云而卒其所以徂謝者竟何異焉然則人之於世雖有美材高行見稱于衆而俯仰之間倏然變滅物耶人耶均出一致其奈之何哉此余于翁之沒而喟然悽惋傷悼之無已也翁爲人既忠謹其後將日大繩繩繼繼起而昌翁之德者夫豈有涯量是則余之所以爲翁慰而翁亦可自慰也尙享

月巖集

卷四 祭文

六二 祭侯藏板



祭某文 代作

俱用互說

嗚呼天之生賢哲也將以履安天下霖雨萬物使一世之匹夫匹婦無不被潤澤而大豐美而後足以盡乎天之所以生賢哲之意而後足以副乎天下後世蒼赤仰慕謳思之心而位不稱德道不遍時此蓋氣化之有所止而亦一世之人之福有所限也侯以名賢科來署吾宜未及半載而仁聲洋溢徧於遐邇且幸邑有神君庶幾其長庇吾民乎而且以授臨川告及之臨而化行俗美風清弊絕又有出於署宜之表者吾儕小民既不得日沐大化呼號涕洟然以謂臨雖遠而疆理連接聲教所被猶得時承波流以自親邇嗚呼孰謂我侯之既去宜而蒞臨者之亦止此乎且以侯之賢哲不得大被其澤於天下而竟以一邑厄其遇乎噫天之不可必如斯也吾儕小民雖欲日承馨歆而今不可得矣嗚呼向者祿位崇祀僧道祈祝誕生之日猶得與臨之人捧觴伏謁於汝水之上回憶此時惓念今日寥寥長夜邈不可即雖侯之騎

月巖集

卷四 祭文

六三 祭侯藏板

箕尾歸止天無復有悲覺之情而二境之人亦將何
以爲心耶。匍匐增前頓首捧奠愿侯一顧鑒此哀言。

月巖集

卷四 祭文

六四 秦溪藏板



合祭某文 代

嗚呼山川鍾秀薦生人豪彩筆凌庚澈玉昆明之花
琅書灑西摘珠上苑之春圭璧其躬金石其性彥方
以栢貞松茂之姿而彈琴春酒安石以風流文物之
彥而起鰲東山盱衡往昔俯觀今茲如二先生者殆
其人與夔翁先生秀發名族少負宏才爲東山之英
妙作鳳閣之杞梓既肆力於載籍復聲振乎詞壇仲
翁先生士子楷範儒林翹楚榮膺章服思出楓宸俱
以雄才之英邁出江山之秀所謂文瀾翻海綺微
同學成爲山秦華齊峙金萱欣茂堂開畫錦之文蘭
桂羅生人仰王氏之盛白麟赤鳳嗣天祿以馳聲黃
帽青袍偕泮宮以騰實賓客盡衣冠之雅鄉閭樂待
哺之仁真多士之俊英爲雅壇之領袖不謂昆玉相
繼捐館玉莖忽召淹喪文風何天之降詞善人一至
斯乎今者執紼與悲徒增切怛賀蘭吹笛風送邊秋
義士薤歌聲淒春日望華胥以鬱哀痛嵩丘之不返
其爲悼嘆當復何極今幸世德作求人文濟美則先
生雖往亦足以含笑於泉臺矣某誼均聲氣又忝姻

煙爰陳薄莫聊以寫憂先生有知其肯余言尚享

月殿集

卷四

祭文

六六

祭某翁文

大氣鼓鐘

嗚呼士之卓越一時者當其少年懷抱利器即有不
可一世之思迨夫名噪儒林學士大夫皆為俯首降
志若青萍湛盧光芒騰射不可逼視而其入亦自以
其雄深之分間值之奇謂功名可立就紆青拖紫冠
冕清華尋常指顧間耳即至齒年將邁而追風掣電
之概未嘗以青雲路梗白雪知希遂并挫抑戶牖者
嗚呼何其志之雄也翁弱冠試童子名籍籍都邑中
已有干霄拔地之勢既而列膠庠餽廩祿與諸士攘
臂奮袂於舉場之中方歆伯陽之儔當亟登之天闕
脩千里之用不謂垂老頭白青衫一頂年年如草是
也嗚呼悲哉翁生平誠慤周慎鄉里稱為長者今之
沒也閭巷族屬咸咨嗟涕洟謂天既塞之遇又奪之
速使吾輩無所式矜俛俛乎欲髣髴其容貌親近其
教誨邈不可得其為感嘆尚何言哉嗚呼悲哉翁有
令嗣二人皆岐嶷挺立天葩鴻羽不久飛越獨惜翁
有材而數奇有德而隨逝而某之四子又翁之姪僭
也其眷戀悲切溯翁疇昔而瞻望之無從省比吾儕

月殿集

卷四

祭文

六六

輦痛尤甚焉輻車既駕幽宮將閉蕭蕭白楊一冥不
視其能已於言耶嗚呼哀哉尚享

月錄集

卷四 祭文

六八 祭蔡漢藏板

祭龍泉寺遇問上人

禪氣

嗚呼大化紛綸磅礴滂人生其間有如播殖或苗
不秀或秀不實又如洪波崩奔傾激物在水中平陂
莫必乍直而逃或倚而窒忽然而遇之中道而厄自古
如此伊誰能力嗚呼吾師星飛電疾胡遽至此天乎
孔亟維某數人志尚幽逸行歌水濱徙倚巖壁竹塢
花嶼流連永日遂與吾師往來稠密偕憩雲岑共披
蒙幕恣覽奇峯仰視雲翼悠然心開或語或默各有
所會至忘寢食師性骯髒體果銳貌惕梵宮之東獨創
巨室惟力是竭囊空弗卹志遠晷促道廣運甯當歲
之暮長夜忽即哀我人斯神魂愴惻嗚呼吾師蹈履
真率日月不居星霜頓易隻屨西歸聲饗久寂惟師
有徒從容閒適雅懷高咏動不踰則足繼師後師復
何憶萬緣本空死生若一妄置戚欣愚者之惑維此
歲首元旦之吉偕上瓣香稽首樂國嗚呼哀哉尚享

祭龍泉過問師

嗚呼日月跳丸驚歲華之易逝星霜易軌嘆人命之難期顧白楊之蕭蕭淚添河曲望北邙之纍纍恨積山阿惟師去於何從嗟駒隙而莫及吾宗秀發空見悲於杜陵禪境神開實見崇於鮑照水名八德林號三珠枝頭西東不下元裝之戒學無南北盡演神秀之藏信人天之拱模立禪閣之寶範而且大營新宇獨創琳宮壯麗雄深依稀鷲峯之嶺頓珠貝玉頓成一柱之奇方謂決志精修大啟宗門之鑰抑亦用專月嚴集

卷四 祭文 七十 蔡溪藏板

神力重開寶殿之規何意杯渡東林忽來絳節之召鶴駕西返遂乖青春之心共哀不了之緣輒抑未盡之志嗚呼雲山足樂胸無神州之塵盛德難留祗餘莊蝶之夢敢將玉茗遙仰慈容尙享

代劉世兄祭父發紼文

維某年某月某日吾父以監試不幸卒於臨川之舟次維時不孝某一人侍側號泣呼天無所告籲某日次弟某始至官署祭奠成禮將扶柩返於故鄉嗚呼痛哉父官冷局曾幾何年慈帟莫聞家隔遠天生來死歸恰也何言今其返矣復我廬田魂其偕來無滯宜川澹澹白雲淒淒寒煙撫棺一慟氣結煩冤

月嚴集

卷四 祭文

七二 蔡溪藏板

月巖集卷五

宜黃 周禮 情耕 著

受業 歐陽鳳翔西 劉學虞唐德

藍石塢先生鑒定

男 驥衛孫萬鵬較字

詩賦

四言

春郊頌有序 公諱永錫字我彭盛京奉天府開原縣人

一序絕類兩都

月巖集

卷五詩

蔡襄藏板

乾隆四年春正月 太府劉太宗師命駕巡

視屬邑問民疾苦阜聚將以宣

皇化課吏治風學校勞畊毗省方覽俗以暢厥仁

思遂行部至宜於時青氣直震斗杓指寅律

中大簇之飾占繫進良之文事勸相之令典

稽農桑之樂利五馬郊行阡陌塵靜隼旗風

迴塵車徐動津生楊柳之枝昔綠文秀之石

日麗景明風和露潤父老子弟瞻雲旌望覲

旒欣然如坐襁褓中徐徐于于各自適於覆

載之內也維時東作方興惠澤洋溢德化所

寔謳吟遍野夫漁陽之歌兩岐垂美魏都之

咏舍哺是思後漢東觀歷有紀述蓋碩膚赤

馬象德容於萬年敬帝甘棠寄歌思於一木

千歲而下猶景芳烈矧夫挹德輝於當躬被

教澤於親炙者哉禮不揆鄙拙妄學操觚極

知淺陋蕪詞無當高深之境巴里下曲難摹

赤漢之光惟切愛戴之誠用摠積素之忱謹

再拜稽首而獻頌曰

月巖集

卷五詩

蔡襄藏板

氣厚神渾味永此為真陶不是聲音笑貌

霧。鸞。時。雲。湛。湛。層。霄。

八字寫出太和景象

五馬戾止薄言春郊

春郊伊何春露實多散以惠風煦以陽和百昌欣欣

萬象森羅頭連山如玦卓望有裁零露東墮崢嶸

嶠岳孕雲吐霧澍雨喻忽維公需澤嶺雲齊烈一亦

有巨石是名後魏昂首奮鬣屹踞水渚如水遵而東

漾瀾洄澍維公礪俗赤手障之衆流涓涓融為奔

川崩騰北注下成澹淵蛟螭鼉黿蝦蟇鱗鱗孕育變

化鼓舞便娟維公覆冒涵濡生全三公命振鐸將啟

東作招搖圓指水田漠漠土膏初動耕夫紛鉚黃髮
垂髫怡然目樂誰實汝牧安此耕鑿四公來稅駕于
棠之下風日熹明雞犬閒暇以閒暇說井邑可數墟
煙農夜如遊義皇政清年豐村歌唱和斗酒雞豚洽
茲媚姪澹澹川流浩浩元化語大人遊羲皇物無虞
詐誰實汝貽樂茲廬舍五公有文章蟬珠琳瑯瑞世
又人光溢縹緗士子化之適我周行挹其緒論飲其
餘芳黜彼月露執此典常正身飭行被濯齋莊六公
先大夫秉憲西江願叩叩如圭如璋遺思令聞到
月數集

卷五詩

三 蔡氏藏板

今不忘七公來治撫總前來公總祖武紘誦徧徵譚
思懋化工付物各得其所祝公萬年鼎台霖雨作
爲此頌庶式終古

贈楊明府代

丹崖萬仞青松千尋根盤厚地枝垂遠陰遠陰伊何
鬱蔥高岑宜此惠和揚彼好音四德在衣三鱣映金
長源洪樺泮騰幽森一段蒼老之氣如龍既試我宜
盱豐再臨訟庭晝空鳴鶴在林河陽種花單父鳴琴
比德方駕荆壁南金緬維盛軌岳峙淵深龍泉夜月

鳳嶺崎嶇或持杖屨或叶微吟飲以八德錫以球琳
邁矣龍文悠哉素心騰踏飛鸞丹桂甘霖

贈楊明府

詩本三百四言則并其體貌而存之往往愈
似而愈可厭然畢竟求其不似亦非要在旨
遠味長耳如此詩前三章說不得是漢魏以

下人語

出何高商太行王屋何深深濟清河濁大氣毓英
孕奇嵯峨澗澗

卷五詩

四 蔡氏藏板

數世清德夫子齊之累葉鼎白夫子後之今河之南
音歸以西今河之南音歸以西新之至然不害其爲古

發矍斗邑盤錯斯顯聲績既昭分符攝篆汝水雲棲

棠蔭勿剪

惟余小子風濫吹噓畧我驢黃憫我鹽車猶然伏檻
仰秣次且

有懷明發卜擇嘉休束芻下賁光被靈丘曷以報稱
錫類宣猷

祝吳母黃氏伯母壽

南山之樹高柯千尋其根維深其葉繁陰

南山之樹其光沃若璀璨煌煌含英吐萼其萼維何

文采孔多華琚織翠珮玉瑳瑳

煌煌發星有遠其耀色正芒寒維德之邵

琴瑟調矣婦德昭矣中饋貞吉令聞遙矣蘭芽秀茁

永無凋矣

華歲方屯日月始旦朱明昭融履茲華誕笙歌具舉

賓延舊譜受寵天朝永增遐算

五言古

角嚴集

卷五

五

蔡氏藏板

過野豐梅潭渡

摹寫入細絕似少陵

山行緣山蹊口頭何幾嶮高嶺匝天青雲樹畫

明滅崎嶇陟絕巘迴旋入蟻蛭行行出村墟刻我僕

力已竭問津湖梅潭平川足怕悅東岸障長江石壁

如積鐵俯視深黑處絳絳何鱗列石罅迸小泉青蔓

互間設是時日正西光烟下昭徹丹行圖畫中奇麗

轉眩譎乃知天地大創造事殊絕以創造說到岸久

徘徊心醉焉得說嗟余鞅塵催碌碌空自傷得境暫

流連肩輿又挈挈何時解煩囂重來謝牽掣

夢題石壁

習靜空山裏無人白晝閒欹枕蟬聲亂對月素光寒

噴清

壽徐明府代熊鳳宜兄作熊以丹青受知

幽燕古名都控壓東南脊起勢西山何熊熊灩水中

滹沱丹青中此間王氣鍾英賢實挺燦聖人遵前

軌俊髦多所宅我公甫下車清風滿阡陌政簡訟自

清才大事無劇無才人優游文史場嘯歌永朝夕小

子顧何人塞拙多落魄幸為聖世民與衆衆休澤

浪得丹青名聲價懸文籍從容賜覽觀從容覽觀四

訣溢美增踴躍仲秋正華誕草木生欣懽內顧無所

將里辭撫素積衆萬晞陽春祇賤諒不隔

責晚桂

一責也愛之憐之原之望之無不曲盡

桂生吾廬西秋香苦不早自汝稱弱時列植相扶好

手甕沃清泉組命儻潔洒掃晨夕共摩挲頗謂不草

草得失寸心知耳粗心去秋始一花珍重若瓊實今

春枝更繁。日色映遠道。云何霜已零。坐令秋光老。昔

我抱拙性。常懷泉石病。遠觀高化原。何等胸次獨喜幽居

靜。策短無所逢。知艱固惟命。語達甚望爾凌冬。案芳香

足互映。孰意黃花繁。枝頭猶未盛。昨者八月初。隣花

紛已競。一轉瞬出。波瀾大。緊惟主人窮。汝亦乖時令。以下忽為問答。

語曲盡物理。人事之妙。坐久嗚促織。如聞花哨息。蓮幕有定在

天工。非人力。君深變化情。如何貴物失。人事若秋蓬。

五侯榮倏忽。天光燦春陽。溪梅媚冬。卜洪鈞。寧有違

廷。同。一。實。為唐憲。藉語。芳華晚更奇。何用過相責。

月餘集。卷五詩。七。蔡漢卿韻。

青青陵上松。結根一何高。枝幹鬱崔嵬。連山走波瀾。

津力洶洶響幽壑。落落厲孤操。歲久形神古。百怪紛

潛逃。我師振清標。風向在江皋。黑業斷慧劍。塵世等

鴻毛。妙鮮無生理。心逸神不勞。如陵萬仞山。絕橫

雲璈。如涉大海濶。曾不事艤舸。個中得在昔若壽昌。

聲名動時髦。緇素遵繩軌。猿猴薦澗。老樹來。歸。楓。葉。

碧霄脫塵縲。吟咏竹石間。長嘯迴林樾。只今六十年。

風味寒瓊。骨方兒熱真香。詩卷兼繼袍。兼繼袍。蕭然。

自天放伐。濯盡沈澗。君看千齡鶴。太虛任遊遨。

寄歐陽二兄時讀東坡黃州寒食之作遂用其

韻

山鳥傍山飛。看鳥飛入網。展交。交鳴不已。似欲求其曹。暮向

空山裏。致。金風生橘柚。玉露凝蕭葦。感此動遠懷。把

筆一伸紙。我有素心人。咫尺逾千里。望遠徒爾為。秋

林暮煙起。言懷舍。蓄語。

龍泉寺僧德雲二十初度

我友冰雪姿。未此耽禪寂。來從觀公游。負笈飛枯錫。

月餘集。卷五詩。八。蔡漢卿韻。

好道窮內典。泛觀及史籍。頗欲入鍾王。聞李更涉歷。

馳驚意未已。況此二其十。丘而慧。智公與杯度。清風兩

推激。丁巳仲冬廿有五。日雨滯星村。漫書即壁。

仲冬天氣暄。澍雨如春時。羣山煙靄積。恍惚擁蛟螭。

短簾無停溜。屐齒沒。沒齒字。細膩。深泥。悞作遠遊人。歲晏

空羈遲。往羞阿堵物。今成誰所貽。出門望前山。宿霧

天低垂。雨脚既未絕。夢魂勞遠思。逝將理舊業。刷羽

振天池。此語。無為苦道路。長使智者嘆。

廿六日，星村聞雷，二十六日間書法

吞吐處能令人思

積雨漲溪流，宿霧騰未已。夜忽掣金蛇，震霆驚百里。
晨起長老言，仲冬何太爾。非時數雷鳴，或恐乖物理。
且為歲功憂，農桑詎全美。何字或字且字詎余顧謂
長老，聖明方恭已，歲澤淪肌膚，輕徭洽遠邇，豈唯
區憂寡，殊方歌樂只借聞。此風可相似
子月陽初萌，奮動羣陰靡至仁，必剛斷。二華說盡齊治大道理
所適唯一軌，寰宇饒太和，豐稔從茲始。長老但嬉遊，
月巖集卷五詩
但字妙化工非所擬

星村喜晴

北風霰雪零，冷金卧紫縮。五更夢忽回，華星見破屋。
精人之曙光，入清暉，烟可掬。下床急被衣，天宇淨如
沐。鳴鳥寒不歸，居人聲已屬。并寫出人歲暮在遠方

耶此破學意清迥

壽汪明府

講雲鵬四川成都府新都縣人

英賢不世出，五百應昌期。景運方休隆，萬生舉與伊。
天子起龍門，岷峨實鍾奇。簪纓論家世，孝德嬌庠詩。

弱歲挾天藻，一舉捷棘闈。名聲從茲大，不脛而自馳。
枳棘豈鸞栖，巾車來我宜。訟庭聞琴聲，暇晷方圖基。
偉哉龐士元，瑣瑣安足施。賤子構櫟質，謬膺特達知。
被我以文繡，揚我以鼓旗。每謁輒獎借，慙喜生然疑。
得妙五字拙顧惟大君子，不可阿所私。唯當勉植立，匪石
終不移。憶昔嶽降辰，謳歌滿四達。禮也旅父老，再拜
前捧卮。今忽隔河梁，身遠神奮飛。遙於蓬蒿間，仰致
岡陵辭。何以駕傾塌，三台色正輝。

劉先生鄉飲

月巖集

卷五詩

十

蔡溪藏板

周代崇三老，漢家式五更。燦燦珪璋姿，蔚為盛世宜。
先生南山倚，超然宜水涯。雅度懷箕穎，高風揖呂申。
龍媒無凡種，定趾盡嶙峋。抱璞甘自晦，實大豈終淪。
一朝被薦章，聲名動紫宸。冠服殊禮數，州縣竭趨迎。
下堂管新宮，升歌間鹿鳴。斯典何煌煌，萬舞昔在庭。
天子興乞言，公卿為饌珍。光彩生里巷，才俊承後塵。
卓哉竊俗模，頑懦翕更新。緬懷謝太傅，尚想東海濱。
薄暮城闕望，佳氣日氛氲。

答弘紀上人 有序

惠書及詩春容流逸不謂吾兄進步至此真

一快也弟碌碌人間無它異能今羈栖在此

五字包括無限迴視兄與家叔桂立優游自適正如

樊中之鳥視雲翻耳雖欲聯翼翱翔不可得

也覽佳作耶泚筆裁答胸中塵積幸無笑其

俗也翻說俗妙

東方有奇鳥文彩光陸離側瞻注丹霄奇氣在目前留帶

未能飛且當養毛羽耶為一枝栖顧見雙白鶴脫然

無所羈春芹葉正茂芳草亦萋萋飲啄隨所適飛鳴

月餘集

卷五詩

十一

蔡侯藏板

增忘機笑謂汝奇鳥為樂當及時好音向我前如欲

相攜持念此不能寐中夜起支廟十字有不能對人說之虞不得不說

光景會當凌萬里鼓翼刷天池

壽龍泉寺弘紀師三十初度

大道底形骸五字挾出宗旨三昧西方啟橐籥高言拯羣愚萍

浪本何著本字妙神家業障正弘公出世姿不受外

物縛機忘海上翁秀出林中鶴猶苦詩興濃未厭惠

休作燈下窺古編月中步郊郭得句遂盈囊放歌振

林薄論詩至言我生嶽崎人所事動落魄頗遭俗眼笑抗

懷獨醉醉乃知摩尼珠朗照無邊角邊角字生而新祇今三

十年高鶩向寥廓年學浪優華驥馬入京洛妙令浪仙不能

味置

辛酉夏六月八日與同輩避暑龍泉寺得東坡

集中有和水官詩其書為間公立本遺墨詩

蒼古勃律如遊崩崖遠谷間酒然不知暑氣

之被體也讀此方知高人心快讀數過遂依中眼中別有天地

韻和之

此詩蒼勁而勃律如老幹扶疎盤根錯節

月餘集

卷五詩

十一

蔡侯藏板

屈指虬龍

長夏住龍泉赤龍飛炎天正晝苦焦灼翻思掉江舡

解衣憑水際俯身睇重淵高岸蔭檉柳深穴探蛟鼉

汎然不繫舟浩歌魚龍翻凌空設想逸興遙情忽見水官詩奇

妙雙青鬟似詭羅纖悉幽香發藻蓮有如王會圖鮒

戰龍戎繪影在昔關公筆偉特揚旂旄若颶風

駛勇如李老拳下視人間世耶同蟻與鯨匪獨貴有

唐米李未或樂蘇公間世英詞源倒九川想當下手

時縱橫駭紫煙縱橫駭着在紫煙上捫星排閭闔虎

豹踞天關，月窟鉤奇，秘精采發遺編，至今書在眼安。
問歲與年，我行遍山林，遇此良已難，酒然寒侵骨，如
逢無心禪，續貂愧昔美，廣之同人前。

杪春同席君達才遊古雲菴

昔人謂窮者而後工詩，大凡窮者，不但窮於
已之潦倒無聊，描寫得盡淋漓之致，凡山川
草木，登臨遊覽之處，所遇類多窮境，皆足以
發其幽思，逞其孤詣，若福澤之人，先見不到，
如何說得出，然則窮亦彼蒼之所靳耶。

月巖集

卷五詩

主

雲菴藏板

雲雨豁初晴，四顧無城郭，詩筆連袂緣山原，經行春
潦濕，古雲渺何在，宿霧尚蒙翳，遙看樹深處，深入無
一犬吠復匿，老僧出寺迎，短衣纔過膝，老杜刻小屋
三兩閒爐煙，久閒寂苔莓積，字法砌石道水半淅
不見昔樓臺，唯聞空翠滴，小苑笑春風，四顧饒叢棘
因思，別有太古世草昧多昏墨，如遊太老死不往來
所事動湮塞，十二萬年後，陳迹多淪燬，即此悟真空
誰復窺相色，歸路月光微，草虫聲唧唧，妙境夢中
讀李元長遊古雲菴之作，明然感懷，依韻奉和

兼勗我後人代

鴻濛啟元秘，人事無畛域，四運迭相代，熖熖有流濕。
楚繁此古道場，倏忽草蒙叢，先人既已往，景晦光淪。
匪皆聞長老言，豈直此密勝，崔巍出象表，經聲夜未
寂，四周高垣墉，石綴堅不泐，松篁垂濃陰，青翠如猗
滴，細不謂百年內，俯仰生荆棘，誰謂此昭昭，詎能終
墨墨，新宇編蓬茅，舊製久湮塞，徒使過者嘆斯理，未
遽熄否極，必復傾剝終，有起色循覽，李公詩一吟，一
唧唧。

月巖集

卷五詩

古

雲菴藏板

石碧登眺

石闕冠天宮，逶迤一徑通，登臨超法象，睇聽出鴻濛。
元氣何盤礴，高煙自鬱葱，詩筆銜百谷，偃糾折萬流，詩筆
揮寫暢快何嘗不工，不罷然，詩筆直視浩無際，靜觀慮愈
非六朝人語矣，所爭在氣，空恍疑白象至，如見彩鸞狎翠蓋，飛遙嶺雨花汎遠。
叢琅琅聞帝語，獵獵跨長虹，鹿躬當年事，胸披此日
同詩篇，虞老重翰墨，漢陽工凝眺，稽前蹟，延思倚古
桐，天階今已是，何必溯靈霞。

其二

石路一溪入危峰萬疊生。泉源緣谷轉。壑霧逐人行。
綠逐二字說 祖席何時建。靈山此日照。花薨依絕巘。
泉霧有情 木檻倚高藤。恍見彩虹色。遙看天漢橫。徘徊視層壁。
風曲上 嶠嶠聲 大法涵有象。太虛真無名。參差遠岫
出。溜曉暗泉驚。靡靡餘瓊草。霏霏雜杜蘅。眺聽俱已
寂。神機湛若清。登臨中寔 箭鏃人何處。鹿羣世幾更。
千年石壁在。登躡駐名英。咸慨無限

詩 明府

青青縣圃松。直上彩雲端。高幹騰蒼龍。勁條鬱蛟螭。
月巖集 卷五 詩 圭 藻 侯 義 載
千齡色逾茂。玉隨凝青鵠。夫子棟梁材。挺立何桓桓。
志獲東山謝。名高北斗韓。一旦山城來。赤手障狂瀾。
藻鑑儼玉尺。清襟照冰盤。官場中難 方當晉鈞軸。萬
姓以治安。寧爲枳棘栖。敷澤千里間。涼秋正九月。清
署啟賓筵。頌禱遍耆老。謳歌洽市廛。並捧金罍酒。共
賡百祿篇。小子何以獻。莊周有大年。俗

嘲一峯道人

昔人製此局。三百六十都。道得 縱橫設戰守。方圓殊
敬學。習義從此開。愚蒙入正覺。古老悟入微。遲回神

紫莫。此即伯牙鼓琴精神寂寞意也。凡一技之長。到
入微處。必遲回索莫。方能深得真解。况一味粗
疎如何。東坡到匡廬。深院閉虛閣。不聞林鳥鳴。但聞
鐘得書。聲落境。靜。以此久流連策杖。有餘樂。夫何末俗人。猥
狎較強弱。一局了未終。謾罵震林薄。鬢髮皓如銀。意
氣妄矜踴。安知橘中趣。携留伴松鶴。

壽郡侯劉太母李老夫人

酒坐俱無誼。宿生中說無誼 賤子請一言。且勿羨金
丹。且勿羨瀝沆。承露事渺邈。金丹空聞方。何如五馬
來。清風壽高堂。清風爲壽佳極 於鑠劉夫子。忠誠貫嚴廊。端

月巖集

卷五 詩

末

藻 侯 義 載

父麗經術子政良。往者典河陂。禹功何煌煌。今
來蒞撫郡。飲水起癢癢。子弟服教澤。父老樂畊桑。不
見厲鷹隼。但聞歌鸞鳳。四野翁同聲。民悅爲無疆。側
聞卿大夫。孝養自民昉。以茲事夫人。和氣迺千祥。斯
理古所然。於今驗其常。奚用構奇術。撫膺希渺茫。仲
冬日長至。一陽已暗升。值斯懋悅晨。生意在潛藏。休
嘉逐時至。景福與日長。寒谷變春律。陰崖暘光晉。
天同一祝庶。葉發鮮芳再。拜前致辭。善積有餘慶。
臨汝傅君聖涯偕 鐵山先生過訪不值兼貺

短章作此奉答

東方有靈鳥，呼侶共翱翔。怒翮搏青冥，寥廓不可望。
二句形忽爾飲奇異，翻飛集短牆。五彩爛朝暉，妙音
客得出清且揚。文儀何偉然，所積詎可量。嗟余軼塵俗，咫尺
違清光。荆榛諒不留，翩翩復故疆。延頸長太息，撫膺
空徬徨。尋聲尋聲寄所思，遐契在軒唐。高情

贈珩江某

盱水名勝地，賢豪聿挺生。丹霞與章山，霄漢元崢嶸。
傑磅礴元氣積，特達蘊神明。蘊神明江君彼都彥，年
句月嚴集卷五詩七葉

少何英英，行比和氏貴。鑑徹玉壺瑩，甫自嶽隆無。
乃茲山精，君家禹錫翁。文字浩縱橫，東封數千言。唯
燦若華星，同芳追前軌。古今詎異名，初夏草木長。園
林多流鶯，青荷貼水綠。荇藻目圓紫，點吸點吸軒軒高軒
過，錫鏘玉珮鳴。忘懷飲永晝，洗竿話生平。元鶴非凡
翼，紫鳳有奇聲。大鵬騫萬仞，連用連用元鶴紫鳳看君作
國楨

輓熊東山先生

崢嶸歲云暮，冉冉日月馳。嚴霜被野草，茂林無榮枝。

悲顧瞻增寥，落懷惻心以悲。坐想重太息，髣髴生紫
疑憶昔初，攜手慷慨吐肝脾。萊子侍慈顏，荆樹相映
前。壯志凌九州，清酒過等夷。襟期西漢準繩斧，晉魏
隨指麾。清言雜相如之深，達曙意忘疲。風韻何飭然，
素襟絕惟疑。邇來士習乖，所趨益以卑。氣骨爭脆弱，
文字多痺痿。謂得如公輩，足可砥一時。夫何一朝逝，
重泉局金芝。結綠韜光彩，照夜永淪迷。石床丹竈冷，
山陽野笛遲。凄風起蕙帳，素月淡房帷。撫棺未及幾，
倏爾歲華移。千春萬歲名，空存亦奚爲。慨當念此感

月嚴集

卷五詩

七

葉

贈吳上英從軍

聖王撫九有，文武秉衡鈞。兼採無偏畸，駕馭必奇珍。
吾友當妙齡，日與卷軸親。抱茲不得志，慷慨學從軍。
慨二字說出撫劍一長呼駿馬聲嘶頻左手把
從軍人性情來弱右手學月輪，更令孫吳畧。觀此儒雅真，坐看萬里
鶚背翼摩蒼旻。

壽嫗家熊允中先生四十初度某適有 京都

之行兼以識別

昔年逢好友元鶴翔雲間只五字奇姿標里智簡厚

伯高賢圖史性所戀花竹志誠專跌宕詩文場璀璨

星日妍珊瑚映綺錦紫鳳翔素篇天吳夜惶或蛟螭

畫贊昏落落氣格異亭亭風骨元娟娟月映水英英

雲在天精銳驚劉歆濶大競子淵遠溯韓柳與近挹

石鳩傳日者事臨池下筆無輕善家之秘姿致擬思話

嚴重爰庭堅妄云今異古緊此豈其然定妙如彼山

有木豫章生其驚如彼水有族應龍遊其川元氣無

凋喪本傾大雅自播宣尤於行已處屋漏獨詳研茅

月最集卷五詩九孫侯藏板

蓉林宗重顧常吳王憐千里陸景懷二馮孝綽牽臨

事以義制不為欲所纏今年方四十首冬開綢筵兩

行玉樹列文采秀翩翾芝蘭茁其芽芬芳何綿綿滿

堂集詞客觴詠共留連如此羲皇人輒近安足言某

也託末契自顧徒箋箋汲古無長纓省已多內翫聊

為燕都遊川原增派汾雲山重雜隔且復酬君詩

祝君以目珍服政方強年天馬無踰伏騰躍看飛烟

雅

皇上自定一年喪制請逐奸貪兼有舉用賢材之

詒喜而有作自命何等

清晨理儼衣開窗曉朝陽一語見其有杜陵布天

字何耶寥和風泉鳥翔

天子御宸極化理日舒長元氣周四海萬彙咸榮昌

博厚之極服制定

皇衷大孝古有光既聞篤用人又言誅奸強朝綱

一以肅中外允齊莊大哉

絲綸言繼統垂無疆

月最集卷五詩廿孫侯藏板

君如鳳皇先生

人事不可料良樂倏相尋說來可涕去歲輕過別今春那

復親莊嚴唯靈席哭泣徹前楹幽明路永隔已矣復

何云

又

身沒不足悲人生當奈何翻說不悲死而古有曠達

十臨棺載舞歌聖道誠所棄賢哲共消磨為我望山

隄荒塚一何多曠達不得悲風號松栢淒雨滴女蘿荆棘

縱橫交獸禽雜呼哦遠念昔時人寧不委歸波

寄某

爲惜當年恨。今夢。爲惜今夢。到羊城。皎皎如明月。習雜方藹。秀氣襲人。照日周小史。泣露楚安陵。帳望人千里。相思。一。聲。五字警策無比。蜻蛚淒涼。隔危蟬咽。晚晴。斥鷃翼殊短。朱槿葉空榮。簷外雲來去。窓前鳥送迎。所歡終不見。即所見而言不見。結搆法密而情深。慨息傷我情。

七言古

賀吳某四十

集詩殊多賀輓。皆應酬之作。初不欲全存然

月巖集

卷五 詩

二 夢溪雜反

詠當時猶嘆飛。驚遲君今尙自抑。蓬閣世情世態目

炎涼覆雨翻雲何茫茫。而我只今行五十。兩鬢毛色

盡蒼蒼。中夜起舞唾壺缺。壁間雪花光寒芒。知君材

力獨迫出驛驕騰。踏絕超軼鹿門孟公到京華。李固

雄文不終室。贈君君當強。仕時無然長。嘯煙水窟。

歐陽克老過敝齋。出崇安孝廉邱參亭行畧見

示先生。故以孝廉舉。此得妙。遂爲賦此。

天子登極御六龍。手握明鏡洞遠空。欲悖孝悌風廉

節。僻壤遐荒搜俊傑。邱翁八閩秀氣鍾。聞說平生何

月巖集

卷五 詩

三 蔡溪雜反

叔異奇。祗目真成曠。他處居喪廬墓竟何云。中夜號

呼雲。雁。雲雁裂三行。寫得淒清。亦有二兄早淪亡。寒食無人

公斷腸。躬營窀穸深漬土。荆花望斷愁慘傷。鄉隣誼

篤親情展。待舉炊烟意何遠。高風直與古人期。介節

寧隨流俗轉。至今一天子下旌揚。翁實人龍世冠冕

近余讀書松竹居。每逢高誼神與俱。陽公樂善如六

一。句法佳。手携翁狀過我廬。展讀一再情難已。右手把

筆左把紙。奮腕疾書無次倫。爲寫翁行照青史。

偶題

窓前花發萬千枝，窓外昏鴉滿樹飛。
綠絲深處夕陽西，春光明媚有如此，且共深杯更莫遲。

蟠桃歌壽郡侯羅母蔡太夫人

崑崙之山高，嵯峨上有蟠桃生。
山阿此花結實三千年，歲根連碧海，枝穿廣離奇。
天矯來元鶴，曠蕩浩劫無凋柯。
食此實者後天老，濯滌津液發天和。
起勢超群，不羈。

太夫人五雲裏，手持綠玉餐鳳髓。
忽然粵秀發奇祥，竊窺琴瑟宜君子，穀梁家世久相承。

月夜集

卷五詩

蔡侯羅母

吾家道韞不足言，躬服繡裳却執紼。
令德自宜廣蘋繁，世慶由來毓麟趾。

大夫絳節下九霄，五馬風流歌樂只。
夫人六邑之母儀，葛覃樛木無乃是。

積陽之月華筵開，詞人頌禱謹始雷。
翠屏隱映五章服，畫閣頻催煖玉杯。

金竿飛條忽鳳管，銀箏相間發彩雲。
西下王母旌，雙成初降凌波襪。

秀麗色氣氤滿戶

庭佳氣，慈籠輝，日月日升月恒無盡時。
青鬃華容長不歇。

不歇。

送友之楚

秋風颯颯生夜涼，孤燈熒熒照草堂。
關口遊子嘆息當我傍，扼腕世事愁余腸。

自言男兒身，戴七尺壯軀，縛不得。
長句且向江湖浪為客，浪為客妙是不萬頃。

琉璃好放舟，風波遠勝人，情厄。
七字說來，況復楚中。

多勝遊羽人，逸士晞丹邱，只今傳有魏李輩。

食霞養石空，山秋。令人生山此行嘯傲煙水窟，淡宕春花與

秋月，醉枕長欹放狂歌，醒對白鷗看滅沒。
滅沒二字，盡白鷗佳。

致余今與君俱壯年，君才十倍羽毛鮮，斗酒握手且

爲樂，馮唐宜必終回遘，對君歌爲君舞，酒酣激烈振

月夜集

卷五詩

蔡侯羅母

林莽壯我輩，榮華自有時，紛紛世態安足數。

題熊君鳳宜所畫桃源圖

柴桑風骨高千古，手把籬菊傲林莽。
只說傲胸中三

代誰復知，翳翳柴門陋圭組，一犁春雨足耕農，半斗

濁醪醉庭戶，栗里便是桃花源，陌上桑麻樂倚仗，身

居晚近心黃唐，下視百代何茫茫。
陶公知已之言，跋足北窓。

忘歲月，芳草芊綿春晝長，熊子何人落筆奇，含毫拂

素意，淋漓。淋漓在意不在字墨此悠然獨與古先遊，

物象纖悉羅紛披，五百奇蹤一朝儼，耳目怡悅神猶

夷樹竹交戛平疇遠。士女嬉遊春日熹。詩亦如西吁嗟此風久已無。淵明託興誰能圖。爲君贖錢買屠蘇。手把

卷軸浮大觥。心與天遊百慮祛。

贈黃山叔平上人自註云師前任華山電紫堂

叔平上人何爲者。方丈棒喝語妙經年杖錫華山下。踏破峯

頭無數雲。幻得半點氛埃沒沾惹。去冬會我在龍泉

詩瓢雲衲何翩翩。邂逅相逢見肝膈。俊鶻直上凌寒

烟。今春又晤龍泉寺。聞道黃山已屈致。山靈喜見高

人來。元鶴夾。駢。猿。捷。驚。奇。川巖風月有主人。絕壑荒

月巖集卷五詩 走精魅。平地忽湧千頃蓮。筆華諸天畫証第一義

側聞此山近荒涼。碧瓦朱甍幾墮墜。吾師大喝昔宗

風。載鞭巨鰲鎮金地。點綴林巒現景光。神氣快看絕嶺

金碧華。神霄散吏去何年。手書石上跡宛然。自註云山路側

有石。鐫黃山九曲四。爲問近日空山裏。幾時笙鶴過

遙天。不盡

壽某七十代

全摹青蓮無應酬習氣

青鳥西飛渡弱河。毛色青青聲諧和。海枯石爛不知

幾億載。漢皇一至此重過。四坐舉杯且豪飲。側耳試

聽青鳥歌。金墉周匝百千里。上有貝闕森嵯峨。璚

席地珠簾幙。芙蓉繡褥煖紫駝。紺髮仙人坐上座。兩

行瓊珮紛婀娜。鳳笙啾啾徹空際。舞袖翩翩發微哦

微哦一曲赤霄上。天桃醉映金叵羅。賓從如雲酒如

海。仙翁一笑朱顏酡。青鳥宛轉歌未已。明星有爛東

方啟。吾聞甲子數之紀。軒黃制日殊未擬。甲子之紀

方此始。

豫章行壽余封翁

豫章之木高。蒼天垂陰百畝連。海煙風霜飽歷知幾

千。柯葉扶疎無改顏。上滋雨露根深淵。璀璨沃若何

明鮮。中有高士擇七紘。旁睨太虛傲林泉。手把參同

洞太元。人間甲子徒爾傳。忽驚青鳥來翩翩。瑤池光

氣降華筵。飛瓊執竿舞蹁躑。賓朋雜遝致瑤篇。伯子

騰身著日邊。仲季儻儻矜腹便。玉屑瓊漿慶遐年。我

歌豫章於公前。何以壽公福如川。

與觀周師話武夷山水之勝。師嘗欲與余遊歷

諸巖壑。而不果。既別作此訊之。

大地奇勝有如此。三字頓挫二十年守荒山耳。去秋

乘輿到閩疆。武夷忽落雙眼裏。碧水丹山自媚人。虹

橋壑舟非虛詭。得意須從物外遊。探奇未許心懸擬

然吾師坐說南無南。五字似述似嘲。奇妙入神。何如瓢笠水雲間。

盡驅百怪入胸臆。髣髴毛女相往還。經歷過來人語。

其二

吾師杖錫不盈咫。逢人喜說佳山水。也應揀却幻中

身。既說并又說幻妙甚。怪石奇峯數躡履。我本朱明一羽流。垢

汙怒斥塵埃裏。胸中別自貯巖壑。眼前突見三山起

月巖集卷五詩 七 蔡溪藏板

嗟此尚未出塵寰。姑從儕輩相追攀。一朝浩蕩脫羈

勒。與公攜手看青山。入悟頭語。

崇安倪康侯先生以所藏法書山水二冊見示

爲賦

雲林叔夜儔。沈寂耽避世。目空一代老煙霞。落筆雲

山自超詣。清江一笛橫。曉煙夜月孤。琴獨。挺曳。好句似仙。

古來名俊大都同。矯矯青襟誰與繼。先生抗圖从從

容。武夷峻拔奇氣鍾。瀟散風姿湖海氣。高詞人真面目。

直欲追往蹤。家富文史羅卷軸。庭院瀟瀟數竿竹。盆

中小景致有餘。致有餘妙目中。瑩間雲樹清可掬。到無頑石死水矣。

求目覺嶽塵無。看去心知幽意獨。酒後冲融韻轉佳

聯折流宕如相與。博古典無涯。法書名畫紛盈几。奇

峯老樹盡雲起。工細或如蠅翼明。青蒼半入寒。睡。髓

看得入細寫。字字龍蛇勢欲飛。紛紛金鐵。瀉。瓊。枝。蠶

尾蠶頭迷不辨。但覺四座光陸離。坐久目眩神恍惚

便若置身煙水窟。形容絕倒。乃知世外自有人。高標不隨

城市汨我行。武夷今幾時。溪光澹蕩欲忘歸。况復周

旋杖屨側耳目盡豁。神融怡。手披目注殊未已。須臾

月巖集卷五詩 七 蔡溪藏板

月出萬山裏。篇接歸來旅舍心悄然。步月行歌復

徙倚。王輞川。張長史。高風雋致在人耳。題公此卷嘆

息深。夢魂猶憶此山水。

藍二世兄遊泮

渥洼之水產俊英。追風掣電四蹄輕。竹批兩耳雙夾

鏡。相馬法。由來此物稱神明。憶昔從學向君家。年少意

氣橫無涯。頗欲遠覽窮窈窕。與羞與儕輩角尊奢。師

門授受皆微旨。手挈日月洞幽遐。如仰眾峯見蓮嶽

如涉大嶽獲靈樞。此等講學語淺人都不解道。玉泉清水頻濯

枯朽恍惚長黃芽惜余學殖多荒落有業不種蕪其
畚維時君年纔九歲長與案齊盤兩髻細入篝燈丙
夜讀春秋頃刻萬言都憶記古稱爾雅誦竅難試覆
徹尾無憊滯稍長詩文日益工蹀躞騰騫追老驥浸
尋不覺歲月深我亦漂泊隨埃塵羨君邁往今迥出
塵壺擊缺意彌新八月九月章門道桂子風高秋日
好陸機詞賦入洛時徐陵片石自傾倒置身萬仞聘
天衢看取錦標增遠耀

壽席聖作兄六十

月巖集

卷五詩

元一蔡漢藏板

看是何等氣格

吾聞嵩高之山五萬七千里乃是弱水之南縣圖之
趾中有高峯峻絕名崑崙日月相避爲刻晷此山縱
廣萬一千前當赤泉後黑水虎齒戴勝冠者誰歷劫
不毀稱阿母叶阿母侍兒許飛瓊乘風御氣下金墉
手持神漿曜耀五色寶光不定看不得云似欲從
曹水濱正覺之陽仙所息仙家畫棟玳瑁梁錦屏獸
紐爛生光仙翁餘慶集百祥九晚八幹青且芳平頭
女奴侍巾箱珠簾掩映雙明璫坐客喧呼效羽觴清

歌一曲戲紫房戲紫房遊帝鄉飛瓊顧笑舞揚揚金
桃玉李迭相將千春百歲樂未央

情史載蕉小娘佐酒事甚奇而可駭寺廊有蕉
數本青翠可愛感草木之無情嘆歲序之莫
挽况復山寺寂寥中夜寡偶殿燈一盞青螢
映壁雞聲數動膠角起愁撫事即景遂爲賦
之

是一幅美人圖

有美一人兮迴步修廊足躡文履兮指纖而長細髮

月巖集

卷五詩

年

蔡漢藏板

纔肯鬋兮耳垂明璫芙蓉作臉兮菱荷爲裳徘徊顧
盼兮目爛有光窈窕含笑兮眉遠而揚妍潔皎好兮
中情孔良美人少不得此四字欲執手兮邂逅願申言兮無方
恨不生兮毛羽空悵悵兮回徨耿中夜兮不寐徒勞
思兮摧腸嘆雙栖兮比翼永終天而翱翔

熊西苑室中戲贈家叔桂立

具此胸次當不爲五斗米折腰非妙筆不傳
吾問桂叔汝何不教書終日狂呼大笑搖鬚鬚壯而
世人但知斗粟貴汝獨何爲釜無米衣無襦桂立答

言我行木落魄笑傲石湖存太朴有子三四人

錢以散

文園園事力作時得小魚四五頭脫粟鮮顏意磅礴

燈下顧老妻妙莫為衣食啼古有於陵婦何難抗首

與彼齊是對婦亦傾吾語情節瑣細瀟灑入妙

間忍寒饑以此決意絕奔趨復何為兮瑣瑣窮躬向

里兒盡吾壯子歌此辭富貴一朝草頭露何況梁灝

晚年衣錦刺甘肥

軍峯高壽金明府 有序

只作一篇登軍峯詩讀去遂更無不入妙

月巖集

卷五詩

三

蘇軾

歲庚申秋九月二日是唯我

臣侯起翁金老夫子榮誕之辰於時功表初猷厘

星耀芒黃花啟艷於錦筵朱實載陳於服器願

茲澄潔之景大類 侯政之成茲 公於吾宜

釐弊剔奸敷和布惠雖層恭之中牟孔奮之姑

臧不能過也邑有軍峯高入霄漢與廬嶽爭雄

禮不自揣作軍峯高一篇為比次模擬之辭且

以誌 公政之美而望其霖雨於天下以請誨

焉

軍峯高何高高可傑之氣祥風拂拂聲蕭颺目下且

視不知幾億仞時見鸞鶴還往聞雲璈玉笥麻姑瑣

細不足數崩岑巖嶺獨飛千歲之猿狖後說峻絕

寰宇出寥廓頂摩日月通天曹山魑窺伏不敢出神

劍燿燿照耀川谷奔蜃蛟說來噓吸洪鈞鼓囊簫孕

育元氣發脂膏澍雨不崇朝萬物歸甄陶嘉葩燦燦

耀原濕朱實離離被岡阜栽培萬物只頃爾調和四

序直鴻毛昔聞莊周生崆峒有仙巢今見浮邱公崆

峒在赤霄見見聞說塵垢糠粃鑄堯舜餐霞飲露

月巖集

卷五詩

三

蘇軾

往帳情突兀蒼穹作梁棟時立天地伏神妖下界豈

知蒙休烈徒見日往月來終古鎮神龍軍峯高何高

壽郡侯母太夫人

羊角古稱郡名山仙靈羽聖窟其間朱草玉莎紛無

數珍禽瑞鹿時往還青城使者凌晨來手捧金卮觥

玉醅如親中山千日未為愈服此還當成嬰孩夫人

本是上元侶高擁羊城俯臨汝七章象服寵命頻富

貴神僊更誰與武夷長說昔曾孫幾回頌禱如雲屯

遙看錦幄歎呼處鬱葱佳氣滿城村

予祖庭曹山自唐迄今千有餘年中間嗣守清

規宗風猶昔康熙丙申燬於火主持者不得

其人遂一敗塗地予來龍泉漸次修葺將有

成規然一思及曹山即不勝慨痛懷慨懷念

情見乎辭代

我佛西來入中土解脫衆生離煩苦誰知吾道有盛

衰善敗由人我目覩

格言

溯昔寂公啟宇時自唐迄

今幾寒暑冊封謚號何茫茫宗風大暢映千古延及

月嚴集

卷五詩

三

蔡溪雜稿

前明觀心師重開此地作大祖殿閣崢嶸龍象新僧

舍供田盛廩庖巍巍獨振宜水間屈指經營難覩艘

大衆雲集眞峯臺經聲夜半多倚侶俯仰纔及百年

來圓祿一炬成榛莽爾時封殖尚可爲供產依然足

攜取經今忽已數十年如來露立無處所

可憐金界空

悲白露零香供徒羨青精糧田園蕩覆籽粒無破瓦

荒溪走蒼鼠我來歛跡任龍泉櫛沐支撐志起窳振

敝扶衰已有成重負山亦何補念此祖庭積垢壙

何人鐵脊荷斯舉一回憶罷一回悲滿目凄其淚如

雨

贈胡學博

重瞳神聖紹天功文章璀璨正天中玉帛肆觀輯群

瑞垂袞端珮大皇風千年蒼姬猶削竹明德之後祚

無窮徐州刺史著治績晉室清康稱第一吳興先生

啟群蒙道德文辭照四國先生繩武振英蹤雲林之

峯逾嶠岵拾青早吐白鳳詞唾珠還使驪龍匿吉州

一瓊壘坵壇高標遠致何翩翩馬君絳帳簾聲滿壁

洛驚波赤鯉竊

好句法

故園柳暗花光發一棹縱飛向

月嚴集

卷五詩

三

蔡溪雜稿

林泉林泉景色過青綠綠野堂開春酒熟坐客爭傳

梁苑吟北窓時坦邊公腹

山中佳趣

忽問月中叢桂開芳

香蒲室自天來芙蓉映日金波動翡翠鳴條幽韻迴

先生此時勝事集尊傾北海無虛日未須朱實制顏

齡且從洛社占星德

其二

黃鍾大呂之音

湛盧之劍何熊熊寶光夜透斗牛宮薛燭驚看不敢

視精氣騰越伏蛟龍往者公才稱繡虎群齡卓犖冠

羣公健筆獨扛百斛鼎詞源欲挫萬人鋒衛國學成
終麟閣元成投筆竟膚功龍媒展足動千里鎖闥一
試遂高狝丈夫意氣多磊落學素餐甘肥濃邊庭
百年渾無事且向林下披清風蘭芽日並春陽茂玉
桂人輝秋露叢隱隱蒼聲度林樾泠泠琴韻間疎鐘
丰標自遠人世外種德寧隨流俗同乃知大材無隱
晦武平夙昔有芳蹤

壽基

彩婺輝輝映遠天

彩鷺冉冉下長煙

語目笙鶴時聞風雅

月巖集

卷五詩

臺

蔡漢藏板

空中響飛瓊恍惚降華筵賓客擎杯壽阿母共祝阿
母壽千古婦德無過是三從况有兕卽繩祖武風度
翩翩似曲江文彩慈情邁鸚鵡丹詔當從日下來畫
錦應作斑斕舞吾聞昔有曹大家著述喧騰匹兩都
不信深閨多賢哲鹿岡又見頌名姝

五言律

送羅九霞先生上京謁選

林薄已秋聲清征車事遠程晚蟬咽岸柳新月逐行
旌把酒不成醉因風生別情懸知霖雨望寧爲此邦

紫

過曹六書堂

別業里東偏經營近自然經營中說榻橫雙樹影檻
倚一塘烟橫影倚烟常境中樵唱因風入溪聲雜雨
傳琴樽相對語是處可忘年

晚至東慶寺贈別德雲師

寺小徑猶曲翁字妙有不當曲而曲者口深足轉疲數竿修竹裏

一飯晚鐘時源別久情逾昵思新去欲遲息機今未

得把筆更裁詩

月巖集

卷五詩

臺

蔡漢藏板

東慶寺逢觀周師

昔結龍泉契今來此地逢彌踈雲物外閒寂小庭中
語往多堪噫証心可是同坐談不覺久曙色早瞳矐
落第後復過會城舟中偶遇一僧云失其師意

將有他適臨別有贈

浪跡江湖上俱爲失意人各懷千里志共希一舟身
此處更不作悲飛錫侵霜冷裂荷補衲頻前途休悵
恨鷗鷺好相親

七言律

癸丑三月三日便道訪家叔桂立不通時與

三子偕出遐眺久之慨然成詠

高齋閒寂靜無瑕，漠漠春陰風柳斜。靜境鶴去庭閒

餘几楊柳餘字妙几楊之客來境迫飽煙霞飽字說舞

零自是饒幽興，修袂應知傍水涯。全題日暮欲歸思

未已會須重問武陵花。

甲寅三月便道復訪桂立家叔

去年此地漫題詩，今日來過復此時。不向韶光嗟老

大，且隨風物豁襟期。隔窓小鳥如相識，拂檻新枝

已漸移。為後字妙握手相逢成一笑，臨歧猶目更遲

遲。

無題效溫庭筠

十載依稀記昔遊，那知華髮鬢邊稠。玉容尚帶深春

色，金脫空看此日愁。一笑相逢真個好，乍來無語祇

增憂。情飽中對卿幾許傷心事。木葉蕭蕭下暮秋。七

持直傷心事之下合蓋

輓鉛山某二首代李觀二先生作

事去人亡響尚留，寒山寥泲不勝愁。那堪舊舊悲風

笛獨向遙天泣，酒樓昔日論交左。伯上當年標格曲

江倚，何時元鶴歸華表。城郭人民起宿憂。

其二

文章是不到金華，風格超超却大家。二語相為婉宕貢入明

廷餘琬琰，山埋玉骨怨騶駟。鸞湖嶺上千春業，積翠

峯頭五色花。回首昔年歌嘯地，一林斜日叫寒鴉。

寄吳亦師

蓬萊山下駕雲車，青鳥飛飛傍曉霞。綺閣開筵稱上

壽，疎窓映月迥仙家。杯傳玉燕凌空舞，醉入金塘着

帽斜。緩帶輕裘何足問，一尊情酒泛靈槎。

其二

笙歌何處繞塵梁，共道吳家進壽觴。珠履三千紛劍

珮，金缸萬點照華堂。窺窓玉女傳丹火，侍側妖童引

趣長。爲想此中真上咏，武皇何事構仙方。

其三

七十容顏却未衰，先生何處養丹來。胸紆十萬范公

策，心契千年絳縣才。漢室安豐真異事，習家別館自

清裁。由來仁壽多天春，南極星輝接鼎台。自註云時學校家廟

俱爲督監工料
故有安費二句

送邑侯于明府歸金壇 侯丁母夫人憂去

驪歌漸處起征塵，花縣長留草木春。百里壯懷非夏
日，千峯高聳覺秋旻。州文章自足追先烈，經術還須
勤北宸。歸去莫將哀毀性，寧與蒼赤待陶甄。

送別邑侯汪明府 公丁母太夫人憂解任

歸鞭一道出黃溪，遙望雲山路轉迷。兩載署宜嗟薄
宦，一行作吏爲然疑。二語有感慨有稱天邊捧檄何

月餘集 卷五詩 荒 蔡溪藏板
下招魂，口凄芳草王孫如可待。爲將書信

到幽栖

輓邑侯梁明府太翁先生二首

五丈台星一夜飄，宜陽草樹色蕭條。文成經濟人何
在，名噪詞壇聲未消。明府祇今哀曉月，縣人空自泣
清宵。遠看素旐翩躚處，落日悲風轉寂寥。

其二

萬里長空落日昏，北邙蕭瑟竟誰論。青山徧葬英雄
骨，白日難招魂魄。千古傷賦就難堪推國手，庭聞
鯉訓仰高昆。試看夜半烏啼後，一城頭血淚渾。

壽應進士母夫人

紫誥雲帔爛錦霞，武陵深處是仙家。天桃掩映日初
上，花杏參差風欲斜。莫倚元珪稱俊傑，須知仲郢邁
嵩華。舉杯笑受千春祝，河上青蓮今正賒。

壽汪明府母徐太夫人八十四首

日麗琴堂絢綵霞，人人爭看列仙家。蓬萊苑上多瓊
液，縣圃宮前見六珈。內府剛承錦五色，玉堦長喜草
三花。開筵正值天桃飽，王母春秋端未涯。

其二

月餘集 卷五詩 卑 蔡溪藏板
威鳳山頭夢女明，夫人長此醉昇平。瑶池桃發紅千

葉，弱浦蒲香綠幾榮。饒吹不聞驚未老，句琴聲終動

酒方醒。堂前笑舞持觴客，共見春風滿縣城。自註云

夫人封一品夫人

其三

夙昔深藏未啟扉，曾從戎務識兵機。南州舊望推名
族，西蜀今傳秉懿徽。建節威聲齊海嶽，撫綏歌處燦
珠璣。敢持春酒介眉壽，八百春秋願不違。自註云夫

西金谿遷四
川新都縣

其四

城中佳氣日霏微，萬戶羣瞻舞萊衣。八十丹顏頭未白，九重紫詰日還歸。崑邱桃實爭先進，瑤圃瓊漿傍曉飛。欲倩青鳥遂聖母，白雲翔處是耶非。好調

武夷山

萬壑千巖勢盡迴。只七字已寫完武夷。全身尤妙在一迴字。欽崇橫蹙峽猿哀，山危欲落歌還任。碧澗涵虛隱復開。歌還任隱。復開。琴寫。盡時見斷雲橫絕壁，好逢飛瀑走驚雷。快筆寫。出險境。乘風便擬虹橋去，笑飲幔亭酒一杯。

月巖集

卷五詩

蔡溪隱板

題董堯如小影

董堯如任泉州訓導。

一溪如練瀉寒光。幽致。可拘。月滿山空幽趣長。華髮不爲簪帽礙，坦懷偏與市朝忘。簪帽礙人市朝難忘。忘。市中人可訓也。花間把卷情何遠，松下裁詩興自狂。況是庭前藝九畹，藕湖

家世正芬芳

客崇安贈盱豐范君上

吾鄉李中丞見羅先生，以講學倡明萬歷之季。挺特高介，不附權璫，斥居於此。其門人督學閩中，爲買田建書院於九曲之上。兵燹年

以豪勢侵蝕殆盡，其從孫允端來武夷訟之。

官陳公至，始理其侵而歸之。時生指允端飄泊

異鄉，湖口不給。君雖以家武夷，然與生素不

識，聞其名臣支裔，又令蕙不能直生事。君遂

慨然延置其家。六載不厭，既而生病死。君爲

歛，食而瘞之。其妻至，又死。君又爲之，出以墓

其旁。一子幼，保食其田而教之藝。事奇。叙次亦生動。

嗚呼！君真可謂死生不負矣。席間聞其事，詩

以贈之。

月巖集

卷五詩

蔡溪隱板

范家高義薄雲天，范式於君定幾傳。不爲桂珠耽聞譽，直留道學覓真詮。雙魂永夜猶撫淚，一綫遺孤向在廬。快說。寄語時人評月旦，此中寧獨讓前賢。

董宜如小影

董宜如貢生。關諸孫執書夾侍。

鶴白松蒼物外居，蕭蕭髣髴髮老璫璫。雄心未覺霜蹄晚，壯志時看汗血初。陌上行歌非隱侶，閒中口授足冬餘。江都不乏天人策，擬向金門跡未疎。

又絕句二首

深竹蕉花照眼明，小窓風景日甯晴。閒來獨坐無些

事笑聽兒童誦讀聲。風韻悠然

其二

竹院風亭鶴徑涼。東山佳氣日蒼蒼。從傍試聽松陰下。似說元方與季方。

劉楚白世兄新婚

酒坐何人唱竹枝。浮羅芳氣滿幃帷。蓬萊殿裏春生枕。姑射山中雪作肌。曾說謝庭能咏絮。更聞司馬善題詩。錦標奪取尋常事。萬里橋西擁翠旗。

對雪和歐陽鳳翔

月巖集

卷五詩

聖

蔡溪藏板

一夜朔風霧氣濃。曉看山色畫華容。元冥欲避威尤烈。造化先機塞始通。且共酒杯晞日暖。揠他大地儘雷同。揠同瓊瑤碎嚼沁心骨。傾否亨屯取次窮。傳絕

輓汪明府母徐太夫人二首

年華來去若波流。驚顧人間又一秋。笙鶴已隨蓬島杳。蕙蘭空對白雲愁。雖餘彤管輝青史。可奈寒芒掩北邱。樛木風徽何處是。隴頭猿狖叫啾啾。

其二

東風依舊到園林。嘆息當年珠玉沈。四海女師傾鮑

謝數株丹桂映瓊琳。邑中子弟方承化。時兩翁宜境僅一歲

內絃歌已輟音。何物白蛺蝶能作咎。起看鸛鵲欲沾巾。賀僧壽自評云師在華山下電紫堂故有未句

一枝筇杖入青煙。坐老林臯不記年。播糗欲將松共色。開窓獨向鳥談禪。禪支願恍惚凌麗老敲句依稀似聞仙紫電於今誰復是。令人長憶華山篇。

會芳園遠眺

群峯不共此山齊。勢壓中原華嶽低。倚檻平臨出海日。開窓下指傍雲霓。峻曉光乍啟千門迤夕霧初垂

月巖集

卷五詩

聖

蔡溪藏板

萬象迷。便向丹梯探月窟。天香滿袖坐中攜。

會芳園席上奉贈席達才兄諸昆季

代

高燒銀燭唱新詞。醉爾春風金屈卮。花萼樓前風日好。機雲宅內羽毛奇。嵐光度閣流霞影。帶草當軒雜紫芝。逸情雅調俯仰高齋無限意。深杯盡夕竟亡疲。

藍偉男兄爲戶部公令嗣風藻翩翩標韻獨上

過予會芳園有作。余昔與君同學。今來握手感疇昔之話言。幸茲宵之歡華。喜而奉和不自知其言之陋也。代

梁園上客富英詞。偶過荒驛酒一卮。在昔共分雲夢色。於今獨見郢中奇。舊家作賦傳鸚鵡。新句堪凌勝肉芝。莫怪清宵晏坐久。與君相對自忘疲。與自字親切有味

過余源同席君卓人遊正覺山

往愛名山喜。暫過特携簾杖。超風和。幽懷增前古樹連雲。牖戶外鮮葩映玉莎。鶴老不知深歲月。堂空唯許宿煙蘿。許字嚴得妙此行便欲從君住。皓魄清尊任嘯歌。

奉和李穆堂長公元長登正覺山代

月巖集 卷五 詩 望 察溪廬板

玉勒金鞭此地過。荒村何意奏雲和。石泉翔激成幽響。寫景有別致寶樹青蔥照綠莎。家世已開舊節鉞。人間寧蔭古松蘿。知君咫尺朝天去。重見唐虞八伯歌。

登正覺山望余源村中

乘高一望此山岑。萬嶺參差竹樹深。與如日暖芳原明翠羽風薰廣陌。長蘭心村中稚子閒來往。林下書聲共醉吟。會是武陵開別境。人間何地得追尋。

賀饒御臣新婚有序

余友御臣兄風姿秀出。才調軼羣。面不減於

何郎。儼如傅粉。胸實等於司馬。浩若流波。茲

當嘉禮之辰。恍同仙源之會。參差嫋嫋。熊比

江上之妃。雜佩離離。身脩宋生之賦。金缸夜

永。銀漢影長。管飛葭。知是一陽鼓動。體凝

臍。腐遙疑百和裝成。並倚香肩。東海魚稱比

目。共展奩曲。西崑帶綰同心。信予美之如斯。

復天才之若此。真閨閣之僅事。齒頰為芬。寧

藻績之能工。形容都紉耶。攄長語。用寄清歌。

文章南國執爭先。夜溯星河拜洞仙。歌扇乍迴圓月

影。舞衣初逐紫槽絃。飲餘芳氣流金液。曲罷清釭映

玳筵。從此不須期弄玉。簫聲今徹彩雲邊。

輓遇問上人二首

遇公當日惠休徒。倚杖逍遙秋色孤。清絕鐵骨鍊成心

已寂。金經悟透事全無。維摩病態因何起。蟲臂天隨

任所途。遙想丰龕明月夜。一靈真性見吾吾。

其二

幻軀難任疾侵尋。病鶴那堪風雨臨。已拚百年渾是

夢也。知四十未從心。慰藉語可垂戒香奩景物餘冬色。新

閣空精生暮陰從此時時修竹裏數枝煙影氣蕭森

壽某七十代

古說從心心已從人語耐青蓮河上得相逢堂中一

老披仙鶴雲外羣真降彩虹九畹芝蘭稱國士十千

醺醺瑞人龍年來喜學長生訣水畔金盞青翠濃

邑侯金老夫子重修貫虹橋先成三甕喜而恭

賦有序

縣東門外有石橋綿亘溪上前明萬曆馮公

創爲之到今百八十年石壞將圯我侯金老

日錄集

卷五詩

學下集卷五

夫子循視上下嘆曰不亟治將重煩吾民遂

自捐俸率諸父老子弟相助理先解橋圯三

甕石爲水浸果破碎瀼爛公命必及完好方

止至與水平乃獲堅緻今年春夏之交而三

甕遂成先是人皆以山水暴漲壅木填甕上

一旦水至不可測已而水雨卒無害人皆踴

躍相慶曰此我公之德神明所默扶也某遂

因其事詩以咏之

百丈飛梁勢欲驚驚心民瘼預持危滄波虹偃當春

夏峻岸濤翻失險夷對仗中每有此等流轉之句足正填砌惡派豈有倖

思邀帝眷惟期實政答明時坡公犀帶千春蹟惠土

到今起遠思

龍泉寺東有小石巖高僅四五尺淺狹不可入

公政暇常嘯咏於此一日顧此巖嘆曰橋需石

方殷以此爲之不別費而室可成遂鳩工錐鑿

時方始事某敬視而紀其槩以見公之因事飭

材者雖小不遺如此云

大夫車駕枉龍泉瀟灑風期照昔賢喜見幽巖成選

川錄集

卷五詩

賦

學下集卷五

室笑看跨海着神鞭善因仲父今無匹標格東山世

僅傳是處何陽花似錦好留高咏入水絃

吾師藍石塢先生遠宦遼海未幾謝去粵東大

中丞王公聞其名以千金聘主粵秀書院竟

却之家居門庭蕭然嘯傲自得人莫測其故

也記曰由光輟天下而匹夫爭錙銖人之相

去誠遠哉感而有述

陶潛處士歸休日石塢先生拂袂時寵辱不驚非玩

世川巖有待欲羣麋羣字鍊得細千金遠却同塵影百代

流風實世師。爲問近時寰宇裏。幾人高卧笑軒義。

壽某母夫人

仙李盤根衆所尊。彭城勲爵更誰倫。一堂鴛鴦輝丹
陛。百道笙歌夾彩軒。道韞高才儀彤管。元常閨法並
朝暉。蓬壺見說幾清淺。千載長看世德存。

其二

陽律初回日更長。戶懸錦幌映霞觴。多男不但周侯
貴。介福自膺王母祥。五馬政成兼綵舞。萬家嵩祝樂
春陽。菁莪化澤千年在。敢旅同人上北堂。

月巖集

卷五詩

記

蔡溪藏板

王母篇

霞綃鶴髮正相鮮。玉樹冬青不記年。東月坐來金作
界。南山照見酒如泉。光分鸞舞迴銀燭。曲奏龍笙度
綺筵。恍惚瑤池王母降。天風吹下白雲篇。

早發潭坊懷熊允中兄

昨蒙驅役自嘆術業不精。多辜所託。又迫事
歸。然上老不來。亦不敢遽歸也。細雨迷漫曉
煙如織。綠葉殘紅。隱約出沒。睡情離思。交相
感觸。於是悵然有懷。遂成長句。下里巴人。不

足以塵尊。聽然相知深矣。不能默也。

誰遣肩輿破。隴煙早行寔境。睡魂猶戀枕衾前。霏霏
細雨迷村樹。歷歷寒鴉向水田。風景致堪供吟賞。軒
黃何處問真傳。離羣自覺思蕭瑟。芳草王孫悵別筵。
壽郡侯劉我彭老夫子

雄文高映斗星寒。化雨覃敷萬姓歡。一片丹心汝水
在。千年鴻業五峯蟠。聊施郢斲開興魯。共仰春風滿
杏壇。暫媿鴛鴦姿。蒙剪拂。海天佳氣望中看。

其二

月巖集

卷五詩

辛

蔡溪藏板

聖人有道正當陽。名世挺生國祚昌。霖雨預知姬呂
召。澄清寧共說龔黃。舊家勲閥垂鐘鼎。新寵恩波溢
繡裳。願祝升恒同日月。陰陰梧葉遍高岡。

五言排律

擬

御試翰林院官薰風自南來。限來字十二韻。

禁門深窈窕。暑殿絕氛埃。佳氣依時至。好風應
候來。立言有休蓬蓬滿里巷。習習入庭槐。朱戶玲瓏
透。紅蕖次第開。金波動太液。瑤草拂蓬萊。陌上

桑陰盛。閭閻鬱象回。祥禽時矯翼。錦里或遊隈。
扶杖欣黃髮。含哺笑赤孩。熙熙人自得。穰穰物
無猜。化日嫵虞操。雄風陋楚臺。爽九重。霑雨露。
三事孰鄒枚。共沐揮絃化。慙非宋玉才。

香稻啄餘鸚鵡粒

香稻遍青野。啄殘鸚鵡餘。四郊薰馥馥。九穗煥瓊瑤。
翠羽戀芳粒。嬌啗樂美糲。堯天均覆育。舜日盡敷與。
匪第百禽樂。猶欣萬戶舒。明良四六足。安阜九三儲。
富教施丹陛。圭璋毓敝廬。時變應有屬。視履竟何如。
月巖集 卷五詩 五 蔡溪集

五言絕句

盱眙道中望軍峯口占

山腰盪層雲。直視三千里。二語愈直愈古聳立太虛中。衆山
培塿耳。耳字押得跳脫有神味

東慶寺偶題

鳳凰最高處。千里暮雲寒。五字令得志人不及鷓鴣
小一枝。耶自安。此是格言不是機心

題定興寺十二景

老人峯

西土大法王。浮光滿金阶。前有龍威公。俯身受三戒。
此詩氣渾格高。不以清新見長。

棋枰山

塵埃開機關。變態如棋局。笑攜橘中仙。來往山之麓。

獬豸峯

獬豸能觸邪。秉正自物性。理語妄緣一以空。立地可證
聖。佛氏之所以不藉語言文字也

骨怛嶺

空中現寶光。四際花箇箇。水流花放頭頭是道塊。然陂陁間中。

月巖集

卷五詩

五

蔡溪集

有象王座。作點醒語妙

桃花峪

仙人種桃樹。樹密花無數。借問此中人。何如武陵浦。
是佛是仙問得使人爽然自失

望春均

春望望望春。化古語話題春花媚幽谷。好鳥有鳴聲。
香風無斷續。有無字合看說春意永

山濤閣

夾道饒古松。松聲日滿涯。夢覺枕簟涼。半天聞清嘒。

然酒

酒盜泉

削壁湧懸泉，縷縷挂木末。酒字細賦坐看天竺僧，風雷起

孟盍。

鐵崖

何年五丁鉅嶮削，如積鐵時聞獅王鳴。一聲蒼岷裂

天然橋

匡廬三石梁，千載無人度。直斷却笑秦始皇，驅石凌

煙霧。對面剖天然字妙

用嚴集

卷五詩

蔡溪張板

三昧泉

誰攜八德泉，映此三昧水。試酌寒風生，煩襟頓如洗。

現前指點可以悟道

羅漢栢

古栢有貞性，凌冬葉不易。如晤驚嶺人，苦行深鐵巷。

五字為修行人刻骨

七言絕句

題吳生為際斯兄所抄時文冊子 并序

際斯為余道吳生姿色殊絕，且出一帙曰：此

昔吳生抄也。今歷有年所矣，其字畫希微澹

遠，風神堪挹，而紙墨塵漬已成舊物，因共感

歎會之難，嘆人生之如寄。展卷再三，率爾成

詠

聞說吳郎寫此時，形儀婉約若仙姬。不知人面還猶

昔，但道年來墨已非。

遲友不至

空山閒寂鳥聲悲，一枕涼風午夢遲。淡而花外小車

猶未至。說花外說小車點綴入妙幾回腸繞夕陽時。

用嚴集

卷五詩

蔡溪張板

積雨初霽燈下讀湯玉茗詩有懷家叔桂立四

絕

高懷飭饒世情稀，海上蜻蛉傍汝飛。石壁百尋修竹

裏。想見其人此中別自透天機

其二

長說黔婁未是貧，羊裘帶索感浮身。羊裘帶索趣甚不教瓶

內無儲粟，春草湖邊自在人。神味悠然

其三

春雨飛花過短牆。佳致移情小齋風景坐來香。偶然長嘯

松篁下。獨立無人說。點狂。無人說點狂。妙俗眼。厭狂。
不能說狂。不能解狂。

其四

王荅才高詩最新華。星微綴出風塵。是玉荅就中窺。
見天機幹。絃外希聲復幾人。絃外希聲與華星。

景山園八景詩為藍飛煙作

隔岸晨鐘

藤枕繩床穩睡眠。更無塵夢擾清緣。夜來風雨初驚。
覺一點鐘聲破曉煙。破字說聲。

月巖集

卷五詩

壹

蔡溪藏板

枕畔灘聲

誰家絃索夜泠泠。環珮天風欲杳冥。別有會心海上。
成連真不遠。却教別處覓琴經。

漁舟晚唱

幾葉扁舟掉晚霞。掉晚霞。一溪煙水浸蘆花。秀歌聲斷。
處千山靜。靜字妙從。笑指前村是酒家。

月掛梅梢

讀罷窓前月欲斜。小池深處是梅花。林孤山說梅在。
深處異曲同工讀書。恍疑濯魄水壺裏。一段幽香入。

夢餘

東山湧月

三五圓時月正東。微煙輕罩一輪紅。微煙輕罩。夢。
言嵐氣多滄鬱。萬里清暉在此中。先幾見。

九曲流霞

面面夷峰似赤城。一語透。晴川倒影更分明。有時掉。
向前溪去笑聽漁歌三兩聲。

池魚鼓躍

人匪池魚樂自知。真機鼓盪更無為。要赤個裏精深。
處看取莊周濠上時。濠地。

別巖集

卷五詩

吳

蔡溪藏板

高柳推風

柳花如霰日初晴。高超之筆而。亭午陰陰興轉清。吟。
罷齋中無個事。閒看風蔓織春鶯。

為友書閨情數闕因書於後

陶公栗里著閒情。蝶亂蜂忙鶯燕驚。七字最難寫我。
亦解顏為書此。逢人萬莫示昭明。莫示昭明四字較。
字語更厚意更刻。語矣。

武夷道中口占為藍與度戲贈小伶惟賢

玉女峯頭明夜月。大王巖下猿聲裂。時看楓葉滿山紅。無人知是啼鵲血。無人知終是。真係心處。

題董天工平川八景

椅峯前峙

檻外椅峯似翠屏。雨餘山色更青青。莫言一簣功難累。策對天人有答型。從前峙字想出。昔型來微遠。

白塔遙瞻

孤峯凝碧入青霄。萬仞煙嵐一室邀。邀字說。煙嵐生。夜半月明憑檻坐。高人行。却疑嶺度璫簫。

月巖集

卷五詩

壬 蔡溪藏板

七賢迴拱

七賢老去草芊芊。草芊芊忽為。憑吊之語。衆嶺迴環揖遠天。清酒聚語。亦太新然不。

妙拱猶恐夜闌相聚語。

筆架聳臨

三山海上雨溟濛。光氣騰冲四望濃。維澤壯浪非大。歷以後人語。

西樓觀榜

樓外諸峯渾欲似。好將綵筆放當中。三字趣甚。朴甚雅甚。

此題更不雅馴詩自雅馴

虎榜題名未足奇。烏衣巷裏直遊嬉。君看鸞禁爭標處。樂氏庭前三四兒。自註云。樂史四子。皆成進士有名。

鑑池賞蓮

初夏芙渠映水紅。可亭亭淨植。一池中。問君何事無泥滓。只是靈明一竅通。俗人問一荅。

黃岡霞氣

賸色鹵蹄叫暮鴉。羣山灼灼拂流霞。笑看碧落今如許。姤殺桃源一洞花。清新妙語。不覺說破。古今才子佳人心事。

夾岸溪聲

月巖集

卷五詩

壬 蔡溪藏板

院外溪聲若鼓琴。淒清翔激響球琳。聖朝闕下多才子。忽言聖朝闕下。或以好寫高山流水音。為泛余謂亦屬不碍。

珠藏於淵

火齊深隱在流泉。瑞滯人寰媚滿川。神物由來無火汨。看隨罔象出重淵。

七夕夜歐陽二兄過舍席間與內兄登第共說

炎涼反復不休口占謔之

年年織女渡河梁。望斷牽牛水一方。薦席只期今夜樂。那知人世說滄桑。譏刺不覺。

寄弘紀上人

禁煙之期。山花爛熳。踏青之日。蛱蝶紛飛。如

此良宵。正宜暢叙。於是竟夕清談。連床達曙。

根極明理。玉屑霏霏。悟透塵踪。金鐘寂寂。一

語樂哉。斯夕情何能已。今且筍輿遠適。別恨

滿懷。南浦白雲。不勝山川之感。東風花雨。奚

堪。睽隔之思。語多情故佳。聊寄短章。用伸離索。

寂寂禪關。鎖法衣。鐘聲斷處。一燈微明。朝竟入煙嵐。

去獨向齋頭看落暉。不食人間煙火氣

月巖集

卷五詩

五

蔡溪藏板

贈別李桂元兄代

一曲高歌唱渭城。輕烟細雨不勝情。溪邊厭見千條

柳。惱亂行人是蚤鶯。與鶯何干

其二

艷舞嬌歌對綺筵。錦衾乍冷不成眠。午字妙自是不

成眠。朝來畏聽驪駒曲。况值春寒風雨天。此則怨天

以怨

贈古雲庵僧二絕

水複山重一徑通。山重之妙全在重復。白雲深鎖殿堂空。夜來

唯有山頭月。直透幽窓照老龐。惟有直透最妙亦最幽雅

其二

滯雨鋤雲雲不流。靈通手。一龕燈火古山頭。古山頭妙

燈火。淡煙落照無人語。數點寒鴉度晚秋。與鴉亦相宜

正月入松竹書室循行花園見老菊一枝青翠

森挺若未經霜雪者詩以紀之

飽歷寒崖霜雪中。董仲舒十年下。青青不與衆芳同。

莫言草木饒生意。別有神機奪化工。說此却用直語

詞

月巖集

卷五詩

五

蔡溪藏板

桂元一剪梅

風韻俱在駢中宕出

臘盡春回柳色黃。喜見春陽怯見春陽。一枝紅杏出

簷牆。何處尋芳。是處尋芳。歌聲嘹唳憶霓裳。不是無

雙。却是無雙。陡然遊子唱河梁。欲訴衷腸。難訴衷腸。

春閨長相思

桃花蹊。柳花蹊。片片紅英逐水飛。郎行去不歸。暮雲

東。暮雲西。幾點殘鴉舞夕暉。啞啞對語時。

靈谷賦

惟大造之挺秀湧神皋之鼻兒莽蟠互於厚地鬱隆
承前篇來
峨而不欹標異境於羊城睽茲山其誰媿如探幽而
盤屈終躋攀而愕眙爾其崇岡連綿絕巘孤鶩朱閣
矗起玉堂清妍玲瓏窓牖曜璨棖椽乘灝氣超紫煙
揖軍峯肩廬山杯鄱湖帶汝川俯萬有之冥濛攬百
道之飛泉臨峯端以直視欲呼吸而通天若夫旁睇
幽微捫歷元奇巖窈窕而盤曲壑深杳以紆遲崖歎
空而礙雲泉噴石而騰霓淫涌澎湃雷殷電馳松竹
森聳以勁立豫章千尺而山齊夜交玉莎朱草金芝
葳蕤繽紛掩映陸離香葩芳實羅星布基頤春藻與
秋英猥四序而咸宜亦有珍禽奇獸上下走飛威鳳
彩鸞刑天後狻猊虞一角之獸錦雞孔雀之儀莫不
鼓翅奮翼捷足聯蹄至若瞰方物觀地輶盱遠山睨
平陸阡陌交通黛螺攢鑿煙雲盪胸風雨駭日月靜
綺疏霞舒幽谷飄颻爽以浩歌振鳴絃於槁木擬天
路之有期信人生之至足於是焉覽昔人之浩渺窮
載籍之紛擾誦荆國之雄文披梵藏之深杳肆無涯

南嶽集

卷五

二

紫溪藏板

之異觀較工拙於忽杪踵康樂之軼事悟元化於物
表於斯時也忽不知天地之爲大而吾身之爲小

遊靈谷山賦

粵兩儀之未肇，先鴻濛而有物。妙二氣而混成，忽冲融而淳滴。或陂陀以蔓衍，或蠱起而勃律。惟茲山之秀聳，鎮東南而萃屹。盤峨岷以結根，滙臨汝而峭拂。洵鏤劃於神工，邈崢嶸而挺出。於是仰睇絕巘，遠眺層霞。放余步於金坡，遵曠途而逕斜。倏凌虛而徑度，見碧殿之嵯峨。臨清風而一嘯，俯萬壑之嵒嶭。眞匹敵於崑崙，挹顓氣之菁華。爾乃澄神定息，屏慮忘馳。參差嶺岫，出沒原川。轆轤回互，趾馬綿連。軍峯平視，而孤出巴華。拱揖而便妍，攬五老之袂袂。拍雲林之項肩，睇五峯於羊城。若澗谷之浮煙，擬孤雲與兩角。特一握之去天，顧寥廓而無見。嘆培塿之幾幾，若夫孕育元精，豐蔚靈草。吐納煙雲，蘊蓄秘寶。銀甕器車，金芝龍腦。繽紛葳蕤，纖悉紛擾。大真木英，瀾岡而蔽谷。金盞朱卉，叢生而漫島。笑丹樞於扶桑，鄰東海之巨棗。珍禽瑞獸，神鹿良駒。九苞之鳥，騰文而映日。一角之獸，馴伏而相親。元犀含光而依麓，白象解供而近人。莫不鼓翅振翼，徙徙僂僂。至若曉陰初霽，晨光

月叢集

卷五

王蔡溪藏板

澄潔夕雲歸山，松際露月。謂荆國之遺文，想康樂之

逸轍。覽玉茗之休風景，方城之魁傑。撫衆妙而凝神，輒慷慨而擎節。於是體安氣和，反聽收視。獲眞詮於無言，會妙理於冥契。啟太上之玉函，探寂莫於金地。澹物我而兩忘，廓萬有其若。棄結遐思，於八表渺逸。翻於雲際，曠萬古其如斯。通晝夜於一致，是以天育四明不足爲其倫。九華佳山不足方其神。孤鶩迥出，道合元冥。包絡亭毒，而瀚翔仁。渙神功而不宰，溥太化而日親。配恒霍以莫位，統羣山而標型。吾不知其所蘊之若此，而翹企仰止。憂乎其不可京者，曰惟茲山之靈。

月叢集

卷五

四 蔡溪藏板

印山書院賦

梁國帝子蘭陵舊家栖心墳典落實遺華研妙理於
月窟靜俗氛於幽遐躡印峯之嶽壑想玉臺之嵯峨
翩高舉而獨立振逸翮於崇阿於是芟彼蒙翳長此
松蘿輦文石於鉛山導巨木於岷涯選成風之妙斥
聿百堵其交加倏飛閣之迤邐邈層軒而凌霞長廊
窮宛以回抱雕窓連跨而橫斜素壁凝雪綺疏流砂
揮朱碧之四映橫欄檻之週遮若夫曲徑旁通逶迤
糾結與室條閣小窓朗列雖一室之區分乃隨方而

月餘集

卷五

五

蔡漢藏

輒別於是步雲梯升層樓俯川原廣遐搜攝萬山
而直視匪青翠而長浮前則金安翠嶺石門嶽嶠獅
隴田歌隨清風而漸續雀波漁火渡碧澗而稀微後
則二溪滙流清瑩翔激風舒錦簾之文聲中湘娥之
瑟月映波心悟妙川之匪二綸垂磯畔笑濛梁之有
一左刪三角崢嶸金山窠崑翠屏掩映而抹霞懸泉
噴吼而灑雪俯龍湫之洞黑殊懔懔於毛髮右則聿
峯勃舉而崔嵬黃陂插天而岌巖雲離披於山腰聿
炎蒸而凜冽試登高而騁望渺鴻濛之乍發洵峻極

於中天與峨岷而爭絕至若山華墊實瑣屑歲裂莫
衍難遷繽紛甲斐金墉玉柱羅浮冰換度索之桃臨
風而欲笑碧蓮之色映水而徘徊金盆承照夜之草
鐵崖垂明月之苔異卉名葩稽伯益而罔識冬青朱
實訪白老而難該復有松號嵇園竹稱衛水桐名龍
門橘隱仙子榭楠之材千章杞梓之產百果迭雲氣
之滃鬱儼真仙之徙倚又如日暖風和霜青石白積
雨漲溪飛雪迷陌四序之寒燠不同此景之欣賞靡
闕主人於是拉佳賓邀明月披素襟霏玉屑課文藝
較工劣傲顏士之高標仰子顯之遺烈挹思話之休
風追粹齋之逸轍彈碁賦詩啣杯按節滋蘭芽於清
霞騰鳳毛於丹穴喬百代之芳聲馳妙譽於魏闕然
則斯樓也斯人也蓋浩浩乎淵淵乎與山川俱而聲
稱之不歇

月餘集

卷五

六

蔡漢藏

歲寒三友賦 有序

盱江范子君上居市廛而無市中心名其居曰
三友蓋取古人稱松竹梅爲三友之意余來
武夷聞君行甚悉其待李君允端事終始之
際可謂無負爾矣余既作詩以美其行復爲
賦以見其意其辭曰

偉大造之發秀何衆芳之易零匪摧剝之游至實物
類之倏更唯松竹之賦質負勁氣以鮮榮與寒梅之
芳潔亘終古而恒青爾其雪霰交集積霰穿櫺蘿蒲
月巖集

卷五 賦

七

際溪藏板

宵隕榆柳晨傾雁顧影以嘹唳鶴斂翅而乍鳴游魚
潛伏穴獸呶嚶山蒼蒼而變色水澄凝而清冷仰斯
植之交秀乃垂陰而流聲彼其壁立嵒院幽映蘭亭
結遙情於千載契達士於虛庭倚歛巖而漏月披塵
尾以含星仙石嚮而玉潤淇水望而菁菁羣萬馬以
奔馳儼綠玉之瑩晶固嚴冬之奇節邁衆葉而獨行
若夫紗窓月上紙帳寒生夜耿耿而不寐託三弄以
寄情見瘦影之橫斜乍芳香之透扇冷羅浮之煙月
流孤山之逸聲窺冰澗以低照舞迴風而娉婷庾嶺

寄遠芳閣占名遡松竹之曠絕獨此焉其同清斯天
植之不易宜見賞於廣平於是與可文長孟郊嵇康
騎驢載筆覓翠尋芳或媚谿谷或秀巒岡試登高而
騁望見雲水之蒼茫間奇葩與葱翠綴枯崖而榮昌
松顧梅而若契梅並竹而飛香縱物情之隕穫終鼎
立而翱翔稱歲寒之三友信絕俗而偕蹇亂曰中虛
之意在此
外丘君子之德兮克已忘我無迫窄兮清芬素色君
子之則兮冰崖幽壑揚芳澤兮後凋守墨賢聖所式
兮獨立持方匪外飭兮吾歌此於君室兮千春萬歲
月巖集

卷五 賦

八

恭溪藏板

永與無極兮

會芳園賦

惟山川之亢爽，實高明之區域。繁族類焉於斯，固智士之所適。緬人材之蔚興，必先資於翰墨。曠村左之高岑，獨騫飛而曠佚。建崇館於山腰，邈穹窿而嚴翼。堂中正以不偏，阿四周而靡忒。陽馬飛承，撐柱斜立。崎嶇重注，瓦縫鱗集。素壁紛其皚皚，丹雘煥而照日。斜楹虛而穿月，今戶來風而窸。飄樓軒敞而脫氛，今凌雲氣以噓喻。不雕斲以傷朴，今固大雅之所則。試披窓而遠望，今親千里於毫忽。爾其雨霽雲散，煙月巖集。先吼莽互，蛟蟠龍浮。前則龍鬚揚鬣而天矯，消霧收光。吼莽互，蛟蟠龍浮。前則龍鬚揚鬣而天矯，中台入漢而鼻鬼。雲霞慈龍以繚繞，仙真喻忽而徘徊。後則中華屹立，獅山蹲伏。逍遙則男而聳起，曹洞遲迤而縈曲。聞經聲於上方，疑天花之攢蹙。左則羅山聖公，正覺蓮峯。接龍跨川而偃蹇，驚波雷吼而飛。冲江如翩躚而解珮，耕夫揚光而照等。石則巴山巢岳，接嶺迥絕。飛來高聳，塔峯微聳若舞。或遲或謁，相低相亞。如頤如頤，環四隅以周覽。信羣峰之可悅，至若庭植奇葩，山蕃異木。朱桂黝脩而飛香，蘭蕙

月巖集

卷五賦

九

蔡溪藏板

婀娜而被谷，春桃迎春以解語。秋菊耀金而爭馥，松

杉之植千章，實當之產萬麓。張梨文棗，枹栗交穰。嘉

菓珍種，殊品詭畜。莫不連岡包原，參差紛郁。若乃百

花爛熳，好鳥嚶鳴。荷香拂袂，桂萼含英。梅飛香於寒

岩，雪積素於檐楹。皓魄當階而昭灼，和風透體而爽

輕。景勿隨方而呈妍，時序迭運而代成。步廣庭以容

與，澹形神而永清。亂曰：園之春兮，草木芬兮。敷華布

葉，無鬱屯兮。含毫研思，如湧雲兮。園之夏兮，萬象華

兮。奇雲茂蔭，日廣大兮。披襟吟嘯，昭大化兮。園之秋

月巖集

卷五賦

十

蔡溪藏板

萬物擎兮，霜明潦淨。蕭以收兮，搦管抽思。絕塵勝

今園之冬兮，衆有封兮。貞固渾淪，葆在中兮。凝神定

志，休跡融兮。兄弟既翕，和樂雍兮。秉義正身，目琢攻

兮，無越志兮。承先公兮。

石湖軒賦有序

石湖軒者予叔桂立先生即其齋之東偏易
敝與缺葺而新之而偕二三子以爲歲時誦
讀之所也先生居甚貧而怡然自得其軒前
有疊嶂後倚削壁古木蟠右石湖左映於是
即其景而寫其高致以誌夫知已云爾其辭
曰

避時俗之紛拏得肄業之舊廬爽曠朗以幽遐隔深
巷而迴車緬卷軸以沈酣恒擎掌乎璫璣時臨軒而
月巖集
卷五 賦
士 蔡侯載板
四顧聿百慮之潛往爾其萬峯前矗煙雲霏靡黛色
欲流夕霞明美仰蒼翠之千尋擎萬里於尺咫若夫
石湖波澄天光一色儵忽遊魚往來鷗鷺於焉逍遙
於焉均得同莊周之濠梁契川上之一息迺若高梯
危尋登嵯綠壁挹石氣之清佳望遠峯之如滌遡高
山以寄音俯流泉而清激祥雲凝兮不飛芳草萋兮
展碧託遙情於浩歌宕文史於冥寂收萬葉於戶庭
泯物象而均適迨夫花朝月夕風雨沈迷菱荷滴瀝
雪霰淒淒雖寒暄之異氣實心境之攸盪是以清不

疵衆塵不涸俗困而若烹貧而愈篤得喪渾一澹乎
無欲思天遊之汗漫渺大地於黍粟故能操筆嶽震
方駕騁馳邁千古而獨契奮長綆以自勗我思其人
溫其如玉將振厲乎無前之偉猷又何有於枋榆之
一曲

月巖集

卷五 賦

士

蔡侯載板

景山園賦 有序

崇安藍子飛煙，其先人作別墅於星村之東，偏武夷諸峯，咫尺掩映，題其額曰景山，是山傳爲錢鏐二子武夷得道處，山以是名。至宋大儒朱子讀書講學其中，由是武夷之名益顯。藍子之先人固將望其子若孫以朱子爲法者也。飛煙端雅有文，請余賦其勝，遂濡筆賦之。其辭曰：

溯九曲之與區，仰神臯之仙廬。步邨衢而左轉，歷曲巷之紆徐。歸書室之在望，爲藍氏之舊居。面夷峯以作對，周羣山而盤紆。呼吸清淑，磅礴扶輿。於是入重門，步花徑，升講堂，挹佳勝。前則白雪三邱，借灝氣而騫騰；九曲迴溪，流彩霞以明瑩。左則七賢翔翔而肝胎，右則煙際溟濛而葱靄連山。迴岡崇巒，叠磴噴噴，繞繞繞，日不暇應。中則光碧蘭堂，小軒曲房，素壁斐几，陳榻庖牀，哥盤承饌，雲壘汪濊，寶鼎出漢，龍賓來唐。硯藏寶晉，書稽歐陽，瞻室中之珍異，紛古器之煌煌。外則垣墉四周，石楹方塘，綠柳垂陰，紅杏拂牆，寶珠

火榴射干，青裳桂含金粟，梅吐素芳，露裹荆桃，與海棠而爭艷。風飄蘭芷，並芙蓉而流香，覽四時之藝植，乃無適而非臧。若夫朝曦初上，嵐靄晴光，明霞散綺，佳禽飛翔，芳渚漁歌，渺滄浪而鼓枻，杯湖鯉躍，牽水荇而遠揚，又如月出東山，微煙輕籠，大若金盆，光凝蟠螭，忽排霧以燦爛，忽映池而湧冲，玩花陰之滿庭，若藻荇之舞空，斯晝夜之煙景與變化而無窮。至若架蒲牙籤，篋盈芳藻，擬萬軸於鄴侯，燈集古於歐老，刻漢篆秦搜軒，剔晃啟西山之秘策，事禹穴之幽討。月巖集，聊域中之未足，更遡訪於洲島，於焉坐廣庭，蔭松檉，目游魚耳流鶯，禮碩儒，尊者英花，晨月夕風，雨晦冥，抗遐思於千載，祛衆慮之營營，挹山川之麗紉，擷萬彙之華菁，尋考亭之遺旨，研六籍之粹精，分曹較藝，拳轍揚旌，磨礪浸潤，吻合天成，由斯而日景山，蓋非徒耽乎巖壑之幽美，錢鏐之還嬰，殆將彷彿千仞之上，與屏山之別業，延平之書室，曠億載而同聲。

月嚴集五卷

江西巡撫
採進本

國朝周禮撰禮字情畊號月嚴宜黃人是集文四卷
詩一卷其文力摹歐蘇頓挫曲折頗爲形似詩則
多不入格蓋殫力於古文而吟咏其餘事也

容菴詩集十卷辛卯集一卷

〔清〕孫奭撰

北京圖書館藏清順治十六年刻本

附《四庫全書總目·容菴詩集
十卷辛卯集一卷》提要

容菴詩集卷之一目錄

四言

雪笠八章

柞田六章

全馮儼公讀書顧園

顧園別馮儼公入皋亭山

自皋亭還顧園問馮儼公疾儼公已逝遂至長橋哭

之

思古四章

容菴詩集 目次

閉關詩

溽暑困劇脩然有嵩山洛水之想爰倣古作清夏圖

覺清風絮絮生自指甲因題其上 二首

卷之二

古樂府

冬青引

銅駝曲

出塞曲

入塞曲

竹枝鹽 二首

芳華怨

哀江南

輟耕謠

戰城南

妾薄命

官軍行

行路難

善哉行

客菴詩集 目次

蒿里曲

當來日大難

猛虎行

帝京篇

吳越吟 三首

六憶詞 六首

迎春曲

送春曲

放歌行 二首

二

蠅虎曲

鸛鷀曲

信天翁引

虎狼行

禽言六首

降城歎 六解

我公來

卷之三

古樂府

客菴詩集 目次

擬讀曲歌五十首

卷之四

五言古

僧舍秋尋

秋雨不已老農全歎 三首

予逃儒而耕頗食是謀歲值艱難請學爲圃乃作老

圃詩以示全志 四首

寄閔念修埭頭山中

感遇三十首

三

秋懷 十七首

贈萬履安

贈魏子一

贈黃晦木

村行卽事

山房

踟躕

寄沈子

夢覺

容菴詩集 目次

答白門詩僧

杜門

禱衣

雪次桃花

從弟子洛書來閑予受杖詞旨頗切詩以解之

看菊示全學

夾山漾

夾山寺

艸蕩

桃花塢

見落花

孺子山

喬木山

沈長山看巖桂

長超山

襍詩

後感遇 十三首

戊子殘鵬雨雪 五首

容菴詩集 目次

故人

不寐 二首

舟行望若雪諸山

冬晚雨雪襍書

卷之五

七言古

贈陸文虎

冬日重過閑念修善似堂卽庵有贈

善似堂西府海棠盛開予與閑念修賸之香甚清詩

以寵焉

戲答凌長康評文詩

賦贈錢虞山先生

破壁

冬日溫潔軒後梅花沖然欲放乃移榻其下坐待芳

馥

咏雪

大空樓贈卓方水

大空樓題壁

容菴詩集

月次

六

讀書孤林庭梅古甚放花極盛門人胡石公索詩詠

之

送錢叔函下第遊九江兼呈黃復仲

楊花

携僮兒逃暑戲作

見僧舍小梅因憶家園數樹次宋人韵

閒倚寺樓見比屋玉蘭盛開高出墻外戲有此贈

慧安寺桃花

秋夢謠

贈張考父

陸麗京見過全子周第夜坐

夢陸文虎

午睡聞畫眉鳥鳴作

雨雹行

苦雨行

贈錢徵君遜翁

卷之六

五言律

容菴詩集

目次

七

春日禱興

避兵澤中

六首

過錢子與村居兼傷公友徐子諤

二首

兵鋒少間却歸故廬

六首

嘉禾哭冢宰寶摩徐公

見新月

丙戌除夕見幽吳山慧安寺僧樓却寄全難者

丁亥元旦僧房卽事

雪後遍踏紫陽諸峰書所見

元夜武林城中步月

山行卽事

夜步濠上 二首

聞子規有感

贈徐敷

靈隱道上

閱卓珂月評詩語賦韵以答

送卓方水遊燕

慰暮蟬

客菴詩集 目次

八

弱軀

答徐敷蘇堤見懷之作

冬日向盡旅夜有述

吳江

虎丘

劍池

金閶有懷

登烟雨樓懷人

尋卓方水不值題昔悅軒

落葉

立春偶成

方水讀書竹里館尋之已出却遇沈贖子 二首

馮硯祥避地蘭溪兵後過訪舉兵齊喜贈 二首

哭門人 四首

課耕

贈內 六首

山陰劉北生桐齋錢一士張考夫過枉村居適余入

郭題門而去

客菴詩集 目次

元

得四明黃晦木書知陸文虎已歿王事 三事

七夕雨

雨中乞得美人蕉種訖戲贈以詩

八月初四日念修齋中夜坐

顏丈雪雁全諸兄風雪見訪

丁亥除夕禳感 四首

將目君入吳昌莊生以三詩贈行次韵答之

幽事 八首

春雨歎 六首

秋晚臥疾 六首

五言排律

送卓方水遊齊

頌聶使君

嘉禾書所見

卷之七

七言律

漫興

初夏卽事

容菴詩集 目次

十

累兵齋書懷

誰能

感憤 二首

哭徐子諤

春暮

程孟陽徵君舟在村居

寒食雨

別東園詩 五首

元夜同沈椒羽江道閣卓珂月儻西吾集方水

賦答友人問余南行何意

長水道中

錫山感懷

大江

惠泉亭讀姚少師題句

將至金陵有懷同遊諸子

題林女郎天素畫梅

編次李莫勝先生遺集

方水病劇詩以訊之兼寄沈椒羽 二首

容菴詩集 目次

土

雁字 二首

二十初度 八首

除夕

夜月舟行

剩閣口占

九日起山作

送宗伯錢先生赴都庭辨

悼殤 八首

黃鶴山卽事

寒夜題卓方水悼公詩後

寶雲山別東岡修竹

夜坐

沈九疇過訪濠上有贈

初夏集演霞得晴字

除夕前一日白門僧過余墨兵齋題詩壁間率爾次

答

壽胡母

甲申元旦感懷 四首

容菴詩集 目次

圭

痛哭

慰卓方水喪婦

讀忠肅于公慧安寺碑文寺爲公讀書處

入君書所懷

冬日遣興

晴軒

臘殘

戊子元旦

馮硯祥阻雪西寺欲晤不得率爾簡寄

感春雨

晚春赴閑念修君雪之招

夜雨書事

村居戒嚴

次韵費隱大師舟次洙涇咏船子和尚作

村居漫興 三首

皋亭道中感舊

贈僧

黃晦木過訪有贈

容菴詩集 目次

圭

和平山抱布

庚寅發臘病起與張文齡言懷

卷之八

五言絕句

偶題

畫松

畫得江深艸閣

題畫冊 三首

題畫 二首

旅館步月 四首

懷同志 二首

秋郊口占 二首

松牕

偶書招隱

畫雪山爲巨宗上人

偶題

爲張雲上畫

題畫爲董禹若壽

容菴詩集 目次

晚塘

卷之九

六言

種竹

讀書孤山全沈君牧采蓴三潭作

題魏子一畫冊

書齋題壁 二首

寄適 二首

紀懷

春日偶書 二首

寓歎 二首

夏夜納涼作

初夏卽事

幽居 二首

秋興 二首

艸菴

放艇

雪 二首

容菴詩集 目次

寒食

荷葉鼎詩 小序

菊

見盆蘭著蔬

中秋虎丘踏歌有述 二首

題畫

戲題小赤壁

題畫冊

卷之十

圭

七言絕句

古意

畫扇仿倪法

兵後于嘉禾買得呂紀畫上作羣鶴異態雲間其下

長松數十株擁以霞氣蓋其極意筆也 二首

夢中哦一絕句不知何解姑紀之

怨詩

題雪山青閣十三

九日全社雨花臺卽事 二首

容菴詩集

目次

共

題木末亭

雞鳴寺後望鍾山

清涼山日占

鶴隱圖

題畫

段橋畫舫

漫興 四首

重遊超山

題畫爲黃澤望

寒山寺讀唐寅鐫鐘偈碑

晉陵夜泊卽事

丹陽

金山寺

曉發京口 二首

燕子磯

驚峰寺送黃澤望歸四明 三首

掃地焚香閉閣眠簾紋如水帳如烟客來睡覺知何

處掛起西牕浪接天此東坡先生詩也趙吳興嘗

容菴詩集

目次

七

有圖余戲仿其意因次前韵得三絕句

和呂李臣舟次聞歌

題雪山

題芭蕉美人

題畫柳次唐韵 三首

題畫松

戲贈

卽事 二首

省試歸見益荷盛開

村居禠詠 七首

紅樹 四首

登樹 八首

晚自西湖入北山

題沈叔羽集桐艸後

少婦

柳

題廳前苦竹

客卷詩集 目次

十六

寒食西湖中作

聞雁有懷方水客長安

白芍藥一枝拾于道左棄者何人哉賦詩慰之并爲

花答 四首

送人歸白門 二首

虎丘留人

題畫

夏夜

戲書畫冊後

怨詩 三首

題畫贈凌仲遠

酴醾

題段橋疎柳 時堤柳盡代

山居圖贈陸山人

題春山

辭登高簡友

山夢歎

癸卷

客卷詩集 目次

十九

甲申以前集自敘

余年十二三輒弄筆作小詩諸老生塾師見之皆歎以爲異時天下全盛同里諸縫掖率沈錮于制舉業見學者必胡盧不已詩學尤不知爲何等是以無所資益所作詩亦未嘗留也年十六始從西湖之濱與錢塘馮文昌卓爾甬東陸符相定交于詩遂有所省入嗣後年益進交益廣詩亦益多而余于是有詩名惟時虞山牧齋錢先生詩文雄天下見知極深嘗稱余文有眉山父子及近日歸震川之風因爲余敘秋懷敘抱膝敘感遇諸詩而新安程徵君容菴詩集自敘一

孟陽先生余固以師事先生亦悉心指授余詩遂爲之一變云歲月荏苒功名不立老親見期報塞無所雖雲石之癖幾入膏肓而遷延倚徙不能奮決甲申之年三十加一矣天地崩圻神京陸沈志士仁人爲之披髮長號自投大山荒谷之中者何限余固自念使從此以前設爾次身甲乙科竊祿升斗以怡吾親今日縱萬歎猶當在悞國之列寧有生理天旣嗇余升斗之奉而吾親以安吾身以全天之眷余何其懇耶夫天之眷余方篤而吾顧不篤吾所安余負此蒼蒼者矣故余自甲申以前修業進取致身

得無媿于明時猶之可也自茲以往余惟有躬勞畝學古著書灌園釣獵以當艸野之建立餘非所知耳夫何也余所自期豈直以是爲的哉詩不云乎不自我先不自我後天實爲之當復奈何于是集十餘年來所作詩得數百首刪且存之猶餘三百此皆分取舉業之餘光偶一爲之者其神不全精力所見校時文僅十之一而不忍棄也乃錄而藏之名曰甲申以前集倘幸不及于兵燹後之作猶將見余之用心嗟乎甲申以前尚可言也甲申以後其忍言乎哉悲夫悲夫時乙酉仲夏三十日孫葵子度氏書

容菴詩集

自敘

二

于西溪之無悶艸堂

感遇詩自述

予于詩不哦一字者三年矣。自巳卯下第始迄今壬午復下第。愛予者初以爲咎在詩也。戒勿作。予無以易之。戒惟謹。今而後詩得以謝咎也。予之不遇乃如初。然予不以怒于心。頗適然安焉。冬之日挾冊抱硯。獨憩鶴山之麓。蘭泉漱幽。松雨澄潔。清颺往來。皓魄入座。俯仰悉與懷契。雖未云聞道。其去乎得失。凌臨悼美。橫伏于胸者遠矣。偶影孤居。回念數載以來。原無論江以南。水旱蝗疫盜賊。鱗比櫛次。中其毒歟者。民歟倍于生。豈各有所召。致抑天有意虐。容菴詩集 自敘 感一

容菴詩集 自敘

感一

之耶。已而邊遽告劇。倉皇援師。山中之人無所告。憂既歌且謠。篇章遂積。皆感觸偶然。非有端屬。且都無雲物留連之旨。故聊以感遇總之。予懼夫魯女倚柱而嘯。不知者謂爲急嫁也。于是乎題

秋懷詩敘

當夫露咽風枯。艸萎木落。山谷宵閑。孤鼠畫號。而其人有所不可解之懷。遑遑焉。陟高而喟。臨淵而哦。慷慨鬱結。無所發舒。則茲病翼寒流。若將助其悲嘯。而顧責彼聲之夷。宛如平時乎。夫士之有懷如江漢之有瀾。雲霓之有態。不極其奔湧。激激卷舒。起滅變怪。百出不止也。然躬爲王臣。拉章列腐。折諍廷陛。陳風歌直史策。用徵盛化。又或宣勤劇士。致歟疆陲。不避勞苦。擊觸期副其事。則斯懷半銷落。于所職事尚庶幾焉。若乃窺身艸莽。風雨不能蔽一垣。蓬戶

容菴詩集 自敘

秋一

蓬牖植志守道。徘徊笑于里井。沈錮潦倒。思屈曲而不伸。憂縱橫而不解。終朝行吟。子夜起歎。惻惻兮。余懷寧秋也乎。哉。況秋也乎。哉。方水日以寧。棲伏里巷。夫曷褰裳區宇。羅勝概于仿佯。以壯吾詩。無不可者。乃繇東海涉江。沂淮裴徊。齊魯拜先聖之墟。廟登太行。讀古歷帝封禪遺文。北轅易水。過黃金臺。交燕趙卓犖之士。自北平道留都。泊舟焦山。左望北固。右俯大江。中間所見。騰波之魚。哀鳴之鳥。奇樹怪石。大邑通都。崩雲駭雨。妙士偉文。不可悉記。宜其詩之超軼絕倫。而余方厭城市。獨逃村落。賣宅築堂。負土灑

永城笠荷膏與世遼隔坐茂樹聽田瀨澤浚冲風激越作
舟車之音時放舴艋以霜月荻蘆爲幃幄何知有山川綿
遠道路踈跼之事而乃漫爲之和豈其行役居處之有間
而所懷或多相似者歟至如寒月在牀荒郊滴露敗幃破
壁蕪棘沈瀾僚慄沈寥神骨竦立蕭瑟幽微不可名狀固
不能已于嘔胸而有作矣矧孤客之顛顛羈愁其襪沓哉
雖然亦猶候蟲時鳥時至則鳴吾兩人方得比于蛩吟蟬
嘆之是幸而敢云怨乎卽欲怨將誰任之甲戌朽月孫奕
題于墨兵齋

容菴詩集 自敘

秋二

抱膝吟自敘

孫子放于野築墨兵以居已又于其東壤剛楚潞地列植
疎桐附垣作室中供漢諸葛忠武遺像白若清翕獨拜牀
下歎曰使公今日再生當復抽懷作歌行吟壠上耳乃以
抱膝顏之從公志也旣而著笠荷耒跡老農以耕見健吏
特符追攝旁午道路磬惡可怖村氓舉骨悸屏匿不敢出
吏快志始去旣去乃出輒垂涕以訴孫子曰嗟乎吏乃如
是于是作輟耕謹掩關校書至元次山春陵行三復之曰
悲哉賴有仁人雖然今昔直等倫耳而遇者其甚乎于是

容菴詩集 自敘

抱一

作戰城南世不復古慨從中發姜薄命哀人情也楚有避
難而來江左者與之語知不苦盜而苦兵且余目着勤王
之師驕帥墮卒不足恃矣于是有官軍行或曰行路難子
何呻呻于負心者余曰然古有是歎東南力竭半自侈汰
所致善哉行志奢俗也竊竊以鑿之嗚呼寇禍烈矣吾聞
閨姬閭女罹禍特酷于是乃歌蒿里曲田畝之暇或時進
而稱交卽不勝風習之悲當來日大難殆三歎云偶閱邸
錄惻情時患每笑謂末代育人校前世奸黨術益工世變
之奇若此以是有猛虎行而愀然顧影聞寥可念遙同李

白長安不見之愁則帝京篇所以作也其言漫漫迂迂感
激觸發緣率然之抱爲率然之章錄而存之曰抱膝吟非
敢僭擬葛公從軒名也戊寅初夏無悶居士自題

容菴詩集

自敘

抱

容菴詩集卷之一

語溪孫 爽子度父著

四言

雪笠八章

雪笠舫名也或曰吾子其隱矣山娛而水嬉隱者事
耶必也奚擇焉孫子曰予澤國人也所居曠衍鮮雲
巒石磴之勝以試吾雙屐者巢繇買山而隱乎亦簑
笠而釣寒江之雪耳于是買舟名雪笠時放乎溪濱
浪花之上非幽人貞士不以公此笠也潑棹之餘輒

容菴詩集

卷一 四言

賦詩以識之

州有九兮風烟塞之岳卽五兮雲霓蝕之伊投我足魚龍
國之匪車匪屋解艇息之匪農匪士網罟職之

其二

厥制伊何如堂有三鼎鑄具後稷子同龕其前八尺載鶴
以籃琴硯中羅圖史是畚岸憤者誰狂客容菴

其三

春水方生渙渙融融秋潦旣降雨雨風風布帆徐進蘭橈
擊空綠膩柔孤紅惜丹楓彼漁者子有道無功

其四

嫋嫋釣絲蜻蜒追之青青听艸驚鶯白之悠悠水面爲荷
席之籊籊竹竿鷓鴣拍之君子與遊惟澹適之

其五

方塘水舞颺然御麴清洲碧漲痕此半篙有潭千尺猗哉
猗猗我將殛之以靖波濤安能舍爾往問螺魴

其六

晨發三泖輕颺送之夕泊五湖浩魄弄之篤我相思薄寒
中之我濯我漱我吟哀鳳汀花采采我友是貢

容菴詩集

卷一 四言

二

其七

船頭懸鼓晚峰作盤誰爲彎弧跳促如丸推蓬穩坐寒星
何繁熒熒露泫高下汎瀾喏然長笛聊以自寬

其八

鶯花風軟藕蓬霞紅荻香疑雪迷漫秋冬四序一笠匿匿
花中一笠四序如雲邇空汨其東逝予心忡忡

始田六章

余三十以前妄思樹立念非通顯不足有爲而世方
以腐爛時文中者目曰奇才擢之不次余雖厭苦亦

從屈首事與性違終無所濟況今世難相值余之沒

齒于農者分也特恨見事差晚耳爰歌始田

自昔羅士士坦其懷彼田而力斯仕之階予行慕進作計
喜垂以卒不試山巔水涯

其二

敢云摧頽情此幽獨乃耕白水叱我黃犢日月風雨以爲
爾祿顧煩鳴禽相催布穀

其三

爰采我侶爰師我僕所乏筋骸愧茲餉粥維苗當午有香

容菴詩集

卷一 四言

三

郁郁翠忽波瀾紛其在目

其四

漠漠良疇青未卽黃感此疎雨秋贈我光入室婦歎有聲
斯箱曷以慰之簪瓦其霜

其五

迺除瓜蔓迺拂塵甌迺欣初飽歡氣盈卷饑既有涯勞亦
可甘予力是視亦莫予慚

其六

彼麥而秋冬肆厥勤胡腹之果而棄斯勲維雪有麥維稻

如雲我侶晏矣我僕其欣

全馮儼公讀書顧園 園在武林之東城

花逐鶯飛維暮之春辭春不攀結我幽隣重酬謝客兼謝
主人階下細流如環如巾相發以秘泉芳吐新巖城浩浩
有萬車輪子不多可而予臻臻子有著述慮與時迤爰假
他氏以試予斷予心知故摘所未馴子笑顧予斯言良珍
修廊得月燈影如燐投卷出戶天漢流銀拂拭黃鬚倒升
爲茵器識是許 儼公嘗以器識見許予愧駿巡予側予懼思潔斯身
匪潔斯身子鑑其真苟負子鑑予寧不辛

零菴詩集 卷一 四言 四

顧園別馮儼公入皋亭山

士不欲名損我自然名所宜避山川有焉不見西湖高士
無權見雁多虞魚驚祈天安用蹶躅式磨爾肩悵矣東顧
黃鶴翩翩 黃鶴峰名輪蹄不及養彼風烟西湖視之此隱而賢
亦如靜女有待斯年我行胸懷選石與泉虎嘯與嘯鹿眠
與眠山花亦壽月澗其妍吾子何爲憂思淵淵請割白雲
錫爾一拳

自皋亭還顧園問馮儼公疾儼公已逝遂至長橋哭之

山樓倚徒豁彼蚺蜺曰子其來娛此芳菲子困于名如坐
重圍欲出不得與歟俱歸歟用屬友妻至則揮將子道力
亦云庶幾昔予山行子乃牽衣予不予留子慨而欬峰頭
危碧有子古威湖面幽光爲子餘輝我來湖山吹淚霏霏
山情水姿習習依依衝波兩漿水鳥偕飛子埋江上予返
巖扉

思古四章

余嘗以填辭詠三國誌其人止吳蜀而不及魏以仕
魏者皆所不取故耳既而思如管幼安田子泰焦孝

零菴詩集 卷一 四言 五

然石德林之屬魏卽官之而不可得彼獨非其人哉

我思古人獲我心焉作思古詩

齊祚田移管氏去之令節世有如目與眉常塗而高腐鼠
相糜彼盜有道乃繇禮施安車璽封一笑以麾潛德逍遙
人神莫窺悠悠海濤掛席如夷五十餘年木榻不歆皂帽
絮巾園綺威儀亦復何取官大中爲

右管寧

子泰英英如石礫硤成功不福行志非禍其視曹公豈真
曰可突塞千里首虜萬顆奇氣未馴一露其我何爲區區

候服來裹身寧婦人從君婀娜免官加刑抑胡瑣瑣我觀
是時誰堪並坐庶幾伯符惜哉相左

右田疇

物有嘗趣患生于愛至人遺之木然若塊身非我身與造
物貸貸卽當還而況其對外故本無內復何態瓜牛一塵
野火可療冰雪皚皚但臥如焙吾通未償王者安在延年
歷百孰知所資以棄爲取仙乎不逮

右焦先

人生墮地如鳥投弋不食與衣君臣道息還哉斯譚石子

容華詩集

卷一 四言

六

是特既精詩書終解玄默服不佞體目不迎色望之癡癡
倚測爾德我寒非寒隨日轉側我貧非貧聊以行國有舌
無聲抱此胸臆漢尚不臣何論彼賊

右寒貧

閉關詩

余旣放汰形影肅然金風驟侵黃葉漸脫慨負雪
之美容念織寒之絡緯爰潔東寮局桑戶披圓永
日聊以娛憂謝客經年庶幾避跡非有江都之勤
竊效明川之躅伏几率就異夫入甕落眉者矣

詩曰

旅運驟忽疾驟過廂綠髮區區行復皓首冥莫無知駭若
猿狖逝者莫追來今豈又秋迴地肅慘慄錯繡黃葉翩翩
林空見岫荷氣已乾琤堦滴溜青蠅遠引老蛙却嗽子伏
其中有堂不陋藏書千帙束列左右終朝宵別窺亦邂逅
寢宿羣憂儼臨巨寇或啞而擲或暗而仆荻蘆新潏驚鴻
鼓脰作愕胡爲竊蒙世垢彼寔教余余德未懋江左風流
頑荒則後小儒驚喘詎堪發發昔賢嗶嗶其音太簇勿妄
置辨寸筵以叩剝濯膚華石泉吐漚達于江淮天傾雲吼

容華詩集

卷一 四言

七

厥初惛惛茅痕荳蔻子能不寒匪年而壽松柏無秋蒲柳
摧蹂宇宙雖隘何患彼味柴關閒歷枯焦若袖敗籜滿庭
饑鳥下咒破硯淋漓書拙成箇削伐愁壘濁醪百豆騷伍
狂族咸謝退走闕月灑灑豁然獨茂昔永聲沉清景頓富
投編屈起奔涌欲就野步修篁風開雪竇躑躅慷慨感茲
清候世羅櫻心華阜誰留西山朝來蒼莽衆皺微颺駛波
弱魚折溜俯仰旣適長謠紫宙橫蹕理穴璣璣是守將子
母迂持佐明后颺颺芳條迎寒擢秀傲岸空峴烟飛青縷
零落沈瀾披襟三復撫膺浩浩澄懷馳驟遼絕塵春且淫

耕耨不賸蟋蟀宵吟至書

濕暑困劇儵然有嵩山洛水之想爰倣古作清夏圖

覺清風絮絮生自指甲因題其上

崇巒兀兀飛瀑濺濺松吟屋上竹舞簷前

又

石泉三匝泠泠撥阮其室則邇其人甚遠

容菴詩集

卷一 四言

八

容菴詩集卷之二

語溪孫 爽子度父著

古樂府

冬青引

青蓋童童掩青壁亂雨絲絲陰火碧老龍策子盤大津津
枯子歛陵一尺虎豹驚啼夜徙官侍衛鬼神趨白日曾聞
怒劈青天飛片鱗還作九州液玉寒欲上浮圖尖賤士矜
恩捧石奩

銅駝曲

容菴詩集

卷二 古樂府

一

五鳳宮臨白玉門黃金作駝勒守關千官迎拜驕不顧紅
袖摩挲卒無妬俄看壯闊散如烟此駝仍藉秋艸眠細語
咽露洗荒夢明月淒涼魂欲凍後來好事還不淺又見此
駝上官輦

出塞曲

生長椒塗雲錦房一朝漠北看牛羊身作芙蓉花氣息胭
脂山下禦冰霜昔日蛾眉嫵妮煞白玉郎單于驅來獵水
艸鞭撻寧知理不當黃河之源本西北有情却赴東南望
河水日浩浩妾淚亦湯湯灑將妾淚同河水溜向江南寬

故鄉

入塞曲

蛺蝶雙飛去復回
欺賴春風掃不開
男兒何用安邊武
但有黃金可當媒
朝辭文件酒泉郡
暮聽黃河瀉似雷
入門恐必慈兒女
兒女年低未解猜
美人口齒鸚鵡利
語聲聲學得來

竹枝鹽

吳娃蜀女貫如魚
官家行樂信有餘
合歡只駕青羊車
青羊車捷於馬彼
美人竹枝下

容菴詩集

卷二 古樂府

二

又

內家莫恃雙蛾尖
不及枝頭數點鹽
羊蹄端合比鵲鵲
比鵲鵲恩不墮休
語人恐學我

芳華怨

女兒三五端且妍
矜情合艷不肯前
天家妙選冠掖約
袂深藏祇自憐
已是羞爲鳳凰匹
忍嫁人間鵬與鸚
理繁怨緒綿綿盥
手雙魚洗掩抑弄
朱絃一曲未成淚
湧泉青眉如結長
掩面知爲誰來年
復年

哀江南

紫閣解使仙人迷
沉香作屑四壁泥
碧綃似霧籠紅玉
只許簾花聽絃曲
風流少習恩澤侯
世世生誓白頭寶
鴨倚粧嬌未了却
伴瓊裘馬上曉論
斤賣向沙陀北價
比牛羊昂不得雙
星何日再盈盈心
懷心想甚分明

輟耕諠

豹虎山之威雖貪
山不拒我從昔年
間本屬田家侶當
時聞吏來齒擊不
得語感憤去爲吏
遂免憂悻楚天家
軍四出三詔征行
精奉符還入鄉驅
除如搏鼠當年同
耕人不敢相予汝
孤氓神骨危引避
餘空墅荒墟有棲
禽寒壠有守區區
輟耕真得所

容菴詩集

卷二 古樂府

三

戰城南

雲蕭蕭河流驕腐
肉盡骨相招昨夜
城烏與深語我今
却憶城南舉列帥
環營互觀望官蹙
民兵出城拒何曾
肩刃會崩礫賊徒
仰笑收矛戟當時
十萬一無逃僅報
朝廷數滿百烏又
日爾之孫訴濃冤
莫承恩賊退未幾
吏到門云是新租
已加額此語恭承
來至尊若今者行
速貸卽遲遲

吏當逮汝孫得說哭捫天悔不蚤從祖父戰歿聚黃泉

妾薄命

開幕延明月含情共君商妾愛廉纖魄君憐爛熳光亦恐
幽懷未見錄寫君玉照留輕轂當心繡作相思字不使畎
斜防反覆繚尾莊書小玉傳尋君密意從君讀從君讀魂
繞幅妾無言綿送目君乃云此當服山岳畫移井水波流
悲沉沉方奈何未必君心異疇昔是妾顏色不應磨

官軍行

上客幸再坐聽我官軍行朝棄市屢買幕同關塞征十年

容菴詩集

卷二 古樂府

四

名註籍不聆羽矢鳴撫劍詎有刃引棚還如荆恣要縛伍
伯猛絕勢難櫻主將破膽謝蹴踏卷戈旌何能窺賊壘且
復擁民楹訛言失手足中夜忽相驚旋爲赤憤憐漫置莫
加偵一朝寇舍去殘邑更縱橫寇餘所未掠乃共快搜并
遇賊得丐歟遇軍寧有生他時賊再至我命從來輕苟非
李牧將慎勿妄稱兵

行路難

鳳凰集玄涯衆鳥相與追飛鳴互爲誓各願共夷危健翮
竟前達彼鳳實可之笑視同征侶爾乃猶離披我今容光

異不得下相隨且未測鳳意那堪爲子私聞言難自己引

吭致微辭感子尚知我鳳凰非所欺身自具羽翼爾願保

良規

善哉行

方空得體如烟華燈風壁流妍驅笙篴緩徐宣小喉低啞
能綿欲前乍引善遷寸心相步則然酒坐合息等咽往來
取次齊賢遊歡遊恨已傳樽底微聞可憐不語橫波照眉
促襟擁髻態全須史共道更絃笑携寶瑟試研二十五絃
周旋輕脫因勞翠鈿似說今當盛年樂方所墜便綴碧幃

容菴詩集

卷二 古樂府

五

芳夜淵淵暮鳥卸花觸筵

蒿里曲

着憤被端襦道是真丈夫平時禁婦女不得窺前衢舉面
陣雲起抱腹覓通途莫識置身所安知更携扶瑤釵寒斷
巷羅袂投荒郭遂爲豺虎得 烈難遙圖旋歸涕平莽招
魂徒悲呼積骸詎能辨死生良不殊誰爲丈夫者乃使墮
荆蕪嗚呼何人致此縱橫寇此輩束手誠哉不足辜

當來日大難

來日彈彈雙車無端整刺赤牘廣序追歡予唯而憶澄目

笑看解一遂云慕義慰子幽單故人所善君堪爲冠奈何不

山此志誠難解二畢聽則謝敢告列餐亦復能止激伉星關

還言有述請刻琅玕解三鳥喧破夢會應迴湍惜別深塢捉

臂沈瀾却當重過君幸即安解四入門竊歎既疑且觀俄聞

路語謂已入官怪來蔓谷香聞漫漫解五

猛虎行

山神下教願聞過百獸承旨條章課共道猛虎恣噉噬乞

用投荒攬妙佐山神躊躇虎抗辯臣誠子子誰爲和却恐

朋比悞大業至于黨綱不可破虎訴未已山神喜卿能孤

容菴詩集 卷二 古樂府 六

立吾所賀斥逐麒麟戮麋鹿獨留猛虎空山臥

帝京篇

吁嗟我欲神京引眺以攄憂奈何塵沙蔽空張目無所睎

鳳樓龍苑不得見金扉玉級詎可求北風奔林欲酸骨頽

雲壓面勢空浮重日我其駕車收馬身往從之遊奈彼山

川綿緲道里攸吁嗟山川綿緲道里攸誰能爲我破此愁

吳越吟 補會稽夏仲御所作

勞勞先公胡窮年腐額落趾髮辭顛駕役羣龍如驅駘行

致魚幕生炊烟夢不爲侈食無遵坐馳四國集闕闕吁嗟

野露埋大賢誰起吾君子則前母起君今方息肩

右慕歌思禹也

崩瀾紛劈雪荒濤橫拍天何爲彼弱姬視江一如屢晉以

灰尾灰灰竟得其全鱗族競駭歎奔救惟蹶蹶帝怒肆降

伐魚鱉佇寒川江峰綿綿江水濺濺天風四起涼月浩然

是中有影還似烟翁女悲嘯嘗相牽

右河女之章 嘉孝女曹娥也

我歌何爲者伍胥愚可嗤有吳本非族聊借雪父私快志

在楚覆富貴豈所知况忍咎舊主君寧不自危禍患久應

容菴詩集 卷二 古樂府 七

及乃復思寄兒伏劍安足悲但恨公灰遲

右小海唱 哀伍員也

六憶詞

憶來時含盼復含呀遲襟疏芳艸促步待飛花分明將顧

我却恐道天斜

又

憶坐時交帶泥流溫因牽還卽遠趁拍更要援欲覘郎意

氣歎息故無言

又

憶飲時觴政善爲方紅湖乘棹發杏簾頭霞光夜情濃似
霧杯底兩茫茫

又

憶眠時雲幌襍香餘留燈方春影得夢亦相於莫愁烏白
劣縱起必同車

又

憶粧時一倍惜騰那新樣頻偷理纖羅半覆蛾眉成不展
鏡郎試品如何

又

客卷詩集

卷二 古樂府

八

憶別時艸艸訂歸年未請相思苦從誇旅態妍晚來梁燕
語彷彿覺魂單

迎春曲

輕風拂拂方欲然幽光着體淡於烟芳蘭破笑煖流妍小
鬟愛影喚不前寶釵擲作買花錢當簾靜理意中憐露團
紅淚同心煎艸翻青鳳勞華年薄屐翠滑裁新篇

送春曲

柳香綰帶弄清姿綠塵蕩眼酣暮枝驚紅委頓情差美
人欠申愁暈眉攀條自唱招魂詞願花爲我少躊躇舞盡

東風力不支小屏歌板亦何爲微聞歎息歸羅幃

放歌行

山澤氣蒸棉花吐絮絮亘天涯忽五彩爲雲霞陳州根發
螢火光燭牆惘然坐視繁星相印可鹿與鶴不學仙自然
壽皆千年蒼者白白者玄松有膏鯨有淚膏入泥淚灑蛟
琥珀紅明珠媚魚婢細如針蛇卵大於薏不願蝦蟹以爲
侶騰作蛟龍恣遊戲鬚髯如柱直火光如日起一鱗之汗
可布雨雪千萬里小怒洪水至雖有堯舜不知其所以有
時爲羊爲絃爲葉惟意所欲耳若乃枯壳之蟲負爾而食

客卷詩集

卷二 古樂府

九

生不出戶以蠹爲職一朝春風生還能幻作蝴蝶自粉飾
花間何翩翩好色猶好德又如百舌鳥三時多塞默時至
一發聲巧言頗不測譬之艸木有榮其華白肪黃栗赤過
丹砂自彼稿然植孰識其能放羣葩大水之蛤初本爲爵
方其爲爵焉知且以水爲家然則鳥獸蟲魚及艸木大都
厥德變化而始嘉奈何兮吾生終日瞞目直視張口空哇
哇

後放歌行

君不見妖狐照水覺形莽觸骸迎陽遙頓顙一朝燒尾變

姝麗驚艷使人心恟惆長鬚之國國有王官中愛女辭疎
長坐致書生作都尉老龍瘵臄脫仆僵那知班子故姝色
與嫁士人生子息濃態遠韻良絕世題詩山寺情何惻桃
姑杏嫂夜庭嬌處士全謀十八姨就中嬌小石醋醋翻酒
汙裙慄不怡至今攀條一悵快猶作當時羣艷想海外果
奇遇曾向烏衣國中娶分啼梁燕附牋來贈郎遠致相思
句可憐尋綠君耿介從前命出羣如何一念錯亂雪空山
嫌寂寞不知師雄作底狀縞衣匿笑奔私約貞夫竊歎水
生被帝遣待書充嬖婢螺房大於斛美人作腸寔其腹肌

香齋詩集

卷二 古樂府

十

骨融融無不靡蜿蜒出房似花蕊獨笑老槐根建都立國
胡爾專通侯不羨專朝寵尚主唯憐夫婦恩君看猛如虎
妖如狐瑣屑如螺蝦冥莫如桃李輕如燕子細如蟻羅浮
之梅皆其比却現人間女子身嫣然一聚傾城矣初隨月
露逞妖妍旋對青天闔姣美紛紛幻惑誰得知共說人生
爲情歎

蠅虎歌

蒼蠅兮適從何來鸞尾兮掃之不開使我白黑之素失其
質我從東驅汝西卽自我爲爾侮誰知我心苦攫而食之

有蠅虎嗟哉今蠅虎我不如汝武

鷓鴣曲

溪水深且渾魚鯊以爲村網罟智不及竹竿拍拍鷓鴣入
口卸鯉魚三尺強上酬漁父不得嘗鷓鴣力索徒饑色漁
父使貪當稼穡君不見鷓鴣之貪才足濟止爲漁父添活
計空教魚鯊含冤憤欲吞漁人不念鷓鴣恩

信天翁引

鴨咬咬雞睜睜左吞右啄無時晏水鱗鱗沙練練信天翁
何乃猶磯頭兀立朝以夕入手魚蝦聊一嚥君不見西溪

香齋詩集

卷二 古樂府

士

鷺鷥趨食如蓬轉東溪老鸛逐肉隨波旋仰取俯拾空爾
忙一飽輸君情不變

虎偃行

偃爾來誰擇爾肉飲爾血枯撐柴立爾百骸爾不記曲眉
便腹心腸婉委生前利齒捷足之身材爾不聞房中之婦
手提禪子朝啼暮歎行道見之而心哀自爾爲虎食爾友
彎弧扣矢登山突射虎怒格鬪目炬如雷聲如雷偃爾來
爾不食虎虎食汝胡爲乎不以爲警覆爲德前驅顛倒受
虎指使作虎媒發我陷阱與伏弩虎卒逃歟爲民災偃爾

來爾之忠矣代彼虎謀虎亦何恩於汝哉

禽言

泥滑滑路盤盤雨緊風顛腰脚酸君家矮屋土花淨何不
高眠行路難

又

力作力作東家養狸獸肉索西家哺子限藜藿願君放箸
莫長歎春雨一犁有餘樂

又

提胡蘆漉清酒中堂白髮翁對舍長眉叟請數庭前絳樹

本卷詩集

卷二

古樂府

士

花一年一斗爲翁壽

又

布穀布穀催租吏打屋驚起布穀兒啼向田頭勸黃犢汝

農一飽不足言天家近日度支繁

又

姑惡姑惡姑豈惡新婦無錢姑淡薄飼我雛中爾曠音霍我

肉可令姑意樂敢惜微軀佐羹臠

降城歎

御史大夫念臺劉公盡節時餓紹興之私第七日不

歟驟然起曰此降城非我公所復自力援外山中更

數日乃絕

會稽城兮蕩蕩不以勞我寇兮俾不攻而自上一彼孤臣

之握成兮襲者如珠之在養歟不其難兮臣有臣之歟所

易敢以鹵莽二氣崩迫兮魂青凝味不食之味兮神亭亭

嗟幾誤矣此降城三降城兮奈何念我魂氣之所之彼將

以此爲網羅四雲洞洞兮石峨峨委此蜺兮山之陀魂騰

而上手瑯戈五解肉則土兮骨則玉土以築城玉作鏃利我

鏃兮向一發再發鬼哭鬼哭城不辱五解

本卷詩集

卷二

古樂府

主

我公來

嘉興城未破前吏部尚書寶摩徐公自外呼曰吾大

臣嘗與城存亡城上人譁曰我公來矣開門納之越

宿而城陷公朝服自縊歟

我公來孤城一閉吁危哉唯東有海海有山胡不蹈之姑

徘徊念曰吾大臣溝壑艸艸非所裁鴛鴦湖水綠水綠如

舞苔公一歟以自快嗟爾萬姓蒙其災

又

我公來孤城鼎沸吁可哀火攻次第成束手一見駱駝滿

城隈公歿自其分爾民何事歿不回不見田橫島上客一
一仗劍如引杯歛魂聚魄莫悵悵從公於天懼若雷

容菴詩集

卷二 古樂府

丙

容菴詩集卷之三

語溪孫 庚子度父著

古樂府

擬讀曲歌五十首

當時歡未見但聞歡才名及儂既得歡頗識歡性情

其二

性情能樸愚精靈足內美不似他儂歡輕薄楊花比

其三

歡言宜蘊藉儂嘗自矜約昨讀相如傳放誕復一作

容菴詩集

卷三 古樂府

其四

儂爲歡所取人稱歡眼力慎莫負儂去致此佳名息

其五

粧罷私自悅進前請郎評郎故回言劣

其六

圍棋與郎埒要郎中心歿不許他邊活

其七

梧桐雨不止疎疎復密密歡儂亦如此

其八

欲測儂深淺，輒言有他好。儂知歡不然，未嘗輕懊惱。

其九

嫌儂每任性，動與儂相反。儂嘗自悔不與競。

其十

手折天桃花，擲地了不念。問儂何爲然，儂云此俗艷。

其十一

生憎明月光，爲礙歡來往。歡去月獨留，看儂無心想。

其十二

不忿蝶雙飛，到盡西園艸。今朝歡捉蝴蝶來，又願春風蚤。

容菴詩集 卷三 古樂府

二

其十三

藕葉絲不斷，藕花睡不起。有心未分明，何日生蓮子。

其十四

煉金成指環，貽歡戒輕率。歡今贈何人，使儂作口寔。

其十五

拔儂頭上釵，與歡置書讀。儂愁書卷繁，一覽歡已熟。

其十六

歡儂未有情，千喚不相拒。今日簾前遇，但遣雙眉語。

其十七

郎欲與儂誓，儂言不須爾。階下合歡枝，何曾具口齒。

其十八

相見亦尋常，相離不可說。宿火語銅甌，汝定因儂熟。

其十九

蚤來恨何事，着衣背顛倒。昨夜夢分明，郎被他人好。

其二十

獨向簾下立，本欲就郎戲。與郎遠前抱，迴身簾裏避。

其二十一

郎言卓家妹，面若芙蓉蕊。摩挲問青鏡，如儂可得似。

容菴詩集 卷三 古樂府

三

其二十二

楊柳心情活，春風閒窈窕。恐郎有猜意，不敢登樓眺。

其二十三

憔悴反自喜，郎歸應愧儂。知儂不負子。

其二十四

憔悴已無理，如儂不足論。不願郎如此。

其二十五

纖手撥三絃，爲作涼州慢。曲終了無誤，聞郎獨微歎。

其二十六

有懷誰能理裁詩訟反覆書向蕉葉上郎來不敢讀

其二十七

躊躇兩不語知郎有行色恐儂作悲啼獨自淚沾臆

其二十八

誰能無別離儂自能相恕但使心在儂萬里任郎去

其二十九

儂似端溪石溫柔好肌膚一自別端溪淚眼無時無

其三十

蛛蜘蛛有網三面放郎去何日吐長絲牽郎還故處

容菴詩集

卷三

古樂府

四

其三十一

閒刺繡繡郎坐鳴琴以儂立左右

其三十二

旁人徒唧唧儂自未嘗許白鶴指鷺鷥嫌疑只有汝

其三十三

奈何許的的百種心恨郎非一舉待與相決絕及來竟無

語

其三十四

裁取鴛鴦錦爲郎製半臂却恐鴛鴦裂剪刀曲迴避

其三十五

庭花正婀娜野花當道路遊蜂有心腸採我庭前樹

其三十六

不敢當郎顧不忍罷相憐願作車下塵婉轉郎眼前

其三十七

本知誓無益可憐獨惆悵削蕉作茅刺雖甘不足杖

其三十八

小牋試題字示郎輒道好持齋寫金經祈郎功業蚤

其三十九

容菴詩集

卷三

古樂府

五

捉郎臂持杯相勸飲不許郎辭醉

其四十

郎自不浮華儂亦不羸疎兩好無羞澁安能斷相於

其四十一

臨粧憶何事一笑不可止夜來歡惹儂被儂罵無恥

其四十二

往時郎著述必與儂較勘此詩避儂手自寫知定有人且

微探

其四十三

學郎畫蘭曉倩郎作蘭葉郎欲得蘭蓀願郎蚤相接

其四十四

到曉防耳目夜行畏露寒黃蘗語金橘我苦汝辛酸

其四十五

底事相婉順未言先委折郎是大度人不可與瑣屑

其四十六

鬆髮約纖羅經營避冷襲鸚鵡知可憐飛向粧臺立

其四十七

人人欲得歡歡獨將儂受不恃好顏色恃郎情不苟

容菴詩集 卷三 古樂府

六

其四十八

何所怒幾樹膽瓶花掇碎打歡歡不忤

其四十九

抱儂頸爲儂理花鈿儂亦與郎整衣領

其五十

着腰絲約帶未成結郎欲近前姑少待

予性質大足直前少所顧阻然遇女郎輒退縮口故

訥與婦人言卽益甚時遇妖姬襍坐座客拳洵而予

多泊然曲中人嘗指予曰此木人勿與道聞者鼓掌

予目若也獨不能于納語忘情間讀晉魏齊梁諸樂

府見其傳情寫艷風流宕跌片光片影靡不治麗心

甚樂之乃至懊惱子夜讀曲等歌去填詞不甚遠去

三百亦復近非色非聲詩人無所用脫者予木人何

能忝此雖然以澹泊玄遠之陶彭澤猶賦閒情而鐵

心石鴈之宋廣平頗垂麗句事固有知者不必爲爲

者不必知也或曰設令秀鐵面覽此必見譏呵余笑

曰至臣此乃足當綺語哉果足當者坡公有言今日

叅破老禪矣壬午殘鴈書于鶴山之孤林

容菴詩集 卷三 古樂府

七

容菴詩集卷之四

語溪孫 爽子度父著

五言古

僧舍秋尋

林木但弱如誰爲靜者廬水流磬聲出欣然知所依綠淨
秋滿簾烟霜初有餘我欲理清夢不展化人書

秋雨不已老農同歎

秋雨如愁入波瀾夜夜瀟簷角寒雲沍坐我瀟湘裏滴瀝
斷幽夢憂憂莫可理巖桂花正濃濕香階展齒不令菜甲

容菴詩集

卷四 五言古

一

新但使禾生耳房老赤脚歎長鬚頓足起寢見挾竹竿三
驅鳩婦徙干戈動地來繁華忽而已此是江南淚滄滄故
應爾

又

月月光乍歟不雨亦胡爲但恨農計乖風濤浩無涯種稻
止五畝桔槔鮮停時辛苦會成粒魚龍來擾之舉室二百
指食粥難前期隱饑望黃雲相與聊展眉一飽墮渺茫力
耕竟吾欺

又

風塵遍南州乞食將焉出叩門主人誰恨歎歸蓬蓬蒿苦
活坐隅蝸牛篆書帙病妻獨呻吟酬唱有蟋蟀平生臯夔
心致若豈無術畢志守丘阿此意憑誰質惟遺老親憂椿
檄或未失吁嗟未與耜智困力已卒

圖詩以示同志

閒庭容讀書繡幃蒙其上紫花小有妍翠角西風養何如
大耳兒羽蓋東籬敞

豆爲角果見梵書

右豆棚

容菴詩集

卷四 五言古

二

國以本非侯亦作種瓜叟枕頭來夢佳鎮心潛二酉無愁
渴未除會擊青瑤斗

右瓜畦

天公逗秋雨爲我晚菘地長錢一以力新甲推青幟小摘
風露香銀甕商鹽鼓

右菜園

何必岷山下蹲鴟堪禦歲我調玉糝羹土芝躬自嘗得充
君子腸芋魁果遭際

右芋田

寄閨念修埭頭山中

小築枕溪城門當大道柳陂角鳴地中午夜擁被走一飯
或失著久之亦相狃却憶山中人青霞塞戶隔峰回抱如
玦石怪森乎紐碧淙何練練名花蒼兕守小樓簾幕垂幽
香澹無有溫柔子石硯宣鑪壓纖手詩卷大於甕自署曰
不朽時來兩凌子排撻逃幼婦幾欲遂忘漢何論晉魏某
笑余比來蠅破壁棲其肘猶思春夏交屢書促耕耦許我
如梁鴻山堂託籬右餘粒充我腸不使饑兒吼余也含指
繁故人諒太厚躑躅卒愆期反教素心負至今課壠上腰

容菴詩集

卷四 五言古

三

鎌時引首木末戴青螺悽悵還良久秋陰天夢夢新漲沈
罾留中有尺鯉魚至自蒼之瀏浮家會當然對之不忍割
遣取故人書來慰重陽九

感遇

犁沒水生骨衆妍不相扶高梅獨生悅的的理明珠冰雪
養芳潤安此氣類孤無心倚桃李似欲挺嚴枯矯羣豈所
願且用遵吾愚艸木有微尚大化亦從夷烈烈風霜外果
得標清殊

二

日月何汨汨追逐以爲靈流景不自照反用勞其形形勞
誰則使爭光難復寧既見華樹沃隨暗風冷冷綠髮映花
笑薦老泣枯筵寧知日月外坐臥有玄冥慎弗妄爲好我
心方亭亭

三

姬衰七雄起燕小猶區區三面爭中原直北脩全
鼎立成 騎逃崎嶇國監士力弱兵伸威不無借問誰使
然樂生非腐儒其時李氏子撫卒如撫孤超躍請勦闔主
將但思濡勇積遂一戰長驅掃匈奴一將足任使弱小無

容菴詩集

卷四 五言古

四

驚虞何有四海大傾朝徒嗟吁

四

昔在炎漢末供脯稌人脰爰有魏公子嚮儼戲馬後何意
當我時人羨傳里右初知共奔痛久之亦鮮詬易子私一
哭得免時因瘦誰令生後世不及魚鳥壽已矣勿重陳寒
山衝戶秀

五

托國寶海濱魚鼈以爲養何辜旱相虐火雲覆如幌大澤
失波瀾黃塵不可仰春艸無復青入秋月鎮朗水乃升斗

爭安舒暑與網蛟龍憂覆都痛欠大千掌枯風號枯苗懷
新竟妄想嗚呼造化心澤國廢樁梁

六

嘗聞齊魯區號螭翼相比江南鶴髮翁曾未睹茲異一朝
聚族來狀若崩雲至白日亂無光縱橫觸眉背欺我壑無
濤居然坐溝澁田家互嘯呼博空羣奮臂擊鼓效驅馳紅
衫當赤幟野火明地中子夜掩其睡無何長子孫覺還
自媚攫拾遺縣官縣官據案冒胡不蚤禳除入境玷良治

七

容春詩集

卷四 五言古

五

古今臣節異催科見才力可憐階下囚萬死無慈色問囚
何所坐囚亦有何忒軍典課百萬日暮期已刻拆屋貿作
薪券田易斗稷田宅散方盡皂隸追呼亟吏日奉明旨緩
征罪巨測慎勿道天時天變不足塞民命莫躊躇庶幾吏
稱職

八

青松手曾植稗節瘦于帶爲有出雲姿不樂齊蕭艾高格
竟難限歲幾度離外因風一吟嘯童童儼車蓋善艸托其
下幽凝吐清馥本是同胸懷何妨結根蒂

九

漢帝圖妖冶繪事倚庸工徒能傳俗艷絕色態難窮已在
君王側金錢那可風詎煩悲遠嫁喜建瓴夷功自度燕支
塞邊人廢挽弓不作單于婦焉知心漢官

十

去年旱太甚水國土山焦今年雨無極平壠蛆生腥天地
瓦如醉沉冥失昏朝因疑日月來濕雲吐頹察魚戲自入
釜鼓吹蛙故驕水花開道路怪鳥益蕭蕭撫枕足垂釣乞
食仰魚船鬼狐走木末一枝奪鵲鵲饑來但僵臥出門總
容春詩集 卷四 五言古 六

寒湖我農無禹力風雨幾時調

十一

東南少干戈耳未聞金鼓白骨忽縱橫聚歛支黃土云是
富家兒或爲大腹賈紫綺肥芳風黃金耀炊釜意氣傾途
巷不解耕耘苦倒囊易一餐遂受青蠅侮直以肌無肉因
令骨不腐嘯蟻穴屢遷羣鳥飽莫取行路縞冠半百屋九
失主衆鬼哭青天馮人數門戶高樓何郡郎夜夜聞歌舞

十二

當時歲大有探甕幾斛麥身溫怯聞盜擁被蒙其額食盡

不辭成所恨，成誰惜。盜成饑，亦然等。成還從逆，驪忽暴。城
市前驅，勇闢格。置酒肉，如陵輕。裾有餘帛，長官臂。畫深閉
關道，良策機。密請授師，百里禁。行客傳知，一鼓掌。棄去歸
阡陌，官吏舉手賀。張皇爭獻，敵

十之三

箕山爲名計，崎嶇逃盛明。心艷來者迹，身苦氣亦平。竭來
果噴噴，不負當時情。榮觀悉以讓饑寒，聊有聲有聲。亦徒
爾還，今後世爭

十之四

容菴詩集 卷四 五言古

七

名爭宿所見，今人趣不符。春鳥莫知名，知名因自呼。勞勞
走前達，徘徊立庭隅。欲進尚未許，擬退意躊躇。性情難自
有，談笑何矜拘。乘間乞餘澤，留身訴窮枯。偶得汲微望，振
振傾吾徒。不知古聞人，管名如此無

十之五

淮陰本壯士，傾身報殘粒。鴻溝未割初，方隅俯可拾。從人
乞假王，甘受雲夢執。感恩豈云謬，功高恩不給。乃知決其
誅，一飯爲之繫。負恩誠不能，望恩那足立。危哉赤松遊，戰
戰深艸茸

十之六

彭澤心本朝，得酒聊放率。步兵值季漢，醉乃六十日。既醉
觸胸懷，妙理從此出。曠寄無端倪，吐音勝琴瑟。取娛共一
醉，愁向杯中逸。何處謀避秦，醉鄉鮮苛律。飲酒良已難，不
醉多憂慄。我今不飲酒，忽忽如有失

十之七

枌榆尚有皮，葵藿尚有萼。猶堪謀一飽，何爲坐苦餓。昔日
良宴會，各言厭肉糜。膏肥嫌沒齒，下箸頗遲遲。朝擗麟脯
行，晚學湘江鱗。主人內引慙，謝客鮮珍奇。恥作野屋餐，今

容菴詩集 卷四 五言古

八

食牛羊遺削，木慰空腹如煮蒿。山芝君看十斛糟，便復堪
揚眉

十之八

門有遠遊客，云是幽并兒。十五學從軍，猛氣無偏裨。軍鼓
虜名王，舉旗舞差池。黃金養遊俠，不肯買當遠。他人已封
侯，行伍猶未離。橫刀長揖去，五岳獨采芝。豈我不言功，劍
外少雄貴

十之九

暮從南山宿，山家競嗟訝。云有虎逐鹿，鹿羣更相藉。千頭

列環營繚繞不與嶧崢嶸角外擬弱穉走于勝徒繁陣亦
嚴勢結遂雄霸猛虎舍之去獵者不敢射如此誠得策擾
擾乃終夜蚤來山農流蕩我好禾稼

二十

鸚鵡爾何爲天然好毛羽生以佚爲德所能祇妍嫵彷彿
工言辭一一非心吐雖有口齒才不入鳳凰部依人能耿
介狡獪同降虜得飽莫颺去鷹鷂或爾侮

二十之一

步自西郭門孤兒遺滿市長跪不能言似覓糠與粃猶着

容菴詩集

卷四 五言古

九

故錦襦牽人索其妣一生願作奴宛轉從驅使父母生兒
時隣里相爲喜品兒好眉目娟娟秀口齒以兒作門楣肯
云道路歾猛虎無朋儕一步一顧子雖饑未忍欺人生乃
如此

二十之二

魚自憐其婢鳥亦憐其雄魚鳥相慕義繚繞共西東春風
蕩柔艷萬里桃花紅少婦十五餘光華與花同誠得男兒
意閨閣慎簾櫳中夜起私誓情湖兩無窮飛蝗蔽天來夫
婦情匆匆顧汝令顏色何堪畏蒿蓬東隣貴公子積粟勢

龍從汝今幸善事後人都且豐勿悲故所歡相思難相蒙
再拜謝故夫恩深勢不終請留一掬淚爲子灑幽宮

二十之三

東海有潛蛟澄潭泣寒碧心懷海若恩未免蝸蚌厄欲令
波不揚無地容投策清淚不成珠何物買魚伯徒憂海生
塵敢怨蜃方尺大魚吞若山雖肥海何益會須振修鱗行
作人間澤

二十之四

葛公急羣生引嘿臥閒墅降心希管樂時人猶未許宛變

容菴詩集

卷四 五言古

十

觀時運辭名去徒侶非羨武鄉侯英姿實所予出處既不
慙忠公泣首鼠貴此三分餘未嘗失伊呂不然卽沈弱躬
耕亦得所成都八百桑豈異南陽黍

二十之五

平漠萬里餘列幕點高旌皓月覆積雪射眼霜風鳴遠戍
衣裳軍主帥臥嚴城心孤徒侶弱擊鼓多歎聲
岸躍馬不相驚直入蹂三輔風塵暗神京天家賞懸格四
出詔援兵百萬募道殣列侯許儒生何時未集一飽壯
士情

二十之六

破石不奪堅磨丹不奪赤丹石良已微雅自尊其格頗作
老農計而鮮碗與石白髮難擇飽種稻勤敢惜慰饑盛遙
羨秋至饑仍積乃知鮑焦氏立稿真奇策

二十之七

舟車有餘利山川生險厄臺觀有餘明人迹空紛藉思爭
吾不能幽鑒或離謫高天布風雨無鄉以免斥母爲吐墨
智反使踪者獲

二十之八

容菴詩集 卷四 五言古

上

海燕思故巢辛苦更團沙春條多厚意殷勤還著花出郭
壠上行幾處廬如蝸荒唐艸入戶蠹疎沸鳴蛙父老前歎
息水旱長交加富貴重轉徙苦饑輕室家野處尚不惜豈
能愁天涯安得無往來白首共寒葩寄語流離子相將歸
種麻

二十之九

忽忽復悠悠歸思少紛拏春風賞我淡爲我開庭花花開
頗多事將色較丹砂欲令艸羞澁老樹慚槎枒一朝生懊
惱滿徑點流霞閒落尋常事無爲起咨嗟徒待春風力

新安足誇

三十

輝輝艸光嫵沃沃桑花開有屋若巢居浩漫風雨來雨斷
風乍拂到門客頗才玉鋒繞飛電詞河瀉轟雷恠我突無
烟脩然澹徘徊放春色不喜秋老情不哀入羣心想孤無
懷何所猜亦能宰社肉仰看祥雲回顧客無妄言好雨活
蕪臺三句或九食豈獨我然哉

秋懷 次韵和卓方水

疎索映山帶竹湊怒泉落巒氣集松杉漸知林影薄殘英

容菴詩集 卷四 五言古

上

泥輕寒側側護羅幕結志獨傍俚峭與古人搜古人豈荒
唐發憤以著作作愴悼雅云厚冥觀還自樂

二

液雨止青膚蒸嵐如醉立環堵一跋巡庭樹相擁泣約步
極南流次第幽思集聯眇有江妃曠朗放遐隰願言從之
遊高雲共吐吸終焉勞拘情瀕瀕搜玄笈

三

索居非謝俗榛墟初經理隙闕瞰清淪樵蘇快茲始爲今
吧露蟬竟負冷風吹騷瑟遍蒼岑微物抱貞衷

士方格絕倚徒摧制未云戚患實在蒙恥備僻本平生勞
攘行當已

四

嚴霜下林樾淅瀝滿村巷潔懷恣點勒縹緗見巨匠豈必
侈文辭所得乃情衡胡爲摧頽客俯仰堅骸髀裂腸吐奇
芬靈燭光相望高風旣云杳苦節渺難上徒令百世後感
歎涕淫浪

五

卓景不可追建立意方廣握誠供明時振節理名象有如

容菴詩集

卷四

三

林條迎風競流響撼撼梧葉疎蜻蛚摧杼紡我躬已弱
衰輕矯詎堪長野日忽荒荒空堂自沉想

六

蕭放出門去木落巖逕希散髮踞盤石愴怳疑靈扉芳泉
激前澗鳴咽若刺譏寒光照古心冷魄侵蕉衣唧訴彼爲
寫寧事悼知稀峻業辨奇尚壯聲謝繁揮翩然越叢楚獨
控青霞飛

七

誦讀莫弔古漂淪莫依人弔古餘永恨依人損天真

彌野澤蒼水茫無隣桑枯嶂漸出艸瘦蛩不伸負俗非有
意九慮徒驚心憶宿膺此志兀傲猶撫塵已自恥俛仰安
知悲賤貧子懷在不忘同波更誰嘆

八

屑屑抱羣憂驟忽如輪卷殘夜霜月昏夢悄詩商拗強起
折鳳條不教露華滋誰家砧杵心欲借流雲剪入戶累徘徊
徇所思客陰阪路塵吹作山羈羽凍未展

九

孤城白日淡碣渚晚潮升斷鴈哭青冥畏影時吞聲虛館

容菴詩集

卷四

十四

聳吟骨敗壁鍼棲蠅觴劇易視聽劍鳴躍心情濕烟漫霏
霏連綿坐華燈何言乍澄罔愁瀾正縱橫始知天地隘躑
躑將焉征

十

憔悴復憔悴俛默空自知淵詠發潛省翹辭絕纖枝逸姿
何亭亭貞實何離離試侍較春事棄置易衰葵我意恥苟
同世人病迂達迂達多鬱騷天素不可隳誰能學蒲柳望
秋苦難持

十一

客夢亦零落長譙喬枯號清削百蟲酌殷勤留餘膏叢憂
細若髮殘淚沸於濤宿嫌書藉妄況乃驅馳勞嗟峨檜櫂
影幽墀臥玄猿我非昔賢比此際胡怱怱

十二

南浦芙蓉泣的皪近紅星旋颺驟披拂會見改妍形芳歇
便當復狂困懼難惺結交追古歡淫書破沉冥有時自迷
悟明滅等流螢楮楓榮羅磴饒鳥咒蕪庭苟能抱貞苦何
用誇矜靈

十三

容菴詩集

卷四 五言古

五

應是愁颺碎而窺此秋暮紛紛月泛牀斷斷風剪樹砌蟲
抽冰嘶秋蛟逗得度小閣步哀彈刺促如征戍丈夫愛徒
信心悄累回顧聽微忽崢嶸參差橫積慄那堪當此時霜
滿鐵琴路

十四

高閣日荒尋搜角辨雲氣墮葉車前捲雄湍離下沸松根
倍靡腫石齒相經緯懸挂殿春颺颺濯玄味排翳捫跌
竭束薪洗苦衣 爲戒後代人慎弗輕勞頓君看淵湘魂
跼蹐徒歎歎

十五

楚竹蔚繁露羈禽迷舊宿墟嶮互層甍澹灝微斷續清
碧然喟寂歷散茆屋冥遊有濁醪矜對唯叢菊勝地聊以
娛塵網豈能求倚楹一遙駐腸亂如絃曲

十六

通蔽不在俗達生免縈擣悅悲不在秋古今入懷抱渠夷
終慢情餘人僅安飽轉側非所辭實願明要道卓犖棲靈
璫倘羊歸夢鳥常恐托根早采伐同蕪艸

十七

容菴詩集

卷四

六

氣韵夜方晨約帶候星曙興發不自已引艇詎知處修野
咸淨植髮木亦森著田瀨小潺湲跳躑久乃去世途倏檢
括多謬類孤鶩冲明足內朗遊放開襟遇得歡善護持爾
外尚何慮

贈萬悅安

名泰甬東人

人言四明巔歷歷星可摘石牖俯大荒元氣混羣迹高
帝居近神人乃敢宅滄溟豁其東濤山挾天風海岱莫相
下朝夕浪花紅因之効靈秘名賢鬱相逢相逢若爲美貞
冲有萬子抱靜形自正奔仁猶發矢以厚壓紛浮智公心

不倚所有殷勤懷獨向蕭條士樂觀雖足欣燕處超然耳
性至但存質風流視秋水不以直諒詞嘒嘒在唇齒如何
全盛時華僞還相師遊從戒真率濃笑傲妍姿其留如詛
盟歎然其參差豈必真氣類遙聲寄相思及乎偶有謂腹
中閭岷崎焦火與凝冰一席異所施我觀今之人辛苦不
可支譬如試弱泥足陷難自持茫茫覽茲代頗怪有君在
我不附知已君能仍我愛離合十載餘大抵猶初對屢逢
無熱顏偶見寧殊態登頓曠千里孤誠如我誨顧斯荆棘
流能容數百輩我聞古名臣必曰忠以純猛虎可共臥亦

容菴詩集

卷四 五言古

七

使鱗甲仁取祿多慙色先驅少踰巡其愚絕規避當世以
爲神遂令狡獪者不齒等微塵吁嗟履安氏君真無愧此
振足嵯峨崗澄胸瀆濊淚清臙拂裾來白雲蕩其衷非不
號通才所尚良在彼帶甲正中原往矣慎行李山中徒鼠
憂眉肩方何已

贈魏子一

名學謙嘉善人

出戶嫌薄俗入門憐高賢未得牀下拜聊復托明幾當今
苦多故吁嗟良有年苟全在樓遁聞道難幽眠一奪三
輔神京方孤縣赤憤潰中土千里無鳴蟬大帥擁壘臥何

曾勞控弦未必百萬師一將不可前東南水旱餘出郭多
閒田柴立道旁矧忍死誰爲憐憂憂達中夜扶牀淚聯綿
烜赫名下士譜牒逾百千辛苦急聞譽解帶不及纒相將
踵華僞所得乃輕覆朝日以夕月腐心祇陳篇流風昵羣
卉衆葉同娟娟多君松檜姿崢嶸斷柔牽芳飈一披拂鄭
衛爲政滋精智攬時務決盡吐源泉通才貴經世夷籍皆
所不卓犖人倫內清輝映後先竭米許馳驅朝風已澄鮮
以茲盤錯日戮力寧遷延君家先夫子偉哉力扶蹶不惜
臣九歎要令神器全日月聿重光身歿大義宣人就非白

容菴詩集

卷四 五言古

六

骨好官胡有焉甲鳥喧風林淫魚逆奔川汨汨長河水東
流何時還伊余昧機警歸樸少流妍無璧恥途乞誠愚委
蒼天蹉跎歎涉略骯髒違冲玄交寡或多親古歡相與傳
時利拙規模芳心還自鞭旣得麟鳳附詎憐蛇與蛇寒條
漏纖魄孤光起霜烟思君方此際山翠欲潺湲去去勿留
顧四海正騷然

贈黃晦木

名宗炎姚江人

理世多聞人鼓吹奔俗于綾刺望門投莫知其所以相視
雄一方黠者以爲市社籍塞通衢刪留作悲喜其榮過之

遷見廢卽深恥或用急睚眦因之樹壁壘分徒互謗謫羣
居工頌美文字高自標題名不勝紙漸老或狡浮少穉如
狂兇誰爲超然者吁嗟良鮮矣爾東陸與萬二子殆免此
矯矯有諸黃風骨正相似太冲宿所畏高節在人齒抗稜
有澤望足使鬼蜮歟餘季吾未識頗深晦木氏晦木居其
仲俯仰特難耳門當小剝溪屋傍明山趾青壁照眼寒澹
灑情無已藏書列牀頭萬帙不知止爐香修宜廟縣墨囊
古綺芬田易下巖析硯每傷指溫柔艷于玉融融色微紫
開匣輒一笑如日傾城婢妙筆脩先民上有勝國聖晦木

容菴詩集

卷四

五言古

九

踞其中清嘯獨彈指反戶勤著述不以陳言靡恥讀漢魏
書抱經邇原始曠聊古今詩填詞雋而旨道峻辭物助情
多受驅使殷勤砥流風雷同羞衆士孤持貴慙貞爲德無
倚徙嗚呼此何心家學不可圯憶當先皇時逆璫紛國是
元臣及百寮股慄但長跪忠憤有數公露章發奸宄兩浙
竟何人君家與魏里從容赴詔獄矢心在擊豕天變鬼神
泣不救孤臣歟至今江以南山川色爲起大義痛不磨譚
者淚猶泚爾時戴逆徒雖生形若蟻低頭愧妻孥有影不
敢視皇天悼芳烈貞規挺後履諸黃既絕塵魏氏亦爾爾

再拜前晦木耦耕吾所擬相與障顏淵庶幾耀明史

村行卽事

晨光動鳴鳥芳尋步爲迂方塘漾魚婢輕風舞柔荑歸心
望獨樹劇語荷鋤夫行歌陌上花濯濯春陽敷

山房

高梧影欲落修竹森東岡初香妙一縷石鼎沸前廊幽露
滴如雨皓月厚于霜所畏清夜心倚檻重自傷

踟躕

蛟飛自雲雨鳳嘯必清時椒蕙多潔芬松栝無柔枝士也

容菴詩集

卷四

五言古

辛

竊有歎豈向不我知黃塵溷天地白日失光儀當門鋤芝
蘭不及蔓艸垂美人放巖岫臨湘唱楚詞鑿冰以伐夏積
薪寒足支嶽竦能破雲節抗能持危貞閒而幽妙矯矯寧
紛披如此正無負踟躕亦何爲

寄沈子

雖我遁孤林有賢良足私如何寒山子徒然我輩思發音
寄哀歎高情付深知省書增悵忼我子同旅羈不免衣食
錮政云好爲師俗士喜矜束卒歲困難支有舌誰可語有
眼青幾時有胸還自省有韻動成悲有面如土木何能省

妍姿有文縱奇瑰要非彼所怡一室禁不關日月隙中窺
那知芳艸青况復楊柳垂嗟哉吾與子當此甘如飴豈曰
無性情持足將焉之吾有作達語聊用豁心期天地特一
甕人生甕之畸方茲偶相失自恨爲天涯及乎忽而遇歡
然訴相思聚散一甕中何異畸愁傳所以玄覽者俯矚衆
界早深踴置悅怒未嘗妄紛披春風笑我澹春花賞我奇
春山秀可挹與子還相追

夢覺

夢覺察天氣斜燈尚微明冥極耳根肅番如峭有聲轉理

春菴詩集

卷四 五言古

圭

夢中事夢亦見生平卽此洪濛色無復思縱橫

答白門詩僧

孤雲不可跡兩載離懷紛得句誰與較就艸還自焚上書
初見放歸臥愁難分芳條領寒色枯風廓奇聞何當開士
至勸我學從軍磨墨須眉鼻儒腐非所羣不然寄山水淡
傲榮清文且復挂瓢笠苦吟發高芬

杜門

任此疎頑姿與世謬相碌屯難旣紕加性韵亦蹇踈退屏
原野居浩然遂不復負薪樂清迥種稻免饑蹙私費

恥讀書救通縮杜門一區區危坐氣荆蕭

擣衣

思君自清夜靜看初時襖淒切百蟲聲明月良艸艸霜滿
門前路何處行人蚤

雪次桃花

天姚如天姬雅靚已云極風姨忽謔浪吹粉使太白坐令
花作噴紅淚凝冰尺不分姑嬋笑俛首私自惜詎知天工
心本用慰窮客千花媚歸人遲我及寒食願言薦微軀慰
爾紅巾濕

春菴詩集

卷四 五言古

圭

從弟子洛書來問予受杖詞旨頗切詩以解之

先師有明戒大杖逸亦得云胡交戟中抗聲干不測非罪
殘其軀聞者色爲失縞裾決流丹于子意反憚交從遲鼓
掌倔強果猶昔誰知平生心視此等眠食未忍薄吾徒而
反躬自惜貧賤宜苟全苟全寧有術且復寶區區山田相
看菊示同學

萬物歸行意榮敷何必蚤果爲耿介姿嫵媚亦復好君觀
此落英色香竟自保森森吐清艷秋風不能掃

夾山漾

一湖幽黛光粲粲疑綠雨疑此千頃碧皆從眾山取野鳥
無喧聲閒雲貌亦古烟柳與蒲風婉變相吞吐我欲蓋其
茨來作溪山主誰當具釣舫使我稱漁父

夾山寺 寺湖湖爲放生處

鼓鐘水面來雷殷四山麓中有淨名士護生常水宿唱佛
山禽和飯盂分乳鹿藏門柳望迷抱簷千步竹乃知僧好
事能爲魚鳥福因之風俗成道氣滿巖谷

艸蕩

空秀不盡山水爲推蕩之山水相洗發纏綿結奇姿沿流

容齋詩集

卷四 五言古

重

片幾曲每曲堪少時幽情所未已更作浩渺窺日月覺益
朗步步家可移何當真一往小閣枕清池但倚鏡臺側閒
看文君眉

桃花塢

同閔念修登潘氏山樓聽客彈三絃

斯塢態何殊狀欲侵古曲還作翠羽鮮近忽丹砂炯山光
挾花光幻春於烟頂小雨海棠開新泉發奇茗石梁穿紫
竹瀉艷三絃挺高閣一以憑春愁如霧醒

見落花

天工偶長孺清吹涼枝杪林花有底忙相辭不待曉春歸

吾不攀豈可春無節却有拘花人議我心成鐵

孺子山

徐高士嘗登此山以故得名然直峭峻可

山居萬峰下人在千載上令名一以借隨抱抗衡想艸木
亦自矜無復霸颺颺我來不重登風潭蕩兩槩恐遺後世
譏與公爭尺壤

喬木山

射雉摩蒼崖崖石一何怒樛木吐清濤俯矚訝莽互石帆
拂朱閣蕭蕭風日傳頗疑萬斛舩樹杪看飛渡平田禾黍
黃菱蔓秋塘布天垂青入地桂擁香如霧妒此佳山人市

容齋詩集

卷四 五言古

詩

朝吾不慕

沈長山看巖桂

停橈千步外幽芬已遙觸小吏謗鼻慧微風故來續誰家
好園居禁此百頃綠閣戶莫我磨辜哉黃栗玉吹香浥巾
裾花意如我告甚糗仄青冥重淵皆可錄崖巔花更清秀
野鮮拘束秋天日易瘦花焰翻成旭記取最繁枝開牕半
巖曲

長超山

撥翠騰坡臨衝虎捫孤峽修纖風篁冷白塔軒然桶羣蛟

聞狡獪拔地試爪甲綠湍急羽箭紅浪吞鳬鴨天晴風日
喜清鏡開寶匣崩崖貝珠跳側壁龍蛇壓鑿雲嵌精舍雲
生俯可狎有客披裘公八荒嘗苦陝請從種玉芝爲君重
若雪

後感遇詩

十年不製衣布被如網穿一日不再食饑兒如病蠅夜春
辭力助朝汲投廉泉心行九州外四海真倒懸吾欲飯斯
民摩腹使便便亦欲使蠶績奇溫滿霜天如此良分爾言
之客哄然笑卽無不可慎莫相愛憐

容菴詩集

卷四 五言古

圭

其二

屢居試持籌纖悉性不克鼓刀學屠兒畏殺心隱惻庶幾
力所任種豆及黍稷農家憂瘠土牛溲亦甚膏吾豈思肉
糜牧豕以爲職食之或飲之雖勞罔難色所要發春耕玉
粒大于薏有時夜半起扣關歌努力我無大臣相爾豕且
眠食

其三

吾生語溪涯亦恐當馳道水濁無波瀾村墟坦不與時平
思去之况茲戎馬噪搗來浮吾家山澤由此蹈何知巖壑

間兵氣漲如瀑麋鹿失舊巢幽人棄丹竈余亦返故廬桑
嶺看牙齋兒童習鼓角無復走相報生全真偶爾智力寧
可造豈不懷林泉夢好時一到

其四

五歲就家塾屬偶駭里師十五之西湖名賢賞清詩二十
氣何銳激昂思有爲結友江南北四座皆奇姿會當爭國
是致君如葛義上書卒不報志氣隨低惟於邑類思女春
愁暈兩眉時時與影語掩面雙淚垂猶言勿太苦夫君會
見思云何女未嫁已抱寡婦悲梯山有崖航海海有涯

容菴詩集

卷四 五言古

圭

此恨豈終極那知淚盡時

其五

秋燈依壁暗斷雨因風滴屋上嘯餓鴉牀下號促織引衾
不成寐愁腸成轂擊言念平生歡端如瓜再摘其人天下
士未可一州覓天矯龍不馴文彩鳳堪敵許我相抗衡樸
學嗣宗嫡神州遂陸沈一一殉鋒鏑我無王事勞雖生質
憤激閉目似見禪塞耳使根寂輪蹄既以廢合齒儼茹荻
依然觸駭機性命如投甕恭承兕伯仁歸作低飛鷁手弄
牽牛花微吟空唧唧悲來忽填膺吐氣亘虹霓投枕一大

叫驚鳥起森櫟竹外曉鐘推露濃方漸瀝

其六

南人事北人歛臂就烹煮北人視南人豈異坎中鼠啞啞
手中雛生男莫生女生男必道旁猶作江南土生女落
地居然學語語罵故夫渠儂堪作侶嗟嗟誰使然棄
置弗復舉

其七

藕花出水底根葉彌不香婦人不畏死白骨何其芳兩都
一朝陷千官如奔狼白髭老卿輔照地黃金章望塵馬首
容菴詩集 卷四 五言古 毛

其八

拜安問卒與王那知茅屋下罵賊有姬姜投刃如冒絮投
波如引觴豈用博稱譽卒然甘小僮我欲作野史述此閨
中良誰能具姓氏以爲萬古光幽貞就冥沒雪涕沾筆牀
蛺蝶醉暄風蟋蟀飽淒露暄淒雖異候候蟲豈相慕云何
五鑿爭哀樂紛其故悲秋而悅春似爲狙公誤所患乃有
身以身得忤忤誰知身非我起滅情何傳迷卽本不迷悟
亦了無悟

其九

秋雲垂絮帽秋雨絡水絲秋風懸裏人危坐理悲思不見
十年來愧歎名兒聲稱何籍甚皎皎生光儀邂逅墮
襟番受俗士嗤似此真可惜名成物敗之文章滿區內適
爲嘲刺資以彼值平世何至使人窺竊鈎固有典窺名屬
亦隨清譽戒多取君其保令姿

其十

結廬先結侶避世先避名如彼美陽令傳首了不驚伏劍
嫌已後青盲亦忍情鱗甲一以露遂爲名所烹我欲遵河
渚友茲仲長生釀酒養鳬鴈不言意縱橫簡放鮮拜揖俗
容菴詩集 卷四 五言古 天

物安敢櫻種藥玩其姿以俟河之清却歎文中氏講學當
沸羹

其十一

我讀種樹書卓此甌脫地九松初種時針氈如眉翠歲歲
養髭髯十丈標青幟我昔摩頂看于茲頻仰視真爲友可
畏肯與花同嬖可憐陳艸巢銳盡長饒委風霜其奈何野
火掃姿媚

其十二

小庭風露澄桐竹當其半窺人白月流恰值疎枝按罷絃

燭見跋蹋砌散孤玩萱艸旣以衰芳心亦零亂如何水仙
叢抽條復成髮耿耿山茶紅火珠又如貫最憐秋海棠清
妍一朝窳衰至不可推芳謝誰能追我從艸木遊已竟白
骨觀

十三

語水天目注孤城僅如斗山川氣遙集文字頗交肘往當
隆萬年風流屬某某大雅呂泰興王李相擁帚石几布長
林好事真可狂遺墨一摩挲每惜生也後誰歎步芳躅鄙
夫苦自負何圖上東門忽復囑彼醜因之憤吾徒投臂握

客齋詩集

卷四

五言古

无

金鈕身殲志則強炯哉能不朽乃有兩癡叔向山惟疾走
恥習制科書畫字作蝌蚪念恭筆成塚莊生硯生日詩學
破天荒清雄得希有却啣小阮指呂生宜忠悲漬涕枯庭柳顧
使老彌明倚壁時叉手亦欲張吾軍如雷鼓其缶對此不
易才吁嗟爲良久寧云兒女仁淚沾猶決瀏終然期大節
豈曰陶詩酒

戊子錢鵬雨雪

先生寒不出坐憂破壁傾清吟時側帽自和饑腸鳴竹樹
何呼洵瞥然風絮輕紛紛月覆砌騷騷玉築城此景亦足

惜要非世所爭誰爲裹飯者愈此鼓琴聲

二

昨夜雨成雪今朝雪復雨幅巾疎詩骨凌競戰兩股虛簷
玉塔垂鑿冰初以斧小兒扣凍盎隆隆聲似鼓相顧却一
笑炊餅明年嫵惟慙施粒微啾啾鳥雀怒

三

我聞閩海饑萬錢飯一簞壯士脯人肉老弱充盤餐猶能
共挺險戟指數可不知彼遺黎幾人身首完而予幸逃
此敢復冬號寒但苦衣稜作廢我手一編

客齋詩集

卷四

五言古

三

四

松頂何顏唐竹梢橫屈折梅花破曉開相與鬪清絕是夜
月初明照此花共雪不知誰爲光潏然成一潔我如大耳
兒帳中語切切擁后視壁人惘恍失優劣

五

日日南榮下縣縣急雨聲穿幃入我耳悠悠百感生江南
萬斛淚墮地艸不青天公苦聚歛歛作漫天雲一滴心爲
傷再滴魂自驚朝滴復暮滴滴環佩清雄如翁姥啼雌
如女兒鳴窮冬坐消此幽夢何由成

故人

負僻放殘野故人時過之憐我饑欲歔歔進其私詩如
孟郊寒頗非富貴姿請子遂徒業此宜三祓除長跪謝故
人誠有如良規生不際唐虞比肩臯與夔袖手作文士長
銜廣武悲富貴非所願雅復樂此饑君看艸根蟲和鳴亦
底爲

不寐

兒時妮長眠每憤牕日烘燬成喚不膺房老擊簾櫳怪事
三十餘輾側同老翁丁丁漏何苦耿耿燈自紅時聞棲鳥

容菴詩集

卷四

五言古

三

翻然記狸奴功窺壁刻月痕側耳待晨鐘隣雞次第鳴亦
復有拙工欣然爲攬衣起舞爲昔雄學道又有年安心猶
未工身閒退院衲慮澹捉影童爲復有道在戰守提其中
坐使睡鄉境丘墟不可通我圖心太平無如道亦空邊檄
旣不警睡鄉應自逢

舟行望若霄諸山

我携萬斛愁來消故人酒風雨苦愁人晚晴落吾手青山
本相識相迎維恐後怪我來底遲一一爲昂首恐我復却
去羅立欲環守長揖謝青山厚意不可負吾眼爛巖電看

山光愈有吾文瀑飛流能與山俱壽龍蛇落剝藤磨崖初
未醜畫亦羗氣韵作圖頗不怙自我浮此生冉冉已四九
踟躕穿木榻采山如鹿走富貴屬巖巒功名策林藪堯禹
倘可逢管晏吾豈受

冬晚雨雪祿書

病骨過秋鷹森聳無俗脉清恨等南山崔巍寒天地高竹
叫青鳳登梅張玉幟鴉啼何侃侃寒側風如刺

又

雲急雨復滂憤然失其次噓呵爐火紅團圞圖幼穉饑年

容菴詩集

卷四

五言古

三

杵臼閒暴兵鼓角沸天公亦何歡經旬作此戲

又

才人莫放狂放狂暑鼓吏饑鳥莫窺倉窺倉喪毛翠蛭蠹
莫升高升高還墮地思婦莫折花折花空掩淚

又

刺繡棚 兒採珠粧 女山川蔽 塵闌闌吐 語咄咄
真怪事皇天奈何許誤國諸老生骨朽不堪煮

容菴詩集卷之五

語溪孫 與于度父著

七言古

贈陸文虎

名符而東人時寓燕京

當今白望何紛然平驅愚哲歸一編衆人匹之爭恐後豈
煩執縛投狂泉盟書四出相視嚇縣彼國門示柄權舉世
所趨無是非此時特立良爲賢柔風莫脈強哉矯擬卜其
人抑胡少卓矣陸子勤警呼我亦因君發深曉翺之不置
徒爾爲退嘿以觀恥擾擾年且三十未聞道寧不予君情

容菴詩集

卷五

七言古

一

繚繞猶憶當時初見君豁然照面卽殷殷君臥孤山快雪
堂我踞一峰爲寶雲湖光灑灑美人鏡岱色綠沉太古文
高懷相賞能排俗一段樸誠君所欣點墨濡筆輒有謂細
語雄譚無忌諱風規岸絕特難仰彷彿如親蘭芥味俗子
澁踏苦見疎君獨視我方同氣予時爲年十有七十載于
今抱荒質三江組練隔形影每一相逢嫌艸率勞君慮我
墮塵趣反復贈言來尺一讀之珍重嘗在手日月入懷開
我室溪城殘鴈正掩關忽漫乘風水一灣自言別子去京
國擔簦不愁道路艱壯夫遇合會有時聲滿長安殊等閒

却憐寂寂江南子艸沒雙扉姓氏頑有親何處容乞米妻
子慣饑甘野薺倚柱嘯啼非欲嫁無德稱兄愧諸弟傾身
不足謀一飽縱令聞達安所濟況當海內獨需才惟君真
合披丹陛大江以北悉苦兵東南水旱田不耕吁嗟人羨
澤不怪如食疾子民其生齋斧視師諸大帥幾時議築受
降城昨聞 騎又充斥天子關前鐵甲鳴區之燕有李
牧九州豈遂無其英羣公接武被恩遇應共出奇慰眷注
將不中制威乃伸今時御將輕狐兔文帥雖文未挽弓武
夫諱武還雅步嗚呼世務尚可爲劉晏何人嬌足賦君才

容菴詩集

卷五

七言古

二

十倍劉與李理財用兵必有以張髯抗音陳要略文章報
國空言耳君旣致身雅足欽我經放廢亦自喜不才僅可
圖苟全躬耕媚老應如此堂前沙碧竹風奢繞砌官梅婉
著花桐樹出簷有新態室人好道靜無譁明年定作萬里
行三湘窮窵更三巴吾親得飽計便足驚人佳句或天涯
歸來抱膝且何事了却殘書致足嘉待子功成身退日請
從學易趁年華

冬日重過閑念修善似堂卽席有贈

念修名開祖吳典人

木蘭天嬌度芳洲水舞風斜漾客愁客愁灑灑不可東王

人開幕趣寒玉非花非霧難比方乍陰乍陽翡翠裳花能
解語故應媚月共嬋娟自多思研紅羅抱紫檀槽水車鐵
馬聲勞勞美人雲氣特縹緲華燭光疑莫知曉繁絲急竹
頗能齊自然雅麗非大隄却憐小杜尋春晚濃碧壓枝空
自婉廣陵漫作看花夢珍重奇章護鸞鳳爲君一起十年
憂瘦盡春風何處求

善似堂西府海棠盛開予與閔念修聯之香甚清詩
以寵焉

子固詩自芳海棠非不香每恨名花難舉似徒令拙手圖

容菴詩集 卷五 七言古

三

毛嬙只今對花敢妄語我喜欲吐不自量屏開有女如雲
匿婉孌遙知情所織妍輝借日日借麗不愁不笑心難卽
艷豈在姿或在魂怯怯新粧誰可得似矜被酒態益工如
喚見客面微紅深窺淺舞知何許忍思封情未易攻倚風
側側柔無緒坐月脩脩夢欲通我來善似堂中次九十無
端逝其二一卷毛書愁殺人 陸文虎嘗呼時
文爲毛頭書 因之不敢題
春字砌下何心善艸青簾前未許鶯聲至看花欲遍長安
蓋且須暫避春光耳春事模糊愁亦然今朝又被花提起
折花入戶還坐愁視花清淚如鉛水

賈似道時外域進花類海棠而無名似道曰樹之西府
故名其香似薔薇然則昔人所恨無香者非西府也

戲答凌長康評文詩 長康名義康吳興人

我輩作事母乃孤闢者主之和者奴夕秀欲振朝華誅他
人我先凜凜予何如作賊掠時腴丹碧爛爛肯勿枯齟齬
折腰傾彼都任吹多少愁于狐主司目成才便殊秦漢作
骨兼程朱匪脛而馳光照衢人手一編習以娛志士不恥
爲穿箭君獨何爲高自須偃蹇未嫁忽數夫老女生口安
所呼絹不生孫錢不孥我求其策庶改圖妖嬈一笑廢千
姝賤豈姝衆貴方腴吁嗟吾徒慎勿迂

容菴詩集 卷五 七言古

四

賦贈虞山先生

大賢天生實惠民先生獨開尚水濱空壑清光積衣裾貞
冲厚氣扶羣倫著書閭戶已盈尺動持大義堅于石殷勤
勞畫空寄言落落誰聞救時策雖無聲效東山比賴得棲
遲綠拂水林亭會托虞山潯水雲浩浩奔屏几高柳妮烟
沙鳥臥閒花護月孤光以先生于此欲忘出詎知時事方
堪恤赤憤憑陵勢行瀆黑烏盤措膠逾漆措舉紛紜名洵
美欸實繩源皆所失大臣憂悴小臣懣辛苦聖明不遑盥
艸茅未測碧翁意但卜先生爲治亂只此蒼生雅足哀那

客安石暫徘徊瀛言艸就崇寬大要論裁成辨驥駘嗟夷
愚迂背時利日坐沈淪不敢貳一廬偃仰雜風雨百指饑
虛憤憤歎爲文每恥事妍麗起目有司如避祟獨抱方心
儼臨敵更茲吟舌如含荻自分虞翻骨節疎坎待青蠅相
引覓唯將嘯咏得曠朗寧以踏蹬橫閭幘偶觸秋懷一韵
之何圖忽受先生知却愁坎壈難自力還稱往昔仰攀追
世輕寒士如寒葉先生爲國痛援接當年韓愈尚三獻今
我無因輒蒙獵推推蒲柳媚柔風似似孤貞傲楚叢便使
柳黃蒲萎落要令蒼碧領霜縱撫膺慷慨私爲矢矢篤忠

客庵詩集

卷五 七言古

五

公報知已先生且莫賦招隱我願上書陳國是

破壁

夜雨勢不已一齋儼魚舳雲烟恣滅沒枕底來鳴潮垣斷
夢爲破舉室風颯颯野竹意相媚俯牖作清譔不知淚迸
落濕我笠與瓢主人歎息起欵席避沈漂自此富朝瞰涼
月伴終宵歎土長旅艸時復走饑貂客至寧啜茶堵呼
哨哨明是困力屈強言擬陶焦何爲蹇踰如寒蛭要當九
萬搏扶搖陶焦余破壁賦中語也

冬日溫潔軒後梅花冲然欲放乃移榻其下坐待芳

複

墨兵先生酷避塵夜夢巢許交托身曲股之水猶拳壘何
能通狎此隱淪疑腹輓轡了未釋空庭跳達百匝巡長鬚
仰而忽訝歎綠珠結束吁停勺約鬟薦袖出皓腕深幄睡
起初欠伸左顧無足當其意濃目弄笑射諸嬪薄日曦明
氣如喜掣光差池飛青燐擬嫁那用春風力碧紈擁面動
微唇寒峰無賴蚤見伺越幕排幹思不仁枯腸久亂眉角
澁瞥爾迎盼嫣然親偶愛支戶非絕俗浪誰降此蓋淵人
心知昨昔來二子晶瑩水澈乃君神却愁怨我太狂忽出

客庵詩集

卷五 七言古

六

意媚好寧辭辛謝捐僮父躬除掃松爲步帳幃爲茵山茶
作奴水仙婢鑿潭寫照供幽嘯滌硯拂幘獨偃仰頽簷影
落勢嶙峋須臾香發柔風滑一痕冷魄逆輕璘吹瀉屏紗
沁石骨長鬚仰賀先生呻

咏雪

效歐陽永叔禁字體

饑鳥排楊啄屋梁主人僵臥被生鏹枯蕉淅瀝勢方壯竹
樹格鬬困壓墻老松強項疎肩立清淚滿鬚鬚不揚金鴉
折翼墮海飛塵蔽空骨磨踰天帝慘淡色不憚神女呈
戲鞭驪驪斫柱碾礎作雲飯解遺襍佩散闔闔失足漏泄

埋地魄青娥繡額悉改粧蒼兕灑泣瘦蛟夙陽官抗疏除
刑傷融融錦襖透巖扇披衣屈起目眇喪

大空樓贈卓方水

名回錢塘人

我來二月梅影暮寒烟浩浩通野渡竹梢葉底桂子落遲
迂老蔓花無數秋室先生稀阮流瑟瑟空幃嘯風雨愁來
歷歷脩古今長廊散步幾狂顧負奇莫試聊復然何曾世
故爲歡忤西山朝來清于水秋夜月高百蟲起想見從來
壁立人抗稜寧抱秋風歎

大空樓題壁

容菴詩集

卷五

七言古

七

無限艸堂意翳然竹樹隈破幃疑客趾殘帙歎高才獨有
剪刀聲響處春風依舊老梅開

讀書孤林庭梅古甚放花極蚤門人胡石公索詩詠

之
石公名羣玉仁和人

無端忽墮雞鶩羣可憐欲語誰能聞兩眸但射梅花面梅
花爲我開秋分因知此花真絕俗不然何事先微芬靜懷
花意卒淹滯行吟中夜嘗披裙真覺相看兩不厭儻父避
花如避焚予向石公三歎息雙眸高妙等孤雲因共探花
入危榭蒼烟敗葉荒埋禁山氣沉厄疑被酒枯流鳴咽波

無紋寒光繞屋麗人立清魂款款生奇欣所愁芳夢未
醒幾回照眼難殷勤却同暝色歸小閣雄譚促坐初紛紛
無何一笑忽仰首驚看妙女立湘濱又如才士方入座流
情飛韵不可云此花蚤發豈無故意者石公詩之勲否則
憐我正落落幽姿特以破羈急只緣我輩意相屬聊輸妙
譽答玄文從茲次第清暉出雪媚風淡娛朝昕自我去家
三百日艸堂梅影空紆紆祇今相思花幾樹請歸閉戶洗
塵醺

送錢叔函下第遊九江兼呈黃復仲

叔函名人謝桐鄉人復仲名子

容菴詩集

卷五

七言古

八

錫嘉興人

下第不愁愁索居秋風吹子上匡廬以貧得遊貧未已欲
別不別恐愁余留君非計整君車君去莫携一卷書讀書
等身饑滿屋年豐詎飽儒生腹君才如岳亦如海高深布
腕猶縣瀑文章所在每光怪下士大笑開其目羽毛肅肅
鴻鵠翔遨遊何必定故鄉策京公孫卒見擄結髦豫州憂
豈忘自是憚生應墮泣內顧刺刺非所詳當今中飽實時
患官家苦貧野無覓紛紛乞活被中原債帥幾人安足
我聞勞晝在識時及時清暇應論思子行千里廣聽

川城郭皆其資大江日夜悲未已匡廬之山天下奇漢家
得佐楚人覆揚帆擊楫誰爲右悲歌起舞空爾爲朋流浩
浩芙蓉秀子今俯仰皆不凡何爲雞共醺中闕憶昨與君
黃鶴岑綠沈濃樹裏清音夢回朝梵尋林薄虎狼蕭蕭襟
夜吟坐銷雄辯風雨急高雲灑壁心事森孤舟峰頭桃花
水寒玉淙淙復齒齒老僧驅鼠抱竹眠泉香初發新茶紫
此時神理各超絕相隔一峰有黃子耳目曠淡擬梧柏承
帶離離能破格著書一一見幽素盡是山暉溪響積無何
忽視忽生數上書不報名漫漶我歸抱膝桐影疎看取梅
容菴詩集 卷五 七言古 九

楊花

楊花何疎疎飛飛念故枝風烟縷縷左右之

携慎兒避暑戲作

逐暑何止如酷吏蠅飛蠹蟬故華可憐河朔酒徒散伊
軋遙聞唯水車不教汝伎頭觸几鎮心况未摘團瓜且復
大樹坐終日新苗蹙浪香渡沙安得披襟還赤脚陰山踏

破層氷銜初取紅花搓白雪與兒洗面作光華

見僧舍小梅因憶家園數樹次宋人韵

時幽于武林

小姬清絕愁立槁驟拂春風卽顛倒弄粧自有明月窺負
格不因冰雪惱偶逢遷客一吐笑知屬情多解事蚤只將
綺袂倚修竹豈向餘芳倩客好家山幾樹正濃秀香返長
條風不掃共怨先生未日歸玉肌無粟黃昏老萼綠清姿
最出羣今年開落成淅艸惟應新碧擁應紗侍我溫經消
永昊

閒倚寺樓見比屋玉蘭盛開高出墻外戲有此贈

容菴詩集

卷五

七言古

十

美人明麗壓寒玉放誕東風莫拘束爲窺楚客出牆頭坐
使羣葩恨粗俗露臺按舞綠珠慵月底歌清盛小叢試罷
淡羅衫子後脩脩無語綺牕中

慧安寺桃花

吳山細艸綠妮人枯寺小桃紅賣春一枝便作芳華主個
是曾爲不壞身眼底江山奔几席興亡自古等微塵

秋夢證

瑟瑟天成碧玉盞冷月作玉中粒笑憑玄鶴入重雲以
首戴天如覆笠此時下土夢茫茫唯有荒雞爲起顰高空

楓香木臺推星漢淒清鶴背濕

贈張考父 名履祥桐鄉人

荒原有退士獨放蕭條淡杉松梧竹以爲徒清颺灑然一
洗耳不知東海蹈幾時要復西臺哭未已冷光沈沈鬼晝
燭日有食之誰所使高天不解麒麟閣坐遣美人投瑟起
至今單雌無復雄翠靨青蛾空自委寒江抱屋卽鴻溝
石塞門絕倒徒眼底散星管餓花奴僕旌旄亦聽彼騷騷
紅樹落欲盡牽牽艸蟲吟不止偃仰剪繁商繁商恨難理
何當崢嶸中開幕來夫子遺我合歡瓊結契願如此聞君

容菴詩集 卷五 七言古

士

履聲識君心爲識君心心欲求共是亭亭未嫁身詎肯傷
春彈淚指我有簷前菊根葉花與蕊芳氣悉相敵骨鯁秋
風裏清霜皚皚露泥泥色不爲悲亦不喜感此顧君笑君
云子休矣玄雲合沓大空閉我耕子漁各有以荷耒潑棹
時過從桐溪語溪不百里相思那用河之鯉

陸麗京見過全子周弟夜坐

麗京時自閩歸

鹿場淨掃冬事微黃葉滿地作光輝寒星如螢欲入戶我
正懷人君笑屏短檠推汝千里面歌哭諧笑何霏霏兵戈
一時偉人盡見弟念君弟實稀 麗京令弟 鯉庭亦難 手搓斷髮目炬

猛四座知爲日月威

夢陸文虎

十年曾踏前溪渡月黑楓林知不誤長髮瓔披白兩肩髮
長而白心所憐 夢中見文虎髮如冰絲垂體及半 魂來無乃江濤苦舉手
欲言髣髴怒鴉啼霧塞街鼓忙別去應愁江路長

午睡聞畫眉鳥鳴作

堦前弄姿笑紫花簷下哺兒呼鵲鵲觀心趺坐懶不能晏
看屋簷自開合注目攤書不見字頭觸几聲驚吠蛤夢欲
佳時鳥踏破催我畫眉我不答溫柔何處屬吾鄉十樣成

容菴詩集 卷五 七言古

士

都粉本雜蘭香隔紗試鼻慧抱枕茫然賦殘楊

雨雹行

昨日奇觀增憤激明珠萬斛能摧敵鵝卵排空相奮擊短
劍霜飛矢流鏑雷鼓隨之拔堅壁一洗塵馳露檄君不
見堦旁白骨風漂漣雨洗血痕酸欲滴夜闌鬼火語歷歷
猛士今年掃殘

苦雨行

春欲嫁時頻洗滌雲漲層空態無敵山根蜀艸翠霧滴
桐下楚花紅淚浙 虞美人花 美人名士總蕭威燭焰頽然

暗壁玉錢流水炙象鼻爭道棋聲壁寥闊清愁合圍不可
擊付之卮酒如雌霓霓摧陷廓清比武勅簾溜雄哉穿石甃

贈錢徵君遜翁

時五索初度九字爲句

禦兒溪東吳越之舊壘水涯十步九折多琴材遜翁于此
賦詩舉大白黃紙詔徵不屈真悠哉青楓烏柏繞舍有異
趣野花幽禽點綴皆可來高軒剝啄欲學螺閉戶溪父譚
諧並坐無嫌猜解紛排難大似魯連子功成脫屣直視作
織埃貪夫頓足懦夫吐其舌讒夫亦復推數不易才那知
舉策數馬萬石風有兄嚴事鶴髮何隨隨有田種秫釀過

容菴詩集

卷五 七言古

圭

清醇法有子讀書推脣迴天開自溪以西渺渺欲數里一
士不語不笑稱怪魁俗子一見棄去三祓除獨翁形影相
逐不可裁未知俗子高識故見訕未知遜翁眼明故見推
但怪詩成視艸必先屬時酒熟招邀浮玉壘軟語劇罵
聽者莫能測惟聞大笑震屋聲如雷願翁真酒三萬六千
斛齋前更樹三百六十梅且莫浪出押字尚書省未來日
月當如往者堆看翁百歲從人道舊事遞花入手搥鼓爲
飲媒

容菴詩集卷之六

語溪孫 爽子度父養

五言律

春日禳興

歸烟吞樹過啼鳥倚春工一片天桃日千條楊柳風踏歌
銅斗滑教誦玉琴洪我意閒于鶴沿流玩水蟲

避兵澤中六首

托命一漁艇招魂乍水村無愁天子負多難腐儒髡髮柳
相先後兼葭卽比隣斜風將細雨莫並志和論

容菴詩集

卷六 五言律

又

擬作誰家燕戀情是處鷗出幃蛟女態罷釣矚見收野老
愁玄象門僧罪國謀行吟長澤畔何似沅湘投

又

拔宅充蛟戶蒼茫大澤中誅求還蚌蛤吟嘯襍魚龍過客
徵兵事逢人駭角弓得閒休舉網我命與之同

又

國破非吾責侶樵舊有儔作圖商隱地登樹以當樓水閣
沿溪借遠應擇勝休莫嫌功業簡猶可醉封侯

又

聞達原無夢荷全尚可期不因長寂寂胡以獨區區鸞疎
層波潔鷗貪出水遲晚峰何限好指點慰妻兒

又

歸命千官拜投戈萬騎迎中朝只朋黨四海豈蒼生鶴載
富家具漁燈煮落英惟應共魚鳥埋恨與吞聲

過錢子與村居兼傷亡友徐子諤

剩有看花眼橫桃共野塘微茫波試綠澹冶柳塗黃高適
詩何壯焦先蠅作堂相携先一歎從此減清狂

容菴詩集

卷六

五言律

二

其二

兼葭曾幾曲戎馬不能窺古樹真先輩清樽慰折枝焚書
方得計結客亦何爲投老斯良會歸農未厭遲

兵鋒少間却歸故廬

餘生真不意於此復清琴燕開曾相識鶴翻歡舊林年饑
刪社約世難失童心細艸疎籬外還來一苦吟

其二

時危嫌故國老屋尚關情弱女氣應復病妻愁自輕放忙
收散映作色戒譚兵便欲巡簷笑幽花如我迎

其三

村巷心孤甚聞雞一灑然兒童初拉伴父老已呼天牧馬
良苗薦新堤白骨鮮何來竈下養抗首望凌烟

其四

艸堂元是主魚鳥又成賓轉覺身堪惜安知國有人天心
貧與賤歲事叨生塵獨有南榮竹爭春翠壓隣

其五

事會雅難逆生全不論才無知美莠楚搖落撫庭槐山澤
陣雲滿避兵城郭來晚簾風力橫孤坐只興哀

容菴詩集

卷六

五言律

三

其六

抱硯溪頭立沈沈雨氣奔幽鮮艸吞逕醞藉柳圍村勅勒
兒曲伊嚶亡國魂無言動燈影梧葉響黃昏

西湖

西湖管壘後春水又樓船鳥作女真語花爲塞北妍山人
無坦步清梵亦淒然濯濯兩堤柳風烟集墓田

嘉禾哭冢宰寶摩徐公

四海歸清節江湖放老成孤城危似卵止水識吾楹白練
非難事黃泉有聖明望廬迷處所叩策怒殘兵

見新月

久立意方悟幽輝乍欲妍星光初自若河漢且經天未得
樹留影何妨花着烟清新最相善爛熳莫爭憐

丙戌除夕見幽吳山慧安寺僧樓却寄全難者

只如山有約莫問歲除除婉變收螺髻微茫指海隅僧難
充酒戶客子愧妻孥宵鼓嚴城急君應不廢書

丁亥元旦僧房卽事

鐘梵太哀清燈香曲送迎親恩一投體世事且持名脫帽
成孤窻是日承冠出
者悉遭毀裂登垣避女生春風幸相待桃李故園

容菴詩集

卷六

五言律

四

并

雪後遍踏紫陽諸峰書所見

耿耿白虛光磷磷界碧蒼山徒張兩翼水不乍迴堂此形
家言
也歎息潮無信江濤七
日不至差池石欲翔但須遐放目雲物未

堪詳

元夜武林城中步月

以上四詩皆待罪武林作

萬戶渾如鹿無魂止闔門光華猶令節燈火廢重軒是夕
無燈

玉雪兒童聚漪瀾荷藻奔更誰籠袖者宋時杭人有籠
袖嬌民之號絲

管賦芳溫

山行卽事

儼然桃李笑山意欲修容幽薄烟流翠空奇石聽松典能
隨鳥集跡欲請雲封何處驚人艷清暉影數重

夜步濠上

初月似相待春花影不寒偶隨風露色各悟性情單爲惜
峰紋暗因憐野望寬夜懷同茗沸支首坐星關

又

波靜聞魚喜林疎覺鳥寒艸光爭入悟花氣了非單已脩
古今歎且尋庭戶寬雲開與雲落燭穩信風闌

容菴詩集

卷六

五言律

五

聞子規有感

不入羣人耳差全哀士心溪山長補恨今古待知音我覺
能清麗人嫌鎮苦吟颯然風影黑所抱孰爲深

贈徐叔

獨慚逢盛世夫子得無恫耿介方孤托紛披致自雄看花
憐白下得賦駭吳中所事乃如此斯途未是窮

靈隱道上

怪石匝名泉幽竒遂可憐松花黃作霧人影綠于烟猿帖
雲墟矣鬼墳艸鬱然老僧還好事茗戰岫嶠巔山有呼猿
洞靈虎墓

閱卓珂月評詩語賦韵以答

汎愛知容拙狂騷獨病吟苦無谿刻句以此愧登臨王李
惻相竊鍾譚弱不禁卿家風味好差足慰中林

送卓方水遊燕

夫子天下士掉頭何所之不妨稱宕子時方水初喪婦况復蚤春

期野渡烟無謂江城月有思所嗟秋室裏風雨對牀時

慰暮蟬

舉世畏饒舌君殊事不平日脚拘荒渚桑榆有暮聲馳論
因風曠持懷托露清亦知塵霧裏蜂薑正縱橫

容菴詩集

卷六

五言律

六

弱軀

弱軀不自力潦倒竟何年一身迂作業四顧拙堪憐痛哭
旅人避枯吟愁思牽誰能屈情性與作世途賢

答徐板蘇堤見懷之作

高臥有餘歎獨行知懽然碧蓉矜出水敗柳突含烟歌扇
憐孤賞樓船悵未前奇懷因勝地爭不爲周旋

冬日向盡旅夜有述

時讀書孤林

月色久方覺梅花正返魂鐘催殘客盡燈寫折枝渾心動
齊梁艷如含枕簟溫亦知寒已到孤絕此孤村

吳江

漸覺吳音軟差憐景物涼國風尊智巧眉黛總清揚潮吐
饑人骨俗多名士腸五湖足開望蓬底一倘佯

虎丘

濟勝何煩具平臺曠不危賣花爭點綴無月正幽奇石負
英雄色林舍粉黛安玉笙情似霧欲去一躊躇

劍池

何事陸鴻漸品泉及劍池差堪澄醉眼稍可浣軍持婉孌
麗人影莊嚴唱道師標題仍不乏應爲世情欺

容菴詩集

卷六

五言律

七

金閨有懷

幾載聞歌地重尋倍悄然身隨楓樹老心躍種香阡貧賤
交遊懶婆娑艸木妍遙憐邀笛處艇子獨清眠

登烟雨樓懷人

汲汲豈吾志爲君聊一登自然察厥意當復古人情坐嘯
成何事煮茶尚有亭揭來誰與語殘碣臥荒庭

尋卓回不值題昔悅軒

如何愁別後復爾悵幽尋隨意燕窺室無心花整襟月寒
林影淡澗合雨痕深自分疎狂甚行將學負薪

落葉

質渺邊時節蕭蕭辭故挺不嫌烹石鼎何幸摘書銘匪
知風樹棲迷審雨亭莫嗟零落苦會見柑芽青

立春偶成

碧翁能好事先鵬已梅花快月不相下靈春校獨奢選鋒
增酒戶故事學山家刺目水池曉清枝竹外斜

是歲閏八月又兩立

方水讀書竹里館尋之已出市却遇沈曠子

棹轉方塘後雨聲雙樹間數寮能古淡童子竟幽閒病到

春香詩集

卷六 五言律

八

君歸市身輕我避頤會須携杖笠來共短籬刪

又

漫然穹竹里絕睹此君顏若熟功名在花初心事還偶參

同古佛却飽看南山曠字真消得相將且閉關

馮硯祥避地蘭溪兵後過訪墨兵齋喜贈

豈謂有斯集真成易世人家山忽重譯兵火狎比隣

先是吳越兵硯祥有越隔閭閻離緒紛難竟衰頹共一新坐

消桐影碧小飲舊時貧

又

林塘曾雅步斐儿亦分幽
甲申年硯祥嘗移家墨兵齋中以亂別去頗訝羣兒
長爭看楷法遵故人彈指盡國老又俘囚
指處山公可得移家
具蕭閒對茗甌

又

故日麒麟閣逃山虎豹俱風流駕米老清傲俛迂花氣
蒸西域名姝比硯膚
硯祥每以香兒餉蕪之作百花細香所藏硯皆精絕以妙解石理故
娛聊爾爾大化惜吾徒

哭門人

天已揮諸夏君從奮艸萊無階先任歿未嫁蚤能裁擾擾

春香詩集

卷六 五言律

九

田橫客時時梁父哀囊頭煩五木學易要心開

生獄中讀書不置

又

如君良可喜唯我不勝哀精衛填波始流虹貫日來孰知

塗腦地敢曰濟時才壯節悲愚智千夫挽似雷

生赴難之日被極慘毒凡屬見聞悉為流涕

又

吾戴吾頭往夷然待豪街挽歌聊慷慨奈艸穠諸詠
生獄中自
作挽歌
受命當冰解酬恩許夜臺平生篤好我魂氣可歸

來

又

幾許大人事少年君獨推親衰廢亡命有勸生亡命者生日親在吾焉往

兵解證玄才生好習導引辟穀事筆墨師惟古忠良性所恢餘生吾

愧汝屠釣影孤哉生獄中贈余詩有求愧先生多矣之句故云

課耕

布穀嫌人懶相催聲滿樓秧開五葉後壘廢一時愁積雨

天無負深耕犢且休幸來兵火外筋力莫辭柔

贈內

子乃真吾友吾貧未易甘星明窺屋角雨暗徙書函負氣

容菴詩集

卷六 五言律

十

辭干謁留饌典珮簪艱難無不可此意使人慙

又

宿世應聞道茲來倍獨行以君怕滄泊使我薄功名楚冊

先難字毛詩詘鄭聲竹香花影裏閑閑習無生

又

國士高軒集隣家乞米還天寒方質褐髮薄又經刪破竈

炊烟濕求蔬小婢屏艸堂爭客座心力幾能閒

又

似此長悽結何時一解顏浴花添硯瀋愛書左秋山課女

兼文字看兒敵馬班義香須寶鼎酬價脫雙鬟

又

吾有平生淚惟堪對汝彈門衰無葬具身賤損親歡灑泣

瞻遺像精誠奉藥丸余登喪母而父得奇疾終身不辭十年如一日日日

長愁瀾

又

康鹿成吾性林泉夢亦宜曾傳種樹訣恨乏艸堂資梧竹

爲城郭雲霞助羽儀歸歟便投幘相隱子何疑君名德潛字相隱

山陰劉北生桐鄉錢一士張考夫過枉村居適余入

容菴詩集

卷六 五言律

十

郭題門而去

殘邑誠何好饑來更一翔涼颶披木末絲雨淅秋塘高士

存荒寂柴荆宛客牀却嘆梧柳輩不解代相將

得四明黃晦木書知陸文虎已灰王事

至辱臣爲灰知非君所辭惜哉亡國日是子拜官期戮力

應無地良簞欲語誰磨崖炤終古海岱與爭奇

又

國小役魚鯨天傾陷虎狼嘗時蒙棄置迫切付疆場每歎

髯如戟因看日吐芒果然蹈東海會遭海濤張

又

學易空成議余嘗欲學易于文虎稱詩怪我賢名山不自隱自刃以

相先文虎別業在雪齋弄石猶堪老文虎負石癖遺文孰可賤吾儕慙

後成史本豈出天

七夕雨

今夕果何夕翻令拙者閒片時風跋扈直使雨滌浚想故

驅殘暑恩茲牛女間却愁波浪滿天上亦相關時亂之餘水災屢告

乞得美人蕉種訖戲贈以詩

將母狂態發容易乞妍姝惟此傾城號堪為靜者娛花光

容菴詩集 卷六 五言律 主

能的的影好亦蘇蘇如予亦難值相於未汝辜

聽聽前絡緯

聽開桐影中桐葉斬西風寒事蟲聲裏天心小物通未成

驚懶婦忽已感詩翁吟盡九秋月無衣與我同

八月初四日念修齋中夜坐

微涼戀高閣初月漸生痕蛩響清于珮客心孤似雲欲令

花吐氣不使麝氛氲為護羣蛾妄臨燈咒婢殷

顏丈雪雁全諸兄風雪見訪

諸君有底急悲縮赴袁安飄瞥方如許風陰正作團狂名

誤前輩僧服挽衣冠顏丈自稱神子僵臥差安穩惟愁歸路寒

丁亥除夕襟感

忽忽如無歲何緣歲又徂賜排恩驥子戴白驗愁余髮始有

一萼薄日鴛鴦鵲經天雪字俱時有二星畫現殘身那足問醉聽

小妖扶

又

斥堠布荒城笳簫散晚清瓦盆爭飲濕釋女獨經行乞飯

膏顏熱三年愧友生余時時絕粒悶念修輒餽米不眠非守歲心弱此

懸情

容菴詩集 卷六 五言律 主

又

勒戶風寒緊侵簾日脚黃高歌幕隣叟晏坐識空香蕭瑟

崎嶇地槎枒輪囷腸飯依心迹并持此慰年光

又

不雪憂湯餅閒眠愛水鄉典琴真短氣潤筆要扁唐蔡君談事

雲以風為足蛟從海作堂如何鹿皮子刺促然揪蔣

將自若入吳昌莊生以三詩贈行次韵答之

一村鴉自限萬里雁橫行兩者皆堪法相譏亦性成任春

窺甲第弄水落江城故國跡如掃知非不及情

又

若隱偏余習行窩客似歸焚香除地訖清簟鼓琴稀杖叩
木魚出燈推紫蝶花名飛旋風忽料峭頗惜與君違

又時欲從吳門學書

善治成吳俗吾師已再遷余幼學書于僧瑯雪已又學于孟陽程丈賣文真餓

歎乞書直論錢苾角胸中逸溪山楮上緣他時留一壑應

著幼與眠

幽事

黃雞苦催曉幽事忽相撩詩用榴皮寫冠從椰子瓢蒸壺

客春詩集 卷六 五言律

古

防折項吹黍羨長腰時復采山客先春贈藥苗

又

昨得方平過輕身術見傳數峰橫削玉列屋散甘泉身與

琴樽互心猶蛺蝶然無煩餐石髓會計似蠅蟬

又

幽竇交清珮纖幃隱碧烟摩娑硬黃帖偃仰帝青夫學劍

留巖客憑欄喚水仙誰磨簷鐸語雙燕踢箏絃

又

倦釋金鴉嘴閒磨銅雀鴛疏哇吾事濟樵笠故人恩已較

黔生富從渠霸子村要知稽古力濃綠擁柴門

又

薄醉陳三雅嘗新野八珍偶烹黃耳菌小摘碧絲菓繞楊
書巢窄穿懸蝶蘭神異書頻借得几格音各正無塵

又

硯席無過潔呼童字辟塵客衝孤雀起菓落小蠻巡檢帖
窺章艸澆書成飲爲澆書轉腹輪暮蟬爭雨歇如欲慰遺民

又

卷慢迎歸燕登樓數亂鴉割鮮時藉艸釀酒直傾家齒史

客春詩集 卷六 五言律

主

短檠寒侵星長浣花狸奴分臥具未忍叱相加

又

庭艸披青鳳繁花自海東鳳仙花都中名海東夕陽千步雨秋思滿

簾風睡足烹茶竟杯流發語工木棉裘未具且策墮枝功

春雨歎 已丑

入春唯有雨無地不生雲矮屋真漁艇空堵起浪紋天公

方中酒野哭詎能聞一倍愁嬌女泥汗蛺蝶裙

又

寒爲梅所勒桃李與爭奇快雪復如許殷雷長爾爲路危

成我懶地陷見蛟蛟一蛟自水步起一角六足快絕
非春候絲絲又壓枝

又

風烟助雨勢昏色斷春光但與花終始
宮容燕頤頑蝸牛
高蒙壁魚婢直升堂懸金不成費茫然水一方

又

天似窮愁子春如薄命娘花飛難作態柳重不禁當麻臂
已無耗黃蜂爭得忙高人理幽事江瀾釣絲長

又

容菴詩集 卷六 五言律 六

鴝鵒呼太急燕麥正輪奐如此雨兼雪將無兵復荒濕清
簷吐溜黛合艸遍牆禁盡好春月婢娥應斷腸

又

桑芽何短短雨點只浪浪甚為海棠慮無煩柳絮狂烟雲
相供春蠶積欲荒唐穀穀黃鴉起潺湲又滿牀

晚秋臥疾

度外誰容我人閒有許愁不漸噲等伍尚可乞兒遊宛轉
池通月蕭寥竹瀉秋病夫推落意纖悉砌蟲收

又

兀兀身成韋森森腹轉輪人如條柳脆名與艸根陳補弱
有新孔登盤祇舊貧獨憐清苦月照我座間塵

容菴詩集 卷六 五言律 七

送卓方水遊齊

愁類易言別貧懷輕遠遊不知家食樂何問旅羈憂衣帶
餘寒脫清洲泉碧柔春城幽思活江閣故情留花影曾相
識借青此再收煮泉隨地汲題句昔年求有語渾如霧所
懷卒未周他時黃葉暮應到問剡州

頌聶使君

維岳呈瑋羣生仰秀貞芳標推玉潤峻節擬瀾清已頌
懸魚化還增展驥聲珮垂三組麗功替六條宏叨滄蝗逾

容菴詩集

卷六

五言律

太

境山林虎不驚艸纓聊約法畫服示懲刑每渥隨車澤宜
膺履錦榮并州迎郭守穎水戀黃生紫艾期天闕銀瑣籠
常京懸知恩不次視艸直承明

嘉禾書所見

百里斯行役驚心乃數端無家愁燕子索米縛衙官十鼠
真全穴千門僅井幹競誇胡騎射誰復漢衣冠女子和兵
略兒童挾赤丸賈書搜馬勃稱疾半瘡殘午夜傳烽至登
樓一望寬

容菴詩集卷之七

語溪孫 與子度父著

七言律

漫興

山月江風不論錢通侯食邑我無緣偶然爲樹充粉本忽
漫衝烟上釣船最是一丘人窈窕幾時數畝竹嫋娟行園
日復欣成趣董氏能禁閑十年

初夏卽事

會看乳燕重簾穩又聽羣蛙兩部頑破艸微踪輸要逕卓
容菴詩集 卷七 七言律 一

柴扉迹是嚴關低簷過雨等鳴玉高閣評雲誤遠山四海
卽今無處所敢言十畝有餘閒

墨兵齋書懷

蚤歲歸農亦自多魚梁雞柵未蹉跎風流不減司花女富
貴無須春夢婆竹既有孫桐結子蕉堪題字鳥能歌荒原
野水時行樂短髮蕭蕭意則那

誰能

雲烟過眼看成敗江漢爲池卒濟師剖斗折衡良有以擔
裴肱區可三思螳螂直欲車當臂精衛何時海不濤誰能

烹魚請斂釜莫教花並笑男兒

感憤

世事遂如棋覆局殘身何異夢初回謀生自可等鰥鼠遭際不須齒半魁年未衰遲心竟懶身長貧賤更何哀沾巾莫作兒女淚蚤晚山田結伴閒

又

曾未牽絲拜廣庭不煩誓墓告伶仃干戈僅比童兒戲輦鼓只如琴阮聽已見銅駝沒荆棘還應杜宇哭冬青藍衫仄注總燒却便作頑民放遠坳

客卷詩集

卷七 七言律

二

哭徐子謬

天上何時好寄愁人間無地不埋憂才名江左誰相亞國士林中第一流握爪頽拳餘恨恨嚙齧穿齒豈悠悠先生一歎事真快斷髮文身實可羞

春暮

紫燕黃鸝鬧曉陰落花滾絮闌車輪地兼百二都無益春色三分竟作塵生祭所知吾未得世修降表彼何人休驚遺老傷心盡軟陌垂楊自在身

程孟陽徵君丹柱村居

林荒阻水避人宜釋子相呼看接羅敢以深居勤杖屨貪從長者學威儀詩書畫本無愁秘和墨徵歌亦可師欲發船頭忽織月如爲逗客少猶夷

寒食雨

桃李無言徒掩淚魚龍起舞欲吞舟一百五日雨點急二十四番花信驟是時多雨泥滑小艇通鳥語林昏釋子兀邊愁短衰杖笠不知返爲有泥濘滿綠嚀

別東園詩

卽卓氏大空樓爲方水賦

藤蔓如蓑擁石甕我來風雨爾中躋放言負固循桐砌狂

客卷詩集

卷七 七言律

三

醉矜持坐竹蹊百斛黃鸝扶曉夢繞廊烏日趁殘圭姑他鬱鬱峰前桂猶自凝粧對客袪

其二

聞道當年車馬埽爲來光祿啟東林幽巖實下南宮拜高座嘗充北海賓直以秋風成隱計詎堪明月贈隣人龍門冷落誰爲念倘憶王孫認角巾

其三

嗟峨岬閭尾高臺稊磴羣魔守病梅拂檻修篁青玉案層簷胡管顚爛堆慣看山鬼衣冠古乍喜林禽口齒才我願

憑君相寄語莫加丹白點蒼苔

其四

畢竟東皋不可倚大空空復許嘒嘒四山朝
登雲橫帛萬壑暝還樹作斐逗客祇餘芳艸
逕開人最是老松標此去鳳條應滅態他
時何地貯孫樵

其五

黃鶴諸峰似列肩倚檻屬引却淵然性情久
與茲丘便月露深能取我憐幾夜招魂償宿
恨一時題壁賴前賢我欲移文勒艸木好將
春色事新絃

蓉菴詩集

卷七 七言律

四

元夜同沈椒羽江道聞卓珂月僧西吾集方
水剩閣白恰青艘屬上元偶來雅集似西園
愁聞朝事爭門戶動說遺民藉寇冤客醉齒
牙猶詰曲僧奇面目亦魁軒不學韓家文字
飲起窺殘燹舞反反

賦答友人問余南行何意

修竹卑桑長荷鍾幅巾負劍擬何鄉干戈不
礙雲孤往水早其如鶴少糧却喜老親初健
飯最憐穉子學騎羊一慙不忍真無狀乞食
陶生未是狂

長水道中

白雲爛熳迎橋立水鳥回翔若待余獵獵風
蒲窮日舞翻翻垂柳耐霜初錦囊子石充行
李壓卷新詩當異書獨汲寒泉向山寺斷碑
吟畢一欷歔

汲泉三過堂

錫山感懷

荏苒青蘋白浪奔荻花偃蹇映朝暉雖知無
祿親難飽幸免催租吏打門行道大都從急
服客心何日買雲根錫山無錫應猶是碩鼠
歌成誰與論

大江

帶甲浸淫滿上流孰爲敲槃索同仇浪濤猶
是神龍武櫓

蓉菴詩集

卷七 七言律

五

樓真當天馬遊莫倚江山限南北還馮形
勝緩覓登何時日月銷兵氣穩放長風萬里
流

惠泉亭讀姚少師題句

每遇青山如故友蓬牕一笑老眉開野僧玉
茗衝雲出公子銀瓶帶月來却以盛名難自
匿誰嫌風味受人災石亭歎息摩殘句紫筍
重烹鶴色杯

將至金陵有懷同遊諸子

秋入江城濁浪花閒愁昵我到天涯身輕願
假無難督心遠思憑渤海槎歷代風流仗青
艸幾人功業數牛車獨憐

京國二三子此際行吟弄晚葩

題女郎林天素畫梅

真疑翠袖拂寒來弱骨纖纖乍可媒應爲孤山乘月出
然漢水弄珠回自饒冲淡雅入致幾許風情曠世才從
高樓鎮橫笛可能吹落到莓苔

編次李莫勝先生遺集

名太冲邑人

欲訴先生乞大還艸半霜老滿爰山等身書在生嘗較弄
韵眉殘歎未刪卷裏失一呼白氏車前腹痛憶蒼顏遙知
竹楚蕭蕭處夜半詩魂獨叩關

容菴詩集

卷七

七言律

六

方水病劇詩以訊之兼寄沈椒羽

一意支門不計他故人多病近如何愁裏破顏書報可訊
來狂叫語還苛亦知萬斛情調永難道三春勝事蹉昔悅
歸然連曼谷也曾把臂劇譚麼

昔悅方水齋名曼谷椒羽齋名

又

吾儕本屬雲霞侶彼歲那堪風雨過有約選賢班社政時
將內朗剪瘞魔葵榴作勢爭傾目楊柳無聊尚關蛾若問
剛川狂客况午餐卯諷只清哦

雁字

九勢于今秘不公羨卿舉族却能通左旋右顧筋辭露護
尾藏頭力在中筆折畫波嘗再過峰合墜石意逾雄此法
玄微難妄授請披健翮學書空

又

驚沙決起振孤蓬布置長遺冥昊中疾澁兩宜鈞淡月縱
橫有象信飄風題成是處追瘞鶴榻就還須笑凍蟲脛翼
羣中應第一不知隊裏更誰工

三十初度

三十頭顱如此乎只今矯首漫歌呼半生錯料竟無謂一

容菴詩集

卷七

七言律

七

片蹉跎可若何久恥文章誇報國且將督亢細披圖身方
隱矣愁焉用不遣眉峰蹙酒甌

二

綠擁江村柳一灣艸堂勳賞約初頒清光浩瀉桐鏡月步
障廉纖竹亞山石有傲容推上客鳥多依齒當妖鬟功名
如許曾何負鳳閣鸞臺便可刪

三

真成落拓枉明時園堵風風雨雨欺種稻三旬仍九食投
衣百結費雙絲細君有道成吾矯諸弟無聞愧爾師荷擔

直須尋藥去親恩未報却委遲

四

年華寂寂更何悲正使前賢笑亦宜名氏不教留社籍荒
唐還艸貢頭詞太阿知我真堪托壺口敲殘空爾爲遊俠
幾人爭攬轡架書牛角莫相嗤

五

水竹如環半畝宮麥風苗雨又倥忽規模顏柳難辭拙仿
佛荆關惜未工好事祇供雲子飯繁華聊假石榴紅悄然
心折夫何恨淚落歸生廢挽弓

客菴詩集

卷七 七言律

八

六

近卜幽棲古洞天美人容我耦耕田蘭泉激砌哀于玉筍
石粧花艷欲仙小閣等身雄萬卷曲欄叉手闕千篇已知
世事非余決占得雲霞亦可憐

方與黃晦木有卜築四明之約

七

中原何地不軍興債帥登壇得未曾騎投鞭淮海沸赤
眉開府漢池水塵談遺恨歸王衍鉤黨終慙遜李膺共道
清流能第一若爲毛扇斥憑陵

八

窈窕山樓曉氣清巷無飲酒不勝情悠悠忽忽三眠柳
冉冉疎疎百和英高座橫經時奪席窄衫弄戟快論兵不才
祇合尊吾拙五月披裘何所爭

除夕

作達寧知歲月更每來此夕思縱橫祇餘落拓憂衰老渠
有恢奇報聖明華燭光連深野館春星影綻擁孤城無名
會得超評論肯向清時事不平

夜月舟行

野渡青楓網罟收忽粘飛電逐寒流荻花失色愁相盼墟
容菴詩集 卷七 七言律 九

露合光迥自浮岸漫羞將頽影照猶夷時喜棹聲柔不須
捉月疎狂問已學披簑坐釣舟

剡閑口占

何堪廢閣再騰那殘碣殘扉滿綠莎槐樹已將憔悴久梧
桐忽爾萎黃多顧指昔遊仍在望潔除隙地計靡他相看
一倍勞神魄桂馥無端觸額過

九日起山作

溪堂蛩響已枯斷山寺蟲吟方沸然木落亂峰增峭骨霞
橫平野漲幽娟石泉乍吐高人嘯關月初流毛女妍子美

老狂陶令傲幾回岸幘晚風前

送宗伯錢先生赴都庭辨

千里鶯花春水濱浩然長發詎踐巡要扶吾道寧辭黨得
竭孤忠敢避辛明主自來能理奪放臣從此再綸鈞但是
東南艸澤士一時北郭最傷神

悼公八首

海岳有女名如珪秋玉其字生有殊慧而以疾殤
哀之甚乃用昌黎韵以淚均墨而爲之詩

數尺瑤瑤戢一棺野風繁露曙光寒縱然委頓良繇病實

容菴詩集

卷七

七言律

十

坐窮愁起成難石火乍飄情卒月華初白影盤盤如何
鬼伯相催促便少躊躇不可干

又

截布爲裳木削棺生曾不免歿應寒緣知佞佛持名易却
解憐花折取難顧予凄其橫笑眼妮人餅餌只携盤時向
墨兵齋裏坐卽今清影在欄干

又

荒榆淺綠擁孤棺短陌無人夜壑寒入室顧招猶汝及繞
幃彷彿覓余難愛持綠萼弄明玉喜益芙蓉捧露盤我自

憐才深痛惜雞羣鴨類不相干

又

環絕神明炯在棺恨同韓女骨應寒借伊慧事聊歡笑挹
我愁澗便楚難匣底衫紅新掩淚枝頭巢罷舊登盤艸堂
一惜尋嘗夢猶自相將把釣竿

又

水烟一抹碧浮棺最是清魂怯晚寒石在自家書未勒絃
鳴祭女辨知難縱饒見慣魂摧絕况復無端恨鬱盤底事
蕊珠平見掠鍾情我輩又誰干

容菴詩集

卷七

七言律

十

又

哀歌欲斷膩頰棺得侍皇姑漫苦寒每慮絕塵憂蚤世界
然無祿致迤難新詞銘石埋黃土襍佩隨身貯玉盤命爾
如珪字秋玉幽光夜夜滿琅干

時殯余先母柩側

又

似爾如茲踟一棺等觀成壞總心寒卽教萱莖芽猶萎便
屬鴛鴦護亦難烟煖巡芳嘗百匝霜肥繞榻每千盤眉山
縱復期思魯巧拙于今兩不干

又

蕭蕭返照瀉塵棺
薜荔驚風碎晚寒
我似追隨亡快友
汝緣殂近脫艱難
哀腸染淚爲辛譜
騷壘深根聽屈盤
從古腐儒真足笑
悼歌幾律竟何干

黃鶴山卽事

春到空山春浩然
爲尋芳路復林烟
坐看苔色雨痕靜
步得溪聲竹露妍
夭矯松枝容鶴隱
蕭閒雲氣養幽妍
昔年高士樵青去
一片孤光古澗邊

寒夜題卓方水悼公詩後

艸閣低幃消夜雨
不禁枕底舊衫紅
欲塵新恨情如織
却

容菴詩集

卷七 七言律

士

愛招魂賦益工寒
樹影殘烏怨月清
鐘度盡柳啼風浪
許三年學曠達只
今含淚聽孤鴻

寶雲山別東岡修竹

巾子峰前瑪瑙寺
四牕森碧綠沈時
乍脫錦綸龍子怒
幽叅玉版虎泉支
高懷自逐湖烟冷
清嘯偏如野客詩
此去寒塘渾欲絕
春風應復解相思

夜坐

晚風柔艷漾餘清
婉變飛花澹不驚
桃李自爭春去就
高深吾與月逢迎
冥冥耳目情爲古
往往波瀾辯忽更
況是

幽奇同野竹
嗒然孤嘯發清聲

沈九疇過訪濠上有贈

子規投意乍清音
似識高人正古心
我則放言圖猛噉
君猶憐病覺愁吟
光流傲影疑山岳
句吐奇懷過瑟琴
未擬離情先卜聚
蒼然林壑與俱深

初夏集浣霞樓得晴字

蕩然柔綠野無骨
晚閣風微初試晴
所據類能成獨是有
懷誰復許同聲
芙蓉已慣窺流影
雲氣猶欺落日迎
堊盡春愁任風雨
詎將心事此中橫

容菴詩集

卷七 七言律

士

答

除夕前一日白門僧過余墨兵齋題詩壁間率爾次
道人何以墮荒城
挾卷頻過詎世情
淡絕梅花聊作供
危哉怪石亦堪朋
詩曾細入能空色
文已無心覺有聲
修竹壓簷梅覆額
耦耕有約漫云輕

壽胡母

懷清臺築肅寒空
絳幘宣文講業崇
青鳥自爲南岳使
班麟嘗駕婉姸矜
輶冰澄玉映閨房
秀散朗神情林下
風會見雙珠當照
乘不須鴻寶出囊中

甲申元旦感懷四首

紙膠竹屋計難周扣角長歌且飯牛萬里旌旗爭白骨百
年料理仗漁舟閒沾天室與公淚不慣人間細膩愁敗鹿
殘書終一帙慨然國士許田疇

又

簷頭永箸侍兒收屋上梅花傾國采自可妙香尋止靜漫
勞野叟祝封侯澄鮮風日美無度粧點春光爲解憂蟲臂
鼠肝都不校短衣射虎是吾謀

又

容菴詩集

卷七 七言律

古

四明未遂青精約又擬浮家笠澤遊北溟有魚何日化西
山遺厥若爲求愁聞壁壘雄蝸角笑指功名在虎頭寂寞
才華過三十山川滿眼一登樓

又

春風見省應相笑依舊先生錄敝裘楊柳挿來嬌似髮添
丁抱出漆凝眸拒門種菜果何意塵釜生魚亦自由瀕洞
紅塵非我事雙柑袖取趁黃留

痛哭

瓦解中原事若何只如兒戲破山河羣公骨碎孰爲枉聖

主心勞定不磨淮北又聞新鬼哭江南誰掃故官禾艸芽
用武真無地灑泣青冥自作歌

慰卓方水喪婦

暮樓突吼起飄颻桐葉支離刺雨師繡裙鴛絲溫一縷空
牀翳被憎重施碧翁善妬何煩妬天族多奇亦數奇惟子
有言深智慧卷情勞欲且揮卮

讀忠肅于公慧安寺碑文寺爲公讀書處

恨不與公生並時猶堪拜石想威儀閒庭古寺光茫異廢
碣殘身領略遲時余爲門人受杖指點小師爭識字蹢躅遺衲話

容菴詩集

卷七 七言律

十五

因依心知幾夜蕭蕭雨半是先生淚所爲

入茗書所感

輕舸與燕掠波去野水鶯花起亂洲斷送春光連月雨耗
磨高興一天愁讀書何用曉大意生子不須真仲謀聽徹
金衣無復醉他從事號青州

冬日遣興

山茶吐火照幽闌笑先生幸自寬但未文身蒙斷髮的
應憎帽准儒冠疎櫛風弄水仙氣矮樹霜搓金彈九怪底
心情付歡伯出門風俗似三韓

晴軒

晴軒最可捲簾坐拂石攤書意自欣偶爾昂頭忽黃鳥遶
然橫目送孤雲牆頭過酒鷗鷗利硯角流波鵲鴿文何許
傷心更惆悵劍花鏽澁氣如焚

鵬殘

饑寒不灰又殘鵬詩酒徒然委盛年直以童心成汗漫詎
煩獨行起園田浮柯掃地飽霜月漏日微陰炒雪天將雪而陰
從此不愁蛇赴壑晤山浯水足清妍

戊子元旦

容菴詩集

卷七

七言律

七

帶索微吟頗自淹穀皮冠子製何尖新衙居士兼芒屨舊
號先生本織簾勝事無如占一壑高人祇合效雙鸛巡梅
便與蜂俱出一夜霜威已解嚴朱桃椎織芒屨置道上見者曰此居士屨流麟士贊

先生

馮硯祥阻雪西寺欲晤不得率爾簡寄

五更鳥咒杏花開取次天桃作態來昨夕雷聲走童穉
朝雪片助詩材枉教孤客看僧面不放頑民鬪酒杯愁說
青山多嫵媚及春婪尾又蘇臺硯祥自言在金華萬山中來頭見山郭爾愁絕方與

余有三月
吳閭之約

感春雨

雨飲廢春春江渾顛風掃花真少恩坦衣勢與瓦松合畫
沙何如屋漏痕細腰禁當柳條重好音塞默鶯喉吞飛揚
亦堪敵年少誰教愁斷只關門

春晚赴閨念修若雲之招

方生春水驚魚跳蒲帆壯士同蕭颯一行苦語催蘭漿三
月柔風戀柳條妻兒相驪緣待米干戈間道無停棹故人
何時辦舴舺漁竿對投害與若

夜雨書事

容菴詩集

卷七

七言律

七

壯哉龍自太湖起萬騎空騰過小樓青熒燈火耿無寐風
雨婆婆始覺愁饑鼠窺簾方拱立蚍蜉設網會中流大牀
壁客吾何敢一聽人呼馬少游

村居戒嚴

方思結束事中原失笑張皇落水村少婦劍兒率曠野衰
翁倚犬壯柴門鏐鋤聊作擊刺具刁斗相招破碎魂吾生
一飽苦難必深規鈴呼繞棘樊

次韵費隱大師舟次涿涇咏舡子和尚作

何須水底寬狂翁已信今年始是窮喚渡從教唾珠白蕩

舟不管浪花紅長鯨透網橫江取短檣衝潮踏地同君自
有船頻覆却我還赤脚破長風

村居漫感

力田錫爵未須榮刺水秧芒翠欲傾俗子遁逃如我意名
花開落解人情破除綺語販禪老彈壓清愁付麴生不向
孫吳學相欷坐看白鳥立新晴

又

爲底閒愁塞天地却教灑涕滿孤村故人半入秋節傳往
事端成春夢痕老女漫嫌中夜泣殘身寧遣悞時恩移牀

客春詩集

卷七 七言律

太

昔昔愁雷雨野哭寒江漲水渾

又

梅雨杉烟特地嬌遨頭矮屋僅如巢村書足味嘗親授木
客能吟亦許交姪姪初鶯爭破睡清雄長笛闌餘豪蠻童
努力騎秧馬好試新添五石匏

皋亭道中感舊

山爲 葉莽處

雲山爛熳愁滿眼扶策深慙現在身尚擬萬家爲守墓豈
無三戶解公秦吹簫市上悲公子埋玉山頭泣過人甲騎
鏃然又盈路晚風斜日橫沾巾

贈僧

櫺笻行藤白氍巾水村山寺便藏身手提古佛全正今席
卷諸方料揀因岫頂囊來雲絮絮樹頭坐破月鱗鱗悠哉
鐘鼓清新夜折足鐺中五合陳

黃曉木過訪有贈

江鄉籠袖正霜天破國遊魂又五年熨眼細看真晦木挽
鬚軟語似磨磚圖書入手童心在天地無情老淚綿會道
東南多異氣夜闌還共小庭旋

和平山抱布

客春詩集

卷七 七言律

尤

翠篠丹楓故陸離和平小步得清輝山寒虎欲乘陰出市
散樵爭倚醉歸犢背羣兒共語檻前孤客一沾衣同人
莫漫呼王烈待過春蠶却買絲

庚寅錢臘病起與 言懷

淒淒側側對寒葩皕皕烏數暮笳久與狸奴同臥起偶
隨獅子一喧譁細觴入骨公何瘦令節關心物自華天下
健兒寧獨董幾時雙鬢似雛鴉

又

身是枯魚泣過河作書魴鯉慎風波奇文入眼真橫禍大

石支扉策較多如我自曳迹海足得誰與畫遠山蛾最憐
萬國寬如許却向東瀛禱孟婆

足足黃鴉妬晚晴空塔又作墮釵聲饑腸雷轉慙妻子稿
面霜枯駭友生三百瓊壑消口料十千貫酒破心兵吾鄉
好事猶追古藥裏時時仰宋清

疾甚元知坎不應但愁饑與凍相仍未爲荷擔破鍋客已
似緣門乞食僧倚座長刀生意氣覆眉短髮任髡髻摩挲
几榻松廳下又拂澄泥寫素綾

急雪騷然築玉城枯蕉折竹有餘清高人自獲饑寒力稚

容菴詩集

卷七 七言律

干

子空成邂逅名迫迫書巢容我懶寬閒禾畝屬兒耕伊姜
未過還如此們鏡誰憐太瘦生

咄咄扶牀月向幾于于抱枕日沈闌異僧每望黃塵拜俗
物何煩白眼看溪友長魚飛素練團官矮菜舞青鸞傾身
一飽都無事那用將心待汝安

容菴詩集卷之八

語溪孫 爽子度父著

五言絕句

偶題

亭選幽人跡山圍落木風所須石一品無事位三公

朱老 甘露

蒼有洞入 一品石

畫松

白石礪其根清泉以灌之是以能養此矯矯出塵姿

畫得江深艸閣

容菴詩集

卷八 五言絕

一

艸閣本無暑江深更颯然浪濤來萬里時復一馮闌

題畫冊

何處車翻粟幽禽通語來雪花渾似絮柳眼幾時開

又

楊柳綠何事春風管別離年年二三月折盡好腰肢

又

板橋踏溪聲波光忽流電濃綠亞林端悠然出素面

題畫

我愛溪上松青綾爲步障天風偶然來謾謾吐高唱

又

山骨疑烏玉松相儼蒼龍此中塵不到嵐氣自蔥蘢

旅館步月

秋氣清入骨蛩吟助微想幽人不出戶新月來相訪

又

已覺荷風乾却歎梅影薄瀟碧洗心魂澹然生至樂

又

船趁風已過巖桂漸粧飾皓魄借微雲時作淡黃色

又

客卷詩集

卷八 五言絕

二

清候如曠士俯仰須勤追同處彈丸內何煩羈旅悲

懷同志

垂頭語芳艸春愁何日貧今之負俗士古之傷心人

又

想見負薪者白雲長在抱春雨浣紗溪秋夜山陰道

秋郊口占

尋幽步爲迂還與秋意深放足及鳥道時時侵白雲

又

亂石欺寒泉歸鳥怯疎林約步一回顧應知非世心

松隱

松隱根蘚壁曉夕竟風雨雲氣養寒花亂峰挿前澗

偶書招隱

離弱花憐色秋澄山雨微艸木自無間高雲好與歸

畫雪山爲巨宗上人

積雪滿山川天公設玉戲此是眼中花莫作瓊瑤視

昆山

昨踏昆山巔山光秀可咽一似隋煬帝憑肩品絳仙

爲張雲上畫扇

客卷詩集

卷八 五言絕

三

我有管城子解說青山法能滅亦能生如君彈指甲

題畫爲董禹若壽

笠澤青茫茫松濤蒼浩浩中有百歲人讀書與譚道

晚塘

晚塘噴吠哈新月寵遊人灑袂微風起清音滿竹林

容菴詩集卷之九

語溪孫 爽子度父著

六言

種竹

每愛青霓繞砌更教驚尾窺簷自報平安雨後從渠嘯咏
風前便許閒雲作窟還招野鶴盤旋會看籬深沙碧錦裯
十萬粘天

讀書孤山同沈君牧采蓴三潭作

唐突荷花小艇柔絲不待秋風入手乍驚冰箸盛筵未數

容菴詩集

卷九 六言絕

一

霜菰碧玉光流四座琉璃脆滑盤中一笑吾徒豪舉蓴羹
于里稱雄

題魏子一畫冊

壬午夏余以試事留武林將歸往別沈君牧于湖上
是日爲五月五日君牧挽余登樓觀競渡而子一在
焉余袖出小冊投之子一云楮理漫奈何余曰不當
作水族耶子一乃畫蟹六幅自一至六數以漸增或
浮于萍或戲于陸或受縛而思脫或嚙稻以輸於各
極其致畫已題日子度以素冊索畫急切無以應爲

寫無腸公子數十釐布置數目各異夫芭蕉有心卷

施無節艸木之中遂爾不貴惟此公子名號無腸而

滿身勁骨又非鱗甲不剛不柔可以入德可以爲學

矣余與子一遊從雖數亦相視落落耳不意知我如

此之深也今子一已歿節于燕而議者猶吹疵不已

可爲涕泣然忠烈瑋瑋如許遠文天祥之歿皆從容

引決于歲月之後而不以損其芳子一豈畏歿者哉

子一生平好譚經濟期乎有用其不卽歿者慮

廟之或南思乘間有爲耳乃媚如之口羣飛刺天薄

容菴詩集 卷九 六言

二

俗譏海何足深怪也獨恨

不得其歿事之詳要以不愧忠臣義士之實而已追

念曩時山樓脫帽弄墨飛觥一往風流又何意

破碎朋友凋落遂至于此耶芝焚蕙歎自昔以然把

冊淚零因之氣塞

綠湖光抹座涓涓視瀟瀟骨宛矣寒江公子騷然競渡

遊人晏笑無如艸艸心期乃爾諄諄此日家風未墮他年

國史應伸瘦絕沈郎幽憤墨磨眉鼻清塵地北天南一節

紅簾紫閣三春重見湖山削翠獨行雪涕沾巾

書齋壁

白石清泉居士碧梧修竹人家大化于君不薄曷云吾道非邪

又

照眼濃花郁郁打頭山菓垂垂天朗氣清若此不吟不飲胡爲

寄適

偶爾做書作字人呼舞鶴驚鴻隨意蒸雲寫石自題荆浩

關全

客菴詩集

卷九 六言

三

又

濯硯池頭犢鼻釣竿絲上鱸編老我一丘何恨二十四考徒然

紀懷

老屋青燈風雨深山大澤龍蛇興味脩寥不惡崢嶸懷抱無涯

春日偶書

千種好音枝底萬條寒玉簾前俗子經過勅斷先生危坐听然

又

園樹點粧未竟春風着意婆娑一夜杏花小雨可憐綠淨庭莎

寓歎

著屐一生幾禍傷心萬戶憑城但使河清可俟休論銅柱鐫名

又

鶴髮詞臣仰藥豸冠近侍投淵擬築亭名野史直應痛哭蒼天

元遺山修金史有野史亭

客菴詩集

卷九 六言

四

夏夜納涼作

跋足北牕如玉艸書紈扇頻看浩浩明河欲瀉冷冷清露方溥

初夏卽事

萬柄芙蓉擎蓋千章垂柳敷陰白鷺相將比潔黃鸝佐我高吟

幽居

臥閣虛明竹榻插花翡翠銅觚鳳珠德兼龍尾茶勲策比屠酥

又

無分八州都督關情百本寒葩笑煞凍蜂多事紛紛向午
排衙

秋興

紅樹繁華可喜醺生風味難忘不學高人把菊獨來江上
清狂

又

木末一天帆影雁行萬里秋光昨夜黃沙白骨朝來啼徹
新霜

容菴詩集

卷九 六言

五

艸菴

時喜方平見過只將彌勒同龕竹裏經行灑灑花間持誦
誦誦

放艇

看樹無非畫本尋村總屬詩材孤艇一橫長笛閒雲乃爾
悠哉

雪

乍覺低枝搶地俄聞驚蝶穿牕極目荒羅網裏誰爲寒士
無雙

又

僅有酒堪却敵自然綽失奇溫不信珊瑚十尺君看玉樹
千村

寒食

烏依鶯鶯燕燕花矜澹澹盈盈憑仗團愁團思消磨寒食
清明

荷葉鼎詩 小敘

西湖僧平方菴南屏山下貧無所得炊器嘗摘荷葉
包米燃爐作飯飯極香美因名之曰荷葉鼎虞山錢

容菴詩集

卷九 六言

六

公聞而喜之爲賦長句以紀其事余亦戲有所作

曾記酒徒好事碧筒吸取濃芳一醉未云奇策不如翠裹
黃梁

又

傘得佳人翠蓋擎來風露清涼要向花枝爭座先探火候
宜詳

菊

白露英英吐穗莎雞切切吞聲坐見花黃如蝶俱來晚歲
清平

目益蘭著蕊 蘭從武林諸山出伏蘆春花與建本異

秋雨一庭幽碧秋蘭一寸清華若待春風鼓舞何如桃李羣葩

中秋虎丘踏歌有述 小敘

虎丘中秋之夕舟車鱗比士女雲駢幾使山無石溪無波歌無節遊人大都若莊生所云吾喪我者相與怡怡融融于歌香舞艷之中而已余嘗笑語同遊者曰茲丘大不逾掌而春花秋月妙女勝流共買恨生情于片石之上彼峭然者久矣其濡且溺焉烏得不

容菴詩集 卷九 六言 七

摩挲欲動不見思婦化為石女乎即安知此石一旦不幻為美人以去也情在天壤間誠有如此者而君輩不然吾言謂唯生公乃能使此石之起立正坐庸人難與慮始耳同遊者皆目視而笑莫為置辯余故退而述是詩

無水無山可月片光片影堪憐解聽清歌徹曉自應頑石皆仙

又

遊女遊思如霧才人才語如烟千載烟霏霧結乞靈安用

枯禪

題畫

松作鼓吹兩部瀑漲明珠千斛不須西子同遊消夏自然清淑

戲題小赤壁 在西湖瑪瑙寺後

繡以葍荔若帳白雲篆之如戲秦碑漢碣不殊何用磨崖勒字

題詩冊

上有長松矯矯其下荆茨嫋嫋我今並圖不廢解人會應

容菴詩集 卷九 六言 八

深曉

容菴詩集卷之十

語溪孫 契子度父著

七言絕句

古意

不向清宵搗衣寄得衣却恐更侵尋行人最苦是明月莫
照關山照妾心

畫扇仿倪法

木落霜清水不鱗四山骨立澹能親自來惟有倪高士不
惹人間筆墨塵

容菴詩集

卷十

七言絕

一

兵後于嘉禾買得呂紀畫上作羣鶴異態雲間其下
長松數十株擁以霞氣蓋其極意筆也

黃瓦堆邊避可汗馬牛遺內拾書看眼明跨得揚州鶴霧
擁雲關一喜歡

又

繇來筆墨要荒寒亂插長松未是繁兵火卽今遍林壑故
應盡裏覓烟巒

夢中哦一絕句不知何解姑紀之

一春尋負是梅花曲几匡牀兀自嗟小艸不知人意在東

風容易長金芽

怨詩

真成訣絕不須猜誰使君乘夢果來一夜無端還繾綣朝
來懊惱立莓苔

題雪山寄閔十三

日月幽埋光未通高人隨掃市屋踪江湖萬里總無骨始
覺青山有素容

九日全社雨花臺卽事

令節鄉心不奈何江光山色兩嗟峨未須惆悵先朝事已

容菴詩集

卷十

七言絕

二

自傍徨悵底歌

又

子石九九錦作礮的應辜遠以當歸共來畫壁旗亭了却
倚秦官擲鼓幘

題木末亭

百尺千章落水風乞錢選石走兒童時平不解觀形勝如
此江山指顧中

雞鳴寺後望鍾山

湖鳥江帆水蔚藍兩山風色綠氍毹中間一段臺城地剩

與閑僧共結菴

清涼山口占

荒山亂篠磴百折植杖峰頭意豁然正愛楓林黃葉策策又看啼鳥落江天

鶴隱圖

朝將鶴出暮俱歸處處疎林有落暉自是世人難作伴却嫌之子太孤危

題畫

誰驚水鳥起孤清知是幽人艇子孤日暮清愁難自理歸

容菴詩集

卷十七言絕

三

來堂上喚名姝

段橋畫舫圖

段家橋外柳絲嬌霧塔風堤不易描記得畫船簫鼓後樓頭共指海棠妖

漫興

主人學易清閑閣童子淪茗石匡牀桐音滿地聲傳響爲喚拙書鶴上堂

又

人生青福住青山山上孤雲共往還今日雨牕閒弄筆何

時十畝得寬閒

又

梅坡石岸何委蛇花時迷却白接羅欲添亭子看花頂試問先生宜不宜

又

消受山光與水光却愁驚起兩鴛鴦微颺促得春波綠彷彿船頭酒甕香

重遊超山

禾黍西風古陌涼壯夫無事此相羊十年不改青山色依

容菴詩集

卷十七言絕

四

舊霜楓與夕陽

題畫爲黃澤望

秋光欲老正佳哉隨有幽人乘興來捉臂笑看無別語但推堂築待君開

黃氏築作推堂自言待余同隱

寒山寺讀唐寅鑄鐘偈碑

幾人曾聽五更霜庵戶殘僧畫夢長日脚輝輝到銀杏數聲乾雀下虛堂

一聲敲下五更霜碑中語也

晉陵夜泊卽事

鮭菜就船容易買十千酤酒夢堪媒黃昏水國潮爭沸爲

報承恩新貴來

丹陽

忽驚舟向谷中行兩岸帆齊勢欲傾
鐵甕城南山路窄小車時作鳳凰鳴

金山寺

樓臺是處疑塵市竹樹有時化白雲
江間日夜風波闊山上老僧如不聞

曉發京口

江村九月露華清鳥語雞聲各有情
枕底魚龍應可繞蕭

容菴詩集

卷十 七言絕

五

蕭蕭柳拂寒星

又

賈舶帆高浪不驚雲橫霧立未分明
方能北固鱸魚美已

覺鍾山王氣并

燕子磯

墮地落霞橫赤壁兼天濁浪吼長鯨
誰憐燕子磯頭石砥

盡風波護帝京

鷺峰寺送黃澤望歸四明

桃葉渡頭人別去梧桐廳裏雨聲來
袖間一幅題名紙幾

字糝糊未忍晴

時南宮相夢

又

孟浪辭家孟浪歸東雲一片未能飛
秋風不識相思苦紅葉衝門點客衣

又

輦路荒唐畫掩扉驚峰惟有翠巍巍
笙歌舊院無踪跡菜甲乘陰長綠肥

掃地焚香閉閣眠簾紋如水帳如烟
客來睡覺知何處樹起西牕浪接天

此東坡先生詩也趙吳興常有

容菴詩集

卷十 七言絕

六

圖余戲仿其意因次前韵得三絕句

我欲耕雲抱石眠散花成雨複凝烟
小樓課畢忽昂首萬頃茫然翠掃天

又

又

水木清華夜不眠侍兒如玉淡生烟
先生摩腹事何事若

白香清月浸天

又

剝水殘山只合眠不須黃紙到荒烟
故人若有耦耕約便

結茅次號綠天

和呂季臣舟次開歌

最是多情未忍聞若爲唱徹登停雲楓翻露滴孤蓬底不待傷心已淚痕

題雪山

虎狼匿跡逕無踪老樹槎枒勢若龍爲有玉屏降四五富堪敵國是山農

題芭蕉美人

誰真佳人萬綠卷天寒日暮靜抽簪甘蕉畫作相思字付與秋風寄遠男

客菴詩集

卷十 七言絕

七

題齒柳次唐韵

眉輕翠約未成條閣霧泥雪正野橋此恨牽人曾記省春風無計避明朝

又

東風鼓舞最長條不道離人又此橋昔日殷勤勞折贈只今容易度花朝

又

絲絲葉葉正苗條收拾春光付小橋若不相念如此柳何須莫莫與朝朝

題齒松

黛色嬌于卓氏女瀑聲寒似孟家詩矯然松栢真吾輩未許人間有所思

戲贈

隴西才子曠無倫滄泊由來不倩春岸幘迎風獨彈淚遙知爲憶犯齊人

卽事

酒沸魚兒鳩大戶炭圍星子賦新粧篋暖笙清催度曲却疑翠室小排當

客菴詩集

卷十 七言絕

八

又

女杏未嬾先露態姬桃欲嫁暗紵襟從來絕識推君輩怪得春風着意深

爲人有贈

可憐敝袖不禁風艸澁青蛾杏欵紅眼底情瀾誰解取故將曲誤試筵中

又

疑從幽夢感陳思素靨流光耀五芝漫說趙家纖約好一枝濃艷謫仙詩

又

寶髻盈盈顫步推輕黃脉脉釀餘嬌却愁華燭光無賴度
得新詞總未調

省試歸見盆荷盛開

我去田田方作態及歸花艷欲成輪從今截取碧筒飲坐
作義呈以上人

村居雜詠

艸臣憂國知憂歲鵲立推推望歲盈近侍欲寬明主慮特
將封事奏昇平

容菴詩集 卷十 七言絕

九

又

種得梅花剛滿廬綠珠宛宛侍庭除道人無復羅浮夢翠
羽嘈嘈任起居

又

木奴初着護霜裘嶮岬西山到枕頭漫揭水村圖未了棹
歌四面起汀鷗

又

杯流射覆朝重腹野宿燒脂沃火城如此慘冤無地訴昨
聞天語又催征

又

冬日溫溫潔可憐淡于秋水薄于烟寒郊况復如空谷
戶俄驚又一年

又

春來茅屋經過斷獨挈軍持自浣花黃鳥恁嬌花底坐野
蜂得食不思家

又

荷鋤便錄種松地提簡先抄煮石方不是山家深作計人
間那得此清狂

容菴詩集 卷十 七言絕

十

紅樹

淡比瀟湘卵色天漸看赤玉幾枝懸祇因秋老貪粧點染
出林紅照眼鮮

二

野水粘雲帶遠丘微波瑟瑟散寒秋繞溪麗影當眉墮却
似尋春妙女迷

三

小立絲烟與絲雨俄看艷質顫輕風阿誰識得相思字請
拾多情一片紅

四

殘碧疎黃間幾重如愁似笑漾秋容也知慣使供腸斷特與濃粧愧墨胸

登梅

應前玉登秋杪放花

欲教春自蚤秋回會向閒庭霜裏開應爲黃花嫌寂寞伴他明月兩徘徊

又

細數幽枝尚幾堆芙蓉已老海棠催誰知風露沈瀾裏有美天斜一笑來

容菴詩集

卷十

七言絕

士

又

輕紅暈玉小檀腮又見芳痕落酒壘肯似師雄還入夢何辭此夕臥莓苔

又

愁字封眉未可裁這回破笑若爲媒滿堆黃葉成高座數點清光膩不才

又

林家處士最多栽那暗亭亭九月梅若取折來深嗅取暗香疎影斷相推

又

曾從歲暮觸離哀今日相看却帶詎何事風流禁不得綠陰纔散已含胎

又

小庭秋氣碧無埃飛燕楊家立淺臺料得情多容照面漫吟漫眺數登臺

又

滌雲垂幕竄名材翠裾蒙綃泣露顏豈是隋官臨水戲明珠擬電灑牆隈

容菴詩集

卷十

七言絕

士

晚自西湖入北山

竹房清迥連翠微特覘古路行人稀秋來若個看黃葉更盡孤猿和月啼

題沈椒羽集桐艸後

艸色如烟正渺茫遙憐曼谷據寒塘烏衣不用當牕宿詩句荒涼已斷腸

少婦

少婦當春無復嗟閒將裝束學漁家自言曾識西陵路隨意芳洲汎落花

柳

淡黃垂幕只高眠半著春風半著烟一種風流還絕世肯將張緒校當年

題廳前苦竹

苦節如卿自足誇莫將孤立起咨嗟不嫌窮巷風霜蚤且向茅簷護月華

寒食西湖作

春山淡冶水淒迷蕩子縱橫楊柳堤不信段橋多白骨爭來烟裏抱魂啼

容菴詩集 卷十 七言絕

圭

聞雁有懷方水客長安

桐葉風高鴻雁啼卅堂蕭瑟掩重扉不知徙倚燕山客第幾峰前先見飛

白芍藥一枝拾于道左棄者何人哉賦詩慰之并爲

花答

如卿應作墮樓女何事番來泣路岐我亦清時顙額客莫嫌鎮日伴吟幃

又

驚心只在馬嵬前絕色何人解可憐從此勸卿休澹淚美

人遭妬理應然

花答

便教棄擲又何如也勝長迎俗子裙無數春風愁見省却憐點點乍相於

又

當時一倍牽君意豈惜今朝作侍兒料得相看零落後君猶記取拾歸時

送人歸白門

來同風雪理殘年又壓春光放小船一路胭脂逐君去無

容菴詩集 卷十 七言絕

西

端心事秣陵天

又

布帆絲雨正如烟可是襄陽書畫船江月江花方艷艷遲君柳絮欲飛天

虎丘留人

風雨轟轟楊柳肥劍池尚有古人威真娘淚滿千人石陌上花開緩緩歸

題畫

松疑泰岱石疑雲掃月吟風有此君黃土築牆茅蓋屋宜

爐白定當紅裙

夏夜

月光落處蘆花失
山色來時綠樹齊
野屋夜深涼似洗
桃笙蒲扇閣前蹊

戲書畫冊後

胸中逸氣欲吐水
鳥山雲總自憐
莫遣餘人閒着語
且留楮尾待千年

怨詩

花開可惜不思量
但聽春風作主張
無意枝頭理顏色
却容菴詩集 卷十 七言絕

隨蚬蝶過東牆

又

沈沈黯黯未分明
心似彈棋鎮不平
殘冬忽下交年雨
枉是從來一片晴

又

人似初香氣息微
亦如纖月抱纖輝
君心更似霜頭葉
纔露紅顏便欲飛

題畫贈凌仲遠

射虎歸來怒拂然
投弓艸檄萬餘言
方袍自是中原氣
不

比尋常處十顛

除醺

愁歎黃鸝苦喚卿
卿其諦視此傾城
天工目信無私澤
開晚醺醺不敢爭

題段橋疎柳

時堤柳盡伐

西湖柳似西施好
近日腰肢那得春
我畫西湖仍畫柳
崔徽不及卷中人

山居圖贈陸金藏

松竹當廳翠合圍
山人應屬看山歸
但教夜抱九仙骨
那容菴詩集 卷十 七言絕

用朝披一品衣

題春山

我愛江南二月天
桃花人面總堪憐
只今怕踏傷心處
盡裏看春也黯然

辭登高簡友

怕逢今節舉重陽
那處登高不斷腸
風柳亂鴉秋滿眼
不堪人似炙鴛鴦

山谷食炙鴛鴦詩休憐一箸鴛鴦瘦八骨相思定不肥

山夢歎

埋玉秋原事可憐
只同花影月痕看
何緣落木千峰裏
夜

夜清魂到枕邊

廢卷

子故無言儂自癡柔情百折命如絲秋曉廢卷西風裏淚
沈愁顏君自知

容菴詩集

卷十
七言絕

七

容菴辛卯集目錄

樂府

擊筑歌三章燕人高漸離作

行路難

秦結了詞

精衛曲

昭君曲

鷓鴣辭

杜鵑辭

容菴辛卯集

目次

秋燈辭

清眠曲

雲西來

秋風詞

柳枝詞

五言古

四明山禰詠

松霧

赤荆

青精

石溪

楓屏

竹溪

襍詩

小葺玉琴軒爲讀書處事訖賦詩

初夏偶書

仲夏歸艸堂

閔湘人作六君詠首次予非所當也用韵答之

容菴辛卯集 目次

二

園居述懷效謝康樂

秋日晏起

辛卯中秋先後數夕對月寫懷

除園

省梅

移梅

太湖漣詠

水瀨

龍挂

針口魚

戈船

沉竈

小雷

有感

七言古

綠鬟詩

玉蘭

玉蘭爲雨所敗

容菴辛卯集 目次

三

臥疾言懷

帆車行

朝霧不解因懷舊遊作

墨兵齋題壁

秋海棠

桂欲開

梧桐

新菴

芙蓉

焚香

作字

冬日吟

五言律

若悲

感秋

東莊九日追感舊事

對菊

示內

容菴辛卯集 目次

聽雪

五言排律

辛卯杪春晨舍書堂追述曩事爲排律十首兼贈念

修閑子

七言律

墨兵齋梅花

初夏卽事

高齋

薄寒

中秋

晴

九日全社東莊卽事

五言絕句

幽蘭

雨霽

四月望後月色皎甚今年所未有

夏月

七言絕句

容菴辛卯集 目次

題畫

苦雨

醉別

辛卯冬月若上襍懷

五

卷辛卯集

語溪孫 爽子慶父著

樂府

擊筑歌三章燕人高漸離作

荆軻至燕漸離與飲于燕市酒酣擊筑荆軻和而歌于市中相樂也已而相泣其歌曰

市聲沸兮江之濤中有我輩兮舉觴啼笑驚爾曹心不平兮水深而山高我欲陸斷虎豹水截蛟與蒼納劍一勞苦狗屠相與蒙

卷辛卯集

古樂府

十

荆軻將刺秦漸離送之易水上擊筑倚歌爲變徵之聲座人皆涕泣其歌曰

故人西兮不得留提匕首兮尋我仇視汝靡政真雛猴手堪其胸血濺裘返我侵地散國憂咸陽擾亂叫鵩鵠皇天有知如所求登車竟去嗔兩眸魂兮歸來燕市遊

漸離變姓名爲人庸保聞其家堂上客擊筑旁皇不能去乃出其裝匣中筑與其善衣更容貌而前客皆驚與抗禮使擊筑而歌無不流涕其歌曰

易水咽兮渭水黃銅柱折兮劍飛光白虹怒起吞日蒼至

今秦豈怖發狂鷹身爲奴臣故裝堂上筑聲煎我腸出筑酌汝酒一觴秦弗自大帝與皇高生而在勿汝忘

行路難

嚴頭猛獸歎無食失盡狐狸豺虎色清霄俊鵬盤空起驚絕烏鴛投地歎此日過髮脫梳人命真如少水魚拉君鬚共君語吐心吐氣知何所東趨遼海西月氏安得相隨可意見

皎月東西流照遍江南江北愁爲語三足鳥連曉失曙爾應羞閒房老女守燈火隣家洗兒客滿坐綺牕清鏡妮嫵

卷辛卯集

樂府

二

媛將復蛾眉真不可湊欲清寒花露衰何蚤開何暮亦知未讓春花色誰教不得春風力

君不見桃李花朱朱白白燦流霞妍華傾人那得已摘葉攀條空復爾春爲天風爲命情滿故枝飛不勁錦沾茵泥墮穿嚙與落花司此柄星漢橫天影沒水水上蘋蘩羊角起桃李無詞屬曉風人生遮莫落花同

胸中結曲鬱屈私蟋蟀聲秋秋未知寸心一夕欲化石跡復清罇騷屑之醉眼去天只一握語發天驚色不樂相厚雅非易嗟乃墮此甕裴淚身何瑣細天青蒼

之空爾狂

浮雲西北來有鳥遡風飛且哀力疲心弱不暇息彷徨天
末聲孤哉豈不念辛苦浮雲方未開惜此羽翼光不忍紛
披塵與埃路悠徒侶單却遇鳳凰子接翅摩蒼天回翔那
得止稻梁滿野不肯顧笑殺烏鴉并雞鶩

泰結了詞

烏羊紛紛紛紛黃沙兮浩浩非我鄉兮來何爲耿我心兮悄
悄請與君兮長辭君勿爲兮懊惱北風吹兮我魂得南歸
兮自好我是漢家禽不須言地艸

容菴辛卯集

樂府

三

精衛曲

誰謂海水寬誰謂山石小爾海尚揚波吾讐殊未了朝填
海東角暮填海西涯大海塵生應有日此恨綿綿無盡時

昭君曲

官家按圖兼重信書史効忠欺筆墨陰山若非絕代人單
于那肯稱甥國將相滿庭妾獨行安邊未要男兒力北風
如刀沙蔽天穹廬豈久留顏色妾因不老漢家官長得君
王問消息

鷓鴣辭

不復老水宿山虎陷春海弄波濤龍鬬格中原艸土榮
徑紅南國啼魂守枯腊冷光薄日日如螢野火燒天天墮
魄君看大城豕高坐衙若個男兒不巾幗

杜鵑辭

不如歸去君無猶豫深林月黑鬼火青細雨騷騷土妖語
花爲茵柳成絮故山高春已遠君無猶豫不如歸去

秋燈辭

無星摇摇滴空秀艸額懸光露珠走衰燈低燭螢火青出
沒唧唧儀鳳闌牀下寒蛩鬼接語江上楓人吹影瘦燈前

容菴辛卯集

樂府

四

楚女罷簪篸啼眼熒熒坐燈後秋衾繡得不成眠一剪涼
風送清漏

清眠曲

珠光落落斗翻春卯店雞聲三喚客客起涼蟬落澹痕索
索曉風霜透幘主人語客且高寢相於共試黃公枕萬里
蕭疎秋緒空旅弱心孤寒欲噤君看王景略捫虱譚時務
氣懾桓宣武掉頭不肯住江東解道無卿比那遣風流歸
謝傅一生語損清眠消得苻堅牛十具

雲西來

雲西來風東作想陰陰天漠漠紅菊嬌紫落身羈旅影
枯索愁爲魂病相酢心回皇步前却欲出門酬我恩劍花
灰無血痕氣結曲那得論吐玉虹還自吞

風東作雲西來霧蕭蕭畫未開驚鳥聚鳴聲哀田文
珠裁入我室抱我膝腹忍饑背負日耕無耦釣鱖
瘖顏似漆席長穿髮不櫛君何爲拊理瑟

秋風詞

楓岸露冷冷烟曉橫開碧玉屏驚鷺風乍起雷葉霜花飛
不止曾見疎林勝綺霞綺霞消秋杪惟有沙頭雙錦鳧

容菴辛卯集

樂府

五

泊浮秋水厭凋菰烏鴉愛占濃陰宿落木蕭蕭負本圖

柳枝詞

簾外新泥燕作家剪波嬌尾並飛斜浮萍夫婿長飄泊遮
莫前生是柳花

聽郎西去獨悲啼解事東風爲指迷欲倩柳絲相縛取萬
條金縷一時西

腰枝不比柳條癡一樣春風各自宜
誰肥瘦要郎知

相思蚤晚象江潮潮落江平浪更驕却似綠沉江上柳

花如雪不曾消

手弄長條日幾回忽思楊柳是郎栽風流樹已如人好不
見郎乘驄馬來

粧成自並海棠看不分腰圍數阿蠻爲愛柳枝能與一
春長凭赤欄干

綠牕人起繡春羅繡得鴛鴦却似鵝便繡幾枝纖樣柳與
鵝遮日戲清波

往日青青聞綠蛾只今軟碧陰明駝紅樓錦瑟人何處惱
殺黃鸝學唱歌

容菴辛卯集

樂府

六

人道長楊管別離江南江北兩堪悲柳根白骨春依舊柳
樣蛾眉屬阿誰

郎爲官家任北征拂雲祠畔築降城行營種柳柳成海柳
外見不敢畊

五言古

四明山禪詠

松霧

山家種松爲松海春月著花微風披拂布散
如黃霧

運峰蟠蛟虬不襟蒙茸樹蛟虬老欲仙能吐百里霧山空
鼓吹發清香忽四布大呼天雨金霏微迷故路但怪巖

黃失我巾褐素何當役鼯鼠採聚作春露醉眼亂金碧羣
龍相繞護

赤荆 雪際荆榛正赤絕似珊瑚樹

森森荆與榛幸免樵斧斤巖高得蚤寒秋晴雪擁脊遂使
青琳條染作珊瑚赤海買絕驚歎寶樹光射壁璀璨一丈
紅不復論幾尺往詫石季倫震駭欲墮魄鐵網倘可施山
齋坐烜赫

青精 採青精雜白粲作飯黝光如墨久食得仙

白粲成玄珠乳泉躬炊煮送薪虎應門任春猿負杵一自

客菴辛卯集 五言古

餐青精玉骨填綠髓腦滿足記性 嘗見異人言腦滿則強
記健忘者腦衰之故

身輕欲退舉會到左神天空飛拉毛女並坐酌雲腴肉芝
薦清滑

石溪 溪以石爲底水澄澈綠溪行盡日不見石斷處

青峽舞玉虹風連澄綠綺空明不隱髮可數鱗與鯉何曾
走金沙未見泥如髓下有掌平石亘溪數十里玉版自無
縫翠黛潤肌理小覺滴瀾痕中流秀齒齒惟應水底眠遍
拊雲根美

楓屏 巖壁種楓陰匝如屏秋光青麗昔有隱者所設
施也

何人隱化安 山名 消此太古日不入冶遊春却畏秋蕭瑟千
楓結綺屏樛互不可櫛微霜爲點綴花髮髮出盈盈步
帳錦掩映秋霞密流紅感情素慘紫破慘慄坐想高人懷
手香剪芝朮

竹潑 雪竇居四明之中竹徑縱橫各十里窮窅清遠
若渭川焉

雪竇最幽倚四山總修竹僧鉢仰此君相視爲荒熟卷雪
亞廻岡逸鞭走重麓夏日不到地秋雲自歸宿葱蘢且
舞旋風頓空谷逕穿肌骨清翠濕衣裘綠塵網幾時破燈
香老僧屋抱竹背楞嚴倚醉調蒼鹿

客菴辛卯集 五言古

襍詩

山下震失箸山上嬰兒鳴聞蟻作牛吼病耳苦太清噪呼
落屋瓦毅士坦不驚小大音未殊聞者各異情聞根亦何
異勇怯爲之爭善聽耳無與至人心不生

謀夫挾秘計躡足相付與美人理情言眉上分明語奇警
自可悅巧慧誰能拒茅土本不辭白頭何足計井水忽波
瀾永巷坐咒詛昔日帳下生措身無處所却思田畔農永
美機中女

雪蛆雪作生火鼠火爲命故處如小失天豈不以正

意得時頗亦娛本性飲水與食火樂事誰能屏世人兩怪
之欲與去所病彼無寒暑心何有寒暑競

朝菌迷晦朔蟪蛄失春秋大年哀小年天促汝可憂誰知
萬歲椿亦有野火愁形相歸變滅天地能逃不胡爲學長
生區區短與修不見彭老沒却令殤鬼羞人壽爾較可鬼
壽非我侔

小葺玉琴軒爲讀書處事訖賦詩

素鮮甌石計而爲瓦屋謀細君脫雙鬟吾亦典敝裘小軒
故三間東向柳寒流桑陰何沃沃綠水方油油投簪走玉

卷幸卯集

五言古

九

星鳴榔出銀儼棹歌發夜半情語清以柔感此長輟側幽
思滿衾稠歡舊滅如烟兀然孤影遊那可不掃跡從彼萬
里歸

南塢踰梓人西郭禮圻者幼弟印青泥小兒拾蒼瓦板東
忽登登土立堪隱馬中間列几榻坐我平生雅其南乃臥
廬布幃少天冶北室頗虛明殘書行自把雪泥泥素壁可
畫亦可寫吾事豈華侈要便存疎野

東牆聚竹暗碧葉萋萋莖月濃蹋碎金風窸窣蒼璜新梧
引高枝露泣一琤琤西牕卷芭蕉小雨音最清亦復來

鳥時時鳴不平雖非山萬曲幽響生我情顧我獨無言經
聲起黃庭剗然長嘯發衆竊不敢爭天高夜氣蕭仰見星
斗橫

約花既有離洗硯亦有池雙鵝浴前溪頗具鶴威儀交
入雲漢皎然霞外姿細柳覆古岸匪青楓枝松杉手曾
植橘柚土所宜青黃待霜斲針粒得雪奇茗碗布石牀茶
烟裊晴絲清磬忽孤起主人方架犁

高齋坐蕭瑟幽事不可無宜爐浮寶質氣壓黃金盃水沉
炙玉錢蘭蕙初不殊草蒲攢怪峰雜英闌花觚挂壁有斷

卷幸卯集

五言古

十

紋蛇蛭如亂鬚澄泥製極雅子石好女膚淳古晉唐帖精
妙宣和圖墨尤斐宋錦湛湛摩尼珠退土苦鮮惟鮮惟聊
細娛一巷豔作蘭衆玩童與奴虞夏忽焉沒功名信已乎
飲性一蕉葉種秫亦數畝蕭森千步竹竹萌長苦口紫茄
光照籃大巢青染手引蔓豆升垣歷簷瓜突年高花紛媚
姿矮樹顛米叟亂雨颯然過土香滿牕牖侑我酒半瓢長
鑲真不負蘆菰散清洲蟹舍行當有

我祖生予公身隱熊豹姿時平烈士廢自嚙胸中奇引弓
仆猛虎橡燭吟楚詞聚書精較勘一一手澤垂諸孫分負

去卷軸雄一時我今復放棄卒業幸可期拜經富有文史
學豈無師不應忽爾雅二氏亦所資心書先治識識至磨
赴之敢決以應敵未受古人欺何以知我祖琅然同稚兒
黃省曾有朔望拜五經文

種松八九枝種梅數十樹松偃故奇態花繁亦異數山茶
明冷艷巖桂芬清露等非兒女花臥介差同趣一似堂中
人抗岸與俗忤不能入石壁而思汗海渡直欲號爭崖詎
止逢譴怒頗亦愁饑寒乃反斷榮路惟餘此數君相於理
幽素悠哉蝸有廬去矣脫如鬼

客菴辛卯集

五言古

士

春色寸寸柔秋光步步明良晨足娛嬉假我追友生西郭
病叅軍畫理具關荆其人淡于水遠韵不可澄東林老比
丘破荒事事精出局摘商周茗香潔以清爰有兩大士虎
齒人天驚相悅不以禪卓杖每見迎詩囚畏呂五放誕有
奇情還與稱望國決勝未可爭酒徒合嵇阮講學聚朱程
吾事豈不辦簪笏真愁城病叅軍指呂三季臣老比丘指
楚孝兩大士為福巖貴隱容大
巖啟明鑑呂五即莊生朱程為張考夫

性本樂山居視山如毛嬌擬化千億身一峰一茆堂雖復
壁倖多不害高人狂却恨墮地日城郭儼篋箱感憤走吳

大興渡錢塘羣峰忽崩陷艸屋聊葢藏創此十笏地吐
萬丈光西南舞黃鶴晚翠集短牆當軒小悵望未解相
思忙歎息不可置我乃老是鄉何時宅一區突兀山之陽
黃鶴山名解乘夕陽望之

昔元遺山嘗學子瞻作移居詩意頗自負然蘇本于陶
元又本于蘇予此詩亦戲倣二公而苦不能濬以是
遜五柳先生胸懷使然未易強合或更老數年使形
神似和得可望此老籬籬耳顧肯社還而陶有作女
真淑而元乃詩子瞻雖當平世遷謫蠻鄉東坡八首

客菴辛卯集

五言古

士

亦居矣之歎也余生于盛明值此厄運聊復長言禪
我悲深阮無因今之高懷亦蘇公之遭遇而下視
遺山又所不出坎壈崎嶇論國慷慨即有詩亦當如
嘯鬼啼猿餓鶚乳虎為風酸雨駭山哀海思荒怪回
惑變亂不可揣測之音今視此已有規而欲以優柔
冲澹鳴心氣之平余自知其不能也

初夏偶書

綠陰透牕紗映面生淺碧鳳條和放翅涼影動荷席微風
一紛披軒軒起整翮日光覆頂紅空明無少隙此興幽人

心欽眼方隨情

嬰粟吐繁艷不數芍藥欄誰剪絳綃縷盛之赤玉盤或爲
月玲瓏映彼積雪寒或疑金舞鳳或作紫尾鸞奇姿無定
色翠鬟扶寶冠天公相慰藉麗質來幽歡忽憶花間人空
使淚汎瀾

村巷何陰陰綠暗森晚柳風從練花來起舞如被酒箔上
蠶欲饑陌上人鹿走皓腕明桑端小姑初試手却折野蒿
蕨自簪鴉鬟右

老梓高拂雲著花當古岸亭亭玉頰紅郁郁疎香窺風日

客春辛卯集

五言古

三

正宜人流泉溫可亂家家蠶大音眠閣閣蛙相贊村靜鴉

鳩鳴青林起鳩鸛

鶯啼稚女嬌輕圓若珠粲誰能譜其聲彈作黃鸝散綠樹
布好陰爲君設臺館毛羽條流光過眼失佳玩

繞舍鹿眠籬小園養龍子破薛拔寒青天矯勢未止脩脩

鷺尾長風露爲清美荒徑幽漸深無人鳥雀喜

野塘春雨聚溶溶漲深碧孤蒲舞輕柔沙鳥踏青壁錦鳬
少嫌猜泛泛浮咫尺渚花弄小妍微陰相護惜忽聽釣車

鳴柳條貫雙鯽

亭午景色麗樹影正圓樂搏空野鶴高未羨粒米殘炊烟
裊孤縷深林相映寒索停束腰素散作白鳥盤擲掉看縹
車軋軋聲頗繁却歎採桑婦何曾被綺紈

二月辭艸堂淹冉麥秋至坐覽節物遷壯夫空棄置豈我
不懷歸歸家損清睡門傳索逋翁室掩啼饑釋念此沸心
骨聊復逃嗔管經營困一飽大化苦相戲滅竈還更燃吾
志不應貳

黃蘗生簷牙半栢長偃臥瘦脊穴豪蟻時來乾雀坐下有
隱凡人篝燈畢殘課偃仰獨驚心艸蟲鳴一箇夏淺艸芳

客春辛卯集

五言古

高

歸秋聲忽啼破歲月不我留悅悵誰能那

仲夏歸艸堂

輕舟破晨光遙與青山辭淡淡雙野鴨人靜不相疑微風

感衆綠裊裊入菱絲何處疎雨來脩然生遠思一笑顧稚

子此懷誰復知

雨聲出菰葉蕭蕭洗煩燠羣峰相送迎故是幽人福田家
方作勞日水侵牛腹悵惋坐船頭吾金魚可漉努力趁歸
耕登禾秋蚤熟

自我去江村苦寒枴頗瘦今我觸熱歸壓枝黃子秀露涼

竹放梢日午桐陰覆念此坐自愁空堂兀清晝百年會當盡暮色行相守

故廬饒水木心賞良晏如機事了不設魚鳥得相於誰令棄此去不獲閉門居白雲顧我笑何以膏爾車塞默抗手謝便請返吾初

舍西五畝田家衆百指餘歲儉奴力屨卒未解饑虛春水欲粘天菽麥飽蛙魚乞食携我幼顏熱計未疎嘗善粥者心陶公先我歟

久客思舊巢入門慘不歡兩弟如我長得食已復難貧家客菴辛卯集 五言古 五

怨儒術動止那足觀頗規稱汝兄而汝嬉與展慚恨只俛首酸淚爲汝彈

弱女方四齡學母先刺織念翁覓無所啼呼達昏墨百里墮眼前嬌喜至忘食繞膝欲千盤呵止仍未息嗟予刺促懷得汝一笑力

閔湘人作六君詠首次予非所當也用韵答之

山館虎夔離居村蟻封垤高城嘯黥鬼萬里成坐使我遊計衰年年尋野雪 野雪見 韋詩 揭有一心人相憐百事拙冰雨時過從風瀾狂舞舌歌殘竹石碎語罷涕零咽君才本

清華麗響寄幽潔抱茲情以悲奇情益奔悅氣若芙蓉花卷端香不滅又如秋葉紅寸寸情人血人言許妙姿芳悅終當結何知數尺腸如屈數州鐵紫河可使帶此節豈容折厚冰車馬馳下有伏陽泄一昔爲波濤妖狐踪自絕不聞終南山深谷晝似穴却見太白西黃昏日光凸

園居述懷效謝康樂

步出城東郭長貧合掩扉朝市鮮幽人魚鳥亦多機園廬就簡寂 竹樹交因依慮澹風自清運荒德本威新葩妍

朝光高林挽夕暉真性愜俯仰坦行夷是非祿修羅衆綠

客菴辛卯集 五言古 六

烟月泛羣非既獲萬古心永與當世違不令善卷徒齒冷薜蘿衣

鳴禽悅嘉樹幽艸延陰壑閒亭理遙思影靜風微掠淪跡運未開憫懷日將落松菌各爲時蹠夷隨所樂流慕既無庸交譏亦可略邈寄凌層霄芳姿寵名藥援琴追昔人柳果調雛鶴蕭晨豈不感勝引聊前却放曠得良途菴如要匪約榮名付後賢吾玉不抵鵲

秋日晏起

風葉喧宿鳥露艸佇晨光無營能晏起紅日臨我堂衆卉

爭小妍貞脆分有常既得娛君子亦各全爾芳清華不用
世孤節諒所當誰云寸心弱委此橫流狂矯首一悲嘯天
青鴈著行

辛卯中秋先後數夕對月寫懷

退士冷棲遁秋月孤人心淒清氣相屬懷抱忽以深嵯峨
高峰影槎枒古栢陰縱橫方寸內壁亂不可禁當杯襍歌
哭倚檻空沈吟浮雲爲我開流輝因我尋彷彿千載上高
賢同此心

初月不下庭半扉俄已素此時應舉者青衫藉艸露但議
容菴辛卯集 五言古 七

炬火紅清光誰肯顧萬人方一心得失紛如霧共倚詩書
力竄身入兔嫫母銜嫁時亦復爭生妬奴僕氣何懼夢
寐深全趣不知頭上月笑汝忙墮屢

碧艸含暮色朱花矜晚榮幽輝不相負宛彼白雲生毋毋
吐牆壁脉脉通簷楹照見堂上客曠心無近情身枯古殿
佛半是莓苔成便可放巖谷一龕當夜清松竹映空秀樹
石交崢嶸永夕嘯山應風泉語虛明回首謝關月何時心
跡并

我愛水鄉居溝池似環玦葱蘢柳蔭塘荻蘆裊秋雪列如

卷三萬青凝燈火切夜讀心頗怡邈然望前哲推戶忽佳
觀月皎天正潔素磁茗色空官爐香縷悅境清未苦寒
荷猶可折水月妙相發青山隱不滅歸房還自課缸花笑
方結

身微便幽獨處衆豈所宜更當去鄉國苟免親舊嗤猶恐
姓名在時獲嘲狂癡江村幸屏迹念至心孤危何來兩華
纓顧我問爲誰一笑不置對指頰看秋葵客去瞋色還艸
蟲爲我悲惟有昨宵月殷勤深見窺

我有艸堂月玲瓏語水西迴颺亞衆碧涼影淒已迷枕臥
容菴辛卯集 五言古 六

沉去年魂荒肌骨緊宵光照無夢竹素紛欲低淹忽又此
夜故林秋色齊月應入我室宛轉相尋稽怪我不得見鬼
妾倚柱啼誰知堂中人乞食墮君溪高空氣清苦刺促無
端倪昔昔負簷坐野露號晨雞

江月差漱灩山月宜層巔平林遠水交澹蕩有餘妍光華
所覆映淺近皆悠然曠與勝卽分荒寒神乃全曲廊村市
尾得月亦可憐幽人小散懷真氣始復還嬌女生我念闕
影喜欲顛郎罷呼不歸悵望空遙天喪亂幾家在遼難何
足言

干戈少確闢破竹盡九州露華爛砂磧戰血光未收新鬼
畏明月語哭聲啾啾啼魂無賢愚酸骨有王侯蛾眉惜一
歎往看窮塞秋落月與紅顏風吹不休萬方同此夕清
恨鬱鬱哀自古悲公國月應不解愁

江南閨格餘歲苦水爲災今年潦益甚道殣吁可哀米價
懸朝暮衣領升薤苴水車役婦姑行乞提嬰孩茲者秋欲
分絲雨如飛埃田家占所忌螟螣驟此來山頭著絮帽雨
氣殊未開無月得蚤眠無年填艸萊無年歎不恨無月孤
酒壘

客春辛卯集

五言古

九

好月無四時清華多在秋空憐萬國人啼眼正浮浮月因
不忍照風雨相遮留不月夜自明爲有淚光流何意
下舉子擾蚍蜉拜手頌唐虞揣摩亦兩眸養士三百年士
氣如鴟鵂王侯臣不辱國郵誰復憂報塞非所圖此事得
已不

除園

我嘗慕法真麾手謝累辟遺經弟子傳署吏太守斥又愛
朱桃椎曳索竄深僻匹屨織何堅茗米隨可易世難鮮夷
途荒園有藜碧隱計苦未諧少水魚露脊得此聊散懷時

復挾我策生無閉戶才饑火催行役出門梅弄珠入戶艸
蓋額負牆梅樹下慚歎兩頰赤

窪深魚婢長逕荒鞭筍逸誰敢雨露滋徒使秋艸塞桃李
黯無言憔悴有病樹不惜青青姿救此壘壘實名能如才
人恒苦壽命卒灌養小失時根株便生疾况復沒蒿萊快
快困風日秋晴解鬱紆紅樹森麗質仰看健鶴盤俯聽衆
蛩唧安得不掃除耳目去所窒

纂纂松根菊細英如古錢闢開姊妹花如舞春風前携鉏
亦頗勞意得還欣然佳卉旣羅立雙蝶已復翻踞我石匡

客春辛卯集

五言古

十

牀哦我感秋篇拂我紫玉池颯颯驚蛇蜺書我礪硯情遺
之千載賢其言稌歌泣感慨而連綿乳虎聲震谷餓鸚啼
暝烟已矣更誰望後期五百年

省梅

看花雅有福嗟我今年怪春寒梅少遲破笑冰雪間聽雨
下江鄉相思玉鍊顏梅花應念我饑者難爲開孤帆載秋
色蕭寥歸掩關省視戴星起落葉何珊珊艸蟲盡夜吟清
響如在山不須恨前事芳條行可攀花與人有素形相本
所刪月明風露冷幽夢方往還

移梅

高枝壓卑枝卑枝益拳踞臂之大婦前小鬟自歛誠含姿
日低顏脉脉修蛾綫隙地曠前楹移使傍書屋風烟淡孤
笑霜月耿幽獨林疎春早歸枝暖花逾馥偃書忽褰幔香
動浮清淑何殊醉山店嫩寒巾一幅

太湖雜詠

水瀨

臘月風濤拍岸凝冰若迴峰巒嶂奇鬼怪石瀨湖者是

天寒風弄威入水卽攸儻濤聲三萬頃劈岸舞澎湃洄洑
起玉塔聚雪成水怪通明水晶屏窈窕玻璃屏冰柱五丈

客春辛卯集

五言古

圭

餘瑤城百里介穿日故玲瓏覆月益奇快橫敷白石岡倒
壁銀沙界氣嚴骨頗堅微陽不能壞狂飈夜撼屋浪花曉
未殺賊踏龍馬羣堆塚珠璣若父老摩眼觀兒童鼓袖拜
懊惱歲當除春生一夕敗

龍挂

夏日見龍尾下垂湖水隨之而上風雲瀕洞極是偉觀

潛龍睡遭鞭小怒朱火赫欲布瀾天雲遠使太湖赤
俗以
雨爪甲暴風霆鬚鬚散珠壁懸尾千萬丈明了得見春初
如一髮墜鼻鼻汲空澤須臾白霧生變亂烟雲嚇水輪羊
角起逆上不可格潮聲洶碧空坐覺湖面窄霹靂團金蛇

紫電光晝射奔騰萬騎雄置陣等項籍擾擾卷魚蝦紛紛
拔柵柏雨過拾墮樵簷簷落雙鯽

針口魚

魚口細如針與春水俱至土人得魚相晏樂名針口會

春水漲春湖水色爭蒲柳中有四寸魚細鱗而銳口土風
重擊鮮家家設罾留得魚不孤烹羞薦雜珍厚幽人方晏
會艸堂分置酒餽之金縷刀笔用黃芽韭放箸椒花紅登
盤玉嬰剖充庖何用錢小罟樹根守安能辦釣船網取論
升斗歸厨出餚具橙香美人手却笑思鱸翁衣拂秋風後
戈船
湖之漁者舟極偉麗裝如山其上桅檣或五或七下藏百斛之艇以二以四即他可知矣

客春辛卯集

五言古

圭

嘗讀眉山詩佳羨魚蠻子誰知五湖中漁樂乃過此寬如
數畝官曲房不見水雙舫截湖來橫網亘數里高眠狎波
濤天風聽所止長魚幾人搏尺許無足齒鬻賣逐自然通
侯富可擬亦有童子師書聲到水市衣食既鮮華絃誦恒
清美雖有桑大夫差科未擾是落日千山麗燈火隣應喜
人生老戈船頭白何須恥

沉窳

早歲居人涉水至洞庭見井欄窳突歷歷數里今爲湖故居民居也

在昔歲苦旱太湖半龜坼廿里洞庭西褰裳不挂席居民
通往還蟄龍爲徙宅下見屋舍痕堦基整如昔廢突尚

傾古塼色深碧不識誰氏廬幾年所開戶何故化魚巢水
府淪幽魄疑是土遭陷或緣湖善溢生時曾戀戀溺後猶
應惜嘗愛顏平原磨碑沉大澤礫柯雙策書光怪水底赫
風流雅復癡癡人何處索了知千載後摩挲道旁石君當
見此竈火照游光赤

小雷

湖有大小雷山而小雷特異每風雨望之輒了至清霽即有雲氣蒙覆不得見以是爲常

泄雲冒羣山小雷孤在望明霞燦千峰小雷獨無狀彰晦
自爲權雨晴不相妨匹如度外人出處雅難量我聞五湖
水上接咸池浪浮玉之北堂玉車氣相覬林屋左神天穹

容菴辛卯集

五言古

五

崇銅闕壯故是幽怪區神物所棲放何意此崕嶮瑰異亦
跌宕山神我輩流舉止見高亢非關作狡獪聊以吐骭髀
仙家善優容孤趣不鼓謗假令落人間垂恆幾乞棒誰應
號小雷賤子庶弗謬

有感

繒笠纓丹纓貂裘緣其首團圓白面郎噴噴路人曰云是
初計偕駿氣莫可祖急服如從戎殊卷懸兩肘便有新奴
僕窈窕供趨走兵氣尚亘空舉子盛踐蹠老父祝其兒得
似灰不朽幼妻各怨冒願作官人婦此以何得之文章不

孤負文章本六籍利義微言割汲汲述唐虞多事魯中叟
至使瓊衆見誦說亦恐後諒哉蒙莊言折衝而剖斗

七言古

綠鬟詩

海山雲氣戴三尖丁窺海水長漸漸有女山居冠仙籍山
居清味如春蠶春蠶有絲難卒吐欲吐不辭湯鑊苦却畏
尊班金母知試躡輕霞投下土土有情空浩浩幾人堪
作海棠王先生本是掌書吏偶謫人間恣遊戲通明殿前
曾照面卽今無事相迴避低顏一入康成幕長歛青蛾掃

容菴辛卯集

七言古

五

明媚清輝乍近迎纖月幽露初含吐蘭靜脩脩斜約鏡中
身得得微吟花下襪顧憐弄影賦黃昏不分旁人增突兀
避人畫宇喜欲旋覓伴挑書似湧泉含溫含怨花緯約片
光片影月嬋娟折花定折雙頭蕊蘭愛同官始拆綿沉沉
無語東風裏楊枝春困春扶起羞從燕子助打輕偏爲梨
花愁夜雨小頻淺雷不勝情眉角盈盈剪秋水故知愁是
一生魂怕道爲郎減玉痕戶外清江都是淚臆中楚夢怪
無根無根簷瓦驚雙墮却化鴛鴦那得論只應天上追逃
籍底事仙輶遽相迹姑山原以雪爲肌巫岫本來雪作魄

雪隱香淹井柳綠裙腰難愛惜仙家洞關深深閉中
有啼紅染芳砌袖垂翡翠憐私語帳掩芙蓉理清慧碧霞
芳戶青鳥縹烟海茫茫空擁髻止留悽惋滿人間冷雨孤
花供倚闌倚闌共道春無數芍藥何曾舉眼看夜夜玉笙
啼玉腕朝朝紅淚滴紅蘭

此詩作于己丑冬意思咽塞不復終篇今年生書館無
事聊積成之以當彈指庶幾三生永斷後緣耳辛卯三
月

王蘭

二月春寒苦春瘦掩卷嗟呵和簷簫天公救過頗不遑嫩

蓉菴辛卯集

七言古

垂

日和風便馳驟庭前案舞玉人來清盼流光如欲就烟籠
福袂帳中看小蹙眉峰弄明秀眉峰淡蕩不勝情浥淚無
言振羅袖知渠何許最愁多風露三更月如畫

玉蘭爲雨所敗

春愁突兀眉尖立花事生疎艸光瀝美人舞罷又春寒墮
地無聲玉釵泣纖魂耿耿泣黃昏持贈幽香與淚痕漫道
情人逐情去只今愁斷不堪論

臥病言懷

吾年三十餘未老吾心如秤更事蚤平生漫爾方稷契

身無地呼蒼昊故人雲散誰見存一一登庸如鵠裴却笑
先生首稽材棄去不堪真艸艸予應食有年更數
載可得廣文一夕輿僮直

可躋卿輔先生足跡枉自掃時乎不再那爾癡世孰知君
空復縞先生得言首頓地厚意荷卿誠所禱空村老雨參
春愁枕疾唯聞鼓考者幽憂不寐坐思維上策卽今在立
稿躊躇頗自惜芳華未許鮑焦相激惱試尋中策且囚山
窈窕一峰相待老結巢擬破百萬錢穠稭須翻數頃稻地
府無遺穀橫財此事何殊說食飽世上笑吾下策賜第
張皇疎村媼亦知薄技未遜人身是素絲那用皂纈見撞

蓉菴辛卯集

七言古

素

壞好家居更向一廬頌羽葆拜官豈有管大中腐鼠寧煩
嚇琅璫高牙便據八州督終要逢臆開綠藻誰教恠疾苦
見膩夕卽飲冰朝擁襖信如潮汝不愆期奇鬼森森搏捍
獠方思快噉蓬婆雪已要攢身置重祿火攻旣去小解嚴
便復扶牀散幽抱清枝入手一泫然夢雜呻吟謝追討簷
花風壓喜見窺似笑高人類枯蘖往時精悍矢貫石近乃
衰疲弩穿橐獨將方拙救寒餓計左詎能辭悅悞碧翁嫌
君故強項勅使煎磨就中道絡君雙肘枉君足變亂聰明
不自保青黃眯目鯁咽口事與君懷闔顛倒鼎鑪吐盡

藜莧狐貉不溫布絮好如君安往失凍饑本欲成之天所
造帝命釋縛屬有期君但少安其勿慄

帆車行

一百二十時二月間春奏績維將雨點困巧曆葑田水深三尺

強通印子魚放子忙綠秧已是開五葉積潦未除農破業
帆檣機發勝走馬聚沫跳珠如瀑瀉坐看春燈闌火輪青
萍粘塊雜枯鱗桔槔俯仰費人力帆執其勞計最得長風
穩送萬斛舟我農得閒牛亦休檣高二丈數以七星光帆
影亂鱗鱗不愁雨師太薄相却要風姨長跌宕聚觀傾國
容菴辛卯集 七言古 三

老稚喜秧鼓寒寒會入耳誰其始之歲有秋計功應錫富
民侯

朝霧不解因懷舊遊作

昔我乘風發楊子黃雞再唱舟人起披衣默坐聽波清雨
岸好峰供隱几魚龍夢醒舞不休水面雲烟忽渺瀰青天
大似帳中人霧柳旌旄拂星蓋須臾銀海立半壁倒豎疑
城北岸徙仰觀無縫亦無際白玉削成都萬堆人間乃有
此形勢陋矣濡須爭尺壘回看鐵甕落何處蕩蕩瑤京誰
所理曹家父子飲馬來未審當年得見不可愛生兒復何

蕭蕭鼓迴船受流矢雄圖過眼等雲烟聚散空教看悲喜
我今索莫小憩寒坐念周郎疑未死蕭蕭霧雨濕流光櫓
帽呼呼驚一市丈夫遇合爾許奇虎豹有時類蟲豸

墨兵齋題壁

三花兩花當夏初涼殿開幃動我裾蒼蠅無聲守柅欄仙
人自鳳雲英如假我黃鶴驂副車高而不危霞步紆戒弗
下視此九墟洞腥風卷里間通明報謁奏我書抗詞鳴
咽淚滿袪殿上羣仙爲疊獻赫矣帝怒勅掃除四海清光
旋故廬

容菴辛卯集

七言古

天

秋海棠

幽隱颯颯風吹雨雨浥輕紅生淺嫵曲屏深護定州磁淡
影無多香幾縷馬嵬泣罷玉肌寒零落芳魂到秋土至今
艷冷露華濃猶貼花黃齒微顰自憐薄媚不宜春小弄清
光情半吐却令短髮桐風客消受新涼私愛惜

桂欲開

畫欄陰陰抱寒綠斜掩釵頭黃栗玉香光恰恰未撥入十
五嬌娘羞翠燭青蛾寶釵自清華月露脩脩情一束風疎
簾額小牕幽乾雀數聲秋影流

梧桐

堂上高人鳳齊德屋上離披青鳳翼不辭踏背遨雲霄且
復幽森生夏色四月展翠舞袖開七月蒼光隈古苔六月
微涼最相爲新枝五月添琴材春非爲我榮秋聲哀玉哀
登哀驚嫁晚惆悵詎能裁

新菴

菴僻不須愁道左竹光樹色遠粘翠寥寥瑟瑟杉松風不
見精廬見烟火入竹幽修更數盤良久擊扉松影墮老僧
灌菊客佐之客與汲泉僧首可深林靜域得秋多花靜而

奉菴辛卯集

七言古

美

閒正婀娜僧難愛客如菊閒爲摘秋園劈霜果未黃桑落
午雞聲風景留人柳根坐

芙蓉

小榜截清江折得芙蓉到綠牕芙蓉大似相如婦玉面紅
潮微中酒一生影好愛長看笑靨融融映碧瀾翡翠風寒
身藉柳胭脂日煖氣勝蘭雙頭嬌爾許脉脉酬私語何日
秋山繞畫船芙蓉堤畔枕書眠

焚香

斜陽紅拂寒鴉翅孤客心微澹無事青螺鈿盒鷓鴣斑沉白

玉輕錢龍腦膩囊深雪厚煖不溶益覆珊瑚焰猶熾初如
雨泛雜花熏忽復風從蕙蘭至霏霏有態繞簾旌脉脉無
烟布幽吹先生危坐掩重關童子緝經淨掃地鼻慧能於
空外芬心清雅辨梅檀瑞不須金鴨擁蛾眉氣作藕花相
燠眉

作字

方塘艸落瓦松長屋靜鳩啼雨絲響意閒手敏烏玉香紫
霞光泛玄雲上欹斜小艸出楊風鬱屈大書嗣魯公前張
後米兩齋更及西臺李建中解人得勢乃差勝莫留定

奉菴辛卯集

七言古

手

法生蹊逕十年抱憤爾許勤腕底何憂不相應枯腸輪困
成憤穴我欲攄之愈斜結犇騰聊復付管城蛟瘦蛇驚相
擊擊東倭爾楮白于雲西洋花露作蘭熏摩挲自愛屠龍
手止得寒廳寫練裙

冬日吟

欲墮不墮霜葉危日歸未歸孤緒悲乍生乍歎病相戲啼
饑啼寒時所爲一室甚寬天地隘萬夫之特鄉里啞蔚藍
淺印涼蟬色籠袖行吟空爾思

浙浙瀝瀝昨宵雨轟轟洶洶今日風咿咿嚶嚶病夫氣賦

賦躍躍窮士蹤家鵠帶鈴沒霄漢村鴉擇木盤暮空玉刻
侯章年少子自布傘衣管大中

寒深寒淺客心知顛風顛雨農事遲一絲一粒鬼所料載
泣載歌身為誰朝把殘書聊過眼夕對清卮嬾復持嗟君
忽忽空自苦後代何人相墨歎

岱崧作障險未險江海為池東又東秋艸已衰落更落霜
林大好紅復紅高士不厭癯如鶴俗子從其肥似獐那用
琵琶問年命懸知生意等寒蟲

五言律

春巷辛卯集

七言古

三

若悲

乍定辭家易長饑乞食安風塵終氣塞舟楫每心寒羣盜
吏為藪遺民歲作難拍堤空白浪孤抱幾能寬

中原成虎穴澤國廣魚巢春雨連三伏烽烟滿四郊夜闌

傳急柝扶夢起奔逃又見弁山雪光寒六月豪

典寅六月
大雪弁山

盡白辛卯六月又雪

水鄉多聚嘯江閣損高眠朝野孰非盜廢興何與天客愁
逢笠帽農力困葑田放眼溪雲外長謠念昔賢

吾道貧兼病天心兵後饑僕夫從僮僕

高齋寂鳴蜩古栢威庭前栢樹元時
物終夏無蟬聲河清端可俟計拙未
全非

行役方未已吁嗟坐食謀要途雖掃跡溪友且相求米盡
婦書切時危士氣偷祗應笑迂叟不肯事通侯

悵悵久居此悠悠行復東三餘難顧惜一飽數奇功隱計
馬生角道心船逆風爭如蘇屬國白首陷胡中

樓蘭身萬里淮蔡雪三更吾事幾時辦是心殊未平晨光
山欲躍嘉樹鳥相迎隱几忽含笑迂疎畢此生

愁水復愁風端居念歲功枯槁驢幼婦才斗役村翁野鷺

春巷辛卯集

五言律

三

蔽天黑夕陽穿雨紅頽然坐淒絕姑惡叫深萊

小聚澆成俗江村水及巢何山容射虎對眾敢稱貓別字

呼人僕溫辭解客嘲方言須省記叉手問平交

青嶂倚天立非時得縱看婆娑椰標杖慚規切雪冠事去

無全策心孤籍古歡半扉浮積潦撫枕狎狂瀾

感秋

小雨沐殘暑微涼初著人幽花明薄媚細靄澹層鱗野老
猶追昔時賢競美新不才甘孤落枕臥獨經旬

秋艸泛新碧閒庭意若何苦吟竟見答生計思相呵山氣

清人骨林光變寫羅端憂惜徂景一往已蹉跎

燕却將雛去螢難接伴飛瓦繁欣夜讀布被惕朝饑高閣
延晴彩長廊判夕暉秋塘便淒麗颯背菱荷示

的的盈襟歎都來露泣時高雲只孤往寒葉遽幽姿華月
耿清照涼風吹旅帷若爲忍饑客應共此心悲

蟋蟀號清曉蕙蕪沒冷烟故人同寂寞釋子又連翩白露

秋原淨黃葵小閣妍山川空落日留眼待何年

風雨布秋色蒼然滿夕陰含情倚疎竹落月一鳴琴仕宦

心徒嬾園田力不禁綠隄搔首後負壁惋清音

容菴手卯集

五言律

三

花迎雙蝶小艸合一庭幽自分居人下誰其砥橫流佛狸

先卯歿遼碣會全收勉矣幸毋憐灌園非所羞

幾點鴉翻墨丹楓映碧湍候蟲聲漸急斷雨色初寒遠夢

空含臆清樽不憚歡墜魂招不得何有淚沈瀾

娟娟砌下艸亦借海棠名清婉如含笑流姿已目成澤蘭

相映發籬菊得逢迎歎息棲遲裏微妍寄我情

帆檣留楚雨篙榜帶湘烟米船幾時至流公卒未還吳粳

愁積滄官盜困輸錢大官縱盜出掠而收其月稅謂之官盜盜亦苦其征索所至輒自言官

追欲罷不能耳羞澁蛾眉婦青裙乞道邊

東莊九日追感舊事

惘惘廢彈門惟將亂緒溫君歸黃土日子到綠珠村策策
桐風苦淒淒淒淒甲翻池塘秋艸落淡月有清魂

名帶嬌雲綠身同落葉紅至今逢令節偏我憶驚鴻冷夢
尋秋玉烟蕪旋去晚風結亭應覆汝半偈莫荒功

對菊

居然摧落中楚楚接秋風靜女燈前出徵君籬下逢芳華

推暮節丰格薄春紅未有後時歎何妨臥晚葉

森森弄小牕耿耿立疎光雨愛一枝綠風憐數點黃賞幽

容菴手卯集

五言律

三

傳玉茗骨鯁付清霜自覺淡如許聊爲理薄妝

不作傾人艷還餘竟體芳典刑留大雅米掇露清狂人在

悲秋後花開晏寢旁相看幸無愧收佇紫絲裳

得陪高士隱未負楚詞標雪壁宜看影春園會食苗態閒

微苦傲姿好不疑妖雅是存幽潔憑君破寂寥

養花刪浪蕪護葉捕青蟲竹外生寒秀松根見鬱葱鉏香

疎雨內人淡曉烟中一倍憐遲暮高齋聞斷鴻

幻色綠人巧新姿卒未齊灌應僧抱甕種可鶴耕畦涼占

木犀影寒堆蟋蟀泥碧潭曾倒映孤笑亦淒迷

小落橙黃候曉居萼綠前甘泉留天札名飲動芳鮮飽厭
天隨子長叅栗里賢魏公良嫵媚熟視乃嫣然

碧霄一雁度白石數枝開季女品花色孺人治酒壘薄寒
芳訊澁細雨麗情回若個當佳候鮮鮮不賞來

示內

世變適如此吾生行若何妄心雖掃滅逸氣尚婆娑但得
賃封戶無須錦作窩高人原有約隱具一漁簑
擬作君良苦棲遲予較多自知叅小乘已懶畫修蛾愁外
無餘事貧還有劇痴干戈能不歎何恨此烟蘿

客菴辛卯集

五言律

畫

命達雖知可長貧雅自強蚤令叨甲乙忍不歎封疆王霸
妻堪學陶潛婦亦良古來數幽遁嘉偶正相望
只應歌五噫去去任春時椎髻休開鏡短襦聊結襌木綿
催夜織野果點朝譏異日書遺逸牽連子亦宜
裙綳紅蛺蝶釵脫紫鴛鴦便作負薪去相隨采藥忙上卿
車百輛豪買粟千張兩事俱輸却君其奈此狂
炸爐玄真子刀圭韓伯休昔人非有待今我復何求紅稻
初翻雨黃桑漸踏鳩平生真見晚衣食困方謀
不試何妨學非時未要逢安心猶是妄教子首明蓬

悲離樓風尖颭瓦松君如憐寂寂一看午衙蜂

翠壁倚清龕朱花映碧潭何當鹿門隱舉室到重巖計拙
難歸命才疎動得慙一寒呈百醜山夢幾時甘

易米留衣屢刪桐續爨烟未嫌身有弟獨苦歲無田蹉跎
雙辭玉方空海褁綿紫姑何足問吾事不關天

厄塞承荒運艱虞未可羞自來希管樂豈有富貽墮王憂
銀鱗輸金橙翡翠毯一厄相勞苦不代楚王憂

聽雪

隔幕春蟲鬧羈情凍不流緒孤魂悄悄夢遠室幽幽畫燭

客菴辛卯集

五言律

五

桃雙顰青鴛玉半滿夜簷時一瀉方響未能伴

五言排律

辛卯杪春晨舍書堂追述曩事爲排律十首兼贈念

修閨子

幾載放茗雪傾身恣徜徉蒲帆霞影濕麻屨石苔香春歲
盟寒綠秋濃拾碎黃丹扉開赤壁素足灑銀塘桃塢穿紅
雨松齋闢碧觴濤峰千尺雪花海百和芳選石逢饒虎
泉引渴壘水村思對宇烟浦共鳴榔柳偃青堤暗桐
間涼行窩方窈窕抱膝頽神傷

予本官原憲君爲貧孟嘗驅饑聊破懶裹飯每相將赴食
兒俱至分甘第一忙不辭頻請乞直恐已頃筐困視蟲歸
蟄窮看鬼戲旁家人私掩口穴鼠各空腸朋輩推迂絕比
隣號僻王以頑供指摘何術振倉箱落落誰堪合悠悠子
獨強勉持堅忍魄力砥橫流狂

入肆還屠狗臨江學釣璜銖鎰漸欲歛汗漫意徒長壠上
騎秧馬臆間吐鳳凰跋墨食北面誓卜許東牆二者欲以奇術相授

兀者中分魯申徒又合堂有勸予說經者寡謀終鮮遇多恥便深

藏試賈趨吳會披圖展督允計繁心眩惑事拙緒忡惶祗

容菴辛卯集

五言排律

毛

具備書脫兼携賣藥囊豈其期定遠或可比韓康

夫子何雄拔纖兒敢頡頏稱詩本三謝警句壓全唐香渺

奇而律幽貞氣故昌僧高知宿世念修爲天機大師傳來慧性業難

荒負性恒孤托矜情肯抑昂僻書堆柱屋靈壁兀窺廂寶

扇霏花霧珠簾淡墨妝松躡天日怪鳥省畫眉郎寵菊朝

行露微蘭晚護霜盆池明瘦艷屏榻裊清光

少壯全無用歡娛豈易忘山川仍故域耆舊忽淪喪晉禪

逃元亮韓摧奮子房萬金麾手擲九灰捐軀償坎壈疲幽

竄驚危病入盲妖星娥亘白冷日竟沉茫罷市來收騎

因過緝狼悻魂招婢妾怒臂抵塘蝦客似寒鴉散奴如佈
鵠翔歸休泥四壁坐灑涕千行

遂典三槐戰愛尋五柳莊破匭棲敗帙矮几蔭疎楊短詠
題衿袖玄文秘燁煌苦礪投貫鯉蘇砌掩啼聲憤哺朱魚
餌誰遺玄鶴糧月懸間弄玉雨笠并移簞尚有司花女初
傳辟穀方剖符行調水倚瑟更薰簫曾看僧伽衲兼栽噴
鼻襠一從天夢夢長在夜茫茫

幾見狐升座羞看劍發鉞與僊都摺笏市僧總騰騰憤極
癭生頸憂深血清睚錦綢籠下養繡裹牧羊羗艸秀上公

容菴辛卯集

五言排律

秉

第馳鳴內殿廊登庸接武制舉盛飛揚國老投琳闕官
娥媚教坊心孤渾却步身賤苦寒裳閉戶邊螺蚌當途讓
驢驢年華從冉冉情態只悵悵

自昔先王聖恭惟列辟良賢思盡朋黨中外悉資職早潦
無虛歲指流有絕肱門開言路閉城破吏催賑竹樹巢鷗
燕藻蕪育刺蝗兵驕增敵國王吝撤邊防士氣憐波靡民
生幕灰土崩垂閭越甌脫阻瀟湘朽矣奸諛骨悲哉社
稷殤積骸腥艸木彈指腐疆場

正 依窮島嶼殘燄北郭冠裳箕子國

用朝鮮獨衣冠如故

四鄉拜表趨沙漠偏安到海航鴻飛雖冥冥蛇虺亦洋洋

髮短重遮額衣寬辦急裝墓田修丙舍雞角把童桑黃犢

朝翻靄青猿王元之暮壓漿見花酒名樹木客篇篇香錫珠

娘小艇衝纖鷺枯筇按夕陽蓮汀金纂纂永澗玉鐫鐫

好署五湖長相承十資章農師敦約束社叟訂災祥

通侯貴憑教謗口猖烟雲須變滅怪異已彷徨溪漲雷

峽陰霾鬼嘯梁拍提魚驚洶跳坎蛤蛙張秦帝誰三

遷卜未央侶樵應予汝曠遁且孤將但使餘糠粃笑煩問

穹蒼愁霖聲滿耳浩歎撫藜林

零巷辛卯集 五言排律 堯

七言律 愚兵齋梅花

瘦石長松伴我閒竹梢低亞見西山已教身似蟄蟲蟄安

得心如頑石頑萬木長號風掠地一隱清影月窺關浩歌

聲落艸堂外驚絕仙姝玉鍊顏

初夏卽事

漲溪水下折千輪礫篋花開直萬緝翠滴蜀酸高士颯諸葛

花紅呈楚舞細腰身虞美人拔刀砍案聊生色掃地焚香類

婦人愁殺腐儒相聚歎朝來米價倍前春

浦口沙平綠似茵刺桐蒨爛白於銀枯棹帆鼓千牛力耕夫

新以帆車出水回蠻觸兵爭兩國民自汲花磁養嬰栗欲

窮春水到峨岷意行萬里知何益惆悵悵峨峨七尺身

練花風起祀蠶神魚眼湯成茗事新幼婦多垂採桑手寓

公初試墨紗巾眼明秀潑千峰雨睡足春消九陌塵兀兀

坐愁無一可舉杯不飲飲旁人

載鴨歸來理釣緝柳根艇子出枯薪簪簪挂壁烹私蛤簞

笠橫窓砍細鱗婦典漁菴沉綠網兒司蟹斷沒青蘋背蓬

舴舺如相借便擬移家與結隣

零巷辛卯集 七言律 早

閉閣清眠已十旬故投野寺小途巡獻花童子威儀肅踞

榻蒲僧器鉢貧霽後山容渾欲動風前鷗態澹無倫放歌

又踞殘陽去樹色氤氳起綠塵

痴燕梁間細語頻乳鳩屋角試啼新羽蟲捕子闔風雨饑

客携兒傍廩困坐閱兔巢空復狡自憐龍性不勝馴映簷

互舉先朝事遺逸誰書我輩人

疾雷破柱火封輪陣雨橫空矢注銀繡閣幾回驚暴客詩

田何限輟耕人北山猿鶴空譏切東海魚龍定苦辛冉冉

素雲流九格閑知應見我倍情親

卽今無復新亭淚
況乃神州戮力人
瓜蔓水深蛟鼉窟
野瘴起虎狼羣
時兩歲受兵
荷鉏谷口騎青兕
弭節山頭駕玉麟
會遣幽茨倚蒼壁
好花娛此不貴身

高齋

高齋無緒思難收
掠鬢涼風卒未休
空翠欲流山雨裏
紅可念海棠秋
繁音杳渺勞纖指
倦玉頰唐擬醉侯
倚檻數峰差磊落
急須清嘯到峰頭

薄寒

薄寒淒緊成歸計
猶向閒庭妮雜花
米盡故裘塵質屋
酒

容菴辛卯集

七言律

望

聞稚子暗思家
干戈乍掩休云福
科舉紛然特可
莫遣衰燈照秋夢
墜魂容易隔天涯

中秋

雨洗秋空玉一輪
夜涼小慰不羈人
星芒盡沒深深碧
雲氣初開澹澹鱗
可惜光華遍清照
那禁歌哭太無倫
覆杯兀坐知何意
好是樽前現在身

晴

畜眼中秋秋事清
斷雲吹雨如空明
擁燄敗絮慚見子
闔上廬屬俊英
且免禾頭生兩耳
是日甲子
寧爲雞口抱孤情

小開悵快新晴色
雁度青天萬里行

九日同社東莊卽事

矮屋深藏苦竹岡
石臺淨訖共移牀
瓏禾籬豆村村色
烏柏丹楓葉葉光
居士安禪初解脫
指張季賓
吾儕充隱絕清狂
人言此日休虛擲
況是干戈未戢鋌

獵獵西風雲疾馳
衝雲披艸到清池
倚鉏淺揖幽人蔭
抱硯前驅穉子奇
擬挿芳枝無好髮
肯容小戶有空卮
相携莫漫登高去
原上蘼蕪動我悲

五言絕

容菴辛卯集

七言律

望

幽蘭

奪汝烟霞窟從予
几硯閒不妨長吐
氣氣味本相關

雨霽

亂雨春暗生
雨收春亦去
雲烟迷望眼
柔腸無斷處
步步踏殷雷
牀牀移屋漏
綠淨芳艸原
萬里潑濃秀
放鴿一鈴語
掩書孤磬殘
今朝風日麗
特地倚檻看
歸雲舞山頭
翩如鶴鶴盤
顛風亦奇偉
掃此積雨寒
四月望後月
色皎甚今年
所未有

春月如處子
重障不得看
應借仙人鶴
風雷頂上觀

一春無好月入夏使如秋素面雲中墮相看更不羞

何人挽銀河洗爾水晶闕白光如波翻可泛亦可沒

卷盡浮空雲玉錢弄曉隙大星自收芒瑟瑟無窮碧

涼月卽中秋

此東坡語

解人何處覓數聲聲裂宵冥前溪起長笛

庭樹轉清影妙于生色畫高柳看懸珠水絲月中挂

夏夜

磊落孤桐樹中來鵲影雙空齋正惆悵螢火欲穿牕

七言絕

題畫

時庭前玉蘭敗于雨

客菴辛卯集

五言絕

墨

春寒漠漠雨沉沉玉樹庭前冷不禁如許好花天不惜却

教呵手寫寒林

苦雨

簷花不及瓶花壽今雨何如舊雨酸夜滴聲清成獨坐短

檠幽砌看波瀾

雙鷁相將抱子忙寓公坐歎值兒荒有花無命差相似一

月心情哭海棠

俗爲有子無食曰兒荒

門外滿頭駕鼓車聽前雨脚欲吞渠春江正爾淋漓甚若

比春愁還不如

魚龍拓國幾千里桃李成塵又一年雲淡日穿花影弄片

時奇事却譁然

黃桑瑟縮水侵扉白雨空濛布穀飛一點不蒙稽古力異

書借得又忘歸

吾愛吾狂不易裁晚寒料峭又生哀小桃獨向東風泣似

要詩人珍重來

醉別

翠燭犀卮玉頰紅一樽遠過石尤風莫言醉別差容易酒

醒相思倍惱公

客菴辛卯集

七言絕

墨

辛卯冬月若上襍懷

裊裊風寒吐繡絨陰陰簾幕撲春蟲儂身一似長門女薄

命曾塗紅守官

簷曝青溫不數綿層頭檢破又殘年千橈共是輪租艇一

倍思歸少個船

江上青瑤盡日嘶牆陰凍玉未成泥水仙花伴人無緒惜

聽風搖鎮幕犀

消受香光到鵬梅山茶欲吐火齊來一雙銀蒜風欺得寸

便開簾見玉頤

情緣漸薄似春水宿世曾參南北能自笑凍雲無遠思叮
嚀慚負福嚴僧福嚴寺僧祖機石殊邀余結制以病不果

松栢進門沁水涯宜文章曾是誤恩私敬酬法乳知何日

一瓣香應有嫡嗣先生嘗言他日文場中當讓出一頭地甚規此言也

無方得却幽憂疾有淚空沾未嫁衣天上不爲貧子計圖

教鵝龜作團飛

風花大作兔毛雨簷滴清爭方響泉屈指平生二三子傷

心一點短檠前聞呂李臣集世

跡掃何須待一餐杜詩一飯跡便掃故人傾倒似蘇端憂難永命

容菴辛卯集

七言絕

星

私愁我又破貧交藥裏錢

臨頓詩如琴筑清十年青字講聲形傾城不嫁非無以天

遊鶴人得目成閩湘人精字學有和皮陸臨頓詩極佳

跋

期幼時侍家大人竊見與薦紳長者品隔鼎革以來伏處
諸生中而氣節文章嶄然不汚者屈指不多得恒以外伯
祖容菴孫先生爲稱首時雖聞之而未曉暢其意嗣後十
二三於書文有所省入制義之外學爲歌章得容菴詩
集伏而讀之見其指趣沈遠詞句古宕而忠孝慷慨之氣
溢於言表然未能窺其奧而發其蘊則又茫然自失如依
培塿而望泰華憑澆澗而睹滄溟也今年春舅氏永修讀
書齋中因詳請先生軼事與當時著述舅氏惻悵久之曰
子欲知先生之爲人乎先生之梗槩詳於呂君晚邨墓誌
中而其他散見于知交之詩與文亦彰彰可數若四明之

跋一

陸君符黃君梨洲晦木暨錢塘之卓方水珂月桐鄉張君
考夫諸先生各有論次然不若讀先生之文益知先生制
行之高與立言之雄也試略舉之先生生而穎異日數行
下於書無所不讀受知于虞山錢宗伯稱其文有岱山父
子及近日歸震川之風向邑中無有知詩者自先生倡之
至今風流爲獨盛而尤遶于理學不岐不倚故其持身應
世一以聖賢爲法設遇于時大其流爲而鼓其休明寧讓
昌黎諸公哉第以年未四泰早謝世去抱長沙汨羅之痛
知與不知無不惜之若天假之年制作之富學術之精又
曷可量耶期亟請其文而謾之誠有如錢宗伯所云蓋博
取諸子大家之神以成一家言而根抵理道見解超越固

非淺儒所得而測者若夫慨然自命不浮沉于世直與淵明勿安激昂千古嗚呼其不可及也歟獨怪未嘗鑒解以播諸海內豈名山之藏別有待耶舅氏曰先君之詩頗邑中諸公與君上閱子念修之力刊于順治之戊戌已亥間流傳者不數本時下鮮有知者而文集百有餘首以貧故珍之敝簾中迄今四十年矣每一披覽輒為痛心子能成之先君之藉是以傳者為不虛矣昔歐陽忠公於數百年後讀韓子之文不勝神契為之哀集闕略攷訂序大卒之名與之埒而大凡古來英豪有所著述往往需之後賢事固有不相謀而興起者在識與力耳曷遜美焉期曰唯唯非敢踵武前賢也閔之不朽之業天固不得而閔之壁

跋二

內之藏有時而出井中之面有時而開譬之豐城劍氣立圖積玉光怪陸離誰能掩其飛騰哉因彙而刻之分為上

下卷時

康熙壬申臘月旬有五日也甥孫許自期謹識



容菴詩集十卷辛卯集一卷

浙江巡撫採進本

國朝孫爽撰爽字子度錢塘人集中有嘉禾哭冢辛寶摩徐公詩寶摩徐石麒字則爽為

國初人所謂辛卯集者順治八年作也其詩刻於學古亦剽於用意而摹擬雕鑿之痕俱不能化此本不知何人所抄每卷或僅三四首非出刪節即由綴拾亦非其完本也



ZW 21181888575347